






12-18-184.








Digitized by the Internet Archive  
in 2016

<https://archive.org/details/homochristianusi00segn>





H O M O  
CHRISTIANUS  
IN SUA LEGE INSTITUTUS.



Serva Mandata Matth. 19

Quod boni faciam, ut ha-  
beat vitam eternam.



# H O M O CHRISTIANUS

IN SUA LEGE INSTITUTUS.

S I V E

DISCURSUS MORALES

Q U I B U S

TOTUM HOMINIS CHRISTIANI OFFICIUM EXPLICATUR;

Quidque is fugere, quid agere debeat,  
quàm exactissimè traditur.

AUTHORE

R. P. PAULO SEGNERI  
SOCIETATIS JESU.

Liber & Pastoribus Animarum summè utilis, & privatae  
Cujuslibet lectioni apprimè deserviens.

Editio quinta Latina, priore multò emendatior & Authoris  
non ita pridem vitâ functi Elogio auctior.

*Addita, prater Indicem Rerum, Tabula,*

Quæ docent, quis quolibet Dominico, aut Festo per annum die Discursus  
ad dicendum pro Concione serviat.

PARS PRIMA.

*Cum Gratia & Privilegio Sacrae Casareae Majestatis, & Facultate Superiorum.*

\*\*\*\*\*

AUGUSTÆ Vindelicorum & DILINGÆ,

Sumptibus JOANNIS CASPARI BENCARD, Viduæ & Consort.

ANNO MD CC XXXVII.











CELSISSIMO AC REVERENDISSIMO

S. R. I. PRINCIPI

Ac

DOMINO, DOMINO

MARQUARDO  
RUDOLPHO


EPISCOPO

CONSTANTIENSI

DOMINO AUGIÆ MAJORIS

ET OENINGÆ &c.

Celsissime, Reverendissime Princeps ac Domine,  
Domine Clementissime

X quo primùm negotiationem librariam aggressus sum, id mihi semper animo propositum fuit, neres singulari Dei munere mortalium Reipublicæ concessa, qualem esse artem Typographicam nemo sapiens dubitaverit, meo vitio cuiquam obesset: id od certò futurum erat, si libri æternis tenebris dignissimi, eorum typorum maleficio, potius, quàm beneficio, lucem viderent. Quam tamen nocentissimam artem multi, prò do-! factitant, & lucrum ex aliorum pernicië, & sempiterna idem iniquissimum utique, venantur. Tantam impietatem, &

# E P I S T O L A

facrilegam nundinationem, quantum par est, perosus, in id magnis conatibus incubui, ut nihil mea ex officina unquam prodiret, nisi quod esset honestissimum; nihil inquam, nisi quod aut puræ castæque Musæ elucubrâssent, aut quod ad ipsum DEUM, finemque ultimum, libenter ab unica sua felicitate ceteroquin deviaturas Mortalium mentes, rectissimâ deduceret; & jucundissimis simul, ac innocentissimis illecebris ad omnem virtutem, ac vitæ sanctimoniam pelliceret.

Neque verò à scopo me aberrâsse existimo: cùm meis typis plures jam decadas, & tantum non centuriæ, librorum excusæ, sinceræ utilitatis, non tantum nostræ Germanicæ, sed alis quoque nationibus, quas Latini Idiomatis peritia pulcherrimo quodam fœdere jungit, attulerint. Ex omni autem magnorum etiam voluminum, numero, nescio, an ex ullis à multo tempore plus in Rempublicam Christianam redundârit emolumentum, quàm ex iis, quos Italico Idiomate vir Eruditione, Sacrâ Eloquentiâ, & juvandarum Animarum ardentissimo studio, multis Principibus, & illi maximè, qui hodie Universam Ecclesiam sapientissimè, sanctissimèque moderatur, Principum Principi carissimus, vulgavit; & quos vel nostro, vel latino sermone loquentes, alii boni communis studiosi, reddidere. Horum ego cùm plures ante hac edidissem, plurimâsq; ac maximas eorum lectitatione utilitates allatas abunde cognovissem, adhunc quoque, qui præ manibus est, cum Germanis nostris, aliisque latinè scientibus communicandum, animum adjeci; & tandem, quæ DEI Bonitas est, etsi non absque maximis meis laboribus & molestiis, quæ inter conandum (mali utique

Dæmo-



# NUNCUPATORIA.

Dæmonis invidiâ) aliæ ex aliis identidem nascebantur, affectus sum.

Hoc autem quid libri sit, quantum ex eo utilitatis in publicum emanaturum videatur, non alio quàm tuo, Princeps Sapientissime, calculo, an veriùs Oraculo; affirmandum mihi judico. Eum enim Reverendissima Celsitudo Tua frequenti, iteratàque lectione sibi fecit planè familiarem; neque tot inter, non de Dicecesi tantùm amplissima, & inter omnes Europæas, quod quidem ego sciam, vastissimâ, curas; sed inter gravissimas etiam, quas tempora nostra planè misera, & tot annorum atroci bello invectæ calamitates postulant, sollicitudines, alienum à se duxit, hunc, blandiri nescium, etsi Authoris sui tantùm linguâ loqui doctum, crebrò audire monitorem. Quæ quidem res an in majorem tanti Principis, an verò Authoris commendationem, ac laudem cedat, non facilè dixerim; cedit certè in maximam utriusque. Principis quidem, quia quisquis tantâ rerum agendarum mole obrui se non patitur, quò minùs sibi quoque vacet, & iis; quæ meliorem reddere ipsùm met possint, constantem det operam, næ illum & absolutæ omnibus numeris virtutis ac sanctimonix, & quod virtute Principum, siquâ re aliâ, maximè nititur, boni communis oportet esse studiosissimum. Hæc autem est brevis quidem, sed clarissima laudum in Principe omnium atque encomiorum synopsis. Talis enim qui sit, non potest profectò non esse optimus: siquidem tam bonus quisque est, quantum esse conatur; nec tam refugæ, & amari perosæ virtutes sunt, ut tergum obvertant amplexum paranti: cùm ergo, qui ita nego-

# E P I S T O L A

tiis se gravissimis commodat, ut sui nunquam sit immemor, haud dubiè conetur esse optimus, talis quoque sit necesse est. Authoris porrò, & libri laus utique summa est, à Sapientissimo Principe, imò Principe Sapientum, ex innumeris & præstantissimis ita deligi, ut unus ipse potissimum audiatur, unus propè ipse in manibus & oculis habeatur.

Hæc verò cùm ita sint, neque Tibi, Celsissime & Reverendissime Princeps, nec cuiquam alteri mirum videri poterit, quòd Tua potissimum in fronte libri hujus spectentur Insignia (quæ cognomines Celsitudini Tuæ Reverendissimæ Heroes stipant, hinc S. MARQUARDUS Episcopus Martyr, inde Rudolphus I. Imperator Augustissimus) Tuum legator nomen, Tibi, verbo, sacrum dicatunque librum ipsum ignotus ego velim. Cui enim potius offerantur dona, quam cui certò videantur placitura? cui libri, nisi illi, qui unicè desideret, eos à quamplurimis volvi, revolvique; & quem prior ipse invenerit, eum aliis quoque communem fieri thesaurum? Eo certè ex bonorum genere libri sunt, quæ cùm evadunt plurimorum, ita tamen locupletant singulos, ut nihil cuiquam ex aliorum communione decedat. Invidus omninò foret, & boni communis osor acerrimus, qui non, ne ipse privetur, sed ut alii careant, magni boni notitiam privatam vellet esse, non publicam. Hoc à vitio, tam turpi, tamque indigno, cùm Reverendissima Celsitudo Tua absit longissimè; cumq; ipsa nihil cupiat ardentius, quàm ut qui sibi Pastori crediti sunt, pinguissimis pabulis pascantur, & pascant; utriq; autem huic fini liber iste, siquis alius aptissimè serviat; nihil etiam desiderabit vehementius, quàm

ut



# NUNCUPATORIA.

ut illo, tum alii innumeri, tum ii præcipuè, qui maximo numero per latissimè porrectam Diœcesin animas pascendi curam suscepêre, sic utantur, sic fruuntur, ut inde plurimum utilitatis in oves omnes dimanet. Quod cùm ad hanc diem, ob ignotum plerisque idioma non licuerit, ut æquissimis tanti Principis votis obsecundaret, latinè loqui didicit, sicque omnium oculis ejus velut manibus offerri gestit.

Sic scribebam, cùm primùm Liber iste novo sub habitu in lucem prodiret. Non fefellit me spes, sed tanti Principis encomio commendatus, & suâ ipse præstantiâ non invisus, brevi temporis spatio à tam multis expetitus, fructu tam multiplici, in sacris maximè Asceteriis, lectus est, ut, ne communi bono deesset, denuo illum prælo subjicere coactus sim; in hoc tamen sibi dissimilem, quòd nunc non paucis mendis sublatis rectiùs pluribus loqui didicerit. Nolebat autem is etiam hoc sub schemate in alias priùs venire manus, quàm in illas, à quibus tantum antea pretii & æstimationis illi accesserat: non dubia spe, se nunc quoque tanti Principis oculis non displiciturum; & si his placuisset, fatis istâ suâ sorte compluribus aliis fore commendandum.

Ita explicatis libri hujus Reverendissimæ Celsitudini Tuæ etiam altera hac vice, nuncupandi causis, nolo deinceps laudibus ejus commemorandis esse molestus. Eorum, Princeps Clementissime, es paucorum è numero, qui malunt facere laudanda, quàm, quæ fecerint, audire, aut legere laudata. Satis est, quòd tuam illam Sapientiam, rerum agendarum summam peritiam, in providendo solertiam, in admini-

b

strando

# EPISTOLA NUNCUPATORIA.

strando industriam, omnibus, nullâ suarum utilitatum ratione habitâ, commodandi perpetuum studium, in egenos beneficentiam, in DEum pietatem, honorisque Ejus promovendi ardentissimam voluntatem, verbo, decora omnia, quæ Ordinis Ecclesiastici Principem ornant, non Dioecesis magis tibi carissima, quàm tota Germania, totum Imperium, & quos nunc cum Imperio arctissima connectunt fœdera, ament, venerentur, admirentur. Ego tandem aliud pro me nihil opto, quàm ut talis tantusque Princeps juvet conatus, faveat studiis, probet industriam meam, qui suas tantum res agentium, suæ studentium, quieti exosus vilitatem atque ignaviam, id quibus possum modis curo, ut typorum meorum beneficio in Germaniam, quin orbem universum, ex libris pulcherrimis in lucem datis, utilitates & commoda redundent infinita: quæ si me fors beat, profitebor æternum

Reverendissimæ Celsitudinis Tuæ  
Honori ac Nomini

*Clientem & Servum postremum, addictissimumque*

Joannem Casparum Bencard.



P R Æ F A T I O.

*INTERPRETIS AD PASTORES ANIMARUM.*

**V**estro, vestrarumque ovium bono, Virorum lectissimi, liber hic, postquam Italica, jam per aliquot annos fatigavit praela, latine loqui doctus, in lucem prodit. Vestrum est, commissos greges pascere doctrinâ, pascere exemplis, pascere Sacramentis; si rectè vestri muneris partes his paucis Angelicus Doctor complexus est. Postrema duo quomodo ritè faciatis, tum alii multi, tum quem non post multos menses, si DEUS conatibus nostris adfuerit, hi ipsi typi excudent, liber ejusdem Authoris docebit. Prius illud, quomodo rectissimè, & summo creditarum Animarum bono præstetis, ex hoc, quod in manibus est, triplici volumine præclare discetis. At hoc denique, non deerunt, qui dicant, est actum agere: cum & aliàs, & ultimis maximè his lustris, optimorum Authorum præstantissima ex typographicis officinis, hujus etiam, qui istud obtrudit, Bibliopolæ, prodierint opera, quibus, quod hoc pollicetur, cumulatissimè efficitur. Sunt ad manum Dissertationes, Sermones, Conciones in Dominicos, in festos Divis Coelitibus, & Sacros altissimis nostræ Religionis Mysteriis dies; magnâ eloquentiâ, suavi facundiâ, methodo ad animos permovendos aptissimâ scriptæ tam multæ, tamque insignes, ut inopes propè nos copia faciat. His autem quid docetur aliud, quàm Christiani hominis officium? quàm, quid sequi ille, quid fugere debeat? Hoc ergo, & nihil aliud, cum liber iste polliceatur, an non, ut diximus actum agit?

Audio hæc; sed non probo; quod bonâ vestrâ veniâ fiat, Pastores optimi. Nam imprimis, si tam multorum, tam multæ lectissimæ extant Conciones, & quos appellant, Discursus, quidni tam multos inter, his quoque locus sit? Non alia semper, etiam quos habetis, alii dicunt, sed aliter; & alius huic, alius alteri præplacet: quidni & multos sit invenire, quoniam non omnes leguntur ab omnibus, qui omissis aliis hunc deligant, hujus doctrinam, hujus methodum amplectantur? sicut post plurimos, qui Conciones ac Sermones in quadraginta verni Jejunii dies ediderant, haud pauci tamen inventi sunt, quibus nostri potissimum Pauli Sermones probarentur, eos lectitarent, inde Audientibus salutaria monita proferrent, torpentes animos vehementer excitarent. Quidni sortem eandem Discursus

sus isti sibi promittant; maximè ex quo Europa jam didicit, qualem DEus Paulum huic nostræ ætati indulserit? Plurimos utique, antequam Petri Cathedralam ascenderet, nobilissimos Oratores audierat Innocentius XII. Sanctissimus Pontifex & Pastorum Pastor: non alium tamen ille, quam Senem hunc nostrum, non uno certoquin ætatis provectæ incommodo laborantem, frustrâque se excusare ornatum, audire Apostolicis è rostris voluit? quidni eodem, quo Sapientissimus hic Monarcha, multi & judicio, & gustu sint? Si Italîs, qui fermè hebeti palato esse non solent, nec pingui Minervâ, aut obsis naribus, sic tamen liber iste placuit, ut plura, quod dicebam, inter eos præla fatigaret; an Germanorum, aut aliorum eis Appennium, qui tamen peregrina fermè suis, & domi natis, præhabent, non idem erit sensus, non eadem æstimatio?

Sed missa ista facio, etsi procul dubio sufficiunt ad ea, quæ objecistis, refellenda. Istud edicite. Si tantum est eorum librorum, qui Christiani hominis totum officium docent, quâ sit, ut istud passim tam multi ignorent, tam pauci faciant? quâ sit, ut cum nonnulli aliquos ex his Discursibus, vix dum latinè loqui doctis, legunt, confestim admirabundi exclament: cur talia à nostris Concionatoribus non audimus? quâ sit, ut quos his in partibus Ecclesiæ è gremio Hæresis abstraxit, errores suos, quàm vera multi è nostris Dogmata, calleant accuratiùs, apparentibus rationum firmamentis stabilire nòrint solertiùs? An quia vos populum alloqui, superiore è loco vestroserudire negligitis? Effet id enim verò partem muneris vestri præstantissimam non implere: cuius ego vos sceleris arguere nec volo, nec audeo: si quis uspiam talis effet, huic aurem non lentè vellicaret Paulus noster Parænesi, quam parti hujus operis tertiæ annexuit. Sed quod inter Italos non valde rarum est, in hoc Germani nostri, quæ est Sacrorum Magistratuum vigilantia, non sæpe delinquant. Ut autem hæc à noxâ plerosque purgare non est difficile, ita asserere, quòd in materiæ delectu, tractandi methodo, eloquendi ratione, nunquam, aut rarò peccent, effet operæ longè difficillimæ & nimis crebrâ experienciâ evidenter confutatum.

Istud faciliùs dixerim: multos non suâ voluntate, sed alieno ductu delinquere; dum non quos eligunt (hoc enim neque judicio multi sunt, ut inter apta, inepta, aptè distinguant; neque ita libris nonnulli abundant, ut delectui locus sit) sed in quos vel sorte non bonâ, vel aliorum imperitorum judi-



judicio, inciderunt, Authoribus ad suas Conciones elaborandas utuntur, aut etiam eorum ferè verba Auditoribus adnumerant. Sunt autem, ut res loquitur, profectò non pauci, qui vera dicere non audent; necessaria vel non attingunt, vel obiter prætervolant; utilia rarò inculcant; salutaria ignavè omittunt, peregrina, curiosa, studiosè confectantur. Aut cùm dicunt utilia, dicunt inutiliter; vel quia non ad captum audientium, vel quia alienà à loco, & gesticulatorià dicendi ratione, chachinnos, non lachrymas provocant audientium, & tum sibi belli, ac quolibet umbone digni Oratores videntur, cùm effuso risu Tempia personant, & domum, qui intererant, fuerunt, unde in circulis jocentur, & rideant, non unde meliores fiant. O erubescendam sacra pulpita profanantium fatuitatem! Quid interest inter mutos, & inter loquentes, quæ, & quomodo non oportet? quid inter nullum ministrantes pabulum, & inter præbentes nihil profuturum? Sanè utroque modo fame pereunt, quibus frangere panem sacros Pastores decet. Quàm multis ad ravim declamantibus occini illud Bilbilitani posset? *Si sudare aliter non potes, est aliud*: aut illud Sapientis, (a) *Quid prodest illis, nisi labor?*

O Pastores animarum! qui voluit & jussit, ut ad commissos curæ vestræ greges concionabundi diceretis, idem jussit, ut quæ, & quomodo dicenda sunt, diceretis: nec enim aliàs, qui unicè spectatur, obtineretur finis, & ad dicendum tantum fallendi temporis, populique oblectandi causâ, non Tempia, non sacra Pulpita, sed Theatra constructa sunt. Illuc ergo amandate, qui ridere malunt, quàm flere; potius jocos & ineptias audire, quàm ad seriam de admissis pœnitudinem excitari; discere noxia, quàm profutura. Vos autem (ita per salutem & vestram, & vestræ curæ creditarum ovium oro atque obtestor) audientibus proponite vera sine fūco, necessaria diligenter & enucleatè; salutaria piè & suaviter; omnia tam graviter & modestè, ut nemo non agnoscat, vos tractare verbum DEI. Hoc autem (meam obligo fidem) certò assequemini, si ducem & Magistrum Paulum hunc secuti & quæ, & quo modo ipse hoc in volumine tractat tractare non piguerit. Et quamquam graviter ille ac seriò, ut res postulat, dicit omnia, non tamen suis dictioni deest lepos, non ea desiderantur, quæ ad libenter audiendum suæ salutis cupidos alliciant, & sanctè pièque oblectent.

Invenietis hinc similitudines & multas, & ad rem propositam explicandam appositissimas; quarum proprium est non explicare tantum obscura, sed etiam audientes oblectare. Invenietis exempla, quæ vel invitos, quo vultis, trahant: ut eorum vis & jucunditas est planè singularis. Neque Authoris stylus tam aut inamœnus aut asper est, ut offendere quemquam possit; etsi redundantibus ornamentis, & res tam sacras de honestantibus pigmentis abstinet, rudiorum etiam captui sese studiosè accommodans. Ea autem tractat, quæ si vestri noverint omnia, nihil utique ignoraturi sunt eorum, quæ vel necessaria sint, vel profutura. Unde sine anxietà, multa aliundè conquirendi, sollicitudine, vestro Pastorum officio satis omnino faciētis, si hoc, quod isto libro subministratur, vestras tam curas Deo, & tanto emptas pretio oves, pabulo sedulò pascere non omiseritis; vel eo singula ordine proponendo, quo ipse proponit; vel quem temporum dierumque, quibus dicendum est, ratio vobis dictaverit.

Atqui hoc ipsum est, dicet non nemo, quod in hoc Authore desidero; quod ille non in Dominicos, non in festos Sancti Coelitus dies Discursus suos partiatur. Si proinde horum dierum aliquod dicendum fuerit, unde demum hinc promam, quod tempori, quod ejus diei Evangelicæ historiæ, aut parabolæ accommodatum sit? Næ iste, qui sic arguit, rudis est artis concionandi, & in rem suam vertendi quæ alios in fines videntur esse destinata. Hoc ut re ipsa demonstrem, Dominicam diem accipio, post quam ista scribo, estque illa, quam Septuagesimam Ecclesia appellat, quæque ex Evangelico codice legi jubet Parabolam de vocatis in Vineam, & mercedem æqualem post tempus laboris inæquale accipientibus. Nihilne hoc in volumine, quod hunc in diem quadret? Quid ergo? An non eorum verborum occasione: *quid hic statis tota die otiosi?* otii damna & mala proponere licebit, hæc autem quæ sint, pluribus hujus voluminis locis, in Indice verbo *Otium*, nullo negotio invenire licebit. An non occasione eorum, quæ de industriâ hujus patrisfamilias, primo mane exeuntis ad conducendos Operarios in vineam suam, dicuntur; rectè differetur de negligentia, quâ multi res Animæ curant, cum tam naviter negotiis, rerum caducarum intendunt? Quærat proinde in Indice verbum *Anima*, & mox indicabitur locus, quo de dolendâ hâc socordiâ agitur. Aut cum tam multi, in foro & ipsi stantes, conducti tamen non fuerint, an malè de numero parvo Electorum,

ma-



maiore autem Reproborum agetur? An de Gloriæ cœlestis magnitudine, quæ parvo sæpe tempore laborantibus in præmium datur, afferre, quæ hoc libro dicuntur, non licebit? Percurrat proin solas Discursuum, qui singulis libris continentur, tabulas, qui volet nunquam sibi deesse, quod aptum sit tempori; volvat & revolvat sæpius, toti operi adjunctos Indices, & si bardus non est nunquam desiderabit, quod appositè ad rem tempusque proferat.

Et si proinde vituperari haud quaquam posset, qui, in pagis maximè; eo omnia ordine diceret, quo hoc volumine disceptantur, qui tamen, vel suo, vel aliorum levando fastidio, moribus hodiernis servire maluerit, videat, quâ de virtute, vel vitio agatur in ejus diei Evangelio; & tum ex libro nostro depromat, quod ad rem aptum, si tantillum ipsum sibi fecerit familiarum, certò certius inveniet. Experto credant: cùm essem subinde alicubi, ubi alii libri non aderant, quam hic, quem mecum detuleram, nunquam tamen defuit, quod etiam curioso auditori satisfaceret. Et verò ut vel minùs peritos, vel pluribus occupatos hoc quærendi labore levarem, Tabulas ipse concinnavi, quæ quid quovis die ac tempore aptè proponi possit, veluti intento digito demonstrent. Has qui consulere volet, ad operis calcem reperiet.


Sed Italus est Author, & ad eos scribit, qui vitiis laborant, quibus Germani non assuevère. Rectius igitur Germanis utemur, qui suorum Gentilium mores ut nôrunt familiarius, ita iis medentur certius. Aliàs pronum esset contingere, tam non ad rem, & ad audientium utilitatem multa proferri, quàm ridiculè non nemo rusticanis mulierculis vestium luxum, & illa, volucrumne magis, an hominum retia ac laqueos? quibus hodie nobiliores foeminæ capiti impositis superbiunt, multis severè exprobravit. Non diffiteor, esse nonnulla, quæ illis, quos Author alloquitur, propè solis aptè proponantur, & exaggerentur: prudens tamen quilibet his facile abstinabit, aut ea sic moderabitur, ne frustra & abs re ad suos dicta videantur. Omnes tandem Nationes suos patiuntur peculiare manes: aliqui tamen, & plerique quidem, omnes vexant & singulas; etsi plus minùsve: certè non alia Itali, alia Germani peccata Catecheticis suis in libris Capitalia enumerant; nec virtutes, his oppositas, diversas. Non erit igitur sapienti difficile, videre quid, quibus serviat: qui autem tam nullo est judicio, ut apta ab ineptis discernere nesciat, nã illi omnium Authorum tractatione abstinendum erit; quia nullus est, qui habeat, quæ omnibus, & ubique sint idonea. Pueris ista

non scribuntur; sed viris, quorum maturior ætas ac judicium eos tam facile in rerum delectu errare non sinat

Ad hoc autem quid reponam, quòd longiores hujus operis Dissertationes sint, quàm quæ unius integræ, ne dicam dimidiatæ, horæ spatio absolvi possint? Quæ, quæso, lex jubet totas recitare? an fortè dividere illas non licet, tanquam impartibiles? Author ipse nunc duas, nunc tres in partes secat: quidni nunc hanc, nunc illam proferre concessum sit, si omnes eloqui temporis præscriptum spatium, aut patientia audientium non permittat? Et verò hoc ipsum cunctis suadeo, ne totos uno, eodémque tempore Discursus; sed nunc hanc, nunc illam singulorum partem; nunc hæc, nunc illa rationum momenta, quibus proposita materia, aut assertio stabilitur, in medium afferant; ut unâ eadémque operâ & suorum fastidium caveant, & sibi alias in occasiones aliquid servant; atque ita diutiùs hoc libro utantur, donec velut in orbem redeuntes, jam pridem auditorum memoriam obliviosis refricent.

Ceterùm cum in hac secunda editione id mihi esset propositum, ut Opus totum sibi quàm simillimum, & eodem scilicet calamo latinè redditum prodiret, id tamen & librum hunc à D. Bibliopola, importunè propè dixerim, exigentium aviditas, & occupationes meæ multæ simul ac molestæ non permiserunt. Multa tamen aliter reddidi, multa ad Italici Exemplaris fidem emendavi; ut adeò liber hic modo se ipso non paulò melior prodeat; suo etiam tempore, si ita res poscere videbitur, totum se uno vultu, & similibus planè lineamentis legentium oculis oblaturus. Interim hanc etiam meam opellam boni consulite, & alia Authoris nostri opera à me latinè reddenda expectate. Ut autem vos non lateat, quis qualisque Author hic noster fuerit, en Epistolam, ab Arcanorum ejus conscio, & Expeditionem sacrarum socio individuo, mox à tanti Viri morte scriptam. Hujus enim Lectione spero fore, ut Operis hujus æstimatio in vobis & pretium crescat; cum visuri sitis, non contentum Paulum nostrum, præclarè dicere & scribere, strenuè etiam fecisse, quòd Major DEI gloria ab eo postulare videbatur. Quod studium utinam DEus in me perinde ac vobis sic deinceps accendat, ut aliud planè spectemus nihil, & sanctis DEI promovendæ conatibus immoriamur. Sic precatur omnium vestrùm minimus in Christo servus.





Exemplar Literarum, quas de virtutibus  
**P. PAULI SEGNERI**

Ad P. Rectorem Collegii Florentini dedit  
**P. JOANNES PETRUS PINAMONTIUS &c.**

*Reverende in Christo Pater.*

**I**N magna, quàm his diebus, morte P. Pauli Segneri, (a) passus sum, jacturâ, certò sibi persuadeat Reverentia vestra, nihil mihi majori esse Solatio, quàm vivam virtutum ejus memoriam. Et quia non dubito, quin etiam in Reverentiam vestram magna pars hujus mei sensûs ac doloris redundârit, conabor efficere, ut Solatii quoque mei consors fiat. Scribam proinde illa quàm possum paucissimis nonnulla memoria digna, quæ de Viro hoc Apostolico mihi nunc in mentem veniunt. Ubi autem has meas legerit, placeat Reverentiæ vestræ eas offerre Magnati illi, (b) cui obsequendi & obtemperandi studio potissimum ad ipsas Scribendas impulsus sum.

Sub annum igitur 1662, aut certè 63. cum P. Paulus statis per annum concionibus habendis Perusii operam daret, ad octiduanam pro more Solitudinem se recepit. In hac, non satis memini quam in Meditatione, audivit intus sibi loquentem DEUM, eo locutionis genere, quod totum quodammodo hominis animum liquefacit, promptumque ac facilem reddit ad executioni mandandum, quidquid DEUS de ipso facere decrevit, magnisque omnino gratis ab eodem recipiendis idoneum efficit: *Anima mea liquefacta est, ut Dilectus locutus est.* Fuit autem hæc DEI vox: *Volo, ut amemus invicem.* Et fuisse hanc DEI vocem, res ipsa monstravit. Pater enim ab eo monumento mutatus est in virum alterum, & ex laudatæ vitæ Religioso, qualis quidem semper fuerat, dici potest mutatus in Sanctum. Aliam mox, sublimioremque vivendi rationem aggressus, ad quinque rem omnem capita revocavit: *Paupertatem, solitudinis amorem* (Italicè Ritiramento) *Orationem, Penitentiam, Examina.* Et ne horum animi decretorum unquam subiret oblivio, initialibus harum virtutum literis in unam vocolam prope collectis, in Scheda illam, suâ exaratam manu, conspicuo sui cubiculi loco affixit, quin quisquam, quid ea sibi vellet, assequeretur; ipse verò inde ad constantiam in bene cœptis stimularetur. Subinde ad rem ipsam aggressus, subtraxit sibi quidquid po-

c

terat,

(a) 9. Dec. h. an. (b) Ser. Duc. Hetruvia intelligit.

## *Authoris non ita pridem*

tērat, removendo ē cubiculo, quidquid aliquo modo minū necessarium videbatur, Libros, imagines, & quæ alia erant ejus generis, ne iis quidem retentis, quæ alius necessaria judicasset ad itinera, quæ ipse quotannis faciebat ad urbes sæpè non parū remotas, tum cū maximè hiems sæviebat. Circa hanc virtutem præclaris quibusdam sensis fuit imbutus; & nemini illum sæpè sub illa initia de his mecum differere. Hunc paupertatis Spiritum identidem in se denuo excitare consuevit, atque idcirco licet virorum principium gratiæ ac favoribus tanto tempore uteretur, in rem tamen inde suam tam parum convertit, ut mortuus nec eam quidem in cubiculo suppellectilem reliquerit, quæ postremo cuique ex Sacerdotum nostrorum ordine conveniret.

Ad Orationem quod spectat, Domum ejus planè singulare habere cœpit, & intelligere arcanos quosdam, ac sublimes sensus locorum Divinæ Scripturæ, nec non profunda Mysteriorum Fidei, prout nunc hæc, nunc illa contemplabatur. Atque hinc propriâ doctus experientiâ, & eximiâ luce collustratus ea scripsit, quæ Orbis legit; & idoneus fuit, qui sanctiore Magisterio animas duceret & erudiret, quas præstanti quodam orationis dono præditas tam in sacris Familiis, quàm alibi offendit.

Ad Pœnitentias, & proprii corporis cruciamenta quod attinet, jam tum ab animi sui Arbitrio facultatem perijt tam multis sese divexandi, quàm multa ipse prudenter æstimare se ferre posse sine jactura & detrimento virium, necessarium ad munus suum rectè obeundum. Atque hæc facultate impetratâ plurimis & acerrimis se excruciare cœpit, de quibus plura postea dicenda erunt.

Ut autem ea, quæ circa solitudinis studium, & severum actionum suarum omnium, ac diligens Examen instituerat, exequeretur, legendis Sanctorum gestis se impendit, multas quotidie horas ei lectioni dare solitus. Et verò ex hac dici potest hausisse magnam partem Scientiæ Spiritus, quam & omni vita, & in libris lucem datis, & in ducendis regendisque animabus, in virtutum studio valdè vectis, ostendit. Hanc vitæ rationem tenuit anno uno, aut uno cum dimidio circiter, aptumque se reddidit ad magna pro DEI sui gloria gerenda, quæ deinceps reipsa gessit. Anno 1664. quantum nemini, accensus est ingenti desiderio impendendi se excursionibus Apostolicis, eoque exeunte obtigit mihi beata, etsi nec satis à me cognita, nec promerita fors, in aliquot ejusmodi Excursionibus sociam illi operam navandi in Diœcesi Aretina: & cū anno mox consecuto huic tam sancto Ministerio Superiores illum constanter obeundo destinassent, me laborum ab iis Socium petiit; atque ex eo tempore ad annum usque 1691. qui postremus ejusmodi Excursionum fuit, illi individuus adhæsi; quibus tamen ipse non nisi cum vita finem facere constituerat. Atque hoc etiam ex capite permolestus illi accidit favor ac gratia, ceteroquin tanti æstimanda, quâ dignatus eum est Pontifex Maximus, dum eum ad coram se pro Concione dicendum evocavit, & cū vel maximè tanti Principis gratiâ floreret, gratius illi accidere nihil potuisset, quàm si ad Missiones illas suas  
redire



## *vitâ sancti Elogium*

redire permetteretur; ut sæpius mihi testatus est, sanctâ quadam invidiâ felicem meam sortem, quâ prosequi cœpta possem, extollens. Tot igitur annorum decursu, cum præclara virtutum exempla in eo sum admiratus, brevitatis studio ad tres potissimum virtutes illa revocabo, ad Asperitatum Studium, Castitatem, atque animi Demissionem.

Atque illa quidem se excrucianti voluntas singularis admodum fuit, & ingeniosa, in aliis itendidem aliisque modis excogitandis; cum semper prioribus novos adderet ad extremos usque vitæ suæ dies. Si itinerum id ratio permittebat, nullâ ferè non die sæpius in se flagris animadvertebat, præter solitas illas in Sactis Excursionibus sui diverberationes. Postremis vitæ annis ter se de die cædebat; mane, post meridiem, vesperi: & contigit non semel hic Romæ, ut cum missô famulo ad se eum Pontifex vocaret, Janitor illi imperia suæ Sanctitatis confestim significare non posset; nam præterquam quòd audiendi facultate esset hebetiore, suo illo verberum strepitu faciebat, ut fortius etiam januam pulsantis Janitoris sonitum non perciperet. Inter cædendum magno animi sensu recitabat, iterabatque partem Threnodiæ illius, *Dies illa initium* ducendo verbis: *Rex tremendæ Majestatis*, usque ad illa, *grece curam mei finis*: Sic, ut inter repetita hæc verba duo millia iæctuum sibi infligeret, eumque etiam numerum certis in occasionibus excederet. Nonnunquam sanguinem sibi eliciebat, aciculas, aut stellulas flagris infigendo: quin & solito flagrorum genere ad sanguinem usque nonnunquam se diverberabat: ut tamen hæc instrumenta non tam facile attererentur, aut sanguine imbuerentur, liquefactæ illa ceræ immergebat, eaque re utrumque hoc consequeretur.

Nec satis illi erat, si suâ ipse in se tantum manu, & non levi brachio animadverteret, sed cum occasio loci solitarii permetteret, & fidum quempiam nactus esset, crudeliter se cædi jubebat; & quidem lecticæ alicujus columnæ alligatum, ut propius Christum Servatorem in suis cruciatibus imitaretur; aut manibus in tergum revinctis, rei instar ad virgarum supplicium condemnari: & cum subinde in aliquem incidisset aut minus humanum, aut ejus votis abunde respondere cupientem, eo usque cæsus est, dum eum vires ad porrò ferendum deficerent. Hac sui diverberandi ratione, sed ad sanguinem usque, utebatur initio suarum Excursionum, cum pervicaciorem quempiam à vindicta sumenda abstrahere volebat; ejusmodi enim homine secretiorem in locum abducto, nudabat humeros, & se pro eo pœnas luere velle asseribat: & verò vix unquam accidit, ut non illi, sanguine viso emolliri, cessare juberent, ac cogerent à tam crudeli lanienâ, seque ad omnia promptos paratosque offerrent. Horum è numero aliquis cum diu passus esset eum in se sævire, & sanguine abundè perfundi, cum tandem manus dedisset, acerbè postea doluit, & veniam suæ duritiei sæpius efflagitavit, ab ejus latere in Missione illa vix unquam amplius se divelli passus. Alius quispiam, cujus obstinatus animus flecti non potuit, frustratus viri & conatum & charitatem, carò videtur duritiam hanc deinde suam luisse, non diu enim post de homicidio suspectus, & conjectus in vin-

cula, ipso in carcere animam exhalavit inexpectatus, cum contumaciter Sacerdoti delicta aperire abuisset. Deinceps cum hæc humerorum laniena ineptum redderet ad se cum aliis in Missionibus lamellis ferreis diverberandum, hanc invenit rationem, ut pluribus aculeis super quoddam exasperaret, & aperto pectore tamdiu se tunderet, dum expugnaret, quos ea, qua dixi, causâ se vocabat. Plura hujus generis instrumenta à Viri more superfluere, unum præcipue, quo sub ultimos dies uti consueverat, cruore undique infectum. Hac eadem se afflictiandi ratione etiam extra Missionum tempus usus est, cum sæpe ante suffixi in crucem Christi imaginem provolutas in genua pectus ac brachia laceraret, ad veniam noxarum petendam, & doloris sensum acerbiorum in se excitandum. Quin & in ultima Missionum supplicatione aliquot annorum spatio ejusmodi instrumento usus est, donec Placentiæ, gravi invaletudine oppresso, ejus deinceps usu tam crebro interdiceretur, cum Medici ejus valetudini nimis quam noxium pronuntiassent, octavo quoque die tantum profundere cruoris, quantum in ejusmodi occasionibus fundebat.

LECTO etiam inde ab illa vitæ in melius commutatione, usus est tam duro, ut extra Missionum tempus nudus semper asseribus incubaret, usque ad postremum vitæ annum, quo hinc Romæ ob exhaustas jam vires illi suavis, imò imperatum fuit, ut culcitram uteretur. Cum autem Missionibus occasio non esset hoc rigore utendi, solitus est diu stramini incubare: sed quia ii, apud quos divertebat, multum laborabant, ut saccos pro stramine nitidos invenirent, cessit etiam hoc dissuadenti. Alias horridum letis pannum linteis lecticariis internebat: sed cum ista strati asperitas somnum illi, reparandis viribus necessarium, tolleret, necesse illi fuit etiam ejus usum intermittere.

Quatuordecim anni sunt, quantum quidem memini, quod extra Missionum tempus interulis lineis non est usus; sed eorum loco rudi se & aspero panno involvebat, quali Agafones uti solent ad jumentorum onera tegenda: hic cum usu attritus, & minis jam hispidus esset, alium illi recentem asperiorémque substituebat: unde à Viri morte tres ejusmodi intimæ vestes inventæ sunt, quæ totum ad genua usque tegebant, demptis brachiis, quæ, qualibet anni tempestate solâ consuetâ ex materia subtiliore veste tegebat.

Hæc asperitatis ratio tanta erat in P. Paulo admirabilior, quod is naturâ frigoris valde intolerans erat: adeo ut fidenter mihi aperuerit, cum post illa severioris vitæ Perusii initia primo manè se diu diverberasset, lacrymas præ acerrimi sensus vehementiâ tenere non potuisse, cum frigidam subuculam corpori denuo injiceret. Vicit se tamen ea in re usque adeo, ut noctu densis in nivibus se volutaret: credo id ab eo factitatum sæpius, in Collegii tamen Placentini atrio id factum certò scio, sic etiam, cum acerrimè sæviret hiems à peracto maximè Sacro, sese cubiculo alicui includebat, ibique detractis vestibus nudus ac tremens suorum, ut ipse loquebatur, gravissimorum delictorum veniam à DEO demissimè, lacrymis ubertim manibus, exposcebat.



## *vitâ functi Elogium.*

Et quia soliti ac usitati carnem malè habendi modi ejus desiderio non faciebant satis, cum in Sanctis cujuspiam viri historia legisset, solitum illum, totam corporis molem fune circa brachia complicato suspendere, inde ab anno septuagesimo quinto Seculi hoc se tormento discruciare cœpit, ex fune, quo dictum est modo, tamdiu tota corporis mole pendulus, quoad animus & vires ferendo dolori suppetebat. Funnium ejusmodi aliqui in ejus cubiculi certo angulo à morte inventi sunt. Eodem se corpusque suum divexandi studio sollicitus est ex facibus propè consumptis residua frustra, aut plures collectas in fascem candelas accendere, & ceram inde stillantem nudis carnibus excipere, adurendo sic diversas corporis partes doloris sensu acerrimo. Etiam harum facum aut candelarum, quas jam olim à me inventas deinceps occultare consueverat, aliquas à morte reliquias reperii. Hactenus tamen tam fortunatus non fui, ut pannorum eorum aliquem invenirem, quibus manantem è plagis inflictis sanguinem abstergebat: hos enim sollicitè abjicere solitus est, ne inde alii innoticiam ejus rigoris venirent, quo se tractabat.

In omnium porro oculos incurrit illa Viri durities, quâ nudis pedibus Excursionibus suas obibat. Sed non perinde omnino oculis patebat, quanti hæc doloris esset materies. Neceffe enim imprimis fuit, multum non raro viarum emetiri, solo pruina undique tecto, hieme per nives & glaciem, & hac ipsâ anni tempestate vado superare frigidissimos in montibus torrentes. Sed etsi abessent ista, sic nudipedem incedere, molestissimum illi erat, nec unquam, ut fassus ipse mihi est, usu & assuetudine reddebatur tolerabilius: cum esset mole corporis non modica, & crebrò iter haberet per vias alpestres, minutis lapillis instratas, nullus non passus novi cruciatûs materiam præbebat; sic ut ægrè tum milliare unum Italicum horæ spatio emetiretur. Nihilominus ubi primum ad locum Missionis appellebat, obliis doloris, quem exantlat, quærebat quo loco aptè sub dio, ut solebat, verba faceret, cæteraque omnia, quæ ad rem facerent, præparabat. Hac ratione iter faciendi videor mihi posse dicere, quòd annis singulis quadraginta milliaria emensus sit, sex illorum mensium spatio, quos Excursionibus dabat. Et quamquam non perinde asperæ ubique essent semitæ, nullibi tamen non multum molestiæ, ut dicebam, exhauriebat. Ad hunc nudis pedibus incedendi modum impulsu interno vehementi agi se sensit jam inde à principio vitæ melioris, ut & Christum Servatorem, & Apostolos, sanctumque Franciscum Xaverium imitaretur. Hinc etsi primis quatuor Excursionum suarum Apostolicarum annis, itinere emenso calceos indueret, subinde tamen, ob illud, quod ex ea incedendi ratione sentiebat, animi Solatium ac fructum, si excalceatus incedebat, quamdiu durabant Missiones. Quin ut morem istum nequidem Missionum laboribus perfunctus poneret, jam inde à quindecim annis, quantum conjicere possum, tibialibus nunquam est usus, sed hieme tota solis calceis ita confectis, ut non pedem tantum, sed & aliquam tibiæ partem tegerent, id quod in iis apparet, qui moriendi superfuere.

Cæterum in Collegia ab Excursionibus reversum tam non indulgebat quieti &

otio.



otio, ut plus ferè tum laboris exantlaret, non tantùm ob horas bene multas, quas literarum studiis dabat, quin unquam prodiret domo, nisi cùm res prosceret, sed quia quotannis ferè novum quoddam se discutiendi genus excogitabat, quod prioribus suppliciis adderet: præter cruciculam ligneam, sex velut clavis armatam, quam aculeis introrsum versis inde à Principio gestabat; & præter cingula aut festosa, aut cuspidibus ferreis horrida, quibus latera cingebat, postremis annis, undecim ejusmodi cinguli è filis ferreis partibus circumdabat latera, brachia, coxendices, locis pluribus. Hinc quæ à morte inventa sunt in cubiculo, longitudine triginta quinque cum dimidio palmos adæquant, nec simplici tantùm, sed multiplici ordine extenduntur, sic ut qui numerum aculeorum iniverunt, invenerint ter mille octingentos.

Certò denique mihi constat, quòd impulsus hoc se divexandi studio nudum se in spinis volutârît, sanguine ubertim ex lacera cute promanante: scio autem hoc eum fecisse, cùm nos recepissimus ad vacandum annuæ solitudini in claustrum Carthusiæ Lucensis, ubi singulas nobis cellas Reverendi illi Patres attribuerant: ipse autem ad finem quem dixi, usus est sæpe rosarum, quæ erat in ejus hortulo. Quin existimo, id eum sæpius actitasse: nam & alio anno in idem nos Cœnobium ad vacandum sacris illis Exercitationibus contulimus; ubi opportunitatem erat nactus iteratò se his spinarum aculeis lacerandi. Neque enim in ejusmodi actionibus semel duntaxat peractis acquiescebat.

Nihil equidem ambigo, quin Reverentia Vestra pro sua prudentia, tam ipsi propria, suis momentis æstimatione sit hanc tam duram & horridam P. Pauli vivendi rationem, ad ultimum usque senium semper exasperatam: Oro tamen, quæsoque, ut Reverentia Vestra animum advertere velit ad hoc, quod hic vivendi rigor conjunctus fuerit cum indefesso scribendi lucubrandique studio. Unde paucos profectò invenire erit in utroque hoc genere ipsi comparandos. Nam vel inter Sanctissimos rari sunt, qui cum S. Hieronymo librum cum saxo amplexi sint, sic ut, cùm una manu scriberent, alterâ se diverberarent.

Neque verò quisquam sibi persuadeat, non magno labore stetisse Patri Paulo Opera, quæ typis excudi curavit. Dempstis iis libris, quos scripsit de Oratione, in quibus ipsi prona fluebant omnia, sicut quem primum ea de materia scripsit, totum quinque duntaxat hebdomadarum spatio elucubrârît; cùm, ut subinde mihi affirmavit, videretur sibi in eo elucubrando ferri agique ab alio: & sæpe, cùm temerè aut S. Augustini, aut S. Thomæ librorum aliquem aperuisset, quæ quærebat, sua se sponte quodammodo offerre credi poterant: his, inquam, libris demptis, alios magno adhibito conatu & industriâ elaborabat, obviis quibusque haud quaquam contentus, lituras inducebat, & crebrò revocabat ad limam, quæ exarabat, ut videre est in chartis, quæ supersunt: & sanè aliter fieri non poterat, in quo ipsum usum cernimus, stylo & scribendi ratione.

Ut ut autem non parùm admiranda fuerit hæc in corpus sævities conjuncta cura

## *vita sancti Elogium.*

cum perpetua mentis agitatione, hanc tamen præ omnibus in P. Paulo non sum admiratus. Quod me in majorem hoc in genere admirationem, rapuit, fuit ille Spiritus, illa animi contentio, quibus poenalia hæc sua opera animabat: in his enim sensibili quadam lætitiâ exultare videbatur; sic ut inter tot Personas eximiæ virtutis, quas bene multas aut in sacris claustris, aut in Excursionibus offendi intimè mihi perspectas, non invenerim plures duabus, quæ P. Paulo hoc in genere comparari possent: siquidem cum eo de ejusmodi cruciamentis colloqui, & earum aliquod præbere specimen, erat ipsi offerre magnæ oblectationis & exultationis materiem: & hunc ad finem memini me aliquando ex eo audire, quòd si quis reperiât animos ingenti sui divexandi desiderio accensos, non rectè facere animi Arbitrum, qui permittere nolit, ut omni cruciatuum genere se affligant, lædendæ valetudinis metu, cum plus sanitas eorum patiatur, si freno fervor cohibeatur.

Altera, quæ mihi admirationi semper fuit in P. Paulo virtus, fuit Castimonia Angelica. Quando illi primùm comes adhæsi, agebat ætatis annum circiter quadragesimum, corpore, si unquam, vegeto ac robusto, affabilis, blandus, animo ad miserandum amandùmque tenero ac proclivi: & talem omnino postulabant excursionibus illæ, in quibus agendum erat cum cujusvis sortis hominibus, & inter hos cum foeminis nobilibus, quæ se magni admodum ipsum æstimare demonstrabant, nec rarò intima animorum ipsi credebant, & consiliis ejus dirigi optabant; præterea postremo Missionis die, cum post ductam supplicationem bene cunctis Sacerdos ritu solenni precatus esset, ipsæ ferè omnes hærebant diutius de rebus animæ cum eo acturæ: in his tamen & similibus occasionibus non videbatur Pater ex eo, quo cæteri mortaliū, limo concretus: hæc enim plena cæteroquin periculo objecta tam non imponebant ipsi pugnandi luctandique necessitatem, ut viderentur potius non offerre se ejus animo cum iis, quibus eorum proprium est imaginibus & phantasmatis. Memini ex ipso audire, cum diceret; sibi, cum foeminas intueretur ad omnem venustatem exultas, illud in mentem venire: ô quàm gratum hic sexus DEO sacrificium faceret, si ejus impulsus amore cunctas has, quibus capitur, ineptias ac vanitates contemneret! In eo sum, ut credam, cum naturæ beneficio tam sine sensu esse non potuerit, tum ipsi præstans hoc puritatis domum à DEO collatum fuisse, cum iis, quibus dixi: Exercitiis vacasset, & majori conatu se contemplandi studio dare cœpisset, sicque divinis illis favoribus ac solatiis, quibus abundat, inescatus, alto fastidio nausebat, quidquid carnem duntaxat afficit & oblectat, affectus eam agendam libertatem, quæ tantopere necessaria est, & conveniens Apostolico Ministerio ac functionibus, quibus tantum reliquæ ætatis erat impenfurus.

Tertia denique virtus, quam præ reliquis in P. Paulo semper admiratus sum & obstupui, fuit singularis illa animi demissio, quâ seriò sibi persuaserat, magnum se peccatorem esse, talémque se intimè agnoscebat; licèt Societatem ingressus esset nondum expleto anno ætatis decimo quarto, & piè admodum ac innocenter Ro-



## *Authoris non ita pridem.*

miāno in Seminario esset educatus. Unde cū Mundo nuntium remiserit prius, quā illum nōset, arduum illi non fuit, religioso in statu innocentiam illam suam ad extremum quendam virtutis gradum promovere. Atque hinc factum est, ut quidquid honoris ac reverentiæ ipsi, ejusque virtuti tot locis exhibitum est, penitus non adhæresceret, perinde sanè ac si destituta omni sensu statua fuisset. Imò vel hinc majoris abjectionis materiam arripiebat, his me crebrò verbis, intimo animi sensu prolatis, allocutus: *O si me nossent! Heu quo me rubore suffundi necesse erit extremo illo Mundi judicandi die! Pater Piamonti, Reverentia vestra scit, quis sim.* Et cum dicto, alium ingemiscebat. Hoc eodem instinctu actus, varias se demittendi abjiciendique occasiones avidè arripiebat. Jubeat sæpius caput, collum ac faciem pedibus calcari, additis etiam conviciis. In Collegio quopiam, quod aliquamdiu incoluit, cum eum constanter morem teneret, ad postremum hunc usque vitæ annum, ut diu ante alios è strato se proriperet ad vacandum Orationi, & sui divexandi studio, ibat dein ad excitandum è somno fratrem aliquem adiutorem domesticum, cui multum tribuebat, quique ipse etiam maturius solebat è strato se proripere: hujus pedibus crebra figebat oscula, & varie se coram illo abjiciebat.

Verum quia sincera demissio ipsis honoribus magis, quā abjectione & contemptu probatur, dicendum erit paucis, quo tandem honorum genere profecuti Virum sint homines; ut appareat, cujus sortis fuerit in mediis his honoribus ejus demissio. Igitur inde à principio, ex quo Excursiones sacras modo illo suo, quem primus invenisse dici potest, obivit, non alio nomine, aut titulo vulgo magis cognitus erat, quā Patris Sancti. Procumbebant in genua populi, qua transibat; purgabant vias, quibus ad eos erat accessurus, scopis everrendo sordes ad plura sæpe milliaria, impendendo eam in rem præcedentis noctis horas, floribus etiam non semel sparsis. Appellum dein turmatim circumdabant, idque curabant sollicitè, ut aliquid ex ejus reculis sibi vindicarent, panis Verbi causâ reliquias, quas dein ægris pro alexipharmaco ingenti cum fiducia præbebant. Felicem se reputabat, quisquis numismatum, quæ distribuebat, aliquod esset actus: & quia lusorum singulis, qui afferent folia, sponderentque se deinceps à lusu temperaturos, unum aliquod dabat, multi, qui vix foliorum eorum usum norant, ea afferebant, ut pro iis simile Numisma referrent. Corona è spinis, quā in supplicationibus, quibus Missiones claudabantur, capiti impositam gestabat, non solum multò ante semper petebatur ab aliquo Sacerdotum, qui illum adjuvabant, sed non rarò jurgiis anam præbuit, cum illam plures simul peterent. Communissima ferme numerandi temporis ratio erat inde à Missione ab illo alicubi obitā, cū Matres e. gr. dicerent; Filiolus hoc meus natus est, eo anno, quo Pater Sanctus hic loci concionatus est: aut, natus est tot ab illa Missione annis. Hæc tanta P. Pauli æstimatio etiam in alios de Societate propagabatur sic ut cum duo, non multo post aliquam ejuscemodi Missionem peractam, Lucam irent, ut thermis uterentur, non pauci coram transeuntibus in genua se abjicerent. Discedentem è loco quopiam P. Paulum affectabantur plurimi inter lacry-

mas



## *vita sancti Elogium*

mas ingemiantes Deus scit, quando unquam ad nos revisuri sint Patres sancti: & hæc causâ multi non viri tantum, sed & feminæ ibant ad remotiora loca, ut denuo Patrem audirent, & bene sibi precantem viderent; sic ut templa, in quibus inopes mulieres divertebant, noctu plena essent; cum multas illæ horas orationi darent, ut sumptâ primo mane sacrâ Eucharistiâ meridiæ Benedicenti adessent. Neque his & similibus honoribus unâ tantum alterâve in Diœcesi illum afficiebant, sed quocunque pedem inferebat, idem mox omnium sensus, eadem viri æstimatio, eadem venerandi ratio erat; quod profectò admiratione non caruit, cum non rarò remotas in Provincias abiremus, ex Hetruria verbi gratiâ ad Lombardos profecti, nullis de adventu, aut modo alibi observato, nuntiis præmissis, Palmam autem in his præripuerunt cæteris, non rudiores, sed præ reliquis excultæ gentes, quas minùs externo hoc apparatu commovendas quis credidisset. Cum excurrendum Patri Paulo esset in Episcopatus, qui supra ac infra Genuam ad maris litus sunt, non defuere viri multâ prudentiâ, maturo judicio, usûque rerum, qui malè ominarentur ejus laboribus, parùmque fructûs sibi pollicerentur ex populis illis maritimis. Et tamen subinde non alibi majori cum animarum fructu obitæ Missiones sunt, nec sine admiratione observari potuit, quàm essent in eo auscultando attenti, quàm avidè ad eum alibi dicentem redirent, quamque fidenter ejus arbitrio causas suas permetterent. Hic plusquam alibi, non solum passim palàmque Patris sancti nomine compellabatur, verùm etiam ut talis habebatur; cum è dicentis ex altiore loco vestibus segmenta occultè rescinderent, & pro sacris Lipsanis servarent; sic, ut necesse fuerit, fidum aliquem tum temporis constituere, qui curam ejus gereret, arceretque importunos; cum itentidem aliàs aut novæ illi vestes dandæ essent, aut priores malè deformatæ, resarciendæ. Narravit mihi nobilissima quædam Matrona Genuensis; mulierem, domi suæ assiduam, attulisse involutum chartæ frustulum, aut segmentum vestis P. Pauli, cum dicto: Domina, hæc sunt Reliquiæ de sancto Patre, quarum partem aliquam tibi dabo, sed alteri præterea nemini: & tum frustillum heræ dedit. Nec plebis tantum hæc fuerunt studia; sed Nobilium quoque eorum maximè, quos singularis virtus commendabat; quos inter nullis concedunt Genuenses, qui in Excursionibus ab eo pedem non removebant, videbanturque satiari non posse ejus alloquio; quoque agebant cum eo frequentius, hoc de eo sentiebant honorificentius. Cum proinde summi, infimique ut hominem Cœlo quodammodo lapsum agnoscerent, & ut talem venerarentur, eò tandem ventum est, ut ultimo Excursionum circa Genuam die necesse esset aut P. Paulum militari vallare præsidio, aut testâ repositum in sella, quacunque res posceret, deportare; ut ibi cuncta ad supplex agmen deducendum necessaria pararet, & quo gerenda essent omnia ordine, præscriberet: id enim nisi fieret, tam densi illum confertique circumstabant, aut ad pedes osculo libandos prosternebantur in genua, aut religioso contactu manuum, aut Mariani rosarii sic illum implicabant ut promovere pedem vix posset, aut quæ agenda erant agere. In ipsa urbe Genua, etsi in

## *Authoris non ita pridem*

illa Missio non esset habita, cum ad Ducis Palatium evocatus esset, leſtica clauſa eò deportari debuit ad piam populi vim eludendam, ad Collegii januaſ opperientis, & Virum videre cupientis: nec enim aliàs peruenturus eò erat; cum vel ſua in leſtica clauſum, rem ſubodorari, ſequerentur, & obuiſ dicerent. En! intus eſt Pater ſanctus.

Ego tanto tempore horum oculatus teſtis tria maxima mecum tacitus perpendebam, quæ de ſolida veraque Patris Pauli virtute ambigere non ſinebant. Primum horum eſt, quòd cum Vir eſſet tantà doctriſnà, tantà in vulgus æſtimatione, uſuque rerum & experiſntià tantà; qualem illum magna Italiæ pars ſuſpexit in tot litibus ac diſſenſionibus, quas in Miſſionibus compoſuit, in quibus octo ſæpe dierum ſpatio non Authoritate tantum ſua, ſed conditionibus & pactis perquam opportunis ſuſtulit controverſias, quas multi longo ſæpe tempore fruſtra componere laboraverant: & ſermè pedem è ditione aliqua non ante efferebat, quam lites omnes ac jurgia ſuſtuliffet. Non obſtante tamen hâc tantà apud omnes Authoritate, tanto rerum uſu; quæ faciebant, ut paſſim ab aliis conſuleretur: ipſe viciffim in omnibus majoris momenti negotiis: ſibi diſſuſus, aliorum exquirebat conſilia; nec unius tantum alicujus, ſed plurium, ne à recti ſemita exerraret; ſolitus crebrò dicere, non alià ſe magis in re, quàm aliorum conſiliis, acquieſcere, illud Sapientis itendidem ingeminans. *Fili ſine conſilio nihil facias, & poſt factum non pœnitebis.* Hac ratione ſe extra erroris periculum conſtituebat; cum errare non poſſet, niſi errore culpæ experte, & judicio magis alieno, quam ſuo: voluntate quidem ſua tam æqui rectique amans erat, ut non videretur in quemquam poſſe eſſe injurius. Atque ita profundam ſuam manifeſtabat demiffionem, cum nemini minùs, quàm ſibi ipſi ſideret, nec ullo in negotio paulò magis arduo ſine alieno ductu progrediretur.

Alterum, quòd obſervare ſolitus ſum, hoc erat, quòd ille nihil unquam egerit, quo ſublimem populi de ſe, quam dicebam, opinionem auget; nec ſpecioſo quidèſ propagandæ DEI gloriæ prætextu ad quidquam horum induci ſe paſſus: ut tamen proum eratevenire. Quare ſi ipſe animum induxiſſet ad aquas in ægrorum uſum precibus adhibitis conſecrandas, & quæ ſunt alia ejusce generis ſancta, & in aliis laudata, non tantopere admirabilis eſſet alta de ipſo, & ejus virtute æſtimation: ſed ipſe ab his omni ſtudio refugiebat, & vix, nec niſi invitus admodum, Lipſanis S. Franciſci Xaverii eam in rem adhibitis, ægrotantibus bene precabatur: quin potiùs nonnulla, ex quibus ejus, ſaltem apud minùs cautos ac ſolertes, decreſceret æſtimation, palàm oſtentabat. Ita cum Nobilibus Genuæ ſeminis agens narravit, quàm ſplendide lautequè in illis circa urbem Miſſionibus eſſet habitus; quòdque plurimum omnino deberet humanitati illius viri Nobilis, qui in ſummis illis anni caloribus abundè de nivibus ipſi proſpexiſſet; penſi non habens, quòd ea narratione non parum decedere poſſet de illa, quàm de ejus aſpero ſe tractandi modo conceperant, opinione; cum tamen re ipſa aliud tum temporis, quàm aquam, vix biberet. Sed hæc ipſa aperta & ſuci expers agendi ratio apud unam aliquam; ſupra alias & prudentià, & ſolidà

virtute



## *vita functi Elogium.*

virtute eminentem, id tantum effecit, ut vel hoc ex capite aliùs de eo sentiret; cum adverteret, tam non id agere Virum, ut aliorum de se aleret iudicia, ut potiùs ea propalaret, ex quibus non parum de iis posset detrahi. Sic etiam eadè de causa, cum P. Paulus esset habitudine corporis valida ac robusta, & humorum temperie calida ac ignea, & præter longa, quæ peragrabat itinera; duas trèsvè horas magna contentione ad populum quotidie diceret, nihil ægriùs ferebat, quàm inedia: curæ tamen illi nequaquam fuit, indigentiam hanc suam aliis clam habere; nec metuebat, ne inde offenderentur, sed palàm ac liberè curabat, ut tantum cibi sumeret; quantum ad vires necessariis laboribus reparandas sufficere existimabat. Neque aut hoc aut simili in genere ulla arte, aut industria usus est ad imbecillitatem suam tegendam: & cum sæpius jamjam senescentem hortarentur aliqui, ne itinera nudis, aut omnino suis pedibus conficeret; sed cum longius ac difficilius esset iter, equo uteretur, tum ex eo descensurus; seque excalceaturus, cum prope locum Missioni destinatum venisset; hoc constanter reposuit. Avertat hanc à me DEUS hypocrisin totum iter aut calceatus, aut excalceatus conficiam. Ad hoc animum sui decretum reipsa confirmandum cum denique induci se passus est, ut ad arduum aliquem montem superandum jumento uteretur, inspectantibus omnibus illum conscendit, nec descendit antè, quàm destinatum ad locum appelleret. Quin non semel, cum nudis pedibus confecisset iter, ubi ad urbem aliquam ventum est, resumptis illam calceis ingrediebatur, siquidem illa Missioni obeunda tum non erat destinata. Neque recusandum censuit nonnunquam, quo minùs se jugi curru veheretur; id quod semel Genuæ; Mutinæ, Parmæ, & Faventiæ maximè contigit, ubi id illi honoris habuit Eminentissimus Cardinalis Rossetus, qui & ipse hanc agendi rationem non vulgaris esse virtutis agnovit, deque ea magna cum commendatione nostris Patribus locutus est.

Id tandem quod me impulit ad Magni admodum faciendam P. Pauli demissionem, est quod suprà innui, nunc autem pluribus explicabo. Nimirum quòd omnes isti honores, hæc tam constans, tam communis populorum per tringinta ferè annos æstimatio ac reverentia, exhibita ipsi à Personis præcipuis, fœminis & viris nobilissimis, Principibus, etiam supremis, efficere nunquam potuerit; ut ille paulo altiùs sentiret de se, sed ut potiùs in dies se magis abjiceret, & dum cuncti Patrem sanctum appellabant, & Typographi, eorùmq; institores, dum scriptos ab eo libros, & Sacra Cantica ac laudes, quæ Missionum initio decantabantur, vernalia offerebant, alta voce clamabant: *Cui placet emere Laudes Patris Sancti*: ille, cum hæc intelligeret, ne tantillum quidem afficeretur, aut moveretur; nisi tantum adeò increpandos, & ab eo, quod agebant, impediendos, haud aliter, quàm si de nescio, quo alio tractaretur. Nascebantur hæc ex profunda sui cognitione, in suo nihilo fundata, & erratis suis; qua motus sæpius ex me lacrymis perfusus quærere erat solitus: *Pater an tandem salutem consequar?* Cum Deo autem loquens crebrò illud usurpabat: *Cum veneris iudicare, noli me commendare.* Et cum hoc de



## *Authoris non ita pridem vitâ functi Elogium.*

se judicio ac sensu in lingua mortuus dici potest, siquidem hæ postremæ ejus fuerunt articulatim & distinctè prolata voces: *Abyssus Abyssum invocat: Abyssus Misericordiæ, invocat Abyssum Misericordiæ.* Hinc etiam cum in Missionibus eò delabebatur, ut se Peccatorem diceret, qui suis potissimum sceleribus fructum lacrarum earum Missionum impediret, currebant ubertim ex oculis lacrymæ, totûsque cohortescebat, & cum eo quotquot audiebant & spectabant flentem cum Cruci affixi DEI simulacro in manibus; si ut hoc solo spectaculo promptius, quàm quacunque concione, extorqueret ab auditoribus quidquid volebat. Neque in his tantum occasionibus publicis tenero sensu ad lacrymas movebatur, cum magnum se Peccatorem palam profitebatur, sed etiam nonnunquam cum mecum privatim super ea re sermonem miscebat: & prorsus mihi persuadeo, raro admodum inter sacrificandum, post prolata illa verba: *Domine non sum dignus sacram, quam appellamus, Patenam lacrymis non irrigasse:* unde ego ex indiciis, quæ remanebant, cum post eum ad sacrificandum accederem, nullo negotio dignoscebam, quo ille Calice, quâve Patena in Sacro faciendo esset usus.

Cuncta hac sæpius animo reputata, inde à principio me induxerunt, ut crederem Patrem Paulum esse hominem virtute singulari, nec dissimilia verò esse nonnulla miraculis affinia, quæ de ipso narrabantur; aliqua si quidem, ut dispulsi morbi & sanitates recuperatæ, à viris etiam Religiosis & Sacerdotibus prudentibus recensebantur; & præterea fiducia illa ingens, quam de eo vulgo conceperant, vix dubitari potest, quin effectum naturæ viribus majorem aliquando produxerit; & cum præterea locis diversis æquè ac remotis communi velut consensu ejusmodi beneficia narrent, non videntur cuncti, etsi alii de aliis scirent nihil, in figmentis tantum recensendis convenire potuisse.

Atque hæc est brevis narratio eorum, quæ obiter tantum cogitanti in mentem venerunt, de virtutibus S. Pauli, Reverentiæ vestræ manibus Magnati illi tradenda. Volebam esse brevior; sed rerum copia ac suavitas longius me abripuit. Oret interim pro me, ut à morte rectius utar Exemplis ab hoc Viro relictis, quàm iis usus sum dum cum superstitite agebam. Atque his demissæ Reverentiæ vestram veneror. Romæ 13. Decembris 1694.

Reverentiæ vestræ

*Indignus in Christo Servus*

Jo. Petrus Pinamontius.

# AUTHORIS IPSIUS AD LECTORES ALLOCUTIO.

*Qua operis hujus finem, & methodum à se observatam  
explicat.*



Uo cibo Mater, eodemmet tenella etiam ejus soboles nutritur, quo tamen Mater solido pascitur, ut profit soboli, in lactis succum liquescat necesse est. Non est proinde, quod miretur Lector, si hoc, quem præ manibus habet, eodem libro, & Pastores ipsos Animarum pascere ( absit verbo invidia ) & creditas eorundem curæ Animas alere constitui. Quamquam enim harum compluribus, tenelli, & lactenti proli non dissimilibus, durior, nec iis alendis aptus cibus videbitur; meminisse tamen oportet, Pastores earum Matrum fungi officio, ad quas spectat, eum in mollem lactis succum convertere: multâ, inquam, sedulâque meditatione, quidquid hîc legerint, sic in suam vertere substantiam, ut postmodum non magno labore, etsi non parvâ charitate, in animos ignorantium derivent.

Siquod proinde his foliis pretium, gemino illa servire usui poterunt. Primus est, si Pastor, qui ex his arriserit, Discursum seu Dissertationem attentâ mente legerit, mandaritque memoriæ, de quibus in ea agitur, veritates; rationum momenta, quibus istæ adstruuntur, probè perceperit; subinde autem, ut sponsa salubri liquore probè imbuta planèque ebria, facili negotio expressum in Audientes diffundat. Qui quidem usus & optimus, & à me præcipuè spectatus est. Alter minùs quidem, sed non omninò inutilis erit; aut ad Aram, populo obversus, aut superiore è loco partem aliquam Dissertationis cujuslibet Parochus legat, exponat, sicque pluribus verbis explicet, ut etiam hebetiores, quod lectum est, intelligant. Erit sanè hoc, frangere panem Parvulis, non ætate, sed intellectu, qui, utpote dentibus destituti, præmandere eum non valent; & quanquam id, quod dicitur, totum audiant, non tamen partitiones, non transitiones, non allata rebus firmandis argumenta distinguunt; hoc autem non intellecto, nihil intelligitur. Legere autem tantùm altâ voce Discursum, ut illum Liber exhibet, id profectò



## ALLOCUTIO.

esset quidem dare parvulis panem, sed integrum: eâque re ad amariores lacrymas eum movere, qui quæritur, etsi non desit hodie Ecclesiæ Parvulis panis, deesse tamen, qui frangat (a) *Parvuli perierunt panem, & non erat, qui frangeret eis.* Si quis tamen Pastorum eâ esset ignaviâ, nescio ipsine magis, an ovibus detrimentosâ, ut aliquid ex obvia, aut selecta Dissertatione legisse contentus, verbum de suo non adderet; etsi ille partes officii sui non impleret, non tamen omni laboris qualiscunque fructu esset cariturus. Si enim non semel fugientem jam ægri animam solus sistere panis odor potuit; & tamdiu morari, dum aptior cibus vires repararet, quidni in re etiam nostra accidere idem possit, ut quamvis tardiores aliqui, crassioresque parùm ex lectis intelligant, illud ipsum modicum tamen vitam eorum tantisper servet, donec aptiore, magisque ad eorum palatum faciente escâ reficiantur.

Operis titulus est: *Homo Christianus in sua lege institutus*; hoc enim est, quod spectat: Instituire vult Christi assecclam, ac docere, non tam quid credere, quàm quid agere debeat. Prius illud summa cum laude, cumulâtque jam præstiterunt insignes viri in Catecheticis suis Institutionibus, magno Provinciarum assensu exceptis: amplior ad alterum relictus est campus. Atque in hoc longius excurrere mihi visum est: cum pridem observâsem, non debere quemquam, qui animarum curam admiseit, sibi persuadere; satis fecisse muneri, si tenero gregi sanctissimæ Religionis nostræ Dogmata explanârit, nisi etiam Præcepta, quæ servare oportet, adultioribus inculcârit. Quo autem istud modo? an sufficiet illa iterum iterumque recitâsse, aut verbis prævisse? minimè id quidem. Necessè omnino est, addere causas, quæ ad illa implenda moveant; addere media, quæ ad implenda juvent. Media, sine causis impellentibus, voluntatem ad finis assecutionem non excitant: Causæ sine mediis, non ostendunt, an is obtineri possit. Mediis ergo causas, & has illis hîc conjungere visum est.

Hac re factum est, ut tres in partes Liber totus partiendus esset, ita argumento ipso, quod tractamus, exposcente. Prima complectitur Præcepta, quibus Lex Christiana constituitur. Altera demonstrat immanem malitiam Peccati, quo illa violantur. Tertia suggerit Media, quibus violatio hæc aut caveri possit, aut saltem emendari.

Non placuit Dissertationem Dissertationi ita inectere, ut hæc illam necessario post se trahat, sed ut seorsim quælibet tractabilior esset; haud aliter ac moneta, tantò est ad usum promptior, quantò est minutior. Sed ne nexum quidem desiderabit, qui Dissertationes singulas perpenderit accuratius: etsi re ipsa illum facere, quàm ostentare maluerim. Et verò est hic, quem indico.

Id propositum Legibus est in Christiana Republica, efficere, ut homo Christianus rectè se habeat ad DEum, hujus Reipublicæ Principem; & ad Proximum,



## AD LECTORES.

ximum, ejus membrum: quo fiet, quisquis rectè se ad hunc utrumque habuerit, nec secum ipso malè se habere possit. Hinc parte prima, præmissis iis, quæ ad Verbum DEI, seu Sacras Conciones pertinent, sine quibus hæc Christianæ vitæ norma non addiscitur, initium ab illo duco, quo Christianus ab omnibus distinguitur, qui aliam Sectam profitentur, à veræ, inquam, Fide. Hæc autem, siquidem viva est, & non mortua, ac Fidei quodammodo simulacrum, nec Spe carere potest sociâ, nec Charitate: ostenditur proin Christiano, quâ ratione Fides verum finem ultimum manifestet; Spes verò ad illum tendat & anhelet; Charitas denique eidem adhærescat.

Hæc porro adhæsiō, quam intendit Charitas, non alio, quàm plenâ, perfectâque omnium DEI Præceptorum observatione absolvitur. (b) *Si diligitis me, mandata mea servate.* Accedimus proinde ad ista Præcepta, & ne latius vagemur per omnia, sistimus intra limites decem illorum, quæ in Monte Sina suo DEus ore tradidit, suo digito describit: ad hæc enim denique cetera reducuntur omnia. Illa siquidem vel Naturalia sunt, vel, ut loquitur, Positiva. Naturalia charactere indelebili mortalium omnium animis altissimè inscripta, duo illa sunt. *Quod tibi fieri nolis, ne feceris alteri. Quod fieri velis tibi, fac & alteri facias.* Atque hæc quidem, Angelici Doctoris sententiâ, (c) ita Decalogo continentur, *sicut Principia in Conclusionibus*, sic inquam, ut in frugibus semina, quæ apertis illis mox ipsa in se apparent. Positiva autem sunt, quæ ingenti multitudine à viris Sapientibus subinde sunt lata: hæc quoque Decalogo continentur omnia, longè tamen aliter, quàm altera Naturæ, & scilicet, *ut Conclusiones in Principiis*, ut fruges in seminibus, non in se, & reipsâ sed virtute tantum & efficientiâ, sic ut non nisi à peritis cognoscantur. Respondebunt igitur primæ Tabulæ Præceptis Dissertationes illæ, quæ ad id serviunt, idque spectant, ut homo ad DEum rectè se habeat: alterius autem Tabulæ Præceptis aliæ, quæ de ordine tractant, quo rectè se is ad alios homines habeat: ea autem serie se consequentur, quæ Mortalibus hodie Theologis familiaris est, quos duces hac in resum secutus.

Legem sequitur ejus violatio, quæ generatim, speciatimque considerari potest. Speciatim illam Parte prima suis ubique locis attendimus, quâ enim operâ de quovis præcepto ostenditur, quomodo impleatur, eâdem ostenditur, quo violetur. Generatim igitur adhuc perpendenda restabat, quod Parte secundâ facere conati sumus, quâ id maximè egimus, ut, tanta mortalium multitudo, quâ incogitantia, quâ inscitia peccans, tandem aliquando agnoscat, quanta sit Peccati gravis malitia: quod ipsum etiam cum duobus è capitibus cognoscatur, ex eo inquam, quod Peccatum in se est, & ex eo, quod est in effectis funestissimis; ut illud priore modo contempleremur, perpendimus, quomodo Deo,

## ALLOCUTIO

in quem vera propriâque injuria semper est, semetipso opponantur, ac repugnet: dein quàm immenso illud odio Deus prosequatur; quæ res non paucis sanè quàm utilibus Dissertationibus campum præbuit. Effecta autem ejus omnino funesta rimantibus, primò se obtulerunt bona maxima, quibus nos privat; mox mala ac damna, quæ infert gravissima. Et quia quidquid vel atrox, vel amabile, vel admirabile Gratia ordo complectitur, id omne ad Peccati extirpationem refertur; ex his quoque omnibus ea haurire conati sumus, quæ omnium animosâ Monstro hoc turpissimo vehementissimè alienent.

Quia autem sola tanti mali, quod ex Legis violatione nascitur, cognitio utilitatis afferret nihil, nisi & remedia ad manum essent, quibus tantam calamitatem evitare, aut si in eam incidere contigisset, ex eadem emergere liceret; hinc Parte tertiâ, primo quidem demonstratur, quanti inter sit post prævaricationem in misero illo statu moras nullas necere, multoque magis ad extrema vitæ momenta emendationem non differre; mox ad necessitatem, summamque Orationis utilitatem ostendendam transitur, quâ sine neque Dei Gratia obtinetur, neque sine Gratia quidquam sperari boni potest. Ab Oratione progredimur ad Sacramenta, tanquam certi, tantum generis peccatorum remedia, nunquam tanti æstimata, quanti æstimari summo jure digna sunt. Cum autem remediorum planè omnium, sive quæ cujusvis, sive quæ certi generis peccatis curandis serviunt, usus frustra sit, nisi quis illa caveat, quæ sua vi ac pellaciâ ad peccatum pertraxerunt; à Sacramentis ad agendum de pravis occasionibus progredimur, quæ omni conatu fugiendæ sunt, exque sigillatim proponuntur. Subinde postquam etiam de iis auxiliis actum est, quæ cum extra nos sint, plurimum tamen etiam ad salutem conferre possunt, è Cælo, nostræ æternæ felicitatis cupidissimo, subministrata, toti operi finis imponitur, de præparatione ad Mortem, quâ ad possidendum ultimum nostrum finem transimus, differendo: atque hæc totam Christiani hominis vitam complectitur, quæ si est; qualem oportet, tota est, ad mortem præparatio.

Hæc operis series, & partium nexus est. Non tamen ea severitate partitio ista servata, ut vetitum censeremus id, de quo alicubi ex destinato agitur, loco aliquo alio attingere. Sunt nonnulla, quæ iterum iterumque attingimus, monuimus, inculcavimus: cum ita res ferret, & occasio: nec temerè tamen. Experti enim scimus, non uno ictu annosas quercus sterni. Rudis populus parum cordi habet illa monita, quæ vix semel aut iterum audit. Quæ autem inculcantur & ingeruntur identidem, eorum sensim crescit æstimatio: cum facilè sibi etiam rudes persuadeant; eo sine clavo machinam aliquam vix aut ne vix quidem posse consistere, qui toties tunditur, & tam sollicitè firmatur. Neque verò in rudes tantum, sed in omnes planè animos altius descendunt veritates vel auditæ sæpius, vel cogitatae diligentius. Quamlibet vasta Elephanti moles in saxis, per quæ semel duntaxat ambulant,



## AD LECTORES.

larit, sui vest'gia non relinquit: at quem sæpe terunt, tandem etiam formicæ euntes redeuntesque lapidem atterunt.

Et hæc de rerum tractandarum ordine. Ad formam autem dicendi, seu stylum, quod attinet, placuit in Opere, quod ad docendum refertur, uti vocibus perspicuis & propriis, ut tantò quisque faciliùs intelligeret, quod proponitur. Eloquentiam enim clavis instar esse oportet, quæ tantò est suo in genere perfectior, quò ad referendum, quo clausum est, aptior, quacunque materiâ ligno an auro, constiterit. (a) *Quid prodest clavis aurea si aperire, quæ volumus non potest*; dicebat olim S. Augustinus, *aut quid obest lignea, si potest*? Si tamen & aurea & lignea perinde ad referendi finem idonea est, nemo est, qui non auream præoptet. Id proinde curatum est, ut stylus, si minùs illustris & splendidus, qualem quidem, egestatis meæ conscius, adhibere potuisse non gloriôr, nudus tamen & omni ornatu qui animi oculos oblectaret, vacuus non esset. Quamquam fortasse non deerit, qui existimet, plusculum hîc esse ornamentorum, quàm res & finis, qui spectabatur, poscerent; cùm non eruditis tantùm, sed indoctis etiam propositum fuerit scribere. (b) *Sapientibus, & insipientibus*. Sed velim meminisse eum, qui ita opînatur: non licuisse in hoc seu loquendi, seu scribendi genere uti figuris, quibus legentes, audientesve excitarentur; quales esse solent Interrogationes, Ironiæ, Apostrophen, aliæque, quibus velut in scena variè & mutatâ quodammodo personâ, illi utuntur Oratores, quibus eloquenter dicere, ipsâque dicendi ratione attentum tenere auditorem propositum est: eas autem ad Conciones tam præclaris dotibus opus est, quas in omni animarum Pastore, qui hac meâ opellâ usus est, quærere aut sperare, prudentis non est. Aliis ergo ad Auditorem attentum reddendum, conferendumque mediis utendum erat. Talia autem in familiari ejusmodi institutione fore arbitratus sum, similitudines, exempla, eruditionem multiplicem, aliæque curiosa; quæ dum virtuti imaginatrici blandiuntur, intellectum etiam deliniunt, ut, ne sua illam voluptate, privet, veritatem audire minimè detrectet: quæ profectò minùs grata, & invisa etiam accideret, si omni destituta ornatu ac elegantia se oculis offerret. Hinc etiam mirum videri debet, nemini, si illa, sacris ceteroquin suggestis propria, non adest verborum congeries, quæ genus quoddam dicendi vehemens ac concitatum postulat, tono humili minimè contenta. Nam etiam non omnes, quibus ista scribimus, eâ sunt vocis ac laterum firmitate, quâ generi huic dicendi sufficiant. Neque verò id necesse est. Non enim clamando tantùm & perstrependo somnus dormientibus excutitur. Sic quidem non dormientem, sed mortuum, & suo volutatum in sanguine Holofernem, qui illi à cubiculis erant, excitare conati sunt. (c) *Ante ingressum cubiculi perstrepenes, excitandi gratiâ, inquietudinem arte moliebantur, ut non ab excitantibus, sed à sonantibus Holofernes*  
e  
eyi-

(a) de Doctr. Christi l. 4. c. 11.

(b) Rom. 1. 14. (c) Judith, 14. 9.



## ALLOCUTIO.

*evigilaret.* Alius somnum pellendi, & tumultuoso illo fortasse efficacior, certè suavior modus est, si lumen in dormientis cubiculo clarum & micantissimum accendatur: hoc enim illum & dulciter & potenter excutit. Sic in carcere dormientem Petrum Cœlestis Genius excitavit, dum immisâ fulgentissimâ luce dormire porro vetuit. Hanc rationem isto in libro tenere studuimus, voluimus excitare è somno peccati eo absorptos, non tumultu excitato, sed vivi fulgentisque luminis accensâ virtute. Ad lumen autem ejusmodi animandum augendûmque incredibile dictum est, quantum valeant aptæ vivæque similitudines, cum earum ope probè admodum percipiantur, quas auris excipit, veritates.

Cætèrùm id præcipuè, non negàrim, hoc libro spectatum est, ut usui esset sacris animarum Pastoribus & Rectoribus; non ita tamèn, quin etiam à quocunque alio, cujuscunque gradus ac conditionis lectus, sive aliis ille præsit, sive subsit, plurimum allaturus sit utilitatis. Non aliter, quàm in Tabulis nauticis accidit. Navarchorum illæ maxime usibus elaboratæ sunt. Nautarum tamen, & Vectorum etiam cuilibet licet illas contemplari, curiosè, minutimque volvere & examinare; ut sciat, quos jam scopulos feliciter declinârint, & qui deinceps fugiendi supersint: quot jam viarum in Mari confecta sint spatia, quantum conficiendum restet, quorum ventorum timendi sint flatus & furæ, quorum afflatu secundissimâ navigatione in portum sunt propellendi.

Siquo autem casu aliorum planè nemo hunc librum suis & manibus & oculis dignaretur, spero equidem nunquam abjiciendum ab iis, qui Sacris, quas dicimus, Missionibus dant operam, qui ut alios divini verbi Præcones dicendi ardore ac vehementia superant, *evangelizant virtute multâ*, ita nunquam dissertationum istarum teporem perosi minùs illas caras habebunt; quo enim ipsi calent ardentque igne, hoc etiam frigidos istos carbones afflare & accendere scient. His igitur, præquam aliis, tanquam fidis fociis in quærendis Animabus, magisne neglectis, an semet negligentibus? hos meos labores affectus propensiore offero. Quid autem dico, offero? imò offerimus, ego & ille adèò mihi intimus, ut vix à me ipso illum distinguam; quod tamen nullâ ipsius injuriâ dixerim. Est hic P. Joannes Petrus Pinamontius, meus in sacris per pagos villasque; Excursionibus sodalis individuus: qui ut quinque ferè lustrorum spatio mecum observavit, quanta sit agrestium populorum, divini verbi Præconibus destitutorum, necessitas ac indigentia: ita longo jam à tempore stimulos mihi admoveere non destitit, ut in librum hunc lucubrandum incumberem, adèò ut fidelem omninò operam ipsemet jungeret, quâ adjutus illum inchoarem, invenirem, aptè cuncta disponerem, extremam denique manum imponerem. Igitur ut animo, ita & sensus ac judiciis uniti, iis, quos dixi, Missionariis Apostolicis hoc, qualecunque est, Opus offerimus, non dubiâ spe, quin, si rationum ac momentorum, quæ afferimus utique non pauca, cuspidi ad intellectum expugnandum, hastam ipsi adjunxerit humanæ vivæque


## AD LECTORES.

que virtutis ac efficaciam, multoque magis si hastæ & cuspidi, divini adjutorii accesserit brachium, fortassis non inutilia illa experturi sint ad insignes victorias, quas toto passim mundo, tanto commodo, ex styge referunt, ad Divinæ incrementum gloriæ, cui propagandæ iisdem quidem armis cuncti, sed non iisdem sub insignibus aut vexellis militamus.


Quæ causa fuit, ut hæc, quæ porrigo, arma omni studio adlaborarem cudere ac fabricare in officina notissima passim ac æstimatissimâ: in officina inquam Summæ S. Thomæ Doctoris Angelici: Atque ita ut confido me ejus adjutum directumque præsidio, & ope cœlesti: non aberâsse in tot, tamque variis & multiplici Christiani hominis officio, doctrinis & assertionibus, ipsius autoritate maximam partem nixis; ita rationi consentaneum duxi, cui ista debeam, palam profiteri, & animi, tanto Doctori devotissimi, quo manifestius, hoc perennius statuere monumentum.

\* \*

\*







# I N D E X.

## Discurſuum hac prima Parte contentorum.

### DISCURSUS I.

De Verbi Divini, ſeu Concionum audiendarum neceſſitate.

**C**onciones ſacras eſſe instrumentum à DEO electum ad reſtaurandum in Chriſtianorum quolibet illud iplum, quod originariæ noxæ culpâ in intelligendi perinde ac volendi facultate deſtructum fuit.

### DISCURSUS II.

Quæ cauſa modici ex auditis ſacris Concionibus fructûs.

Modici huius fructûs cauſam plerumque eſſe audientium ineptitudinem, qui in triplici claſſe ſunt: prima eorum eſt, qui illas rarò admodum audire curant: ſecunda eorum, qui cum audiant, ad animum tamen non admittunt: tertia denique eorum, qui cum amiſerint, curam auditorum deinceps nullam habent.

### DISCURSUS III.

De Fide.

Cum Fides ſit radix Beatitudinis noſtræ cœleſtis, tria ad illam neceſſario requiri: ut ſit firma, ad intellectum hominis primæ & divinæ Veritati ſubjiciendum: ut profunda, ad eundem divinarum Myſteriorum cognitione alendum: ut ſæcunda, ad eum magno piarum actionum numero locupletandum.

### DISCURSUS IV.

De Spe.

Oſtenditur quàm pulchra ſit inter Chriſti ſequaces vera Spes Juſtorum, & quàm turpis falſa impiorum.

### DISCURSUS V.

De numero Electorum & Reproborum.

Tam Authoritatis, quàm Rationis lumine inveſtigatur, an plures è credentium

dentium numero salvi fiant, an verò æternum pereant.

DISCURSUS VI.

De modo ac via animi salutem certò consequendi.

Tum obtinendæ salutis animæ viam esse, petere illam Orando, & quærere illam simul operando: petere autem, & quærere illam non solum hæc jungendo, sed etiam præter illam nihil spectando.

DISCURSUS VII.

De Præcepto amandi DEUM.

Cùm Amor inter animi Affectus id sit, quod inter metalla aurum, indagatur, tam quæ sit vera ejus natura, quàm quis lapis illius lydius. Quæritur inquam, quid sit hoc Præceptum amandi DEUM super omnia; & quo experimento constare possit; quod ipsum ad amissum observetur.

DISCURSUS VIII.

De Peccato Blasphemix.

Blasphemiam in rectæ Rationis libra gravius esse delictum quovis alio Christianorum; nec ad ejus pondus elevandum sufficere, si, ut solet, dicatur, præferri illas aut iræ impetu, aut pravæ assuetudinis vitio.

DISCURSUS IX.

De Execrationibus, seu imprecationibus.

Plurimum interesse, ut quis his Execrationibus abstineat; tum quia sæpe

nocent iis, quibus maledicuntur; tum quia nunquam non gravissimè nocent ipsi maledicenti & execranti.

DISCURSUS X.

De Juramento.

Demonstratur imprimis, quantum sit malum jurare sine judicio, sine Justitia, sine Veritate: deinde sumptis hinc animis in id incumbitur, ut quodvis juramentum, quoad ejus fieri potest, ex omnium Christianorum ore quàm longissimè ablegetur.

DISCURSUS XI.

De Præcepto sanctificandi dies festos.

Ostenditur primo loco, inter Christianos dies festos jam minimè festos esse, vel quia plerique illorum non remonent impedimenta ad eos sanctificandos: vel quia negligitur finis, qui in tali sanctificatione spectatur: deinde autem monstratur modus eos sanctè ac piè transigendi.

DISCURSUS XII.

De Sacrificio Missæ.

Explicantur maxima bona, quæ in nos per hoc Sacrificium redundant, dum facit, ut expungere possimus ex toto nomina illa omnia, quibus nos DEUS sibi obstrictos habet: dein ratio ostenditur, quâ bonis istis abundè potiri valeamus.



## DISCURSUS XIII.

## De recta Liberatorum Educatione.

Crudelem in se, & in suos esse, quisquis Liberos suos rectè educare negligat; cum gravissimè suam simul, & illorum animam vulneret.

## DISCURSUS XIV.

## De duplici peccato in Liberatorum educatione admitti solito.

Duplici maximè peccato fieri, ut Parentes Liberatorum suorum fiant parricidæ; si bona non doceant, & si doceant mala.

## DISCURSUS XV.

## De aliis duobus modis, quibus in educatione prædicta peccatur.

Immeritò bonum Parentem dici, quisquis non caveat gravissima duo peccata: quæ sunt: negare liberis, quam oportet concedere, libertatem; & concedere eam, quam oportet negare.

## DISCURSUS XVI.

## De debito, quo Liberi tenentur venerari suos Parentes.

Si ingens probrium est, non expungere sua nomina, summam etiam infamiam sibi consciscere eos liberos, qui vitæ, alimentis & educationi, quæ à Parentibus accepere, bona utique maxima, non rependunt honorem, sustentationem, & obedientiam.

## DISCURSUS XVII.

## De Eleemosyna.

Expositione Præcepti Eleemosynæ id agitur imprimis, ut Christiani inducantur ad subveniendum egentibus, quantum tenentur; & proponendo ejus præmium, ad subveniendum etiam plus, quam tenentur.

## DISCURSUS XVIII.

## De modo stipem pauperibus largiendi.

Tribus maximè signis agnosci verè beneficium erga inopes: manu largâ, vultu affabili, & obtutu in cælum defixo.

## DISCURSUS XIX.

## De Præcepto fraternæ Correctionis.

Nequis majus justo onus sibi impositum existimet, proponitur, quæ sit propria errantes corrigendi obligatio; deinde indicatur ratio cum fructu & utiliter eâ defungendi.

## DISCURSUS XX.

## De Ira frenanda.

Ad domandam iram, equum effrenem, qui omnem ferè sessorem excutit, iisdem omninò mediis opus esse, quibus equus edomatur; dexteritate simul & animi præsentis vigore.

## DISCURSUS XXI.

## De vitando Pravorum commercio.

Quàm sollicitè caveri debeant Pravi ob gravissima, quæ aliis inferunt, damna: & quàm meritò timere ipsi debeant ob mala; quibus, dum nocent aliis, sibi quoque nocent.

## DISCURSUS XXII.

## De venia inimicis danda.

Cum triplex tantum Pacis genus sit, quo gaudere hac in vita quis potest, cum DEO, secum, & cum Proximo, ostenditur triplici hoc pacis genere se privare, qui Pacem non vult habere cum Inimico.

## DISCURSUS XXIII.

## De pernicioso Luxuriæ malo.

Cum ad obtinendam cujusvis hominis salutem geminâ voluntate, firmâ opus sit, Divinâ & Humanâ, demonstratur imprimis, quàm facile turpe Luxuriæ vitium impediât voluntatem Divinam.

## DISCURSUS XXIV.

## Pluribus exponitur infelix Lascivorum conditio.

Lascivos difficulter induci ad negotium salutis seriò gerendum: primò quia malum suum non agnoscunt; deinde etsi cognoscant, non horrent tamen;

denique etsi horreant, ad seriam tamen emendationem animum non inducunt. Atque ita altera etiam assertionis ante positæ pars demonstratur.

## DISCURSUS XXV.

## De Excellentia Virginitatis.

Parte prima ob oculos ponuntur maximæ Virginitatis opes ex eo, quòd tantum illam semper fecerint Homines. Cœlites, & ipsi adeò mali Dæmones; transigitur dein parte altera ad ostendendam immanem ejus prodigalitatem, qui harum opum jacturam temerè facit.

## DISCURSUS XXVI.

## Damnatur Avaritia.

Ad Avaritiam, quæ malorum omnium Radix appellatur vitandam impellere nos debent tres ejus funestissimæ Proprietates; quòd sit occulta, quòd fœcunda, quòd semper ejus humano ex animo evellendæ difficultas crescat.

## DISCURSUS XXVII.

## De Restitutione rei alienæ.

Palam sit, in quos casses inciderit Anima, quæ alienum abstulit, cum salutem consequi nulla ratione possit, quisquis illud non vult reddere; reddere autem sit longè difficillimum possidenti.



## DISCURSUS XXVIII.

## De Judiciis temerariis.

Quisquis alterum temerè judicat, eadem operâ seipsum condemnat, tanquam Judex sine Authoritate, Scientia & Justitia: & idcirco DEUS illum vehementer odit.

## DISCURSUS XXIX.

## De Detractione.

Ut Detractor ostendatur esse similis illi Bestiæ, quæ Danieli triplici dentium ordine instructa apparuit, sufficit observare triplicem illam stragem, quam unico ipse morsu infert bonæ famæ Proximi absentis, Conscientiæ Proximi præsentis, & præcipuæ Animæ suæ propriæ.

## DISCURSUS XXX.

## De Mendacio.

Christianum Mendacem offendere Naturam simul, Rationem & Fidem: propterea quòd tam rebellis sit lumini, quo illius Animam quolibet harum illustrat.

## DISCURSUS XXXI.

## De Peccatis, quæ solâ Cogitatione admittuntur.


Ad Animum à pravis Cogitationibus defendendum, iisdem opus esse, quæ ad arcem aliquam custodiendam: Vigilantiâ adversus insidias, & Fortitudine contra assaultus.

\* \* \*



# DISCURSUS I.

## DE VERBI DIVINI, SEU CONCIONUM SACRARUM AUDIENDARUM NECESSITATE.

I.  Ifum est aliquibus ,  
Urfam , cū catulos  
informes pariat , eos  
subinde linguā lam-  
bendo formare , at-  
que ita perficere o-  
pus suum , antea inchoatum potius ,  
quā absolutum . Si ita res se habe-  
ret , dicerem , DEUM voluisse nobis  
proponere imaginem eorum , quæ sa-  
cræ Conciones in animis nostris effi-  
cunt . Nascitur homo ad vivendum  
vitā Gratix in sacro Baptismi lavacro :  
malè tamen affectus , malèque forma-  
tus , ob perduellis concupiscentiæ fo-  
mitem , in eo regnantis , & naturæ  
destructæ perturbationem . Quid facit  
proinde Sancta Ecclesia , non con-  
tenta partu , quamvis nobili & eximio ?  
En , Sacerdotum linguā paulatim ef-  
format opus nondum suis numeris ab-  
solutum , & destruendo hominem ve-  
terem , Adami imaginem , elaborat  
hominem novum , imaginem Christi  
JESU : atque ita bis Mater effi-  
citur filiorum suorum : Mater in primo  
partu , qui actu uno absolvitur , in-  
fantis scilicet ablutione : Mater in se-  
cundo , qui non nisi cū vita finitur ,  
institutione inquam ; id quod nobis  
*R. P. Segneri Christ. Instr. Tom. I.*

ipsa identidem in memoriam revocat  
illis Apostoli verbis . *Filioli mei quos Gal. 4:*  
*iterum parturio , donec formetur Christus 19.*  
*in vobis .* Atque hinc nascitur commu-  
nis illa necessitas , audiendi verbum  
DEI , seu Conciones & Hortationes :  
hæc siquidem instrumentum sunt à  
DEO electum , ad reparandum in no-  
bis id , quod culpæ maleficio destru-  
ctum est . Consideremus proinde Cha-  
rissimi , utrunque , malum inquam , &  
ejus remedium . Malum , quod parit  
noxa ; remedium , quo illi medentur  
Conciones ; ut vos paretis animos ad  
libenter audienda , quæcunque vos in  
diversis familiaribus dissertationibus , seu  
discursibus docere constitui : neque  
enim arbitrarium vobis , sed necessa-  
rium est illa sine tædio audire saluta-  
ria monita , quibus Divinæ Providen-  
tiæ uti placuit ad salutem animarum  
vestrarum . Ita monet Jacobus Apo-  
stolus : *Cum mansuetudine suscipite insi-* Jac. I.  
*tum verbum , quod potest salvare animas 21.*  
*vestras .* DEI verbum rami instar est  
alteri trunco insiti , qui præparat nos ad  
vitæ æternæ fructus ferendos . Sed  
non inhærescit ramus trunco , si hic il-  
lum patienter non recipit . Aggredia-  
mur nunc , si ita placet , primum è  
pun-



punctis propositis, malum inquam, quod peccatum in nobis efficit.

## I.

II. DEI providentia, in fingendo homine, id spectavit, ut Mundum formaret, parvum quidem, sed vel ipso Mundo magno admirabiliorem, conjungendo non jam cælum & terram, sed Spiritum, ac Corpus, partes nimirum à se invicem dissidentes; illam cœli genii, hanc brutis affinem. Peccatum autem, opponendo se cunctis DEI moliminibus, tam mirandum opus planè penitusque pervertit, faciendo, ut in nobis Terra præsit Cœlo, Corpus iniperet, Anima serviat. Nemo non hominum hanc rerum perturbationem experitur; cùm in se sentiat alienationem ab omni piarum actionum genere, pugnam & renitentiam contra omne, quod nos Divina lex jubet. *Scio, quia non habitat in me, hoc est in carne mea, bonum.* S. Pauli verba sunt, miseram, hanc & acerbam sortem experti. Et quamvis Servator noster ad curandum in nobis tam grave malum, balneum nobis Divini sui Sanguinis in Baptismi Sacramento parârit, animum tamen ad hoc advertere oportet, quòd hoc Lavacro non ex toto sanemur; cùm in nobis, etiam eo ablutis, prava illa ad malè agendum inclinatio perseveret, quam peccati fomitem appellamus.

III. Puerulum cogitate, qui ludibundus per viam incedat, & fallente vestigio cœnosam in lacunam miserè prolabor. In casu hoc duo observanda sunt; mala habitudo, quæ corpus prolapsi afficit; & sordes, quas cœnum aspergit. Mater clamore &

ejulatus filij excita accurrat; humo attollit, sic est, & absterfo cœno vestem aliam injicit. Sed ea re omne malum non emendatur; tam enim puer languido adhuc & afflicto ex lapsu est corpore, ut nemovere se quidem, sine molestia possit, & tot ferè eundo gemitus, quot passus numeret. Sic & natura nostra, prolapsa cum Adamo, ejus vitio in peccati lutum incidit. Accurrit Mater nostra sancta Ecclesia, & nostrum quemlibet sacri Lavacri ope attollit, & non cœnum tantum abstergit, peccati in anima sordes, sed splendidissima etiam Gratia veste induit. Nec tamen ea re totum reparatur, quod casu illatum est, damnum: sentiunt enim omnes facultates nostræ prolapsionis hujus mala, Intellectus maximè rerum ignorantiam; Voluntas verò in malum propensionem. Consideremus utramque, ut mali magnitudine perspecta, tanto promptius media illi curando amplectamur.

IV. Narrat S. Clemens, Divum *Lib. 8* Petrum Mundum hunc comparare *cogn.* litum cum domo fumo plena, in qua qui habitat, nec quod extra illam, nec quod intra illam est, videt. Perinde rudēs sumus in pernoscendis, quæ hanc ad vitam pertinent, ac in ijs, quæ ad alteram. Magna æstimamus, & bona & mala hujus temporis; quia ante oculos nobis proximè observantur. Parva æstimamus bona & mala vitæ alterius, quia longius à nostris sensibus remota sunt: errore non ab simili illi, quo mare *Arist.* intuentibus nigræ videntur undæ, quæ *Probl.* distant longius; candidæ illæ, quæ *sect.* extremo in litore deambulantium pedes *7. 20.* lam;

lambunt. Nec tamen velim existimetis deplorare me naturalem aliquam inscitiam, & congenitam tarditatem, quâ Mortalium plerique laborant. Hæc me parùm cruciat. Quæ circa terram hæret nebula, in nubes non cogitur, nec solem eripit: illa serenum mutat in turbidum, quæ sursum ascendit. Illa mihi inscientia, illa hebetudo dolet, quæ circa illa est, in quibus animæ salus agitur, circa quam tam sumus stolidi, ut ne cogitare aliquid salutare possimus. *Non sumus sufficientes cogitare aliquid à nobis, quasi ex nobis.* Mirum dictu! Nihil est facilius, quàm aliquid cogitare. Tam fecunda mens nostra est, ut momento unico alias aliàsque cogitationes concipiat. Ubi tamen de felicitate nostra æterna agitur, ne unicum quidem formare possumus, nisi DEUS, auxilio, quod intra naturæ ordinem promptum semper paratùmque est, non contentus, gratiæ suæ luce congenitas tenebras dispellat. Non male in rerum, quæ intra naturæ ordinem sunt, cognitione quis cum terro & nitido speculo Intellectum contulerit; tam facile in se exprimit imagines rerum, quæ obijciuntur. Sed in eorum, quæ supra naturam sunt, agnitione similis est speculo offuscato, cujus fuliginem si DEUS non absterferit, ne unam quidem earum ex ordine fingere poterit.

V. Hæc tamen lapsæ naturæ inscientia malorum ejus minimum est: *Natura enim humana si rectè Angelicus sensus, magis corrupta est per peccatum, quoad appetitum boni, quàm quoad cognitionem veri.* Major est plaga, quâ

voluntas fauciata est, adeò quidem, ut nonnunquam optabile sit, mentem habere obtusam, cùm aliunde voluntate sinus tam perversâ. Sapienter *Plin. l. 8, c. 22,* natura Aspidi oculos debiles tribuit, nec illos in fronte, ut homini, sed ex temporum utroque latere; ut ita minus veneno suo ijs nocere possit, quos obvios habet. Sic non parùm nobis commodat illa vel ignorantia, vel obscura notitia, quæ cæteroquin tam grave supplicium est. Hinc colligere licet, quantum malum sit voluntatis nostræ pravitas, cui comparatæ tenebræ optabiles sunt. Idque tantò magis, quòd voluntas Appetitui quodam velut fœdere juncta, rebellis hujus servæ vires vehementer augeat; eâ omnino ratione, quâ seditiosæ plebeculæ vires Nobilium accessione plurimum crescunt. Atque hoc voluntatis praviæ cum indomitis facultatibus animalibus fœdus, tyrannidem subinde illam constituit, quam S. Paulus peccati legem dixit. *Video aliam legem in membris meis re-* *Rom. 7* *pugnantem legi mentis meæ: legem vi-* *23,* *vam, non mortuam, quæ idcirco non suadet tantum, sed vi adhibita propè cogit: Captivantem me in lege peccati, quæ est in membris meis: legem tam fallere doctam, ut majori se amore ab ijs amari faciat, quos tractat inhumanius: verbo, legem, quæ toties inducit hominem, ut sanctissimam DEI legem* *L. II C. 28,* *violet, constituendo se Idolum, Amoris proprij manu, ut S. Augustinus loquitur, supra DEI contemptum, erectum.*

VI. Hoc est debitum à primo Parente nostro Adamo hæreditatis instar



Hom. 1.  
ad  
Neoph.

nobis relictum. Pessimum autem est, quod ad hanc tam magnam sortem principalem de nostro nos longè plurimum addamus, ijs noxis, quas nulla non die admittimus. *Ille*, S. Joannis Chrysostomi verba sunt, *ille initium induxit debiti, nos sanus auximus posterioribus peccatis*. Atque hîc observare vos velim, Dilectissimi, quodvis peccatum à nobis admissum, ita affirmantibus Sanctis Patribus, proportionem quadam ejusdem omnino perturbationis causam esse, cujus in tota natura humana causa fuit peccatum à primo parente admissum. Atque hinc est quod, cum is, qui peccat, nullo non die admissis novis delictis augeat vires pravae propensionis, identidem etiam res suas deteriore loco esse faciat. Hæc porrò prava propensio ut nascitur ex delictis jam perpetratis, ita prælagit complura etiam deinceps perpetranda. Ratio ejus rei est, quia augeat tenebras nostræ ignorantia, sic nos ex oculando ut in ipso meridie Sanctæ nostræ Fidei agenda non pervideamus. *Impegimus meridie, quasi in tenebris*. Et verò, an non quotidiana id vos docet experientia? Non desunt complures è Christianorum numero, qui etsi credant, esse æterna Infernorum supplicia, & vel unicum peccatum gravius admissum, sufficere, ut in ignem illum carcerem nunquam exituri conjiciantur; eâ tamen sunt præfidentia, ut non horreant, assiduò peccatis obnoxij vivere, minùsque eos vitæ sceleratæ pudeat, quàm insanos Mahometi cultores; quin eò nonnunquam delabuntur insanix, ut æternos rogos minitantibus responde-

ant: *Patientia! fiat quod Deus vult*. Prò dementiam! éstne invenire unum aliquem, qui in ipsa densissima Infidelitatis nocte minùs videat, quàm ejusmodi Christianus in Fidei suæ meridie? Quod autem horrorem auget, istud ést, quod ita respondeant homines ceteròquin hæud quaquam stolidi: unde illis amentibus mihi perfimiles videntur, qui uno tantum certo in genere delirant; & idcirco, cum alijs de rebus agendum ést, prudenter differunt: ubi autem illius generis mentio inciderit, circa quod læsi sunt, miris statim modis ineptiunt. Videte hominem, in rebus entendis, vendendis, permutandis solertem; in familia, & re domestica procuranda industrium, in periculis providendis & evitandis cautum: hic ipse, tam in animæ suæ negotijs ést ignavus & incurius, ut nullam habere videatur, semper in ijs, quæ ad alteram vitam pertinent, providendis minùs oculatus, & in ijs negligendis magis stultus.

VII. Ut autem tenebras intellectui peccatum offundit, ita pravas propensiones augendo, voluntatem quoque suis in malis indies magis obfirmat, sic, ut illa, etiam cognita ac perspecta, vitare tamen pensi non habeat, & licet meliora videat, probetque, sequatur tamen deteriora; quæ ipsa fuit causa, ob quam Philosophus Lascivos semiebrio comparavit: licet enim hic, quid fugiendum sit, videat; quia tamen cognitio illa tenuis admodum ést & imperfecta, illud non fugit. Ita mutuâ, sed valde perniciosâ, ope se juvant voluntas depravata, & intellectus excecatus ad  
damna

Psal. 59.  
10.

damna gravissima sibi inferenda : Voluntas quidem , novarum culparum accessione tenebras Menti offundendo ; cæca verò Mens voluntatis obstinationem adaugendo.

VIII. Hæc est infelix cujusvis nostrum conditio, quam debemus partim peccato, in quo nascimur, partim peccato, in quo deinceps vivimus, naturæ perversæ pravam assuetudinem adjuvantes. Divina autem Providentia, pro sua infinita Bonitate, dum malis nostris mederi vult, & quæ in deterius mutata restaurare, ab eo, quod omnium pessimum est, & de quo hæctenus dictum, initium sumit, illique curando sacris præcipuè Concionibus utitur, quod secundo loco vobis demonstrare constitui, si porro benevolas aures præbetis.

## II.

IX. Et quidem ad tenebras ignorantiae quod spectat, nōsse oportet, DEUM, si vellet, posse nos docere, intus tantum nobis loquendo sicut veteri in Lege Prophetis suis ipse locutus est : sed non hæc ipsi ratio placuit ; vult homines per homines docere ; præparando eos etiam hoc ipso demissionis actu ad discendum majori cum suo emolumento. Ita videmus, etsi Servator noster ipsemet cælo descenderit, locutusque sit S. Paulo, ut in salutis semitam eum reduceret, deinceps tamen instituere virum non voluisse, sed instituendum ad Ananiam misisse, è Discipulorum suorum numero unum : ut intelligeremus, medium, quo DEUS ad animi nostri tenebras pellendas plerumque utitur, esse Institutionem alienam ; quod

quidem medium tam est eum in finem consuetum, ut S. Augustinus existimaverit, aliud non esse, quàm tentare DEUM, velle ab ipso collustrari, & nolle audire prædicantem. *Non tentemus DEUM, ut nolimus prædicantem hominem audire.* <sup>Prolog. l. i. de Doctr. Chr.</sup> En igitur legem generatim Sanctæ Ecclesiæ, & in hac credentium cui libet, latam : *Audi Filia, & vide.* <sup>Psal. 44.</sup> Audi, & vide: quod perinde erat ac dicere : submitte prius aures ad audiendum eum, qui te docet, & subinde etiam oculos aperies ad videndum, quod antè latebat. Quare si ex me quæritis, quæ causa sit tam miserè laborantis inter Christianos Morum honestatis, mox sine hæsitacione pronuntio ; causam esse ignorantiam : *Ignorantia, Mater cunctorum vitiorum.* <sup>38. dist. c. Ignor.</sup> Si porro quæritis, quis fons sit tantæ vel inter Christi affectus ignorantiae, qui tamen dicti sint filij lucis ? *Ut filij lucis Eph. 5. 6; ambulate* : non minùs prompta est responsio : Nascitur hæc ex eo, quia vel non est, qui DEI verbo Christianos erudiat ; vel quia non est, qui docentes sedulò audiat. Verbo : non vident, quia non audiunt : *Audi Filia, & vide.*

X. Hinc apparet, quàm desipiant illi, qui cuperent Sacerdotem inter sacrum peragendum nunquam verba ad populum facere ; multoque magis cuperent, ne unquam eorum ad templum viri accederent Apostolici, magna contentione ad salutis æternæ curam torpentes excitaturi, præclara hac excusatione usi, sic non ad Christianos, quales ipsi sint, sed ad perfidos Turcas esse dicendum. O verè miseros ! vel enim sic illi loquen-



tur, naturali suâ intelligendi perspicaciâ confisi, quâ abundè cognituri sint, quid ad Animæ salutem consequendam necessarium sit; vel ita loquuntur, fidei suæ lumine nixi? Si illud, infani sunt, tantòque magis infani, quò sibi sapientiores videntur: neque enim solum naturæ lumen quoquo modo sufficit ad Animæ nostræ necessitates nobis manifestandas, aut modos suggerendos, quibus his medeamur. Ut cernamus, quæ propinqua sunt simplici vitro satis juvari potest oculus: remotiora non nisi geminato nobis distinctè repræsentantur. Eadem est rerum noscendarum ratio. Ad res caducas, quæ circa nos sunt, pervidendas, ratio naturalis sufficit: ad ea, quæ æterna sunt, & tam procul à nostris sensibus remota, perspicienda, non sufficit. Imò, si de his homo sola ratione adhibitâ disputare velit, & sibi, & alijs illas prorsus alias, quàm re ipsa sint, proponet: id quot tot antiquis Philosophis accidit, qui solius naturalis luminis acie confisi, in fœdissimos errores prolapsi sunt; minùsque de DEO cognoverunt in tantilla illa summi veri scientia, quàm rudissimus quisque inter Christianos hodie de eo intelligat. Præter Rationem multo magis Fidei lumine opus est, cujus opè eò pertingere hodie vel puerulus potest, ut

ps. 118. dicere cum veritate possit: *Super senes intellexit.*  
200.

XI. Si autem hi institutionis alienæ contemptores Fide nituntur, quâ tanquam Christiani donati sunt, in hoc

quoque decipiuntur: *Declaratio Sermonum tuorum illuminat*: ut Regius Psaltes loquitur. Id quod lumen nobis præbet ad agendum, non est Fides illa tantum in Sacro Lavacro nobis infusa, sed magni hujus doni, & omnium eorum, quæ Divina nobis lex præcipit, *Declaratio. Declaratio Sermonum tuorum illuminat.* Non satis est, memoriâ tenere Symbolum Apostolicum, memoriâ tenere Decalogi præcepta: necesse est insuper horum explicationem audire; absque hoc perseverabitis in vestris tenebris, & ne passum quidem unum in salutis semita promovebitis: non cognoscetis DEUM, nisi quantum sufficit ad eum offendendum: non scietis plus de Christo, quàm quòd satis sit ad eum blasphemij irritandum: non plus de peccato, quàm quòd ad illud admittendum sit satis. De cætero hærebitis in vestra illa nocte tam in gravissimo salutis negotio, quàm in pernoscendis ejus consequendæ medijs: eritis in templis præ quovis Ethnico irreverentes; domi verò vestræ ipsis belluis intractabiliores.

XII. Alloquot hîc præcipuè illos Patres-familias, qui uxores suas mittunt ad Sacrum, intra quod Sacerdos ad populum verba solet facere; ipsi verò illud audiunt, sub quod non est, qui verbum dicat. Alio omnia fieri convenit. Si cui ex familia D E I verbum audiendum est, audiendum est Capiti, in quo rerum Divinarum inscientia plu-

plurimum damni affert, cum hæc non ipsi uni, sed toti familiæ noceat. Cometa nunquam majora mala portentunt, quam cum medium cœli occupant. Tum enim omnem in partem malignos suos radios diffundunt, & pluribus simul populis ac regionibus funesti sunt. Non aliter eorum ignorantia, qui locum domi altiores obtinent, plus quam aliorum, affert detrimenti. Volo proinde, ut omnes ad audiendum DEI verbum conveniant, sic, ut, si tamen mihi juris esset, facerem & ego, quod S. Cæsarius Arelatensium Præsul, qui cum inter sacrificandum pro concione dicere volebat, templi januas occludi iussit, ne quis inde se subduceret. Saltem eorum nemo desideretur, qui præ cæteris sapit, seque ita sapere ostendat non se subduendo. Nemini satis sit, rudem duntaxat Mysteriorum Fidei nostræ habere notitiam, & modi quo Sacramenta suscipienda sunt: nemini, inquam, sit satis. Peristromata complicata oculos sui spectaculo non oblectant. Sic Sanctissimæ Religionis Mysteria, quæ Divina Sapientia admirabili ratione invenit, Divina verò Bonitas ac Potentia prodigiosissime perfecerrunt, quia à maxima Christianorum parte non, nisi obiter, & perquam confuse cognoscuntur, perinde ferè eos afficiunt, ac si penitus ignorarentur.

XIII. Neque tamen hîc sistit Concionum auditarum fructus: hæc enim non solum dispellunt offusas animo à peccato ignorantie tenebras, sed vo-

luntatis etiam malè affectæ perturbationem emendant: *Lex Domini immaculata convertens animas.* Propè Nili cataraçtas feræ non morantur, absteritæ perpetuo aquarum ex alto cadentium fragore: Equidem si & vos festâ qualibet luce ad verbum Divinum audiendum accesseritis, intelligitis ex me crebrò inculcari noxæ lethalis gravitatem, æternum pereundi pericula, Divinæ Justitiæ rigorem, & quæ sunt alia generis ejusdem, momenti sanè quàm gravis, de quibus agere institui: hoc autem si fiat, prodigio simillimum foret, si non terrentur pravæ propensiones vestræ, nec illo sinu migrarent, in quo ipsis porro quietis esse non liceret. Non sunt rara hæc Divini verbi auditi prodigia. Evolvite, si lubet, Sacras historias, & invenietis, sæpè DEUM verbi sui ab hominibus propositi medio usum ad mutandos hominum animos, mentesque, eosque ex bestiis, quales fuerant, in DEI filios convertendos.

XIV. Scribit Theodoretus, Persas, antequam ad eos Evangelij fama perveniret, tam extra omnes honestatis & temperantiæ limites fuisse evagatos, ut non sorores tantum, sed filias etiam, aut mætres sibi conjugio copularent: tam insuper crudeles fuisse atque immanes, ut pro eo quòd terræ mandarent vitâ functorum cadavera, canibus illa devoranda obijcerent. Eadem barbarie, qui ad Cætipium mare incolebant, humanis cadaveribus canes suos pascabant: Scythæ verò eodem tumultu vivos mortuosque

psal. 118.  
8.



tuosque condebant. Omnium immanissimi Massagetæ non usu solum, sed lata lege, senes suos maceratos in lætis conventiculis devorabant. Omnes tamen istæ Nationes, & plures aliæ aut æquæ, aut etiam magis barbaræ, Apostolorum, aut eorum, qui in Apostolico munere ipsis successerunt, prædicatione tam in alios homines mutati sunt, ut non tam homines, quam

*Psal. 6.* DEI filij dici mererentur. *Ego dixi, Dii estis, & filij Excelsi omnes.* Vos igitur ipsi judicate, quæ in vobis Divini verbi vis ac robur sit futurum, qui DEI beneficio procul à barbarie, ad omnem estis humanitatem exculi.

XV. Videor mihi audire, quid tacite vobiscum contra huculque dicta mustitetis; nimirum, quæ enarrata sunt, prodigia tunc contigisse, cum vel Apostoli, vel eorum successores illastri sanctitate viri, de rebus Divinis verba facerent: vos quoque nihil cupere vehementius, quam ejusmodi audire Conciones, si esset hac ætate, qui talis haberet. Monstratis enim verò, quam rudes in hoc negotio sitis. Quod hominis animum in melius mutat, non externa hominis, sed interna DEI vox est. Lingua hominis altius non penetrat, quam sonoad aures: DEI vox est illa, quæ profundius, & ad ipsum usque cor pervadit: *Dabit voci suæ vocem virtutis.* Mul-

*Psal. 67.*

34.

torum tria sermone res est, malum Dæmonem aliquando energumeni ore de æternorum bonorum excellentia differendo cunctis audientibus lacrymas doloris vehementissimi elicuisse. Si vera narrantur, an vos affirmabitis hos ad meliora à malo genio fuisse per-

ductos? Nihil minus. DEUS, qui nequam illum spiritum ita loqui coge-  
bat, subinde Gratiæ suæ auxilijs opportunè subministratis in audientium animos penetrabat: absque hoc enim & illius mali Dæmonis, & cujusvis etiam alterius hominis vox plus virium se solà non habuisset ad trahenda & permovenda hominum corda, quàm succinum frigidum habeat ad straminis culmos attrahendos. Quidquid caloris & virtutis ad trahendum habet concionantium vox, à Gratiæ Divinæ auxilijs habet, quæ hominis verbis DEUS adjungit, efficiendo ut non hominis, sed DEI verba evadant. Nun- *Jerem.*  
*quid non verba mea sunt quasi ignis? dicit 25. 2.*  
*Dominus.* Audite eventum hoc in genere prorsus singularem, & excitate animos vestros ad insignem fructum vel ex una sola concione fortuito audita hauriendum.

XVI. Refert Heroldus in Promptuario, fuisse hominem, inter suos & opibus & magna autoritate pollentem, sed rectæ Liberatorum educationi parum additum. Tres numerabat; mares duos, foeminam unam: illorum natu minor ita denique depuduit, ut turpiter ipsam suam sororem deperiret; nec antè insidiari huic destitit, quàm & blanditijs, & donis expugnatam in flagitium impelleret. Advertit fratrem natu majorem & fumo & foetore prodente, stygius ignis, qui miseros amantes depalcebat: nec tamen antè tam pudendi eos damnare consortij ausus est, quàm suismet oculis, quod erat, denique usurparet: hinc ad utrumque, & fratrem præcipue conversus, acerbè

acerbè in eum invehctus est, proditorem appellando, cum minis, rei totius seriem Parenti enarrandi. Actus ea re in furias Juvenis, partim exprobrationis impatientiâ, & detecti sceleris pudore, partim malorum impendentium metu, pugionem, quo accinctus erat, arripuit, & fratre natu majore crudeliter interempto, fugâ se subduxit. Parens re intellectâ serò advertit, quis tandem educationis nimium solutæ finis esset? & sive vindictæ cupiditate, sive pudore, sive studio, ne in tanto flagitio partem habuisse crederetur, Juvenem fratricidam planè penitusque exheredavit. At hic viperæ instar, pro plagæ modo veneni vim exerens tam desperata cepit consilia, ut noctu Parentem in lecto deprehensum, eodem pugione jam cognati sanguinis avido, tot vulneribus peteret, quot illi conficiendo satis essent. Perpetrato parricidio tam de Divina desperans miseratione, quam humanæ Justitiæ promerita supplicia fugitans, mutato nomine, ignotas terras petiit, freno omni vitiorum generi permissio; sicut non Sacrorum modò Mysteriorum, Evcharistiæ ac Pœnitentiæ usu abstinere penitus, sed ne Sacrificanti quidem Sacerdoti unquam adesset, perinde ac si jam ne Animam quidem haberet. Cum tam desperato loco hominis res essent, eo, ubi ipse morabatur, è sacra aliqua familia vir venit, qui per verni jejuniij dies ad concionem diceret; id quod is tam egregiè præstitit, ut nemo non, qui audiêrat, de eo & præclarè sentiret, & loqueretur, sic ut etiam infelix iste, experturus an vera narrarentur, statuerit semel dicentem

*R. P. Segneri Christ. Instr. Tom. 1.*

audire, non nisi ad curiositatem pascendam. Venit igitur, & argumenti suavissimi dissertationem audivit, de longanimitate DEI miseratione, quâ Peccatores expectet, & scelerum suorum pœnitundine ductos, amantissimè recipiat. Tella, non verba videri poterant, quæ prima audiit, adeò intima animi penetrarunt. Decrevit eo momento animum Confessione expiare, idque re ipsa, quamprimum è sacro suggesto Præco ille descendit, præstitit: & quia hic priusquam à noxis reum exolveret, aliquanto tempore coram cruci affixi Servatoris simulacro hominem detinuit, ut ad tot tantorumque scelerum veniam animo sincerissimo petendam induceret, tantis modico illo temporis intervallo incrementis dolor de admisis auctus est, ut in vestigio vivere desineret, magno suo bono: cum enim die mox consequente sepulchro cadaver esset inferendum, institit apud Auditores sacer Præco, ut demortui Animam precibus DEO cuncti commendarent: quod dum fit, in oculis omnium nivei coloris columba apparet, quæ post aliquos per templum giros, schedam rostro excidere ad pedes Religiosi illius viri passa, videri desit. Sustulit schedam Sacerdos, & cum eam cunctis audientibus alta voce legisset, ex ea intellectum est; Animam illius Pœnitentis, doloris maximi vi expiatam, lacrymis suis omnia, quantumvis atrocita & enormia delicta sic abolevisse, ut illo jam momento Cælum petiêrit, DEO clarè viso æternum fruitura, & gratias in omne deinceps ævum pro salutis beneficio tam prætermorem sibi collato, actura.

B

XVII.



XVII. Scio, hac in historia nihil perinde vos admirari posse ac debere, quàm sinceri ac perfecti doloris ac contritionis vim. Sed hic ipse dolor unde ortus est? nōne ex verbi Divini virtute, quæ Divinæ Gratiae præsidij adjuncta durissima etiam humanorum cordium saxa diffringit? *Hebr. 4.* *Vivus est sermo DEI & efficax*, ut Apostolus loquitur. Vivus est, quia semper potest ad agendum impellere. Efficax verò, quia plerumque re ipsa impellit, & facit, ut fiat, ad quod impellit. Tam virtus autem ejus, quàm efficacia illis ex præsidij provenit, quibus his in occasionibus magis, quàm in ullis alijs DEUS nos instruit. Sunt, qui existiment, non alio, quàm lucis adminiculo, cœlum & astra beneficos suos influxus in hæc inferiora diffundere; sic ut sola lux cœlestium corporum cum sublanaribus commercium stabiliat & continuet. Non affirmabo quidem, DEUM non alijs, quàm prædicationis, tanquam cœlestis lucis medijs Gratiae suæ victricis ac effectricis dona in nos derivare: cum probè perspectum habeam, plurimis illum alijs instrumentis uti posse ad hæc in *Job. 23.* nos beneficia conferenda: *Alia enim multa similia præsto sunt ei*: illud tamen citra dubium pronuntiabo, Sacras Concionem medium esse, ex ijs, quibus DEUS & frequentius, & potentius ad pervincendos Peccatorum animos utatur. Atque idcirco, cum de DEO differentem aliquem auscultatis, cogitate duos esse Præcones, qui verba faciant, externum unum, cujus vox ad aures allabatur; internum alterum, qui loquatur ad cor. Si DEUS ad cor non loqueretur, possent

quidem homines foris pēstrēpere, sed non ferire. Experientia docuit, non aliàs distinctius sonos percipi, quàm cum Zephyrus spirat, propterea quòd tum & aura, quam permeant, purior sit, & quòd placidus ille ventus æquabili motu per longius eos spatium deferat. O quàm amabilis & salutaris Zephyrus est Divini Spiritus gratia! Illa concionantium verba ad animos nostros defert; illa ipsum etiam cor expurgando facit, ut sic ejusmodi verba admittantur sicut in se sunt, quin à pravis animi propensionibus immutentur. Hæc præter DEUM, cordium nostrorum supremum Dominum, efficere potest nemo. Ipse in his scribere potest legem suam, sicut per unum suorum vatum pollicitus est. *Dabo legem meam in jer. visceribus eorum, & in corde eorum scribam illam.* Ipse, cum dura sunt, molliare illa potest, ut characteres scribentis recipiant, suavitati Gratiae suæ coniungendo vim & efficaciam tantam, ut nulla ipsam voluntatis obstinata pervicacia eludat. Adamantum durities rori eliquato inciditur: Malleorum ictibus invicti, quis credat? cedunt huic roris spiritui, Unde mirum videri debet nemini, si nonnunquam verbo uno expugnata est Peccatoris in sceleribus inveterati contumacia verbum fuit Omnipotentis, quod roris instat. *Quasi roris Mich. à Domino*, tantò penetravit altius, quòd 7. magis tacitè se insinuavit. Huic proinde adscribendæ sunt omnes istæ in melius mutationes, nec istæ tantum, sed omnis omnino motio interna, quæ audientes inducat ad decernenda secum profutura ad salutem.

XVIII. Non tamen interim negaverim, quò quisque Divini verbi Præco majori est virtute ac sanctimoniâ, hoc libentius DEUM illo ut instrumento uti, quàm alijs, qui tales esse non laborant. Non tamen ipse huic se legi semper astringit; ne vulgò existiment, in animorum conversionibus majorem partem humanæ industriæ deberi: vos quoque, cùm dicenti operam datis, par non est attendere quis sit homo, qui loquitur, sed quis DEUS, qui per illum loquitur. An vos cùm pecuniam, cùm merces accipitis, scrupulosè examinatis, quis sit, qui dat; an verò satis vobis est, monetam, merces bonas esse? Idem vobis in re nostra faciendum. Si salutaris est doctrina, acceptate illam à quocunque prolata, & non in docentis, sed in Christo JESU spem reponite, qui Sanguinis sui pretio eam impetravit gratiam, ut nos etiam verbis nostris commo-  
 bil. 29. *modare vobis possimus. Vobis donatum est pro Christo, ut in eum credatis: ut agebat Apostolus. Ut Conciones sacræ in vobis fructificent, donatum vobis est, non in Petri, non in Pauli, non Joannis, sed in Christi gratiam, pro Christo, atque idcirco in illo, qui idem omnibus est, fiduciam reponite.*

XIX. Apertissimum proinde est, quanta vobis incumbat necessitas audiendi verbi DEI, ut idoneos vos reddatis ad accipiendâ à DEO illa auxilia, quæ hoc medio sanctissima ejus Providentia largiri vobis destinavit potius quàm per alia quæcunque; reparando hac ratione in vobis tam in Intel-

lectu, quàm voluntate, quidquid peccato erat labefactatum. *Misit verbum suum, & sanavit eos.* Ps. 105. 20.

XX. Ex his porrò, quæ disputata sunt hæctenus, liceat mihi velut aliud agendo colligere, quo modo cum fructu audiendæ sint Conciones; nam de hoc alio die consultò agendum est. Est autem hic modus; audire attentè, & reverenter. Attentione inprimis opus est; quia, ut dicebamus, dum in Templo peroratur, duo sunt qui differunt, Sacerdos ex Altari, aut sacro suggesto, DEUS de cœlo. *Spiritus Domini locutus est per me.* 2. Reg. 23. Siquis jam vestrùm tam non auscultat attentè Sacerdotem differentem, ut etiam oculis quaquà versum vagetur; quin ut loqui & ipse velit, cùm audire tantum oporteret; non existimet hic quidquam se emolumenti ex auditis Concionibus domum relaturum. Idque hac de causa, quia DEUS non vult solus loqui, sed ea tantum affirmare & rata habere, quæ Minister ejus pronunciat, pro solenni illo suo more, quo exterioribus, ab Ecclesia adhiberi solitis medijs, jungit auxilia sua interna, externis illis respondentia: unde qui hominem loquentem diligenter non audit, in animum non inducat, quòd DEUM loquentem sit auditorus: atque ita hærebit in suis miseriis, antiquis malis pessimum hoc prognosticum adjungendo, quod est: nolle audire salutaria luadentes: quod quidem Peccatoris jam Reprobi signum est, haud aliter, ac apud medentes funestus mortis prodromus est surditas, quæ morbo supervenit. *Qui illusor est, non audit, cùm Prov. 13. arguitur.* 1.



XXI. Nec attentè tantùm , sed etiam reverenter Concionantes audiendi sunt, *2. Cor. 5.* agnoscendo & reverendo in Ministro ipsum DEUM , & Principis aut Judicis Authoritatem in voce Præconis. *v. 20.* *Tantum DEO exhortante per nos.* Anno à *Lit. ann.* Christo Salvatore M. D. XCVI. cùm *Soc. Jesu.* Sinarum Imperator ad Japoniæ Regem literas misisset , hæ purpurâ involutæ sunt , & à Sinensibus tanto stipantium numero delatæ , à Japonibus verò eâ exceptæ pompâ , quâ Imperatorem ipsū iis in literis adventantem exceperant. Si S. Augustinus res ita gestas narrari audiret , minus ille in re nostra reverentiæ non admitteret : certè jam aliàs pronuntiavit , non minoris noxæ reum esse , qui negligenter DEI verbum audiat , quàm qui Christi Corpus irreverenter humi abjici sinat. *Rom. 26.* *ex. 50.* *Non minus reus erit , qui verbum DEI negligenter audièrit , quàm ille , qui Corpus Christi in terram cadere negligentia suâ permiserit.*

XXII. Si honor DEI verbo debitus , hoc ipso , quòd DEI verbum sit , hanc à nobis reverentiam non obtineret , eam saltem à nobis impetret conjunctum honori tot titulis debito nostrummet commodum. Quid emolumentū ex illis Concionibus referre cogitatis , quas auditis somniculosi , pertasi , animò vagi , aut in negotia domestica intenti ? *Probl. sect. 11.* *n. 44.* *Olcitantes malè audiunt , si Philosopho credimus. Quid volumus ? Non desunt è vestro numero , qui , quæ vel ex alio-re loco , vel ex Altari dicuntur , sic audiant , ut in fine rogati , quâ de materiâ Sacerdos egerit ? respondere quærenti non possint. Magnò idcirco prodigiò res non careret , si ea ratione ad melio-*

ra se converterent. Nunc quidem mi-  
seri non agnoscunt damna , quæ animæ  
infert negligentia tam supina : cogno-  
scent tamen sub illam horam , sub quam  
audient legi seriem causæ , cujus ipsi igna-  
vâ illâ socordiâ authores fuère. Tunc  
discent , quantum lucis DEUS paratus  
fuisset communicare ad pellendas igno-  
rantia , quâ laborant , tenebras : quo ex-  
lesti rore duritiem cordis eorum emol-  
liisset , si auscultare voluissent hortatio-  
nem illam , quam non Sacerdos , sed DEUS ,  
ut dicebam , Sacerdote ut instrumento  
usus , ad eos habebat. Agnoscent bona ,  
quæ fuissent facturi : dolorem serium ,  
quo se de admittis accusassent ; pia  
animi sensa , quibus inter Sacra Myste-  
ria usurpanda abundassent ; reverenti-  
am , quâ rei Divinæ in Templis inter-  
fuissent ; sed utilitatem in educandis li-  
beris , quam adhibuissent ; verbo , vitam  
homine Christiano dignam , quam du-  
xissent : omnes enim fructus isti modico  
illo semine Divini verbi , ab iis putridè  
neglecti , continebantur. Non ita sit ,  
AA. Dilectissimi : nimis quàm manife-  
stum nunc hominis reprobi argumen-  
tum , olim autem desperati furoris cau-  
sa futura esset hæc , quam detestor , ne-  
gligentia. En igitur quem deceat esse  
primum primæ hujus meæ Dissertatio-  
nis fructum , ut frequentes deinceps mi-  
hi dicenti aditis , cum attentione & re-  
verentia , tanquam filij : *Venite filij au-  
dite me.* Non curiosa , sed *Timorem Do-* *Psal. 3*  
*mini docebo vos.* Hunc si didiceritis , erit , *12.*  
cùm agnosceris quàm rectè à vobis tra-  
ductæ in Templis sint horæ , quas inte-  
rim alij aut lucris inutilibus , aut ludis  
ineptis impendunt. Animarum bono  
tem-

temporis momenta omnia concessa sunt: tempus suppetet illi, quod præ cæteris  
& tamen negotijs omnibus gerendis agendum est, nullum supererit.



## DISCURSUS II.

*De Causis modici è Sacris Concionibus auditis  
Profectus.*

I. **M**axima laus, quæ DEI verbo tribui potest, ea est, quòd ipsum DEUM laudatorem habuerit: *Fecisti omnia*

*in verbo tuo.* Sic Divina Sapientia loquitur. Indicat autem his verbis, quòd, sicut Verbum DEI increatum princeps est causa rerum omnium factarum: *Omnia per ipsum facta sunt*: ita DEI verbum prædicatum causa sit instrumentalis nostræ reparationis, seu refectionis: *Fecisti omnia in verbo tuo.* Hoc si in peccatores incidat, non solum mortuos morte culpæ, sed qui inveteratis sceleribus effecti sunt compages quædam ossæ, eâ vi pollet, ut ossa hæc arida vestire iterum possit veste carnea, & novam iis vitam ac spiritum inspirare: *Ossa arida audite verbum Domini*: si autem in animas incidat, defectuum suorum morbis infirmas, & ægrè spiritum trahentes, mutare illas potest in filias DEI electas. *Illos dixit Deus, ad quos sermo DEI factus est.* Sic Christus Servator ipsemet affirmavit, ut, si S. Thomæ credimus in hæc verba commentanti, significaret, illos, qui prius, quàm DEI verbo audiendo operam darent, vix hominum numero censerì poterant, illo audiendo velut in Deos mutandos,

multâ videlicet Divinæ per multiplicatam Gratiam naturæ participatione. Hinc DEI vox comparatur calamo scribentis: *Lingua mea calamus scribæ*: nec enim vox est transiens, & mox deficiens, quæ quo momento nascitur, eodem occidit; sed est vox permanens ac stabilis, quæ animis, & cordibus impressa manet per omnes ætates, persuadendo cunctis Nationibus, quovis tempore, omni loco, res tam sublimes ad credendum, tam arduas ad sperandum, tam factu difficiles, quales sunt re ipsa illæ, ad quas credendas Religio Christiana tantam humani generis partem induxit. Repetere visum est hoc loco ac tempore, quæ jam in prima Dissertatione vobis patefeci, ut viani mihi sternerem ad respondendum non levi argumento, quo jam tum in animis vestris assertionem meam impugnabatis: nimirum, non videre vos illa, quæ exaggerabam, Divini verbi prodigia. Tot passim sunt hujus verbi præcones, toties pro concione illi dicunt, ubi autem fructus? Si sacre Conciones primis illis sæculis magnes erant, qui etiam ferrea corda ad se raperet, necesse est dicere, Magnetem hunc suam hodie trahendi vim amisisse; cum illo jam nemo trahatur. Nimis quàm



verum est, quod objicitis, atque idcirco hac Dissertatione propositum est mihi hujus rei causam investigare.

Luc. 8. II. DEI verbum in sacro Evangelio nobis sub Allegoria seminis proponitur: *Semen est verbum DEI*. Quod autem hoc è semine fruges non nascantur, id seminanti, DEO inquam, tribui non potest, qui nihil magis desiderat, quàm copiosam messem colligere. Id igitur vel in ipsum Concionum semen, vel in terram audientium, qui recipiunt, referendum est. Non nego, causam modici fructus non semel eam esse posse, quòd verbum DEI non jam verbum DEI sit, sed verbum hominum; adeò illud immutatum est: sicut proinde aquæ metalliferæ, quæ vi pollent medicâ, alijs aquis communibus fluendo permixtæ, non sunt, quæ fuerant; sic DEI verbum permixtum, aut, ut rectius loquar, profanatum linguâ, quæ nihil nisi terram sapit, mirum non est, si eâ sanandi vi non valet, quam cæteròquin exerit, cùm purum & sincerum in suo fonte bibitur. *Qui habet sermonem meum*, ait DEUS, *narrat sermonem meum verè*. Qui verbum meum annuntiat, ut meum, non ut suum annuntiet, & sacras literas vero in sensu interpretetur, non autem in sensum omninò alienum detorqueat. Hæc equidem singularis mali Dæmonis ars fuit, eum in finem ab eo excogitata, ne deinceps ex vitali Concionum semine optatæ fruges in animis pullulent, quæ cæteròquin erant pullulaturæ. Formicæ illud seminum cor arrodunt, ex quo primum fruges progerminant, & hac arte diu illa in subterraneis locis

servant: quin folia emittant: *Semina arrosa condunt, ne rursus in fruges exeant à terra*. Non est ambigendum, quin eandem artem Dæmon egregiè calleat: & hinc id agit studiosè, ut illud veritatis principium, in quo tota vis sita est, verbi DEI expositioni adimat, ut sic unquam speratos fructus afferat. Plin. l. 11. c. 30

III. Nihilominus Christus Servator potissimam causam, cur DEI verbum nihil proferat, hanc solam esse affirmavit, quòd audientes illud excipiant imparati; ut sic innueret, animorum nostrorum ineptitudinem nonnunquam, non principem modò, sed solam ejus mali causam esse. Et de hoc præparationis & aptitudinis defectu pluribus agendum est, tres in classes istos tam ineptos cum S. Thoma dividendo: *Non audientium, non acceptantium, Recidivantium*. Prima ergo eorum est, qui Concionibus adesse nolunt: secunda eorum, qui etsi audiant, non acceptant tamen: tertia illorum, qui cùm etiam acceptârint, curam deinceps nullam adhibent. in 70. 3

## I.

IV. Primi igitur, qui Divini verbi virtutem enervant, ij sunt, qui illi audiendo operam dare nolunt. Qui utramque in aurem dormire vult, valvas ante omnia obducit, ne lux per fenestras immissa somnum fortè discutiat. Idem nonnulli peccatores faciunt; ut vitiorum suorum somnum quietè dormiant, omnem lucis radium, quæ excitare fortassis posset, declinant. Si matutino in sacro verba Curio facit, ad illud accedunt, quod

tardiùs fit : at si posteriori Concio interponitur , studiosè , ad primum ventitant , negotia causati . Sed re ipsa quòd illos urget , negotium , aliud non est , quàm ut illà molestia se liberent , quæ nasceretur ex notitiâ , quam Curio refricaret , Mortis propinque , Iudicij severi , inferni aperti , quæ illorum quietem turbat , qui altum in sceleribus dormiunt . An certius aliud argumentum desideratis , quo vobis innotescat , hos homines non esse ex ovibus Christi , cùm ejus vocem audire nolint ? Hæc est causa , cur Præconem audire nolint , quia nolunt audire DEUM : *Nolunt audire te , DEI ad Prophetam verba sunt , quia nolunt audire me .* Quin si quo calu præter spem adsint tum , cùm Sacerdos dicere parat , non pudebit eos inchoata jam Concione abire , illò actos à dæmone , qui eorum animum occupat . Non dubito hæc asserere præeuntem secutus S. Cyrillum , qui de Juda , in Cena ultima à sermone Christi recedente , *continud exivit* , differens , nostisne , inquit , cur exiverit ? Ideò , quia Dæmon eum foras pellexit , ne fortè DEI verbum audiens respiceret , & admittæ à se noxæ veniam peteret . *Ne moram faciens , & audiens verbum DEI , scelus expueret .* Atque hi sunt illi , qui nunquam à malis suis artibus facitandis desistunt ; non reddunt injustè & malè parta ; non DEUM blasphemij lacescere , non pejerare , non turpia loqui desinunt ? verbo hi , & non alij magis sunt , qui Christo manus dare obstinatè renunt .

V. In mari Germanico piscium genus est , ex quo ne unum quidem alium quem Piscatorum quisquam à se retic. 16. conclusum gloriari potest : non alia de causâ , quàm quia isti semper in fundo hærent . Erit invenire scæminam , in suo scædarum libidinum cæno sepultam : hæc pro sacro , quod in Parochiali æde , ubi Concio habetur , audiendum esset , domestico aliud in Sacello audit . Talis anima quomodo Divinæ Gratiæ reti capiatur ? nisi Curio ad ejus se ædes conferat , ibique de DEO verba faciat , ad ipsam suo in fundo deprehendendam , actum est de illa . Id proinde faciendum esset , quod olim vati Jeremiæ imperatum est , ut non jam ad templum , sed ad portam urbis , ad quam maxima populi multitudo confluebat , se conferret , & ad concionem ibi coactam diceret ; *Vade , & Jer. 17. sta in porta filiorum populi mei , & dices ad eos ; audite verbum Domini .* Si vobis non lubet ad auscultandum accedere ad templum , res posceret , ut vestras ædes accederet Parochus , & in earum limine , vel vestris in gratijs , sermonem de rebus Divinis inferret : & donec ille hoc consilium capiat , vos ad audiendum non acceditis , atque ita negligitis medium ad salutem vestram tantopere necessarium . Narrat Cardinalis Viatricensis , Ruricolam fuisse , qui animum obstinaverit ad nullam unquam Concionem audiendam , sic ut ad prima Concionantis verba è templo se proriperet . Multis in hac contumacia transactis annis vivere desit miser , & cadaver , pro more in

Tem.



Templum deportatum est. Sed audite commensuratum culpæ supplicium! Dum solennes Ecclesiæ preces mœsto cantu pro eo solvuntur. Cruci affixi Servatoris simulacrum utramque manum clavis, quibus figebatur, liberat, & cunctis, qui aderant, aspectantibus, aures iisdem obturat: Curio igitur ad eos, rei novitate attonitos stupentesque, conversus: Quia aiebat, iste dum viveret DEI verbum audire contumaciter abnuït, nec DEUS nunc, iusto iudicio, audire vult verba nostra, quibus pro eo veniam poscimus. Habeat igitur sibi Orcus hoc corpus, cujus spiritum jam possedit, possidet, & æternum possidebit: & cum dicto, omisso reliquo cantu, cadaver illud asini sepulturâ sepeliri iussit. Funestus sanè hic fuit exitus & horrore plenus! & vobis cordi non sit illius meminisse, cùm Dæmon vos sollicitabit ad fugiendum à DEO per Ministrum suum vos alloquente?

VI. Quamquam autem nemo fortassis est ex hoc numero, qui eâ causâ adeste Concionibus nolit, quòd animum in sceleribus obfirmârît, cùm hic sit supremus malorum, ad quem perveniri possit, gradus. At non proinde spero esse neminem, quem animi elatio à DEI verbo auscultando avocet: non enim deerit forsân, qui sibi persuadeat, aliena sibi hortatione & institutione opus non esse. Sed O quàm damno suo desipiunt, quicumque ita sapere sibi videntur! Demus, ita esse, quòd non sint vi intelligendi hebeti atque obtusa: non idcirco affirmari potest, opus ipsis non esse, ut operam dent sacris Concionibus, quin etiam ipsi rudium

in Christianæ Fidei elementis institutioni. Ingens, sed vulgò non cognita, est differentia inter aquas manantes, & pluvias. Quæ ex nubibus depluit aqua, fecunda est, plena spiritibus, vitâ atque substantiâ, & plantis tam necessaria, ut sine illa vegetari diu non possint: quâ quidem virtute non pollet aqua, quæ scaturiginem in terra habet, idque propter nimium suum frigus. Nec dispar est ratio cognitionum, quas parte una suâ quis intelligendi perspicaciâ fingit, parte autem alterâ DEUS, Ministrorum suorum docentium usus operâ, nobis infundit. Priores illæ steriles sunt, & ad agendum non impellunt. Posteriores virtute & efficacîâ abundant, ob gratiam illam, quam alîs dicebam, à DEO semper adjungi. *Dat voci suæ vocem virtutis.* Quæ igitur dementia est, in animum inducere, sibi DEO loquente non esse opus? Hoc enim perinde omnino est, ac si quis putaret, agris suis pluvias necessarias non esse, propterea quòd vivus aliquis rivulus eas percurrat, contra quam aliorum id agris accidat. Nemo non DEI verbo indiget, seu rudis ille sit & hebes, sive acutus ac perspicax: quin si vel Salomonem aliquis æquaret sapientiâ, non idcirco liberum pronuntiare aude-rem à debito veniendi & auscultandi, quid DEUS dicat. Digna notatu res est, quòd pisces marini, qui in vastissima illa aquarum congerie natant, quæ fundo carere videtur, opus tamen habeant aquâ ex nubibus depluâ, vitam ceteroquin non propagaturi, si quidem Philosophus rectè sensit. Quis Davidem Regem aut naturali intelli-  
gendi

*Cardan  
lib. de  
rer. va-  
riet. c.*

*Aristo  
lib. 1.  
Ani-  
mal. c.  
19.*

gendi acumine superat, aut plus eo luminis in rebus Divinis accepit? Et tamen iste salubri verbi Divini latice tantoperè indiguit, ut miser Rex tamdiu, & totius scilicet anni spatio expers vitæ gratiæ permanferit, donec tandem Nathan Prophetæ ore benignè admodum hunc DEUS illi communicaret. Affero proinde, cùm quis ad id destinatus de DEO verba facit in Templo, cunctos debere ad eum audiendum confluere, etiam Sacerdotes, etiam Confessarios, etiam illos, qui omni scientiarum genere exculsi sunt, ut palàm profiteantur, sibi in suo mari pluviam tamen opus esse.

VII. Quamquam ubi tandem, ubi, quæso, inter nos sunt ista Sapientiæ miracula? illi ipsi, qui quæ ad corpus spectant, præcunctis aptissimè & solertissimè curare nōrunt, præ omnibus deinde in animæ negotijs hebetes sunt ac stolidi. Animalium eorum instar *trist. l. 1. histor. anim.* sunt, quæ Molos Philosophi appellant, quæ ferè omnia caput inter pedes ac ventrem habent. Nam & isti aliâ perspicaciâ non valent, quàm quâ sua procurent commoda, aut corporis indulgeant oblectamentis; ad invenientes inquam modos, quibus aut per commercia rem augeant, aut quibus aliter aliterque se oblectent, ad res animæ quod attinet, sine capite sunt, tam & ignorantes omnium, & ad omnia inepti sunt. Et hi scilicet nihil habeant quod porrò discant? *2. 5. 21* *Væ qui sapientes estis in oculis vestris!* Non est qui perpendat, se, cùm ita se gerit, sibi ipsi hostem esse, segregando se à Fi-

*R. P. Segneri Christ. Instr. Tom. I.*

delium Coetu, severius, quàm unquam Ecclesia perfidum aliquem & contumacem segregârît. Ecclesia sacro Anathemate percussis prohibet, ne Sacerdoti Sacrum facienti adsint, tam rigidè, quàm à tam sancta functione Ethnicum aliquem arceret; quò minus tamen pro concione dicentem audiat, interdicit nemini. Pejùs igitur animam suam habet, qui talis est, quàm illam haberet Ecclesia, si perduellis esset sacro interdicto subiectus: nec ego ullo modo ambigo, quin non unus dundaxat inter vos sit, qui pro conditione, quâ nunc est, magis indigeat, ut salutaria docentes audiat, quàm ut Missæ Sacrificio adstet, quique hoc ex capite forsitan delinquat gravius, si omittat audire de rebus animæ differentes, quàm si omittat adesse Divinam Hostiam tanti.

VIII. De ijs porrò quid dicemus, qui causantur idcirco se cum alijs non adesse Concionanti, quòd non habeant locum, aut sedem commodam, in qua dicentem auscultent? Nōstis utique, antiquorum sæculorum Christianis, pro insigni sua in DEI verbum reverentia in more positum fuisse, illud stando audire: sicut S. Augustinus profiteatur se, etsi eos, qui ex ipsius ore pende-

*26. ex. 50*  
bant, imbecillitatem quorundam misertus, rogâset, ut considerent, id tamen ab ipsis impetrare non potuisse. Quin & Imperatores Sacrum Præconem in pedes erecti audiebant. Certè Eusebius Cæsariensis narrat, se in Ecclesia perorantem impensè rogâsse Constantinum Imperatorem,

C

ut



ut suo in throno assidens sibi operam daret: illum verò noluisse unquam roganti obsequi, propterea quòd diceret; res Sacras non nisi à stantibus audientibus esse, atque ita se illas audire consuevisse, ex quo Christum esset amplexus, cum id alij passim ejus ævi Christiani factitarent. Hodiernis autem moribus rem magnam videtur præstare, qui vel Sacrificanti non sedens adest; & illi ipsi, quibus virium abunde est, ut à primo mane ad serum usque vespæ laboribus suis stantes defungantur, videntur ne semihorulæ quidem spatio adstare dicenti posse, quin periculo se exponant, ne animo linquantur.

## II.

IX. Sed mittamus nunc illos, qui audire nolunt: nam qui tales sunt, me jam non audiunt: loquamur autem de ijs, qui me audiunt quidem, sed non parati, qui est alter scopulus, quem vobis indicare constitueram. *Non audientes, non acceptantes.* Et primò quidem sunt, qui non nisi nova ac curiosa audire vellent: sed perperam, & contra Sacri Vatis monitum: *Interrogat de semitis antiquis.* Id semper vobis propositum sit, inquirere, quæ sit semita trita, si aberrare non vultis: quod perinde est, ac dicere: Carum vobis sit, ut sacer Præco sæpè ijsdem de rebus differat, ut eas animis vestris imprimat altius; & illa exaggerando proponat, quæ eorum sunt è numero, ut ex ijs plus pendeat. Ad me quod attinet, verum ego bonum vestrum spectabo unicè, nec patiar me à quoquam prohiberi, quò minùs, tanquam verus Pastor, in eadem vos pacifica reducam sæpius, si præ cæteris &

pinguia & salubria esse advertero: multoque minùs refugiam à modo dicendi facili, plano ac proprio, cum hic omnibus maximè utilis esse soleat. S. *Baron.* Joannes Chrysostomus, cum Antio- *an. 380.* chæ ad Concionem dicere cœpit, gen. *n. 13.* nere dicendi usus est exquisito ac sublimi, respondente ingenij sui subtilitati; sicut radiiores dicentem non assequerentur: unde bona aliqua anustantum sumpsit animi, ut ex sacro suggesto descendenti hæc verba infusurraret: Pater, placeat tibi rationem habere nostri miserorum rudium, qui te dicentem non assequimur. Tantum hæc verba apud virum sanctum valere, ut mox dicendi stylum mutaret, itaque descenderet, ut vel rudissimi in eo intelligendo non laborarent. Id autem ni fecisset, quis demum Concionum ejus fructus futurus fuisset? modicus sanè, si ullus. Hamus, qui non capitur, non capit.

X. His pejores illi Auditores sunt, qui nunquam à dicente perstringi velent? *Loquimini nobis placentia;* dicebant Judæi illi pessimè affecti ad suum Vatem: qui ipsi multos è Christianorum numero habent imitatores. Volumus adesse frequentes & prompti tam Institutioni Catechetiæ, quam Concionibus: sed cave nos increpes, aut minis terreas: *Loquimini nobis placentia:* *15. 30.* *videte nobis errores.* Dic nobis; cunctos nos certè salvos fore; Deum esse bonum; satis esse tundere pectus ad admisorum veniam impetrandam: cave inculcet nobis quotidie formidanda illa Novissima: in choreas, nocturna conventicula, assuetudines diuturnas, commercia non optima, ne inve-

haris;

30. 9. haris ; sic inter nos conveniet. *Filij nolentes audire legem DEI, qui dicunt videntibus, Nolite videre ; Videte nobis errores.* Hoc igitur est, quod à me petitis, ut placendi vobis studio vos prodam, & ut vestra vulnera in gangrænam degenerare sinam saccharo asperso, ubi emplastris fortibus est opus ? Absit hoc à me. Vera vobis denuntiabo, dum spiritus super est : nec clamare omit-  
tam, ubi voce submissa parùm me pro-  
fecturum sperem. Qui se tangi sen-  
serit, sibi imputet. Qui dolet, pro-  
dit se sanum non esse. Medicorum as-  
sertione, *Membra magis dolentia, in-  
flammationi magis obnoxia.* Cum pro-  
inde auditis, aliquos ex Auditorum  
numero se movere & perstrepere, ira-  
sci concionantis dictis, & obmurmura-  
re, quod longiùs, quàm par sit, progre-  
diatur, cujus rei id argumentum esse  
existimatis ? Signum est certissimum,  
nullos illis ex omni multitudine deter-  
iores esse ; esse membra minùs sana  
alijs quibuslibet, atque adeò quæ præ cæ-  
teris opus habeant illa medendi ratio-  
ne asperâ, quam tantoperè averfantur.  
Qui vehementiùs non increpat, non  
intelligitur ; quæ frigidè aut remissè  
dicuntur, altè in animos non descen-  
dunt. Estne qui ligno signum imprima-  
t, cùm ferrum friget ? ego certè hanc  
artem non calleo : molli ceræ imprime-  
tur, sed non duro asseri. Sic cùm Pecca-  
tor longè assuetudine depravatus non  
est, quando in virtutem propendet,  
quando paratus est, tum locum dat ve-  
ritati, etiam suaviter & blandè propo-  
sitæ ; non ita se res habet, cùm vitij  
animus occaluit : hic resistit con-

tumax, nec cedit, nisi in DEI verbo ;  
quod simul & ignis est, & malleus ; malleus  
ad intellectum pertundendum, & ignis  
ad voluntatem accendendam. *Verba mea quasi ignis, & quasi malleus conterens petram.* Certissimum vobis  
sit, ejusmodi hominum genus, aut  
cedere nunquam, aut non nisi voci  
validæ, & cum impetu vibratæ cedere  
re, quæ ipsis ob oculos ponat immi-  
nens exitij sempiterni periculum, hor-  
rendam vitæ pravæ & exemplo noxiæ  
deformitatem, & majorem, quàm  
in dies in vita emendanda experientur,  
difficultatem. Verbo, omnis Pecca-  
tor, S. Hieronymo teste, Gygis est, *in hunc*  
qui non nisi Davidis fundâ humi pro-  
sternitur, Sacrarum inquam Literarum  
minis, ut Propheta indicat : *Inimicos*  
*suos subjicient lapidibus fundæ ?* quando  
igitur lapides isti ferirent feliciter, si  
non nisi lento & remisso brachio tor-  
querentur ?

XI. Quid autem audientium ali-  
qui tam non admitterent ad animum  
dicentis monita, ut exsibilarent etiam, &  
mimica gesticulatione imitari non veri-  
ti, risum ex ijs in conventiculis capta-  
rent ? Sanè nescio, an ullus sit Peccator,  
cujus res deteriore sint loco, quàm illius,  
qui verbum DEI explodit. Non dubitem  
affirmare, minus sibi damni accersitu-  
rum, qui Concionem vituperet, quàm  
qui irrideat. In morbis corporis illa de-  
liria, quæ cum risu conjuncta sunt, mi-  
nùs habent periculi : non eadem est mor-  
borum animi ratio. In his non videntur  
ulla deliria plus habere discriminis,  
quàm istorum stultorum festivorum, qui  
ipsas, quas audiunt, de DEO Dissertatio-



*Execb.*  
 33. 31. nes in risûs materiem vertunt : *In can-*  
*ticum oris sui vertunt illos.* Nec hic si-

stet malum , sed eo ex capite augetur , quòd etiam ad fructum Divini verbi audiri in alijs impediendum hi tales progrediantur. Unde si metuunt , ne Oratoris Sacri verba ad cor personæ allicujus scelerum sociæ penetraverint , ad eam mox se conferunt , & alia aliaque in medium afferendo ad auctoritatem dicentis elevandam , eumque exhibendum , id tandem efficiunt , ut misera maneat , qualis fuerat. Piscis ille , quem nos Torpedinem dicimus , propterea quòd manum capientis ipsum stupefaciat , non tantum est piscis versutus , qui vix unquam in retia incidat ; sed præterea cum casu aliquo sociam suam reti implicatam cernit , omnia molitur , ut illa se denuo explicet , & evadat. Fingite nunc animo implicitam Concionatoris retibus Puellam aliquam vanitatis studiosam , quæ propterea quòd intellexerit pericula , quæ connexa sint cum voluntate frequentandi chorearum loca , ad fenestras spectandam se offerendi , & ubi ubi se offert occasio nimis quàm familiariter cum diverso sexu agendi , statuerit aliam deinceps vitam vivere. Si in hunc ejus animum amator impurus introspectit , adest confectum , & per mille ambages tam multa in medium affert , ut denique nodos omnes explicet , aut rumpat. Amare , inquit , & amari , peccatorum non est , receptus Patriæ mos est. Si longius paulò antehac progressi sumus , quàm arcti honestatis limites permittant , intra eos deinceps nos continebimus , quin abruptamus commercium. Concionator homo otiosus est : sine illum dicere quod vult :

aut omnes , aut nemo nostrum salvus erit. Atque his verbis animam Christi retibus expedit , & in mari denuo , inter majora , quàm unquam antehac , pericula destituit , eò usque , ut suâ misera de libertate sibi plaudent.

XII. Tantum vobis hodie tribuam , ut mihi persuadeam , nullos esse inter vos tam perditos ac desperatos , ut non contenti in exitium sempiternum recte , alios secum trahant , atque ita Orci Procuratores agant , perinde ac si jam ipse causæ suæ quàm optimè agendæ non sufficiat. Id quod accidere facilius potest , est , quòd multi vestrum inviti ad verbum DEI audiendum accedant : & eâ causâ vel non attendunt , vel mox fastidio afficiuntur. Non attendere autem , perinde erit , ac non audire. Sunt qui aures in Concionem afferant , cor domi relinquant : *Aures in auditorium , non mentem afferunt ;* ut Sapiens ille Judæus loquitur. Animum affixum habent aut *Phil. h*  
 negotijs familiæ , aut in splendidiore *Quis*  
 vestium apparatu , aut in eo , quòd curiosius videre , aut blandius videri desiderent : & ideo subinde nesciunt quidem , de quo argumento Concionator verba fecerit. *Non recipit stultus verba prudentia , nisi dixeris ea , qua versantur in corde ejus.* Si Sacer Orator dis- *Prov.*  
 fereret , quibus omnis eorum animus occupatur , quàm fidâ & non fallente memoriâ reddere possent , quæ audierunt omnia ? Vasculum ex ligno hederæ confectum aquam retinet , vinum ex eo diffuit. Non absimiles ipsi sunt. Satis esset ridicula miscere serijs , & lacris Sermonibus , & tunc videre esset , quàm fideliter omnia animo re-  
 tine-

tinerent. Ex hac etiã animi evagatione nascitur, ut audientes dicta non assequantur. Interim culpa in Oratorem conjicitur, quod nimis sublimia afferat; etsi immeritò. Si gladius rectus est, incurva autem & obliqua vagina, ille in hanc immitti non poterit: cujus autem culpâ? vaginæ utique, non gladij.

XIII. Ad tœdium quod spectat, nihil profectò illud boni portendit. Jam aliàs me dicere memini, non vanum Animæ ad vitam æternam prædestinatæ esse signum, libenter audire verbum DEI, juxta illud Christi Servatoris: *Beati qui audiunt verbum D E I, & custodiunt illud.* Beati qui DEI vocem prompto ac libenti animo audiunt, quique ut magna illam cum æstimatione recipiunt, ita non minore deinceps cura ut thesaurum pretiosum custodiunt. Duobus modis dicunt Interpretes, Coelestem felicitatem DEI verbo *us. 11.* contineri; *in radice nimirum, & in signo.* In radice continetur, hoc est, virtute, & modo, quo in radice totus est fructus, sic ut ab ea pendeat dum nascitur, dum crescit, & dum ad maturitatem perducitur. In Signo autem continetur; quia significat animam bonam. Libenter audire Conventus Musicos, ex naturali quadam harmonia, & interna proportionem, quam humores ipsi ac sensus cum concentu illo habent, nascitur. Unde hoc non delectantur, nisi sani, ægri è diverso, quorum humores perturbati sunt, omnem harmoniam pro incondito strepitu habent. Non aliter prompta illa voluntas & aviditas ad audien-

dum DEI verbum nascitur ex Animæ cum Christo Servatore consensu & ad-*Joan. 8.* hæsiōne: *Qui ex DEO est, verba DEI audit.* Ex hinc homines perversi, cum humores internos, animæ inquam facultates, ita peccato perturbatos & confusos habeant, non nisi cum fastidio sermones de DEO auscultant; *Propterea vos non auditis, quia ex DEO non estis.*

XIV. Neceffe igitur est venire cum aviditate magna ad audiendum verbi DEI Præconem & voces eius excipere, non ut voces hominis peccatis obnoxij, sed ut voces DEI potentis omnia. Atque hoc est, quod tantis laudibus extulit Apostolus in antiquis illis Christianis, huic causæ attribuendo fructum illum insignem, quem eorum ad Christum conversione erat affecutus. *Non accepistis illud ut verbum hominum, sed* *1. Thess. 2.* *sicut est verè, verbum DEI.* Hæc ipsa ratio animo perpenſa vos impellet, ut non avidè tantum, sed & constanter ac crebrò ventitetis, arbitrati, vos non parvam jaçturam facere, si vel semel negligatis occasionem, audiendi differentem de rebus Divinis. Observate, Servatorem nostrum non illos beatos pronuntiare, qui verbum DEI semel iterumve audierunt, sed qui *audiunt: Beati qui audiunt verbum DEI:* ut indicaret, frequentiam in DEI verbo audiendo esse causam effectricem admirandorum operum; de quibus hucusque disputavimus. Ne aqua situ corrumpatur, non satis est, semel illam igni eliquare: sepius cum illa ad focum & exudationem veniendum est: pari modo constantiâ in bene cœptis ac frequentia facile obtinebitis quod per vices tantum raccedendo nō assequimini.



## III.

XV. Hæc res in mentem mihi revocat errorem tertium, qui in Sacris Concionibus audiendis admittitur, qui est, post aliquem ex eo audito haustum fructum, non id sollicitè agere, ne de nuo pereat, & postquam cœleste semen in animo nostro sparsum est, sinere ut excidat, seu rectius, opprimere illud & suffocare. *Non audientes verbum DEI non acceptantes recidivantes.* Enimverò digna vel sanguineis lacrymis calamitas est; videre, quanto conatu opus sit, ut aliqui adducantur ad audiendos de Animæ negotijs sacros sermones: quanta claritate necesse sit ipsis explicare, quæ proponuntur, ut ea probè intelligant: quanto studio & arte animos eorum sibi devincire, ac sensim progredi oporteat, ne nauseare occipiant; & post hæc omnia, cum falsam quis ad maturam messem expedire se posse putat, videre inquam, omnia in Herba exaruisse. Sacra illa Excursum virorum Apostolico Spiritu plenorum videbatur debere inferere & plantare stabilem timorem DEI in illa Regione, extirpare radicitus detestatos toties in Concionibus abusus ludendi, Perpotandi, choreas ducendi, periculosas occasiones frequentandi: Et tamen in plerorumque animis virtus solidas radices non agit: sola in superficie hæserunt omnia: vix enim Sacer Orator dicere cessat, cum itur in antiquam silvam. Hæc tanta instantia inde sæpè est, quòd multi non seriò meliorem ad frugem reversi sint, sed quòd, ut S. Augustinus loquitur, interrumpant tantum peccandi assue-

tudinem, non abrum pant. Si fluvius, qui stabiles ceteroquin alveo undas vehit, æstate aliquando prætermodum sicca exarescat, non ideo non est fluvius. Ita Lex statuit. *Flumen, quod perenne fluebat, si æstate aliqua exaruerit, non ideo minus perenne est.* Sic igitur vita aliquorum perennis fluvius blasphemiarum, perjuriarum, detractionum, libidinum, injuriarum. Si fluvius iste occasione quadam præter spem & morem oblata, Concionatoris alicujus Apostolici, tantillo tempore aquas iniquitatis non vehat, sed exaruisse videatur: non ideo fluvius non est: non ideo lascivus ille hircus, hircus esse desijt; non ideo adultera, illa adultera esse desijt: sunt quales erant. Verùm his omiſſis, propositum mihi est sistere in investigandis causis, ob quas tam citò recidunt, tam citò ad vomitum redeunt, etiam qui verè resipuerant in ordinariis, aut illis præter morem haberi solitis Concionibus.

XVI. Mihi quidem videntur duæ potissimum magis frequentes, magisque communes ejus rei causæ esse. Prima est, quòd semel audita deinceps non amplius in memoriam, mentemque revocentur. Ut cibus corpus nutriat, non satis est illum & salubrem, & succi plenum esse, sed insuper probè mansum ac remansum. Quid in eo utilitatis est, quòd Sacer Orator proponat vobis cibum doctrinæ salutaris ac sanctæ, si integrum & non præmansum devoratis, quin attentè perpendatis aut veritatem, aut pondus rationum, quibus ille vos induxit ad saniora? Seriò hæc ac diligenter cogitant-

l. ff. de  
Flumin

dernel.

I. de  
latis.

tanda sunt, memori mente tenenda, de his domi cum familiaribus differendum, alijs, qui non audiêrant communicauda; absque his non nascetur, qui speratur fructus, nec in sancte decretis perseverabitur. Ex dentibus, Medici vitam brevem aut longam haud quamquam temere præsagiant. Non minore cum fundamento ego resipiscen-  
tibus ex ijs, quæ dixi, indicijs, vitam brevem, aut longam auguror.

XVII. Altera inconstantiæ in beneceptis causa est, quod, quia ad cor rediêrunt, ijsdem se quibus prius periculis temere exponant. Nonnulli ubi dicentem audiêrunt, videntur obli-  
ti, se homines etiamnum esse, tam multa sibi de se promittunt. Deinceps, in-  
quiunt, non est periculum, ne peccem. Omnino ita est, limus igne duratus non tam fragilis est, quam ille, qui fornacem nondum subiit: si tamen in aliud corpus durum impingas fortiùs, & ille non difficulter in frustra abit. Quare si id agitis, ut stabilis ac diuturnus sit sacrarum Excursionum, & Concionum auditarum fructus. cavete redeatis ad loquendum, ridendum, aspiciendum eâ omnino, quâ prius libertate; res enim ipsa & experientia demonstrat, securitatem aliam dari nul-  
lam, quam in perpetuo metu ac cau-  
tione, nec aliter ferè, quam fugiendo, hostem superari. Nulla non die vi-  
demus, vapores, solis calore in aeream regionem elevatos, paulò post in plu-  
viam resolutos terram repetere. Sed quâ id causâ? an non præstaret, si sublimem illum locum, & velut dig-  
nationis gradum constanter occupa-

rent? Recidunt, quia in media aëris regione, perquam frigida, sistunt, nec altius enituntur: in illa autem facile iterum densantur, cum radiorum so-  
larium vi tenuissimi antea redditi es-  
sent. Si pergerent altiora petere, ad hæc infima redderent nunquam. Quæ-  
ritis vos ex me, quæ causa sit, ob quam non pauci ad saniora conversi, ad ineptias & sordes suas redeant, quod perinde est ac sublimiori è loco deorsum ruere, postquam Divinæ Gratia vi ex luto ac sordibus sublimia con-  
scenderant? En causam in promptu. Isti post auditas aut sui Pastoris, aut vi-  
rorum Apostolicorum hortationes, post elutas seria Confessione animi maculas, post vitæ emendandæ decreta, cæptum iter non proseguunt; sed subsistunt in media regione, vitæ in-  
quam ratione inter virtutem ac vitium mediâ, quâ à peccatis quidem, sed non ab ijs, quæ ad peccandum impel-  
lunt, abstinere constituunt: unde redeundo ad familiaritatem cum socijs prioribus colloquendo cum ijsdem mulierculis, redeundo ad eadem conventicula, refrigescunt denuo, & ut sic dicam jam iterum densi ac frigidi, recidunt, unde sese in altum vibrâ-  
rant.

XVIII. Hæc est vera ac genuina fructus non permanentis causa; non verò quod DEI verbum parum efficiat, parumque assequatur, ut nonnulli ineptè ex eo arguunt, quod videant multos in sancte decretis non perdurare. Quid, inquit, isti tot Concio-  
nibus, tot Sacris Excursionibus opus est? Quidquid demum fiat, ho-  
mines



hómínes isti à se diversi non evadent. Si hæc arguendi ratio aliquid conficeret, abstinendum deinceps esset à refectione corporis; quia non diu pòst etiam qui manducaverint, iterum esurire incipient. An igitur, quidquid Sacris in Excursionibus rectè ac salubriter fit, vestris in stateris nullius est ponderis? Tot Confessiones rectiùs peractæ, tot bona aliena Dominiis reddita, tantus de admissis dolor, tam multa opera pœnalia, tot lachrymæ fusæ, venia tot inimicis data? Si nullum posthac maneret gestorum vestigium, sufficerent, quæ gesta sunt ad compensandos abundè labores, quicunque exantlati sunt. Sed ultra præterita, multa etiam deinceps rectè ac utiliter fiunt. Illi ipsi, qui peccant iterum, aut peccant rariùs, aut non ita palàm, pudet eos vitæ suæ consceleratæ, eaque causâ tegunt solertiùs prava exempla, in quæ non tam obiter Oratorem invec tum audièrunt. Notavit Galenus, aquam putrem & calefactam, si frigeat, etsi noxias alias qualitates non amittat, malè tamen porrò non olere. Parùmne lucri est, si impudens illa muliercula nunc latebras quærat infamiæ suæ, & si ille, qui palàm & interdiu alienam, ut latro publicus, pudicitiam rapiebat, nunc in furem mutatus nocturnum, tenebras quærat, & videri metuat? putris hæc aqua Sacræ Excursionis fervore calefacta, si non aliud, fœtore saltem, & putore alios offendere desit. Cæterùm vix nobis, si DEI verbo omnino carendum esset! non Innocentiæ tantum, sed ipsius adeò Fidei jacturam pati contingeret. *Hæc est*

*Gens, quæ non audit vocem Domini Jer. 7. DEI sui, sic Jeremias Propheta loquitur: quid autem ex hac DEI voce non audita consequetur? id scilicet, ut etiam Fides deficiat Perijt fides. Tanta, & non major, est Fides, ut sufficiat, ne quis ad Tribunal Sacrorum Quæstorum rapi debeat? fides est, quæ habitu tantum creditur, & non actu: fides obscura ac confusa, quin imò nonnunquam humana solum, quæ fortassis rem ita se habere posse judicatur. In hac autem tam turbida aqua quis explicet, quantum prædatum malus Dæmon capiat? Piscator in unda tranquilla ac pellucida homo fortassis non frustrà piscibus insidiabitur; sed retibus prædam includet nunquam, aquâ priùs non turbatâ. Si proinde Prædator stygius alias animas non caperet, quàm illas, quæ videntes ac scientes in prædam illi se offerunt, tam paucas caperet, ut non nisi hamo piscari dici posset. Magnam piscium multitudinem trahit ad se reti inturbitudo ignorantie: Propterea captivus ductus Is. 5. est populus meus, quia non habuit scientiam. Mundus omnis in retia Piscatoris Orcini incidit, quia illa non videt; non videt autem, quia in ijs, quæ ad DEUM spectant, institutus non est: quia non habet scientiam. Unde cùm DEUS gravia supplicia intendat, minatur se ablaturum Concionatores utiles. Mittam famem in terram, non famem panis, sed audiendi verbum Domini. Amos. 8. 11. Ubi constituero in fideles meos animadvertere supplicij genere planè formidando, puniam illos charitate, non panis, sed verbi mei Divini, sic ut nulli*

libi invenire sit ejus fidum interpretem, quantacunque diligentia quaeratur. Hinc autem quid consequetur? Audite. *In illa die deficient Virgines pulchrae.* Id consequetur, ut tota illa, quam late porrigitur, Provincia, non invenire sit Virginem, quae verè Virgo sit, & quae sub specioso virginitatis pallio non abscondat nequitiam tanto liberius, quò magis extra suspicionem est. Ita in locum illum S. Hieronymus commentatur, qui ex eo colligit, ex non audito DEL verbo, omne genus vitiorum nasci. *Ex quo intelligimus perire pudicitiam, castitatem mori, omnes obire virtutes.* Nec obscura ejus rei est ratio: ut enim Sapiens ille vel inter tenebras suas vidit, vitium in animum tot portis intrat, quot sensus patent: virtus autem non nisi per solam aurium januam ingreditur: ubi proinde non est, qui bene dicat, non invenietur etiam, qui bene vivat. Puniat nos sanè DEUS caritate quacunque; sed ista non puniat: vindicet admissa à nobis peccata, sed vindicet pietate Patris, non furore Inimici. Et verò auferre, qui Divina jussa interpretetur, est apertum Peccatoribus bellum indicare. Nondum censentur hostes illi Reges aut Principes, quorum uterque magnis deletibus militem cogit, arma expedit; quin ne tum quidem, cum ad Provinciarum limites vellitationes committuntur; & mutuis se injurijs hujus illiusque subditi hostiliter lacescunt. Quodnam est raptorum foederum & belli denuntiati argumentum certissimum? an non cum Legati revocantur? Atque hoc minatur DEUS tanquam

poenam horribilem, hoc quod re ipsa exequitur, quando jam nullo modo pacem cum peccatoribus, sed vindictam vult. *Dominum exercituum auferet ab Is. 3: Jerusalem Prophetam, & Senem.* Tunc denuntiatur bellum est, tunc omne pacis studium ac cogitationem ponit, tunc clades, ac internecionem meditatur, cum Nuntios suos ac Legatos revocavit.


XIX. Ut redeamus ad propositum: en veras ac praecipuas causas, ob quas Conciones Sacrae non efficiunt prodigiosas illas in melius mutationes, quas efficere solent, cum obex nullus ponitur. Id nunc superest, ut quisque meliore, quo potest, modo tam perniciabilia impedimenta auferat. Id nisi fiat, eò proficiunt calamitates nostrae, ut praeter inutiles lacrymas nihil porro opis supersit. Narrat Sacer Historicus, cum Servator noster aliquid quando observasset perfidiam Judaeorum, quae coelesti ejus doctrinae resisterent, non iram solum contra eos exarsisse, sed etiam mœrore affectum: *Circumspiciens eos cum ira, contristatus est super cecitate cordis eorum.* Pro! quam infelix hoc erat omen! Naturam propendimus ad iram, cum quis obicem ponit operi, quod molimur: mœrore tamen nemo affligitur, nisi cum videt ita sibi obstari, ut diffidat, se posse perrumpere. Hoc igitur unum superest Pastori vestro; cum videt, nullam jam à se dictorum rationem haberi, ut ob tot animarum cecitatem sancta ira, mœrore contabescat. Spem vos DEO

lucrandi porro habet  
nullam.

D

DIS.





## DISCURSUS III.

## De Fide.

I. **C**hristianorum quilibet in Sanctæ Ecclesiæ Paradiso plantatus est ut arbor, aut herba nobilissima, quæ tamen,

non ut aliæ in hortis nostris solent, radices deorsum agat, caput sursum, sed quæ radices in Cælo habeat, ut inde perennem succum trahat, qui vitam tribuat & conservet. Si ita res se habet, quam dicemus esse radicem arboris tam beatæ? Non est quod in ea investiganda fatigemur: manifestat illam nobis Sapiens, aitque esse Fidem. *Scire Justitiam & Virtutem tuam, radix est Immortalitatis*: sic ille DEUM alloquitur.

Clara & veraci cognitione attingere ea, quæ ad summam perfectionem, summam potentiam Supremi Legislatoris hujus Universi pertinent, his in terris principium vitæ immortalis est: *Radix est Immortalitatis*. Quod cum ita sit, minimè mihi mirum videtur, quod tam sollicitè ac anxie nos hortetur Apostolus, ut exploremus, & quoad licet experientiâ ipsâ probemus, verè credamus, an

1. Cor. 13. 5. *ipsi vos probate*. Nimium quantum interest Arboris Animæ nostræ, firmas egisse radices, quæ si quacunque sorte sinistra in nobis languerent, omnis

Hebr. 10. 38. *autem meus ex Fide vivit*. Bona igitur vestra veniâ, Apostoli secutus senten-

tiam, Fidem hodie nostram comparisonem tam necessaria explorabo, & dum ostendam, qualis ipsa in nobis esse debeat eadem operâ declarabo, qualis ipsa sit in se. *Scire Justitiam & Virtutem tuam radix est Immortalitatis*.

II. Tres dotes sunt radices nobilis cujusque plantæ. Prima est firmitas, ad illam sustentandam; altera profunditas ad alendam; tertia fecunditas ad illam fructibus suavissimis locupletandam. Hæ ipsæ etiam propriissimæ Fidei dotes sunt: firmam esse oportet ad Intellectum primæ veritati constantissimè subjiciendum; profundam, ad eum Divinorum mysteriorum cognitione alendum: fecundam, ad eam quàm plurimis rectè factis ditandum. Agamus initio de Dote prima.

## II.

III. Firmam igitur oportet esse nostram Fidem: nec enim Fides ista est quæcunque credulitas, aut assensus alteri loquenti præstitus, sed assensus omnino dubium excludens, qui volens ac libens nec nutet ullo modo nec vacillet. Inconcussæ hujus firmitatis causa est Veritas Divina, quâ assensus Fidei nostræ nititur. Observare proinde, omnem fidem alterius verbis præstitam duobus his fundamentis inniti: primum est sibi persuadere, quod loquens, tanquam de re probè edoctus, non fallatur: alterum, quod pro sua bonitate fallere non velit: atque ita facilius cre-

di-

ditur viro docto, quàm indocto; facilius viro bono, quàm viro nequam. Hinc apertum est, debere nos DEO fidem infinitam, si talem præstare nostræ esset facultatis, ut eo loquente digna sit, *Credulitas digna DEO*, ut cum S. Augustino loquamur. Cum enim DEUS naturâ suâ Veritas sit, nihil quidquam cognoscere potest aliter quàm sit: & cum naturâ suâ Bonitas sit, non aliter manifestare quidquam potest, quàm illud cognoscat. Unde ipsi credendo, certissimi sumus, quòd non fallamur. Causa igitur, quæ Christianos inducere debet, ad Fidem suam certissimam habendam, non hæc esse debet, quòd in ejus gremio nati sint; non quòd isto lacte inde à teneris sint aliti; non quòd alij præcant credendi exemplo; non quòd ita à Sacris Oratoribus edocti, non quòd rationibus inducti sint. Una ac sola esse debet hæc, quòd hujus Religionis Mysteria DEUS revelaverit Ecclesiæ, per Ecclesiam autem etiam nobis. Audite hanc in rem eventum admiratione dignum, Asclepiades Præfectus atrocissimis tormentis divexabat S. Martyrem Romanum; hic cum adverteret Judicem in excludenda ab anima veritatis cognitione obstinatum, decrevit eum prodigio manifesto aut flectere, aut si contumaciter oblectaretur, omnem illi adimere se excusandi prætextum. Cruciatuum proinde suorum immemor, & ad Asclepiadem conversus, si, aiebat, dictis meis fidem non adhibes, Infantulum hunc omnis doli expertem interroga: & ex ejus ore intelliges veritatem, quam ego annuntio: & cum dicto filiolum tene-  
rum admodum indicat, quem necdum

linguam articulatam in voces solvere doctum Christianarum Matrum aliqua brachiis gestabat. Cum mox infans exclamavit, & contentâ distinctâque voce, Christus, dixit, verus DEUS est; sic ut Præfectus rei novitate attonitus, nec tamen cedere vel sic doctus, quis, torvo vultu responderit, tibi id dixit? reposuit puerulus: *Mihi Mater, & Matri DEUS*. Responsum isto aptius nemo Christianorum reddere posset, si quando ex eo quæreretur, undenam Religionis nostræ Mysteria agnovit? Quis revelavit tibi, Christum DEI esse Filium, eundem humani generis redimendi causâ mortuum, à morte ad vitam triumphabundum rediisse, venturum, ut omne mortalium genus, unum in locum collectum, judicet? Quis revelavit? respondere oporteret: Mihi Mater dixit. Ecclesia inquam; Ecclesiæ autem DEUS. En igitur totam hujus rei seriem. Christus Servator revelavit Apostolis Fidei nostræ Mysteria, Apostoli docuere Ecclesiam, Ecclesia nos omnes edocet: atque ita tandem à testibus de auditu, venit, ut Leges jubent, ad testes de visu, dum nos illis assentimur, quæ in intimo Patris sui sinu DEI Filius contuetur: *Unigenitus Joan. 1. Filius, qui est in sinu Patris, ipse enarravit.* 18.

IV. Juvat proin considerare, quàm miserè fallantur cæci illi, qui Fidem nostram tam parvi habent, ut de ea non aliter disputent, quàm de vi apertâ animo nostro illatâ; & quia illa obscura est, vellent illi superaddere claram notitiam & scientiam humanam. Prô temerita-



tem! Somniare, se multis præditum oculis, cæcitatis prognosticon esse censetur. Sic & isti, dum plus longè quàm alij videre sibi videntur, omni le videndi facultate privant. Fides nostra lumen est in nos derivatum à clara notitia & certitudine ipsius DEI: & scilicet illa stolidorum sit, ac seductorum;

3. dist. 23. q. 2. a. 1. 4. *Fides exemplar habet in DEO, quod cognitionem & certudinem, quæ est Angelici doctrina. Hinc qui sinceri Christiani sunt, non credunt tantum, sed cum magna tranquillitate credunt, cum satis norint, falli se non posse.*

Rom. 15. *Repleti omni gaudio, & pace incredendo:*  
13. *infantuli instar, qui matris è collo pendulus fugit lac, quod non videt, & fugit sine omni metu ac perturbatione, certus se venenum nunquam bibiturum: atque hoc ex capite ne quidem videre desiderant, quod credunt, tam immobiles adhærent vero, quod eos nutare non patitur. Ut ruborem incuteret Hæreticis Albigenensibus Christus, spectandum se in Sacra Hostia præbuit vultu pulcherrimi pueruli, & quidem tempore bene longo, ut, cuicumque collubitum esset, usurpare oculis prodigium posset. Invitatus proinde ad spectaculum tam novum S. Ludovicus Galliarum Rex, eat, repotuit, ad videndum in Hostia Christum, qui de ejus præsentia in illa dubitat: ad me, quod pertinet, certius id mihi est Ecclesiæ testimonio, quàm futurum esset, si hisce meis oculis intueret. Demus igitur, obscuram esse Fidem, hoc autem quid refert,*

si hæc ipsa obscuritas plus habet certitudinis, quàm ipsa apertissima Scientiarum evidentia? *Nox vobis Mich. 3. pro Visione erit, & tenebræ pro divinatione: nobis quoque ad solatium in sensu haud paulò optabiliore ab ipso DEO dictum existimare possumus.*

V. Scientiæ aliæ, & disciplinæ; ut S. Thomas observavit, & naturæ suæ incertæ sunt, & longi temporis beneficio acquirendæ, eaque etiam causâ rarò animum pleno solatio afficiunt. Naturæ incertæ sunt; quia cum originem trahant à sensibus, quàm facile in errorem plùs quàm simplicem præcipitant? Ipse oculus, qui minùs quàm ullum aliud sensuum organum in testimonio dicendo fallit, sexcenties tamen & ipse decipit. Affirmat remum aquæ immersum, curvum esse, qui tamen rectus est; affirmat colores Iridis veros esse ac stabiles, nec tamen sunt nisi colorum inaitamenta; affirmat solem paulò plus quàm palmari magnitudine esse, cum hic molis suæ amplitudine totum globum terraqueum centies sexagies sexies comprehendat. Sed neque plus Rationi nostræ tribuere possumus, quod est alterum à naturâ datum nobis lumen ad veri investigationem. Nam hæc quoque ipsa quoties fallitur, maximè postquam peccato propè exoculata est? Id quod plus satis demonstrat illa sententiarum discrepantia, quæ doctos ad perpetuas lites condemnat; sic ut hac una de Veri-

Veritate (summi omnino momenti ad rectam & totius humanæ Reipublicæ, & privati cujusque gubernationem) quis nimirum sit Finis hominis ultimus? Sanctus Augustinus ducentas octoginta inter se pugnantem Antiquorum Philosophorum opiniones enumeret. Quis igitur ambigat, an scientia nostra naturâ suâ incerta sit? Sed non minore deinceps tempore ad illam acquirendam opus est. Ars longa, vita brevis. Sufficiat dixisse, ex antiquorum Sapientum numero fuisse aliquem, qui quadraginta ipsos annos in id impenderit, ut Apum naturam, ac indolem in operibus suis conficiendis exploraret (quæ vel rustico cuilibet sine interpellantibus intueri concessum est) quin tamen, quod tam studiosè quærebat, tandem assequeretur. Cum interim Fides momento propè unico Intellectum nostrum locupletet notitiâ sexcentorum arcanorum, sublimium planè ac pulcherrimorum, ut ea ne à longè quidem cuncti Philosophi Antiqui, Fidei lumine destituti, prospicerent: *Quas nemo Principum hujus sæculi cognovit.* S. Hieronymus in illa Christi verba: *Qui dixerit fratri suo, Fatue, reus erit gehennæ ignis,* affirmat hanc utique Christianos inter palmarem esse injuriam: quomodo enim Fatuus ulla ratione dici potest, qui Fidei suæ beneficio erudire cum stupore posset omnes Aristotelis, Xenophontis, Socratis, Platonis Discipulos; *Qui Christum DEI noverit Sapientiam, quâ ratione stultitiæ elogio denotari potest.*

VI. Gravis deinde calumnia est, quâ Fides nostra impetitur; dum cum Ratione pugnare dicitur. Non pugnat cum illa, sed illi imperat. Et sicut Mathematicarum Disciplinarum studiosus permittit, ut circini pes unus in omnem agatur partem, dummodo alter centro immotus adhærescat, ita & Fides non prohibet, quò minùs Ratio pro arbitrio de Fidei arcanis disputet, dummodo parte altera à DEI loquentis authoritate se divelli non patiatur.

VII. Sed hic rei cardo vertitur, dicet nonnemo, cujus animus peccatis plurimis implicitus intricatùsque haud aliter ac stomachus noxiis humoribus refertus, cerebrum vertigine rotat. Si mihi constaret certò, Religionem hanc, ejusque dogmata à DEO manifestata fuisse, insanus essem, si porrò ambigerem; cum DEUM mentiri non posse, non minùs certum sit, quàm DEUM esse. Sed quis me securum reddet, DEUM esse locutum, nec alterius cujusquam commentum esse posse Religionem, in quam nascendi sorte velut incidi? Displicet hæc mihi argutatio ob causam, quæ ad sic arguendum impellere potuit: placet tamen illi respondere, ut hac ratione plus adhuc lucis affundatur iis, quæ hucusque à me in medium allata sunt. Illud ante omnia ponendum, nos dum Fide alicui veritati assentimur, geminum producere actum. Horum unus est actus ipse credendi, qui ad Intellectum præcipuè pertinet: alter est actus, quo credere volumus, qui pertinet ad voluntatem. Jam quod



ad actum ipsum credendi, & assensum Fidei dogmati præstitum spectat, non alio ad eum movemur & impellimur, quam auctoritate primæ veritatis loquentis, ut dicebamus: Voluntas autem illa, quâ credere volumus, pro causis moventibus habet tot illa ac tam multiplicia testimonia, quibus indubitatum redditur, nos ad credendum esse obligatos. Sunt autem hæc Testimonia sanctitas illa ac puritas Religionis Christianæ, quâ omne planè virtutum genus fugere, virtutes autem omnino omnes sectari docemur. Perpetuitas ipsa Religionis, quam tot persecutionum, tot tempestatum, stragium, schismatum turbines non tantum non extinxerunt, sed auxerunt etiam, & confirmarunt flammæ instar, quæ quo folliibus agitur vehementius, tantò exardescit luculentius. Modus ac ratio, quâ hæc eadem Religio per orbem universum propagata est, per homines nimirum rudes & illiteratos, non facundiâ, non viribus, non opibus valides, & verbo, per inopes Piscatores. Conjuncta tam excellenti morum probitati lectissima Doctrina in viris sanctissimis, qui post Fidei nostræ examina semper illam quovis frumento, jam iterum iterumque cribrato, puriorem sinceriorèque invenerunt. Vaticinia tot ac tanta, quæ in ipso Religionis hujus authore Christo impleta sunt. Miracula, quæ nunquam defuerunt in Ecclesia, nec deerunt, quibusque velut tot sigillis Divina dextera obsignavit Religionis nostræ arcana, cum nullum unquam mendacium sic possit affirmare. Vis

illa ac potestas, quam Religionem hanc sectantes obtinent contra malos Dæmones, quos sibi obtemperare, & se abjicere, & denique obsessis corporibus migrare pro imperio cogunt. Sanguis tot Myriadum Martyrum, qui tum demum in apice felicitatis stare sibi visi sunt, cum vitam inter mille cruciatus pro Religionis hujus veritate affirmanda ponere illis licuit. Et quæ sunt alia illustrissima signa ac testimonia, quibus Religio Christiana abundat; Sectæ autem aliæ omnes vel iis penitus destituuntur, vel longè inferiore in gradu effulgent. His autem Religio nostra tam credibilis redditur, ut Regio Psalti etiam mensuram non tenuisse viderentur: *Testimonia tua Ps. 92. credibilia facta sunt nimis.* Si Intellectus, nullo pravarum inclinationum, aut perturbationum fumo offuscatus, hæc rationum momenta, hîc velut ab aliud agente enumerata, seriò attentèque perpenderit, fieri non poterit, ut non submittat caput, & lubens volensque in obsequium Fidei, tam suavi violentiæ, qualis ista est, manus det: *Captivans intellectus in obsequium fidei. 2. Cor. 10. 5.* Insanire dicendus est, qui secus fecerit. *Magna insania est Evangelio non credere, cujus veritatem sanguis Martyrum clamat, Apostolica resonant voces, prodigia probant, ratio confirmat, elementa loquuntur, Dæmones consententur.* Si pronuntiavit Picus Mirandulanus illud ingenii prodigium. Et tamen est in nonnullis Cordis depravati durities, ut veritatem tam manifestam cognoscere eos non sinat. Cera signum impressum faciliè recipit; in lapide ope-

operā luditur : non utique annuli male sculpti vitio, sed lapidis, ad figuram recipiendam contumaciā suā inepti.

VIII. Ut ad propositum revertamur, quid vobis videtur, Dilectissimi, de Fide quæ primò statim intuentibus apparet rationi summè consentanea; in ultimo recessu, uno & solo DEO tandem nititur ac fundatur? Tam firma, tam fundata est Fides nostra, ut hac parte nullius incrementi sit capax: claritate quidem ac splendore sic crescere potest, ut tandem ex dubia crepusculi luce ad claritatis meridiem pertingat: id quod accidet, cum in Cælo DEUM in se videbimus: plus tamen obtinere certitudinis nunquam potest. Alterius omnino generis est aliarum Sectarum fides; quæ se ultra fidem humanam non attollit, quæ quantumcunque sit pervicax, limites tamen opinionis vacillantis nunquam excedit, atque idcirco etiam nunquam dubitationem omnem excludit. E diverso nostra Fides lumen est, quod omnes naturæ vires superat, Divini sanguinis pretio nobis impetratum, & animæ nostræ, sorte ter felici collatum in Sacro Lavacro, sicut futurum prævidit Sapiens, cum dixit. *Dabitur illi fidei donum electum, & fors in templo DEI acceptissima.* Superat idcirco, ut dicebam, fides nostra certitudine omnium quibuscunque principiis innoxorum actuum evidentissimorum certitudinem, idque triplici ex capite: primò quòd de rebus sit, quas existere magis sit necessarium, deinde quòd deducatur ex principiis minùs subje-

ctis falsitati, & denique quia modis, quo ad illam progredimur, minùs est obnoxius errori, cum exploratoribus tam infidis non utatur.

## II.

IX. Ut autem radix ista sit *radix Immortalitatis*, satis non est illam esse firmam in animo; oportet insuper profundam esse: & verè ipsa profunditas plurimùm etiam ad firmitatem confert. Quid his verbis indico? istud omnino; fidem nostram non debere hæere in superficie, non debere esse caligine plenam, expertem ordinis ac distinctionis, assentiendo Religionis nostræ arcanis generatim tantum, quin in id incumbamus, ut singula pernoscamus intimiùs. *Accipit Regi minister intelligens: ira- cundiam ejus inutilis sustinebit.* Non amat ignorantes ac rudes ministros DEUS: ac propterea qui suâ ignaviâ discere neglexit ea, quibus aptiùs ei serviret, suo tempore certò luet. Pendat proin quisque, duos inter scopulos navigandum. Parte una non decet nos esse æquo curiosiores cum DEO, sic ut quidquid ille dixerit, ejus confestim cum Phariseis; omnem modestiam & observantiam erga Divinum Magistrum doctos, rationem superbè poscamus; *Quare? Quomodo?* Hic enim agendi modus inurbanitatis leges paccare censetur, etiam dum nostris cum Principibus loquimur: credo, quod inde, quia hoc est illos ad respondendum quodammodo compellere, & sic se ipsis velut



*L. non omnium ff. de se nat. con- sult. Sermon. 96. de verb. DEI.* superiorem monstrare. *Non omnium*, Legum hoc effatum est, *quæ statuerunt Patres nostri*, potest reddi ratio. Si Sancto Augustino assentimur: *Non est fides superborum, sed humilium*. Si enim hæc est pœna primæ perfidiæ, quâ homo in Paradiso terrestri non credit verbis DEI, & tamen credidit verbis nequissimi serpentis, nemo non videt eam subeundam esse cum demissione, & animi subiectione, ne dum abolere quærimus noxam admissam, eandem potius fastu & elatione augeamus. Parte tamen alterâ fides Christiana non est fides rudium & imperitorum: tenebras illa amat, sed non alias, quàm quæ ad acutiùs videndum conducant; fermè sicut oculi nostri tunc longiùs prospiciunt, cùm intima pellicula nigricat. Quid agemus cum certis quibusdam è Christianorum numero, qui ut fidelibus accenseri possint, præter Baptismum habent nihil? Christiani nativitatis & educationis forte, sed non propriâ optione; qui & fidei Mysteria diligenter didicerint, & titulos ac doctes, quibus illa longè supra Sectarum aliarum vulgus eminet, pernoverint. Vix dixerit quis, credentibus, an non credentibus accensendi sint: videntur potius nec hanc, nec illam ad classem pertinere, ijs persimiles, qui hemiplexiâ tacti nec vivi ex toto, nec ex toto mortui dici possunt.

5. Th. 2. X. Statuendum igitur ante omnia, 2. g. 2. a. quòd, etsi non omnes Christiani nôsse 6. teneantur cuncta Religionis nostræ 5. Th. 2. Dogmata ac Mysteria, cuncti tamen 2. g. 2. a. teneantur obligatione sciendi aliqua, 7. C. 8. illaque distinctè & explicitè credendi,

qualia sunt, quæ Apostolorum symbolo continentur; quæ inter, duo sunt tam necessariò explicitè credenda, ut majoris partis Theologorum sententiâ, fides eorum sit medium, quo sine de salute adutorum certò sit actum. Atque hæc sunt Mysterium sanctissimæ Triados, trium nimirum in una natura Divina impartibili Personarum: & Mysterium Verbi Incarnati, secundæ inquam ex his tribus personis, Filij DEI, in mortali nostra carne assumpta mortem acerbissimam nostræ salutis restaurandæ passî. Quantus jam eorum est Christianorum numerus, qui misero planè ac deplorando in statu vivunt, cùm dicere & ipsi possint: *Sed neque si Spiritus sanctus est, Act. 1. audivimus?* Nôrunt, unum esse DEUM: nesciunt tamen, naturam Divinam unam eandemque tribus in Personis esse, sicut cum tribus idem esse nihil penitus simplicissimæ officiat unitati. Nôrunt mortuum pro ipsis esse DEUM, nec tamen intelligunt, quænam illa Persona sit, quæ mortali se carne vestièrit, ut mori posset. *Hæc est autem vita æterna, ut cognoscat te solum DEUM verum, & quem misisti JESUM Christum.* Si autem ita se res habet, fateri oportebit, jacere in regione umbræ mortis eos è Christianorum grege, qui Christi affectu cùm sint, plus tamen de illo non sciunt, quàm tantillum illud, quod satis est, ut ludibrio illum vulgo exponant, cùm aut peierant, aut bile effervescent. In hac tam densa nocte, quomodo miseri servient Redemptori suo? quænam illi deferent obsequia? quomodo

modo opem ejus implorabunt; gratias pro acceptis referent? quomodo affectu intimo diligent, si de illo tam exiguum notitiam habent? Canis herum in conferta multitudine agnoscit, quibus potest modis, blanditur, & suum ex ejus præsentia sensum ac lætitiā prodit; Christianus autem, ne hæc quidem Christi JESU Servatoris sui notitiā præditus est! *Cognovit bos possessorem suum, & Asinus præsepe Domini sui, Israhel autem me non cognovit, & populus meus non intellexit.* Quid tandem emolumenti est in scientia rerum & negotiorum hujus mundi, si hæc conjuncta sit cum ignorantia, quā tandem viā ad veritatem & vitam perveniri possit? Satis est infelicibus istis, quod memoriā teneant, etsi non nisi mutilas & deformatas, aliquas præcandi formulas, & inter has etiam Apostolorum Symbolum: sed hoc quid juvat? ejusmodi scientia, ignorantia soror est. *Scire ges. ff. leges, non est earum verba tenere, sed e Reg. vim ac potestatem.* Quid utilitatis habet, Symbolum verbatim reddere, Mysteria eo contenta non intelligere? Non est hoc aliud, quā in summa annonæ difficultate horreum habere frumento plenum, sed non habere clavem, quā aditus ad illud aperiri possit. *14c. l. 3. 32.* Psittacus aliquis Romæ Litanevticas Virginis Matris preces didicerat, & non sine audientium stupore identidem recitabat. Fateri oportet, non paucos ē Christiana plebe volucris huic notitiā cedere, qui tam multa memoriter reddere non possent: ad vocum autem, quas proferunt, sensum quod attinet, nihil inter illos & Psittacum

*R. P. Segneri Christ. Instr. Tom. I.*

interest. Judicet jam qui vult, an non promptum ac facile sit malo Dæmoni in turbido hoc ignorantia stagnō pro arbitrio piscari! *Non est scientia DEI in terra:* ait Propheta: ex hoc autem quid consequitur? *Male dictum, & mendacium, & homicidium, & furtum, & adulterium inundaverunt, & sanguis sanguinem tetigit.* Invaluerunt in Mundo hæc tam horrenda flagitia, quia nulla DEI in eo notitia est, & nulla ejus acquirendæ industria; perinde ac si vel hoc ipsum nonnullis molestum sit, credere, quod aliquis DEUS sit.

XI. Hinc discetis, quantopere à vobis officij ratio postulet, ut liberos vestros, ut famulos famulasque mittatis ad Templum, ubi Catechesi instituantur; quin ut & vos accedatis, ad ipsa adeo Religionis nostræ prima elementa pernoscenda; cum non desit ex adultis, quamlibet prolixè barbatis, quibus adhuc lactesitopus. Quot rerum ad salutem necessariarum inscitia vos ipsi laboratis, etsi non omnino nullā Mysteriorum, quæ dixi, scientia essetis imbuti? Nescitis non raro, ad verum & utilem de admissis dolorem ac pœnitudinem non sufficere voluntatis vestræ facultates, sed Gratia etiam efficacia auxilio opus esse, quæ neque omnibus Peccatoribus, neque quovis tempore, maximè qui noxas noxis cumulando eā se indignos reddidēre, conferatur. Hinc est, quod, etsi quotidie peccando à cœlo receditis longius, tamen nihilominus de ejus felicitate obtinenda vivatis securi, quā securi



illi vivunt ; qui vincendo bravium re ipsa jam sunt consecuti. Nescitis, peccatum esse malum malorum maximum, & à DEO eo odio haberi, quòd neque mensuram habeat, neque unquam placari possit ; unde ineptè vobis persuadetis, parùm interesse, quomodo quis vivat, dummodo deinde se reum pro Sacro Tribunali peragat ; nec interesse, semel quis, an centies, aut iterum iterumque priores in sordes recidat. Nescitis, ad veniam admissorum impetrandam sacræ Confessionis ope, necessarium esse dolorem, qui peccatum præ omni alio malo execretur, sicut re ipsa animum ab eo avellat, & inducat ad verum illud unicùmque medium usurpandum, fugam, inquam, occasionum proximarum, quæ toties vos in casum impulerunt. Ex eo, quòd hæc, hisque plura similia ignorentur, irreparabilia in animam damna redundant, & DEUS ipse asserit ; *Ubi non est scientia : non est bonum.* Anima rerum Divinarum rudis, instar accipitris, cui venator oculos velarit, non obtemperat sibilo, ad prædas non se movet, nec ullum discrimen vitat : & si infelices sunt tot inanium Deorum cultores, quia non vident ; arguere hinc potestis, quantò fortassis miserabiliores sint Christiani illi, qui cùm media in luce habitent, videre tamen pènsi non habeant. Dicunt, negotiorum sibi abunde esse, sibi familiæ, mercium, pecorum, & commerciorum intricatissimorum curam incumbere. Sed quid ? an & animam non habent ? & tamen hujus rationem habent nullam. Duobus modis, Theophrasto teste, Planta aliqua alijs propinquis

nocet ; aut umbræ densitate, aut omni circum humore ad se attracto. Nec alia Fidei conditio est : hujus Mundi negotia, diverticula, oblectamenta, radici huic obsunt ; primò umbræ ; implicant enim mentem & offuscant propensionibus malè ordinatis : deinde omnem succum, omne alimentum ad se trahendo, sicut tempus vendendi, emendi, permutandi, imò tempus in omnibus nocturnis conventiculis ridendi, tripudiandi, garriendi, amoribus indulgendi, nullo non vitiorum genere se conspurcandi, momenta autem nulla ad salutis viam perdiscendam supersint, nulla ad DEUM primum principium, & finem ultimum cognoscendum.

## III.

XII. Quis jam miretur, Fidem ejusmodi, quæ tam non altè in animæ solum descendat, sed in superficie duntaxat hæreat, fructus nullos ferre ? Sunt ex arborum genere, quæ cacumen sublime ad nubes porrigunt, etsi radices in terram parùm profundè agant ; & tales sunt Cypressi : sed hæ omnes infœcundæ sunt. Tertia proinde Fidei suis absolutæ numeris Dos est, ut fruges multas bonorum operum afferat. Est enim Fides cœlestis quædam lux, quæ animum ad cognoscendum illustrat, & voluntatem ad agendum roborat : Virtus est, quæ non contemplatione sola est contenta, sed ad agendum se porrigit : *Fides, qua per Gal. 5. charitatem operatur :* & verò hunc in finem confert nobis DEUS donum tam singulare ; *Donum Fidei electum*, ut anima apta reddatur ad bona plurima

rima efficienda : eâ etiam causâ Fides Sponsalibus comparatur , quibus DEUS & anima mutuò jungantur.

¶ 2.10. *Sponsabo te mihi in fide* : ut intelligamus , horum quoque Sponsalium fructum præcipuum esse fœcunditatem. Atque hæc ipsa fœcunditas incredibile dictum est , quantum Fidem ipsam augeat , ad ipsum usque DEI solium illam deducendo , quin unquam suis

¶ 6.73. in eo quærendo votis frustretur : *Deum exquisivi manibus meis , & non sum deceptus*. At è diverso , nisi Fides operibus ex Charitate profectis nutria-

¶ ac. 2.2. tur , vitalis non est. *Fides sine operibus mortua est* : & talis cum est , Virtutis nomine digna non est , perinde ac cadaveri perperam hominis nomen tribuitur. Quia autem res hæc momenti sanè quàm magni est , ut intelligamus necessitatem , quâ & DEI gratiam tueri , & ejus virtute opera digna vitâ æternâ producere debemus , placet clariùs proponere de ea , quid sentiam.

XIII. Duplex mortis genus in cadavere considerare possumus : unum est , quo corpus ab Anima , vitâ suâ , separatur : alterum , quo ipsum putrescit , sic ut tandem in pugillum pulveris ac putredinis redigatur. Eadem fors est Fidei. Moritur illa imprimis per separationem à Charitate , dum peccato anima assentitur. Moritur deinde , cum sensim Fides ipsa corrumpitur , sic ut denique in nihilum redigatur. Negari non potest , magnam in eo DEI miserationem esse , quòd Peccatores amissâ gratiâ non si-

mul etiam Fidei jacturam faciant ! Placuit DEO , eâ erga nos , proportionè quâdam , uti benignitate , quâ erga artifices , aut alieno ære obstrictos , aut etiam decoctores , Leges utuntur. Vetant hæc , miseris illis auferri artis suæ instrumenta , ut horum ministerio & vitam tueri , & fortassis aliquando etiam contracta nomina delere possint. Sic & DEUS , ut Peccatores spei aliquid retineant è miserrima sua sorte aliquando emergendi , & exuendi nomina cum Justitiâ Divinâ contracta , relinquit eorum in manibus omnium virtutum instrumentum Fidem , quæ etiam earundem , quatenus quidem in cognoscendo versantur , forma est. Istud tamen Fidei mortuæ cadaver , quod in anima peccatrice velut tumulo sepultum relinquitur , paulatim ipsam etiam , quam cum vivo corpore habebat , similitudinem deperdit ; & illud virtutum recuperandarum instrumentum , diu otiosum , tandem ita rubigine editur , ut sensim penitus inutile reddatur. Nec id mirum ; cum ea sit Otij ac sitis natura ; omnia tandem corrumpere. Aqua diu immota , verminat : ædes diu non habitatæ , sensim in acervum informem subsidunt : Equus , diu è stabuli sui pædore non eductus , vigorem omnem perdit. Hac igitur ratione Fides , etsi vitâ destituta non esset , magnum tamen subiret exitij sui discrimen , eo solum , quòd otio torperet & nulla virtutum opera efficeret. Quantò igitur magis , vel vestro judicio , parùm ab extrema pernicië , mortua aberit ?



Rom. I.  
18.

Cum in animo Peccatoris subsistere cogitur, conditione est sibi nimium quantum durâ ac violentâ: hæret ibi tanquam compedibus vinctâ, ut Apostolus verbis illis innuit: *Qui veritatem DEI in injustitia detinent.* Atque ita facillimum est istud quoque violentum minimè esse diuturnum.

I. Cor. 2.  
14.

XIV. Hæc autem illi maximè sibi dicta existiment, qui scædas libidines sectantur, & passim corpori suo ac carni permittunt, quidquid illam, quantumvis turpiter, delectare potest: de ijs enim accipiendæ potissimum sunt terribiles illæ DEI voces:

Pf. 136.  
7.

*Animalis homo non percipit ea, quæ sunt spiritus DEI.* Id quod S. Hieronymum induxit, ut citra dubitationem assereret: *Difficile est Hæreticum reperire, qui diligit Castitatem.* Ut verò nil aliud magis spectat Orcus lasciviâ, quàm ut tandem pertingat ad ipsam Fidem extirpandam. *Exinanite exinanite usque ad fundamentum in ea.* Hæc sunt Luciferi imperia, quæ illi ejus ministri accipiunt, quorum operâ ad everrenda per cuniculos munimenta utitur: ac proinde sicut Archistrategus, ad urbem aliquam expugnandam, principio muros solo æquat, mox in ruinis pedem figit, ac tandem actis cuniculis propugnacula funditus subruit; ita Dæmon initio tum alijs, tum maximè scædarum libidinum peccatis, velut tormentorum ictibus, ruinas humanis in animis edit: his enim maximè franguntur: deinde longâ assuetudine stabilem in ijs locum occupat: tandemque, nisi validis eru-

ptionibus pedem referre cogatur, ipsa adeò Fidei fundamenta suorum illorum fossorum operâ subruit. *Exinanite, exinanite usque ad fundamentum in ea.* Quodsi cuniculi ignem non conceperint, & Fides stare pergat, non stabit tamen nisi infirma, multumque diminuta: juxta illud: *Diminuta sunt veritates à filiis hominum.* Creditur DEUS, creditur DEO, sed non creditur in DEUM, quam in rem ita S. Laurentius Justinianus loquitur. *Credere DEUM, est credere eum esse: Credere DEO, est credere eum vera dicere: at credere in DEUM, est credendo amare: credendo in eum ire.*

XV. Quid autem vobis videtur, Auditores Dilectissimi, an talis Fidei ope speratis salutem consequi æternam? Non aliud hoc foret, quàm stultè credere, se remotâ aliqua è provinciâ Romam equo gypseo, aut ligneo perventurum. Non permittunt Leges, ut ille Medicus immunitate gaudeat, qui alijs curandis operam non dat: sed domesticos intra parietes Medicæ artis peritiam discit, & semper in umbra, nunquam in arenam progreditur, morborum phalangas oppugnaturus. Similis ignominia eos manebit Christianos, qui extremo mundi judicandi die sperabunt propitium habere Judicem, propterea quòd vix quidquam præter pigrum Fidelis Christiani nomen, palàm professi sint. *Nescio vos, audient ex DEO; discite à me omnes operarij Iniquitatis.* Faceßite procul, vos qui ad prava vestra desideria explenda eratis contenti;

timani; ad illa autem edomanda ne  
 unanimi quidem. Si quem nostrum  
 ferale hoc tonitru audire contingeret,  
 quo quæso is animo esset futurus?  
 quæ calamitas, nostræ illi compa-  
 rari posset, descendere nos in infer-  
 ni barathrum nostris accinctos armis?  
*Descenderunt ad infernum cum armis*  
*suis: cum illo inquam hominis Chri-*  
*stiani charactere, cum illo Fidei scu-*  
*to, quo nullum non hostem vince-*  
*re, & de eo triumphare potuissimus?*

*Hæc est victoria, quæ vincit Mundum,*  
*Fides nostra.* Nihil ita victorum tri-  
 umphum exornat, quam arma, ab  
 hoste in acie abjecta. Si etiam Fides,  
 telum tam validum ad stygium ho-  
 stem profligandum, pro trophæo Dæ-  
 monibus serviet, gloriose jactantibus  
 cladem Peccatoribus, in immane illud  
 barathrum à se pertractis, illatam. Prò  
 quam petulanter & arroganter insul-  
 tabunt characteri, quem à sacro La-  
 vacro impressum, solumque supersti-  
 tem, nulla æternitas delebit? Quo pri-  
 mum furore, mox etiam fastu, illum  
 tanquam rem unicam sacram, in lo-  
 cum illum omnis calamitatis delatam,  
 conculcabunt; læti, quod foedissimis  
 suis quodammodo pedibus proterere  
 valeant eum, qui ut DEI filius, & æterni  
 Regni hæres, ipsa etiam sidera pedibus  
 substrata cernere potuisset.

XVI. Auditores Amantissimi, ne  
 conditione unquam reddamur tam in-  
 felici ac deplorandâ, sequamur con-  
 sulentem Apostolum, quia ita nos allo-  
 quitur: *Vosmetipsos tentate, si estis in*  
*Fide, ipsi vos probate.* Non satis est Fi-

dem nos habere, tanquam inanem &  
 sterilem credulitatem: necesse est nos  
 haberi à Fide, sic ut quidquid uspiam  
 operamur, per ejus veluti manus tran-  
 seat; cuncta ab ipsâ suos ad fines diri-  
 gantur, ad normam axiomatum ab ea  
 præscriptorum exigantur.

XVII. *Vosmetipsos tentate, si estis in* 2. Cor.  
*Fide.* Quæ futura esset vestra calami 13. 5,  
 tas, si eos inter nati educatique, qui-  
 bus veræ Fidei lumen illuxit, infeli-  
 ciores essetis illismet, qui in Idoloma-  
 niæ tenebris hæserunt; sicut dum ipsi  
 nihil vident, quia densam circa se  
 noctem habent, vos cæcitare hoc mi-  
 nus miserandâ, quo magis sponte ada-  
 matâ, nihil cerneretis, quia oculos  
 aperire piget? Quid futurum esset, si  
 Fides vestra non haberet firmitatis fa-  
 tis, & si scientes volentesque admitte-  
 retis illas dubitationes, quæ nonnun-  
 quam animum vestrum sollicitant, sic  
 ut foedarum vestrarum libidinum cloa-  
 ca, ac putida palus: non tantum  
 cœlestis hujus solis radios vaporibus  
 suis eclipsaret, sed etiam penitus illum  
 extingueret? & tamen eò nonnun-  
 quam pertingit, etiam inter Christia-  
 nos, etiam inter Catholicos: quibus  
 plus de hac gloriosa nomenclatione  
 non relinquit, quam ne ad Fidei Quæ-  
 sitorum Tribunal raptari debeant. Cer-  
 tum *Dubius in Fide: est Hæreticus,*  
 ut omnes nôrunt: Quisquis vel unum  
 aliquod Fidei dogma dubium & incer-  
 tum existimat, inter rectè credentes  
 jam locum non habet, quantumvis eo-  
 rum è numero haberi velit, & talem  
 se externis ritibus profiteatur.



XVIII. *Vosmetipsos tentate si estis in Fide.* Discutite diligenter, an quæ credunt alij, vos fide humanâ tantum teneatis, an verò Divinâ, illis assentiendo, quia DEUS illa revelavit Ecclesiæ, Ecclesia autem vobis proposuit. *Habete fidem DEI.* Id vobis incumbit; ut Fidem habeatis, quæ sit à DEO, ut principio & causâ efficiente; & quæ in DEUM ut finem tendat: hanc si habere vos deprehenderitis, ulterius discutite, an sit profunda, sic ut nolitis contenti esse notitiâ quadam planè superficiali, & credulitate rudi ac imperfectâ, absque eo quòd explicite teneatis ullum eorum Dogmatum, ad quæ sigillatim credenda nemo Christianus non obligatur; quamvis eadem cognitione perfectâ, & comprehensiva credere & capere non teneamur. *Vosmetipsos probate si estis in Fide.* Scrutimini tandem, an Fides vestra sit fecunda, quæ Charitatis virtute producat fructus vitæ æternæ. *Verbum DEI operatur in vobis, qui credidistis.* An non pudeat vos, Terram aspicere, quæ ob exigui luminis beneficium, quod extimam ejus superficiem irradiat, nunquam non aliquid agit, sed tot identidem plantas, tot flores, tot poma, tot metalla gignit; cum interim Anima nostra tam multiplici luce, quàm Fides undique diffundit, illustrata, jaceat otiosa? Earum sit virium Fides humana, ut inducere homines possit ad tam multa gerenda negotia, ad ea aliorum arbitrio administranda: & Divina Fides, tanquam minorum vi-

rium, agat nihil, & omni difficultati cedat? Ante omnia tamen, nunquam animis vestris hic error inhæreat; etsi vita Christianum nihil spiraret, solo tamen nomine vos Redemptoris vestri gratiam promerituros. Quin imò non alia hujus erit nominis utilitas, quàm ut vos illi magis execrabiles ac detestabiles reddat. Qui foetet instar hirci, si unguenta odorifera corpori illinat, foetebit turpius. Nec aliter se res nostra habet. Suave illud Balsamum Sacrificiorum, Sacramentorum, ipsæ tam odoriferæ Baptismi undæ, ad nihil servient, Christianis his Nominalibus, quàm ut odore magis ingrato offendant Judicem, qui severius in illos, quàm in ipsos ethnicos animadvertet. *Dico vobis: Tyro & Sidoni remissius erit in die judicij, quàm vobis.* Non aliter ac Leges Civiles poenâ ordinariâ mulctant adultos, impuberes autem mitiore; cum hos nondum eâ, quàm illos, Legum violatarum notitiâ præditos supponant.

XX. *Vosmetipsos tentate, si estis in Fide.* Non sufficiat vobis hoc in negotio obiter in animum vestrum introspexisse, *Tentate, & probate.* Res prosperæ vobis serviant, ut vos *Tentare*, adversæ verò ut *probare* possitis; ut quavis in tempestate DEO perinde Fideles radici Fidei firmæ, profundæ, fecundæ, interere firmiter possitis arborem vitæ nunquam desituræ.

\* \* \*

# DISCURSUS IV.

## De Spe.

**N**on alio Signo rectitūs discernitur Balsamum genuinum ab adulterato, quā si observetur, an maculam relinquat loco, quo illitum est, an non? si enim nullam relinquat, sincerum est; at si aliquam, adulteratum. Spes, omnis calamitatis Balsamum est: quo igitur signo ac indicio nos rectitūs spem veram à falsa discernemus, quā si exploremus diligenter, quānam humanum animum labe aliqua aspergat, quæ à labe purum præstet? Accedant igitur huc omnes Peccatorum Spes: mihi enim fixum, ratūque est, ad eas publicā infamiā notandas, detrahere mendacem larvam, quā vultum & suam impietatem obtegunt; id quod fiet, si veræ ac sinceræ Justorum Spei conferantur. Propositum, inquam, mihi est, Dilectissimi, utilissima comparatione spectandam vobis objicere parte unā Spem Christianam Justorum, labis omnis expertem, parte autem alterā fallacem Spem peccatorum, planè deformem ac sordidam. Vestrum erit discrimine utriusque perspecto, scire quā deceat amplecti, & à qua sibi cavere.

I.

non est, si nutet ac vacillet. Non hoc ex genere est Justorum Spes. Hæc siquidem tam est certa, ut sola expectatione Boni promissi reddere nos felices possit: *Gloriamur in Spe gloriæ filiorum DEI.* *Rom. 6. 24* Ad hoc igitur animum advertite, quod originaria culpa, sicut homini eripuit oculos, eūque excæcavit, ita & abstulerit vires, infirmum relinquendo ac debilem. Eā causā sicut DEUS, ut tenebras nostras dispellat, in animo nostro Fidei lumen, de quo Dissertatione proxima actum est, accendit; sicut virium juvet & sanet imbecillitatem, voluntatem Spe implet; de qua præsentī hac in Dissertatione agendum. Virtus hæc, stabilis quædam ac permanens facultas est, quæ voluntatem erigit ad desiderandum DEUM, eūque tanquam summum suum & unicum Bonum expectandum: idque mediā Gratiā permanente, quæ aptam efficiat voluntatem; & mediā Gratiā transeunte, quæ vires conferat; medijs denique operibus atque actionibus bonis, quibus illudmet consequi promereatur: Spes proinde nostra, cum hæc ita se habeant, gemina basin nititur; auxilio nimirum Divino, & nostræ voluntatis cum eodem auxilio operatione. Quā igitur parte DEO nititur, quid illā firmitus, quid magis inconcussum esse potest, etiam si parte alterā nutet? Satis sit dicere, quod Propheta illam vocet non jam Spem, sed, ut ita lo-

*dist. 10.* II. *Spes, opinione Senecæ, est nomen boni incerti.* Sed huic Philosopho sermo fuit de illa Spe, quam solam suis in tenebris dignoscere potuit. Hæc nititur fabulo facile mobili boni alicujus caduci & humani: mirum proinde



Ps. 81.

loquamur ; super spem : *In verbum tuum supersperavi* ; perinde ac si illa esset anticipata Boni desiderati possessio. Sed non oportet de materia tam suavi, & jucunda obiter tantum & paucis agere. Parte autem alterâ quomodo tantillo temporis spatio pro dignitate, cum tam latè pateat, de illa disputare possumus ?

III. Omnes Perfectiones atque Attributiones, quibus immensa illa Abyssus Divinæ Bonitatis nostrâ concipiendi ratione constituitur, gravissimam nobis vim faciunt, ut in DEO speremus, non unius alicujus generis, quocunque nobis opus fuerit, Naturæ, Gratiæ, & Gloriæ. Nihilominus ut per hoc nullis clausum limitibus Pelagus, sine spe portum intrandi, non evagemur, ex dictis DEI Attributis, quæ ad Spem de DEO concipiendam movere possunt, non nisi tria cum S. Thoma scrutabimur, Magni inquam DEI nostri Providentiam, Miserationem, Potentiam. Providentiam DEI, ut nostri opificis & Conditoris ; Miserationem, Servatoris, & Potentiam, Domini, qui suprâ se alium habeat neminem. Conjiciamus primò obtutum in Providentiam Conditoris. Ego, inquit Prophetæ ore, *feci, & ego seram*. Ego vos condidi, quando eratis nihil : facile proinde inducere in animum potestis, me in cunctis vestris indigentijs sublevandis non defatigandum, postquam esse cœpistis. *Qui necdum facta curavit, ut essent, quæ facta sunt, non deserit*. Et verò quis unquam opifex tam parvi fecit manuum suarum artificum opera, ut postquam ijs perficiendis ingenium

Ps. 50.

Is. 46. 4.

Greg. I.

24. Moral. c. 17.

impendit & industriam ; casui deinde illa, & fortuitis eventibus relinquat ? *Quis deserit, quod condendum putavit ?* S. Ambr. brof. I. offic. 10. Tantòque id magis facturum est, quia non opifex tantum noster, sed & Pater est : an enim, qui ferocissimarum Tigrium cordi sobolis suæ & fœtum amorem ingenuit, cor suum Divinum ejusce amoris expers esse voluerit ? Negari non potest, non pauca interim nobis mala ferenda esse. Sed quomodo aliter fieri possit ? Natura non producit fœtus monstrosos certo ac destinato consilio : producit eos tamen, materiæ, ex qua formantur, renitentia & ineptitudine ad id compulsæ. De cætero facit illa, quantum intra legum suarum fines potest, ne nascantur abortus isti, & cum jam nati sunt, quantum potest, impedit, ne generatione propagentur ; & eâ causâ steriles illos gignit, ut cum facere non possit, ne omnino sint, efficiat saltem, ut soli sint. Pari ratione Opifex noster DEUS non vult malum nostrum, non solum Culpæ, quod omnino velle non potest, sed ne pœnæ quidem : *Non latatur in sap. I. perditione vivorum*. Nostrâ tantum miseriam cogitur, ut illud velit, vel ut nos corrigit, vel ut puniat, vel ut probet. Per se autem id ipse agit unicè, ut mala nostra diuturna non sint, neve infelici fœcunditate nocentiores post se effectus trahant : unde sicut Mater, cum ignis calore filiolum suum fovet, manum inter ipsum & ignem interponit, ne vehementior ignis vis ei noceat : sic DEUS summâ curâ ac temperat, & cum illa advenit nos

vehementer

vehementius urere ; quamprimum ab igne nos removet ; quâ comparatione ipsemet Sponsæ charissimæ Gertrudi suam in nostris malis permittendis providentiam explicavit.

IV. Majorem tamen fiduciam debemus reponere in Miseratione D E I Servatoris ac Redemptoris , etsi tantam debeamus ipsi Conditori, *Noli timere , ego redemi te* : sic Animam ille quamlibet per Isaiam alloquitur. Cave unquam mihi diffidas, postquam redemi te toto Sanguinis mei Divini thesauro. Et verò si fateri volumus , quod res est, ex quo Verbum nostrâ causâ humanam carnem induit , eò nostra est aucta dignitas , ut si ipse, S. Gregorij Nazianzeni phrasi, est oculus Patris , nos ejus oculi pupillâ facti simus. Illud saltem certum , sic nos ab eo compelliari , nostri , ut talis, curam haberi , ut talem nos ab alijs quoque agnosci & observari velle :

*qui tetigerit vos , tangit pupillam oculi mei.* Unde non est mirum, si tantum ille præfert sensum injuriarum , quibus laceessimur ; sic ut eas non semel atrocius vindicet , quàm illas, quibus ipse est læsus ; propterea nimirum , quòd sint vulnera pupillæ , quæ etiam nostratibus in Tribunalibus , quæ tamen minùs accuratè rerum gravitatem discernunt, atrocissima censentur, juxta *psal. 1.* illud : *Locus vulneris atrocem facit int. 4.* injuriam, veluti si quis in oculo percussus fuerit.

V. Id tandem , quod firmitatem Spei nostræ perficit & absolvit , est , quòd DEUS non tantum ut noster Conditor providentiam habeat, quâ

R. P. Segneri Christ. Instr. Tom. I,

sciat nostræ egestati succurrere , ut Servator verò nostri miseratione moveatur , & opem ferre velit ; sed quòd eam etiam, tanquam Dominus universorum, cujus nutui cuncta pareant, ferre non possit minùs, quàm velit. Si quid uspiam est , quod potestatem ejus excedat , & quòd ipse effectum , etsi velit, facere non possit, permittam omnino libens, ait Mellissius, ut pleno jure & arbitrio Spem in alio, quàm in DEO reponatis, & ut solum quærat firmitus ac stabilius, cui jactæ Spei vestræ anchoræ adhærescant. *Si quid illi impossibile , si quid vel difficile sit , quare alium , in quo speres.* At si nihil tale uspiam est, cur non in eum omnem nostram fiduciam projicimus ? cur inter ejus Providentiæ brachia securi non acquiescimus ? Hæc sanè causâ aptissimè dici voluit DEUS *Rom. 15. 13.* Spei ; quantum enim & scit, & potest , tantum nostrâ causâ & nobis juvandis vult impendere.

VI. Diligenter igitur animo perpendite, AA. Amantissimi, quàm firma & inconcussa sit Spes Christianorum, cum DEO ipso innitatur. *Speret Is. 50. in nomine Domini , & innitatur super DEUM suum.* Negari quidem non potest, quin DEUS velit, ut etiam de nostro aliquid conferamus, & cum ipso operante operemur ; & quamvis Medicus iste coelestis paratus sit afferre malis nostris medicinam , non vult tamen sanare invitos ac renitentes. S. Augustini verba sunt. *Sanat omnem languidum, sed non sanat invitum : opus est , ut sanari velis.* Cum autem nostra voluntas tam sit in bene ceptis instabilis ac varia , hinc est, quòd non omni

F

firmi-

in Psal.  
102.



firmitate, quâ Fides, hæc & Spes nostra gaudeat; cum illa tota quanta est, uni-  
cè solâ loquentis DEI autoritate se  
fulciat. Hinc est, quòd Spei nostræ  
mira quadam ratione Timor conjungi  
possit, cùmque ea efficere harmoniam  
& melos suavissimum, in quo sub-  
lime & profundum, seu, Musicorum  
idiomate, Altum & Bassum, mirè con-  
cinant, dum ipsa nostra imbecillitas ad  
id confert, ut evadamus robustiores.  
In bellis, quæ hominibus homines  
committunt, nihil tantum animi mi-  
litibus addit, quàm si maxima quæ-  
que de suis viribus ac robore sentiant.  
Dispar est ratio pugnarum, quas Ani-  
ma cum hostibus tam aspectabilibus,  
quàm non aspectabilibus pugnat. In  
his, ut ipsa superior evadat, oportet ti-  
mere quàm maximè de suis viribus;  
imò his penitus diffidere, sicut in velle  
suo ac posse Spei reponat nihil, totum  
verò in uno DEO & ejus ope reponat.  
Talis cùm fueris, nubi simillima reddi-  
tur, hòc fecundæ magis, quò minùs  
lucidæ ac transparenti; atque ita aptissi-  
ma, ut Divini Solis radijs mutata in pro-  
digiosam Magnanimitatis Iridem nil  
nisi triumphos prælagiat. *Ad quem re-  
spiciam, nisi ad pauperulum, & contri-  
tum spiritum, & timentem sermones  
meos?* Ubi dein animam tam benignis  
ac beneficis oculis DEUS dignatus fue-  
rit, quis explicet, quàm altos illa spi-  
ritus animòsque concipiat? Tum enim  
verò Spes ad fiduciam usque proficit,  
etsi quæ id, cùm se homo in DEO con-  
templatur, sic ut jam non solo in DEO  
confidat, sed etiam in se; sed in se il-  
lis valido viribus, quas accepit à DEO,

*Omnia possum in eo, qui me confortat.*  
Ut aliquid de Anima sic constituta pro-  
nuntiem, dicam solùm, illam mutare  
fortitudinem. *Qui sperant in Domino,  
mutabunt fortitudinem.* Positâ enim  
fortitudine, quæ humanæ sit indolis,  
induit fortitudinem indolis quasi Divi-  
næ; id quæ ad duos præcipuè maximi  
momenti effectus, ad impetrandum  
nimirum, quidquid petit, & ad fe-  
rendum ut leve, quidquid ipsi incum-  
bit.

VII. Primo igitur loco genuina;  
DEO nixa Spes vi prædita est admira-  
bili ad omne genus Bonorum impe-  
trandum: *Omnis locus, quem calca-  
verit pes vester, vester erit.* Sic Populo  
suo Israelitico DEUS promisit. Quis au-  
tem iste est? quærit S. Bernardus. Pes  
iste, Spes nostra est, quæ quocunque  
se, & quamcunque ad rem porrexerit,  
suam illam efficiet, sic ut sperare tan-  
tùm, sit gratiam speratam promereri,  
*Erit tibi Anima tua in salutem, quia in  
me habuisti fiduciam.*

VIII. Verùm quia sæpè decet, &  
expedit non audiri nostras preces;  
imò res ipsa postulat, ut varijs sæpè  
adversis, varijs ærumnis nostri experi-  
mentum DEUS capiat; id quoque pro-  
prium habet Spes DEO, fulta, ut omne  
amarum dulce reddat, & in nectar  
coelicum mutet. Unde Philo sapienter  
Spem nominavit. *Gaudium ante gau-  
dium.* Et Justi sæpè ob solam suam  
Spem Beati in SS. Literis appellantur.  
*Qui sperat in Domino, beatus est.* Pro-  
pterea, quòd liquidior latitiæ sensu  
perfundantur in hac vita ex ijs, quæ  
sperant in altera, quàm perfundan-  
tur

Phil. 4.  
13.

Exodi 7.

Jer. 30  
18.

Prov. 1  
20.

15. 66. 2.

S. Tho. 2.  
2. q. 228.  
ar. 1. ad.  
2.

Cor. 7.  
4.

tur Peccatores ex ijs, quæ re ipsa jam sunt consecuti, haud aliter, ac hæres Regius magis delectatur Regno, cuius possessionem nondum adiit, quam missellus Rusticustugurio, in quo jam nunc habitat. Sic dicebat Apostolus: *Superabundo gaudio in omni tribulatione mea.* S. Franciscus autem totas noctes oberabat, illud cantillans.

*Et tanto il Benche me aspetto;*

*Ch' ogni penam' è diletto. i. e.*

Quia tanta sunt Bona, quæ me expectant,

Me mala hæc, dolor, & cruces oblectant.

Quis igitur ferat eorum è Christianis diffidentiam, qui ut magnitudinem calamitatis, quæ premuntur, & conditionis, in qua versantur, erumnas explicent, dicere consueverunt: *Præter DEUM, qui pro me stet, in Mundo habeo neminem.* Itane infirmum vobis videtur, quo res vestræ nitantur, fulcrum, cum fulciantur ipso DEO, ejus Providentiæ, Miseratione, Potentiæ, & promissis? Quid igitur hæc sibi verba volunt, nisi DEUM à vobis haud quam haberi pro eo, qui est, sed pro DEO impotente, pro DEO decoctore, & ut sic dicam, subhastato? *Otiosum, inexpertum & ut ita dicam, neminem, ut cum Tertuliano loquamur.* Urbes illæ, quæ lapideis pontibus junxerunt flumina, etsi videant fluvios præter morem exundantes, maximo in illos vi ac impetu ferri, non timent tamen, ne pons aquarum moli cedat; metuunt autem urbes aliæ, quarum pontes ligneis tantum, tibicinibus fulciuntur? atque idcirco, cum ingens aquarum vis in

illos recto alveo defertur, vix est è civium numero tam audax, qui alteram per eos ad ripam tendat. Si pro vobis stat DEUS, quæ timendi causa? Neminem uspiam erit invenire, quem sua in DEUM spes fefellerit. *Nullus speravit in DEO, & confusus est.* *Eccli. 2. 11.*

## II.

IX. Ut igitur, ad id, quod propositum est, revertamur, quid vobis, Dilectissimi, de Spe Christiana videtur? An non illam existimatis Balsamum nobilissimum, non solum ob salutem, quam in malis affert omnibus, sed eo etiam nomine, quod labis post se in animo nostro relinquit nihil? Quin imò indies eum efficiat puriorem, dum arctius DEO devincit, qui pro incredibili sua Bonitate honori sibi ducit, cum advertit nos ad eum constanter, tanquam ad supremum nostrum Bonum, anhelare, & ab ejus unius manibus expectare, quidquid infra ipsum bonorum est. Comparete nunc vero & sincero huic Balsamo adulteratum Balsamum Spei impiorum: tam istam sordibus plenam invenietis, ut in DEI oculis aliud non sit, quam mera abominatio. *Job. 11. 20.* *Spes illorum abominatio animæ.* Præ cæteris tamen scdæ in ea sunt duæ maculæ. Prima est, sperare nimium in ijs, quæ ad animam spectant: altera, sperare nimis parum in ijs, quæ ad corpus spectant.

X. Primò igitur obominabilis est Spes impiorum, quia nimis multum sperat in ijs, quæ ad Animam spectant, sic ut in Prædiciantiam, & Præsumptionem.



degeneret. Sperant temerarij isti, DEUM donaturum ipsis Salutem æternam beneficentiâ tam gratuita, ut nullo modo habitura sit rationem mercedis, quam tamen dare ille non vult, nisi sit jure debitam; sic ut nihil operando boni, imò plurimum operando mali, confidant tamen eò se perventuros, quò Beati Cœlites tot laboribus, conatibus, curis, tanto sui afflictandi studio pervenerunt. Gignitur pessima hæc præsumptio partim ex æstimatione sui immodica, partim ex ignorantia. Juvenes, si S. Thomæ credimus, ad Spem proni sunt, quia & animi vigore abundant, & experientia destituuntur. Simile quid de Peccatoribus affirmare licet; hi enim in primis magnâ sui æstimatione tument, & quia sibi quisque persuadet, se esse

*Act. 8. 9.* *aliquem magnum*, in animum inducit, DEUM non posse non magnam ipsius habere rationem, adeò ut ne beato illius consortio in Cœlo carere debeat, & gloriæ suæ incrementa, & sanctissimarum Legum suarum observantiam pensi habere non debeat. *O præsumptio nequissima, unde creata es!* Auditores Amantissimi, si DEUS nos æterno rogo addixerit, tam nullam inde patietur jacturam, ut potius ex ipso nostro exitio sempiterno Beati illum Cœlites per omne deinceps ævum sint glorificaturi. *Salus & Gloria, & Virtus DEO nostro, quia vera & justa judicia sunt ejus, qui judicavit de meretrice magna.* Præterea Peccatoribus, haud aliter ac Juvenibus parùm expertis, deest notitiarum spectantium ad DEUM; unde stultissimè sperant consequi fi-

nem, etsi illi consequendo medijs non utantur: quin id agunt, ut recto ad Infernum itinere profecti, non dubitent tamen se beatam Patriam intraturos; haud aliter, ac si tum, cum in extremâ, quâ rectâ deorsum in stygem ruitur, crepidine steterint, capto repente impetu, evoluturi sint ad cœlum, forte non dissimili felicissimæ illius lusciniæ, quæ subito volatu fauces Draconis jamjam deglutientis elusit.

XI. Nullo igitur non tempore miris laudibus DEI miserationes extolunt; nec tamen intelligunt miseri, quid dicant. Si Naufragus quispiam procul à litore ita secum ratiocinaretur. Vastum est mare: Abyssus est, cujus fundum attingere non possum: tam latè se porrigit, ut litus nulla ex parte prospiciam: non est proinde; curego natando, & brachiorum scilicet operâ, evadere laborem: etiam otiosum & inertem me maris undæ portabunt, sicut vastissimas onerarias naves sustinent; atque ita in portum me deducunt. Qui sic argumentaretur: an non suam mox ipse stultitiam lueret, maris undis absque remedij spe absorptus? Nec tamen aliter Peccatores disputant: & eâ causâ delira illorum insania spei tam malè fundatæ causa est. Miserationes DEI multæ & magnæ sunt, imò maximæ, quis nescit? Abyssus sunt, ad cujus fundum non modò hætenus pertigerit nemo, sed ne pertingere quidem possit, cum omni careat: Mare est nullo circumscriptum litore, immensum, quaquaversum porrectum, verissima sunt hæc omnia: sed quid hinc consequens est?

*I. 2. 9.*  
*10. 4. 6.*

*Act. 8.*  
*9.*

*Eccli.*  
*37. 3.*

*Apoc.*  
*19. 3.*

*S. 7. ho.*  
*2. 9.*  
*ar. 5.*

est? si manuum pedumque nisu non contenderitis, ut enatetis; si DEO excitanti vocantique non responderitis, adjuvanti ejus Gratiae operam vestram conjungendo, actum est de vobis, mergemini sine ulla evadendi spe; adjuvare vult DEUS, sicut Mare natantes adjuvat, solus agere omnia non vult: *DEI quippe est adjuvare.* Vult nos experiri benignitatis suae effecta, non arbitrio vestro & caeca voluntate, sed juxta Sapientiae suae decreta; Solis instar, qui etsi & pellere tenebras, & vigorem vitamque largiri unice optet, non tamen idcirco radios suos rectissimos unquam vobis solis collustrandis vult obliquare, aut latum unguem ab Eclipsium lineam & semitam arctissimam exerare. Vos amoris proprii fascino excacati, magis semper in animum inducitis, quod DEUS, etsi peccandi finem faciatis nullum, non parum tamen difficultatis in eo experturus sit, si aeternis vos addicere rogis vellet: cum tamen ne illam quidem experiatur, quam chirurgus, dum gangrenam, contra omnia ad eam diu suaviora remedia contumacem igni perfanare studet. Si Sacer Orator vociferatur: Vitam emendate, o Peccatores, si aeternum perire non vultis: vos tacite vobiscum munitatis: pro hominem exoticum! Itane exoticum? an exoticum esse dicere, cadaver non diu post tumulo est inferendum? peccatum mors est, Infernus sepulchrum animarum, peccati assuetudine cadaveri similem, & idcirco haud paulo admirabilius est, aliquem mox atque noxam gravem contraxerit, non statim in orcum

praecipitem agi, quam cadaver, quod foetore suo terras auramque inficit, non confestim ad tumulum abripi.

XII. Perpendite igitur, verene cæci in Spe sua sint Impij? Pollicentur sibi tempus, pollicentur sibi Gratiam, pollicentur arbitrij sui cum Gratia operationem; tribus his vitreis basibus salutis suae machinam in ædificando, quæ tamen nemini non magnæ omnino molis est opus. Primò enim perquam facile accidere potest, ut tempus resipiscendi alias non supperat, cum Peccator eo abusus tempore, quod benignè concessum fuerat, dignus non sit, ut aliud accipiat: sicut artifex, qui instrumentis suis ad monetam adulterandam abusus, Legum decreto ijs ipsis privandus est: *Juravit per viventem in sæcula sæculorum, quia tempus non erit amplius.* Et en primam basim solo æquatam. Etsi autem tempus nos deesset, facile est, ut cum tempore non adsit Gratia, itaque eis contingat, quod Arci, quæ cum diutius, quam belli Leges ferant, obsidentium vim elusit, militum subinde avaritiæ, & furori permittitur. *Non relinquent in te lapidem, Luc. 19: ed quod non cognoveris tempus visitationis tuae.* Sic nec altera jam basis subsistit. Quin etsi Gratia non negetur, pronum est eos excitanti non respondere, nec operam suam jungere, illam vi præpeditos, quam animo inferunt assuetudines pravæ, & animus erga ipsam gratiam ingratisissimus toties opere comprobatus: neque enim novum est, campos steriles roris decidui beneficio tam non emolescere, ut etiam indurescant magis, perinde ac si con-



2. Esd. 9.  
16.

tendere cum cœlo vellent, plûsne istud possit ad expugnandam, an verò illi ad retinendam obstinatam duritiem. *Induraverunt cervices suas, quasi per contentionem.* Cunctis his discriminibus exposita est Impiorum Spes; ipsa interim tam est cæca, ut ne unum quidem videat. Repeto igitur, *O præsumptio æquissima, unde creata es!* O Monstrorosa præfidentia, quantam tu ex palude emersa mortalium te consortio miscuisti? cujus maleficio aspexisti lucem? quis excepit? quis aluit? En partûs tam monstri causa: Cordis superbia mater ejus fuit; nutrix Ignorantia.

XIII. Hoc mirum profectò non est, Peccatores, ubi de Anima agitur, sine ullo metu agere. Et tamen vel unum hoc satis foret ad Spem illorum damnamdam in oculis DEI, tanquam abominabilem, *Spes illorum abominatio Anima.* Sed quia res ista momenti est longè maximi, non ita cursim prætereunda est. Tres igitur Timores distinguere oportet. Primus eorum est, qui præter culpam timent nihil: hic autem Timor filialis dicitur: & est Timor ille, qui Sanctissimorum quorumque animos occupavit, & ne in Cœlo quidem amittitur. Observant Astronomi, Stellas fixas certo quodam motu agitari, quem ipsi trepitationis indigitavere. Beati igitur Cœlites, etsi metu illo non trepidant, qui ex periculo amittendi iterum summi Boni nascitur, cum Stellarum instar fixarum ex suo Beatitatis Firmamento dimoveri, aut divellinullajam ratione possint; non tamen carent, S. Thomæ sententiâ, timore quodam reverentiali erga Supremam

illam Majestatem. *Columna Cæli contremiscunt, & pavent ad nutum:* Cum Charitas tam non expellat animo istum Timorem, ut potius illum secum intrò ferat. Alter Timor Peccatorum omnino proprius est: & est ille, quo non timetur. nisi sola pœna, vocaturque Timor servilis. Hic autem, si S. Augustino credimus, bonum habentem non probat: *Quid enim est penam timere? nam & latro timet malum, & ubi non potest, non facit, & tamen latro est.* Etiam fur, qui Circitorum noctu globum obvium repentè habet, terretur, pedem refert, & rem alienam, quam jam jam prehenderat, excidere sibi patitur. Nec tamen fur esse desinit, quamvis tum non furetur: nec enim furari, sed laqueum timet, qui deprehensum manet. Tertius Timor ex utroque isto mistus est; quo nimirum & culpa timetur, & pœna, unde *initialis* dictus est, propterea quòd perfecti timoris principium sit. Hic s. 7ho. igitur proprius Spei timor est, quæ 2 q. 1. cum nihil desideret vehementius, ar. 2. quàm DEUM, finem suum, possidere, metuit tamen, ne tanti Boni possessione non beetur, memor Divini tam in judicando, quàm puniendo rigoris: *Terribilis in consilijs super filios hominum.* Hinc non aliud prius in schola, in qua Divinam Sapientiam Spiritus Sanctus docet, discitur, quàm timere. *Initium Sapientia timor Domini:* Animam autem sic timentem tot locis DEUS ipse Beatam appellat: *Beatus homo, qui semper est pavidus.* Bea- 14

III. *tus vir , qui timet Dominum. Beati omnes , qui timent Dominum. Beatus , cui donatum est habere timorem Domini.* Ut enim , cum Regij corporis custodes adventant , argumento non dubio est , ipsum paulò post Regem adfuturum , sic ubi sanctus hic timor locum in alicujus animo occupat , argumento id est , adesse Spem ; nec diu post ipsam quoque Charitatem , regio suo curru invec̃tam , adfuturam. *Intrat tumor primò per quem venit Charitas.*

XIV. Quid igitur attinet , Impios Spes suas inconsultas & ineptas jactare ? eo ipso quòd peccatum porrò non metuant , non jam Speshæc , sed insana temeritas est. *Insolentis est natura sine timore gaudere :* ut S. Hilarius affirmat. Et verò temeritas ista non tantum pugnat cum Gratia præsentē , sed venturæ etiam obicem ponit. *Qui sine timore est , non poterit justificari.* Qui post peccatum animo fovet Spem. timoris omnis expertem , tam non est Justus , ut ne Justitiam quidem consequi possit , eo res suas loco constituendo , quo summè arduum sit , vitam in melius mutare ; *non poterit justificari.* Hæc autem ejus rei ratio est ; quisquis assuescit peccatum non timere , illudque nulla religione animo circumferre , vulneris instar , quod una pectoris tusione sub Paschales ferias ita perlanetur , ut ne cicatricem quidem post se relinquat : quisquis , inquam , ad hoc se assuefacit , paulatim ita occalescit , ut sensum doloris de offensa DEI , tanquam malo malorum maximo , omnem amittat : unde nec illo momento , quo hinc migrandum est , aliter timet , quàm Lu-

pus , qui non furtum , sed laqueum tantum ovili prætentum metuit. Si quo autem casu Peccator tam præfidens operæ Confessionis ritè peractæ noxarum veniam obtineret , certissimum vobis sit , diu in eo gratiæ statu non perseveraturum , nisi timere occipiat. Non alio indicio certitis dignoscitur , an Olivæ recens transplantatæ nova in statione radices agant , quàm si ramos illæ demittant , foliorum ornatu abjecto : id enim argumento est , totam vim in radicibus esse occupatam. Novæ istæ peccatorum , è peccati deserto avulsæ , & in amenissima ac felicissima Gratia viridaria translatae plantæ , si nimia foliorum pompâ virescant atque luxurient , spe inquam , superbâ magis , quàm solidâ , haud quaquam fidendum ijs esset ; nec enim diu felici illa in terra adolescerent , sed silvestrem mox suam naturam & indolem denuò induerent. *Signum reviviscendi , si folia amisere , alioquin , quas putes , prævaluisse , emoriuntur.*

XV. Non tamen oportet Timorem eoulque invalescere , ut Spem ipsam opprimat , atque suffocet : Quem enim metus tam atrox teneret , is animam tanquam Inferni depositum circumferret. *Desperare , in Infernum descendere est :* ut S. Isidorus loquitur. Ejusce sortis Peccator dici posset , si in fornacem immissus nondum est , palæ tamen jam esset impositus , & propediem immittendus : neque verò hunc ego expertem Spei timorem inculco audientibus ; sed suadeo , ut timeant sperando ; ut sic Spes Salutis eos in semitam denuò reducat. Sic tamen , ut differēbam , differendum est ; quia vulgo Peccatoribus plus affert detrimenti , quòd nimis mul-

lib. 2 de Summo Bona. c. 14



multum ; quàm quòd nimis parum sperent : idemque ipsis in Animæ plagis accidit , quod in plagis corporis ; quas etsi intumescere malum est , haud paulò tamen periculosius est , non in-

*Cels. l. 1. c. 26.* tumescere. *Nimis intumescere vulnus , periculosum ; nihil intumescere , periculosissimum.* Optarem igitur , medium vos callem tenere , ubi de Anima agi-

*Prov. 8. 26.* tur , *in medio semitarum judicij , & neque ad desperationem , neque ad temeritatem declinare ;* sic , ut spei longè plurimum reponatis in DEO , salutemque ab eo consequi non dubitetis , nullo tamen non actionum & operum piorum genere idem salutis negotium promovendo : quæ quidem velut aliqua Spei vestis sunt , quæ ut vitali corporum nostrorum calore incalescit ; ita vicissim ipsa calorem eundem fovet & auget. Bona , quæ agitis , augerunt Spem , & Spes , quam concipitis , novas identidem vires ad rectè agendum subministrabit ; & quia sat scio , non ideò vos sic stabiliendos in gratiâ , ut eâ porrò excidere non possitis , illud observate , quod Sanctus Gregorius sapienter docet : Sperate in DEI miserationibus peccato jam admissio ; prius autem , quàm illud admittatis , Justitiam formidate. Ut enim vinum Antidotum Cicutæ est , si istâ jam sumptâ bibatur , venenum autem , si cum ipsa potetur ; sic Spes Miserationum medebitur culpæ jam admissæ , ne quis ruat in exitum ; exitij autem causa erit , si ipsam comitetur culpam , persuadendo sibi , nullâ illam pœnâ vindicandam.

XVI. Atque hæc prima labes est ,

quâ Animam inficit Spes cæca , malè consultâ , superba Peccatorum , quando eò inducit , ut tam perversè speretur in negotijs Animæ. Pergamus modò ad alteram labem considerandam , quâ inficit Animam , cum facit , ut non satis confidatur DEO , in ijs , quæ ad Corpus pertinent. Haud pauci Christianorum è numero videntur cum Assyrijs illis existimare , DEUM nostrum , Montium duntaxat , non autem DEUM vallium esse. *Dixerunt Syri : DEUS montium est Dominus ; & non est DEUS vallium.* Videntur & ipsi , DEUM tantum agnoscere Dominum & Dispensatorem bonorum Gratix , quæ sunt illa sublimia ; non autem bonorum Naturæ , quæ sunt humilia : unde hæc nec ejus à manibus obtinere curant , nec cum fiducia consequi expectant. Sed non ita res se habet : *Tuum Domine Regnum , tua divitia , tua est gloria , tua sunt omnia.* Ex quo DEUS condidit universa , ne unius quidem alicujus dominio se vel dieculæ spatio exuit : cuncta planè ipsi subjecta sunt. Illud negari non potest ; nunc illum in Gratix , quam vivimus , lege , disertè promittere bona alterius vitæ manura , nec brevium istorum ac caducorum meminisse , nisi tanquam auctarij : sicut è diverso in Lege veteri humana tantum ista , & temporis bona disertè promittebantur ; nullâ æternorum factâ mentione. Sed nihil refert : omnia tamen ejus manibus dispensantur , nec quidquam alio largiente accipimus ; id , quod probè noverat sancta illa Anima , illud suaviter ingeminans : *Lava ejus sub capite meo , & dextera illius ample-*

4. Reg. 20. 21

1. Par. 29. 11

Abu Dent sol. :

*psal.* *plexabitur me.* Sic enim, S. Augusti-  
 4. no teste, DEUS non dextrâ amplectitur,  
 mercedem bonorum æternorum pro-  
 mittendo, ut simul sinistrâ nos attollat,  
 ea subministrando, quæ corpori ser-  
 vando sunt necessaria. Et quamquam  
 deserti nonnunquam ab eo videmur  
 & derelicti, dum gravis sub ærum-  
 nâ onere gemere sinimur, id ipsum  
 tamen singulari quadam arte fit. Qui  
 apes curat, aufert quidem ipsis mel  
 redundans, ne otio torpescant: illud  
 tamen, quo indigent, non tollit, ne  
 6.23. misellæ fame emori cogantur. *Non*  
*vidi justum derelictum,* sic David artifi-  
 cium id observans, cecinit: *nec semen*  
*ejus quærens panem.*

XVII. Hac jam parte, parum abest,  
 quin dicam, multos Christianos non  
 plus in DEO suo Spei ac fiduciæ re-  
 ponere, quàm reponant Idololatræ;  
 tam, cùm rerum istarum premuntur  
 penuriâ rarò ad eum confugiunt, tam  
 parùm sperant. Spes suas terræ com-  
 mittunt, à qua expectant messëm;  
 committunt mari, à quo expectant  
 merces; committunt mercaturæ socijs,  
 à quibus lucri partem repetunt; DEO  
 autem non committunt, illud causati,  
 quòd is non velit causâ ipsorum mi-  
 ra operari. Quæ mira? quæ, quæ-  
 so, mira ac prodigia? Prodigia spe-  
 raret, qui parte sua ijs nollit uti me-  
 dijs, quæ suavis DEI imperat Provi-  
 dentia, ut vitam servet, sed totam  
 curam uni DEO relinqueret. Sed qui  
 nihil à se desiderari passus est eorum,  
 quæ officij ratio ab eo postulabat, non  
 potest dici expectare prodigia. Pro-  
 digium insolens non est, tunc DEUM

*R. P. Segneri Christ. Instr. Tom. I.*

opportunè succurrere, sed hoc ex ijs  
 est, quæ lege ordinariæ sunt, con-  
 firmatâ certissimis Sacrarum Literarum  
 pollicitationibus, & multiplici om-  
 nium sæculorum experienciâ compro-  
 batâ. Alteriusne, quàm Christi, illa  
 verba sunt? *Nolite solliciti esse dicentes: Math. 6.*  
*quid manducabimus, aut quid bibemus,*  
 31. *aut quo operiemur? scit enim Pater*  
*vester, quia his omnibus indigetis.* Sed  
 quid his ille verbis prohibere voluit?  
 an illam curam & solitudinem, quæ  
 abesse non potest in studio curandi ne-  
 cessaria ad victum vestitumque? mini-  
 mè id quidem, si rectè S. Thomas do-  
 cuit: prohibuit solitudinem de suc-  
 cessu. Si enim Pater ille cœlestis ne  
 Lilia quidem, quæ nihil operæ impen-  
 dunt, ut suis in pratis vestiantur, & nu-  
 triantur, amabilissimæ suæ Providen-  
 tiæ effectis carere patitur, quantò mi-  
 nùs illam deesse patietur ijs, qui tamen  
 de suo conferunt modicum illud, quod  
 in eorum est potestate, nec inerti otio  
 torpent? Hâc causâ non dixit Christus.  
*Nolite laborare:* dixit *Nolite solliciti esse,*  
 & de quo? *de eventu laboris:* neque  
 enim DEUS partibus suis unquam deest,  
 si nos nostris non desumus. An autem  
 mali originem perspectam habetis? ea  
 est, quòd nos prospectum nobis cupe-  
 remus non mensurâ veræ necessitatis  
 & indigentia, sed mensurâ, respondente  
 aviditati nostræ & cupiditati nunquam  
 explebili: hinc nihil est, quod sufficiat  
 Frigus illud, quod aliunde & solitis à  
 causis ingruit, non multis vestibus fa-  
 cilè arcemus: at frigori febrili pellen-  
 do ne totus quidem vestiarij locupletis-  
 simi apparatus sufficiet.

G

XVIII.



XVIII. De illis postea quid dicemus, qui in ijs, quæ vitæ & corpori tuendo necessaria sunt, tantum non fidunt DEO, ut in ipso potius peccato spes suas reponant? Palmaris hic error mundo cœvus est. Mendacissima illa pollicitatio, quâ malè cautis primis Progenitoribus nostris malus Dæmon imposuit, quòd futuri essent sicut Dij, re ipsa aliud addicebat nihil, quàm quòd suis ipsi viribus beati reddi possent, quin DEUS aliquid ad rem conferret, & quin eorum, quæ ipse iusserat, vel vetuerat, ulla ratio haberetur. Atque hoc, quod mendaci illo promisso delusus Adamus tum sibi tribuit, hodie quoque major Peccatorum, ab eo prognatorum, pars sibi vindicare studet. Arrogant isti sibi, quòd pinguiorem ad fortunam eveli, & meliorem omnia loco reponere possint non solum sine DEO, sed etiam DEO invito ac repugnante. Hac exorabili è facie plus quàm certò illi Mercatores sunt, qui mendacijs, dolis, & iteratis non semel perjurijs lucra sua rectissimè se promovere arbitrantur. Ex hac sunt Litigantes illi, qui alios ad pejerandum suâ causâ inducunt. Ex hac Notarij illi, qui muneribus corrupti syngraphas aut celant, aut perfidè immutant. Ex hac Sicarij, qui modici argenti gratiâ cædes nefandas perpetrant. Ex hac illi Proxenetæ, quos avaritia ad promovendos contractus omni jure vetitos impellit. Ex hac illi tam fordidi heri, qui diebus etiam feriatis, & Divino cultui dicatis, labores domesticis servis imperant, ne panem non lucrentur. Ex hac stulti illi Parentes, qui ut familiam pingui aliquo

Ecclesiæ Beneficio locupletent, filios suos indignos, aut ineptos, Clerici habitu induunt, qui in sago rectitibus militarent. Ex hac Matres illæ, quæ ut filiabus maritos inveniant, manifestis eas periculis exponunt, in pudicitie prædones incidendi, dum ejus custodes quærunt. Ex hoc Puellæ illæ, quæ etsi non ignorent, quàm non probentur DEO familiaritates, quas contraxerunt, eas tamen excusant ut necessarias, propterea quòd, si amantes inhumanæ fastidiant, pudicæ quidem, sed sine consorte victuræ sint. Omnes isti, & plurimi alij, quos enumerare longum foret, Spem suam in peccato ponunt, nec advertunt miseriam, quod eo ipso, quòd in peccato eam reponant, reponant hoc ipso in mendacio. *Posuimus mendacium spem nostram.* Et prò, quo in mendacio! mendacium hoc est, quod non in errorem tantum inducat, sed plurimum etiam afferat detrimenti, unde est mendacium longè perniciosissimum. Luna nostris oculis nunquam se fulgentiorem offert, quàm cùm Soli è diametro opponitur. Peccatores, ut Lunam in stultitia perpetuæ suæ instabilitatis imitantur, sic eam quoque referre sibi debere videntur in ratione lucrorum suorum procurandorum; sic ut nunquam commoda sua promoveant utilius, quàm quando à DEO recedunt longius, & quando ab hoc Divino Sole, eum contemptim negligendo, absunt remotius. Sed O quàm hi tales sibi ipsis imponunt! experiuntur subinde, quod Prophetæ indicavit: *Expectavimus lucem, & ecce tenebrae.* Pro stultè sperato lucis

lucis incremento, domus earum manent plenæ tenebris, ærumnis, & perturbationibus. Negotia non procedunt; lucra invertuntur: causis caditur, fraudes reteguntur, filia maritum non invenit: verbo, sic contra spem geruntur & cedunt omnia, ut aureum impiæ, quam somniaverat, felicitatis caput in pedes denique luteos desinat. Aut non obtinentur lucra, quibus inhiabatur perfidè; aut si obtinentur, mox alio migrant ex  
 b. 24. familia. *Tabernaculum impiorum non*  
 8. *subsistet.* Natam subinde prolem mole carnea sine ossibus, non nescio: nullam tamen scio, quæ sine ossibus diu, postquam nata erat, supervixerit. Sic etiam in cunis suffocatur eorum fastus, qui DEI leges pessundare conantur. Fœtus sunt sine ossibus, non  
 b. 24. tam partus, quam abortus. *Elevati*  
 24. *sunt ad medicum, & non subsistent.*

XIX. Sed ista veritas tanti momenti est, ut operæ pretium sit de ea agere Dissertatione integra, illique uni dicata; quam jam nunc deliberatum habeo suo tempore instituere, cum palam omnibus faciam; Peccato tam neminem unquam felicem reddi, ut etiam hujus vitæ calamitatibus subjiçatur ac miserijs. Interea quid vobis dicam? ut scilicet in rem intenti memineritis, quòd spem in peccato reponere earum injuriarum è numero sit, quâ vix graviore laceffi DEUS possit. *Nolite sperare in iniquitate.* Et  
 6, II. tamen, quod fidem superat; non desunt, qui eò usque eam reponant, ut non dubitent mutuis se pactis obligare cum Peccatore, ut primo, si om-

nium deterrimo. Sed hi scilicet è Christi cultoribus non erunt. Sunt enim verò hoc ipso è numero. Saltem Catholico nomine non censebuntur, censentur & isto. Ita tamen, fateor, Christiani sunt ac Catholici, ut hæc tam honorifica nomenclatura ad id unum ipsis deserviat, ut vel Ethnicis deteriores haberi mereantur. Sunt autem hujus furfuris, qui vel ut ludo vincant, vel ut quem optant Sponsum, Sponsamve fortiantur, ut arcanum aliquod resciant; ut cunctorum suorum hostium tela eludant, quocunque in congressu, pugna, aut alium in finem sibi lucrosam, non verentur stygijs illis artibus uti, quas Superstitiones dicimus. Schediasmata peregrinis characteribus exarata, precandi formulæ mendacissimis promissis refertæ, ceræ tribus consuetis sacratæ, cruces, chrisinata, Sanctorum Lipsana, res aliæ sacræ profanis permixtæ, cuncta hæc ab ijs re ipsa confertim usurpantur. Verum quidem est, quòd dum verbis profanis, & alijs adjunctis magis etiam ridiculis, adjungunt ritus ac ceremonias quasdam pias, videantur DEUM religioso cultu velle venerari. Sed quando unquam irreverentiùs eum habent, quàm quando illum tam religiosè se colere fingunt; Cum enim utantur medijs, quæ vim planè nullam habent ad producenda opera, quæ ipsi moliantur, qualia sunt, vincere, sui amore accendere, divinare, armis omnibus ac telis inpenetrabilem reddi, superest, ut adhibeantur non ut talium operum causæ,  
 G 2 sed

*Sanct.  
in sum.  
l. 2. c. 40.*



sed ut signa, quibus positis ex pacto mali Dæmones virtute sibi propria effecta illa producat; quâ ratione Impij nefarijs his Spiritibus Divinum aliquem honorem tribuunt, dum ab illis expectant auxilium, quod præterquam à solo DEO peti, & expectari nulla ratio-

s. 7ho. 2. ne deberet. Nec jam quidquam ad 2. q. 92. elevandum hoc scelus facit, quod 4. I. 9. ajunt; his schediasmatis ac formulis 27. ar. 4. pia quædam ac religiosa admixta esse; ut enim omnia hæc in mala ac sacrilega degenerent, satis est, impium quiddam ijs esse admixtum. Ne viperæ quidem partes omnes veneno turgent: sufficit tamen, quod in faucibus illa gerit venenum ad certam necem inferendam. Pollicitationes illæ, in ludo perpetuò vincendi, animum amatæ puellæ amore mutuo accendendi, authorem furti inveniendi, omne telorum genus sine ullo vulnere certò eludendi, vires omnes naturæ superant; quin & illas, quas à DEO præter naturæ ordinem operante sperare liceat; cùm DEUS nunquam bonum ullum caducum & breve, sanctè & citra ullam exceptionem adpromiserit: ac proinde, ut ante dicebam, cuncta hæc effecta sperari non possunt, nisi à mali Dæmonis manibus, cui non rarò id potestatis DEUS permittit; etsi nonnisi eorum malo ac poenâ, qui suam in illo spem reponunt. Et non sufficiat unum hoc ad terrorem miseris his incutiendum, nôsse, quòd ipsi cum jurato generis humani totius hoste pace fruantur? Sed quid pacem dixi? quòd ipsi mutuis conventionibus, & commercio jungantur; dum

pactis si non disertis explicitisque, tacitis saltem, cum hoste hoc stygio ipsis tam belle convenit in gravissimis quibusque negotijs, contra præceptum non dispensabile ab Apostolo promulgatum: *Nolo vos socios fieri Dæmoniorum.* Dubium non est, quin istud sufficiat ad eos juratos DEI hostes constituendos, *Inimicus meus, qui versatur cum inimicis meis:* Ita Leges supponunt. Sed juvat raro quodam eventu narrando vobis ob oculos ponere, quid demum sperare jure possint, qui opem à malo Dæmone efflagitant.

XX. Non multis ab hinc annisangebatur Romæ Juvenis eorum è numero, quibus Anima pro sale quodammodo est, ne antequam tumulto inferantur, marcescant; cætera inutilis ac rieglecta. Decoxerat hic jam totum, & opimum quidem patrimonium: unde cùm jam nulla esset illius metalli copia, quo effrenes suas libidines ad eam diem aluerat, statuerat illud non in terræ tantum visceribus, sed intimis ejus & orcinis recessibus quærere. Cùm proinde ex ejusdem secum farinæ socijs intellexisset, in ijs, quas ipse incolebat ædibus magnas longo jam à tempore opes, & auri vim ingentem defossam latere; doceri voluit verba quædam & formulas magicas, quibus malum Dæmonem Orco evocaret, & ad thesaurum illum sibi tradendum adigeret. Verè miser, ut qui nesciret, Dæmonem carminibus illis excitum alium thesaurum non habere, quàm quem dare ipse paratus erat, dum Animam stygio illi prædoni offerebat! Adhibitis igitur, quæ didi-

I. Cor.  
10. 20

Joan.  
Nicim  
Ex. 14

didicerat, carminibus, evocare Dæmonem cœpit, sed quia nondum scelerum suorum mensuram Juvenis impleverat, non permisit DEUS, ut confestim aspectabilem se illi hostis sisteret. Cum tamen insanus à cœptis execrandis non desisteret, Orcus tandem pulsatus toties fores aperuit. Concubiâ enim nocte, dum his maximè cogitationibus animum suum Juvenis in strato suo occupat, strepitum quendam ac fragorem ad cubiculi sui fores audit: &, quis inquit, tam intempestivè mihi obstrepit? Ille est, respondit quærenti Dæmon, quem vocasti toties: pande fores, & sequere me, adsum enim tandem vota tua expleturus. Cohorruit initio Juvenis; subinde tamen Spe timorem subigens è strato se proripit, & ensen manu una complexus, alterâ DEIPARACONEM è collo suspendens, ut eam, quod non pauci alij etiam sibi promittunt, non peccatorum solum haberet Advocatam, sed in scelere ipso sociam & Patronam, ad cubiculi fores progreditur, aperit, & umbram videt aspectu horrifico, quæ ad subterraneam ædium cellam tendebat: institit præeuntis vestigijs Juvenis, & ad locum pervenit: hic non magno in quærendo labore cumulus auri, argenti, margaritarum, pyroporum, adamantum, & gemmarum omnis generis inventus est. Quid autem existimatis tam secundo eventu fecisse Juvenem? exsiliisse præ gaudio, & tripudiâsse? omnes mox sinus optatâ prædâ cœpisse implere? Nihil minùs. Tam funestus enim horror per omnes venas ijt, stupor invasit tam insolitus, ut ne voluntas quidem incesse-

rit porrectâ dexterâ vel teruntium tollendi: sic ut tenui illo anhelitu, qui supererat, collecto vix ad lectum rediret; in quo non nisi triduo superstes, cum à consternatione colligere animum non posset, funus fuit: sic ipsâ suâ experientiâ magistrâ doctus, non aliàs sub terra fodinas spiritu tam pestilente inficere, quàm Tartareas.

XXI. At vos reponetis: etsi superstitioni ejusmodi ritus ac carmina nihil conferant ad latentes, ejusmodi thesauros retegendos, non inutiles tamen esse ad thesaurum thesauris omnibus cariorum, corporis nimirum sanitatem servandam, & mille ab eo mala non ignota averuncanda. Heu Sanitatem omni peste nocentiorum! Ego quidem milles cum DEO præmori mallem, quàm cum Dæmone supervivere. Ita est; sinit subinde DEUS, ut juvare aliquem Dæmon possit ad bonum aliquod caducum obtinendum, qui ejus opem implorat: sed hoc ipsum profectò ingens supplicij genus est, permittere ut serpentem varia ac maculosa pelle sinu quis foveat, qui subinde securè & suaviter dormientes morfu enecet: & verò ipse malus Dæmon, ut animam alicujus sibi vendicet, sicut nullum aliud ministeriorum etiam abjectissimorum genus refugit, fabri, famuli, agasonis, quin & jumenti, sic ne Medici officio, tam honorato, fungi recusabit. Sed an tam malè providi estis, ut non advertatis, inimici munera, prodicionis esse instrumenta; Ita versutus ille capi se sinit, sicut Torpedo, ut capiat capientem se; & tantillum illud boni confert, ut æternum



nūm deinde vobis faciat malē. Porrigit pomum, & surripit Paradisum : quæ sunt ejus jam inde à Mundi exordio artes. Plaudit ipse sibi, quòd non nemo, ut sanitatem non jam imple, non filius, sed equus recuperet, illi se tradat mancipium, qui tamen ritu tam solenni in sacro lavacro ipsum ejurarat, quique Fidei beneficio acceperat à DEO potestatem stygium hunc Draconem cum omni sua detestabili appendice conculcandi. *Ecce dedi vobis potestatem calcandi supra serpentes, & supra omnem virtutem Inimici.* Accedit & illud, quòd ita sanitatem reddat Dæmon, ut illud Medicorum genus solet, quos Empyricos dicunt, qui pharmacis suis extimis à membris imā in viscera, tanquam centrum, malivim cogunt; unde lubinde nocentiùs pestem in membra omnia diffundat. Nunc equi, aut alterius jumenti vestri non difficilem morbum sanat; paulò post illud ipsum in fossam aliquam præcepsaget. Filiolum modò incolumem præstat; mox ad dignam pro ope ab eo postulata mercedem reddendam, faciet, ut ardentem in focum pronus ruat. Si peccatum omnis mali in Mundum hunc illati causa fuit, Dæmon verò ejus occasio, quæ tandem prudentia est, cupere deinde, ut junctum Dæmoni peccatum boni quidpiam in ædes vestras inferat? Fieri ista non possunt. Audite igitur Ecclesiasticum monentem: *Fili, in infirmitate tua ne despicias te ipsum, sed ora Dominum, & ipse curabit te.* Memento, fili, te & cū condereris è nihilo, multoque magis, cū in sacro fonte re-

nascereris, DEUM ipsum Patrem sortitum esse. Quomodo igitur eò usque te abjicis, ut dignitatis hujus tuæ oblitus, tuis ab hostibus opem exposcas, tergum DEO Patri tuo obvertas? Non quod collo gestas schediafma, non quæ pronuntias verba, sanitatem tibi reddunt; reddit illam Dæmon: Medicus tuus Dæmon est. Eteò tute demittes, ut commercij cum illo te non pudeat, cujus hæc nunc præcipua dignatio, quòd sit æternus Reproborum Tortor ac Carnifex? Hoc est non te tantum, sed Patrem adeò tuum Coelestem, tanquam invalidum, & nullarum jam virium, contemnere. *Ora Jer. 17. Dominum, & ipse curabit te.* Quare si *maledictus homo, qui confidit in homine, & à Domino recedit cor ejus;* judicet, qui vult, an non magis eidem se maledictioni obnoxium reddat, qui DEO deserto, omni sua Spe Orco innititur?

XXII. Nunc ut tandem, quod res postulat, ad hujus Dissertationis finem accedamus, quid vobis de gemina hac labe videtur, quā animum Spes Peccatorum inficit, dum facit, ut tam temerè præsidant de DEI ope in ijs, quæ ad Animam spectant; tam nihil illi fidant in ijs, quæ ad corpus pertinent, perinde, ac si plus commodi reportaturi sint, si in ipso peccato, quàm si in DEO spem suam collocent? An aliud evidentius signum desideratis, quo illam planè adulterinam agnoscat? *Spes illorum abominatio est Anima. Job. 11.* Deinceps incumbet vobis, Dilectissimi, eò eniti, ut Spes vestræ meliorem ad normam accommodentur: hanc Propheta indicat illis verbis: *Spera in Do-*

*Luc. 50.*  
*20.*

*Ecclesi. 38.*  
*8.*

*20.*

*ps. 36.*

*Do-*

*Domino, & fac bonitatem, & inhabita terram, & pascaris in divitijs ejus. Quot verba, tot arcana. Spera in Domino.* Cum Spes vestras collocatis in DEO, illud inprimis altè in animum demittite, niti vos Domino tam potente, ut vobis ille penitus opus non habeat: ac proinde nolite cum infanis illis, vobis persuadere, Montes cœlorum fulcra esse. Quantumcunque magna vestri opinione inflati sitis, quamdiu peccato vivitis obnoxij, non estis nisi purum putum nihil: ac proinde, si carere vobis DEUS potest, etsi Atlantem, aut Abylam altitudine excederetis, quanto minùs illi eritis necessarij, cum ejus in oculis non sitis plus, quàm arenæ tenuissimum granulum? Quare sperare simul & timere vos velim; sperare in DEO, vosmetipsos timere, & de vobis dissidere: timere inquam pravam vestram voluntatem, ob periculum illud, cui obnoxia est, quantalibet tandem DEI gratiâ non rectius utendi, quàm Napellus, aliæque herbæ ac plantæ venenatæ utantur rore cœlesti. Timete diuturnas assuetudines, & contractas inde propensiones pessimas: time- te lapsus toties & tam facilè iteratos, memores, primo peccato unum Dæmonem hospitem admitti, altero autem septenos. Verbo, timete, etiam cum nulla videtur esse timendi causa. An non videmus, quàm timuerint sanctissimi quique? *Homo sapiens in omnibus metuet*: ut Ecclesiasticus loquitur. Sancti cœlesti illâ Sapientiâ, quâ pleni sunt, magistrâ, discunt ubique timere, ut sint quàm cautissimi. Quare si Leones ipsi in nemoribus, apertis

oculis dormiunt; quomodo miseri Lepusculi, Peccatores, clausis oculis securi, & in utramque aurem dormiunt.

XXIII. *Spera in Domino & fac bonitatem.* In magno illo DEO Spem reponite, quis scit, qui vult, & potest omnia, quæ vobis sunt profutura: sed jungite huic Spei rectè facta, ne sicut Dæmon omnes Hæreticos falsa fide decipit, ita vobis imponat falsâ fiduciâ. *Fac bonitatem.* Et observate non satis esse ad spem bonam ac genuinam bona facere, sed necesse esse ejusmodi efficere opera, quæ ipsos efficientes bonos faciant. Vos acceditis ad rem Divinam, adestis ad aram, etiam solenni ritu, facienti; vespertinis precibus cum cantu peragi solitis adstatis, stipe juvatis egenos, à carnibus vos abstinete, sed interim estis DEI ob admissum peccatum inimici. Hoc est facere bona, sed non est facere, quæ vos faciant bonos. Opus est ante omnia redire cum DEO in gratiam elutis sincera Confessione noxis, quæ operibus his omnibus præmittatur, ut non sint instar cadaveris, externa quidem specie operibus bonis similia, sed animâ propriæ bonitatis non animatâ.

XXIV. *Spera in Domino & fac bonitatem, & inhabita terram.* Terra hæc DEI Ecclesia est, in qua habitare oportet ut verum Christi asseclam, semper perseverando in DEI gratia & amicitia, non autem per aliquot tantum proximorum Paschæ dies. Id enim nî fiat, non satis scio, an non Divino coram Tribunali locum habiturum sit id, quod


*L. unica  
ff. utroque  
jore bique.*



jore parte anni, præfertur alteri. Me-  
tuo, ne, si Dæmon undecim anni men-  
sibus vobis imperat, DEUS autem non  
nisi unico, Dæmon tandem lucretur  
causam, & vestræ illi animæ latâ sen-  
tentiâ adjudicentur.

XXV. *Inhabita terram, & pascaris  
in divitiis ejus.* Discite aliquantum fi-  
dem servare DEO, & tum non ambigi-  
te, quin vestræ sint omnes cœlestis hæ-  
reditatis opes atque divitiæ. Si ipsi  
placuerit, vos hic inter mortales lu-

etari cum rerum inopia, non est quod  
lugeatis: erit tempus, cum fruemini  
omnibus, quæ ejus sunt, & ille, tan-  
quam filijs morigeris, olim dicet:  
*Omnia mea tua sunt.* Omnes mei the-  
sauri, omnes opes tuæ sunt, & tuæ  
erunt per omne deinceps ævum; sine  
ullo illis excidendi metu. O quæ quan-  
tæque est felicitas, res tantas sperare:  
*Spera in Domino, & fac bonitatem, &  
inhabita terram, & pascaris in divitijs  
ejus.*



## DISCURSUS V.

### *De numero Electorum & Reproborum.*

**S**Omniant nonnunquam ægri,  
se linguâ mel lambere; &  
hoc non infelix omen exi-  
stimant; sed aliter peritio-  
res Medici pronuntiant, qui  
cum non ignorent, gustatam illam  
in somno dulcedinem inde nasci,  
quod corpus phlegmate redundans  
illud è stomacho & ventre ad pa-  
latum usque diffundat, timent, ne  
naturalis calor frigidi illius humoris  
abundantiâ penitus tandem suffoce-  
tur & extingatur. Non dispari ra-  
tione Peccatores profundissimo suo  
lethargo sopiti mel semper dulcissi-  
mum somniant, sicut eorum lingua  
nihil celebret & extollat frequentiùs,  
quàm DEI Miserationes, Spem fa-  
cilem, salutis negotium in tuto: nec  
mali id ominis esse existimant. At re-  
rum & statûs animæ magis gnari, cum  
non nesciant prædiciam ejusmodi, ti-

moris omnis expertem nasci in ægris  
istis ex animo sceleribus ad labia us-  
que, ut sic dicam, pleno, malè sic  
somniautibus metuunt, & lethargum  
quibus possunt artibus excutere labo-  
rant, excitando maximè timorem sa-  
lutarem, qui ipsas adeò offium me-  
dullas penetret: *Sunt impij, qui ita* *Eccl.*  
*securi sunt, quasi justorum facta habe-*  
*ant: sed & hoc vanissimum judico.* Am-  
plector & ego hanc Medicorum Sa-  
crorum sententiam, & curandi me-  
thodum: eaque causâ conabor, quoad  
potero, tam suaviter dormientes ad  
sanitatem reducere. Proponam quæ-  
stionem momenti tam gravis, ut nulla  
unquam momenti majoris in ullius  
Reipublicæ senatu intimo fuerit ven-  
tilata; ad lumen Authoritatis & Ra-  
tionis discutiendo: Majorne sit eo-  
rum Christianorum numerus, qui sa-  
lutem consequuntur, an qui eâ ex-  
ci-

cidunt ? Nec dubito , quin si auribus animisque præsentes fueritis , positura sitis illam præsidentiam , quâ tam multi hodie , minimè utique cauti , laborant ; & concepturi sanctum illum DEI Timorem , quem in tam paucis est invenire.

II. Ut gravissima hac in quæstione clarè progrediamur , progrediendum est ordine. Statuendæ igitur initio assertiones duæ , quæ extra controversiam sunt. Prima est , si generatim loquamur , plures omnino è Mortalium numero Reprobos fore , quàm Electos , juxta illud apertissimum Christi effatum : *Multi sunt vocati , pauci vero electi*. Cum enim ad salutem necessaria sit vera Fides , consequens omnino est , majorem mortalium numerum perire , ut qui veram Fidem vel non cognoscat , vel cognitam non amplectatur. Altera assertio est , quòd numerum ineundo omnium , qui ad veram Ecclesiam pertinent , tam eorum qui antè , quàm qui post rationis usum moriuntur , plures citra controversiam sint , qui beatitate æterna potiantur , quàm qui ab eâ excludantur. Sæpius enim observatum est , totidem fere mori sacro fonte ablutos ante dissectionis annos , quot majorem ad ætatem supervivunt : unde si illis addantur reliqui omnes Catholici , qui adulti salutem consequuntur , obscurum non est , maiorem horum , quàm reliquorum numerum esse : plures proinde necesse est esse Catholicos salvos , quàm damnatos : maximè cum ad felicem hanc turbam pertineant omnes , Hæreticorum licet Parentum

*R. P. Segneri Christ. Instr. Tom. I.*

filijs , qui sacris expiati undis , antequam acceptam Gratiâ peccando possint amittere , mortui , æternæ & ipsi vitæ ac gloriæ hæredes erunt , pretioso Jesu Christi Sanguine ac meritis comparatæ. Unum igitur hoc discutendum superest : An ex adultis , qui recto arbitrij sui usu salutem operari suam possunt , plures Cælo , an Inferno sint transcribendi , plures Electi , an Reprobi futuri ?

## I.

III. Si ex illorum genere Medicorum essem , qui quos curandos suscipere ægros , mortuos , quàm morere affectos videre malunt , jam nunc digritum ori imponerem : adeò nonnullis in decursu molesta erunt verba mea. Verùm quid tandem ex contumaci hoc silentiò sperarem emolumenti ? aliud certè nihil , quàm ut sociam Dæmoni operam jungerem , qui , Eusebij sententiâ , certiore ad Animarum perniciem viâ non grassatur , quàm si eos sui securas reddat. *Immittit securitatem , ut immittat perditionem*. Illud igitur meminisse vos velim , sanctos Doctores eâ causâ Ecclesiæ datos , ut viam ad Cælum nos doceant. S. Helena Constantini Mater , ut ij , qui Constantinopoli Solymas peregrè ibant , à via non aberrarent , certis per viam intervallis turres satis altas extrui curavit , in quarum culmine accensi nocturnis tenebris ignes , iter agentibus , qua pergendum esset , monstrarent. Idem in Ecclesia sua DEUS præstitit , per temporum intervalla grandes quasdam animas , turrium æmulas , constituendo , quæ multa ,

H

quam



quam in ijs liberaliter accenderat, luce, ut ardentes faces, aut lampades, cœlestem ad Solymam contendentibus viam monstrarent. Hinc consequens est, ea, quæ Doctores isti magno consensu tradunt, accipienda esse ut veritatem ad doctrinam certissimam, quâ ducente pergatur in itinere tam periculoso, quàm est illud, quo ex uno mundo in alterum transitur. Jam verò concors est sanctorum istorum Patrum ac Doctorum sententia, plures è Christianis æternum perire, quàm salvi fiant: juxta hanc igitur eorum doctrinam iter nostrum instituendum est, si prudenter in semita pergere, & nobis ipsis imponere non volumus.

IV. Ut à Patribus Græcis ducamus initium, hanc in sententiam plerique illorum ivère, id quod S. Nilus Abbas apud Baronium testatus est, pro caallegans præter S. Simeonem Styliam, qui divinitus ea de re edoctus creditur, S. Theodorum, S. Basilium, S. Ephrem, S. Joannem Chrysostomum. Atque hic maximè hanc doctrinam tam constanter ut veritati consentaneam tenuit, ut non dubitavit superiore è loco; & sacro suggesto pronuntiare, ex tota refertissima inquilinis Civitate Constantinopoli, non credere se, centenos salvos fore. Et tamentunc temporis, post Romam, Mundi Synopsin, non alia urbs plures quàm Constantinopolis, incolas numerabat. Quamquam autem tum Religiosi omnes non urbes & oppida, sed deserta ac solitudines incolerent, amplissimâ tamen illâ & Imperatoriâ in urbe, à fide

alieni nulli, sed Christiani tantum censebantur. Et tamen Pastor ejus Zelo ardens non suo in conclavi scribendo, sed palàm ad concionem tam frequentem declamando, protulit effatum tanto horrore plenum, quale est; ex multitudine tam propè innumera vix centum non æternum damnandos. *Non possunt tot millibus inveniri centum, qui in æt. salventur: quin & de his dubito.* *Hom. 2. Apost.*

V. Græcis Patribus Latini adstipulantur. S. Gregorius de solis Christianis loquens ita pronuntiat. *Ad fidem plures veniunt, ad Regnum cœlestē pauci perducuntur.* *Hom. 1. in Ev. an.* En, multi ad fidem, pauci ad salutem. Nec aliter sensit S. Anselmus, minimè obscurum ratus, paucos esse, qui salutem consequantur. *Ut videtur, pauci sunt, qui in bl. salvantur.* *cid.* Idem locis pluribus etiam S. Augustinus tradidit: sed eo maximè, quo parabolam illam Christi Servatoris de paleis & tritico exponit: aream enim Ecclesiam esse ait; paleas, majorem Christianorum numerum, qui salute excidunt: triticum, minorem eorum, qui cœlo potiuntur, atque hoc ipso denique velut epiphonemate differtationem claudit: *pauci ergo qui salvantur, in comparatione multorum periturorum.* Sanctus tandem Hieronymus, cum vivens suam de salvandorum paucitate sententiam explicasset, tandem ad extrema deductus, quo tempore verum ut melius cognoscitur, ita & liberius profertur, Discipulis suis affirmare non dubitavit: *Vix de centum millibus, quorum mala fuit semper vita, meretur à DEO indulgentiam habere unus.* *Apoc. 1. Euf. Dam.*

VI. Et ne quis suspitioni superstit locus, ne fortè Doctores isti hyperbolicè locuti sint, notandum illud imprimis, ejusmodi suspicionem omnino fore injustam; si enim pro Concione ea affirmassent, quæ ipsi non credebant, non tam amplificassè, quàm mentiri esse censi deberent. Deinde ut hæc suspicio falsa, & nullo nixa esse fundamento cognoscatur, Patrum doctrinam multiplici Theologorum autoritate affirmabo; horum enim proprium est, verum ad amussim examinare, & omnem in sententia explicanda auxesin vitare. Ex his autem duo non Purpura magis, quàm doctrinâ & pietate in DEUM eminentes, Cajetanus nimirum & Bellarminus, tenent apertè eam sententiam, quæ majorem Reproborum, quàm Electorum multitudinem esse asseverat. Abulensis Episcopus, sui temporis Salomon dictus (tantâ erat & amplitudine & profunditate Sapientiæ) hanc de paucitate Electorum præ Reprobis ait esse positionem communem, & satis verisimilem. Id quod nec Suarezius diffitetur, Eximij nomen inter Theologos promeritus: Communior sententia tenet ex Christianis plures esse Reprobos, quàm Prædestinatos.

VII. Quamquam autem Autoritas eorum, quos adduximus, summi sit ponderis, non tamen est, nisi humani. Sumamus igitur in manus Sanctuarij libram, & illo nostræ assertionis veritatem libremus. Videamus, inquam, quid de illa DEUS in Sacris Literis pronuntiet. Sacrarum

igitur Paginarum idiomate idem sonat prædestinati quod pauci. Domine à Maldon. paucis deterra divide illos. Et idem sonat Reprobi, quod multi. Inter multos erant mecum. Si autem lubet ad figuras mentem reflectere, tempus Legis naturæ, & tempus Legis scriptæ tanquam præludia fuerunt, & umbræ Legis Gratiæ: unde lubeat observare, quâ ratione DEUS nobis representârit in utrâque Lege hanc maximi momenti veritatem. Naturæ in Lege, omnium mortalium genere undis ultricibus suffocato, non nisi octo Animæ exitio eriptræ sunt, & Noëtica in arca servatæ. Si autem S. Petro, id sua in epistola affirmanti credimus, Arca Ecclesiæ symbolum fuit, in qua sacri lavacri ope non multi servantur, quia pauci sunt illi, ut Sanctus Augustinus asserit, qui re ipsa nuntium omnibus remittant, quæ, dum tingerentur, abjurarunt. Qui saculo seculis verbis, non factis renuntiant, non pertinent ad hujus Arca mysterium, in quibus non est conscientie bonæ interrogatio. Altera, in lege scripta, legis Gratiæ figura, aut umbra fuit, illa Hebræorum ex Ægypto emigratio: etsi enim his millena hominum millia Ægypti ollas deseruerint, non nisi duo tamen terram promissam attigerunt. Hæc autem, ut Apostolus monet, in figura facta sunt nostri. Quem in locum S. Augustinus planè attonitus ita commentatur: Non transitorie, inquit, non negligenter, sed cum ingenti timore considerandum est. Hoc ergo, pergit idem S. Doctor, de Tem audiant, qui ita Dominum misericordem volunt, ut justum esse non credant.



VIII. Sed non est necesse recurrere ad sensum allegoricum, ubi literalis tam aperte rem ob oculos ponit: Sanctus Paulus Prædestinatos cum ijs comparat, qui olim in ludis, quibus cursu, luctâ, pugna certabatur, coronam, victoriæ signum, reportabant: *Hi qui in*

1. *Cer. 1.* *stadio currunt, omnes quidem currunt, sed unus accipit bravium.* Quibus verbis tria indicantur, ut S. Thomas obser-

in 1. *Cer. vavit, In primo (verba sunt Angelici)*

16. *lect. notatur conditio Viatorum: in secundo multitudo vocatorum; in tertio paucitas Electorum.* Quamquam hanc momen-

ti tam gravis sententiam non decebat ab alio proferri manifestius, quam à Christo Mundi Luce: *Ego sum lux Mundi.* In hujus autem Divino ore ac lingua non aliud ferè effatum ver-  
tabatur frequentius, quam illud; *Mul-  
ti aut vocati, pauci verò electi:* quod est epiphonema, quo ipse geminans plus quam cœlestes suas parabolas clausit. Est autem effatum, Sancti Augustini sententiâ, non tam verbo-  
rum, quam tonitruorum; quæ tamen ipsa non satis sonora sunt ad somnum nobis & torporem excutiendum. Præ-  
terea idem Servator noster Matthæi

Matth.  
7. 14.

septimo; *lata est, inquit, porta, & spatio-  
sa via, quæ ducit ad perditionem, &  
multi sunt, qui intrant per eam: Quàm  
angusta porta, & arcta via est, quæ ducit  
ad vitam, & pauci sunt, qui inveniunt  
eam.* Non alibi tamen disertius hanc  
gravissimæ ponderis doctrinam expli-  
cuit, quam apud S. Lucam, ubi cum ex  
eo quæssisset nonnemo, verène pauci  
salutem consequerentur, quid tandem  
putatis, eum respondisse? an tacuit?

an hæsit dubius & nutans? an diffi-  
mulavit, ne quid terroris justo majoris  
alicui incuteret? aut saltem verbis am-  
biguis non tam explicavit, quam impli-  
cavit veritatem? Nihil horum: respon-  
dit verbis disertissimis, non respondit  
tamen soli illi, qui interrogarat; sed ad  
omnes, qui aderant, conversus (ageba-  
tur enim de negotio, quod non ad unum  
magis, quam alium quemlibet pertine-  
bat) *Contendite, inquit, intrare per angu-  
stam portam, quia multi dico vobis, qua-  
rent intrare, & non poterunt: cum enim  
ad intrandum opus esset conatu magno,  
& voluntate firma, ipsi mediocri aliquâ  
diligentiâ contenti erunt. Quis jam ve-  
ster sensus est, qui fortassis me tacitè re-  
prehenditis, ut qui semitam ad Cœlum  
nimium coarctem? quæ recitavi ex Sa-  
cra historiâ verba non alterius tandem  
sunt, quam Servatoris nostri Christi JE-  
su, & sunt dicta ad Christianos omnes  
ac singulos, ut satis ostendit & verbo-  
rum contextus, & interpretum consen-  
sus: unde non video, quâ fieri possit, ut  
& verbis his fidem quis adhibeat, & ta-  
men totus non cohorrescat.*

Luc. 1  
24.

Chrys.  
adv. 2  
sup. vi  
Mon.

Naz. 6  
rat. 35.  
S. Aug.  
in Ps. 3

## II.

IX. Enimverò pluribus non esset o-  
pus ad affirmanda, quæ statui. Ut tamen  
magis & plus quam satis sit, vos con-  
vincam, præter allatam jam Authorita-  
tem, rationum etiam momenta addu-  
cam, nequâ vobis exitus pateat. Quâ fieri  
potest, sic vos arguitis, ut minor, etiam  
Christianorum, numerus æterna salute  
potiatur? an non tandem nostrâ causâ  
cœlum conditum est? quomodo igitur  
tam pauci illud intrabunt? En ratio-  
nem ipsissimam. Duabus vijs perve-  
niri

niri ad Cœlum potest, Innocentiæ nimirum, & Pœnitentiæ. Quare si palam vobis facio, paucos admodum Pœnitentiæ callem tenere, paucissimos Innocentiæ semitâ progredi, qui tandem negare porro poteritis, minorem rectè credentium numerum pervenire ad beatitatem.

X. Initium ducamus ab Innocentia: Si de solis Adultis sermo est, quàm pauci denique sunt illi, qui candidam illam, quâ in Baptismo induti sunt, stolam nullius gravioris noxæ sordibus inquinârunt; nunquam Gratiâ, quâ tum donati sunt, exciderint? Id plerumque nobis accidit, quod corvis, qui cùm candidi nati sint, magis magisque in dies nigrescunt, donec tandem evadant plane nigerrimi. Vix ad annos pervenitur, quibus bonum à malo discernitur, cùm aut pravis aliorum exemplis, quæ usurpantur oculis, aut verbis, quibus ad flagitium pellicimur, aut internis Concupiscentiæ stimulis, quos sentimus, dicimus confestim nequitiam; sicut non pauci cum illo fateri possent, non meminisse se illius temporis, quo puri à labe fuerint. Quare si rectè inibimus numerû, inveniemus paucissimas esse Mustelas illas alpestres candore gratissimo, quæ diu non aspergantur cœno & sordibus hujus vitæ. Ratio autem ejus rei est; quia ætastenella in homine Veris instar est. Sol tum virium habet tantum, ut vapores è terra ad se trahat; sed tantas non habet, ut eos absumat. Sic in adolescentulis, Ratio, quæ microcosmi Sol est, tantum cognitionis habet, ut malici cupiditate possit accendere; sed tantum non habet, ut excitatum ignem possit com-

pescere: sufficit, inquam, tenuis illa notitia ad peccatum concupiscendum, non sufficit ad illius horrorem excitandum.

XI. Quare si multos Cœlo potiri asserimus, oportet asseramus, id eos Pœnitentiâ consequi, cùm admissio semel peccato non alia sit eò pertingendi semita; ita enim discretè Servator Christus. *Si pœnitentiam non egeritis, omnes similiter peribitis.* Sed hæc quoque vera Pœnitentia tam rara est, ut Sanctus Ambrosius censuerit, illam non facilius inter homines inveniri, quàm ipsam Innocentiam. *Facilius, inquit, inveni, qui de Pœnitentia innocentiam servaverit, quàm qui con-* Luc. 13: 5.

XII. Dico autem in primis, plurimos Christiano è populo in prima Pœnitentiæ parte deficere, *oris, inquam, Confessione*, cùm inter accusandum se, varias omittant noxas, aut damnabilis pudoris malitiâ, aut animi latebras, quo par esset studio, perscrutandi negligentia: Hominum genus, ut Sanctus Augustinus asserit, quod dum suas investigat culpas, invenire timet; cùm novit ab inventis longè esse abundum: *Timent* (verba S. Doctoris sunt) *iniquitatem suam invenire, quia si inveniant, in psal. 35. in. ik. dicitur illis, recedite ab ea.* Non id ago, ut animos vestros nimis anxia religione perturbem, sed tantum, ut aliquid lucis



affundam. Atque hanc causâ isto loco illud solum culparum genus attingam, de cuius agnitione vulgò mortales penitus non anguntur, cum angere vel maxime deberent: sunt autem hæc omissionis peccata, quæ in eo consistunt, quòd quis notabili negligentia non satisfaciât officio DEI voluntate sibi imposito.

XIII. Omnia inter delicta fortassis ne unum quidem est, quòd magis rimendum sit, quàm officium non facere, seu Omissiones. Omissionis peccata, denuntiatus, suæque noscendus fronte Inimicus sunt, & Dæmonium illud, quod Psaltes regius Meridianum appellat. *A negotio perambulante in tenebris, ab incurso, & Dæmonio meridiano.* Observate sacrarum literarum loquendi rationem; Omissiones appellant negotium; & negotium quidem in tenebris geri solitum, ut geminas, quæ illas comitantur, conditiones explicent. Prima harum conditionum est, quòd Omissiones negotiatio Dæmonis sint, dum illarum operâ plures lucratur Animas, quàm aliâ quacunque ratione lucratur: imò quas alijs artibus suas facere non potest, isti occultâ suas facit. Unde, ut rem exemplis declarem, si nequam hic Spiritus Sacerdotem videt virtutis, & salutis suæ studiosum, moribus integris, exempli pravitate nemini noxium, id agit, ut is aspiret ad Ecclesiæ alicujus Parochialis administrationem: ut subinde partibus Pastoris boni non respondens, dum alienas servare vult animas, suam perdat: quæ ratione per ambages lucratur, versutissimus Dæmon, quòd rectâ se obtenturum diffidebat. Altera Omissionum proprietates est, quòd sint negotium altis concubiæ noctis tenebris gestum, parum

nimirum cognitum homini, parum ab eo consideratum; propterea quòd non consistant in actione quapiam, ceteroquin debita, sed in mera talis actionis negatione, seu non positione. *Scienti bonum facere, & non facienti, peccatum est illi.* Hinc fit, ut qui à Dæmone, hoc in genere in fraudem se induci sinit, malum non antè agnoscat, quàm ejus emendandi tempus porro non sit; & hinc ipsi illi, qui cum annis blasphemandi, perpotandi, se vindicandi, aut foedis libidibus indulgendi, assuetudinem corrigunt, Omissiones tamen suas corrigunt nunquam; sed eas secum tumultu inferunt. Artis beneficio pulvis pyrius ita confici potest, ut accensus in fistula noceat quidem, sed fragorem non edat. Avertat DEUS, ne secreta hæc ars in vulgus emanet: quantò enim tum difficillius foret ab ictu sibi cavere, cum ne aures quidem perciperent, unde perniciēs immineat!

XIV. Hæc porro tam noxia Omissionum peccata maximæ Christiani populi parti communia sunt, & respiciunt neglecta Justitiæ & Charitatis officia. Si Justitiæ officia spectemus, quot sunt in Ecclesia Pastores Animarum, qui majorem Animarum, à Christo sibi creditarum, curam non habent, quàm si ad ipsos penitus non pertinerent? Rudes & parvulos fidei elementa non doceant: adultiore aut nunquam, aut raro admodum pro Concione adhortantur, atque intituunt; etsi crassissimâ Mysteriorum fidei ignorantia laborent. Non Confessionis, non Eucharistiæ Sacramenta ministrant, nisi cum extrema id necessitas exigit. Quantus eorum est numerus, & qui cum consentientibus dent operam, eos tamen de erratis suis serio non monent; mediam contra relabenti;

labendi pericula præscribunt nulla; eos quoque à noxis absolvere non verentur, qui nec seriæ poenitudinis, nec emendandæ vitæ propositi argumentum ullum edunt? Quot Judices, Advocati, Prætores, Tabularum publicarum Scribæ, Medici, Principum & Reipublicæ Administræ, qui muneris sui partibus defunt? Quot parentes, qui liberorum educationem per pudendam ignaviam cordi non habent, de eo uno fortassis solliciti, quàm divites, sed non quàm virtutis & honestatis studiosos post se relinquunt? Verùm nimis prolixa evaderet Oratio, si singillatim meminisse vellem omnium erratorum, quibus potissimum suam Mundus perniciem & exitium debet. Transeo igitur ab officiis Justitiæ, ad officia Charitatis: circa quæ plurima etiam passim negliguntur. Neque enim quisquam satis expresse-rit, quàm neminem ferè hodie in opum gravissimis cum calamitatibus luctantium, miseratio subeat; cum tam multos invenire sit, qui pro eo quòd his opem ferant stipè largiendo, eos omni genere violentarum extorsionum, injuriarum, vexationum, contemptuum exacerbent: interim constat Christi testimonio, eàdem vos mensurâ recepturos, quàm alijs fuerimus admensi. *In qua mensura mensi fueritis, remetietur vobis. Hæc, & ejusdem sortis omissiones aliæ, & neglecti officij charitatis peccata, tam familiaria multis evaserunt, ut eorum sensu & religione jam nullâ tangantur. Et quamquam multi excusare se possint, quòd ad illa, dum se accusant, animum non advertant; at certè de peccatis ipsis quis se vel ad speciem purgabit, cum tam differtè Servator noster professus sit, se de his rationem coram suo*

Tribunali exactissimam repetiturum, haud aliter, ac si delicta alia horum comparatione, severam ad trutinam non sint examinanda? *Ite maledisti; esurivi enim, & non dedistis mihi manducare. Hoc fulmen torquebit in Reprobos. Venite benedicti; esurivi enim, & dedistis mihi manducare.* Hanc ex eo Electi sententiã audient: Hoc cum animo volveret sanctus Bernardinus Senensis, putavit affirmare se posse: Tres potissimum esse notatu dignas supremi illius judicis sententias: primam, quam sub Mundi exordium pronuntiavit contra superbiam, dum omnes Angelos perduelles æternis addixit Inferorũ supplicijs; alteram, quam post aliquot elapsa sæcula tulit cõtra Luxuriam, quando omnium sordes cataclismi undis eluit; tertiam, quæ in fine sæculorum fulminabitur contra Avaritiam; cum omnes illos damnabit, quicunque miserorum inopiam porrectâ stipe non sublevârunt: perinde, ac si postremus ille dies non aliud sit discussurus, quàm neglecta officia Charitatis; quæ quidem minus etiam, quàm neglecta justitiæ officia vulgò à mortalibus advertuntur.

XV. Nectamen his solum in obeundo poenitentiae Sacramento peccatur: magis plerumque in altera ejus parte deficit, in Cordis, inquam, *Conversione*. Plurimi ne sciunt quidem ad utiliter poenitendum hac conversione opus esse, sed satis se fecisse existimant, si admissas noxas cum fide enarrent: hoc autem cum ita sit, quomodo se isti parabunt ad concipiendum serium illum sincerumq; dolorem, quo potissimum Conversio ista constituitur? Accedit, quòd sæpè dolor omnis conceptus intra naturæ limites sistat *ex læsione naturæ*, ut S. Bonaventura asserit?

*De  
Christi  
Relig.  
ser. 114*



asserit? concipiatur, inquam, non alia ex causa impellente, quàm quia peccatum cum rectæ rationis, quam solus homo habet propriam, normâ pugnat, & sic naturâ suâ certam tristitiam, certum cruciatum generat, ob quos necesse est peccatum, talium causam, displicere. Insuper in illis, qui longâ peccandi assuetudine depravati sunt penitus, quàm primum est, non aliud ipsis displicere, quàm supplicium, quod vident imminere, non culpam, quam contraxerunt? Id quod Sanctus Fulgentius in Saulis confessione observavit, qui non abhorruit à noxa, quam admiserat; sed solummodo mœrore torquebatur, ex iactura Regni, quam illi animus prælagiebat. *Non odit, quod fecerat, sed trinit, quod nolebat.* Et tamen re ipsa oportet non pœnam tantum, sed peccatum odisse; & odisse plus quàm ullum aliud malum decernendo, nunquam deinceps locum illi in animo dare. Auget difficultatem, quòd cum peccato oporteat abhorre-  
re simul ab omnibus occasionibus, quæ proximè ad peccatum pertrahunt, jux-  
ta illud: *Omnem viam iniquitatis odio habui.* Non, inquam, solam odi iniquitatem, sed viam quoque, quâ ad iniquitatem itur: hæc autem quænam est alia, quàm occasio? Hinc jam illud cogitate diligenter, quàm parvo numero sint illi Christiani, qui hæc re ipsa exequantur; qui deserant sodales pravos, qui fugiant commoda & oblectamenta, quibus in peccati laqueos se implicuerunt: atque inde porro colligite, quàm ingens eorum sit multitudo, qui etsi saltem quotannis de noxis se accusent, sincero tamen corde non doleant, nec seriò convertantur,

XVI. Et quamquam tam multorum dolor, his ex capitibus deficiat, duæ tamen aliæ causæ cogunt me de plurium adhuc Peccatorum pœnitidine dubitare. Signa nimirum, quæ sui accusationem præcedunt, & signa, quæ illam consequuntur. Quæ consequuntur, palam faciunt, multos vix à noxis expiatis, mox redire ad inveterata vitia, quin ullum conatum, studium & sollicitudinem adhibeant ad illa emendanda. Saucius, qui vulnus neque alligat, neque unguento illinit, plus satis ostendit, vulnus illi non dolere. Simillima est plurimorum Christianorum conditio, quorum animi fœdis undique plagis sunt obfusi: *A planta pedis, usque ad verticem capitis, non est in eo sanitas.* Nec tamen ijs persanandi quidquam diligentia adhibetur. *Non est circumligata; nec curata medicamine, neque fota oleo.* Sanctus Paulus tanquam signum, quo vetus dolor discerni possit, videtur requirere constantiam quandam, quâ in Pœnitentia subinde securâ perseveretur: *Tristitia*, inquit, *quæ secundum DEUM est, pœnitentiam in salutem stabilem operatur:* & verò ratio ipsa videtur convincere, hæc sine stabilitate & constantiâ dolorem non esse genuinum. Vidua, quæ vix persolutis defuncto marito justis nubet alteri, non censetur defuncti mortem sinceris lacrymis deplorasse. Sic & Anima, quæ vix deplorato peccato admissio induci se finit, ut illud denuo admittat, quo tandem vero dolore illud detestata fuisse censi potest?

XVII. Quod attinet ad signa, quæ antecedunt, illa longior mora, quâ non

2. de  
Remi.  
pecc. c.  
15.

2. 118.

1. a. c.  
6.

non pauci in malo suo hærent, facit, ut metueam, ne dolor suis numeris non sit absolutus: mora enim verò perniciosissima, ut quæ non potest non edere ingentem in animo cladem & stragem. Omnis illa strages atque perniciēs, quâ humanam naturam noxa originaria afflixit, intelligendi facultatem excœcando, voluntatem fascinando, frenum animi perturbationibus omnibus, obedire jam detrectantibus, permittendo, omnis inquam ista perniciēs à culpis actu admissis quotidie instauratur: hæ siquidem eadem, proportionē suâ, effecta in anima produciunt, quæ illa, si rectè S. Thomas sensit. Cogitate proinde, quàm nialo loco res eorum sint, qui vitam ferè omnem inter flagitia transgère: & tamen hos quoque converti necesse est! Nonnullis, ut dicebamus, idem est principium ratione utendi, & peccandi, & hi ferè, quo cæperunt passu, in flagitiorum semitâ ad mortem usque progrediuntur, nullâ, quæ se offerat, Numinis offendendi occasione prætermittâ, & quod opere exequi non possunt, deliberatâ saltem deletionē & desiderijs concupiscendo; lupum imitati, qui ubi ovile diligenter custoditum reperit, illud undique lustrando obit, & quam dentibus non potest, lupinâ illâ saltem rabie suâ prædam devorat. Peccatum igitur ejusmodi continuatum & repetitum toties, quàm tandem opinione nostrâ perniciem in animabus eorum, & singulis eorum facultatibus edet? quàm addensabit Intellectus tenebras, augebit perversitatem voluntatis, a-

R. P. Segneri *Christ. Instr. Tom. I.*

cuet concupiscentiæ vim, vulnus idem: idem vulnere addendo; sic ut Anima eorum, si sensum haberet aliquem peccatorum istorum continuorum, triste illud occinere posset: *Effudit in terrâ viscera mea, concidit me vulnere super vulnus, irruit in me quasi Gygas.* Sed misera hæc Anima, quo percutitur sæpius, hoc sentit minus. Et hinc parum abest, quin dici possit, actum esse de omnibus ijs, qui præmatūrè adeò flagitijs assuescunt.

XVIII. Quæ malefico suo mortaliū generi nocent sidera, etsi nunquam suprâ horizontem emergant, quin malignitatis aliquid diffundant, nunquam tamen nocent amplius, quàm cùm æstivis in signis oriuntur: cùm enim tunc moram in hemisphærio nostro longiorē trahant, temporis etiam plus habent ad pestem terris subjectis afflandam. Non aliter se res in peccatis habet; quantumcunque modico tempore animum occupent, nunquam tamen non omnia commovent, atque pervertunt: tum autem nocentius & diutius, cùm primis ab annis pestem diffundere in animum orta, vix unquam, ne in senectute quidem, occidunt. Tum enim eò Peccatores noxæ istæ redigunt, ut finis sui ultimi planè immemores agant, & quod consequens est, in mediorum delectu errent semper, eaque causâ salutem nimis quàm difficulter consequantur. Et tamen hoc Peccatorum genus numero fermè alia superat.

XIX. Sine numero illi sunt, qui non intelligunt, conditos se eâ tantum causâ, ut Conditoris sui gloriam procurent:

Job. 23.  
15.



curent : sibi enim tantum se natos existimant : unde in rebus suis agendis DEUM spectant nunquam , sed in id omnes animi corporisque facultates intendunt , ut humana hæc atque caduca congerant , opes , voluptates , honores , imperia , quin unquam animi oculos ad DEUM attollant ; porcorum more , qui ad quercus alicujus radicem sibi tantum pascendis intenti , quidquid possunt alijs è suo grege glandium præripiunt ; nec tamen unquam sordidum rostrum humo attollunt , ut oculos in pastorem conjiciant , qui providâ curâ è summis arboris ramis cupitam escam excutit.

XX. Nec minore numero illi sunt , qui tenui aliquâ finis notiâ imbuti , in mediorum tamen delectu errant gravissimè , dum sibi , non alium denique DEO cariorem , majoribusque ab eo bonis cumulatam esse persuadent , quàm qui plus infelici hac ex terræ  
*25. 143.* glebâ congestum habet. *Beatum dixerunt Populum , cui hæc sunt :* ac proinde rerum æternarum planè incurij , solæque hæc caduca aliquid esse rati , *venite :* inquit , *venite , fruamur bonis quæ sunt , quoniam hæc est pars nostra , & hæc est fors :* atque ita sentire ac loqui docti , merentur referri eorum in catalogum , quos SS. Litteræ dicunt omnem  
*Ecc. 1.* numerum excedere. *Stultorum infinitus est numerus.* Ite nunc , & persuadete hujus farinæ hominibus , Peccatum esse malum malorum omnium maximum , eâque causâ , ut quis de eo admissio doleat sicut oportet , necessarium esse , ut quis ab eo magis , quàm ab alio quocunque possibili malo ab-

horreat. Horum ipsi nihil assequuntur : notitia rerum , quam habent , tam est tenuis & obscura , voluntas tam dura , ut nullius planè jacturæ sensu afficiantur , nisi quæ est boni cujusdam caduci & materiati. Crocodilo non absimiles , cujus dorsum , quod Cælum spectat , eâ est duritie , ut nullo sit telo penetrabile : venter autem , quo terram respicit , cute obtegitur tam subtili , ut tenuissimæ acûs cuspide perforari possit.

XXI. Hi , cum de noxis se suis accusant , labes quidem suas vident , sed non aliter , quàm is , qui in speculo eas contemplatur ; non vident autem eas , sicut qui in fonte vident , qui vidisse non contenti , eas etiam abluunt. Unde hî , post narrata Sacerdoti peccata , alij à se ipsis non evadunt , & quò eorum scelera multiplicantur amplius , hoc lethale animorum frigus in ipsis intenditur vehementius , ut ijs evenit , qui humili solo degunt ; quo enim aura eorum locorum est crassior , eò hyems ibidem est sævior. Ex hoc autem prudens quisque facile colliget , quàm arduum sit ejusce sortis hominibus , cum peccata Confessione expianda sunt , dolere dolore , qui supra naturam se attollat : idque tantò amplius ; quòd hunc ad dolorem penitus se non præparent : non animum applicent ad perpendendas rationes , ex quibus dolendum est ; non libros evolvant , qui hac de re agunt ; sacros Oratores non audiant , eos fugiant , qui de similibus differunt ; quin ne animi quidem arbitros præ cæteris idoneos diligant ; sed studiosè in eos inquirant , quos nimia

mia à benignitate fama commendat, ut hoc quoque in negotio nefarium Judam imitentur, cujus confessio, etsi in peccato enarrando diligens esset & accurata, *peccavi tradens sanguinem justum*, id tamen non egit, ut Sacerdoti se bono probòque sisteret, sed, ut Sanctus Augustinus notavit, *ivit ad Phariseos, reliquit Apostolos, & idcirco, nihil invenit auxilij, sed desperationis argumentum.*

XXII. Nec illi exiguo sunt numero, quorum Pœnitentiæ pars deest ultima, quæ est satisfactio: *Confessio oris, Conversio mentis: & Vindicta peccati*: deest autem tam quæ DEO offenso, quàm quæ proximo læso debetur. Et ad DEUM quidem offensum quod spectat, quâ tandem ratione illi satisfacit magna populi Christiani pars, quæ cùm rationem habeat nullam oneris gravissimi tot noxarum, quod animo circumfert, onus dein justo gravius sibi impositum queritur, cùm pauculæ preces ad debitum expungendum imperantur? Hóccine sit facere satis injuriæ DEO illatæ; *Facite fructus dignos pœnitentiæ*? Hoc est medium illud commune omnibus, quo Divina ira evitari possit; quos autem fructus major Pœnitentium pars affert? Tantum abest, ut fructus pœnitentiæ dignos, respondentes, inquam, delictis admissis, facere dici possint, ut ne ullos quidem ferant: & vos tamen contenditis, nullo negotio salutem hos suam consecuturos?

XXIII. Nec sibi quisquam persuadeat, in hac dubitandi ratione plus extimæ speciei, quàm soliditatis inesse.

Omnino enim tenendum est, exigere à Pœnitentibus DEUM, ut prava sua opera, quorum se reos agunt, bonis compensent. Permissio siquidem peccati in Prædestinatis ad gloriam, effectus quodammodo Prædestinationis est, à DEO in bonum ipsorum Prædestinatorum relata. *Diligentibus DEUM Rom. 8: omnia cooperantur in bonum*: ipsa nimirum etiam peccata, ut Glossa in eundem locum observat. Quare si peccati permissionem Deus refert in bonum ipsorummet Pœnitentium, id profectò spectare solum non potest, ne porro peccent, sed ut meliores reddantur, omnemque suam vitam operibus magis arduis, magisque sanctis ac perfectis exornent: id enim si ita non esset, quis non videt, satius futurum ipsis, si nunquam ullum in peccatum labi sinerentur, quàm si tantum in alia peccata non recidant, si non alius futurus esset permissæ noxæ fructus, quàm prioris emendatio? Hæc autem si ita se habent, illi etiam, qui seriò de admissis dolent: si curæ ipsis non est, ut magis ipsi inde proficiant, non solum id agendo, ut admissas labeles eluant, sed ut earum loco præstantioribus se ornamentis excolant, demissionis profundioris, majoris gratitudinis, studij virtutum ardentioris, & operum rectorum illustriorum, profectò illi nondum ostendunt insignitos se tam nobili Electorum caractere ac signo; cùm non eum, quem DEUS ex pœnitentia quærit, ad majus ipsorum & pœnitentium emolumentum, fructum referant. Hinc porro colligite, si in numerum verorum



Pœnitentiam referri non merentur , quorum vita virtutibus post peccatum majoribus non exornatur , an eam ad classem spectent , qui vitam ne mutant quidem ?

XXIV. Atque hîc velut in transitu , quamquam ad rem nostram , animo perpendite , quantò spes eorum magis vana sit , qui cùm in flagitijs vitam exegerint , ope tamen solius Confessionis , extremo illo tempore peractâ , non malam se mortem obituros confidunt ? Quomodo tandem verisimile est , cùm tum tempus porrò non suppetat , scelera sua , tanto numero admissa , sanctissimis operibus mutandi , ad Electorum felicem chorum ejusmodi homines pertinere ? Neceffe tum foret , ut salute illi non excidant , aut DEUM Gratia suæ prodigium operari , aliquam nobilem admodum præter ordinem legemque conferendo , aut ut ipsi cum gratiâ operando plus longè quàm vulgo toleat , contentur . Hoc autem perinde , ac illud , quàm nullo jure plerumque futurum creditur ? Longiùs hi tales à Beatitatis absunt semita , quàm unus Mundi Polus distet ab altero . Quomodo igitur repente tam illi se vicinos invenient , ope voluntatis promptissimæ ad efficiendum omne illud bonum , quod quisquam unquam Pœnitens summè de perpetratis facinoribus dolens effecerit ? Semper opera , quæ frigidâ à causâ proficiuntur , lenta ac pigra sunt : quo igitur jure promittet quis sibi à corde glacie restricto operationem tam celerem , tam feriam , promptamque , Parte autem alterâ , vero haud quaquam simile est ,

DEUM toties totiesque præter legem & ordinem præfixum operari velle , maximè eorum causâ , qui pœnis tantum ac supplicij digni sunt ; ut qui semper Divinæ se pietatis Bonitatisque consilij opposuerint . Quos morbi longinqui admodum , lecto affigunt , hieme ferè moriuntur : nec alia eorum fors est , qui malè semper vivunt , hieme moriuntur frigidâ , omnis Charitatis expertes : *Quorum finis erit secundum opera ipsorum* : ut Apostolus loquitur . Mors eorum vitæ erit simillima , frigida nimirum in illa , ut in hac , omnia ; ut effectum causa sibi similem producit .

XXV. Quare si & Innocentia , omnis labis ac sceleris expers tam rara , si Pœnitentia etiam genuina tam non est frequens , necesse idcirco erit ( ut ad id , quod præcipuè nobis propositum est , redeamus ) necesse , inquam , erit , nos etiam ratione convictos faceri , pauciores è Christianis adultis cœlo potiri , plures æternum perire , Quis prudens miretur , ait os aureum ? Quo jure vultis , plures Cœli atrijs recipi , si viam ad illud non nisi pauci admodum tenent ? *Non potest quis pervenire ad portam , nisi ambulaverit in viâ* . Enimverò qui videt Christianos vulgò tam rerum Divinarum rudes , tam negotium salutis pertæfos , addictos rationi vivendi tam difformi illi , quam Christus Servator tenuit ; effata ubique sectari damnata ab Evangelio . Cruci , & Cruci affixi DEI doctrinæ repugnantia , voluptatum tantum , gloriæ , honorum , opum , studiosos , ita semper affectos , ut appetitum præ-

*Arist. sect. 1. Trobl. n. 17.*

*1. Cor. 11. 15.*

præferant Rationi: ea, ad quæ propendunt, ijs, quæ recta sunt; ea, quæ volunt ipsi, his, quæ DEUS jubet, qui, inquam, hæc videt omnia, is profectò quæ affirmavimus haud quaquam miratur: illi tantùm mirantur, qui sic omnia se habere volunt, ut ipsi sibi illa pro arbitrio fingunt, nihilque non agunt, ut sibi ipsis imponant, ut sic vivere possint, ut volunt. Lepidi quidam ingenij vir, ut eluderet Astrologorum prognostica, sinistram admodum fortunam è siderum combinatione ipsi vaticinantium, Cœli sibi simulacrum è gypto in cubili suo fieri curavit; in eo sidera suo ipse movebat arbitrio, sic illa sibi jungens, opponensque, aliterque disponens, ut non nisi benignis illis aspectibus frueretur quos Astrologi fortunatissimos prædicant. Detur huic venia, imò laudetur etiam, quòd eà ratione forsitan insultare ijs voluerit, quos non pudet diu ante illa prælagire, quæ uni DEO nota sunt. Sed quam illi veniam mereantur, qui nullâ Sacrarum Litterarum peritiâ, nulla rerum beatam & immortalem ad vitam pertinentium notitiâ, à Sanctis Doctoribus, quin & ab ipsa æterna veritate admoniti de periculo, in quo versantur, salutis æternæ amittendæ, tale prorsus sibi Cœlum fingunt, quale illud esse optarent? Somniant meras siderum combinationes sibi faventes, persuadentque sibi, omnia & sidera, & siderum orbes nihil non in se faustitatis esse effuluros, perinde omnino ac si etiamnum beato illo Innocentiæ in statu vitam degerent? An non hoc est

vim sibi facere, ne sapiat? Et tamen hætenus illorum non memini, qui nec ipsi numero pauci sunt, quos, cum inter flagitia omnis generis vitam exegerint, tam non pœnitet admissorum, ut ne pœnitere quidem possit, non provisus obrutos casibus apoplexiæ, necis ferro, igni, veneno, fulmine, repentino terræ motu aut hiatu, lapsu ex alto, & varijs alijs modis, hoc magis formidandis, quo minùs expectatis, illatæ. Hi illis juncti, qui sine seriâ pœnitentiâ vel in delicatissimis plumis moriuntur, quis quâmine satis explicet, quantum augeant numerum ad æternos rogos destinatorum, etiam inter Christi affeclas, super numerum eorum, qui ex iisdem æternam ad vitam sunt electi?

XXVI. Caveant proin omnes, ne quis mihi unquam, AA. Dilectissimi, cantilenam illam tam cæteroquin Peccatoribus familiarem occinat: *Miserationes DEI multa sunt. Non est æquum sanguinem à Christo nullo effectu sparsum esse: DEUS non condidit Christianos, nec ad hanc eos fidem vocavit, ut æternam eos abjiceret.* Verissima siquidem ista sunt, sed à miseris his ad sua commoda pessimè detorta. Ne Mahometanos quidem DEUS condidit, ut damna- ret: damnantur tamen. Nec dispar erit sceleratorum Christianorum conditio. Vivunt ut homines nullâ DEI notitiâ præditi; ut tales proinde etiam habebuntur. *Discedite à me omnes operarii iniquitatis.* Qui statuas è ligno sculpunt, non eà causâ arbores in silvis cedunt, ut igni eas pabulum objiciant. Si quis tamen truncus artificis

Luc. 13;  
27.



manui resistit contumaciter, in rogum denique abjicitur; non jam ligni naturâ suâ nil tale meriti odio, sed intractabilem illorum nodorum, quos in illo repertos artifex nequit emendare. Sic nec illa supremi DEI Artificis & Conditoris Bonitas quemquam è nihil abyſſo educit, ut infernalis rogitationem faciat. Nulla tamen non die, propè innumerabiles, tales sunt, non jam Bonitatis Divinæ culpâ, paratæ ad eos æternum felices reddendos, sed culpâ non expugnabilis illius obstinationis, quâ suavissimis DEI consilijs, & finibus sese pertinaciter opponunt, & renuunt uti medijs ad salutem conducentibus; vitâ, inquam ad normam legum Divinarum exigendâ, & noxis, ubi admixtæ fuerint, seriò delendis: *Perditio tua ex te Israël.*

XXVII. Sic nec Divinum Sanguinem par est frustra sparsum esse. Ita sanè; sed illud nôſſe oportet, præcipuum, quem cruciatibus, & morte suâ Servator noster JESUS spectavit, finem hunc demum fuisse, ut satis fieret pro offensâ, quâ homo Justitiâ Divinam læserat; ne videlicet in Mundo existeret grande illud monstrum, & rerum ingens perturbatio, ut DEUS quidem injurijs innumeris irritaretur, nemo autem esset, qui pro noxis his ad æqualitatem satisfaceret. Hic porrò princeps Mortis DEI hominis finis, reparandi honorem DEI à perfidis suis & rebellibus conculcatum, abunde jam à Servatore obtentus est: unde etsi nemo unus vitæ beatæ hæres fieret, non frustra, sed maximo fructu Divinus sanguis sparsus esset. Præterea etsi

major Christianorum adulatorum numerus æternum periret, non contemnendus tamen ille numerus parvulorum, statim à sacris undis morientium, illi non parvo numero Animarum bonarum additus, quæ vel Innocentiæ stolam ab omni labe puram conservârunt, vel sordibus aliquando conspersam diligentissimè, & opportunè abluerunt, turbam constabunt tam magnam, tamque numerosam, ut S. Joannes, cum eam videre contigisset etiam innumerabilem pronuntiârit. *Vidi turbam magnam, quam dinumerare nemo poterat.* *Apoc. 7. 5.* Atque adeò non propterea Cælum inquilinis carebit, quòd tam multi in orcum detrudantur, sed potius erit Regnum habitatoribus refertissimum, & si miser ille damnatorum grex maris arenas numero æquabit, Beati è diverso non pauciores erunt, quàm Cœli Sidera; utique nimirum vix cuiquam numerabiles, etsi proportionè inter se diversissimâ.

XXVIII. Tandem & DEI miserationes nullis limitibus arctabuntur; sed erga eos non se exerent, qui injurias DEI injurijs addunt, quin unquam seriò resipiscant; sed erga timentes DEUM. *Misericordia Domini super timentes eum,* quæ sunt sacri Vatis verba: deinde etsi nemo non Miserationum DEI particeps fit, juxta illud, *Miserationes DEI, super omnia opera ejus:* non tamen eâdem cuncti mensurâ illas participant. Tribus modis etiam Peccatorum misereri DEUS potest: Potest illos expectare; potest vocare, & potest admittere ad seriam  
& ef-

& efficacem pœnitudinem. prioribus duobus modis cunctis ferè peccatoribus misericordem se DEUS ostendit, cum & expectentur, & non semel tantum vocentur. Si tertium miserationum genus cunctis non exhibetur, id inde fit, quod prioribus duobus ingrati abutantur. Oliva post ficcatas, quibus Mundum DEUS totum merferat, undas non columbæ tantum, sed & corvo virere cæperat: Sed corvus cadaveribus assuetus ramorum ejus rationem nullam habuit. Accedit & illud, quod DEUS dum condemnat impios, vel tum miserationis suæ non obliviscatur, dum omnes ac singulos punit infra condignum, pœnâ nunquam culpam ex omni parte adæquante, acerbitate saltem, cum temporis mora brevior æternitate esse non possit. Sic nullo Divinarum miserationum in omne mortalium genus beneficarum detrimento stat, stabitque, majorem esse pereuntium adulterorum Christianorum numerum, quàm in Cælo triumphantium.

XXIX. Non aliud proinde à veritatis hujus agnitione nos impedit, quàm velum illud, quo oculos mentis nostræ nostrimet amor obnubit, dum nos nostri æstimatione implet, facitque, ne pro dignitate æstimare possimus & DEUM, & injurias peccando ipsi allatas. Eaque ipsâ causâ, etsi cunctas inter DEI perfectiones & attributa nulla se effectis tam manifestè prodât, nulla tamen omnium minus cognoscitur. *Pater juste, Mundus te non cognovit.* Non dixit Christus; pater Omnipotens, pater Optime, pa-

ter misericors, sed *Pater Juste*, ut palam faceret; non aliud esse Patris æterni attributum, quod multis mortales cognoscant, quàm illius Justitiam: vellent enim homines vulgò nescire, quod vellent non experiri. De Elephantante narrant, quando semitâ illi angustâ transeundum est, obverso discrimini tergo retrogradum illam emetiri, ne præsentis periculi metu consterneretur. Sic & Peccatores gressum promovent. Id agunt, ne obversentur animo pericula, inter quæ perpetuò degunt, ne observata metum incutiant.

XXX. Cæterum suaderi id utique debet, ut Peccatores miserationes Divinas animo objiciant; sed non aliâ ratione, quàm qua parturientes Ætate lapide utuntur, qui patrum promovet; sed certâ tantum moderatione applicitus: nam si mora in retinendo sit longior, abortire facit. Animæ illæ, plus æquo trepidæ, quæ etsi à peccatis quanto possunt studio abhorreant, nunquam tamen timoris de salute amittendâ expertes vivunt, illæ, inquam miserationum Divinarum meminert, ut harum consideratione adjunctæ opera salutaria pariant. Illæ autem protervæ & impudentes, quæ peccata peccatis cumulant, Divinæ maxime Justitiæ memores esse debent, illudque crebrò animo volvere, non aliud demum collecturos in messe homines, quàm quod seminârint: *Quæ seminaverit homo, hæc & metet*: non verò nitantur vanissimâ illâ spe, quæ re ipsâ non spes, sed præsentia est, atque præsumptio, dum vult, ut solus Deus

plin. l.  
2. c.



DEUS totam salutem operetur, non autem ut nobiscum tantum operantibus operetur. At hoc denique nobis incumbit, non sinere, ut solus omnia DEUS faciat, sed nostram jungere operam cum *auxilio opportuno*, illudque in animum altè demittere, ne secundissimos quidem à puppi ventos sufficere ad navim optatum in portum provehendam, si Naucerus vela pandere, & anchoras tollere contumaciter abnuat.


XXXI. Claudamus igitur Differentiationem Apostoli verbis, & cunctis illa dicta arbitremur: *Certa bonum certamen fidei, apprehende vitam æternam.* Vita hæc præsens, Pugna, illa futura, Triumphus tempus est. Nunc bellum nobis cum cupiditatibus, & pravis propensionibus nostris gerendum; eundem semitam arctam legum Divinarum, nec cadendum animo, si cadere semel & cladem accipere contigerit. *Certa bonum certamen*: resumamus arma; obvertamus appetitibus nostris vultum & cuspidem, restituamus pugnam. Meminerimus, ut rem paucis, negotium salutis nostræ levi brachio non geri, negotium esse arduum admodum & plenum discriminis, quod naturam suam animos & conatum generosum exigit: *Apprehende vitam æternam.* Si illa recedere à nobis videtur, insistamus abeuntis vestigijs,prehendamus, stringamus, & nihil non agamus, ut nobis illam vindicemus. Non tam de modico aut nihilo res est, dum sempiternam de vi-

tâ agitur, ut animis cadere nos deceat propter difficultates, quæ occurrunt, dum vestigijs ejus insistimus: neque tantillæ de rei jacturâ agitur, ut incertissimo *Fortassis* exponi à nobis debeat. De animâ agitur immortalî, quam necesse est vivere, aut æternum felicem, aut æternum miseram, felicitate omne bonum, aut miseriam omnem miseriam complexâ. *Apprehende vitam æternam.* Pauci sumus, an multi, qui æternum Beati erimus, quid perdimus, si quam securissimi esse studeamus? si lata est ad Cælum via, rectè, & ex virtute vivendo salutem magno promeritorum cumulo graves consequemur. Si arcta, rectè vivendo salute cum paucis potiemur, illud secuti consilium, quod Sanctus Joannes Chrysostomus suggessit: *Vive cum paucis, si vis regnare cum paucis.* Non propterea, quòd pontem quis sibi fingat minus latum, quem in itinere superare oportet, periculo se se exponet in subterlabentem decidendi: expositus tamen est discrimini, qui latiore sibi imaginatur, quam re ipsâ sit. *Repromissio nequissima multos perdidit.* Superba hæc & audax Præsentia prò! quos quantosque perdidit! Securitas enim ejusmodi mater est negligentiae, si rectè S. Thomas sensit, cum æstimationem minuatur difficultatis, quæ superanda est. *Apprehende vitam æternam.* *Apprehendere*, & non *prehendere* tantum jubet, cum absque labore & nisi magno non possit obtineri.

1. Tim.  
6. 12.

Eccl. 29  
24.

1. 2. 7.  
40. 4. 8.



## DISCURSUS VI.

### *De modo Salutem Anima certò consequendi.*

**A**strologorum nonnemo, vaticinandi arte clarus, in ipso Urbis Athenarum foro cum occultum sibi cum fide-ribus commercium jactitaret, non malus, nec fallus sibi ipsi augur erat: curiosâ enim undique multitudine cinctus ab his plausus & gratulationes, ab illis munera, mercedem ab alijs editorum oraculorum referebat. Cum nonnemo, ut fidem hominis elevâret, passerulum manu complexus ad eum accedit propitius, & divina, inquit, vivusne sit an mortuus, quem manu stringo, passerulus? verutem interim cogitans, si vivum dixerit, suffocabo: si mortuum, diductâ manu avolare sinam, & sic, quidquid vates sic dixerit, mendacij coarguam. Sed ars hæc arte majori elusa est. Astrologus enim subodoratus fraudem, nihilque moratus, talis, respondit, est passer, qualem vis, vivus, si vivum, mortuus, si mortuum. Quo dicto plausus retulit geminatos, dum tam bellè illufit illufiori. Liceat mihi, A A. Amantissimi, per vos hæc, quæcumque tandem est, narratione uti ad edocendos vos veritatem Fidei, siquæ alia est, momenti ac ponderis haud sanè levis. Vos, postquam me generatim de parvo Electorum numero differen-

tem audistis, quæretis ex me, quid tandem de vobis speciatim sigillatimque intus mecum ipse sentiam? vivamne in DEI oculis Animam vestram, an mortuam judicem, Electam, an Reprobam? Non ita demens sum, ut id mihi tribuam, quod quæstioni huic, momenti tam gravis certum indubitatumque reddere responsum sciam: nihilominus, ne omnino nihil habere videar, quod reponam; dicam: Talem esse Animam vestram, qualem vultis; in vivarum numero, si vivam; in mortuorum censu, si mortuam cupitis. *Anima vestra in manibus vestris.* Nihil est, quod dubitem, quin omnes vivam optetis; eâ causâ vos hodie artem docebo, quæ ejus Salutem certò procuretis. Agitur de re tantâ hac Dissertatione, Salute nimirum Animæ, ut quisquis hîc agit oscitanter, eum animâ carere pronuntiare non verear.

I.

II. Sed quis tandem ego sum, qui dux velim esse in itinere tam periculoso? Prophetam ergo Regium ad rem tantam deligo, qui cœlesti luce intimè collustratus sine aberrandi periculo nos ducat. Sanctissimus hic Vates, cum desiderio arderet inveniendi sedem stabilem ac perpetuam, omni felicitate cumulata, in DEI



Domo, Cœlo, inquam, Psalmo sexto ac vicesimo rationem nobis indicat, quod desiderabat, consequendi certissimam, verbis illis paucissimis: *Unam petij à Domino, hanc requiram, ut inhabitem in Domo Domini omnibus diebus vita mea.* Primum igitur, quod exemplo nos ille suo docet, est, ad Animam servandam, necessarium esse, quam creberrimè Salutem illius DEO commendare, & hanc ab eo flagitare: *Unam petij.* Quod perinde erat, ac dicere: non hoc duntaxat momento gratiam istam peto; nec illam tum demum petam, cum jam accincta ad iter æternitatis stabit anima: jam diu est, quòd hæc usitata mea est exercitatio: *Unam petij.*

III. Nōsse igitur oportet, inter præcipua, quæ in Christi disciplinâ disci debeant, dogmata esse, necessitatem Orationis. Hanc Sacræ Litteræ non obscurè proponunt. *Non impediaris orare semper.* Ecclesiastici verba sunt. Paulus verbò Apostolus sic discipulos suos instituit: *Sine intermissione orate:* ne interrumpendum quidem tam sanctum studium asserens. Alibi autem idem sic loquitur: *Obsecro primum omnium fieri obsecrationes, orationes &c.* quasi diceret: non rogo vos tantum, sed adjuro, ut præ rebus & negotijs planè omnibus vobis cordi sit salutem vestram summa contentione DEO commendare. Sed clariùs omnibus Servator ipse Christus necessitatem hanc inculcat? *Oportet semper orare, & non deficere.* Vocula hæc oportet, si Sanctus Joannes Chrysostomus rectè sensit, necessitatem inferit

omnimodam; *inducit necessitatem, sic* ut quisquis nunquam preces ad DEUM funderet, luxque illi Salutis negotium commendaret, modus illi non superesset Salutem consequendi. Hac causâ Doctores Theologi agnoscunt orationem necessariam non illâ solùm necessitate, quam præcepti appellant, *v. sua* sed illâ quam vocant *Medij*: quo ipso *rex 2. de Relig. h.* affirmant, non peccatum tantum *1.* eum, qui omitteret omne orandi studium, violato, quod orare jubet, præcepto; sed ne perventurum quidem ullâ ratione ad paratæ sibi felicitatis finem, destitutum medio ad illam obtinendam lege non dispensabili requisito. Quæ sterili solo sunt Provinciæ, discere aliter non possunt, quam commercio cum Regionibus fertilibus. Tellus hæc nostra aliter suæ inopiæ & indigentiae succurrere non potest, quam si commercio cum Cœlo jungatur; quod fit frequenti & non interrupto petendi auxilij studio ac conatu.

IV. Ad dogma tam non contemnendi momenti meliùs pernoscendum duo ad rem ista præscienda sunt. Primum est, quòd ad recuperandam gratiam peccato amissam, eamque conservandam, opus sit auxilio DEI singulari: *Sine me nihil potestis facere,* ut *Ser. Jo. 11.* vator ait: non ait autem; parum sine me, sed, nihil potestis facere. *Sive Tract. 81.* parum, sive multum, repetit Sanctus Augustinus, *sine illo fieri non potest, sine quo nihil fieri potest.* Et eapropter, si Divinæ Gratiae auxilium necessarium planè est ad perficiendum opus, quodcunque minimum, quod ad salutem æternam quoquo modo conducat,

cat, multò magis necessarium illud erit ad opus omnium maximum atque gravissimum, quod est Perseverantia finalis, & victoria de postremis tentationibus obtenta, quæ decumano- rum instar fluctuum majori impetu momentis illis ultimis nos solent adori- ri.

V. Secundo loco prænotandum est, quòd hoc gratiæ Divinæ auxi- lium tam necessarium ordinariâ & communi DEI lege, nobis non de- tur, nisi precibus ad eum factis petatur. Prima gratia, ut Sanctus Augu- stinus docet, etiam non petenti con- fertur; at non secunda: hanc oblato libello supplici oportet impetrare. Hinc ut Olitor sulcis fodiendis aquam ad plantas suas derivat, sic Anima oran- do canalem præparat Divinæ misera- tionis, per quem in eam dimanet, nec suo se fonte contineat. Atque hoc ut primo à DEO constitutum est, ita servatur ad amissum; ut ne illa quidem bona largiri DEUS velit, quæ ceteroquin nulli non promissit, alia, quàm Orationis viâ. Unde, S. Tho- mæ Sententiâ, Oratio princeps est Providentiæ Divinæ instrumentum ac medium, quæ vult, ut S. Gregorius observavit, ut ipsi supplices, mereamur accipere in tempore, quod ab omni retrò æternitate decrevit in nos conferre: *Quatenus postulando mereamur accipere, quæ DEUS ante sæcula dis- posuit dare.* Atque hæc Divinæ Provi- dentiæ lex omnino est sapientissima. Fuit enim convenientissima, si ipsum attendamus DEUM, ut ipsum tam demissè instantèrque rogando, palam

faceremus, non eum agnoscere, qui est, omnis omnino boni fontem. Conveniens deinde fuit lex, si nos ipsos spectemus: multarum enim o- rando virtutum actiones exercemus, fidei, fiduciæ, religionis; atque ita ditescimus, dum inopes nos & omni- um egenos profiteamur; conveniens denique fuit, si ipsa etiam, quæ à DEO petuntur, dona consideremus; hæc enim istâ ratione magnos facere demonstramus, & pretium earum no- stris desiderijs commendamus, non ali- ter, quàm earum mercium pretium au- getur, quæ ab emptoribus avidè expe- tuntur.

VI. Sicut autem DEUS Orationem voluit esse summe necessariam, ita vim illi tribuit potentissimam: non eam solum, quam naturâ suâ preces supplices habent; sed majorem multò, dum fidem suam disertis verbis obli- gavit, & auditurum se nos, si ritè ora- remus, sanctè pollicitus est. Unde jam liberum illi & arbitrium porro non est, audire, aut non audire; suâ ipse promissione devinctus est: *Pro- mittendo Debitorem se DEUS fecit; ut loquitur S. Augustinus.* Magnus ille Monarcha, cum omnium Dominus sit, Debitorem se fidelium suorum votis ac precibus constituit.

VII. Accedamus nunc ad rem nostram, & complectamur paucis, quod pluribus quidem, sed non ultra, quàm res postulet, dictum est. Si Ora- tio necessaria est ad salutem, & si tan- tarum illa ad eam impetrandam est virium, consequens hinc manifestè est, non aliam certiore consequendæ sa-



lutis viam ac rationem esse, quàm illam nunquam non petere. *Unam petij à Domino*, dixi *nunquam non*, cum idem Servator dicat. *Oportet semper orare.* Etsi enim necesse non est, flexis semper poplitibus negotium animæ nostræ DEO commendare; necessarium tamen est, ut sui commendatio, quæ est ipsa Orationis intima proprietas, præcipua sit animæ exercitatio, quæ eam & suo tempore minimè prætermittat, & extra statuta tempora tantum illi det, quantum potest: ne quis sibi persuadeat, ad beatitudinem æternam consequendam satis esse, si quis per intervalla globulos precarios raptim adnumeret, vix ipse satis sciens, quid agat. Orationes ejusmodi S. Hilarius. *Orationes despicabiles* dixit; cum despiciatui ab illis ipsis habeantur, qui DEO illas tam luride & nullâ curâ offerunt. Pluribus omnino opus est ad salutis nostræ ingens illud negotium conficiendum. Si Aquila nunc hoc, nunc illo tantum per intervalla die ovis suis incubaret, pullos suos nunquam excluderet: refrigerent illa, & modicum illud vitæ, quod maternus calor dare jam occiperat, denuò intermoreretur. Non alia illorum fors erit, qui in salutis consequendæ gratiâ à DEO petendâ negligentes sunt. Illa gratiæ auxilia, quæ jam obtinuerant, eâ proportionem languescent, quâ eorum orandi studium languescet ac deficiet.

VIII. Non desunt, qui satis sibi in salutis negotio diligentes videntur, si aliorum illud precibus studiosè commendent: nec ego hanc sedulitatem vituperò, dummodo sanctum hoc precum alie-

narum desiderium vestrasmet preces comites habeat. In his plus situm est: DEUS enim, S. Thomæ asserenti credimus, nunquam certâ pollicitatione addixit, auditurum se cunctos, qui preces pro alijs fuderint: promisit tamen sine ambagibus, auditurum se cunctos, qui pro se ipsis oraverint. *Vocem eam ad Dominum clamavi*: aiebat *ps. 32.* S. Rex David. Mea, inquit, voce, ut multorum reprehenderet negligentiam, qui alienâ tantum voce causas suas agunt. Semper plus emolumenti & sperant & consequuntur, qui ipsi ad Principem admittuntur, ut pro se loquantur, quàm qui aliorum tantum linguâ pro se perorant. Enigitur, quid hodie vos vobiscum statuere oporteat, si vitæ æternæ vos tenet desiderium: certum quotidie constituendum est tempus, hora certa, quâ à DEO salutem petatis vestram, eamque, quàm calidissimis illi precibus ac suspirijs commendetis, quæ respondeant periculo maximo, cui obnoxij sumus, sine oratione pereundi: Sancti illius Regis Josaphati exemplo, de quo Sacræ narrant Litteræ, quod *timore perterritus 2. Pa.* totum se contulit ad rogandum Domini-  
*lip. 2.* num. Quin etiam cum illam tantisper interrumpetis, non aliâ causâ ab illâ desistendum vobis, quàm ut alacritate tantò majore & viribus illam restauretis, ut illæ solent hirundines, quæ cum uno volatu trajicere mare totum non possunt, identidem alarum alteram undis acclinant, ut quiescant; non quiescunt tamen, nisi ut volent.

## II.

IX. Non dixerim tamen, satis esse  
re-

recurrere orando ad DEUM, & opem ab eo postulare: opus est ijs, quas interrim ipse concessit, viribus agere quantum valemus: illorum Gubernatorum more, qui satis non habent auxilia obseſſis, quibus præſunt, Urbibus aut arcibus poſtulâſſe; ſed nōrunt, ſuarum eſſe partium, nihil interim eorum omittere, quæ præſtare poſſint cum modico illo, quod ad manum habent, militari præſidio, in muris propugnandis, in munimentis reſciendis, in receptibus conſtruendis, in hoſte procul à micenibus crebrarum eruptionum operâ arcendo. Antiqui Hæretici Maſſiliani errorem iſtum imbibebant, ſola oratione totum negotium conſci, quin ullum aliud adhibeatur præſidium: ſed procul ab ejuſmodi delirio Sanctiſſimus Rex David abſuit: eaque cauſâ, cū dixiſſet, ſe ad ſtabilem in DEI Domo ſedem habitationēque impetrandam à tanto jam tempore preces congeminâſſe:

*Hugo in* *Unam petij à Domino*, addidit, ſe eandem etiam operibus ſemper procurâſſe, *hanc requiram: petij oratione, requiram opere*: ut Interpretes eum in locum commentantur. Sed hac quoque in re multum mihi negotij cura nonnullis erit, qui eā in opinione eſſe videntur; Regnum Cœlorum hæreditate, non labore proprio & factis fortibus obvenire. Nec tamen ita ſe res

*Iſ. 3. 10.* *habet: Fructum adinventionum ſuarum comedent*: Ita Juſtorum quemlibet Vates Iſaias alloquitur. Et verò advertite, quā inſigni titulo labores hos Propheta condecoret appellando eos *Inventiones*: ut inde colligamus,

quòd negotium Salutis ingenio peragi debeat, cogitando inquam, perpendendo, animum ad rem præſentem applicando, non ſolâ aſſuetudine uſique ſinendo ſe agi, Barbarorum illorum ſtolidorum exemplo, qui illud die totâ Numen adorabant, quod domo prodeuntibus primum ſe obtulerat. Abſit AA. Dilectiſſimi, abſit, ut putetis ad ſalutem conſequendam ſufficere nudum hominis Chriſtiani nomen. Id enim perinde foret, ac ſi Naucerus ſibi perſuaderet, nihil diſcriminis ſuæ navi imminere, propterea, quòd *Victoria* nomine ſit inſignita. Prò! quàm multæ naves, glorioſis inclitæ nominibus, actæ ſunt in ſyrtes, hæſerunt in ſabulo, aut pyratibus in prædam ceſſerunt! Neceſſe eſt, nihil eorum omitti, quæ præſtari poſſunt; rabulis nauticis vigili oculo obſervandis incumbere; clavum arte moderari; vela, malum, arma-menta cætera loco ac tempori adhibere; certare magnis animis cum ventis, qui oppugnare auſi fuerint, ſi ad portum aſpiratis; in quo nomen inclitum ornat quidem navim, pro meritis tamen divitem non facit. *Magis ſatage, ut per bona opera certam veſtram*

*1. Pet. 1. 10.*

*vocationem & electionem faciatis.* Opera, & rectè facta, nominis Chriſtiani corona ſunt, niſi malimus hoc ipſum nomen oneri nobis potiùs, quàm ornamento eſſe & adjumento.

X. Digna enim verò lachrymis res eſt, videre quàm parùm aliqui faciant, ut beatitate æternâ potiāntur. Omnis oratio ipſis nauſeam, omnis devotio, & Religioſa DEUM ac Superos colendi ratio ſaſtidium parit: & illi ipſi,



qui lucris suis caducis dies noctesque impendunt, semper alacres, semper indefessi, si antequam cubitum concedant, DEIPARÆ coronam de genibus texere jubeantur, virium habent nihil: si insuper manē facienti ad aram Sacerdoti adesse jufferis, animo relinquuntur. Si quem Medici observent fessum exhaustumque, etsi Laboris antea nihil exantlarit, id magni mali ipsis prognosticon est. *Gravitas totius corporis, manuum, atque pedum, pestifera.* Ego igitur quid augurer de tam multis, qui æternum felices esse volunt, quin ullo cruciatu affligi velint, ullam subire molestiam; quique dura quæque, quodvis opus pœnale averfentur, cum dicto: non vires, non vitam ad talia sibi suppetere? Illud solum pronuntiabo, quos nunc Sanctos veneramus, non ita se gessisse. Hi non solum non existimârunt, ad salutem obtinendam quemlibet laborem, quemlibet conatum sufficere; sed è diverso affirmârunt semper, negotium hoc esse, quod totum hominem postulet: his autem, AA. Aman- tissimi, habenda est fides, non ijs, quæ malus Dæmon suggerit, ut in ruinam impellat. Qui vado flumen transit, scit quantum eo alveo aquarum sit: qui verò ne extremo quidem pedis calce undas attingit, id profectò nescit. Sancti isti non aliudolvebant animo, non alijs desiderijs æstuabant, non aliud precibus suis anhelabant ardentius, quàm Animæ salutem in tuto reponere, perinde ac si semper aliquem insufurrantem sibi audirent monitum illud formidabile: *Vigilate*

*omni tempore orantes, ut digni habe-* Luc. 21  
*mini fugere ista omnia, quæ futura sunt,* 36.  
*& stare ante Filium hominis.* Vobis è diverso nihil minùs curæ cordique est, quàm Anima; omnia alia negotia agitis diligentius: sic ut ad illam stultorum Philosophorum Sectam pertinere videamini, qui animam corpoream esse affirmabant. Quia ne tantum quidem sapere videmini; cum minorem illius, quàm vestri Corporis habeatis rationem, cui fovendo, servando, defendendo tanto plus studij impenditis. Et vos magis miramini mendacibus illis spebus, quas in nigro ignorantia vestrae fundo vobis depingit vestra pigritia & inertia, quàm Sapientium effatis, doctrinâ Sanctorum, & ipsius Christi Servatoris Oraculis? Avertat bonus DEUS, Dilectissimi, sic vos per Animam vestram obtestor, non sic agite; non sic pergite, sed sapientem Davidem ducem affectamini, & in tuto collocare negotium, quo de rei summa agitur. *Unam petij à Domino, hanc requiram.* Animæ salutem precibus petij. semper ac constanter: nec aliter eam operibus requiram.

XI. Vox illa *Requiram* arcanorum sensuum ferax est. Advertite Sacrum Vatem non dicere, *quæram* sed *requiram*, id est, iterum iterumque quæram, ut & multitudinem rectè factorum ad salutem necessariorum indicaret, & perseverantiam. An in eâ vos estis opinione, ut exstimetis, unâ aliquâ per hebdomadam à cibis abstinentiâ, quâ palatum aliquando fraudetis; modicâ, quam inopi largiamini, sti-

Hippoc.  
lib. 3.  
Chorac.  
1. 1.

Plur. 14  
de plac.  
Philos.

stipe, Cœlum vobis certò pandi, etsi hæc agatis lethali peccato obnoxij? O vos delusos, si ita cogitatis! Ante omnia opus est, recuperare gratiam, si cupitis, ut operibus vestris æternæ vitæ merces debeat: cum debeat nemini, nisi DEI filio, qualem quidem sola Gratia constituit. DEO solenne est, donantem primò, deinde donum respicere: *Respexit Dominus ad Abel, & ad munera ejus*: non autem eorum more, qui sua præ omnibus spectant commoda; ad munera primò, deinde ad mittentem obtutum vertere.

XII. Nec satis est hæc opera bonâ à radice progigni; multa etiam esse debent. Ad navim adverso alveo deducendam, remus unus non sufficit; multis eam ad rem opus est. Et vos speretis totum impetum pravæ cupiditatis, vitiorum inolitorum, propensionum usu firmatarum, tentationum maximè molestarum, uno aliquo contrario opere, posse vincere ac superare?

XIII. Istud denique *requirere* & non tantum *quærere* salutem (*hanc requiram*) invictam in bono constantiam indicat. Quid expectatis ab arbore, quæ ejusdem anni spatio nunc huc, nunc illuc transplantata est? frugum sanè parum. Et tamen his non dissimiles sunt, qui identidem inchoant, & mox à cœptis desistunt; & vix peccato doloris ac poenitentiae ope expiato dolorem ipsum suum dolere videntur, & deterius, quàm unquam antehac peccatis se obstringunt. Equidem nescio de his quid pronuntiem. Dubium interim non est, Spiritum

Sanctum sinistra de his prælagire, dum ait, inconstantia istos suâ victimas destinari Divinæ Justitiæ gladio. *Qui transgreditur à Justitia ad peccatum, Deus paravit illum ad romphæam.* 27. Quærenda igitur & requirenda est nostra salus bonorum operum fecundâ perseverantiâ, si assequi tandem illam volumus. *Unam petij à Domino, hanc requiram.*

## III.

XIV. Tandem non satis est Cœluni à DEO petere orando, quærere, & requirere Sanctorum ac piorum operum studio; necesse præterea est, illud quærere & requirere unice. *Unam petij à Domino, hanc requiram*, perinde ac si diceret, *de hac una re sollicitus sum*, ut Bellarminus explicat, *ut inhabitent in Domo Domini*. Hinc illos rideo, aut, ut dicam rectius, valde illis indignor, qui ogganiunt: tot se alijs negotijs & occupationibus distineri, ut tempus non suppetat, DEO aliquid, & animæ dandi. Itane tot negotijs, tot occupationibus? Si, quod res est, dicere volumus, non est nisi negotium unicum; quod est, res Animæ in tuto collocare. Porro unum est necessarium. Hoc solum negotium momenti alicujus est: hoc solo non de nihilo agitur: alia omnia araneæ telæ sunt, hoc vanæ magis, quò textæ artificiosius, quæcunque tandem illa sint: ut sunt, Exercitus ducere, arces & monumenta propugnare, Provincias regere, Populos sub jugum mittere: nihil sunt omnia. Unius illius negotij causâ à DEO conditi sumus, unus illius causâ conditi servamur. Unde quisquis id non



non agit, ut hoc unico ac summo negotio rectè defungatur, huic frustra lucent sidera, frustra moventur astra, frustra mutuis se pugnis atterunt & tumentur elementa, & quod ad ipsum spectat, cuncta in nihilum redire debent DEI opera, tanquam jam suum ad finem inutilia.

XV. Sed ne progredi quidem in hac Dissertatione per vos mihi licet, tam me in animo vestro ut nullius prudentiæ hominem damnatis. Quid, dicitis, prudentiæ habet, velle, ut nihil agatur in Mundo, quàm negotium unicum, ut nullius rei, præterquam animæ cura habeatur? Si ita est, necesse erit cunctos excedere officinis, agros incultos destituere, familiæ gubernandæ porro non intendere, & omnium aliorum operum ac laborum loco, deserta ac solitudines petere. Non hoc ego inculco: hoc petere, hoc quærere, ac requirere salutem Animæ, & unicè requirere, duo dicit. Primò, dicit, quærere ac requirere illam ante alia omnia; quæ est dignatio & honor, qui debetur rebus, quæ suo in genere sunt unicæ. Avicenna scribit, Apes nihil antè suo in alveari extruere, quàm receptaculum, quo Rex earum habere sedem debeat. Has imitari vos convenit. Semper exordium à DEO, & ejus cultu ducite. Mane dum è strato vos proripitis, diem ab ejus ope implorandæ auspicemini. Si mutuis cum aliquo pactis obstringere vos cogitatis, investigate diligenter, ullūne illa DEI Lege sint verita: si negotio alicui admoveatis manus, ad illud feliciter gerendum DEI ante

omnia opem exposcite. Matres, quæ uterum ferunt, ubi primum prole à DEO se donatas advertunt, hanc illi offerant, consecrèntque; ubi autem eam pepererint, illam CHRISTO Servatori dedicent, seriò professæ, quòd omnem ad illam Divino obsequio educandam, industriam adhibere velint. Hoc est, DEUM & Animam rebus alijs omnibus antehabere: & hoc erit non unicam tantum, sed & unicè propriam salutem quærere. Erit, qui porro objiciat; tantum temporis precibus dare; tam sollicitè ejus honori res singulas consecrare, eorum esse, qui deserto Mundo non habent, quod cogitent, præter DEUM; non hominum, qui in Mundo millenas inter turbas & strepitus degunt. Sed fallitur, qui hæc opponit: hæc enim ipsâ causâ, quia qui de Mundo sunt, tot inter turbas, quæ salutem exponunt discrimini, vitam degunt, majori illam curâ procurare deberent, quàm qui Divino cultui mancipati, id instituto & totâ vitæ ratione agunt. Militum proprium est, armis accinctos esse: nec tamen ideò, qui miles non est, cum scit esse, qui vitæ ipsius insidentur, armis cingi renuit: sed potius undique obarmatus incedit, magis etiam, quàm si miles esset.

XVI. Alterum, quod illo *quærere & requirere* unicè significatur, est; quærere & requirere salutem Animæ ut finem, omnia alia negotia, tanquam media, ad illam referendo: cum enim multa sunt, tanquam plures lineæ, ad idem omnes centrum ductæ, non aliter; quàm res una sola consideratur,

Christ.  
pic.

tur; juxta illud vulgatum inter Sapientes axioma: *Ubi est unum propter aliud, ibi est tantum unum.* Belli Ducem illum observate, qui urbi alicui aut arcı obfidionem admovit: dormit is, cibum sumit, ambulat, meditatur, cum alijs deliberat: nec tamen ille facit nisi rem & negotium unicum, quod est, urbem videre suam in ditionem redactam: dum enim aut somno aut cibo vires restaurat, ideo restaurat, ut cæptis insistat: si ambulat, stationes obit; si meditatur, aggressionem disponit; si alijs loquitur, hanc imperat: verbo, omnes ipsius actiones, dicta cogitataque omnia unum spectant de ceptâ urbe victoriam. *Ubi est unum propter aliud, ibi est tantum unum.* Vos quoque hanc ad normam pergere porro poteritis rem familiarem administrare, artes, quas didicistis exercere, emere, vendere, permutare, dummodo omnia hæc ad Animam servandam referantur; sic ut non avaritia & habendi cupido ad opus, ad commercia, ad pacta conventa impellat; sed studium servandi vitam, quam à DEO accepistis, & lucrandi panem in sudore vultus vestri; quoniam ita visum est DEO, ut vitam potius pauperem, & multis indigentem, quam rerum omnium copiâ circumfluentem viveretis. Non dissimili ratione si amatis liberos vestros, si ad vitam tuendam necessaria ijs procuratis, non naturali & sensibili amore, qualem etiam aviculis natura ingeneravit, ad id vos agi decet: aliàs eo vos in conatu & studio vincit hirundo aliqua, quæ majori semper sollicitudine & diligentia pul-

R. P. Segneri Christ. Inscr. Tom. I.

los suos, quam vestram vos sobolem, educat & nutrit. Altius attolant oculos oportet Christiani in familiæ curâ: id spectandum ipsis est, ut obtemperent DEO, & ad ejus leges vitam componant in conditione vitæ, in qua ab eo collocati sunt, & ad illam naviculam in veræ beatitudinis portum deducendam, cujus ipse Navarchos eos esse jussit.

XVII. En rationem, quæ tenenda est in animæ salute, tot inter negotia & occupationes, quas inter mortalia hæc vita ducitur, unicè procuranda. Hanc qui tenuerit, certum eum reddo, certitudine quantâ hoc in genere obtineri potest, eum tandem æternum Beatum fore. *Hæc est via, ambulate in eâ: Is. 30, 20.* & quò tenditis, securi provenietis: identidem Divinam implorate opem, pias sanctasque actiones exercete, & cuncta inter negotia primum & præcipuum locum habeat negotium animæ: sic illam indubiè servabitis.

#### IV.

XVIII. At si fateri lubet, quod res est, AA. Dilectissimi, an ad hanc diem ita vixistis? prehendite normam, quam per me David Sanctissimus offert, & ad illam singulas vestras actiones, totam vivendi rationem singillatim explorate. Et primò quidem, quàm crebrò interdiu fuis precibus DEI poposcitis opem? Metuo ne integræ nonnunquam lapsæ sint hebdomadæ, quin vel semel illius memoria mentem subiret, perinde ac si ipse nuspiam esset. Quoties vel ad prava incitati (quod quidem tempus est,



quo vel ipsa necessitas docere nos deberet, quòd, & quid orandum sit) illius recordati non estis? & tamen subinde bellissimè vos purgasse videmini, si asseratis, vel imbecilles esse ac fragiles. Æstate, quia major est cordis refrigerandi necessitas, crebrius respiciamus: non dispari ratione aut asfiduam, aut frequentius repetitam oportet esse orationem, cum tentamur; hoc enim est illud tempus, quo animus pravi alicujus desiderij, aut appetitionis flammâ exardescens magis ejusmodi caloris temperatione opus habet.

XIX. Transeundo deinde ab Oratione ad opera, expendite tantisper & edicite, quid tandem agitis, ut Animæ vestræ, cujus tantum est pretium, Salus intuto sit? video vos à primo mane ferum in vesperum occupatissimos in procurandis ijs bonis, quæ umbræ instar evanescent: æternæ autem beatitudinis consequendæ gratiâ nihil à vobis fieri conspicio. Parùm aberat ab extremis eorum aliquis, qui Francisco Primo Galliarum Regi ab arcanis epistolis fuerat; & lacrymis perfusus hæc ingeminabat: Miserum me, qui plus quàm centum chartæ volumina in exarandis mei Principis Epistolis consumpsi, & tamen ne folium quidem, quantumvis tenue, adhibui, ut in eo annotarem noxas, de quibus me nunc coram Sacerdote deberem accusare! Talibus omnino lacrymis multi deplorabunt sortem suam, si alij deinceps à se ipsis non evadant. Venient ad lineam ultimam, & post acta & cogitata diligenter omnia, ex quibus

in eos emolumenti redundat nihil, advertent, se de eo cogitasse nihil, ex quo tamen uno pendunt universa. *Scis S. Eucl. ea, quæ tibi obveniunt, diligere, & ep. I. ipsum te diligere nescis.* Ah! Dilectissimi, excutite denique torporem, qui obrepfit in gerendo negotio tanti momenti, statuite modum tot alijs vestris nil profuturis occupationibus, ut tempus suppetat ad habendam denique Animæ vestræ curam. Si rami solo propinquiore non refecantur, arbor nunquam altius attolit caput: sic neque vos unquam rectè capietis, quæ Fides vera docet, si non rescinditis tot impedimenta, tot nodos & vincula, quæ vos miseræ huic terræ nimium tenaciter alligant.

XX. Nec jam illud occinite: quibus impliciti estis, negotia ex genere sua prava non esse, & quantumcunque avidè ac sollicitè intendatis lucris, aliud tamen vos non cupere, quàm quod vestrum est. Sit ita, ut dicitis: non tamen hoc sufficit, si de Animâ servandâ securi esse vultis. Etiam qui vestris in venis meat sanguis, noxius naturâ suâ non est: & tamen, cum hic redundat, & morbi inde, & non semel etiam mors existit. Ipsa hæc tot ex curis vos extricandi diligentia faciet, ut tempus inveniatis, crebrius Divinum ad Epulum accumbendi, sacras ædes adeundi, sacros Oratores audiendi, Catecheticas institutiones, pias alias exercitationes, more aliorum verè Christianorum, frequentandi: aliàs in vitâ vestrâ rebus omnibus & negotijs locus erit, præterquam Cœlesti beatitati obtinendæ

nendæ. Ridiculus quidam Piſtor , quem ipſa ſua ſtoliditas celebrem reddiderat , quas pingebat hominum imagines à pedibus ordiebatur ; unde nonnunquam evenit , ut capiti in telâ locus non ſupereſſet. Nolim vobis bilem hac comparatione movere : ejuſmodi tamen Piſtoribus totæ Provinciæ plenæ videntur : plerique enim opus ſuum à pedibus inchoant : primæ manè cogitationes non ſunt de gratijs DEO agendis : prima opera non ſunt ad eum ut Patrem & Dominum agnoſcendum ; prima deſideria non ſunt de eo nullâ injuriâ offendendo ; ſed conferendi ſe ad labores conſuetos , ut equus ad aratrum : nec alterius deinceps tenoris omnis reliqua eorum vita eſt : unde ad telæ , in qua pingendum eſſet , extremum venit , quin locus capiti efformando ſuperſit , cujus lineamenta primo loco oportebat ducere , tanquam rei ex qua partium reliquarum proportio erat deſumenda. Intelligitis , quod dico , Dilectiſſimi , dummodo velitis intelligere. Diſcite tantisper animam habere loco , quo meretur , primo , inquam , qui cunctis ipſi titulis ac nominibus debetur. *Fili ſerva animam tuam , & da illi honorem ſecundum meritum ſuum.*

XXI. Neque verò in animum inducite , fieri hæc non poſſe , niſi in eremos recedatis , domibus , agris , officinis relictis. Non ita eſt. Ipſa rectè & ex virtute vivendi diligentia lumen vobis afferet , ut clariùs cognoſcatis , quid fieri deceat : magisque indies Divinæ probabuntur Pro-

videntiæ labores , quos pro gradus veſtri conditione exantlatis. Mel nulli gemmæ ſplendorem adimit , quæ in illud inciderit ; ſed augeſt potiùs & intendit. Talis eſt & DEI Spiritus : nullam conditionis noſtræ actiõnem turbat aut impedit , ſed perficit potiùs : ſic ut homini virtutis ſtudioſo meliùs cedant alia etiam negotia hoc ipſo ex capite , quòd nullum aliud negotio animæ præponat. Quamquam quid denique damni in quæquam redundaret , ſi ſiniſtrè alia omnia negotia caderent ? Salvâ Animâ , nullius rei jaçturam feciſſe dici poſſumus : hâc autem perditâ , quid reliqua proderunt univerſa ? *Quid prodeſt homini , ſi Mundum univerſum lucretur , anima verò ſua detrimentum patiatur ?* Qui adamantem habet annulo æreo inſertum , ſi annulo amiſſo adamantem inveniat , nihil ſe perdidiffe exiſtimabit : at ſi amiſſâ gemmâ inveniat annulum , quam demum ſortem ſuam fuiſſe exiſtimabit ? deplorabit jaçturam lacrymis , ſolatium non admittentibus , haud ſecus ac ſi nihil reperiſſet.

XXII. Hoc igitur pondere anima ponderanda eſt , pondere inquam Sanctuarij. Hoc eam pondere Chriſtus Servator libravit , etſi non ſua , ſed veſtra eſſet. Veſtrâ pro Animâ preces ille fudit affiduas , lacrymis perſuſus eſt abundantiffimis , magnam pretioſæ ſux vitæ partem precibus pro ſalute noſtrâ ad Patrem fundendis impendit. *In diebus carnis ſux , ſupplicationes cum clamore valido , & lacrymis offerens.*



Hoc est seriò orare , precibus jungere supplicationes , clamorem , gemitus , lacrymas. Sic operibus etiam & factis, Oratione non contentus , quæsit salutem nostram. Poterat Servator DEUS vel unicâ purissimi ac pretiosissimi sanguinis sui guttulâ abluere omnes labe mille Mundorum , & tamen ille balneum nobis plenum paravit. *Quod potuit guttâ*, Mellisui verba sunt , *hoc voluit undâ*. Et quâ id causâ , nisi ut palàm faceret , quantâ bonorum sanctorumque operum multitudinem nos Salutem nostram curare deceat ? Tandem eandem ille salutem nostram quæsit unicè , cum has in terras delatus est : hanc ille omni à se prolato verbulo , hanc omni passu , actione quacunque , omnibus prodigijs , omnibus officijs , cruciatibus spectavit unicè : *Ego veni , ut*

*vitam habeant , & abundantius habeant.* 7o. 1o. 1o.  
*Ut & nos disceremus , non aliud æstimare , quàm quod Animæ salutem promovet. Hanc igitur ad normam & Ideam perficite ingens illud opus beatitatis æternæ , nec ambigite , quin deinceps illam sitis consecuturi: Unam petij à Domino , hanc requiram , ut inhabitem in Domo Domini omnibus diebus vitæ meæ.* Hoc est , ut Bellarminus interpretatur , *quamdiu durabit vita Sanctorum cum DEO ; vita , quæ utique expirabit nunquam.* His in terris non possumus dici habitare cum DEO , sed tantum ambulare ad inveniendum ipsum : *Obsecro ut dignè ambuletis vocatione , quâ vocati estis.* In Cælo cum ipso habitabimus , ubi per omnem deinceps æternitatem bene precabimur passibus nostris singulis , quos fecimus , ut eò pertingeremus.



## DISCURSUS VII.

### *De Præcepto amandi DEUM.*

**M**agnus noster DEUS nunquam demonstravit apertius se & Dominum supremum & Patrem nostrum longè amabilissimum esse , quàm cum præcepit , ut ipsum diligeremus toto corde , totâ Animâ , & omnibus viribus. *Diliges Dominum DEUM tuum ex toto corde tuo , ex totâ Animâ tuâ , & ex*

*totâ fortitudine tuâ.* Plus quàm unquam aliàs tum se Dominum ostendit , quando tributi loco Cor nostrum expetiit. Plus quàm unquam Patrem se ostendit , dum ex cunctis Animi nostri affectibus non alium probavit magis , quàm Amorem. Hoc igitur præceptum velut basi nititur totâ DEI Magnitudine & Excellentiâ totaque ejus Bonitate : unde mirum profectò non

non est, quòd vocetur præceptum, primum, præceptum majus omnibus, sicque ipsum sit brevium & synopsis totius legis. Latâ hâc lege non semel, sed bis obligamur ad amandum DEUM: semel quidem, quia amari Dignus est; secundò autem, quia iussit, ut amaremus. Quare sicut hoc ex capite crevit in nobis amandi debitum, sic non minore proportionem crescere debet studium ac cura huic debito respondendi. Propositum proinde mihi est hodie explicare vobis præceptum hoc amandi DEUM super omnia, ut implere illud possitis ad amissim & integrè: aliàs enim, si infernali monstro simile esset non amare DEUM, si id ipse permetteret duntaxat; quàm demum portentosum erit, non amare eum, postquam præcepit, ut amaremus?

II. Idem est inter Animi affectiones Amor, quod Aurum inter metalla; omnibus nimirum æstimabilius, perfectior, puriorque omnibus. Unde DEUS ipse cum auro illum comparat, dum sic Animam alloquitur. *Suadeo tibi, emere à me aurum ignitum, ut locuples fias.* Id proinde agam, ut hac Dissertatione & fundum pretiosi hujus metalli, & Lydium ejus lapidem diligenter considerem. Ostendam, inquam, primo loco, quid sit, quidque imperet hoc præceptum amandi DEUM super omnia; secundò autem, quo argumento indicioque certò agnosci possit, an sincerè perfectèque illo in DEUM feramur.

I.

III. Tanta fermè est mortalium in

rebus ad Animam pertinentibus inscientia, ut cum Amorem DEI nominari audiunt, existiment cum nescio quo alio eâ de re agi: & voces has perinde accipiunt, ut idioma eximie tantum virtutis ac Sanctitatis hominibus commune; sic ut existiment, esse quidem amorem hunc hominis Christiani decus eximium, sine quo tamen dignitatem istam & titulum tueri abundè liceat. Error hic est minimè ferendus! Amor DEI non præceptus tantum, & imperatus est, sed omnium præceptorum finis, imò finis omnium planè operum DEI, qui sicut nos amat, ut à nobis redametur; ita ex omnibus, quibus nos prævenit, ornavitque beneficijs, sive quæ sub aspectum cadunt, sive quæ non cadunt, tributum aliud non exigit, quàm amorem. *Ad nihil sermo aliud amavit DEUS, Sancti Bernardi 23. in Cant.* doctrina est, quàm ut amaretur. Cum amat, non aliud vult, quàm amari. Amoris ergo lex, naturæ lex est, quæ à corde nostro avelli non potest; in quo, cum ipsius DEI digito exarata sit, non est quisquam, qui purgare se possit, aut tueri ejus ignoratione. Verum quidem est, cum lex hæc, non dicam deleta penitus, deformata tamen fuerit per peccata, statuisse DEUM eandem scriptâ lege reparare ac restaurare: unde in Montis Sinai vertice aspectabilem se præbuit formâ magis quàm unquam terribili, multis inquam millenis Cœli Genijs tanquam custodibus cinctum: & inter tonitrua, turbines ac fulgura prodigiosa legem hanc millenas inter faces denuo promulgavit: *Diliges Dominum*



*DEUM tuum.* Tandem cùm satis non fuisset legem hanc principio Mundi conditi in cordibus scribere, & eandem denuo post plurium sæculorum decursum tabulis ex lapide solido inscribere, decrevit Divinus hic Legifer venire ipse, eamque à Coeli sedibus ad nos deferre, id quod ijs verbis ipsemet professus est : *Ignem veni mittere in terram, & quid volo, nisi ut accendantur?* Et verò ipsum hoc ignis vocabulum, quo Servatori nostri placuit affectionem hanc, ut audivimus, indigitare, ut quæ non aurum modò, sed aurum ignitum sit, bellissimè omnino explicat præcipuas Amoris DEO debiti dotes : unde hac maximè comparatione uti constitui, ut hujus præcepti naturam distinctius explicem. Sed quia non alià ratione limpidiorem haurire aquam concessum est, quàm si quis tantum laboris sibi summat, ut ad fontem ipsum se conferat, visum est & mihi altius aliquantò rei totius originem repetere, ut tanto clariùs illud pernoscamus, de quo agere constitutum est.

IV. Statuendum igitur principio duplex amoris genus esse; prius, Amicitia amor appellatur, estque is, cùm persona aliqua propter se amatur, ut boni in illam aliquid conferatur. Alterum Amor Concupiscentia dicitur, qui est, cùm amatur persona non sui, sed amantis gratià, non ut in ipsam aliquid conferatur, sed ut ab eà aliquid accipiatur. Primo amoris genere amici adamantur : atque hic solus Amor est, qui pulchro hoc amoris nomine ex merito indigite-

tur. Altero illo Concupiscentia amore etiam canes & equi amantur ; aut, ut loquar rectius, ne ipsi quidem amantur, sed in ipsis amatur ille ipse qui amat, bonum inquam illiusmet & emolumentum, aut oblectamentum. Hinc inferre licet, quàm sit abuti vocabulis, dum amantes illos compellatis, qui ad peccandum vos inducunt, & affirmare non pudet, non posse vos non amare, à quibus tantum amemini. Egregium enim verò amorem ! Sic & helluo ille leporem amat, quo famam exaturat. Hoc est sibi, non vobis bene velle; imò & sibi, & vobis velle pessimè: cùm plus mali & vobis, & sibi inferat, qui tam turpiter amat, quàm insatiabile & atrocissimum odium, quo totus in perniciem vestrùm Infernus fertur, vobis perinde ac ipsis inferre possit. Sed omittamus nunc istud, ne vagemur extra semitam. Præceptum amandi DEUM super omnia obligat nos ad amandum ipsum amore primi generis, sui, inquam, causâ, & amore aut amicitia, aut certè Benevolentia : non autem amore alterius generis, mercenario nimirum, suorum commodorum studio, non vero sinceròque, qualis est, qui attendit non DEI Bonitatem, sed commoda nostra, nec curat, quàm ipse in se bonus sit, sed quantum ab ipso boni nos sperare possimus. Non istud affirmo, amando DEUM non posse nos nec desiderare, nec petere, nec sperare mercedem nobis promissam : affirmo tamen, mercedem hanc non debere esse causam, quæ ad amandum impellat, præcipuam,

multoque minùs unicam. Aliàs si DEUM amamus aut unicè, aut præcipuè propter bonum, quod ab eo in nos proficiscitur, profectò convincimur magis amare illud bonum quàm DEUM, à quo illud proficiscitur. Si vir illustris filioi sui nutricem mensæ suæ adhibet, si ferculis pascit lectissimis, si bene se illi velle demonstrat, plus ille boni filioi suo cupit, cui hac ratione meliore de lacte providet. Non hujus sortis nostrum erga DEUM amorem esse decet. Oportet similem esse matris inopis Amori, quæ ( ut non unquam evenisse annales memorant ) sobolem suam clam expositam in orphanotrophium susceptam, conducta dein ad lac illi præbendum, lactat maximâ suâ voluntate, ut viscerum suorum partum; simulque lactis illi præbit mercedem accipit, parata non deferere, etsi laboris illius sui & impendiorum mercedem penitus nullam accipere posset, aut sperare.

V. Tenendum insuper ipsum hunc Amicitia aut Benevolentia Amorem duplicis itidem generis esse: priorem Appretiativum appellant; Intensivum alterum, aut tenerum. Si vobis harum vim minùs assequi vobis videmini, attentè me audite; exemplo enim allato efficiam, ut illam probè assequamini. Sit Patens, qui filios hebeat geminos: Majorem natu unum, jam Sacerdotem, disciplinis egregiè excultum, moribus integerrimum, qui familiam nunc regat consilio, & discet exemplo, & spem præferat minimè vanam, quòd non diu post eam aliùs evecturus sit aut munere & officio lucroso, cui adhibeatur,

aut animarum curâ, alicubi stipendio minimè parco administrandâ. Filiolus alter ætate tener sit, bellulus, graciosulus, lepidus, verbo, Parentum & domus delitium. Fingamus nunc inevitabili necessitate moriendum alterutri, sic tamen, ut optionem Parenti relinquat Deus, quem vivum velit, quem mortuum. Sic est, non potest non Pater graviter sentire jacturam minoris, nec absque affectionum acerbâ pugnâ in hujus necem consentiet; consentiet tamen, & morti finet parvulum, ut major natu supervivat. Et quâ id causâ? natu minorem scilicet completitur amore & affectu teneriore: Majorem autem natu, majore & benevolentia solidiore, masculâ, majorisque ponderis, majoris illum faciendo, ac alteri præferendo, ubi ad comparationem ventum fuerit. His igitur, ut nunc pluribus explicata sunt, positis, par utique esset diligi à nobis DEUM supra res conditas planè omnes, hoc etiam amore tenero, atque intensivo, quem diximus: tanta tamen fuit DEI Bonitas, ut nostram & inscientiam, & frigus miseratus eum nobis imperare noluerit: satis illi fuit, exigere à nobis Amorem illum alterum æstimationis & appretiationis quo impulsus cum occasio se obtulerit, præferamus illum rebus alijs conditis quibuscunque, & eligamus facere potius jacturam totius Mundi, si noster esset, quàm peccando Divinæ amicitia juralamittere. Hoc igitur est amare DEUM super omnia, rebus illum cunctis præferre, & nec omnes, nec earum aliquam ejus amori præponere: sic adimpletur illa, *in dextera ejus Ignea Lex*: aliturque ac conservatur nostro in animo illè met ignis, quem



ut dicebam Servator ipse Cœlo detulit.

*Luc. 12. Ignem veni mittere in terram, & quid*

*49. volo, nisi ut accendatur?*

VI. Aptissimus ignis est ad amoris hujus naturam ac indolem explicandam: hic siquidem Rex quodammodo est Elementorum, & perinde ac Cœlestis suæ originis memor, infini hujus Mundi rebus omnibus semper superior esse conatur: Atque ita bellissimè exprimit illam Excellentiam, ac prærogativum Amoris DEI Jus, quo cunctis ille alijs affectionibus, & cupiditatibus debet dominari. Hinc non desunt, qui existiment, non aliâ rectius voce præceptum Amandi DEUM exprimi, quàm Dilectionis; *Diliges Dominum DEUM tuum*: nec enim Dilectio qualiscunque Amor est: sed Amor junctus electione: Amor est, quo se in Dilectum suum Sponsa in Salomonis Cantico ferri profitebatur, quem eâ causâ appellavit *Electum ex millibus*: id quod jam pridem S. Thomas observavit, dum dixit: *Dilectio addit supra amorem electionem*. Id ipsum affirmavit Evangelica illa Historia. Quæsit Servator noster redivivus ex S. Petro, magisne ipse solus Christum Magistrum suum diligeret, quàm omnes reliqui ejusdem Scholæ Alumni præsentis. *Simon Joannis diliges me plus his?* At Apostolus, recentis sui casus memoriâ consternatus, non ausus est profiteri, talem dilectionem in Animo suo exarsisse; reposuit tantum, agnoscere se in eo amoris aliquid: *Etiâ Domine, ajebat, tu scis, quia amo te*. Quid autem ad rem hæc facit responsio? Magister

de Dilectione interrogat, & Discipulus de amore respondet! Enimverò ingens est geminam hanc inter vocem, quarum tamen utraque idem significare videtur, discrimen, *Amare*, & *diligere*. Amor locum habet in parte etiam Animæ ignobiliore, & idem esse potest cum propensione quadam naturali, quæ, ut ferè Amicitia Juvenum solent, fundata sit in simili humorum temperie, & propensionum affinitate, quam genium dicere solemus. Non ita Dilectio, *Diligere est quasi deligere*: est amor æstimationis, amor prudens, rectus, rationi conformis, qui ex notitiâ promeritorum amati progignitur. Atque hoc se flagrare Petrus affirmare non est ausus: hoc autem, DEI nostri Lex de amando impletur: hinc semper amor nobis iste proponitur vocibus, quæ ejus supremam excellentiam dignitatēque significant: *Diliges me plus his? Super omnia autem hæc charitatem habete*. Et Christus ipse servator: *Qui amat Patrem, aut Matrem plus quàm me, non est me dignus*. Animum diligenter ad Christi verba advertite: *Plus quàm me*, inquit: nec enim vetitum est amare res conditas, sed vetitum tantum est, amare illas plus quàm DEUM: id quod contingit toties, quoties lethali se homo noxâ obstringit. Tunc enim quandam Idololatriam operis admittit, cor suum Aram quodammodo constituendo, in quo novum aliquem DEUM statuat; illam nimirum rem conditam, quam pluris quàm suum Conditorē æstimat. *Quidquid in dilectionis lance præponderat, DEUS est*: ut non solidè mi-

*2. 7.  
26. art.  
8. 6.*

*Collo.  
13.  
Mat  
10.:*

nus, quàm ingeniosè Augustinus ait. At si è diverso animus noster, ejusque affectio ordine inverso DEUM bonis omnino omnibus præponit, Caritas hæc ordinata dicitur, qualem se experi-  
*int. 2.* ri illa quondam gloriabatur : *Ordinavit in me Charitatem.* Tum autem, quantumcunque etiam res conditæ amentur, solus tamen DEUS ab ejusmodi homine amari dicitur : solus enim amatur ut finis ultimus, res verò conditæ amantur ut media, non plus, quàm quantum ad finem ipsæ ultimum conferunt, aut certè eidem non adversantur; unde fit, ut solus DEUS verè ametur. Qui Medicum amat propter sanitatem, si dicere volumus, quod re est, solam amat sanitatem : & qui rem conditam amat tantum amore DEI, solum DEUM amat : & hoc est, illam amare toto corde.

VII. Et verò quid minus postulare à nobis DEUS potuit, quàm dum postulavit, ut primum illi in animo nostro locum paremus, sic, ut comparatione inter ipsum, & res conditas factâ, plurius illum quàm has æstimemus? An forsitan loco hoc dignus non est? An aurum plus justo peteret à nostris statenis, si in illis præponderare cuperet paleis? enimverò par est nos rubore vel ex sola hac comparatione suffundi. Si quis ex inclytâ illâ Esther quævisisset : Quid in animo tuo plurius facis : maritumnetuum, & Dominum ac Regem Assuerum, centum viginti septem Provinciis imperitantem, an verò pugillarem luti massam? Ruborem sanè excussisset prudenti illi faminx quæstio tam stulta, & summo ludibrio se ha-

beri judicasset, si audisset comparationem Mariti sui instituti quò injustam magis, hoc etiam magis probrosam. Quomodo igitur & anima non poterit gravissimam suam incuriam & probrum interpretari, quòd malum Dæmonem non pudeat ex ea quærere, quem ipsa plurius æstimet, & quem ipsa potius habere amicum velit, DEúmne potentem planè omnia, animam creatam misellam, quæ DEO comparata ne massula quidem est sordidi pulveris, quia est merum nihil? Sancti ferre non poterant, ad tam infaniam comparationem venire : Clamabant illi : *Domine DEUS virtutum, quis similis tibi?* Diocletianus Imperator, juratus ille & nefarius Religionis Christianæ hostis, cum sibi sibi jussisset, Clementem Ancyranum Episcopum, & Christi pugilem fortissimum, jussit, ut is Christum ejuraret. Rifu explosit insania imperia Martyr inclytus : quare Imperator parte una collocari jussit vasa plurima, auro argentoque conflata, vestem pretiosam omnis generis, præfecturarum potestatisque insignia, & quidquid aliud humana vel ambitio, vel cupiditas inhiat. Parte autem alterâ collocari jussit compedes ferreas, enses, cultros, rotas, flagra, craticulas ignitas, & quidquid aliud fortissimo cuique terroris aliquid & horroris incutere potest. Mox ad Sanctum Præsulem conversus : si, ajebat, D E U M tuum ejuras, quidquid hic opum cernis, & quidquid aliud dare Imperator potest, qui Dominus Mundi sit, qualem me nôsti, id omne tuum erit : at si è



diverso pergis eum adorare, quidquid hîc instrumentorum cernis, initium cruciatibus dabit, quos alio ex alijs senties & experieris. Delibera diligenter, & elige. Quid vobis videtur? an stetitisse tantisper deliberabundum virum Sanctissimum? Quinimò irritatus comparatione tam indigna, altum primò ingemuit indignabundus, quòd ad rem tantam, tantillo pretio ut homo quidam abjectissimus, esset invitatus: tergum mox opibus illis ac divitijs obvertens, omni, quæ proponebatur, prosperitati, protestatus est cum Apostolo, nec altitudinem, nec profundum, non omnem malorum, non omnem bonorum caducorum congeriem tantum unquam habituram virium, ut se à DEO suo avelleret. Animum advertite ad gemitum illum animi indignantis, qui pretio thesaurum æquat; quia in viro Sanctissimo nascebatur ex magna illa Christi Servatoris sui æstimatione, quem rei vanæ ac perituræ conferri æquo animo ferre non poterat. Nec id mirum: *Quando majora minoribus coquantur*, ut rectè S. Hieronymus loquitur, *inferioris comparatio, superioris injuria est*. Rem tanto superiorem inferiori comparare! est id quidem inferiorem magno honore dignati: at eadem sanè operâ superior ignominia gravissimâ dehonestatur.

VIII. Heu Munde Christiane! ô animi Christum DEUM venerantium, quàm non hæc sensa volvitis! pro quàm exiguus eorum est numerus, qui fovendo in animo perpetuam il-

lam de DEO æstimationem, tot nominibus debitam, cum res tulerit, supremum illi locum constanter tribuant, animi sui decreto summissimo, faciendi potius jacturam bonorum caducorum omnium, quàm DEI, & subeundi omne malorum & adversorum genus, quàm legem ejus Divinam unquam violandi! Summum quod à plerisque expectes, est; quòd eodem gradu ac pretio DEUM, ac res conditas velint habere: æstimare DEUM quia dignus est, & æstimare res creatas tanti, quanti, illum: sicut ut cor suum mensæ instar rotundæ esse optent, in quo omnis, & nullus locus sit primus. Nunc templum volunt accedere, ut Sacerdoti facienti ad Aram adsint; nunc ad domum Amasæ se conferre: nunc Christum in Divinissimo epulo hospitem admittere, aliàs eum foras protrudere, ut adultero locus sit: nunc stipem largiri egenti, mox Principis ærarium depeculari. Verbo, eodem Altari Christum & Idolum statuere. Sed vanæ sunt istæ spes; mox ac partem Orco vultis concedere, totum ille habet. Quærit Sanctus Augustinus, quid tandem causæ esse potuerit, cur Senatus Romanus nunquam se passus sit induci, ut, vel Tiberio Imperatore enixè id cupiente, pateretur Christum DEUM reliquos inter Deos in Capitolio collocari; etsi ea Romæ invalisset opinio, Sapientis esse omnium & singularum Nationum Deos venerari, & omnium ex æquo favores sibi conciliare? Fuit autem ejus rei, hæc ipsa, quam jam indicavi, causa; Christus non vult parem haberi sibi quem-

quam

*l. 2. Co  
sen/ 1  
vang.  
17.*

quam; sed sicut solus ac unus DEUS est, sic solus vult adorari, solus æstimari, quis ac qualis est, solus toto corde amari. *Tu solus altissimus in omni terra.* Illos duplicis fidei mortales, qui *jurant in Domino & jurant in Abelhon*; exclusus est. Imitantur isti Hebræos veteres, qui jam nec Judæi, nec Ethnici existimabant sic se DEI veri amicos esse posse, ut simul etiam essent amici falserum Deorum. Sed quo in suo emolumento? falsis à Numinibus proditi atque deserti, non aliud affectuti sunt, quam ut verum etiam DEUM amitterent.

## II.

IX. Sufficere possunt, quæ dicta sunt hæcenus, ut intelligatis, in quo consistat præceptum amandi DEUM super omnia. Pergamus nunc ad quærendum verum lapidem, lydium, ad quem aurum hoc tam pretiosum examinemus. Quo igitur indicio cognoscere licebit, verène homo Christianus amet DEUM amore ejus generis, quod descripsimus? Et en illud: *agere & pati.* *Agere & pati*, signa sunt minimè obscura, hunc in nobis ignem ardere. Et ad agendum quidem quod attinet, hoc maxime ignis verus à picto, aut ficto discernitur. Stare potest Aer: stagnare Aqua; Terra quiescere; sed nihil horum Ignis; hic moveatur oportet, agat inquam, aut emoriatur. Hic, inquit Sanctus Gregorius, veræ charitatis est character: *si non operatur, amor non est.* Hinc & Christus tam disertis verbis protestatur. *Qui habet mandata mea & servat ea, ille est, qui diligit me.* Atque

hac causâ, quisquis è diverso præcepta DEI non servat, etsi Templum accedat, sacrum auscultet, Deiparæ precum coronam texat, etsi pectus tundat, etsi lacrymæ, illi dum concioni adstat, oboriantur, non tamen idcirco notâ insignitur amoris Divini. Et ad hoc diligenter animum advertite; quòd, etsi ille præceptum viollet unicum, cætera ad amussim servet omnia, necdum tamen DEUM amat, atque adeò necdum amantium DEUM mercede dignus est, salute, inquam, æternâ. *Si quis diligit me, sermonem meum servabit.* Loquitur hic Christus singulari numero, non plurali, & *sermonem meum* ait, ut nos doceat; unum solum ex præceptis ipsius violatum sufficere ad extinguendum in animis nostris amoris Divini ignem, cum sic jam DEUS non omnibus præponderet. Videntur è Christianorum numero aliqui imbuti opinione Rabbiorum quorundam, qui docebant; Animam extremo illo Mundi die judicandam salutis æternæ futuram compotem, si bonorum operum & rectè factorum numerus excedat numerum operum pravorum. Certè & ipsis solenne est dicere. *Aliena non rapio, DEO non maledico, injuriam facio nemini: unum solum peccatum est, quod à me alienum non puto.* Quid vultis amplius? Istud abundè est, ut privetur quis amore DEI, quia vita est animæ: *si quis diligit me, sermonem meum servabit.* Quare sicut solum hoc amoris DEI præceptum totius Divinæ legis brevium est, sic obedientia DEI mandatis præstita Synopsis est le-



gis de amando DEO. Proinde, qui cognoscere vult, an DEUM amet, sumat iste in manus Decalogum, & singillatim præcepta percurrat omnia; mox ad Ecclesiæ præcepta transeat; deinetiam statûs, in quo degit, leges ad unam omnes cogitando enumeret, & si invenerit, in nullo horum se majoris momenti in re defecisse, dicere securus poterit: Confido equidem, inveniri in animo meo pretiosum istud amoris Divini, rebus planè omnibus præponderantis, metallum. At si secus, pronuntiet, illud non inveniri.

X. Ad hoc autem quàm maximè animum advertite; cùm repenti ad prævum quid sollicitari vos experimini, quid in animum vestrum tentatio ejusmodi possit? tum enim præquam unquam aliàs experiri licet, quo res loco sint. Magnes major minorem trahit; si quis tamen ferrum illi admoveat; omissio Magnete minore, ferro adhærescit, illudque velut amplexu stringit. Amat quis filium suum, & meritò, est enim alter ipse. Magnes hic major, naturali propensione adhærescit Minori. At si honor DEO debitus postulet, ut filium istum non sinat in Clericorum ordinem cooptari, propterea quòd moribus illum suis esset dehonestaturus, quid is agit? An sacrè illum veste exuit, & alteri profano ministerio ac muneri addicit? an vult potius, ut vel DEI in gratijs in sacratione illo ordine perseveret? si Clerici illum vestibibus exuit, virtute suâ pollet magnes; deserto enim magnete altero ferrum amplexitur. At si induci non potest,

ut profanis illum studijs addicat; vim suam magnes perdidit, quia ferrum ad se non trahit; & DEO dignus non est, quia filium plaris, quàm DEUM æstimat. *Qui amat filium aut filiam super me, non est me dignus.* Quod dixi in hoc filij DEO prælati paradigmata, id ipsum de quovis alio pronuntio, ubi de amico, de nominis famâ, de re familiari, & maximè cùm de lucris ex mercimonijs, quibus tam avidè inhieris, agitur. Verbi gratia. Lucrum quis fecit in negotiatione non contemnendum: sed sacer arbiter affirmat, illud justum non esse, atque adeò suum illi reddendum, cui ablatum est; cùm nemini suis ex nummis colligere liceat illum fructum, quem DEUS prohibet, dum usurâ interdicat. Jam perpendat quisque, an cùm hæc audit, omittat deinceps ejusmodi artem ditescendi ex simplici mutuo, & num jam parta reddat? Si & hoc illud facit, sincera est in ejus animo & genuina charitas; at si secus facit, genuina non est, & ad Lydium experientix lapidem adultera probatur. O quàm sincerus & certus lapis amoris, sunt opera! arteriæ pulsu vita deprehenditur: operibus cognoscitur charitas.

XI. Magis etiam Tolerantia istam manifestat, quod erat alterum veriignis signum; qui ubi materiam semel comprehenderit, statibus, qui oppugnant, tam non cedit, ut illis ipsis evadat fortior, seque propaget. Placène igitur experiri, an DEI Voluntas ac beneplacitum plus, quàm alia omnia in animo vestro possit? Attendat quisque quò-

quomodo resistat adversis, quæ repentē & præter spem illum adoruntur? An ex his ipsis magis animatur ad laudandum DEUM, an verò etiam ad maledicendum illi abripi se finit? Hac absque experientia non est facilē de amore cujusquam pronuntiare. Mulierculæ aliquæ tantum non conflagrare sibi videntur sincerissimæ pietatis flammis; eo capite, quod non sine tenero animi sensu aut commorentur in templo, aut preces aliquas ibi recitent, cum familiæ gerere curam deberent, quæ interim, nescio quò, vagatur. Ecce autem tam facile hoc sibi persuadent? Non ob aliud, quàm quia tum nemo est, qui ipsis molestus sit. Maritum habent virum bonum, liberijussis obtemperant, agri rident, cella vinaria abundat, nec loculi inanes sunt. Mutetur tantisper rerum facies: moriatur filius; suscitentur lites: grando vineam percutiat; prodeant, qui acerbè & crudeliter persequantur: tum videte, an tenerum illud & suave religionis studium duret: an verò Marianis ad globulos precibus succedant imprecationes & maledicta, & dulcibus pij sensus in Ecclesia lacrymis, lacrymæ domi, iræ & furoris impotentia expressæ. Videmus situlam, quamlibet rimosā, quamdiu in putei fundo hæret, perinde aqua plenam esse, ac est alia integerrima: sed attollite illam tantisper, & tum apparebit vasis fracti ab integro differentia. Sic dum pro voto fluunt omnia, non est facilē, discernere DEI verè ac sincerè studiosum, amantemque, ab alio, qui in speciem tantum illum diligit. Opus est illum trahere ex-

tra affluentiam commodorum, & tum se prodet, qualis sit; sicut Job agnitus est genuinus amator DEI, non cum delictijs affluebat, & commodis omnis generis, sed cum in sicco calamitatum & inopiæ, quæ ipsum opprefferunt, est destitutus.

XII. Judicate proin, quam bellè se purgent illæ, quæ in ipsa adeò Sacramentali sui accusatione reos alios agunt modicæ virtutis ac honestatis, pro eo, quod se ipsas culpæ obnoxias fateantur. Priusquam marito jungerer, ait ex his una aliqua, ne verbulum quidem loquebar minùs decens ac compositum, ac nunc miseram me! ex quo Marito ferro & barbaro juncta sum, cogor omni ferè momento blasphemias effutire. Egregia enim verò excusatio. Tolerantem esse, cum nihil occurrit adversi! Secundo flumine vehi, nullius negotij est, etiam cadavera aquarum impetu abripiuntur: sed adverso navigare flumine & artem & conatum non modicum postulat: natæ adversus alveum, non mortuorum est, sed vivorū, qui brachijs strenuè contendunt. Si cujus in animo arderet verus DEI amor, qui hominem Christianum impellit ad obediendum cunctis DEI sui legibus, vel repugnante cum omni pravarum propensionum agmine, naturā; non ita res procederet: Tolerantia vestra tam non cederet contantibus, ut vel hoc vires summeret & incrementa. Quare si posthac adversa DEUS in ædes vestras immiserit, ut experimentum vestri capiat, si affligerit egestate, contempu, molestijs varijs, morbis, litibus & controversijs inopinis, sic vos ipsos affati lubeat



ficat se ipsum Christus affatus est , cum postremorum illorum cruciatum tempus immineret : *Ut cognoscat Mundus, quia diligo Patrem, surgite, eamus.* Ut palam fiat, & mihi, & alijs, quòdam DEUM super omnia, etiam plùs quàm me , macti animo , eamus oviam adversis , quæ nos invadunt , & non contenti excipere illa patienter , occupemus illa desiderando , *surgite eamus.* Generosa hæc animi magnitudo palam facit , jam devictam esse naturam , & quòd non jam illius sequamur effata ac leges , sed tantum ea , quæ DEUS ac Gratia dicant.

XII. Sunt è Medicorum Scholis qui asserant , aurum potatum dilatare cor , spiritibus illud implere , & animos in periculis , ac calibus adversis subministrare. Utinam nemo non vestrum granum saltem unicum perfectissimi huius auri amoris haberet in animo ! quàm promptum illi ac facile foret , non magnas illas , quas DEUS immitit , molestias , ferre , imò quàm Jucundum plures ab eo efficitim petere ! S. Ignatius Martyr , qui multum ejusmodi auri deglutierat , provocabat tormenta omnia , & obiectus Leonibus , à quibus devoraretur , cum metueret , ne bellulæ illæ ipsum reveritæ , ungues & dentes ab eo abstinerent , sicut alios Martyres erant reveritæ , parabat se adeas proritandas , & contra se incitandas. Istud enim verò aurum erat non ignitum tantum , sed & probatum : *aurum ignitum probatum.* Haud sanè magni illos ego Christi sectatores facio , qui tamdiu solum

virtuti student , quamdiu suaviter illos ac blandè DEUS habet. Hi mihi vultus januis non absimiles videntur , quæ tum solum non strident , cum recens unctæ sunt : pingui autem illa materiâ , quæ unctæ fuerant , exiccata , sonantius quàm unquam ante hac strident ; vertuntur enim cardinibus rubigine exesis. Horum in persona dicebat enim Pfaltes Regius : *Ego dixi Ps. 29. 7. in abundantia mea non movebor in aeternum.* Et quanto animo , quantâ promptitudine decernebat permittere se DEO , & nullum penitus ejus providentiæ obicem ponere ! sed hæc decreta tam sancta concepta erant in *abundantia* , tempore , quo illum DEUS cumulavit mille benedictionibus. Expectate tantisper , dum hoc unguentum tam suave , & sensile exarefcat : mox idiomate loquitur alio , & non minus quàm antea stridet. *Avertisti faciem tuam à me, & factus sum conturbatus.* Hoc proinde est inter majora , quæ asferre calamitas aliqui possit , commoda & emolumenta ; ut nos in nostri penitiorem notitiam deducat , cum nullâ aliâ tam verisimili conjecturâ colligere possimus , animum nostrum DEI amore genuino ardere , quàm quando adversa forti animo ferimus. *Qui non est tenatus quid scit ? Eccl. 3. 1.* quæ sunt Spiritûs Sancti verba : quibus indicare vult , non tantum , nihil scire : etsi enim & disciplinarum , & artium omnium esset calentissimus , non sciret tamen aliquid momenti alicujus ; cum ignoret , an cum illa tot rerum scientia conjunctum habeat Amorem DEI , quo sine docti omnes

ac Sapientes, Doctrinâ ac Sapientiâ humanâ, eorum instar sunt, qui cuncta decoxerunt; cum altero in Mundo ne teruntium quidem valeat, omnis illa fors & summa capitalis, quam hoc in Mundo possident.

XIV. Ejusmodi cogitatione obarmare se oportet, Dilectissimi, in cunctis, quæ sinistrè cadunt, acceptando illa à DEI manu, secumque ita rationando. Hoc DEI opus est, qui cunctis palam vult facere, an super omnia ipsum amem: *Tentat vos Dominus DEUS vester, ut palam fiat, utrum diligatis eum, an non, in toto corde, & in tota anima vestra.* Sic & Gemmarij carbunculum explorant: fenestras omnes, quibus lux intrat, occludunt, & observant, an lucis aliquid in ijs tenebris diffundat? Sic mecum nunc DEUS agit, dicere quemlibet oportet: *Tentat me Dominus, eaque causâ stabo invictus, meque verè Christianum probabo: Miserum me, si hoc ad examinem non resplendo ut gemma sincera, sed ut adulterata fulgore destituor!* En hæc est anima verè pretiosa, quæ non claro solum meridie refulget, quando fulgent omnia, sed splendet densâ in nocte, quâ nihil splendet, quod luce propriâ sit destitutum.

XV. His igitur geminis indicij operum, quibus præcepta servantur omnia, & tolerantia, quâ ne quidem, cum adversa undique ingruunt, ab ijs observandis dimoveri quis se patiatur, palam se prodet hic DEI Amor; amor tam nobilis ac præstans, ut telus hæc nihil habeat, quod conferri illi

possit: *Longè, & de ultimis finibus pretium ejus.* Anima, quæ particulam amoris hujus minimam possideat, <sup>Prov. 31. 10</sup> ditior est, quàm si innumerabiles Mundos à DEO conditos, & qui per omnem deinceps æternitatem, quàm longa est, condiposset, possideret. Hunc igitur Amorem tam sincerum, verumque, par est nos à DEO petere, quoties illi supplices orando accidimus; hic in cunctis per diem actionibus quærendus nobis est, hic rectè factis, & plenâ perfectâque totius Divinæ legis observatione identidem augendus: *Deum time, & mandata ejus observa; Eccl. 1.* hoc est enim omnis homo. Conchas inter unam aliquam majorem aliis aiunt esse; quam ceteræ, ut suam Reginam pedisse quæ affectentur. Magna proinde est ejus Piscatoris felicitas, qui suis illam retibus incluserit; neque enim sola ipsa Margaritam sinu condit, nullo pretio satis æstimabilem, sed etiam eâ Reginâ captâ, nullo negotio capiuntur reliquæ, quæ eam sequuntur. Huic concharum Regiæ similem existimate, Auditores Dilectissimi, charitatis virtutem, quæ & ipsa in se tanti, ut ostendimus, pretij est, & tanti insuper æstimanda propter omnia, quæ secum affert bona: *Venerunt autem Sap. 7.* tem mihi omnia bona pariter cum illa. <sup>11.</sup> Nulli proinde parcendum est labori, ut prædâ tam optatâ potiamur, & postquam illâ potiti fuerimus, omnem illi retinendæ operam par est nos impendere.

XVI. Sed quid? an hic Christianorum labor, hic omnis eorum conatus



tus est ? heu, quem satis pudebit stoliditatis nostræ ac dementiæ ? quis condignis illam lacrymis deplorabit ? Non est quidquam his in terris, quod minoris æstimetur, quàm beata isthæc Charitas, nec est ulla uspiam res, quæ tam facile projiciatur in quantumcunque levi tempestate, quæ nos adoriatur. Sunt, qui ne expectant quidem, dum procellæ insurgant, & navim quatiant: ipsi in eas feruntur, ut jacturam faciant. Quid his verbis indico ? nescio quis, vix à noxis absolutus, eò confestim reddit, ubi paulò antè peccavit; cum iisdem personis agit, quas paulò antè flagitiorum aut sociis, aut auctores habuit. Hoc autem quid est aliud, quàm irritare ventos, tentationes, inquam, provocare ? Quin etiam peccare parum foret : eò venit, ut de peccato etiam jactare se aliqui non vereantur, & in eo non jam oblectationem solum, sed & gloriam reponant. *Lamentantur, cum malè fecerint, & exultant in rebus pessimis : sicut non pauci peccantium è numero, omni pudore amisso similes effecti sint Junipero, qui spinis suis perinde ac frondium folijs superbit. Fungus inter eos esse videtur, qui insignitè consceleratus esse nesciat.*

XVII. Sed adeste animis & auri-  
bus, AA. Dilectissimi, nostisne, quid  
primum interrogandi sitis, cum non  
diu post Divino Tribunali judicandi  
sistemini ? Non aliud profectò, quàm  
quod è S. Petro quæsitum est ? etsi  
non eodem vreborem sensu. *Diligis  
me plus his ?* S. Petrus interrogatus  
est, plusne DEUM ipse diligeret, quàm

illum diligerent Apostoli reliqui ? tum  
præsentes : *Diligis me plus his ?* ex  
quolibet autem nostrum quæret Ju-  
dex, magisne me diligis quàm soda-  
les tuos, quàm omnes amicitia, aut  
sanguine junctos, magis quàm rem  
creatam quamlibet ? Tunc autem  
quid reponere quis poterit ? scruta-  
mini tantisper animi vestri latebras,  
& mihi jam nunc anticipatò respon-  
dete, qui idem è singulis vestrum  
quæro, ut tantò respondeatis prom-  
ptius, cum eadem quæstio denuo vo-  
bis fuerit proposita ; Verène DEUM  
amatis super omnia ? Affirmabitis  
opinor : sed quomodo verè hoc affir-  
mabit ille, qui, dum merces suas di-  
vendit, tenuissimi lucelli causâ iden-  
tidem pejerat ; & cum vel leviculum  
damnum acceperit, atrociore in DE-  
UM blasphemias evomit, quàm Athe-  
us aliquis, aut Turea ? quomodo af-  
firmabit ille Parens, qui ut filium, nil  
tale promeritum, ad animas alicubi pa-  
scendas promoveat, aut pingui Eccle-  
siæ beneficio locupletet, nec muneribus,  
nec pecunijs parcat, quia via alia  
nulla ad hæc patebat ? Quomodo  
hoc affirmabit illa mater, quæ, ut filii  
meritum inveniat, religioni sibi non  
ducit, eam certissimis perdendæ pu-  
dicitæ periculis exponere, & non-  
nunquam facere, ut Matrimonium an-  
te sit consummatum, quàm ratum ?  
Quomodo affirmabunt, amari à se  
DEUM super omnia, ille Juvenis, &  
illa Puella, qui, ut votorum suorum  
fiant compotes pens non habent,  
sanctissimas DEI leges omnes pedibus  
proculcare ? Actiones hæc tam pravæ  
plus

plus satis, ostendunt, DEUS minus, quàm res alias diligi, & DEI loco adorari commoda propria, ambitionem, oblectamenta; hæc ut finem suum æstimando, desiderandoque; ut ipse ad hæc DEUS ferviat, & peccatis nostris materiam subministret, diu nos in his flagitijs toleret, ut ea quàm creberrimè repetere possimus. *Probatio dilectionis, exhibitio est operis*, igitur ut respondeatur verè, quærenti, *Diligis me plus his?* necesse erit respondere: Non, O DEUS! magis quàm te, amo filium meum immorigerum; magis amo turpia mea oblectamenta, magis paucorum nummularum lucrum. Itane ergo non amatis DEUM? O vos pro tantis collatis in vos beneficijs ingratos! O tantum amorem oblitos! pro cæcos penitus ad pernoscendas perfectiones infinitas, quibus DEUS dignus est amore, qui limites nullos habeat! *Quantus est excessus amoris, tantus debet esse doloris*, quæ sunt S. Augustini verba: & tamen nostrâ æstimatione DEUM ipsi tantilli pulveris acervulo posthabemus!


XVIII. Contra eos, qui tales sunt, torquere hodie cogor terribile fulmen Cælo missum. Detulit illud Paulus Apostolus, cùm tertio è Cælo has in terras rediret. *Siquis non amat Dominum nostrum JESUM Christum, sit anathema*. Si quis Dominum suum, Servatorem suum, DEUM suum non

amat, sit maledictus & execratus, sit anathema, multoque magis execratus, si tam non amat, ut offendat etiam; tam illum non laudat, ut maledictis proscindat, injuriâ, quàm vel mille Inferni nunquam satis vindicent. Verum est, non torquere Ecclesiam hæc fulmina, nisi in contumaces. Quare, ô chara mea pignora, qui alij à se ipsis evadere deinceps volunt, qui, inquam, tanti posthac volent æstimare DEUM, quanti æstimari dignus est, pluris nimirum, quàm res alias omnes, certè prius mori in ejus gratiâ & amicitia, quàm ejus in inimicitia & odio vivere, isti, inquam, non erunt maledicti. Sacrum hoc fulmen eos tantum feriet, qui animum in sceleribus obstinabunt, certi non pluris deinceps facere DEUM, quàm ipsum hæcenus fecerint, & postponere illum omnibus alijs caducis & perituris bonis. *Siquis non amat Dominum nostrum JESUM Christum, sit anathema*. Habeat hoc sibi, qui animum ad non amandum obstinat: absit à nobis tanta infania: sed animus deinceps noster speculi instar sit tersissimè, quod vultum quodammodo suum obvertit rei, ad quam repræsentandam formatum est; reliquis autem omnibus, tergum. Amabimus nunc DEUM plus quàm omnia, qui unicus ac solus in Mundo, nostro dignus est amore.

\* \*







## DISCURSUS VIII.

## De Peccato Blasphemia.

Extr. I.  
In c. 24.  
Levit.

**T**Am horrendum est Blasphemia peccatum, ut in sacris olim Literis non nisi rarò admodum suomet nomine exprimeretur; quasi vel ipsum tam detestabilis flagitij nomen sufficiat ad hominis linguam contaminandam. Ecclesiasticus de Blasphemia differens, loquelam

P. Hug.  
hic.

mortis appellavit: *Loquela contraria morti; hoc est, respondens morti: indigna, quæ unquam in electo DEI populo audiatur: Non inveniatur in hereditate Jacob.* Alibi autem Spiritus Sanctus, permutatis vocibus, benedicere DEO, per antiphrasin facit idem

3. Reg.

21. Job.

1. & 2.

sonare, ac DEO maledicere. *Benedixit Naboth DEUM & Regem: Benedic DEO & morere: in faciem benedixit tibi: in faciem benedicat tibi: eadem phrasi alibi sæpius utitur: nec id alià de causâ, quàm quia DEUS, Sancto Joanne Chrysostomo teste hac loquendi ratione tegere voluit Blasphemia horrorem, & maledictionem benedictionis quodammodo velo tegere: Benedictis maledicta velavit.* Hæc autem cum ita sint, quis non stupore attonitus hæreat, cum audit, tam olim cautè nominatum hoc Blasphemia crimen, hodie autem à Christianis tam nullam adhiberi industriam, non ne nominetur, sed ne committatur? Ita est, Maledictiones DEI tam hodie passim in-

valuerunt, ut vix, si ita loqui licet, invenire sit aëris palmum, qui tam horrendis vocibus repletus & contaminatus non sit. *O presumptio nequissima, Eccl. unde creata es! Qua tandem in Palude hæc tam pestilens Hydra cunas & natales suos habuit? non alibi sanè, quàm in infimâ inferni abyssu. Utinam autem eâ suâ ex cloacâ non emerisset! sed illa, postquam venenato suo halitu regionem eam horroris sempiterni totam infecit, ad has etiam nostras inficiendas ascendit. Vellem igitur hodie lingua mea minus non esset quàm fulmen ad fulminandum tartareum hoc monstrum, & eò denuo deijciendum, unde emerit.*

## I.

II. Et ne vel unus ictus sit irritus, statuamus primò inter nos, quid sit Blasphemia. Sunt, qui se accusent de Blasphemia, quia irâ perciti malum aliquod grave Proximo, jumento, gregi, Diabolo, rebus alijs creatis imprecati sunt. Prositeor me hodie contra hos non differere: faciam id aliàs, neque verò, si rem dicere volumus, hæc Blasphemia sunt; maledicta sunt longius remota à peste Blasphemia, quàm nostrates serpentes distent à Draconibus alatis. Blasphemia igitur est sermo injuriosus DEO, & laudi DEI à dia-

metro

Horn. 4.  
de Job.

s. Th.  
2. q.  
art.

metro oppositus. Unde sicut re ipsa DEUS sola mente laudari potest, ita etiam solâ mente potest blasphemari. Sed nos hîc agimus de illo peccato, quod plerumque linguæ ministerio admittitur.

III. Porro hæc Blasphemia, stygia instar Amphibienæ, gemina in capita dividitur, quorum unum altero magis est pestilens. Primum Hæreticalis Blasphemia dicitur, quæ tunc admittitur; cum contumeliæ, DEO illatæ, malum etiam erroris alicujus contra veræ Religionis dogmata admistum est, ut si quis negaret DEO, quod ipsius proprium est, puta Sapientiam, Potentiam, Providentiam, Justitiam: aut ipsi affingeret, quod in eum cadere non potest, nimirum Peccatum. Sic blasphemant Hæretici, qui DEUM faciunt authorem peccati; inter Catholicos verò sic maledicunt DEO lutores illi execrandi, quos non pudebit nonnunquam furore percitos in hæc verba prorumpere; quòd ne Christus quidem facere possit, ut ludo vincant; usque adeò iratam se sibi sortem experiri: ut nihil dicam de nonnullis ex plebe infima, qui tam dolenter de egestate suâ conqueruntur, ut dicant, malè fecisse DEUM, tantis opibus alios cumulando, alijs dando nihil, perinde ac si sapientiùs ipsi res ordinare in Mundo hoc potuissent, quàm ipse DEUS; ut olim jaçtitabat impius ille Rex Alphonfus, dubites, stultusne magis, an superbus, quem ferunt dicere solitum, si, cum primum Mundus conderetur, ipse adfuisset, multa DEO rectiùs, quàm nunc sibi, constituta fuisse suggesturum.

IV. Alterum Blasphemix genus simplex dicitur, cum nullum errorem Fidei repugnantem admissum habet; sed eâ solâ impietate constituitur, quæ contumeliâ DEO illatam necessariò comitatur. Talis est, cum iræ impetu contemptim compellatur, Corpus DEI: Sanguis DEI: etsi enim & Corpus & sanguinem DEUS habeat, quæ nostrâ causâ assumpsit, non tamen assumpsit, ut momentis omnibus à sacrilegis his, & execrandis linguis tam propudiosè tractetur. Duobus autem modis ira hæc exardescere potest, primò quidem rectâ contra DEUM: & tum communis omnium doctrina est, illas loquendi formulas Blasphemiam continere: aut concipi potest ira non rectâ contra DEUM, sed contra rem aliquam creatam: & de hac dux sunt Doctorum sententiæ: volunt aliqui, tunc istas voces: *Corpus DEI, sanguis DEI*, etsi prolatas impetu contemptum præferente, non esse verè Blasphemias, sed esse noxam minùs gravem, quâ in Reverentiam DEO debitam, & Religionis virtutem peccetur; etsi ratione pravi exempli, quo sæpe alijs est offendiculo, qui eas profert, & ratione periculo, blasphemandi re ipsâ, cui se proferens exponat, nonnunquam etiam tum gravis noxa contrahi possit. Alij è diverso magni nominis & æstimationis Doctores adstruunt, hæc loquendi ratione veram semper Blasphemiam admitti, cum semper eam manifestus DEI contemptus comitetur, etsi ira, cujus præcepti impetu profertur, non contra DEUM, sed contra rem aliquam conditam feratur.

*Sylvest.  
v. Blasphem.  
num. 32.  
Suarez.  
1. de  
Rel. tr.  
3. l. 1. c.  
6. n. 11.  
Toletus  
1. 4. c. 13.  
num. 6.*



V. Si mihi fas esset, hac in controversiâ arbitrum agere, ferre sententiam, duo libenter assererem. Primum est, ijs in Provincijs, ubi pessima assuetudo nimis jam quam communes fecit ejusmodi detestabiles loquendi formulas, facile locum habituram eorum Doctorum sententiam quos primò attuli. Ubi autem sacrilegæ illæ voces, *sanguis & Corpus DEI*, nondum illum amiserunt horrorem, quem cum pronunciantur, secum ferunt, vix dubitem affirmare, propius verò esse, quod alterius classis Doctores tradunt, has enim ad voces, quæ paulò religiosiores sunt, horrore perfunduntur, tanquam ad certum DEI contemptum, agnoscuntque per illas multum imminui debitum Divino nomini, & ineffabili Verbi, carnem nostram induti, mysterio honorem ac reverentiam. Nec satis est se purgare cum aliquibus: *non cum DEO sed cum homine, me proritante, mihi res est.* Non, inquam, satis est: impiæ siquidem voces DEum simul, per illas contemptum feriunt; qui enim illas pronuntiant, Parthorum morem imitantur, qui olim tela in hostem jacere non noverant, quem in terris habebant, nisi priùs illa Cælum versus contorquissent.

VI. Alterum, quòd in re præsentī dicerem, est: etsi præcipiti iræ impetu sic blasphemare diabolicum non sit, nullâ tamen ratione esse conveniens Christiano: dum, si non aliud, illud saltem DEI præceptum violatur, quo vetamur *Nomen Domini DEI assumere in vanum.* Unde etsi voces hæc, & iram exonerandi formulæ, blasphemix rationem

non contineant, quid refert? sunt certe tales, quas deceat longissimè amandare ex ore hominis Christiani, ut quæ ipsis Decalogi tabulis DEO invisæ esse dicuntur: *Nec enim habebit insonantem Dominus eum, qui assumpserit Nomen Domini DEI sui frustra.*

II.

VII. His positis, quæ vobis erudiendis præmittere oportuit; si jam ex me quæritis, quid ego de blasphemix peccato sentiam, paucis vobis respondebo, S. Hieronymi verbis, me illo portentosius aliud nullum invenire. *Nihil horribilius blasphemix: omne quippe peccatum, comparatum blasphemix levius est.* Quid igitur afferri potest, quo ejus perversitas melius innotescat? plumbum & Hydrargyrum metalorum omnium gravissima sunt, in ijs enim liquefactis gravissimi lapides supernatant, Talis & blasphemix natura est. Accipite furta, adulteria, cædes, perjuria, prò quam immania saxa! imò quas rupes & montes! dici possunt ad Cælum usque apicem porrigere, tam sunt altis: *Delicta nostra creverunt usque ad cælum.* Hos tamen ipsos montes mole ac pondere blasphemix superat: unde huic immersi tanquam leves supernatarent: *Omne peccatum comparatum blasphemix levius est.* Subscribit autem S. Hieronymo S. Thomas in Summa. sed audite ejus rei causam, ne fortè rem amplificando ultra verum auxisse videar.

VIII. Tribus ex capitibus colligi potest gravitas peccati: ex objecto peccati, quod admittitur: ex personâ illius, qui admittit; & tandem ex effectis, quæ ex illo admissio consequuntur: ex omni-

omnibus his capitibus peccatum blasphemix quolibet alio, quamlibet enormi & gravi, gravius est, & enormius,

IX. Sic autem rem se habere, ostenditur. Primò enim noxx hujus objectum est, Honoris Divini imminutio: *Derogatio Divina bonitatis*: quâ quidem detestabilius exco-  
 gitari nihil potest. Omne quidem peccatum est aliqua Divini honoris læsio, juxta illud: *Per pravari-  
 cationem legis DEUM inhonoras*: eo tamen cum discrimine, quòd alijs in peccatis Divinus honor lædatur non rectâ & studiosè, sed velut aliud agen-  
 do, dum quis aspernatur DE I legem auferendo rem alienam, totum alienum violando, vitam alteri eripiendo, aut quidvis aliud quod collibeat, per-  
 petrando: blasphemia autem Divinum honorem rectâ nullo mediante, con-  
 temptui habet; estq; offensæ genus ac injuriæ, quod præcipuè DEO ipsi infer-  
 tur, & non alijs, quæ pendent ab ipso, ut sit in re aliena auferenda, aut alio quocunque peccati genere, quo Pro-  
 ximi jus violatur. Quale autem hoc, quantumque sit, quis unquam cogitan-  
 do assequatur? Qui Civi injuriam facit, dubium non est, quin etiam Prin-  
 cipi injuriam faciat: magis autem eum offendit, qui in ejus servum aliquem injurius est, gravius adhuc eundem irritat, qui familiarium & intimorum aliquem vulnerat: sed qui Principi ip-  
 si plagam infligere molitur, prò quan-  
 to graviore ille se crimine obstringit, et si, qua Princeps undique obarmatus est, lorica ictum irritum eludat? Est

hoc læsæ Majestatis crimen, cui ne qui-  
 dem in intimis Ecclesiarum adytis tu-  
 tum alylum patet, & poenâ planè, in-  
 solenti, quâ nullum aliud facinus, ple-  
 ctitur & meritò quidem. Atque hoc  
 est, quod se assequi Heli Sacerdos  
 ostendit, quando sic immorigeros suos  
 filios est allocutus. *Si peccaverit vir  
 in virum placari ei potest Deus: Si autem  
 in Dominum peccaverit vir, quis orabit  
 pro eo? An erit è Cœlitum numero ali-  
 quis, qui hujus generis rebelli veniam  
 impetrare contendat? Non equidem  
 existimem, novi enim, vel humana in  
 Republica lege vetitum, ne quis læsæ  
 Majestatis reo veniam à Principe exo-  
 rare labore. Et hoc summè Perduel-  
 lium è numero blasphemii sunt. *Quin-  
 to enim, ut docet Angelicus peccatum  
 contingit ex altiori fine, tanto peccatum  
 est gravius. Quem autem finem in ge-  
 nere mali sublimiorem præfigere sibi  
 homo potest, quàm ipsummet DEUM  
 contumeliâ afficere, & alijs se formi-  
 dabilem reddere non timendo. imò ir-  
 ritando ipsum totius universi Monar-  
 cham, eumque tantum non aperto  
 Marte aggrediendo? Et tamen hæc  
 est illa meta, ad quam collinat blas-  
 phemi lingua, ut antè dictum est.  
*Contra Omnipotentem roborata est. Re-  
 ctâ DEI contemptum spectat. Hacigi-  
 tur causâ, non, ut alia peccata, asserente  
 S. Bernardino, aut ex ignorantia, aut  
 humana imbecillitate nascitur, sed  
 ex pura malitia: ictus est, qui non  
 percussus tantum, ut jam dicebam,  
 sed rectâ in DEUM & tremendæ  
 ejus Majestatis autoritatem vibra-  
 tur.***



X. Atque hæc de objecto Blasphemix. Ab hoc si transeamus ad considerandam personam blasphemantis, an non quæremus statim: *Quis est hic, qui loquitur Blasphemias*. Quis est hic, qui non veretur despiciatui habere Regem illum, & Monarcham supremum, cui res conditæ universæ, etiam Cœlestes illæ nobilissimæ subditæ sunt, & trementes ei adstant? *Paventes ad nutum ejus*. Estne aliud tandem quàm tantillum putredinis, colore illitæ, frustum? Omnino, hoc est; est homo vilis, vermiculus humo sublatus, sordidus, abominabilis; homo undique stercus exudans. *Homo putredo, & filius hominis vermis*. Et tamen parum esset istud; nisi esset etiam homo summis favoribus à DEO affectus. Talis profectò est, quisquis Christianus est. Quare animum advertite, an non impietas, omnibus quidem blasphemis communis, immensum quantum in nobis crescat animi ingratisissimi auctario! si Mahometi aliquis, si deorum cultor barbarus, DEUM blasphemet, videtur id, nostrâ loquendi ratione, DEUS ferre ac tollerare posse: *Si inimicus meus maledixisset mihi, sustinuissem utique*. Sed quòd eum blasphemet homo Christianus; natus in ipsa DEI Regiâ, verâ inquam Ecclesiâ; nutritus ad Angelorum mensam SS. Eucharistiæ etcâ; Christianus DEI amicus ob gratiam, in sacro Lavacro collatam, ab eo adoptatus in filium, arcanorum ejus conscius, hæres Regni, obstrictus ad habendum cor idem cum corde JESU Fratris sui natu ma-

joris; ut, repeto, homo Christianus tot beneficijs ornatus DEUM blasphemet, quis tandem quoquo modo ferat? Enimverò profus mihi persuasum deo, cunctas omnino, cunctas res creatas, nisi earum impetum Divina cohiberet justitia, irruituras in hoc ingrati animi & audaciæ monstrum, & illud in mille frustra discepturus.

XI. In Quibuscosâ Hispaniæ Provinciâ homines duo audacissimi & consceleratissimi innexi invicem erant amicitia, qualis esse solet eorum, quos quilibet audiendi licentia copulavit: sed quàm illi sibi invicem carissimi, tam eos exosus erat DEUS ob Blasphemiæ insaniam & protervam assuetudinem, quibus, vel tantillum iræ perciti minorem habebant rationem Corporis DEI, & Sanguinis, ipsorum causâ profusi, quàm cœni, quod pedibus proculcabant. Quia autem, quâ ponit in Cœlum os suum Blasphemum, omnem DEI reverentiam exuendo, multò magis, Prophetâ teste, ejus etiam lingua transit in terram, homines contemptim irritando, ambo isti infelices ac execrati, graviter ipsos inter ac alios exortâ, vulneribus concisi in arenâ procubuerunt, non tam eorum quos provocârunt, quàm vindicis DEI dexterâ prostrati, quæ sibi ejus pugnx gloriam vindicare voluit. Vix enim sceleratam animam uterque efflaverat, cum undique omnes illius Provinciæ canes eum ad locum concurrere, cadavera illæ invadere, certatim discerpere, & minimas in particulas ipsa adeò nefandorum hominum ossa comminuerunt.

viri sunt. Non dissimili ratione blasphemios omnes cunctæ res creatæ tractarent, & toto è Mundo zizania hæc maledicta stirpitus evellerent, si cum ad DEUM non tacitis vocibus clamant. *Vis imus & colligimus ea?* eas DEUS non refrenaret ac cohiberet illo suo absolutâ autoritate prolato *Non*, quo uti consuevit, antequam tempus messis adveniat: *Et ait: Non.* Et verò an non & vos censetis Impios hoc omni dignos excidio! Revocate quæso in animum, ad quid populum Christianum elegerit DEUS, inter tot tamque diversos, tantum non penitus ab eo derelictos, populos. Electus est, ut ante alias Nationes omnes, Divinæ Majestatis laudes concinat, in hoc totius universi templo Sacerdotis quodammodo munere fungatur, & linguâ suâ non aliter, quàm vivâ acerrâ utatur ad laudum incensum DEO adolendum: *Vos autem genus electum, regale Sacerdotium, gens sancta, populus acquisitionis, ut virtutes annuntietis ejus, qui de tenebris vos vocavit in admirabile lumen suum.* Et ipsam hanc linguam, cujus est, Divinarum perfectionum & magnitudinis illius immensæ præconem agere, tantâ ipse est proterviâ, ut tollere contra DEUM & animare non vereatur, ad exuffiandum in DEI faciem anhelitum tam putentem, tamque pestiferum, ut hoc magis sætentem ne ex ipsis quidem sætentissimis Orci cloacis haurire possit? Prima pars, cujus dominum sibi vindicare in initiali illo Baptismi lavacro DEUS voluit, lingua est, ut nōstis. Neque enim cum in Templum infan-

tulus abluendus deferretur; mōx sacras undas capiti Sacerdos affundit, quibus purgetur à sordibus: sed primò ori tantillum salis, ritu soleanni consecrati, inserit, quâ cæremoniâ illud significare nobis vult Ecclesia; linguam ejus, qui Christo nomen dat, debere esse sapientem, moderatam, unice addictam gloriæ Divinæ propagandæ, ut rem ejus cultui jam sacram dicatamq; Quis proinde in totius Cœli oculis horror erit, videre hominem Fidelem, linguâ, tot titulis DEO consecratâ, abuti ad eum magis, quàm malus ipse Dæmon possit, ludibrio & contemptui habendum?

XII. Neque verò hallucinor, AA. dum assero blasphemos DEUM majori ludibrio habere, quàm ipse Dæmon habeat. Dæmon siquidem non nisi animo DEUM blasphemat, hi autem perfidi non animo tantum, sed linguâ etiam id præstant, stygijs sui Parentis eâ re desideria executi: *Vos ex Patre Jo. 8. 44 Diabolo estis, & desideria ejus vultis perficere.* Dæmon siquidem, qui animo tantum injurius in DEUM esse potest, id unice desiderat, ut sit, qui alio etiam modo, & scilicet voce ac linguâ, illummet despiciatui habeat. Præterea Dæmonum blasphemix ac maledicta in DEUM, culpæ quidem sunt; sed insuper simul habent rationem pœnæ; ac proinde si considerantur ut pœnæ, ex his quoque aliquid gloriæ DEUS obtinet; non secus ac Judicis gloria est, impiorum à se supplicio affectorum impropertis proscindi. At Christianorum blasphemix mera culpa sunt; Unde in his nihil DEUS habet,



habet, quod ipsi placeat, etsi ipsi hi  
 impij inveniant, quod ipsis placeat;  
 qui eò nonnunquam impietatis proficiunt,  
 ut sese de ijs jactitent, ut Mon-  
 strum illud septiceps in Apocalypsi fa-  
 ctitabat, quod singulis capitibus blas-  
 phemias suas, tanquam coronas, im-  
 posuerat, adeò in ijs sibi complacea-  
 bat: *Super capita ejus nomina blasphem-  
 iæ.* Denique si maledicunt Dæmo-  
 nes DEO, maledicunt promeritis ab  
 eo supplicijs mactati, & iduum atro-  
 cissimorum vim atrocitate maledicti-  
 onum & execrationum quodammodo  
 compensant. *Blasphemaverunt Deum  
 celi præ vulneribus suis.* At Christiani,  
 toto orco deteriores, quid faciunt?  
 maledicunt DEO dum illis blanditur;  
 illam ipsam manum amantissimam,  
 quæ cuncta largitur, invadunt & la-  
 cerant, illa ubera mordicus apprehen-  
 dunt, quibus suavissimè lætantur.  
 Quis igitur canis majorem in rabiem  
 agi potest! quàm ille, qui non solum  
 Patrem-familias mordet, sed etiam  
 tum mordet, dum panem hic illi por-  
 rigit?

XIII. Memini me legere de Popu-  
 lis Athlanticis, fuisse illos tam barbaros  
 & inhumanos, ut Soli eorum supra  
 horizontem exorto maledicerent.  
 Movit me initio vehementer, non ne-  
 go, ejus rei indignitas. Subinde ta-  
 men ejus causam vestigando affecutus  
 sum: *Usti*, scribit de ijs Historicus,  
*undiq; torrente fidere odere Deum lucis.*  
 Verberat miseros continuo Sol radijs  
 tam ardentibus, quàm ullam uspiam  
 plagam adurat: unde si malè illi di-  
 cunt, miseratione digni sunt; cum

ab eo se pessimè torrerent, & aduri sen-  
 tiant. Sed quid vester sensus foret, si  
 harum nostrarum Regionum inquilini  
 Soli maledicerent? nostri, inquam,  
 gentiles, qui sub Zona vivunt, quæ So-  
 lis radios experiuntur tam temperatos,  
 qui beneficia ab eo accipiunt tam mul-  
 ta, ne petita quidem; à quo tantum  
 accipiunt virium, tantum opum, tan-  
 tum oblectamentorum, ac deliciarum  
 valetudinem tam firmam, & constan-  
 tem? an non barbaries hæc foret non  
 ferenda? Jam prospicitis, quid com-  
 paratione istâ spectem. Mali Dæmones  
 pessimè volunt, & precantur Soli Divi-  
 no, cum in eos diffundat non radios  
 tantum vehementer calentes, sed ar-  
 dentissima iræ ac furoris sui fulmina:  
 ac proin si rabie in Deum vehementer  
 effervescunt, id mirandum non est:  
*Usti undique torrente fidere, oderunt  
 DEUM lucis.* Sed nos Christiani,  
 Fidei sinceræ lumine ab eo collustrati,  
 locupletati tantâ gratiâ, ad tam sub-  
 limem electi gloriam, tot saluberrimorum  
 inspirationum influxibus adju-  
 ti recreatique, unquamne poterimus  
 linguam nostram movere ad diras &  
 maledicta contra Solem tam benefi-  
 cum: *Væ provocatrix & redempta Sophi-  
 Civitas!* Væ tibi, Popule Christia-  
 ne, qui cum te videas tam multis cru-  
 ciatibus, tam copioso sanguine, amore  
 tam inexplicabili à DEO tuo redem-  
 ptum, audes tamen irritare eundem  
 linguâ tuâ potervius & atrocius, quàm  
 id faciat execrabilis Dæmonum turba,  
 quos redimere non est dignatus! væ  
 tibi misero, væ *Væ provocatrix & re-  
 dempta Civitas!* Quid ages ad restau-  
 randam

Apo-  
 13. 1.

Apo-  
 17.

Solin. v.  
 34.

3.

tandam amicitiam, quam cum eo in sacro Lavacro contraxisti, dum eandem nunc tam perfidè & protervè frangis?

*Ad amicum, etsi produxeris gladium, non desperes.* Ecclesiastici verba sunt, *est enim regressus.* Fili, si repentinè perturbationis impetu abripi te permiseris, ut stricto pugione peteres amicum, noli confestim spem omnem ponere; nam etsi amicitie vulnus gravissimum inflixeris, non est tamen plaga, quæ curationem non admittat: *est enim regressus.* At si amicum læsisti in honore, contumeliâ afficiendo, & infamiae notam inurendo, enimverò non haberem, quid tibi suggererem consilij; hoc enim esset lacerare vestem non confutilem, quæ acu filoque iterum consui non potest. *Ad amicum est concordatio:* sed audi ad rem nostram, quo casu sperari id non possit: *excepto convitio, & improprio.* Est autem Blasphemia *convitium* æquè ac *Improprium*: *convitium* quidem propter contumelias, quas in Deum jacet blasphemus: *improprium* propter injurias, quas illi maledicendo exprobrat. Non id quidem Spiritui Sancto propositum est, his loquendi formulis, ut ad funem & desperationem omnis veniæ blasphemus adigat, ostendere tamen vult, malum hoc esse, cui non tam promptum & expeditum sit remedium, ut sibi fortè non pauci eorum persuadent: unde ad id re ipsâ consequendum opus est, ut ad Medicum Omnipotentem confugiant studio longè ardentissimo; cum hujus dextræ nulla sit incurabilis plaga, etsi

102. aliàs talis habeatur. *Qui sanat om-*  
*R. P. Segneri Christ. Instr. Tom. I,*

*nes infirmitates tuas.* Atque ita apparet horrenda illius, de quo nobis sermo, peccati gravitas in ore hominis Christiani, ex illa malitiæ profunditate, quam blasphemia in se continet, & ex sublimi illo gradu, è quo homo Christo in Baptismo initiatus, præceps deorsum ruere non formidat: *Propter magnitudinem peccati, & propter altitudinem dignitatis,* Superest <sup>C.9. dist. 40.</sup> caput tertium, ex quo blasphemia culpâ quavis aliâ funestior & detestabilior dicitur; sunt autem effecta illa funesta, quæ caudatum hoc sidus ut infaustam appendicem post se trahit. *Gravitas peccati triplex, ex materia, ex parte peccantis, & ex effectu consequente.*

XIV. Duplicis autem generis hæc sunt effecta, alia culpæ, poenæ alia. Ad culpam, quod spectat, peccatum hoc publicum est, quod ignis instar serpit; eaque causâ lingua blasphemia verè dici potest *lingua inflammata à gehenna*: ejus enim idioma non tantum ut ignis, sed ut flamma propagatur. Discunt id natu minores, quia audiunt ex majoribus: proficiunt Dominorum magisterio famuli, & parentum verba parvuli balbutientes imitantur, jamque hæreditas est, quod, ut luem, oportebat, abominari. Quare si propagati incendij reus <sup>C. leg. antiq. tit. 2. l. 3. in leg. Vig. sigor.</sup> est, qui ignem suum accensum custodivit negligenter, quomodo non magis illius reus erit, qui dedita operâ illi spargendo manum commodat? Hoc autem est, quod impij isti blasphemi præstant. Unde quomo-



quomodo fieri potest, animas eorum non esse conditione deterrimâ, dum non suis tantum, sed alienis etiam noxis sunt onerata? *blasphemare faciunt Nomen Domini*: Non contenti suo ore DEO maledicere eos etiam, quia eate- nus id nesciebant, pessimam DEUM blasphemandi artem edocent.

XV. Sed hoc mali genus est, quod Impiis parum terroris incutit; noxa- rum suarum habere imitatores. Magis forsan terrebuntur poenâ, cui se obnoxios reddunt, eò quòd Patriæ exitium ac pestis sint: poena, quæ eos exosos omnibus, omnibus execrabiles, plus quàm ullum aliud Impiorum ge- nus, meritò reddat. Pictores, ut ven- tos magis furentes coloribus expri- mant, capita pingunt, clausum intus spiritum plenis buccis conatu maxi- mo exufflantia. Sed hoc pictoriæ ar- tis commentum est, ad quod adigun- tur necessitate illâ, quâ subicere ocu- lis debent, quod omnem ceteroquin aspectum fugit. Ceterum alijs omni- no è buccis, turbines omnes, omnes tempestates oriuntur: tales autem sunt buccæ blasphemantium. Si ani- mum advertere volumus ad casus si- nistros, qui sus deque vertunt pa- triam, si bella, morbos, contagionem, strages irreparabiles alias, facile vide- bimus, non aliunde ventos tam tur- bulentos & perniciosos crebrius aspi- rare. illud saltem certum, Impera- torum decreta blasphemias trium gra- vissimorum malorum causas agnosce- re: *Propter blasphemias, & fames, &*

*An-  
thent. ut  
non lu-  
xurien-  
tur hom.*

*terra motus, & pestilentia fiunt*: cum Divina se Justitia contra hos insanos

honoris sui aggressores armet, ut non solum stirpem eorum & posteros di- sperdat, tanquam exitialium vipera- rum progeniem, sed ut cum ipsis non raro Nationes totas extirpet. Unde hortante S. Chrysostomo, cum quis blasphemum os diducere auditur, par esset cunctos concurrere ad illud obtu- randum, tanquam portam, per quam omne genus malorum irrumpit. Ver- ba S. Doctoris sunt: *Obstruamus eo- rum ora, & tanquam fontes mortife- ros occludamus, ut penitus evanescant mala, quæ Civitates comprehenderunt.* Vanum est sperare, Dilectissimi, fo- re, ut unquam res secundo cursu flu- ant, priusquam buccæ hæ, tot tem- pestatum causæ, obturentur. Ob- tulit se aliquando videndum DEUS Roberto, Galliarum Regi religiosissi- mo, qui Regno suo pacem efficitim ab eo exposcebat; & in hæc illum verba allocutus est. *Roberte, pacem prius non habebis, quàm Regno tuo blasphemos expellas.* Quare si lites vos exhauriunt ad fundum, si mures, cicadæ, grylli sparsam sementem po- pulantur, si grando vastat vineas, morbi ac lues familiam pauca ad capita redigunt, nolite mala dun- taxat vestra & noxas deplorare, sed fontem etiam investigare, ex quo mala tam dira promanant. Et for- tè non longè eundum erit, ut hic inveniatur: incidetis confestim in fa- mulum aliquem sceleratum, aut si- lium sacrilegum, qui tot alijs ne- fandis libidinibus auctarij instar ad- dat blasphemiam. Hic igitur sistite.

*Ne desinas ab homine iniquitatis, qui Job*

*addit*

*Hom  
ad p  
anti*

*3*

*addit super peccata sua blasphemiam:* jam enim calamitatum, quæ vos premunt, originem detexistis: obturate os illud sacrilegum & scelestum; expellite vestris ædibus famulum, filium castigate, & confestim cessabunt sinistri illi casus; id autem nunc fiat, denuntio vobis, quod nec vobis secundæ res ituræ sint, nec ipsi etiam Patriæ; etsi nullius consciæ sceleris, quidquam jam ad votum cessurum. An nescitis, jussisse in Levitico DEUM, ut blasphemus omnis certatim populus lapidibus obrueret? *Qui blasphemaverit Nomen Domini, morte moriatur: lapidibus opprimet eum omnis multitudo.* Jubere poterat DEUS, ut tanti flagitij rei manu carnificis strangularentur, agerentur in crucem, jugularentur, capite truncarentur, quis dubitet? Nihil autem horum præcepit; sed præcepit, ut obruerentur lapidibus, & quidem à tota populi multitudine, cunctis in id operam suam conferentibus: ut constaret omnibus, tollere è medio blasphemum aliquem, non privatam, sed publicam causam esse, in qua certatim cuique laborandum esset ad alios incolumes servandos. Hinc etiam non eos tantum, qui Civium erant è numero, sed peregrinos, sed ea tantum iter facientes, saxea hac grandine eodem modo necesse erat opprimere. *Lapidibus opprimet eum omnis multitudo, sive ille Civis, sive Peregrinus fuerit.* Tantum malorum afferre potest integræ Provinciæ, etiam qui tantum illac transeat, blasphemus, Vos interim

denuò perpendite, quàm perniciosus hominum sæx ista sit, quæ tantum damni affert ijs, qui hospitio eos recipere non dubitant! Nemo non videt, Exulum primipilos, quos Divina Justitia suos in catalogos retulerit esse blasphemus: nec enim satis illi est, vocare eos ad supplicium, sed cum ipsis ad pœnas vocat, qui vel in Civitate eos suâ tolerant, ne dicâ, qui domo illos recipiunt.

XVI. Nec tamen hæc, quæ ipsos hoc in Mundo manent mala ac pœnæ, (ubi omnibus horrore debent esse, & abominationi, sic ut quisque quàm longissimè eos à se habere omni conatu debeat) vel sola sunt, vel præcipua: sed majora & atrociora sunt, quæ ipsos in Mundo manent altero, in quo aliud profectò, quàm extremam perniciem non habent quod expectent. *Homo qui maledixit Deo Levit. suo, portabit peccatum suum: Sic 24. 15.* Deus pronuntiat: nec enim infelix, peccatum suum post se hoc in Mundo relinquet, ut relinquunt illi, qui sincerè de admissis sub finem vitæ dolent, sed secum illud alterum in Mundum deferet. Quò autem deferret? ad abyssum illam usque inter Dæmones, inter æternum damnatos, à quibus illud, si dicere fas, velut commodatò acceperat. Neque hoc Divinitatis tantum augurium existimetis velim. Omnium vox est, quòd sicut semper in DEI laudes effusum esse, argumentum est faustissimum beato Cælitum Catalogo annumerati, juxta illud: *Bene. psalm. dicentes ei hæreditabunt Terram: sic è 36. 22.*



diverso indicium nimis quàm funestum æternæ Reprobationis est, DEO maledicere, ut mox idem Vates Regius addit: *Maledicentes autem ei, disperibunt.* Et verò, quænam alia, quàm Infernalis progenies illa esse possit, quæ non alio Idiomate utitur, quàm illo, quo totus infernus solo loquitur? O Blasphemi infelices! apparet enim verò plus satis, quàm Pertineatis ad patriam: lingua enim vestra manifestos vos facit. Jam lata est à DEO contra vos sententia: imò à vobis ipsis lata est, cum vestra vos lingua impios, consceleratos, sacrilegos, ingratos, Damnatis sup-pares, Dæmonum æmulos, præcursores principis Blasphemorum, quem olim tellus Anti-Christi titulo spe-  
 Job. 15. 5. ctabit, esse convincat. *Imitatis linguam blasphemantium; non est aliud, quod expectes, condemnabit te os tuum.*

## III.

XVII. Sed ne reos hos damnemus inauditos & tam formidandam contra eos feramus sententiam, audiamus, quid illi ad se purgandos afferre soleant. Sunt autem excusationum ejusmodi duæ potissimum: prima est prava assuetudo, altera præcipitis iræ impetus. *Vellem*, inquit eorum non-nemo, *non blasphemare, sed ita assuevi, nec emendare me possum.* Ad istud, quod spectat, non ego negaverim, si nonnemo proferendis injuriis in DEum verbis assuetus medijs utatur ad abstinendum ab ijs, quo ad ejus fieri potest, contingere haud difficulter, ut nonnunquam aut perturbationis impetu, aut assuetudinis suæ

pravæ vi sic obruatur, ut prorumpat in voces blasphemias, quin peccet, deliberationis sufficientis defectu, juxta illud: *Est, qui labitur linguam, sed non ex animo.* Aut si peccat, levio-re duntaxat noxâ se obstringat. At si is, pro eo, quòd odio in assuetudinem suam feratur, & medijs ad illam evellendam idoneis aptisque utatur, eam repetitis identidem actibus, nullâ emendationis curâ, auget, affirmo, quòd assuetudo prava tam non eleve- rationem culpæ, ut plus potius in eam malitiæ diffundat. Quàm bellè se purgaret fur ille, qui sic Judicem alloqueretur, *Ne me, quæso, jubeas in furcam agi,* jam enim diu est, quòd furtis assuevi. Quin vel hac causâ, reponeret Judex, dignus esses non uno pendere è patibulo, si è pluribus simul pendere Posses; quia alienæ rei rapiendæ assuetus plus nocet quieti publicæ, & illam gravius nocentiùsque perturbas. Ut rem verbo, peccare ex assuetudine in veterata, est majori animi viriùsque contentione, atque adeò atrocius graviùsque peccare, ut pridem Angelicus affirmavit.

XVIII. Ad præcipitem iræ impetum, quo alius quispiam linguæ suæ temeritatem excusat, quod spectat, dubium non est, illam blasphemiam, in quam ex fastu & timore animi quis prorumpit, ut magis consultò cogitatione profertur, ita haud paulò detestabiliorem esse illâ alterâ quam quis animi, iracundiâ perturbari, impetu effutit. Tamen quæ vesania est, id evincere velle, contumelias in

in divinam Majestatem jactas satis purgari ex eo, quod animo ad indignationem commoto prolata efferantur, cum ejusmodi indignantis animi impetus verba injuriola in hominem prolata non excuset, si quis iram atrocissimum in nostrum quempiam convicinum jaciatur, an nullo injuriæ sensu altum dissimulans omnia? an non potius sæpè pro responso aut pugnos, aut pugionum ictus reddimus? Et omnem culpæ rationem contumeliæ DEO illatæ tollat iracundia? Fingamus infimam ex plebe homuncionem aliquem, qui sordida oris incrementa principi in faciem exspuat, & factum excuset, cum dicto, se tussi laborare: an ideò facinus non luet? An non exprobrabit neglectam omnem observantiam & omnem humanitatem princeps, dicetque: Mortalium irreverentissime, an angulus deerat, in quem putida tua phlegmata ejiceret; aut an alius toto conclavi Regio locus illi dignior tibi visus non est, quàm ego princeps tuus? Si autem meritò sic in hominem invehetur homo, quid DEUS omnium Dominus reponet protervis illis, qui existimant, se infernale suum idioma purgare abunde posse excusationem tam frivolam, qualis est hæc, blasphemasse se quidem, sed iracundiâ impulsos? Quid, inquiet, cum trepidi, pallentes, palpitantesque ejus tribunali jam adstabunt? Quid? hominum impudentissime, an aliter exonerare iracundiam tuam non poteris, quàm sordidissimo ore tuo conspurcando divinum Corpus, divinum

Sanguinem meum? illum, inquam, Sanguinem, cujus vel guttula unica immensum quantum pretiosior est rebus omnino conditis condendisque omnibus? adeone despicibilis tibi evasi, ut opinione tuâ tellus hæc non habeat vilius quidquàm DEO tuo, Conditore tuo, Servatore tuo? Quid tunc reponent illi, quibus tam horrenda sacrilegia serviunt pro signo sensus ex molestiâ percepti? Nunc ipsi sic rem istam accipiunt, ut ipsi volunt; tunc in id intentos esse oportebit, quomodo & quo sensu eam Judex ipsorum sit accepturus.

XIX. Non id, inquit, his verborum formulis agimus, ut Deum despicatui habeamus, sed ut justum metum incutiamus subjectis, utque hi rem seriò agi certi sint. Itane, Dilectissimi, verba hæc perfidi Sacrilegij plena, prudens aptumque ad finem hunc consequendum medium vobis videntur, verba, inquam, quibus indigniora, atrocissimi, perfidiæ veneno turgidi, rabidi, indomitique, qui uspiam sint Cœli hostes, evomere non possent? *Damones ad Christi nomen exhorrescunt*, Sancti Gregorij Nazianzeni verba sunt, nos verò *Nomen adeò venerandum contumeliâ afficere non veremur*. Ideone Servator noster JESUS Corpus induit, ideò suum profudit sanguinem, ut liberis, uxori, ancilis, famulis terrorem incutiant? probaretis vos illius stoliditatem, qui, ut aves à seminibus terriculamento abigeret, Sacerdotis aut sacrificantis, aut alijs



ritibus defuncti ; pretiosissimas vestes & pulcherrimas , è pectinâ suspenderet ? An unquam ad finem tam sordidum abjectumque id ipsi permetteretis , quasi centones alij sordidi , lacerique domi non sint ad ejusmodi simulacra vestienda ? An alia verba desunt , ad bilem exonerandam , & familiares ad officium compellendos idonea , si res ita postulet , quin Cælum contumelijs laceffatis ? An autem vera insanix hujus causa comperta vobis est ? Non iræ impetus , non alios ad officium adigendi necessitas vera hujus rei causa est ; sed modicus ille DEI timor , modica , aut nulla supremæ illius Majestatis infinitæ cognitio : *Nescitis , quid sit DEUS , & quali debeat ore vocari* : ait S. Joannes Chrysostomus . Cum quis nos contemptim & nullâ reverentiâ nominat , non abique justo convicio illi ingerimus , ut pergit idem Sanctus Doctor : *Os tuum ablus , & ira commemora* : & nos ore impuro non verebimur Sanctissimum DEI Nomen pronuntiare ? protervi illi & impudentes , qui Christo in Crucem suffixo maledicebant , maledicebant illi , negare non possumus , liberè & respectu nullo : sed quâ causâ ? eâ , ait S. Ambrosius : quia transibant tantum , nec aliquam in eo contemplando moram trahebant : *Prætereuntes blasphemabant eum* . Si stetissent aliquantum miseri , & perpendifsent , ipsas illas tam crudeliter perforatas manus , lumen olim dedisse Soli , & nunc eidem illud eripere , ut tenebræ ante tempus ingruerent ; enimverò non blasphemâs-

sent Dominum tantæ potentix ; sed percussissent potius pectus suum , & confessi , eum , qui jamjam in trunco illo expirabat , verè Deum esse , veniam admissorum à se scelerum supplices potius rogassent , quàm ut sibilis illa suis ac cachinis congeminarent . Nec aliud ego ineptissimas ad excusationes repono , *blasphemo iræ impetu* . Itane , itane , iræ impetu ? si perpenderes Deum illum à te tam protervè & inhumanè contemptum , esse illummet ipsum , qui te produxit è nihilo , qui momento omni alit , conservatque , qui te tuetur , qui amore tam benefico te redemit , sanguine suo in lytrum oblato ; illuminet , qui non diu post Judex contra te feret sententiam , & sepulchro te , si ita collibuerit , ignis sempiterni condet , enimverò sanctè assero , te pro eo , quod sanctissimum ejus Nomen convicijs proscindas , aliud non facturum , quàm gemitibus , clamore sonoro , corde dolentissimo , misericordiam flagitaturum . Sed quia horum nihil in mentem revocas , nihil seriò cogitas , hinc preces supplices maledictis mutas : *Prætereuntes blasphemabant eum* .

XX. Cum pauculorum assumilitem quis movet , video vos sollicitè eâ cogitatione defixos , quomodo oblato aliquo munere concilietis Judicem , Patronos inveniatis , causæ momenta inculcetis , vos , vestrum negotium , vestra emolumenta ad nauseam & fastidium usque commendetis . Interim ira sic vos in transversum agit , ut jaciatis in Deum contumelias & convicia , etsi non ignoretis , esse eum ve-

strum

Matt  
22. 3Hom 26.  
ad Pop.

strum Judicem , & Judicem in causâ , quâ agitur de malo , quod caret omni remedio , Judicem severum , Judicem summum , à quo appellare & provocare non liceat. Equidem ne quis blasphemet ut perfidus Apostata , satis est credere ut verè Christianum. *Ann.* Confisceleratus quispiam aliorum flagitiorum cumulo istud addiderat , ut blasphemias etiam sibi redderet familiares. Detinebatur in vinculis in urbe Mexico ipsâ Christi Servatoris Cruciatibus recolendis sacrâ hebdomadâ : hâc igitur , tanquam tempore peccatis expiandis præcipuè destinato , à Sacerdote , ad noxas pro sacro tribunali aperiendas invitatus , protervè respondit , sibi ejusmodi remedio opus non esse. Saltem , reposuit Sacerdos , blandè hominem intuitus , si fateri noxas non lubet , molestum tibi non sit ex me audire , quanta tibi incumbat necessitas linguam posthac à crebris in Deum maledictis jaciendis abstinenti , qua hætenus tenon DEI solum patientiam irritasti gravissimè , sed socijs etiam tuis execrabilem te reddidisti. Tam non moverunt hæc hominem , ut frontem contumaciùs perfricans , imò , responderit , vel ideò , quia id tibi molestum video , plùs deinceps quàm unquam hætenus blasphemabo : & cum dicto tergum illi obvertit. Nocte proximè infecutâ , cum humi ille se bestię instar ad somnum capiendum abjecisset , prodeunt ex carceris angulo quopiam gemini prægrandi staturâ Dæmones , quorum unus accensam manu lucernam præferebat , vacuis alter manibus ad

blasphemum illum accessit , & è somno excitatum sic allocutus est. Tunc ille protervus , qui vel ideò blasphemando animum obstinasti , ut animi arbitro ægrè faceres ? en adsumus ad mercedem , quam promeruisti , exolvendam. Cum dicto hominem arripit , pilæ instar sursum projicit : & pondere suo deorsum lapsi os pugno atrociter contundit , ac tamdiu crudelem pergit ludum ludere , dum pessimè os illud tam impudens laceraret. Mox humi sedere compulsus ita probè contusum vi magnâ diducit , linguamque palato assuit. Videri dein desijt cum altero , qui lucernam tenuerat , misero illo humi , bovis instar in macello cæsi , abjecto , & intra dentes mugiente. Ubi illuxit , inventus est miser ita , ut dicebam , elinguis : evocatis proin & chirurgo , & Sacerdote , arte nullâ divelli à palato lingua potuit , manu Dæmonis affixa , dum infelix scelestam animam exhalaret. Supplicium hoc mite admodum fuit , siquidem illo miser in rem suam , antequam vivere desineret , usus est ; fuit enim hoc radicem mali aggredi , & ligare indomitam illam belluam , linguam , inquam , blasphemam , quæ omnino , feræ instar , in rabiem acta , quantò plus nocebat alijs exempli pravitate , tantò etiam crudeliùs in se ipsam peccato suo sæviebat. Si tamen vobis certò constaret , linguam vestram , quâ primum vice prorumperet in voces tam sacrilegas , statim assuendam palato , quin unquam deinceps , per omne reliquæ vitæ tempus , avelli posset , credámne futurum adhuc ex omni hoc numero



numero vel unum, qui tamen linguæ suæ hastâ, velut equestri in ludo, vellet decurrere, eamque in ipso Christi pectore frangere? Non equidem existimo, nec ullo modo induci possum, ut credam, futuram tunc ullam iracundiam, tam non sui potentem, ut ex ore hominis Christiani eliciat verba, quæ vel Atheum puderet proferre; & quomodo non pro eo, quod aliæ aliæque identidem excogitentur frivolarum tam abominandi abusus exculationes, omnis cura potius convertetur ad inveniendam illum stirpitum evellendi media? Nemo non imperare sibi potest, quo minus contumelias effutiat contra virum illustrem, contra Civem, quin & contra tordidissimam ex plebe aliquem, qui nihil illi faceat molestiæ, & imperare tamen, si velit, non possit, ne contra Deum illas effutiat?

XXI. Ne, quæso, Dilectissimi, ne quæramus rationes, quibus elevemus flagitia rei tam detestabilis, quam est blasphemandi mos; junctis potius animis & studiis, cum à nobis ejiciamus quam longissimè, priusquam Christus ad eum judicandum superveniat: *Blasphemia tollatur à nobis, cum omni malitia*; sic Apostolus hortatur. Expellatur blasphemia à vobis omnibus, cum sit peccatum, quod omne genus flagitiorum secum trahit. Ponderemus diligenter hæc verba, saluberrimis monitis referta, primò dicit, tollendam esse blasphemiam, *tollatur*: non ait, tollendos esse blasphemos: vult deinde: ut à cunctis tollatur, omnium enim res in eo agitur, ut ex toto uni-

verso extirpetur vitium tam è diametropo pugnans cum honore DEO debito, & mortalium salute; eaque causâ cunctos oportet jungi sancto fœdere ad illud, tanquam hostem omnium communem, expugnandum: Sacros Oratores quidem, ut illud impugnent linguâ è suggestis; Confessarios è sacris tribunalibus, præfules censuris, principes decretis; patres familias, acerrimè in eos invehendo, quicumque è suis ejusce culpæ rei deprehenderentur: ante omnia autem cavendo studiosissimè, ne sui pravitate exempli quemquam ad ejusmodi impietatem pelliciant. Quin & subditos ipsos par est exardescere sancto quodam fervore ad increpandos & corrigendos omnes, quicumque blasphemant, ut jubet Concilium Lateranense, etsi spes emendationis nulla affulgeat: quocunque enim modo res cadat, serviet lingua ejusmodi exprobrans ad reddendum DEO honorem, quem blasphemata lingua DEO abstulit; quin etsi fervore, tanti facinoris intolerante, progredieretur quis ad obtundendum pugno os ejusmodi sacrilegum, & sic obturandum, laudem ea res à S. Joanne Chrysostomo promereretur, imò non semel etiam suaderi posset: *Contere: inquit S. Doctor, os ipsius, & manum tuam percussione sanctifica*. Si cui tantum animi non est, ego saltem timidioribus suaderem, ut tacite secum dicant, cum blasphemantem quem audiunt: Heu linguam execrabilem! quantò præstaret te mille in frustra diffringi? itane tu Magnum illum Deum traducis, quem hoc ipso

Conc.  
Later.  
ult.  
Leon  
sess.

Hom.  
ad p.

momen-

37.  
23. momento totus Cæli exercitus Sanctum, Sanctum, Sanctum magnis vocibus proclamat ? *Cui exprobrasti ? & quem Blasphemasti ? & super quem exaltasti vocem ?* Cogita aliquantum, quis ille sit, quem tui tibi furoris metam constituis ; cogita, quàm dignum sit omni excogitabili reverentiâ ac gloriâ sanctissimum illud nomen, quod tu adeò indignè tractas. Dignum non vulgari laude est, injuriarum sibi illatarum esse tolerantissimum ; sed DEO illatas patienter ferre tam non mereatur laudem, ut animi potius ingratisfimi, ac perversi ; inâd tacitæ cum Inpijs conspirationis ac perfidiæ argumentum sit : siquidem rectè sensit Author Imperfecti.

Yom. 7.  
n Matt. XXII. Tollatur igitur abusus tam execrabilis, qualis est iste, maledicendi DEO, & tollatur à vobis. Hoc autem à vobis dupliciter accipi potest : primò ut eos significet, qui conjunctis studijs tollere debent Blasphemiam ; deinde eos, quorum à linguâ & ore tolli debet Blasphemia. Qui jungi debent ad eam tollendam, omnes sunt, dempto nen. ine, ut dicebamus : Illi, quorum ex ore tolli debet, Christiani præcipuè esse debent, quos inter tantò par est pluris æstimari DEUM, quantò hic ab illis clariùs cognoscitur. Id nî fiat, quam quæso vitam victuri existimentur ? plenam utique omnia malitiâ. Nec enim vitium hoc unquam solitarium est ; nam aut anteambulones habet scelerum omnium turmas, aut lequaces : eâ causâ, dicit Apostolus ; *Blasphemia tollatur à vobis cum omni malitiâ ;* quem enim

R. P. Segneri Christ. Inscr. Tom. I.

non pudet linguâ suâ tam contemptum & protervè habere ipsum DEUM, omnem humanitatis, ne dicam, Religionis, in DEUM sensum exuisse dici potest. Sed nec illud mysterio vacat, quòd Apostolus non dicat *cum omni iniquitate*, sed, *cum omni malitia* : id enim indicat, Blasphemiam non esse ex communi quodam iniquitatis genere, sed esse iniquitatem omnium, quæ cogitari possint, teterrimam, & ex eo genere, quod propriè malitia appelletur. Hinc advertite. Peccatum hoc à Christo dici *Irremissibile*, non quòd venia donari non possit sed quòd difficulter admodum venia illi detur ; haud aliter ac plagæ aliquæ *Incurabiles* vocantur : nam etsi hæ peritâ chirurgi manu nonnunquam persanentur, non persanantur tamen, nisi rarò admodum & difficulter. Et verò quo jure tandem quis velle potest, ut naturâ suâ dignum sit promptâ ac facili veniâ peccatum, in quo nihil invenit DEUS dignum ullâ miseratione, positâ licèt communi mortalium imbecillitate : Non enim hic ulla est utilitas : ex Blasphemiâ enim non est quisquam, cui lucri aliquid accrescat, præterquam Infernus : sed neque oblectamenti aliquid invenitur, cum lingua Blaspheuma absynthio tantum potetur. Honestas autem quomodo esse potest, cum non fortitudo, sed stultitia sit ac insania, DEUM ipsum aggredi ? *Qui contemnunt me, erunt ignobiles.* Blasphemi omnes vilissimi & planè infames sunt, si non natalium : operum certè

P



ac factorum ignobilitate. Si enim Lex eum infamem esse pronuntiat, qui Principi suo maledicit; vos ipsi judicate, minusque infamiae in eum redundet, qui Principum Principem, supremum Dominorum omnium Dominum, & totius Universi Monarcham blasphematur: illum, cujus throno omnium Regum throni comparati ne tantum quidem assurgunt, ut vel pro scabello ipsi servire possint! Atque hinc manifestum fit, Peccato blasphemiae bibi iniquitatem tanquam aquam puram, quae neque pretij aliquid, neque suavitatis, neque virtutis ad nutriendum habeat. Unde Divina Justitia tanto irritatur acerbius ad eum condemnandum, qui nihilo minus labra ad eam bibendam admovere non dubitat. *Condemnati erunt omnes, qui blasphemaverint te.*


Job. 13.  
16.

XXIII. Si proinde hoc est numero, quod bonus Deus avertat, essent non pauci, ad tam turpe vitium proni, nihil illi non agant, ut quam celerrime eo immunes fiant. Quam celerrime inquam; cum omnis quantumcunque brevis morula possit esse summe detrimentosa. Profligatae valetudinis argumentum est, respiratio frigida. Si frigeant manus, si pedes, nihil quidem id boni protendit: at non tantum mali, quantum frigida respiratio; haec si accedat, enimvero de sepulchro prospiciendum est, jam enim aeger cum morte luctatur. Idem ego de Animae malis pronuntio. Si manus usque adeo refrigerint, ut boni jam faciant plane nihil; si pedes, sic ut ne desiderium quidem super sit quidquam ex virtute agendi; malo omnino loco, & pessima condi-

tione sic frigentium res sunt, at si insuper & halitus hiemem spiret, si, inquam, non solum Deum quis factis suis operibusque non glorificet, sed etiam protervè & contumeliose verbis trahet, o vos miseros! Haec respiratio tam frigida, lethalis est: unde si haec respirandi ratio non mutetur confestim, fieri nequit, ut Anima longè absit ab exitio sempiterno.

XXIV. Tollatur igitur abusus iste, tollatur à vobis, DEO supplices accedite; poenale opus, non parum molestum, exequi decernite, quoties labi contigerit: quin & animi arbitrum rogate, ut suo ipse imperio simile à vobis opus exigat, majori quam ipsimet possitis, authoritate: omnem, vitium hoc serio emendandi, semitam, modum omnem celeres occupate; cum agatur negotium, ex quo pendet salus vestra sempiterna. Hoc nunc fiat, equidem jam videor mihi videre vos cum illis ardere, quorum in flammis unica & gratissima erit occupatio, doloris acerbitate illam admordere & discerpere linguam, quae diabolicis loquendi formulis illasmet accendit & animavit, & atrocioribus blasphemijs illam adaugere calamitatem, cujus ipsae blasphemiae causae fuerunt. *Comman- Apoc. 16. 11*  
*ducaverunt linguas suas pra dolore, & non egerunt poenitentiam ex operibus suis.* Sed quid poenitentiam speremus in Inferno? nunc nos admissorum poeniteat, dum displicere adhuc potest culpa. In Inferno agnosceatur, quantum mali culpa parturit: it, & tamen ipsa amabitur: tantum in damnatis illis animabus rabies ac furor poterunt,

Missor.  
l. 1. Prae-  
sug.



# DISCURSUS IX.

## De Imprecationibus.

**I.** **M**ontes ignivomi non semper supremo ex orificio flammæ Cœlum versùs evibrant, sed non semel quæsito alibi exitu ex latere sulphuream illam & piceam pestem, quam intimo sinu foveant, subiectos in agros ac villas effundunt. Nec dispar hominum iræ exardescuntium conditio mihi esse videtur. Non semper blasphemij cœlum irati petunt; sed crebrò, velut ex latere, in terras, nunc in familiares, & domesticos, nunc in alienos, terribilium execrationum colluviem profundunt; quæ & ipsa sulphurea ac bituminosa appellari potest, cum tantâ urendi ac nocendi vi polleat. Postquam igitur vidimus, quam detestabiles sint blasphemantium linguæ, res postulat, ut pari modo perpendamus, quàm linguæ tot execrationum & imprecationum feraces, quas crebris etiam quàm blasphemantium sacrilegia audire est, omni & ipsa vituperio dignæ sint. Propositum igitur est demonstrare, quòd plurimum referat, linguam freno in his imprecationibus proferendis moderari, duas maximè ob causas: quia nimirum plurimum non rarò damni ijs afferunt, contra quos vibrantur. Nunquam autem non perniciosissimæ sunt illis, à quibus proferuntur,

**II.** Ea verborum Divinorum vis est, ut quod dicunt efficiant: *Ipse dixit & facta sunt.* Si nivem DEUS nigram diceret, illa carbone nigrior evaderet: Si carbonem diceret album; hic confestim candore nivibus certaret. Videre hoc est diebus singulis in Sacramentis, in quibus, quidquid minister DEI nomine dicit, id ipsum confestim efficit. Unde si panem is in manus sumat, & Christi nomine pronuntiet: *Hoc est corpus meum*, facit, ut, quod antea panis erat, momento illo panis esse desinat, & Christi Corpus fiat. Hoc igitur loqui verè Divinum est; facere loquendo: atque hunc DEI Sermonem S. Ambrosius *De sacr. Operatorium* dixit. Sicut igitur, cui bene precatur DEUS, is confestim omni bonorum genere repletur; ita in illum omnia mala catervatim irruunt, cui DEUS maledicit. *A facie Jer. 23. maledictionis luxit Terra.* Talem vim humano sermoni non inesse certum est: imò quo ferè plus homines clamant & vociferantur, hoc efficiunt minùs; & quò latrant vehementiùs, hoc ostendunt apertiùs, se canum instar rabidorum quidem, sed annis gravium, edentulos esse. *Indignatio Is. 16. 6. ejus plus quàm fortitudo ejus.* Voluit tamen DEUS, ut humanus quoque sermo



non semel efficeret, quod precabatur malum; Tales fuerunt Vatis Elisæi voces, qui cum vix imprecatus malum esset pueris parvulis, qui ad insultandum ipsi egressi fuerant, vidit eos sine morâ à duobus ursis, suis è speluncis erumpentibus, discerpi ac dilaniari univertos. Ethanc vim DEUS verbis fervorum suorum fidelium confert; cum satis nôrit, eos ad imprecandum alijs non nocendi, sed juvandi & commodandi studio duci: nam etsi, quod optant, malum noceat corpori, Animæ tamen multum affert emolumenti. Sanctus Innocentius Abbas, cum Filium, quem antequam Divino se manciparet obsequio, genuerat, gravi se flagitio impiantem misisset, ad DEUM conversus: Mitte, aiebat, mitte O DEUS! ex Orco spiritum aliquem, qui animæ bono, corporis autem supplicio, in hunc filium meum invadat, quem non pudet tuis, O summe Pater! jussis & imperijs repugnare. Res mira! vix vir Sanctus loqui desierat, cum Juvenem illum hospes infernalis invasit tanto furore, ut necesse fuerit vinculis illum constringere, quin vel tantillum Patrens eâ re moveretur: cum charius huic esset, videre illum luctantem cum malo Dæmone, quàm à blandiente suâ carne prostratum. Nec miror, tantum virtutis à DEO servis suis communicari, cum eâdem operâ, dum precantur malè, bene simul precantur. *Judicavi tradere hujusmodi sabana in iteritum carnis, ut spiritus salvus fiat.*

III. Mirabilius illud est, quòd DEUS

vim ejusmodi illorum quoque verbis conferat, qui supra hominum vulgus virtute non assurgunt: confert tamen, justis ad id judicijs suis inductus, quæ adorare & revereri magis decet, quàm discutere. In egenis, pupillis, viduis cur id faciat, non procul petenda est ratio: facit id ipsis defendendis. Etsi enim miseri illi reprehendi mereantur, quando alijs armis, quibus contra potentiorum vim se tueantur, destituti, linguâ vindictam petunt; non tamen idcirco exequi desinit DEUS, quæ ipsi opprimentibus precantur mala, ut qui opibus valent, dediscant eos despiciatui habere. *Non relinquo quærentibus tibi retrò Eccl. 4. maledicere, Ecclesiasticus monet, maledicentis enim tibi in amaritudine anima exaudietur deprecatio illius.* Ad hoc affirmandum historiam audite, non parum mirabilem, quæ vos doceat, iram inopum non contemnere. Sub annum sexagesimum sextum suprâ millesimum ducentessimum; Margarita filia Henrici Ducis Brabantix, Florentij Hollandix Comitiss uxore, stipem rogata à pauperculâ, quæ geminam prolem uno partu effusam brachijs gestabat; eorum more, qui ad mensam ferculis instructissimam disertè de jejunio loquuntur, quod servare pensi non habent; cur, exprobrando dixit, si non habebas, unde te & liberos nascituros aleres, viro nubere temerè ausa es? Misera mulier, pro stipe, quam expectârat, hoc convicio onerata, irâ ita excanduit, ut ad Principem istam faminam conversa; faxit DEUS, responderit, ut pro gemellis quos ego peperî, tu tam multos parias, quot annus

annus dies numerat. Quis crederet? *is, in*  
 ratum DEUS votum habuit. Inhumana Princeps novem abinde mensibus *rg.*  
 die Veneris sancto trecentas sexaginta *l. r. 3.*  
 quatuor proles peperit, quæ vivæ *d.*  
 omnes, etsi mole tam parvâ, ut cunctas *ziti-*  
 catinus unus caperet, ad sacras undas *rd. in*  
 delatæ, hisque tinctæ paulò post *lg. de-*  
 cum matre suâ mortuæ sunt. Discite *ript.*  
 hinc an operæ pretium sit attendere, quomodo cum egenis & miseris loquamur, & an DEUS ratam habeat sententiam alicujus miseri contra eum, qui ejus calamitatem injuriâ illatâ exasperat.

IV. Neque tamen hoc alicujus momenti est, si comparetur virtuti, quàm DEUS contulit Imprecationibus Parentum contra liberos. Et quia hæc frequentes sunt, necesse est, vos deditâ operâ circa has diligenter edoceam. Pleni sunt Annales funestis eventibus, qui abundè demonstrant, quæ non consuetarum ejusmodi execrationum vis sit: unde vel Ethnici, solo naturali lumine collustrati, vehementer eas damnârunt. Plato septimo legum suarum libro prohibet, ne quisquam, quem prolem habere contigerit, unquam huic maledicat, ob eventus expectatione multò funestiores, quorum periculo præceps ejusmodi ira liberos exponat. Hæc autem tanta & tam prælens vis tria meo judiciò ad capita rectè revocari potest.

V. Primum est, quòd DEUS hac ratione tueri velit auctoritatem paternam, à discolorâ Juventute nullo sæpè respectu contemptam. Parentes in terris DEI locum obtinent: & his ut

nomen Parentis, ita & jus regendi suam sobolem commune DEUS esse voluit. Ius autem & Auctoritas ejusmodi, quam impunè alij non reverentur, vix vel in Theatro locum decentem obtinet. DEUS proinde ad illam inter hominem stabilendam, ut quæ ad rectam sobolis educationem tantopere necessaria sit, non rarò de cælo ratas habet in omnium oculis imprecationes illas, justo dolore extortas, quas Patentes DEI Vicarij in terris proferunt.

VI. Alterum caput, ex quo vis his Imprecationibus tribuitur, est ipsa male consulta & præceps Parentum temeritas, quæ meretur vel in innocente eorum sobole puniri. Non aliâ olim plagâ & suplicio, immitiùs DEUS in contumaciam Ægyptiorum animadvertit, quàm postremo, quod fuit, cædes omnium primogenitorum: hoc autem DEUS eos affecit, ut cognosceretur, quousque Divina se ejus justitia porrigeret; quòd nimirum vel in liberis eorum Parentes ad promeritam pœnam vocare possit. Sic Tertullianus observavit, qui argutè perpendit, DEUM, cum perfecta ipsi sit Parentum propensio, quâ feruntur in bona liberis suis procuranda, & avertenda mala; minari Parentibus sceleratis calamitates liberorum, Parentibus autem, qui DEO obtemperant, polliceri bona in liberos conferenda; ut Parentes, si quos ad obediendum DEO non movet proprior commodorum studium, moveat saltem ille amor, quo bona liberis suis optant. *Ult si Contra non Marc.*



*non sui, saltem liberorum amore, Divinis legibus obtemperent. Quæ sunt antiqui illius Doctoris verba.*

VII. Magni omnino momenti res ista est, & proinde conabor efficere, ut eam probè assequamini. Ponite igitur duplex pœnarum ac malorum genus inter nos inveniri, quarum aliæ animam, corpus aliæ afficiant. Malis, quibus anima punitur, ob Parentum delicta, si quidem S. Thomæ credimus, liberi ipsi à DEO non castigantur, nisi tum fortasse, cum & ipsi partem aliquam in Parentum peccatis habent: & hòc sensu dixit Ezechiel: *Filius non portabit iniquitatem Patris.* Ad alterum autem pœnarum genus quod attinet, eo sæpe liberi ob Parentum delicta puniuntur (ut pluribus locis Sacræ Literæ affirmant) & quidem nonnunquam usque in Nepotum nepotes, qui fermè ultimi esse solent, quos è se genitos intueri alicui datur. Legibus humanis non ita fit. Hæ enim Parentum delicta in liberis non puniunt, nisi sint læsæ Majestatis; in cæteris autem, quæ tam enormia non sunt, volunt non alios puniri, quàm qui re ipsâ deliquerunt. *Unusquisque ex suo admisso sorti subicitur.* Sed neque Parentum promerita in liberis humana Respublica remuneratur. DEUS proinde, qui ut munificentia nullis limitibus definita majora, quàm homines possint, largitur pro rectè factis præmia; ita & malè facta gravioribus pœnis Justitiâ suâ infinità plectere potest; minatur, quòd Parentes sceleratos ad nepotes usque nepotum plectere velit, quia ipse

etiam pollicetur, quòd eorundem rectè facta ad millesimam usque progeniem velit remunerari: unde cum dixisset: *Ego sum Dominus DEUS tuus, Exod. visitans iniquitatem Patrum in filios, in tertiam & quartam generationem eorum, qui oderunt me: mox addidit: & faciens misericordiam in millia his, qui diligunt me & custodiunt præcepta mea: nec perinde, ac illud eâ causâ, ut tanto vehementiùs Parentes impellerentur ad bene agendum. Cæterum, Ideo Filij pro Peccatis Parentum puniuntur, ut à peccatis Parentes abstineant, quæ sunt S. Ambrosij verba, nam Pater plus afficitur injurijs filij sui, maxime quarum ipse author existat. Igitur hanc S. Doctoris assertionem ad rem nostram applicando, en alterum caput, ob quod tantarum sunt virium imprecationes, quibus Parentes liberis suis optant mala; ut ipsi nimirum Parentes puniantur: & ex hoc fit, ut execrationum ejusmodi vim experiantur non semel proles suavissimæ, quæ suo ceteroquin candore & innocentia nullâ non benevolentia dignæ essent.*

VIII. Minus ne certahæc mea vobis videtur assertio? historiam audite, cujus sine tenero animi sensu meminisse non possum. In ditionis Lucensis villâ aliquâ mulier filiolam suam octennem, cum bilis efferverescebat, his identidem verbis alloquebatur: *Vade, ut lupi te devorent.* Contigit autem feriâ aliquâ die, Parente utroque in Templum ad rem Divinam audiendum profecto, solam domi manere filiolam: cum ecce lupa, quæ non procul inde in specu morabatur, solam

*Lib. de Noë. Arc. c. 12.*

*Abu. c. 34. Exod. q. 10.*

*C. vim. ff. de an.*

*Frantiotta in vit. S. Angela.*

solam præ ædium foribus puellulam conspicata, mordicus misellam arripuit, & cum mediam è vestigio devorasset, quod supererat, in antrum suum tulit, eo catulos, teneros etiamnum, pastura. Sacro peracto redit domum parens uterque infelicis puellulæ, & cum hanc non invenissent, ad eam quærendam quaquà versum mœsti discurrent: & en, semitam quandam notant sanguineis guttis aspersam, quæ in silvam ducebat: hanc dum insistent, vestes primò sanguine tinctas & lacerns reperiunt, mox etiam ad cubile usque lupæ progressi lupinos inter catulos partem capitis, & alias miseras innocentissimæ ceteroquin puellulæ reliquias offendunt, eo uno nocentis, quòd Matre esset genita, quæ linguæ suæ moderari nesciret. Fuit hæc laniena adolescentulæ miseratione plena, cum facile credi possit: ideo à DEO ætate illà tenerà sublatam è medio, ne cum annis materno magisterio ad maledicendum & ipsa proficeret: ad matrem quod spectat, fuit illa opus vindicis DEI Justitiæ, ut hoc illa quoque erudiretur, quanto opinione ipsius majus esset scelus, quod linguæ effrenis licentiâ admiserat.

IX. Tertium denique caput, propter quod DEUS ratas habet, & vim suam exerere vult, diras & execrationes, quibus Parentes liberos execrantur; est ipsa liberorum noxa ac scelus: vult siquidem hac ratione palam facere DEUS, & docere liberos, non aliâ ratione certius ipsos vitæ spatia prorogatueros, quàm si Paren-

tes diligenter observent: *Honora Patrem tuum, & Matrem tuam, ut sis longævus super terram.* Scribit S. Augustinus: viduam fuisse decem liberorum Matrem, ex quibus mares septem, femina tres: obfirmarant omnes hi animum ad non obtemperandum matri in re, quam ipsa imperaverat; unde Mater, in furem & amentiam acta, hoc ipsis malum imprecata est: Nulla vobis unquam concedatur quies; quia Matrem, quæ suâ vos alvo gestavit, tam non finitis quiescere. Hanc ad vocem, tanquam horrendum tonitru, consternati liberi planè omnes, totis cœperunt artibus contremiscere, & violentiâ tantâ agitari ac concuti, ut nunquam, ne quidem cum somnum capiebant, interquiescerent: pudore igitur suffusi desertâ patriâ per omnes Romani Imperij Provincias oberrârunt, viva ubique testimonia virtutis, quam in immorigeros liberos Parentum diræ haberent. Tandem cum octones vita in miseranda hac trepidandi contumaciâ defecisset, superstites duo, mas unus, & una femina, in divi Stephani Hipponi, ubi Episcopus erat Augustinus, æde sacrâ valetudinem pristinam, & ab irrequietâ illâ agitatione cessationem impetrârunt. An dubitatis porro, verè DEUS dixerit, quòd sicut *Benedictio Patris firmat domos filiorum.* Ita *maledictio Matris eradicat fundamenta?*

X. Vos interim Patres Matresque ex hac, quam recensui, hystoria, & ex multis, quas recensere possem, discite, quàm frivola sit illa exculatio, quam



quam vestrae praecipiti iracundiae, & inconsultis diris praetextis, dum dicitis : *Tam refractarios hodie liberos esse, ut non possitis non illis omnis generis mala precari.* Nam vel hac causa, quod refractarij, & ad omne scelus proclives sint, cavendum est vobis studiofiliis, ne adversa ipsis exoptetis; cum sic paratissimi sint ad execrationum earum vim sentiendam. Equidem quo fomes est siccior, & aridior, hoc citius & facilius ignem concipit, quem in eum conjicitis : atque hac causa id cavendum vobis studiosè, ne hunc illi, inconsulti admoveatis. Et quamquam non statim prolatis ejusmodi diris fieri videatis, quod optatis, idcirco credendum est, bruta tantum esse ejusmodi fulmina. Haud sanè ita se res habet : non in ventum prolata illa verba sunt, quibus maledicitis : carbones sunt, qui ignem conceptum tam contumaciter foveant, ut vix unquam extinguatur. Carbones accensi ex Junipero non semel annum totum, etsi defossi in terrâ, extincti non sunt : vestrae autem dirae & execrationes metuo, ne nonnunquam vim suam exerere pergant ad extremam usque & decrepitam ætatem eorum, quos estis execrati : quin propagare eam subinde poterunt ad feros usque posteros, sicut diximus solenne esse Justitiae Divinae, cum in posteris Majorum ac Genitorum delicta vult ple-

**F. 65. 7.** *tere. Retribuam in sinum eorum iniquitates vestras, & iniquitates Patrum vestrorum simul.* Addite, quod si pravi vestri sunt liberi, ut dicitis, tam non sitis eos meliores reddituri diris

eos devovendo, ut semper potius se ipsis deteriores sint evasuri; cum non corporibus tantum, sed & animabus liberorum pestem maledicta illa afflent : *Nequissimi filij eorum, maledicta creatura eorum* : ut Sapientia Divina loquitur : perinde ac si diceret : Progenies sunt hominum maledictorum à suismet Parentibus : *maledicta creatura eorum* : atque idcirco mirum non est, si Parentes ipsi suos scelerum immanitate vincant. *Nequissimi Filij eorum.*

XI. Quam igitur egregia est illa educatio, quâ Parentum aliqui castigare aliter liberos suos non norunt, quam verbis ? Spectant autem praecipue ad hanc catervam matres, quæ quod virum habent minus ad feriendum, cum jussa liberi detrectant, hoc sunt linguâ ad imprecandum promptiores. Aspidem marem ajunt duobus tantum dentibus instructum esse, cum famella quaternis armetur, ut videatur, natura docere nos voluisse, quanto procliviores ad maledicendum sint faminae, quam viri ; quæ suis diris ipsas etiam aspides crudelitate vincunt : cum aspides alienæ tantum prolis malo dentibus armatae sint, faminae verò in suammet sæviant. Atque non hac ullâ ratione est vera liberorum educandorum norma, linguâ contra eos uti, cum manibus agere rem oporteat : *Stultitia colligata est in corde pueri, ait per Sapientem DEUS, & virga disciplinae fugabit eam.* Perinde ac si quæreret : Quod erit efficax remedium emendandæ & expellendæ ex animo filij stultitiæ ? & responderet

Sup. 30  
13.

Prov. 20  
15.

106

ipse sibi. Non aliud, quàm manus virgis armata. Hæ enim non ejicient tantum illam, sed procul in fugam agent: *Virga disciplina fugabit eam.* Et verò, discite his ipsis è verbis, quàm nullo jure conqueramini, liberos vestros corrigi amplius non posse. Spiritus Sanctus non asserit stultitiam teneris liberorum mentibus insitam quodammodo esse, & in ipsis hærentem visceribus, *colligatam* tantum affirmat, ut intelligant Parentes sedulâ educationis curâ, & paternorum exemplorum vi rumpi posse funes illos: quibus alligata potius est, quàm adhærescat. Sed hodie ea vivimus tempora, quibus Parentes tam non ipsi liberos puniunt, ut ne ferre quidem possint eos à Præceptoribus ad committas pœnas vocari: & earum avium more, quæ corporis sui præpinguui mole frangunt potius ova, quàm vitalem illis calorem conferant, & sensim animata excludant; ipsi quoque mansuetudine parum consultâ opprimunt potius sobolem suam, & orco educant. Non mea, sed DEI hæc verba sunt: *Tu virga percuties puerum & animam ejus de Inferno liberabis.* Quâ manu filium percutis, hac eum arces ab inferno, ad quem non correctus rectâ perget. Sed non ego jam eorum probo feritatem & immanitatem Parentum, qui non mitius liberos, quàm faber incudem, assidue tidunt. Hoc non est verberare eos eo modo, quo Spiritus Sanctus, qui suavitatis & moderationis Spiritus est, cædi eos jubet. Hinc videre est, quòd non dicat, baculo abigendam in fugam, quæ

*R. P. segneri Christ. Instr. Tom. I.*

in corde pueri colligata est, stultitiam, sed *virga disciplina*; ut doceat, correctionis pœnam respondere debere finem, qui spectatur, qui non est occidere: sed erudire filium: *Si percussis eum virgâ, non morietur.* Illa potius remedia salubria sunt, quæ naturæ conveniunt, quàm quæ repugnant: nec alia correctionis ratio est, quæ est remedium delictorum: unde parvulis liberis domandis ars eadem adhibenda, quæ equorum pullis; his manu unâ blandiri oportet, alterâ virgam ostendere. Nunquam non præ oculis habenda illa, propria ætatis, judicii imbecillitas & inexperta simplicitas; nec eadem desideranda à cunctis domi exacta ad amussim disciplinæ ratio, ubi tam dispares ætate inveniuntur; sicut ipsæ etiam leges non easdem omnibus peccantibus pœnas statuunt, sed alias pro ætate: *Ætas tenella, aut florescens, mitius punitur.*

XII. Sed longius à semitâ me Parentes isti diris suis abduxerunt, quibus ut remedio utuntur ad liberos corrigendos, quòd tamen ipso plerumque malo pejus est: etiam aliò hac occasione evagatus sum. Redeamus igitur ad id, quod nobis propositum est. Abstinere profectò oportet quoad ejus licet, ab idiomate tam perniciosi ob mala, quæ inde in liberos promanant, sed non minus abstinere oportet eos etiam, qui Parentes non sunt, ob perniciem, quam aliis mortalibus accersunt. In sobole quidem & crebrius, & manifestius apparet detrimentum, quàm in aliis. Sed

*L. auxili-  
lium. ff.  
de min.  
§. in de-  
li&is.*



non ideò nullum infertur, quia non apparet: nam vel ideò venenum linguarum istarum serpentinarum appellatum est venenum aspidum: *Venenum aspidum sub labiis eorum*: quia occidit, & non apparet. Si tamen dubium, quod aliis inferatur, malum à vitio tam scædo vos non absterret, absterreat saltem certum, quò vobismet nocetis, malum: malum enim verò majus illo, quod timere à vobis possint quicunque, quos identidem diris ejusmodi fulminatis,

## II.

XIII. Utque ut certissimum habeatis, quod pronuntio, illud vobiscum animo reputate: quòd male precati alteri, peccatum sit mortiferum, quoties illud aut mali, quod optatis, parvitas, aut animi, quod loquitur parùm considerantis, levitas non excusat. Vos quidem promptissimam habetis delicti vestri excusationem: *Pater*, dicitis, *prorupi in has diras precipitis ira impetu: non animo tantum damnum re ipsa inferendi*. Sed in hoc multa occurrunt, ex quibus non facile me extrico. Primò quidem, induci vix possum, ut credam, vos, quoties ira concitamini, fixum semper animo habere, nolle vos inferri ea mala, quæ linguâ imprecamini. Quin imò plerumque tam vivus est in animo injuriarum, quas accipere vos putatis, sensus, ut credi vix possit, verba vestra bombum tantum esse, qui terreat, sine globo, qui feriat. Si erit vicinorum nonnemo, qui alterum ad Judicem deferat: hujus sententia

conipellet ad numerandum, quòd aliunde certò ille novit, se non debere; cùm irâ excandescens, *utinam*, precabitur, *hunc toc invadant morbi, ut in pharmaca expendere cogatur argentum omne, quo me emunxit*. Aliàs oviculam nonnemo rapiet: cùm mox: *Tot fures hi maledicti invadantur à Dæmonibus, quot ovis pilos numerat*: Et quæ sunt alia æquè stulta. Ego igitur considerando perturbationis vim, & verba, in quæ illius impulsu prorumpitis, vehementer metuo, ne, qui sic loquitur, seriò loquatur, & alteri ex animo optet malum, quod vindicandi furore illi imprecatur. Inter cunctas, seu terrestres, seu aquatiles animantes non est alia, quæ linguâ polleat, prædictâ tantâ vi penetrandi, quantâ piscis Purpura dictus. Sufficiat dixisse, non esse tam duram ullius è conchiliorum genere testam, quàm penitus penitusque non transforet. Non minore penetrandi vi valere videtur eorum lingua, de quibus dissero: tam profundè penetrat in optando malo, non corporis tantum, sed & animæ illius, quem devovet. Et vultis tamen, ut credam, linguam hanc non minus mollem ac blandam esse, quàm sit melitensis castelli? Repeto; non possum induci, ut credam.

XIV. Et quando unquam verissimilius apparet, sine peccato malum alteri optari, quàm cùm illud optamus malo Dæmoni, contra quem tot execrationum fulmina in sacris exorcismis vibrat Ecclesia? Et tamen vel hîc agendum cautè, cùm animus irâ exarsit: testa-

testatur enim Sacer Textus, quod *dum*  
 Tho 2. *maledicit impius Diabolum, maledicit ip-*  
 4. 96. *se animam suam.* Et ratio est, quia cum  
 1. ad 4. maledicere Dæmoni non possumus nisi  
 propter impietatem ejus, eo ipso, quod  
 Impius maledicat Diabolo, maledi-  
 cit & sibi ipsi; cum eum similitudi-  
 ne tam belle exprimat, ut vix filius  
 patrem tam ad amussim referre possit.  
 m. 2. *In quo alterum judicat, se ipsum con-*  
 1. *demnat.* De cerero execrari Diabo-  
 lum non licet cuiquam, nec ob ea,  
 quæ à naturâ habet, nec ratione mu-  
 neris, quod administat; quo tamen  
 uno fermè homines ad iram & im-  
 precationes concitat. Non ob ea,  
 quæ habet à natura: hæc enim à DEO  
 sunt, atque adeò bona sunt: non ob  
 manus Tortoris & Carnificis nostri:  
 sic enim non aliter eum quàm mini-  
 strum & lictorem Divinæ Justitiæ  
 considerare possumus, juxta illud:  
 77. *Immissiones per Angelos malos.* Quod  
 si ita est, quantò erit facilius, ut quis  
 debitos & præscriptos intra limites  
 non se contineat, cum simili de cau-  
 sa alium execratur Christianum, qui  
 quantumcunque alicui molestus sit, Dæ-  
 mon tamen nondum est.

XV. Est & aliud, ex quo conje-  
 cturam probabilem admodum cape-  
 re possitis; vos non seriò desiderâsse,  
 ut evenirent mala, quæ imprecati  
 estis; quia nimirum non diu post, ut  
 vos asseritis, vobis videtur, nihil  
 eorum vos cupere, maximè cum fi-  
 lios, Fratres, & alias similes perso-  
 nas, vobis aliàs longè gratissimas exe-  
 cramini. Verùm & huic excusationi  
 multa occurrunt, quæ reponam, Quid

enim refert, quòd non diu post cum  
 ad se redit mens, non optetis alteri il-  
 lud malum, quòd optaveratis tum,  
 cum illi malediceretis? satis est, id  
 vos optâsse tum, cum proferebatis ea  
 verba, etsi voto celeriter prætervolan-  
 te. Theologorum sententia est, quòd  
 si quem pœniteat voti, cujus se reli-  
 gione paulò antè obstrinxerat, certo  
 argumento non esse, id non satis deli-  
 beratâ voluntate conceptum fuisse;  
 cum ad hoc sufficiat assensus quilibet  
 brevissimus, & propè momentaneus,  
 etsi mox aliquem sui illius assensus pœ-  
 niteat. Nec aliud in re nostra tenen-  
 dum erit, ut gravissimi Doctores as-  
 firmant, quorum verba vobis abnu-  
 merarem, nisi vos de mea fide minimè  
 ambigere, existimarem. Unde illa  
 pœnitudo, quæ plerumque Parentes  
 ( & fermè omnes alios ) confestim  
 subit, argumento quidem est; quòd  
 cum resedit iræ impetus, malum à se  
 admissum cognoscant; at non inde ar-  
 gui certò potest, ne prius quidem &  
 cognitum, & concupitum fuisse ma-  
 lum, dum in diras illas proruperunt.  
 Potest quis telum arcu ejaculari, & mox  
 dolens optare, ne feriat, an idcirco di-  
 cemus non peccâsse, si cum res & ratio  
 non sinceret, illud est ejaculari?

XVI. Illæ tandem se purgandi  
 formulæ, aliquibus solennes. *Ma-*  
*ledixi præcipiti iræ impetu, non odio*  
*quo in Proximum ferar;* Etiam non  
 expediunt omnia. Re ipsa enim im-  
 petus ille rationis freno non coër-  
 citus nullo negotio facit, ut ira de-  
 in in odium degeneret, breve sal-  
 tem, mutetque noxam in grandinem  
 illam



illam tempestatem, quæ non nisi in pluviam, cum strepitu quidem & sonitu, sed absque damno cadentem, debebat desinere. Non ita facile est, ut vobis videtur, animi impetum effrenem, excusare culpam, propterea, quod tollat necessariam ad peccatum deliberationem & mali cognitionem: neque enim perturbatio ferme tanta est, ut omnem adimat rei vetitæ agnitionem. Vix ulla Eclipsis sic totum obnubit Solem, ut diem nocte permutet, nec brevi quidem temporis intervallo. Non ita fit: ac proinde, Dilectissimi, pro eo quod sollicitè quærat is rationes, quæ veri speciem tam exiguum habeant, ad elevandam abusus maledicendi turpitudinem: vellem equidem excogitare potius causas, quæ ad seriam vos emendationem impellant: aliàs væ vobis!

XVII. Utinam non lateret vos, quantam inferatis magno DEO injuriam, dum irati petitis, hunc lepra, illum gangræna, alium ulcus pestilens, mors denique alium invadat! Vos eâ ratione Judicis officium occupatis: DEO autem quam interim relinquitis provinciam? non aliam, quam Licetoris. An hoc meo ex sensu me proferre existimatis? enim verò ita pridem sensit Sanctorum Doctissimus, & quidem subtilissimè, Augustinus, *Certum est*, ait ille, *quod Judex homo, per se ipsum, reum non occidit. Judex dicit: Occide, & Tortor occidit.* Quoties igitur vestrum quis optat, ut DEUS e medio eum tollat, qui molestiam ipsi creat, quid agit?


loco illum ac gradu movere vult; & ex Judice Licetorem facere. *Et tu sermone quando dicis Domino: Occide inimicum de s. meum, te facis Judicem, & DEUM steph. quæris esse Tortorem.* Et hoc sit DEUM habere pro eo qui est? prò; quàm meritò hac ille ratione conqueretur! *servire me fecisti in peccatis Isa. 3. tuis: dum tam contemptam ad con-* 24. *ditionem eum redigere vultis, ut vestrum ipse Licetorem aut Carnificem agat.*

XVIII. Forsitan autem rem tam indignam ab eo petitis tacitè, sit ut præter ipsum exaudiat nemo? imò petitis voce tam sonora, ut nemo non exaudiat: cum vestras fulminare diras non possitis, sine strepitu & clamore tam sonoro, ut cunctos ad audiendum excitet. Hoc autem si accidat, ut accedit sanè quàm crebrò, an præter injuriam, quàm infertis DEO, non terret vos exempli, quo ad peccandum alios inducitis, pravitas? Heu miseros vestros liberos, teneros etiamnum! hoc cene est præclarum illud exemplum, quo ipsis faciem inde à primis annis præferitis? Istud vobiscum reputate, quod DEUS, dum vos eorum esse Parentes voluit, vos eo ipso constituerit vivam ideam, ad quam vitæ ipsi suæ rationes componerent, & moribus ad unguem exprimerent. At proinde dicite ipsi, quod quantumque peccatum vestrum sit futurum, si pro eo, quod ipsos doceatis loqui ut hominem Christianum decet; idioma à vobis condiscant, quod nisi audirent, vix crederent quemquam eo uti aut posse, aut vel-  
le?

n. l. 7. 0. le? Vidit olim Roma in ædibus nescio cujus Valerii Infantulam, quæ dentes matris ex-utero secum in lucem attulerat; & tantus eo prodigio terror ac consternatio urbi injecta est, ut tota esset in indagando, quid tandem mali ferale hoc augurium portenderet. Ego autem, parùm abest, quin dicam, hac nostra ætate infantes omnes jam probè dentatos nasci, & annos, dum dentes crescant, non expectare. An non enim quotidie observare est, quòd etsi per ætatem vix aliquam Apostolici symboli partem balbutire didicerint, nòrint tamen, cum bilem illis quis moveri increpando, mala ipsi varia imprecari, optare ut illum Dæmon auferat, ut paralyti, ut fulmine DEUS eum feriat, ut quotquot molestiæ aliquid illis inferunt, collum frangant, & his adhuc pejora? cur autem istud, & unde? hæc nimirum ex Patre, hæc & his similia ex matre audièrunt toties, cum illi in rebus contra votum cadentibus effervescentes; & malè dociles imitari didicerunt; Jure igitur meritissimò Sacer Vates linguas ejusmodi publicè maledicas sepulchris comparat, dum ex iis halius prodit tam pestifer, ut quoties aperiuntur, toties luem sanis afflent. Etsi tum maximè Parentum ori sepulchri nomenclatio conveniat, cum maledictis etiam turpia & blasphemia miscent, quæ vel coram prostitui pudoris mulierculis proferre pudor sit; linguæ sanè plus quàm semel carnales, quæ ætatulam etiam sceleris purissimam flagitia do-

cent. Ita pronuntio, quia ab hac turpia loquendi libertate facillimus est transitus ad turpia perpetranda: *licentia turpiter loquendi, sequitur & Arist. turpia facere.* Sic vel ille alienus à fide *Polir. c. ult.* pronuntiavit. Itane igitur vos vestramet sobolem docere vultis, mala perpetrare, dum docetis malè loqui? Vestra est illa lingua, quæ toties in Sanctissimo Evcharistiæ epulo DEUM recepit: & hac non pudeat ad verba tam fœda proferenda abuti? Qui sapieniam expuit, visceribus sanis non est, & qui maledictis etiam obscœna miscet, non potest non animum habere plenum illis sordibus, quæ per os, tanquam pus foetentissimum exundat.

XIX. Et verò non nocent tantùm exemplo iræ concitata Parentum linguæ, dum docent similia; sed etiam dum eundem furorem, eandem rabiem in eos propagant, quos diris suis compescere laborant. Mare concitatum vapores illos irritat, qui terræ visceribus clausi tenentur; hi autem *Arist. I. Meteor. c. 8.* velut in furorem acti, ipsas maris turbas ac tempestatem augment. Eadem familiarium fors est. In his majores mala precantur minoribus, & his diris isti concitati & exagitati respondent Majoribus; & respondent haudquaquam timidè: & en in Majoribus hac ratione geminatur tempestas ac furor; sicque indies longiùs è Christianorum ædibus Pax ac tranquillitas exulant.





XX. Deterrimum est, quod liberi ipsi exuta sensim reverentiâ erga Parentes, eò progrediantur, ut in eos diras retorqueant, quibus se devoveri audiêrunt, parum ad id attendentes, quanto magis ipsas illæ dedeçant. Si quidem etsi cum in ejusmodi voces prorumpunt, non desiderant ex animo, Parentes iis opprimi malis, quæ linguâ exoptant; non idèò non graviter delinquant in patientiæ leges, in pietatem ac reverentiam iis debitam, quibus post DEUM, tanquam causis sui esse, debent plurimum: quod si autem unquam etiâ verè hæc mala evenire desiderant, id sanè est longè pessimum. Prò quanta est inter Christianos inscitia eorum nominum, quibus obstringuntur his, à quibus vitam acceperunt! Sed si audire lubet, quod res est, hæ ipsæ tenebræ pars sunt pœnæ, tam gravi noxæ respondentis, quâ non pauci liberorum indies magis cæci oculos aperiunt nunquam; nisi cum Divino Tribunali sistuntur, vitâ interim perpetuò inter funestissimas has tenebras ductâ, inque iis vitam ipsam abrumpendo, eo planè modo, quem DEUS verbis illis formidandis minitatus est: *Qui maledicit Patri suo, & Matri, exstinguetur lucerna ejus in mediis tenebris.* Hic Spiritus Sanctus medias tenebras culpam appellat: primæ siquidem tenebræ illa inscitia sunt, in qua homo nascitur: ultimæ tenebræ sunt nox illa funesta, quæ Damnatâ ipsa etiâ Fidei lux extinguitur; mediæ autem tenebræ sunt vita in sceleribus acta, in quibus tandem moritur, qui tam omnem in se

pietatis scintillam extinguit, ut eos diis devoteat, quorum ipse beneficio diem aspexit.

XXI. Ex rationibus allatis hætenus, & aliis, quæ afferri adhuc complures possent, si molestus quis esse vellet, duos velim, Dilectissimi, potissimum fructus colligatis, quos ut afferrem dissertatione hac spectatam unice: Timorem, inquam, justum libertatis illius, quam linguæ vestræ ad hanc diem concessistis, & decretum firmum ac stabile illam deinceps solertiùs frenandi. Dixi, Timorem justum libertatis concessæ vestro ori, cum ex omnibus, quæ hucusque in medium allata sunt, primum sit colligere, quàm non difficulter contingere possit, vestris illis Imprecationibus noxam vos graviores consciscere, quàm primâ fronte videatur, tum spectando eos, contra quos diræ ejusmodi fulminantur, dum iracundiâ, tum exempli pravitate, tum aliis, quæ comitari plerumque aut consequi solent, damnis consideratis: sic ut dubium jam non sit, quod DEUS ipse asseruit, quod scilicet, *Maledictum frustra prolatum in quempiam superveniet: id est, superveniet ei, qui protulit illud.* Facile credi potest, nolle DEUM quemquam ex hac hominum progenie Cælo potiri. Aves, quæ rostro erant aduncos, & ad prædam duntaxat laniandam idoneos, inter victimas offerri DEO non poterant, tanquam immundæ: Metuo ego, ne idem fatum eos maneat, de quibus nobis sermo. Solet DEUS pro sua infinitâ Bonitate misereri peccantes, non nego.

sed illud etiam animo reputate, non minus illum miseratione eorum moveri, quorum damno peccamus. Et hac causâ non alia peccata minus paratam habent veniam, quàm quæ Charitati repugnant. Innuere hoc DEUS videtur, illo Sapientis effato: *Benignus est Spiritus sapientia, & non liberabit maledicum à labiis suis.* Quod idem videtur sonare, ac: Spiritus Divinus est Spiritus benignissimus: quid fiet igitur: non liberabit hominem Imprecationibus assuetum à poenis, quæ ob nocentem suam linguam ipsum manent. *Non liberabit maledicum à labiis suis:* nisi malimus magis ad literam intelligere, quod ab ipsis labiis suis maledicum non sit liberaturus. An non autem, istud suppliciorum omnium foret atrocissimum? Ego sanè non video, quâ severiore poenâ plectere istos DEUS possit, quàm ut sinat eos in pessimo suo maledicendi more inveterascere, quem inde à juventute contraxerunt: quem quidem morem ac assuetudinem excusare aliter subinde sacro arbitro non possunt, quàm ut dicant: *aliter se facere non posse: ita se assuevisse: ira impetu eo se abripi:* Sic ut denique turpi hoc ac noxio in vitio moriantur, quin unquam vero doloris sensu ab eo in vitâ abhorruerint. Ego sanè ejusmodi linguam in ore meo nollem: videret enim mihi esse non humanâ, sed serpentinâ linguâ, atrâ, calore ipso satis prodente malignitatem, quâ & ipsa intimè laborat, & quam aliis minatur.

XXII. Dixi secundo loco, carum mihi futurum, si tanquam fructum Dissertationis hujus meæ conciperetis decretum stabile & fixum, non peccandi de cetero hoc peccati genere; & quia seria hæc & constans emendatio tam facilis non est; finem Dissertationi huic imponam, docendo modum ac viam, quæ eâ in retinenda sit. *Linguam*, si rectè S. Jacobus sensit, *nullus hominum domare potest.* Quid igitur facto opus est? An desistendum à conatu irritò, & post multum laborem nihil penitus profuturo? Negat id Sanctus Augustinus, sed sicut ad domandum elephantem, equum, camelum, & quamvis aliam belluam, quæ nunquam eò reduci potest, ut ori suo frenum ipsa imponat, *quæritur homo*, ita ad domandum hominem DEUS quærendus est, *DEUS quærat, ut dometur homo.* Si proinde emendari vultis & corrigi, necessarium est, Divinam opem & crebrò, & magnis studiis implorare, demissè confitendo, quòd vestris viribus, vestro nisu id assequi non possitis, tum operis ipsius difficultate, tam pravæ assuetudinis vitio, quod difficultatem in duplum augeat. Precibus his ad DEUM suis necesse est vestram adjungere industriam, tantam omnino, quantam, dummodò velitis seriò, addere potestis. Atque ita, si re ipsâ liberari vultis usu hoc imprecandi pessimo, aut multam vobis ipsis poenalem imponite, aut cum animi arbitro transigite, ut ille certam poenam

Sermo 41  
de Verbo  
Domini.



pœnam imperet, quoties deinceps linguâ sic labi contigerit. Emplastrum hoc acre ac morficans sanabit, plagam & diuturnam, & continuo puris fluxu moleſtam, dummodo ejus usus conſtans fuerit; nec eſt, quod de eo ambigatis. Atque ita gemina hæc media, Divinam opem quàm ſtudioſiſſimè expetendi, & nihil non ex parte veſtrâ ad emendationem conferendi, præparabunt animam ad accipiendam à DEO gratiam illam ſingularem, ut ipſe regere ac freno circumducere linguam veſtram velit, tum maximè cùm iræ impetus aget præcipitem, & nunc ad dexteram, aliàs ad ſiniſtram illam movebit,

prout aut Divini obſequii ratio, aut proximorum commoda poſtulare videbuntur. *Hominis eſt Animam præparare, & Domini gubernare linguam.* DEUS, qui quod dicit facit, veſtris nunc linguis bene precando mutet illas ex pravis in bonas, & ex maledicis in bene precantes, ſic ut nunc non aliud, quàm fauſta omnia, etiam injuriâ laeſcentibus precari doctæ, mereantur benedictionem illam benedictionum omnium fauſtiſſimam, quâ DEUS extremo Mundi die Electis omnibus optimè precabitur, propterea quòd nullo non tempore eo affectu Proximos quo ſe ipſos, ſint proſecuti.



## DISCURSUS X.

### *De Juramento.*

*Arist. I.  
l. 7. hist.  
6. 10.*

**A**

Dmiratione non caret, quòd tot documentis ipſa nos Natura erudiat ad cautè loquendum. Imprimis enim,

ſi verum eſt, linguam inter omnia humani corporis membra poſtremam maternâ in alvo perfici, videtur illa non niſi ægrè dubièque admodum poſſe induci ad ultimam manum gladio formando admovendam, qui plerumque illi, qui eo nudo, & vaginâ ſuâ extracto utitur, plus detrimenti affert, quàm emolumenti. Deinde Infantulus vix natus os quidem ad ſtendum diducit, mox tamen illud etiam admotâ manu

tegit, tanquam demonſtraturus, quin tamen ſciat, quid agat, quàm neceſſarium ſit tacere, & quàm difficilè loqui vel inter lamenta. Quam proinde cauſam Lib. Virg. eſſe exiſtimatis, quærit S. Baſilius, ob quam Natura tot munimentis, internis atque ac externis, dentibus, inquam, & labris, linguam circumdederit? Factum id magno conſilio, metu nimirum, ne homo tam promptus ad excurrendum linguâ, definitos limites tranſiliat. Et verò an non videtis in limitaneis urbibus, quæ Provinciarum aditus tuentur, quot pontes verſatiles demitti, quot portas pandi neceſſe ſit, ut exiùs pateat? Fiunt hæc omnia timore hoſtium, in inſidiis

alicubi latentium. Si autem in communibus humanorum negotiorum casibus tam plena periculis est linguæ custodiendæ ars, vos ipsi judicate, quantò illa periculosior futura sit, cum in negotijs illis gerendis Divini Nominis autoritas interponenda est? An necessarium vobis non videtur, ut quis animo sit præsentissimo, omnes ad examen cogitationes vocet, verba libret omnia, in mentem revocet omnia ad deceptionem cavendam documenta; imò ut novum quodammodo præsidium, nova munimenta cum Sacro Vate à DEO petat, ne vel nolens labatur linguâ, ad cadendum tam pronâ; *Pone*

140. *Domine custodiam ori meo, & ostium circumstantiæ labijs meis.* Ita sanè fieri res postularet; atque hâc causâ tantò minùs ferendum est, tam pravum abusum irrepsisse, quem hodiernâ die vituperare constitui; est autem eorum, qui omni quasi momento jurant; sic ut multæ jurandi formulæ ob usum nimis frequentem, hodie potiùs adagij alicujus, ut sic dicam, vim, quàm juramenti obtineant, propriâ significatione amissâ. Videmus igitur, an dedoceri possitis abusum hunc, eademque operâ rectè jurandi usum doceri.

## I.

II. Rectè jurandi modum callere tam est necessarium, ut DEUS ipse suo magisterio docere nos illum voluerit: *Jurabis*, inquit, *in Veritate, & in Judicio & in Justitiâ.* Ut autem rem ipsam penitus intelligatis, opus est primò, explicare, quid sit Juramen-

tum; ne cum rerum nominibus res ipsas permiscentes non discernatis laceratas à serpentibus, mendacia, inquam, cum perjurijs confundatis. Jurare igitur, est vocare DEUM in testem alicujus rei dictæ, id agendo, ut ipse, tanquam prima Veritas falli ac fallere nescia, ratum habeat ac confirmet, quod quis protulit, quando postremo Mundi die quæcunque eatenus manserant occulta, necesse est manifestari. *Illu-*

*minabit abscondita tenebrarum.* Et idcirco necessarium non est hanc Divinæ authoritatis compellationem & inter-

positionem explicitam esse, & apertis verbis fieri; satis est esse implicitam, & non rectâ prolatam. Unde qui affirmat quidpiam per S. Crucem, per Virginem Matrem, per aliquem è numero Cœlitum, intelligitur rem à se dictam affirmare testimonio DEI suâ causâ in Crucem suffixi, Matrem suam admirabilem, aut hunc illumve Cœlitem ad Sanctitatem ac gloriam evehere dignati: Unde Juramentum non est, si quis dicat; *Per Conscientiam meam: In veritate: quàm verè sum honesti amans; quàm verè sum vir honoratus,* & quæ sunt aliæ similes affirmandi formulæ; nec enim apparet, quòd ijs vel ipso aperto vocum sensu, vel tacitâ saltem interpretatione quis velit DEUM vocare in testem rei assertæ; sed tantum quòd illam affirmare certitùs cupiat: perinde ac si quis palàm facere velit, verba sua in labris nata non esse; sed conformia cognitioni, quam de re habeat, & profecta ab homine, qui neminem un-



*Leff. c.* quam fallere & in errorem inducere studeat, aut conatus sit.

III. Istud porrò Juramentum ad propositum mihi scopum tria in genera distingui potest: in Juramentum nimirum Assertorium, Promissorium, & Execratorium. Assertorium est, cum quis auctoritatem Divini Nominis interponit ad confirmandam veritatem, præteritam aut præsentem. Promissorium est, cum eadem Auctoritate quis firmat promissionem futuri alicui factam. Execratorium tandem est, cum DEUS invocatur, non ut testis tantum, sed ut Judex, cujus tanquam justii vindicis poenæ se submittit, qui jurat, si sciens falsum dixisse deprehendatur. Hujus generis sunt illa: *Si sciens fallo, non adsit mihi morienti DEUS: membrorum usu destituar: debiscens tellus me absorbeat, liberos meos olim fame adactus devorem.* Et est perinde ac dicere: si mentior, DEUS, mendaciorum vindex ac conscius tanto meo malo palam me mendacem ostendat.

## II.

IV. Huic nunc fundamento fabricam nostram superstruamus. Prima itaque Juramenti conditio est, ut juretur cum Judicio: *Jurabis in Judicio*: quod idem est, ac caute & prudenter. Scire enim oportet, Juramentum non esse ex eo bonorum genere, quæ per se amari & appeti digna sunt. Juramenta, si Angelicus non erravit, pharmacoporum instar sunt, quorum usus est in supplendo fidei humanæ defectu, quæ sine his vacillat: *à malo est.* Quare sicut omne pharma-

cum suo tempore, suâ mensurâ, suo modo sumendum est, sic & Juramentum: non est illo utendum, nisi cum ad finem suum servit: aliàs, ut idem S. Doctor prosequitur, quanto majore ad sanandum vi pollet potio medica, quoque est pretiosior, tanto plus illa damni ac discriminis affert abutenti. An autem vos existimatis æquum esse, ut sacrosanctum DEI Nomen, quod utique & pretio, & virtute margaritam omnem vincit, quæ ad pharmacum consiciendum adhibeatur, ita temerè misceatur & nullâ curâ, ac si obvia omni in agro herbula esset? imò magnâ semper reverentiâ & honore tractandum est, nec illo utendum, nisi cum operæ pretium videbitur. *Qui intelligit, non in bonis, id est, per se appetendis, sed in necessariis jurisdictionem habendam, refrenet se quantum potest, ut non eâ utatur, nisi necessitas cogat.* Hanc in Juramento adhibendo regulam servandam S. Augustinus præscribit.

V. Qui vellet, Regem ipsum venire ad triobolarem aliquam litem componendam, an non is apertè demonstraret, parvi se tantæ Majestatis auctoritatem facere? Legum effatum est: *de minimis non curat Prætor.* Non decet ad litem ejusmodi definiendam descendere Magistratum non supremum, quanto minùs id ipsum Principem decet? Et tamen non desint, qui velint auctoritatem Divinam in re nihili interponere? Hoc sanè est, ostendere quòd minus quis nôrit, quid sit DEUS, quàm sciat, quæ sit Pontificis Maximi, DEI Vicarij, dignitas, qui exigeret, ut

*S. A. de serv. in mo. l. i. s. i. cit. tr.*

*2. r. 9. 89. ar. 3. c.*

ut hic nescio quas suas nugas ac jocos, Diplomate rite & solenniter obfignato, ratas haberet. Atque hæc est causa, ob quam in Sacra historia Servator nos jussit, *non jurare omnino*. Non quodd, ut Hæretici aliqui commenti sunt, Juramentum quodvis lege hac vetitum voluerit; sed quodd nollet Juramentum unquam familiari & quotidiano in sermone adhiberi, & velut ex recepto more; sed tum solum, cum gravia momenta id poscerent, morâ & consideratione tantâ, perinde ac si omni nobis esset Juramento interdictum: *h. 2.* hinc Apostolus nunquam nisi scripto *89.* jurasse scitur: *Non invenitur jurasse, nisi 2. ad scribens*: Calamus siquidem non ita præceps solet esse ac lingua, quæ tam est lubrica, ut anguilla instar, cum minimè reris, elabatur.

VI. Eâ etiam causâ Christiani videntes tam erant ab omni juramento alieni, quàm religiosissimi quique à perjurio abhorrent, ut de ipsis, Essenorum sub nomine, Josephus Hebræus refert: *Esseni jusjurandum quasi perjurium vitant*. Et verò sic fieri par esset, nec nisi necessitate ad jurandum induci quis se deberet sinere. *eccl.* Siquis à te petierit, agebat Philo, ut verum hodie juramento affirmes, promitte te id facturum, sed cras: & si cras ille redierit ad idem petendum, tu in tertium diem illum rejicito: *Si fortè differendo*, ut ille loquitur, *possis evitare ne jures*. Hæc jurandi parsimonia in magnum cedit Venerandi Nominis DEI honorem, quod hoc modo reveremur, ut decet: cum è di-

verso illa facilitas, in eo pro re qualibet nauci adhibendo, non possit non in ejus contemptum potius, quàm dignam æstimationem cedere. Sponsa, quæ nullo non die Nuptiali veste indueretur, & inter ollas ac cacabos, inter cantaros ac dolia, verbo, quolibet abjecto ac sordido in ministerio eam gestaret, ne illa nec vestis pretiosæ, nec Mariti rationem ullam habere diceretur. At si non nisi feriatis solenni ritu diebus, non nisi ijs locis ac ministerijs, in quibus illius labe aliquâ inficiendæ periculum nullum sit, veste hac induatur, non parùm honoris ac observantiæ eâ re Marito habetur. Non minus luculentum æstimationis de DEO conceptæ, & debitæ tantæ Majestati observantiæ ac reverentiæ argumentum est, difficilis illa mora, quam quis studiosè nequit, antequam ad jurandum induci se sinat, nisi aliud rei momentum ac gravitas postulet.

VII. Quis proinde non indigne-  
tur nostri temporis abusui, quo videntur sibi Christiani loqui & agere inter se non posse, nisi DEUM testem invocent ad quasvis ineptias ac crepundia? *Plura sunt juramenta, quàm verba*: Ut S. Augustinus loquitur. Hoc profectò est Nomen DEI eo loco habere, quo centonem aliquem sordibos tergendis destinatum; non ut pannum auro argentoque intextum tractare. Massagetæ ajunt, olim per Paludem Mæo-  
xidem jurare solitos: his proinde *Alex.* ab *A.* permitti poterat, ut rem quamvis *lex.* minimam jurejurando affirmarent.



Christiani autem, qui jurant per DEUM verum, quomodo non horrent ac refugiunt eum? Cœlo vocare interras propter rem quamvis putidissimam? Christianos veteres Annalium fide discimus, cum juramento firmare aliquid juberentur, templa accedere solitos, & ibi sacro quodam horrore ac reverentiâ perfusos, positis humi genibus, tangendo manu SS. Martyrum tumulos jurasse; perinde ac si non alio facile loco, sine contemptûs periculo, DEI Nomen invocare possent. Quin S. Cornelius Pontifex ac Martyr, & post illum Concilium Aurelianense illud præterea statuerunt, ut ne in sacrâ æde quidam juraret, qui cibi aliquid jam sumpsisset: *Honestum est, ut qui in Sanctis audet jurare, hoc jejuniis faciat*: perinde ac si ad jurandum eâ, quâ ad sumendum Divinissimum Epulum, præparatione opus esset; aut potius ne, ut S. Bonaventura cum alijs magni nominis Doctoribus observavit, cibus potiusve vaporibus illis suis rationem aliquantum obnubilando, periculo eandem exponerent minus consideratè Juramentum concipiendi. Quin imò Judæi ipsi tantæ sibi jam olim religioni ducebant proferre sublime & nulli communicabile DEI Nomen, ut soli Sacerdotes, & hi non nisi tum, cum ritu solenni in Templi adytis Populo bene precabantur, illud pronunciarent. Alias, cum inter legendum sacrum Codicem id Nomen occurreret, aliud ejus loco substituebant, alijs etiam commune, non DEum, sed Dominum appellando. Hæc nos audiamus, & non

2.2.9.5.  
e. honestum.

Abul.  
Exod. c. 6. & Levit. c. 24.

pudeat nostrorum temporum, quibus eò ventum est, ut vilissimus quisque nebulo identidem pro libidine impuro illud ore pronuntiet? An non sunt plurimi, quibus tam sæpè, tam contemptim Christi Nomen in ore est, ac si lurconis, lixæ aut vilissimi scurræ nomen esset? Et hi scilicet abundè se purgent, si dicant; motam sibi bilem esse; fidem nisi jurantibus jam nullam haberi?

VIII. Sed parcius ista: ad iram enim quod spectat, velim sciatis, si commota vobis contra alium bilis est, DEUM quoque momento eodem haud paulò justius ac vehementius vobis irasci, dum videt vos omnis erga sanctissimum Nomen suum reverentiæ oblitos? quo audito vel Infernus contremiscit; nihili admodum facere, quæcunque ille dira & immania, ad tanti nominis partes implendas, pro vobis perpeffus est. Ne vos, quæso, oblivio capiat illius, quod in Deuteronomio legitur: *Non erit impunitus, qui super re Deum vana Nomen ejus assumpserit.* Nolite 9. in animum ullo modo inducere, vos impunè laturus: nec enim id fiet: nolite errare, nolite credere, in ventos verba illa vestra spargi, memoriam superesse nullam: cuncta memores in tabulas referuntur: iisque apud Divinam Justitiam tanta contrahuntur nomina, ut ijs olim expungendis stridere & gelido undique sudore perfundi necesse futurum sit. Hæc quæso attento vobiscum animo reputate, & natus inde horror suo gelu temperabit ardorem bilis accensæ, quem vos tam pravo abusui prætexitis.

IX. Altera excusatio, quòd fides, nisi jurantibus, non habeatur, magis etiam explodi meretur: An enim æquum est, ut vos fidem dictis vestris concilietis, DEI Nomine abuti, & ejus honorem negligi ac conculcari, ut vester illæsus servetur? quid hoc aliud est, quàm ex candelabris, & Calicibus Altaris aureis conflare vomeres, quibus agri vestri terram proscindatis? quid aliud, quàm maximis impendijs, & sumptibus tantillum lanæ caprinæ velle emerari? Quamquam repetitis opportunitate qualibet levissima Juramentis ne id quidem, quod spectatis, consequi datur. *Juras tu*, dictum olim fuit Romæ cuidam, cui Catbo nomen, *Juras*, inquam *ut fidem dictis certiore adhibeam; & ego vicissim juro, quod nunquam tibi credam minus, quàm cum juras*. Nihil constantius à nobis dicta affirmat, quàm vita ex virtute acta, & veritas semper sincerè asserta: & hæc est lex illa, quam Solon, inclitus ille Legislator, subditis suis tulit: sic vivere, ut ad fidem obtinendam necesse non sit jurare. Non nisi verum dicere solito, sit injuria, si vel simplici ejus assertioni fides non adhibeatur, qui autem mendax esse noscitur, huic ne in publicis quidem tribunalibus jurato creditur. Hinc dicere non nemo consueverat: Cave arcana tua cujusquàm alterius auribus committas: si tamen tacere illa non potueris, viro illa mendaci confide; hic enim si ea manifestarit, nemo illi credet. Nihil igitur valet utraque hæc excusatio. Atque adeò tam vos decet esse alienos à veris etiam juramento promptà voluntate affir-

mandis, ut potius cùm vel res postulat, non facilius ad jurandum inducamini, quàm alius ad equuleum. *Juramentum*, ajebat Veterum Sapientum *arch. in* aliquis, *homini libero pro tormento est.* *quest.*

## III.

X. Quæ tamen dicta sunt hæcenus haud paulò minora sunt ijs, quæ dicere me oportet, de Juramentorum abusu. Cùm denique Juramento sola deest prudentia & cautio, malum id quidem esse nemo nescit: est tamen malum inter cætera tolerabilius: dum naturâ saltem suâ noxæ gravis rationem non continet. Multò, sine omni comparatione, deterius est, si etiam Justitia defuerit: *Jurabis in Justitia*. Jurare autem in Justitiâ est juramento asserere res licitas, & quas præstare sine offensa Numinis liceat: id quod maxime in Juramento promissorio locum habet: unde si res, quam quis ejusmodi Juramento promittit, aut minatur, lege Divinâ graviter vetita est, Juramento promissionem aut minas tales affirmare, DEI Nomine interposito, grave perjurij peccatum est. Et verò hoc ipsum noxæ genus est, quo se Christianorum è numero complures sæpè admodum obstringunt, quos cùm vix tetigeris, vix tantillum moveris, mox paludis instar putidissimæ fæctorem horrendum fursum exhalant. *Per corpus*, inquiunt, *DEI, non seres impunè: Per sanguinem DEI dabis mihi pænas.* *Quam vero DEUS est, tam injuriæ non obliviscar, nec veniam dabo unquam.* His, & similibus formulis hodie multi utuntur; hæc autem uno in peccato malitiam involvunt geminam. Prima est, obstinata



illa vindictam sumendi voluntas, contra quam DEUS iussit: altera gravior, est testem voluntatis tam consceleratae vocare DEUM, qui illam tam vehementer exosus est; & abuti autoritate Divinâ ad affirmandas violationes legum ab ipsa latorum. Parentem cogitemus virum honoratum, qui filiae suae prohibeat, ne lictori nubat: si tamen hæc non solum pergat contumaciter hunc maritum velle, cum summo familiaris & agnatorum probro; sed Parentem etiam cupiat Matrimonij contractui testem adesse, an non contemptum ac injuriam illa geminat facinore tam indigno, quam jam aliâs, justo imperio spreto, eidem infert? nemo est, qui dubitet. Quare cum reos vos pro sacro Tribunali agitis, nōsse vos velim, exigere confessionis integritatem, ut geminam hanc actūs tam turpis malitiam distinctè explicetis: nec satis erit dicere ac fateri, quod Juramento se quis modo non debito obstrinxerit, sed explicanda etiam est mali quod facturum se quis juraverit natura; dicendumque v. g. *Juravi quod velim e medio tollere inimicum meum: juravi nolle me dimittere pelicem, & quæ sunt alia ejusmodi.*

*S. Th. 2. a. 9. 89. 4. 7. ad 2. 2. 2. 9. 110. ar. 3. ad 1. 1. R. 2. 17.* XI. Præterea nemo sibi ullatenus persuadeat, se ea, quæ malè juraverit teneri ipsâ exequi. Alia omnia oportet facere: quod enim non absque peccato promissum est, multò minùs absque peccato executioni mandabitur. Hinc quàm laudatur sapientia Davidis, qui cum malè consulto iræ impetu jurasset, se totam stulti Nabalis progeniem extripaturum, precibus

tamen supplicis Abigailis vitam & Marito, & totæ familiaris donavit; tam reprehenditur Herodis impietas, qui cum temerè jurasset, se facturum quidquid vanissima illa puella saltatrix Herodias postulasset, stetit Juramento, & ut erat rogatus, sanctissimum Præcurso-rem capite truncari jussit. *Temerè juratur, & impiè, quod juratur, servum in Δ impleretur.*

XII. Ea hujus Juramenti vis est, ut præstanda sint, quæ promissa sunt, honesta; & tunc, nisi interim rerum status ac conditio mutetur, præstituto tempore ad amussim implenda, maxime ubi de Proximi commodo agitur, sic ut stare Juramento cum ejus conjunctum sit emolumento, non stare verò, cum ejusdem detrimento: hinc fides jurata vel alienis à verâ Religione servanda. Multis quidem gravibusque supplicijs vindex DEUS variorum Hebræi Populi Regum scelera punivit: in nullum tamen eorum inimicius severiùsque animadvertit; quàm in Regem Sedeciam. Exutus Regno brevissimi temporis intervallo vidit corporis sui custodes profligatos, Ministros & Aulicos circa se nullos, Civitatem everfam, Templum fuomet scelere in cineres subsidere, Clientes abstrahi in vincula, filios in Patris oculis jugulari, eosdem mox oculos sibi erui; vitæ denique gratiam non ob aliud fieri, quàm ut inter compedes & vincula dirissima lentiùs moreretur. Quæ autem pœnarum tam atrocium causa? non alia, quàm quod non steterit Juramento, quo Regi Idololatæ se devinxerat, Nabuchodonosori, inquam, Baby-

h. Babylonico. *Spreverat enim Sedecias*  
 18. *Juramentum.* Tam rigidè debitum suo  
 Nomini honorem tuctur DEUS, ut eor-  
 um etiam causæ favëat, qui non DEI  
 minùs, quàm hominum hostes sunt,  
 quando de perjuris castigandis agitur:  
 qui sanctissimum illud Nomen despi-  
 catui habuerant. Unde non erit dif-  
 ficile conjecturam sumere, quàm meri-  
 tò timere debeant Juvenes illi, qui to-  
 ties puellæ alicui promittunt jurati, se  
 eam ducturos; ut sic incautam facili-  
 ùs implicant laqueis, quos tendunt:  
 subinde autem, cùm eruperint miseræ  
 quod habebat pulcherrimum & opti-  
 mum, innocentiam, inquam, & pudorem  
 virgineum, ex furibus perjuri negant se  
 quidquam promississe, ne reddere co-  
 gantur. O mortalium miserimos! au-  
 diant, quid per Vatem Ezechièlem pro-  
 nuntiet DEUS. *Qui dissolvit pactum,*  
*nunquid effugiet?* & post pauca: *Vivo*  
*ego, dicit Dominus, quoniam Juramen-*  
*tum, quod spreverit, ponam in caput ejus.*  
 Faciant, quod lubet, nebulones menda-  
 cissimi. Non deerit tribunal, ad quod  
 eos delusa Puella citet; etsi humanis  
 Tribunalibus illudant, aut pretio eo-  
 rum sibi favorem concilient: Divi-  
 num non effugient, quod ad necem  
 19. eos vocat: *Implacabilis est DEUS ju-*  
 20. *ramentis contemptis:* quæ sunt S. Joan-  
 nis Chrysostomi verba. Vigeat in  
 Ægypto lex, ut quisquis per salutem  
 Regis jurasset, nec tamen stetisset ju-  
 ramento, extremo supplicio circa om-  
 nem vitæ spem afficeretur; si vel  
 tantum vitæ servandæ auri gemma-  
 rumve pondus promississet, quantum  
 molera corporis sibi adæquaret. Et

credam ego, DEUM minorem hono-  
 ris sui, ludibrio spreti, rationem habi-  
 turum, quàm habeant mortales terræ  
 Reges? Non ita fiet, non fiet: Unde  
 mihi certò persuadeo, Proditores illos  
 ac perjurios, de quibus nobis sermo, si  
 quando DEI miserationes implorave-  
 rint, aut sordâ zure negligendos, aut non  
 nisi ingenti piorum operum cumulo  
 numerato & persoluto, quod petunt,  
 obtenturos. *Implacabilis est DEUS*  
*Juramentis contemptis.*

XIII. Ultima tandem Juramenti  
 conditio, præ cæteris requisita, est  
 Veritas: *Juretis in Veritate.* Non  
 est proinde ferenda tam multorum  
 inscitia, qui quidquid mentientes ef-  
 futiunt, paulò post Jurejurando af-  
 firmant: *Per Christum, ita & non ali-*  
*ter se res habet; Per DEUM, quem*  
*adoro: Tam hoc verum est, quàm verè*  
*DEUS est.* Evomunt hoc tam no-  
 xium venenum petinde, ut aquam,  
 & purgant se, cum dicto: *Nemini*  
*cuiquam id nocere.* Si ita esset, posset  
 in frustra diffingi Crucifixi DEI si-  
 mulacrum, & pro auctario pedibus  
 conculcari, & dici deinde: cui tan-  
 dem istud nocet? si alijs quis non no-  
 cet, immensum quantum tamen nocet  
 Animæ suæ, simulque gravissimâ ini-  
 uriâ afficit DEUM Universi Con-  
 ditorem, non aliter, ac mendacem  
 aliquem, eum habendo. Dicat quis  
 viro Illustri, illum apertè mentitum  
 esse; subinde autem ex eo quærat,  
 cui eà re damni aliquid illatum sit?  
 Haud paulò majus malum ille existima-  
 bit mendacij labem sibi afflicatam, quàm  
 si luculentum aliquod vulnus accepisset.

*Abul.*  
*in Deat.*



2. 2. 7.  
98. 4. 3.  
ad 2.

Rem igitur momenti exigui esse, quam falsò affirmatis, tamen non minuit deformitatem & malitiam perjurij, ut augeat etiam. Sic Angelicus censuit, qui idcirco docet, affirmare jurejurando mendacium jocosum, magis Divino Nomini injuriosum esse, dum nullà necessitate, imò nec utilitate, DEUS rem falsam testari jubetur: perinde ac si aliter jam tempus fallere non possumus, nisi DEUM eorum, quæ joco falsa asserimus, testem esse velimus.

XIV. Pari ratione vehementer falluntur, qui ut alium gravi malo, ob delictum aliquod subeundo, liberent, à transstris v. g. tiremium à carcere, à funis supplicio, non dubitant coram legitimo Judice ejus Innocentiam jurati asserere, quem nòrunt esse Reum: nec dispar eorum conditio est, qui ut filium parentis inopis juvent ad Sacerdotis gradum dignitatemque consequendam, testantur, dotatum illum esse patrimonio ad eum finem sufficiente; dum nòrunt, id non esse sufficiens: & si quis eos ob noxam illam reprehendat, respondent, se charitate in proximum impulsos ita jurasse. Itane, Charitate? videte per DEUM, quid hodie Christianæ Charitatis superfit, postquam ejus tantà ex parte jactura est facta! si egenus quispiam mittat ad petendum ab ijs panem, varia caulantur, quo minus dare illum possint; at si fictus quispiam amicum Animam ab ijs petat, ut Dæmoni illam dono dent, nihil cunctati eam concedunt. Quòd alienæ indigentiae subveniatis, probo; si

tamen id non fiat cum vestramet perniciem. Æquumne vobis videtur, ut ob agnati alicujus, alicujus Civis, aut alterius cujusvis caducum bonum, vos Cœli jacturam faciatis? Charitas est, ad pileum socio in mare delapsum recipiendum, aquas illas natando ingredi: at fluctibus hauriri se sinere, ne pileus pereat, plùs quàm palmaris insania foret. Hoc autem est, quod vos agitis: eo tamen discrimine, quòd vos præcipientes agatis vosmetipsos in mare igneum, omnibus stultè perjuris accensum.

XV. Si autem eò quis progredere-  
tur, ut coram legitimo Judice peje-  
ret, non ad tegendam noxam Rei ad  
examen vocati, sed ad opprimendam  
Innocentiam alicujus Justi, quis ex-  
plicet, quanta ejus peccati, & quàm  
horrenda esset deformitas? Viperæ in-  
star esset scorpionibus pasta, & in-  
de præsentissimo veneno plenæ: dum  
peccatum hoc complecteretur gravis-  
simum Proximi damnum, ex sum-  
mà in DEUM injurià & contemptu  
ortum. Edicite: ferine potest, eò  
impudentiæ quempiam prolabi, ut  
viro magnæ in vulgus æstimationis  
& authoritatis dicere non vereatur.  
Propositum mihi est, huic certo ho-  
mini perniciem moliri, quare veni Do-  
mine mi, & mecum coram Tribunali  
falsum contra eum testare: dic, aliena  
illum rapuisse, stupro polluisse virgi-  
nem, plagam akeri inflixisse: etsi fal-  
sa sint omnia: aut veni saltem, ut  
testeris, expunxisse me, quæ contra-  
xeram nomina, etsi adhuc debeam.  
Auderet, quæso, ullus virum notæ  
bonæ

bonitatis ad talia licitare, nisi mente captus sit? Et à DEO hæc eadem postulare non pudeat? *Quod ab amico non audes postulare*, ait Philo, *ad id DEUM vocas?* Orem dictu scdam! Quid tamen aliud agit, quando ad fallendum alterum, aut perniciem illi accersendam, DEI Nomine pejerando quis abutitur? Aliudne est, quàm DEO oblique saltem dicere: Domine, nullus mihi color suppetit, quem dolis meis illinam, nec ars, quâ illos tegam: Tu igitur Cælo delabere, & illo me testimonio juva, cui nemo non fidem habet in re qualibet: juva me, proximo accersere exilium, in ruinam eum impellere: quod meæ deest nequitæ ad rem hanc perficiendam, Tu Nominis tui Authoritate supple, *Esto aliena malitia vicarius*. Si ego tam nequam sum, & tu tam bonus, quid interest? Serviat malo bonus, & pessimo optimus. *Melior deteriori subserviat, DEUS optimus scelesto homini*. Potestne cogitari impudentia hæc scelerata magis? Audite igitur, quàm bellè nôrit Deus excutere onus, quòd illi imponere nefarii moluntur, dum falsarium esse jubent. In Corsicâ, notâ illâ Insulâ, pagus est haud S. Bonifacio procul, in hoc à mariti morte vidua remansit mulier æquie reſtisque tenax. Reliquerat illi maritus moriens coronatos argenteos trecentos, ad locandam suo tempore honesto Matrimonio filiolum parvo tum natu, conjugij laudati fructum unicum. Metuebat bona scemina, ne eam argenti summam domi suæ retinendo clepaces furum manus proritarer: quare pro suâ bonitate induci se passa est

ad eam apud vicinum deponendam, nullâ petita syngrophâ, depositæ ejus pecuniæ teste: quàm enim procul ipsa aberat ab omni fraude: tam aliena etiam erat ab eâ in alijs suspetanda. Crevit interim filia, & jam ejus elocandæ tempus aderat: unde conjugio jam rato, Mater depositam Pecuniam à credito amico repetit: hic lucri spe excæcatus negat audacter, ac pernegat, ullum se ab eâ vel assem unquam accepisse: & siquid, aiebat, à me petis, vade, & per Judicem id à me repete. Sed quid ageret infelix vidua, quæ alterum in tribunali testem producere non poterat, quàm ipsius perfidi conjugem, si verum illa fateri vellet? Ivit tamen misera, & Judici, quod res erat, amaras inter lacrymas exposuit. Judex miseratione motus acciri ad Tribunal perfidum jubet, & cum eo conjugem, ac Juramento consueto testari utrumque jussit, quod erat. Juravit uterque per suam & suorum liberorum vitam, nihil se de pecuniâ, quæ repetebatur, scire. Sed prò! quàm potenti illos brachio punire Deus potest, qui nullo ejus metu tanguntur! Erant perjuri illis filij tres; duorum non nisi mensium unus, quinquennis alter, tertius annorum quinque supra viginti: cùm ecce, domum reversa conjux, mortuum reperit filiolum natu minimum, & suis cunis sepultum, quæ mirâ quadam ratione erant eversæ. Agnovit confestim vindicem DEI manum, jamjam imminentem: sed pro eo; quòd admissi veniam peteret, in desperationis rabiem acta, arrepto cultro quinquennem etiam filiolum jugulavit. Nondum finis Tragediæ.



gcediæ. Maritus domum & ipse subinde appellus, partim funesto gemini filii occisi spectaculo, partim animi sui scelera exprobrantis dirâ conscientia stimulatus, in furorem agitur, mucrone ream conjugem transverberat, & omnem viciniâ clamoribus implens, ut omnis jam domus tetro cruore natabat, suum ipse facinus prodit. Quid multis? accurrit cum plurimo populo satellitum globus, & reum alieno adhuc sanguine stillantem in vincula & ad Judicem rapit: nec hic promeritum ad supplicium damnare eum differt. Hactenus, non ultra, ad perjurium puniendum progressam DEI Justitiam existimabitis: sed fallimini: audite igitur, & si potestis, non cohorescite. Deerat eâ in Provinciâ carnifex, qui latæ contra Homicidam tam impium sententiæ minister esset: hic dum in omni populo quæritur, cum nemo tam tristi ministerio commodare manum vellet, prodit filius perfidi primogenitus, quem annum vigesimum quintum explese dicebamus, & ad vindicandam matris unice dilectæ necem, vicit pudorem furore, scalas conscendit, inserto in laqueum Parentis collo præfocat reum, mox in frustra secat, nunquam magis violatæ Justitiæ reus, quàm dum partes Justitiæ non suas implet. Sed ne sic quidem contenta Numinis Justitia à vindicando ulterius perjurio destitit. Ipse enim iste filius, carnificis in Parentem functus officio, non multis abinde diebus, cum resedisset jam & refrixisset conceptus in Parentem furor, reputare secum tacitus cœpit, quàm & in patrem

impius, & omnis famæ ac existimationis contemptor fuisset, non veritus illum omnium in oculis interficere, & vitam illi tollere, à quo suam ipse acceperat: unde cum quietis jam patrem capere nullam posset, eâ tandem se manu ipse interemit, quâ facinus tam tetrum perpetraverat: atque ita post neces quatuor, actu hoculimo demonstravit adimpletam illam DEI protestationem, quâ dixit, maledictionem suam celeritate summâ descensuram Cælo contra illum Impium, qui non formidârit pejerare, nec ante in eum sævire cessaturam, quàm eum stirpitus evulsisset. *Maledictio venit* (audite, Deus est, qui loquitur) *veniet: & quo? veniet ad domum Jurantis in Nomine meo mendaciter.* Sed non satis est venire, habitabit ibi tanquam sede suâ stabili: & commorabitur in medio domus ejus. Sed & hoc parum est: consumet eam, sic ut minutissimum in pulverem omnem trabem, & pavementum sit redacturus. *Et consumet eam, & ligna ejus & lapides ejus.* Quanto satius igitur futurum erat Parenti illi misero imitari antiquam Cliniam, etsi Idololatram, qui maluit numerare auri talenta tria millia, quàm in Judicio etiam verè jurare, se debitorem non esse; quàm sinere se induci à Dæmone ad pejerandum pro trecentis coronatis?

V.

XVI. Accipite igitur, Dilectissimi, præclarum monitum, quo vos S. Augustinus ore meo hîc sub finem hortatur, *Falsa juratio exitiosa, vera periculosa, nulla securo.* Pejerare est animam certo exitii sempiterni periculo exponere:

exponere : duplici maxime ex capite. Primum horum est ipsius, quod admittitur, peccati atrocitas. Nōsse enim oportet. Perjurium esse peccatum ipso etiam Homicidio gravius & enormius, cum præcepto nobiliori, & scilicet Religionis virtuti repugnet, & ita affirmante S. Thoma, secundum à peccato omnium maximo, ab Infidelitate, inquam, quæ aversionem à DEO magis apertam complectitur. Id quod nobis non humanæ tantum, sed & Divinæ leges palam faciunt : Divinæ quidem, quia Perjurium præceptis primæ Tabulæ opponitur ; occidere autem hominem, præceptis secundæ Tabulæ : Humanæ autem, dum vetant, ne Judices omittant Juramentum etiam publicis latronibus deferre. Quæ autem hæc, pergit S. Doctor, foret prudentia, si majus Perjurio & atrocius esset Homicidium? Possent eo casu Judices sibi persuadere, eum, qui scelus ausus est enormius, publicis in viis homines enecando, non formidaturum admittere etiam minus, audeat perjerando. Sed Judices eā in re prudenter se gerunt. Supponunt igitur vel naturā magistrā notum, Perjurium esse peccatum majus quovis alio, quod admittere Latro publicus possit, eaque causā non debere unquam præsumi, inveniri in Mundo Mortalium aliquem tam perfidum, tam desperatum, qui, etsi enormium quorūque facinorum reus, audeat tamen ipsum DEUM cælo evocare ad rem falsam suo testimonio affirmandam. Nec minorem in perjurio enormitatem

agnoscit Ecclesia, quæ eā causā Sacris in Canonibus præcipit, ut non tantum Fideles hujus delicti gravitatem diligenter doceantur, sed insuper, ut <sup>Qui-</sup> 6. q. 3. perjurii reo eadem imperentur pœnæ, quæ homicidiæ; septem nimirum annorum severissima à cibis abstinentia, non sine appendice multarum aliarum asperitatum pœnaliū, quæ parum hodie notæ sunt, dum transgressionum multitudo fecit, ut indies aliquid de supplicij gravitate detraberetur.

XVII. Alterum caput, ob quod parum ab exitio sempiterno absunt Perjuri, est, quia hi vix aliquem Cœlitum numero inveniunt, qui causam eorum apud DEUM Patronus agere velit. Sanctus Gregorius rem non prætereundam advertit: solitos nimirum suā ætate ægros ad SS. Martyrum sepulchra ventitare, & sanitatem inde domum reportare: solitos ventitare energumēnos, & pessimos ex iis hospites expelli: ubi verò & Perjuri accessissent, solitos ibi magis quā uspiam alibi torqueri malis, quibus erant obnoxij. S. Doctoris verba sunt: *Ad Martyrum sepulchra veniunt agri & sanantur: veniunt Dæmoniacci, & curantur: veniunt vangi. Perjuri & à Dæmone vexantur:* perinde ac si Perjuris nulla porro parata sit pietas, nulla miseratio, idēque iis accidat, quod nonnunquam causam agentibus contra suum Principem, ut nec auditor inveniatur, qui momenta sua proponentibus aurem accommodet, nec Advocatus, qui scribat, nec Procurator, qui causam coram Judice agat. Verē igitur, *Falsa Juratio exitiosa.*



XVIII. Sed nec illud quidem committendum, ut, quæ vera sunt passim, quantumvis levia, juramento affirmemus. *Vera Juratio periculosa.* Ecquod autem eâ in re est periculum? duorum omnino malorum, præsentis unius & alterius futuri. Ad primum quod pertinet, observat S. Joannes Chrysostomus, quomodo primorum sæculorum Fideles magna quæque ac mira, Divino Nomine invocato, patrârint: sedabant tempestates, morbos curabant, sistebant incendia, turbines ac tempestates dissipabant, eâ causâ, quòd nunquam Nomen illud Sacrosanctum proferrent, nisi illud glorificandi celebrandique studio. Hodie ipsum istud Nomen passim in conventiculis, & quotidiano sermone nullâ reverentiâ & timore pronuntiatur. Quid igitur mirum, si ejusdem virtute mira jam penitus non operamur? Vera Juramento adstruere, ad Religionis virtutem pertinet, ut notum est. Nequaquam tamen id ita est, cum ad suos duntaxat fines privatos Juramenta ab hominibus referuntur, fines momenti nullius, terram sapientes, & qui excogitari possint, vilissimos, qualis est, in cunctis, quæ quis dixerit, auctoritatem sibi planè inutilem velle conciliare. Inversus hic rerum ordo tam non Religionis effectus est, ut potius rectâ cum virtute hac pugnet, inter Christianos maximè. Si enim ad Christianos plus, quàm ad ullum aliud Mortalium genus pertinet, Divinum Nomen exaltare, quæ æquitas sinet, ut Nomen hoc tam vile habeant, ut ad usum quemlibet, etsi minimè ne-

cessarium, temerè id sibi servire velint, perinde ac si Magnum hoc Nomen eum in finem destinatum sit, ut ipsi eo utantur pro arbitrio, non ut ipsi tanto Nomini exaltando serviant? Qui ita se gerit, indignus profecto est, qui ejusce Nominis favore, cum res vel maximè poscent, adjuvetur. Quos tamen ad fines, quas nostras ad necessitates in Sacris illud literis nobis revelatum est? non ad alias profecto, quàm quæ ad salutem æternam consequendam pertinent. *Non est aliud nomen sub Cælo, in quo oporteat nos salvos fieri.* Hæc est illa fortissima refugij turris in cunctis malis nostris. *Turris fortissima Nomen Domini.* Hoc Nomen est asylum in Ærumnis; armamentarium in tentationibus; Anchora firmissima in tempestatibus. Quomodo autem ad fines hos sublimes, & homine dignos rectè invocabit Nomen hoc, qui illud identidem nullo reverentis Animi signo compellat? Nemo asylum invenit ad Altare, qui illud profanat. Atque hæc ad lucrum cessans pertinent, quod ex assuetudine, jurandi sine ullo metu, nascitur, etsi falsum juramento non affirmetur.

XIX. Emergens autem damnum, malum nimirum futurum, sunt vitia haud sanè levia, quo assuetudo ista secum trahit. *Vir multum jurans implebitur iniquitate.* Sic Deus ipse testatur, id indicans, quòd homo crebrò multumque jurans, si non est jam plenus iniquitate, paulò post tamen certò futurus sit. A Juramento præstito sine judicio & Prudentiâ, transibit ad jurandum sine justitiâ, & à juramento sine ju-

justitiâ proficiet ad jurandum sine veritate, quorum malorum quodlibet altero majus est. Primo enim modo qui jurat, jurat ut temerarius, qui secundo, ut iniquus, qui tertio ut perfidus. Nec est cur quisquam speret meliora: ut enim, qui multum loquitur, non potest non sæpe labi, etsi conetur non labi, non uno genere sermonis; sic qui jurat multum, necesse est, & ipsum sæpè impingere & prolabi.

13. Hinc illud; *Jurationi non assuescat os tuum, multi enim casus in illâ.* Prolabi solent & qui volunt, & qui non volunt, maximè si quis ab equo freni impatiente ferri se sinat, quo fert impetius. Similis autem ejusmodi equo lingua est. Nihil proinde tutum satis, nisi omni jurandi usu sibi interdicere: *Nulla juratio secura.*

XX. Hoc igitur est, Auditores Dilectissimi, quod hodie vobiscum statuere vos decet; nunquam jurare deinceps. *Ante omnia nolite jurare Fratres mei:* quod est monitum Jacobi Apostoli, summam vobis allaturum utilitatem, si audire & sequi non neglexeritis: *nolite jurare.* Quid refert, an alij dictis vestris fidem adhibeant, an verò non adhibeant? exigui sanè hoc momenti est! quòd autem pejerandi quis se exponat periculo, hoc enim verò momenti est non levis: adeò ut securitatis eà in re consequendæ gratiâ operæ pretium futurum esset, perpetuum sibi silentium imperare. S. Joannem Chrysostomum Annales narrant in omni bene longâ vitâ jurâsse nunquam: id quod ab alijs quoque magnâ virtute viris præstitum legimus. Quid igitur pro-

hibet, quo minùs id nos quoque facere decernamus, saltem si necessitas maxima aliud non suaserit? quæ est regula jam pridem à Magno Augustino proposita. *Quantum in te est, jubeat iste, non affectes, non ames, nec quasi pro bono, cum aliquâ delectatione appetas jusjurandum.* Cum Principum aliquis publicâ præconis voce vetat quidpiam, aut jubet, videmus ejusmodi imperia reverenter à subditis observari. Dum ergo vetat DEUS Sanctissimum Nomen suum in vanum assumi, quid eo præcepto spectat? An non ut lege, ritu solennissimo promulgata, Nomen hoc à linguis hominum parùm reverentibus nullo probro, nullo dedecore afficiatur? Ut quid igitur non omnes paratissimi, jussa hæc & audiunt, & faciunt? Audio vos sub isto Juramenti abstinenti decreto gemere haud aliter, ac sub onere viribus vestris longè majori & intolerabili, propterea, quod tot annorum assuetudo difficillimum vobis faciat non jurare. Sed dicite: antequam sua Princeps jussa promulgari curaret, an non potest quis in more positum habuisse venari per agros & nemora quot diebus? cur tamen is? hac licet illectus assuetudine, à promulgatâ lege Principis tam diligenter omni venatione abstinet? An non, quia prohibentem Principem metuit? Idem igitur in re nostrâ facite: DEUM timeate, & mox vel repugnante assuetudine emendatum videbitis temerè jurandi morem. Si S. Joanni Chrysostomo fides nulla est tam inveterata assuetudo, quæ timori non cedat, si hic verus sit. Est,



cui volup̄e ac frequens sit fluminis undis ætate ablui: cū hic audit ex Medico, valetudini hoc plurimū nocere in homine id ætatis, porro non lavat. Est, qui vinum nullā non die bibit; non bibit tamen, cū caloribus febrilibus tentatur: assuevit prodire in publicum, & liberio rem auram captare: tum cubiculi se latebris addit; assuevit lusuī, & aliorum mox consortio sibi interdicat; & hæc omnia morbi augendi metu: *Vides igitur, vides, pergit S. Doctor, quod*

*Flom. 14. ubi est timor, facile solvitur consuetudo, etiamsi valde diuturna sit & necessaria:* Hæc proinde prima est: pravam ejusmodi jurandi assuetudinem dediscendi ratio ac via, timorem concipere salutarem malorum gravissimorum, quæ secum trahunt ejusmodi juramenta; hac enim causā, cū Sapiens pronuntiasset: *Vir multum jurans implebitur iniquitate*, mox addidit, & *non discedet à domo illius plaga*: ut, qui tam detestabili vitio non satis abhorret odio culpæ & sceleris conjunctæ, illum efficacius ab eo metus pœnæ coercet. Deinde ponite metum, quia non vestris viribus hic vobis devincendus est hostis; DEO adjuvante vincendus est. Dura omnino lex est assuetudo; sed malam vincit & evellit bona, sicut indies legem unam latā lege aliā repugnante abrogari videmus. Satis vos facietis muneri vestro, si iis diligenter usi fueritis mediis, quæ malo huic curando serviunt; & sunt illa ipsissima, quæ Christus velut in imagine

proposuit in lingua muti illius Evangelicæ sanandā. Matth. 7.

XXI. Primò in Cælum oculos Servator sustulit; *Suspexit in Cælum.* Obtutum Divinum! qui tam belle nos docet rationem ac modum suos intra limites continendi linguam nostram, non jam ligatam cum illa Muti lingua, sed nimium quantum solutam ac liberam in DEI sui Namine profanando! ad Cælum atollendi sunt oculi; diligenter perpendendo, quanta quàmque sublimis sit illa ludibrio à nobis habita Majestas. Tum enimverò apparebit confestim quàm graviter dedecet hominem, saccum putredinis, uti Namine tanti tamque verendi Monarchæ, tanquam re vili ac sordidā ad exonerandam suam bilem, ad affirmandum mendacium à se prolatum, eo ipso temporis momento, quo omnis Cœlestis Aula, tam numerosa, ter Sanctum appellat Nomen, quod homulus ille tam contemptim profert: *Sanctus, Sanctus, Dominus DEUS Omnipotens.* Dirigendus dein in Cælum obtutus, ad illam inde opem flagitandam, quam aliunde frustrā expectamus, ad domandam effrenem illam linguam nostram, Sic Sanctus Augustinus hortatur: *Si linguam nullus hominum domare potest, ad DEUM confugiendum est, qui domet linguam nostram.* Serm. de Ver. Dom.

XXII. Secundò, antequam sanandæ linguæ manum Servator admove-

ret,

ret, *Ingemuit*: & hoc cùm nunquam ferè faciant Christiani, vix unquam etiam perlanantur. Vix unquam seriò ipsis dolent peccata, quæ in contumeliâ afficiendo DEI Nomine admiserunt, sed blandiuntur sibi potiùs excusationibus illis familiaribus: *Nimis facile mihi concitatur bilis: sic assuevi; non possum mihi imperare: non ita loquor, ut DEUM ludibrio habeam: & sic dum vulnus palpant, pro eo, quòd saniem non perfunctoriè abstergant, indies illud reddunt putulentius. Nihil deinceps horum ex vobis audiat, AA. Dilectissimi: reputate potiùs animo, nullam defendendo abusui tam enormi, & tam pugnanti cum fine, propter quem linguam vobis DEUS dedit, sufficere penitus excusationem: ac proinde pœnas à vobis atrocissimas repetendas, dum pondere ac mensurâ lenti ac tenacis ignis luetis noxas, quas nullâ non die tam facile & tam nullâ curâ contrahitis. Ingemuit. Si tantus vos admissorum cruciaret dolor, cum pœnitudine junctus, quantum excusationum illis tegendis undiquè conquiritis; ausim dicere, vos jam ab hoc momento alios futuros, maximæ ejusmodi mutatione obtinendæ, aut ipsi vobis imperaretis, aut ab animi arbitro imperari vobis curaretis pœnale aliquod opus, quòd freni instar vos, & lubricam vestram linguam coërce- ret; ut puta, abstinentiam à cibo, sui diverberationem, preces in Templo fundendas, stipem inopi porrigendam, & quæ sunt alia ejus generis.*


Miles nonnemo, qui assueverat temerè DEI Nomen compellare, quoties bilis calore effervescebat, jussus est à Sacro Judice toties prono corpore crucem in solo linguæ ministerio formare quoties in sacrilegas ejusmodi voces prorupisset. Hoc pœnæ genere & animi ille & corporis vitam servavit: lite enim inter ipsum, & commilitones alios, ut huic hominum sortid id persequens est, obortâ, veteri ille more suo, & vitii impetu abreptus temerè DEI Nomen & contemptum protulit: sed mox peccati pœnitens in terram prostratus est, crucem, ut jussus erat, lambendo descripturus: cùm ecce globus ferreâ ex fistula explosus sic tergum rasit, ut thoracis & interulæ partem avelleret, cæterâ innoxius: haud dubiè tamen trajecturus virum, si in pedes erectus constitisset. Agnovit favorem Numinis singularem miles, & grati animi ostendendi ergo ad ædem Deiparæ Lauretenam visendam profectus, suspenso inibi anthemate memoriam tanti beneficii perennem & certam reliquit. Lubeat militis hujus exemplum sequi, & omnem linguæ lapsum salubri pœnâ vindicare, & docebit vos experientia, quàm certò animum subitura sit delicti cavendi memoria. Canis si adverteret, quòd venator commissos errores mulcendo dissimulet, deinceps etiam peccare pergeret: at si errantem venator verberibus non perfunctoriè mulctet, videre erit, etiam bestiam ulmæ grandinis metu haud paulò cautiorem reddi.

*Penne-  
quin de  
Amor.  
div. p.  
3. c. 17.  
§. 3.*



XXIII. Tandem Christus, postquam in Cœlum suspexit, atque ingemuit, infelicis etiam illius muti linguam beneficâ manu tetigit. Agite, ut & vobis hic favor obtingat. Agite, ut vestram etiam linguam crebrò tangat Christus, sæpè Divinum ad Epulum accumbendo, eo vobis sine singulariter proposito, ut hoc medio curetis malum longè gravissimum, linguæ, inquam, abusum tam noxium: & ipso discetis usu, quanta vi polleat Caro illa innocentissima Agni, labis omnis expertis, ad persanandum linguam lubricam, sic ut deinceps de vobis quoque verè dici possit; *Et loquebatur rectè*. Qui antea nec quatuor quidem verba proferre nòrat, quin ipso se Dæmone deteriorem demonstraret (nam etsi hic vicibus innumeris ad homines fallendos mentitus sit, jurejurando tamen mendacia hæc sua affirmasse nescitur) qui, inquam, linguâ erat tam effreni, ut vel Luciferum sacrilegâ linguæ libertate vinceret, hunc mutatum in me-

lius audire erit non nisi ea loquentem, quæ Christianum decent, nec alijs utentem res affirmandi formulis, quàm quas à Christo docti sumus, *est est, non non*: Jamque illud habebit persuasissimum, quòd quidquid *his abundantius est, à malo est*: à malo, inquam, aut vitij proprii, irreverentiæ in DEUM, aut ab alieno, tarditatis in credendo. O quàm rectè, quisquis talis est, linguâ suâ utitur! servit hæc ipsi non ad aliud, quàm ad id, ad quod sui viris illustribus & Vasallis nobilibus enses, ad propugnandum, inquam, Domini & Principis sui honorem; non verò ad illum imminuendum. Ille idem DEUS & Servator, cujus opera nostrorum normam esse decet & regulam, ille, inquam, ipse eadem in vobis etiam nunc denuo operetur prodigia, ut nemo non vestrum dignus evadat beatitatis illius verè magnæ, quanta est, non peccare linguâ. *Beatus vir, qui non est lapsus verbo ex ore suo.*



## DISCURSUS XI.

*De præcepto sanctificandi dies DEO sacros.*

I. **S**uperbus ille damnatorum spirituum Coryphæus, qui inde à principio conatus est Altissimo DEO similis evadere, ipso subinde illo nisu suo ambizioso, geminans

do impetum, quo præceptis in orcum actus est, jam non id agit tantum, ut similis DEO habeatur, ut olim, sed ut illo major ac superior. Quare cum DEUS, tanquam debitum tot nominibus tributum à mortis

moralibus exigit certorum dierum ferias, in id nefarius ille incumbit, ut tollat DEO penitus honoris & observantiæ debitæ tributum, sibi que arroget: hinc conjuratis in Divini honoris extirpationem sociis istud promulgat imperium: *Quiescere faciamus omnes dies festos DEI à terra.* Id agamus Socii, ut feriat dies non jam DEO, sed nobis sacri sint. Atque utinam verè dici posset, frustra illorum conatus esse! Sed si dicere volumus quod res est, fieri oportebit, nimio plus ista hodie re ipsâ inter Christi affeclas fieri, quibus feriat porro non sunt, quia sacri non sunt. De hac funestâ rerum perturbatione hodie differere constitui, id unicè desiderans, ut tandem vos inducam, ad datam tam perfidè Dæmoni fidem, sanctâ perfidiâ violandam, & debita diebus sacris DEO obsequia præstanda.

## II.

II. Ut nullus est locus, qui DEO ob ejus Immensitatem non debeatur, sic momentum est nullum, quod non æternitatis titulo eidem sit debitum: quare si ad palam ostendendum cunctis hoc locorum dominium certa sibi quædam servavit, uni suo honori destinata, & templa in iis erigi voluit; par utique erat, ut eodem modo ad temporum omnium dominium demonstrandum certa quædam servaret sibi, diésque nonnullos uni suo cultui & venerationi sacros esse vellet. Hoc fundamentum nititur, quod tertio loco in Mosaicis illis tabulis imperatur, ut sanctificemus dies à DEO designatos.

R. P. Segneri Christi. Instr. Tom. I.

Præceptum enim verò æquissimum, omni reverentiâ, omni obedientiâ dignum, geminâ simul præstantissimâ Naturali & Ecclesiasticâ lege inculcatum.

III. Naturalis lex imperat, ut cùm operibus nostris singulis, quæ quidem majoris momenti sunt, certi destinati sint dies, Religionis etiam negotia suos sibi vindicarent, quibus Animus religiosius quàm aliis DEUM coleret, & rem ipse suam studiosius ac solertiùs ageret.

IV. Hos dies, quos Natura certos non designârat, Ecclesia subinde suo imperio definivit. Ex horum imprimis numero vult esse omnes Dominicos, eâ causâ, quia Dominico initium Mundo condendo factum est; dein, quia hanc ipsam diem natalem Redemptor noster in terris habuit, hac è tumulto redivivus prodit; hâc Spiritum Sanctum, quem pollicitus erat, misit. His deinde, si varios alios Ecclesia anni decursu adjungit, id inde est, quod desideret, & crebrius, & ardentius Fideles sua Majestati illi infinitæ obsequia, cultumque peculiarem impendere.

V. Ut autem ad usum & exercitationem ipsam præcepti, quod explicare constitui, propius accedam, dico; idem esse sanctificare dies feriatos, ac illos habere ut sanctos, quod duobus potissimum modis fit: prior est, diem exigere in DEO religiosè colendo, qui hujus præcepti finis est. *Sabbatum est requies sancta Domino: Exod. alter est, removere operum servitium obices, quod est medium ipsum etiam præcepto imperatum: Non facies*

T

omne



*omne opus in eo.* Ad hoc autem quod spectat, tres servilium operum species ad finem nobis propositum distinguere possumus. Alia enim sunt merè servilia, alia sunt quasi servilia; iterum alia plus quàm servilia. Opera merè servilia sunt, quæ, ob laborem iis perficiendis adjunctum, non Nobilium, sed abjectæ conditionis hominum propria sunt, qui labore sibi procurant, unde vivant. Hujus generis sunt, terram colere, artes omnes mechanicas & non liberales exercere. Quasi servilia sunt, quæ etsi corporis laborem magnum non requirunt, vetita tamen sunt propterea; quòd animum magnopere à Divino cultu distrahant: ejusce generis sunt permutare, emere, vendere res non necessarias; lites forenses, vel criminales agitare, & quæ sunt alia ejusdem fordis. Et verò, si Ecclesia sacris illis diebus negotia ejusmodi non prohiberet, vulgus Christianorum tam altè se iis immergeret, ut negotiorum Animæ suæ penitus oblivisceretur: multique hoc è numero eà aviditate lucris inhiarent, quàm prædæ suæ accipitres; qui dum præda una adhuc hæret in unguibus, alteri imminent, quæ libera etiamnum per aëra volitat, nec unquam à venatione nôrunt desistere. Sic mortalium non pauci, impulsu cupiditate caducorum bonorum cumulatorum, nunquam iis à studiis, iis ab artibus desisterent, quibus lucra sua, velut venatione longè gravissimâ, consecretantur. Opera tandem plus quàm servilia dici possunt omnia & singula peccata, de quibus illud habemus Divinum Oraculum: *Qui facis*

*peccatum, servus est peccati.* Nec enim aliud cogitari potest servitutis genus magis abjectum, aut magis miserum quàm sit servitus peccati; quâ subdimur indomitæ animi nostri perturbationibus, & ipsi adeò malo Dæmoni, qui has excitat.

## II.

VI. Quæ si ita sunt, huc jam advertite animum, an dies DEO & Cœlitibus inter nos festi, verè adhuc festi sint. Nam si de iis loquamur operibus, quæ vel merè servilia, vel quasi servilia sunt, tantus Christianorum est numerus, qui iis, diebus etiam maximè solemnibus, occupantur, ut illis Cœli decreto legis hujus gratia communis facta esse videatur, ipsique penitus ejus nexu soluti. Negotia omnia in sacros DEO dies differuntur, hisque ipsis lucri & commodorum studium vires suas in duplum exercere, & ad oppugnandam pietatem artes omnes depromere videtur: tam multa passim in publico geruntur negotia, mercimonia exercentur & nundinæ, operum eduntur specimina, rationes ineuntur, curritur à multis & discurritur, & dummodo terra aratro, aut sarculo non prosciindatur, omne aliud laborum genus dies sacros nequaquam profanare existimatur: unde prono semper in terram vultu & oculis, nunquam de DEO infelices isti cogitant, & vivere non possunt, nisi variis curis & occupationibus distenti sint, turbini non dissimiles, cui idem est, non gravari & cadere. Eânetantum causâ, AA. Dilectissimi, nati estis,

estis, ut laboribus vos atteratis? an idcirco animâ donati estis immortalî, ut corpori serviatis pleno fordibus & putredine, utque lucra & commoda DEUS vester sint? An ignoratis, mortali hac in vitâ, si suis res momentis æstimetur, non esse negotium, nisi unicum? *Rogamus vos, fratres, ut quieti sitis*, Apostoli verba sunt, & *vestrum negotium agatis*: negotium inquam salutis æternæ. *Vestrum negotium.* Aliâ negotia, de quibus cogitatis tam diligenter & anxie, quæ curatis tam sollicitè, promovetis tantis conatibus & laboribus, non absque valetudinis detrimento, ne quidem negotia appellari merentur. Nugæ sunt, ludi, &, si dicere volumus quod res est, crepundia puerorum sunt. Negotium homine dignum, non est nisi unicum; atque hoc est, quod vobis inculco: *Rogamus, ut vestrum negotium agatis.* Salutem vestram æternam in tuto collocate. Hoc feliciter gesto, rectè gesta sunt omnia, quia ultimus finis obtentus est: hoc amisso, quid emolumenti ex omnibus, quæ facere videmini, consequemini? *Quid prodest homini, si Mundum universum lucretur*, sic Servator noster ipse clamat, *Animam verò suam detrimentum patiat*ur. Nec tamen de toto Mundo lucrando agitur: de paucis nummulis tota est contentio, & horum causâ non viscerum tantum nostrorum, sed Animæ adeo ipsius partem optimam impendimus ac consumimus, araneis miseriores, quæ ad telas suas pertendas non aliud denique, quàm sordidas ventris sui reliquias insumunt.

VII. Observate proin rem planè insolentem! si DEUS imperaret laborem, Mundus verò quietem, par esset ad explenda DEI iussu, repudiata quiete, amplecti laborem. Nunc cum alia fiant omnia, malunt passim mortales obtemperare Domino tam barbaro, qualis est Mundus, quàm obedire Domino tam suorum amanti & studioso, qualis est DEUS, cui unice charum est, videre eos non mancipiorum instar, sed liberorum operantes. *Ite ad onera vestra*, sub ipsum illud tempus Pharaonis imperabat, quo à DEO jubebantur exire in desertum ad sacrificandum. Nec aliud Mundus, à malo Dæmone, sacrorum dierum hoste jurato, impulsus præcipit. Quid tot feriis opus est, tot à labore vacationibus? qui esurire non vult, industriâ suâ utatur: *Ite ad onera vestra.* Ite diebus ejusmodi in Molendinum, in sylvas, ad officinam, ad oneranda vestra jumenta, ut parcatis tempori, & ad alias aliis diebus occupationes horæ super sint. *Ite ad onera vestra.* Atque ita Mundus, etsi tam durus & imperiosus, ut sibi subditos sub onerum mole cogat fatiscere, auditur tamen promptius, quàm DEUS, cui debitus cultus negatur, ut accedere liceat nundinas, locis etiam valde remotis institutas, ad domos annonarias, ad gregum caulas & stabula; aut quia à laboribus, quamlibet abjectis & vilibus, manus aliqui abstinere nec volunt, nec possunt.

VIII. Videor autem mihi audire nonneminem hæc secum mussantem: Ad me quidem monita ista non perti-



nent: ego etiam diebus operariis non laboro, tantum abest ut feriat. Et credo rem ita se habere: interim illud etiam perpendat, qui talis est, an non cum otiosus ipse est, vel sinat, veletiam jubeat, ut domestici ejus loco laboribus atterantur? Id si fiat, an satis iste se purgat? sic præcepit DEUS: *Non facies omne opus in Sabbato, tu, & filius tuus, & filia tua, servus tuus, & ancilla tua, & jumentum tuum.* An non lex ista ad omnem familiam, quin ad ipsa etiam jumenta pertinet? quid ad hæc reponit, qui se tam bellè excusabat? Est enim verò res ipsissima, quod Pater-familias dies festos totos otiosus per forum inambulet; quin & nonnunquam in cauponis perpotando, aut in conventiculis ludendo absumat. Quid ad rem istud facit, si interim uxor, si filia acum ad ædium fores tractant? si filius pro eo, quod adsit in templo de DEO verba facienti, doctrix Christianæ, aut alteri rei Divinæ operam det, jumenta sarcinis onusta comitatur; si servus pecudem efferre stabulo non sinitur; si ancilla perinde occupatur, ac si non Ecclesiæ præcepto, sed arbitrio proprio sacra, aut non sacra dies illa foret; Hæc cum sunt, Pater-familias negabit, se laboribus distineri? quin plus ille, quam quicumque de ejus familiâ laborat, non enim geminâ duntaxat manu, sed tam multis laborat, quam multos familiares habet, qui ejus imperio toti sunt in laboribus. Quod quis per alium facit, per se ipsum facere videtur. Ita ad damnandos tam frigide se excusantes Imperatorum leges statuunt. Hinc omnino scire vos volo, quod per-

inde ac lege Divinâ quisque tenetur, servili ab opere sacris diebus manus abstinere; ita qui familiis præsumt, id curare teneantur, ne domestici laboribus aut diuturnis, aut non necessariis occupentur: secus si fiat, lucrum quod sic laborando familia facit, illi ab simile non erit, quod obtinet terra, quæ ad saxa secanda adhibita, parum quidem lapidem, se autem plurimum atterit.

IX. Certum est eâ re DEUM gravissimè irritari, palamque is testatur, vindicaturum se severe illatam injuriam. Audite, quid olim Jeremiæ ore pronuntiavit. *Si audieritis me, ut non inferatis onera per portas Civitatis hujus in die Sabbati; ingredientur per portas hujus Civitatis Reges, sedentes super solium David, & habitabitur Civitas hæc in sempiternum. Si autem non audieritis me: succendam ignem in portis Jerusalem, & devorabit domos ejus, & non extinguetur: an verba hæc parum serio & graviter præcipientis ac minitantis sunt?*

X. Neque sit, qui sibi persuadeat, DEUM quidem olim ejusmodi pœnas minitatum esse violantibus legem tam justam, earum tamen minarum hæc ætate amplius non meminisse. Qui ita argumentatur. Bellovacensis, authoris incliti libros evolvat, & inveniet, Pagum integrum, cum luce S. Jacobo festâ noluisse à laboribus ferri, proximè insectâ flammis in cineres redactum esse, ita planè, sicut ingrata Solymæ DEUS fuerat comminatus. Si autem is dies sibi sacros violari tam non sinit esse impunitum, cum tota aliqua peccat communitas, an singulis id patietur esse absque noxâ? Aliud experta est mulier,

Exod.  
20.

L. Ita  
autem  
ff. de  
admit. in  
Tut.

Pin.  
Bel.  
l. 2.

*Me-* mulier, quæ dum feriato die interu-  
*2.* lam suam refarcire parabat, totam re-  
*al.* centi sanguine imbutam vidit: id quod  
*361.* aliis etiam quibusdam accidit, qui om-  
*in* nes, quas luce DEO sacrâ messuerant  
*s.* segetes, sanguine etiam tinctas repe-  
*eg.* re. Altari faminx, pœnâ haud paulò  
*Au-* severiore, brachia penitus obriguere:  
*ona-* nec defuit, quæ Dominicum diem ad  
*in* pinsendum panem expectare solita,  
*s.* brachia sibi igne cœlitus delapso ablu-  
*c.* mi dolens viderit. Rusticorum aliquis  
*s.* cum die B. V. in cœlum assumptæ sa-  
*l.* crâ terram egereret ad fornacem con-  
*lor.* struendam, ipsâ illâ, quam effode-  
*t. c.* rat, in fossâ obtritus sepultusque est  
*An.* 362. ingentis saxi mole, quod repente in  
*380.* eum operi suo incumbentem vi magnâ  
 impactum est. Molitoris, qui molare  
 saxum malleo tundeat, ut exaspera-  
 ret, manibus non solum mallei manu-  
 brium pertinaciter adhæsit, sed manus  
 ipsæ tam tetrum & putridum sangui-  
 nem stillare cœperunt, ut gravi odore  
 vehementer offenderet. Cum nonne-  
 mo scœnum à se collectum festâ S.  
 Udalrico die scœnili inferre cogitaret,  
 cumulum illum foris quidem intactum  
 illæsumque, intus autem occulto igne  
 in favillas redactum aspexit. Bubulus  
 993. etiam nonnemo, cum boves atrato  
 junxisset die feriato, cum bobus & ipse  
 suis, nullius noxæ reis, vindicibus con-  
 festim flammis in cineres redactus est.  
 Pauci hi è tam multis, qui in medium  
 afferri possent, sinistri eventus, id in  
 vobis efficiant, ut perspicuè cogno-  
 scatis, quàm seriò id agat DEUS, ut  
 qui suo honori ac cultui consecrati sunt  
 dies, impiè & irreligiosè non profa-

nentur. Si autem observaveritis, eo  
 potissimum pœnæ genere DEUM in  
 vialatores hos animadvertere, quod  
 omnium atrocissimum existimatur, ig-  
 ne, inquam, mirum id vobis non videat-  
 ur; hæc nimirum sacrilegis furibus  
 pœna debetur: horum autem è nume-  
 ro utique sunt, qui debi-um Divino  
 cultui tempus sacrilegi suffurantur.

XI. Non nescio, vos hæc supplicia  
 vestris oculis non usurpare, atque id-  
 circo parum illa vobis timoris incute-  
 re. Verum an ambigere prudenter po-  
 testis, messium sterili-um, tempestatum,  
 morborum, contagiosæ luis, sinistrorum  
 casuum aliorum, causam sæpè non esse  
 aliam, quàm dies, cultui Divino sacros,  
 profanatos? Bavari veteres huic delicto  
 graves omnino pœnas constituerant,  
 cum huic magna ex parte adscriberent  
 non leves pœnas, quibus DEUS morta-  
 lium genus crebrò plectit: & verò rem  
 ipsos haud dubiè tetigisse existimo. De-  
 inde, an vos latet, sæpè DEUM in nos  
 animadvertere virgâ illâ ac flagro sur-  
 do, quo sensum nobis Divinæ & adju-  
 tricis suæ gratiæ auxilia subtrahendo,  
 sinit nos in ruinam præcipites ferri?  
 Hæc est illa virga furoris, quam ipse  
 appellat, tantò metue-ida magis, quan-  
 tò minore strepitui in nos sævit: atque  
 hac eos potissimum DEUS punit, qui  
 rationem honoris ejus vel nullam ha-  
 bent, vel exiguam. Quidsi proinde vos  
 quoque, ne lucello pauculorum num-  
 morum excideretis, simili percussi vir-  
 gâ perderetis animam? Non vos latet,  
 postremum, quo hinc migrare contin-  
 get, diem, Justis & ex Christianâ lege  
 viventibus maximè solennem esse. Talis

*Apud  
 Crets de  
 Fest l. 3.  
 c. 11.*



autem profectò pro vobis non erit, si extremo illo die suâ vos DEUS gratiâ destituat: hac autem vos destituendos, vero haud sanè absimile est.

Quid enim? an speratis Servatorem JESUM cum omnibus illis Beatis Cœlitibus, quibus consecratos festòsque dies tam nullo religionis cultusque studio transegistis, tunc pleno agmine festinaturos, ut lucem vobis festam celebriorem reddant? Non est, quòd hos vobis favores polliceamini. Dam-  
 3. Th. 2. netur ad non consequendam beatam  
 2. q. 122. quietem, in DEO fruendam sitam, quæ  
 ar. 4. ad in Cœli patriâ nos manet, qui ejus si-  
 2. guram & adumbrationem hac in vitâ  
 nihili æstimavit. Ejus autem quietis, si hæcenus id nescitis, imago est cessatio à laboribus, diebus DEI cultui destinatis.

XII. Utinam autem summum malorum diebus feriatís essent opera servorum propria! id haud paulò deterius est, quod horum loco, sicubi omittuntur, alia succedant, quæ plus quàm servilia diximus; peccata, inquam, quæ vulgo audaciùs & minore cum fronte admittuntur illis ipsis diebus, quibus DEUM religiosius colere oporteret, quàm quibus in servilia incumbere permíssum est. Sicut dubium non est, quòd peccatum hominem à rebus Divinis magis avocet, quàm avocent occupationes & labores corporis alii, nullâ lege vetiti, ita, si  
 2. 2. qu. Angelico credimus, ambigendum non  
 122. ar. est, quin magis ille præceptum de die  
 4. ad 3. religiosè transigendo violet, qui peccat, quàm qui laborat: labor enim non rarò pietatis, charitatis, decentiæ,

aut etiam necessitatis titulo non excusari tantum, sed & laudari mere-  
 tur. At peccatum nunquam non pugnat cum tempore Divino cultui consecrato, & quidem è diametro: Atque idcirco, etsi tertium hoc præceptum Decalogi non nisi illa peccata prohibet, quæ pugnant cum Religione, & cultu DEO feriatís diebus debito; in sensu nihilominus mystico, quem dicimus, rectè asseritur, quòd omne etiam aliud peccatorum genus vetet: ut enim peccata omnia, cujuscunque demum sint generis, magis pugnant, quàm quodlibet servilium operum genus, cum illâ dierum feriatorum Sanctitate, ita magis etiam, quàm quæcunque alia vel maximè servilia opera, hujusce, de quo agimus, præcepti observationi adversantur. Atque hoc est, quòd DEUS spectasse videtur apud Jeremiam, dum simul semelque & ad Animam nostram curâ singulari custodiendam, & quàm maximè ad non ferenda onera adhortatus est: *Custodite animas vestras; & nolite portare pondera in die sabbati.* Ponderum horum nomine plures Interpretum peccata intelligunt; & rectè, nî fallor; cum peccata sint onus tam grave, ut vel Angelicis imposita humeris in cœlo, momento eos deprefferint in centrum Abyssi; & imposita humeris Servatoris nostri JESU in horto Gethsemani, cum, etsi pectore esset tam robusto, inclinârint tamen & incurvârint, quin & prostraverint: *Procidit super terram.* Hæc tamen onera Christianorum non pauci tam nihil æstímant, ut nisi his prægravati ne unum qui-

quidem diem sibi vivere posse videantur: nec advertunt miseri, non diu post suo se pondere non opprimendos tantum: sed planè conterendos. Tragem ingentem undis injicite; supernabit, & filo duci se sinet, quacunque libuerit, perinde ac si tenuis festuca foret; sed ad litus illam tantisper pertrahite, & ubi tunc illam loco movere conati fueritis, tum enim verò experiemini, quanti illa sit ponderis. Haud aliter modò peccata nostra nullius ferè nobis ponderis esse videntur, quia etiamnum aquis, ut sic dicam, fluentis temporis innatant: at cum ad litus æternitatis pertracta fuerint, prò quàm tum sentiemus onus, sic ut absque spe eo oppressi ingeniscamus, nisi temporari Animæ onus tam molestum excuserimus! Interim si hæc ferre onera pugnant cum Sanctitate dierum Divino cultui dicatorum, jure sanè merito pronuntiabimus, dies festos Christianorum, jam festos non esse, dum tantus tamque non facilè numerabilis eorum est numerus; quì ejusmodi oneribus toto anni tempore pressi incedunt; quin quod pejus est, aliarum aliarumque identidem culparum mole illa exaggerant, iisdem omnino diebus, quibus illa vel maximè oporteret excutere. *Nolite portare pondera in die Sabbati.* Si quando suis è tumultibus priorum ætatum Christiani attollerent capita, observaturi, quo ritu, quâ religione transigamus dicatos DEO dies, quid quæso, dicerent? illi, inquam, quibus solenne erat parare se ad dies sacros ritè transigendos multiplici pœnalium operum genere, ipsos autem

dies tantâ innocentia & puritate exigere? videntur vobis, ægrè mihi assensuri affirmanti, Christianorum dies festos, festos porrò non esse, & jam id apud multos eorum affectum Dæmonem, quod unicè spectabat, ut dies hi penitus tollerentur? *Quiescere faciamus omnes dies festos DEI à terra.* Quomodo fieri potest, ut sacri ac solennes multis sint dies, quibus non solàm non invenitur DEUS, sed amittitur; non colitur, sed impugnatur, sed ab Animabus, peccatorum vi, ejicitur & expellitur? *Magis contra hoc præceptum agit, qui peccat in die festo, quàm qui aliud corporale opus licitum facit.* Quæ sunt ipsa Angelici Doctoris verba.

*Loc. cit.*

### III.

XIII. Atque hoc etiam multò fiet manifestius, si alterius, quod proposueram, puncti meminisse voluerimus; finis inquam, quem spectat Lex, in obice servilium operum removendo. *Feriari nostrum*, ut affirmat S. Gregorius Nazianzenus, *aliud non est, quàm anima aliquid eorum aggere, quæ firma sunt.* Nimis quàm arctis limitibus humani animi facultates definiuntur, unde uno eodémque tempore rebus duabus gravioris momenti intendere, easque efficere nequit: atque hæc causâ aliis ab occupationibus otium nobis diebus sacris indicimus, ut tantò perfectius, impensiusque totifimus in animi emolumentis, & DEI honore procurandis. Hoc nimirum est, sanctificare dies festos: tempus illud Divino honori consecrare. *Illæ enim dicuntur in Lege sanctificari, quæ*

*2. 2. 9.  
122. 4. 4.  
cul. ad 4.*



cultui Divino applicantur: teste Angelico. Crescunt nonnunquam cerno cornua tantâ mole & altitudine, ut non eâ, quâ res posceret, celeritate currere subinde valeat. Quid tum ille agit? Tamdiu ad saxum illa affricat, donec omnino excidant; atque ita molesto onere, liber, celeritate summâ ad fontem, post pugnam cum serpentibus, qui invaserant, se proripit; nec lentius venatorum & canum insequentium eludit conatus, si fugientem apertis in campis persequantur. Imaginem in hoc habemus eorum, quæ spectat DEUS & Ecclesia, dum sacris diebus servilibus nobis operibus interdiciunt: id scilicet agunt, ut occupationum hujus Mundi impedimentis & tricis liberi, tantò promptius expeditiusque fugiamus hostes nostros stygios, & majori celeritate festinemus ad fontem Gratiarum, ad quem nos DEUS expectat. *Vocate, & videte, quoniam ego sum DEUS.* Ideo à laboribus interquiescimus, ut melius cognoscamus DEUM illique colendo, destinato nos animo addicamus. Id si propositum DEUS non haberet, tantum abest, ut laborum justitiam indiceret, ut potius ad defatigationem usque iis non juberet impendere. Otium siquidem tot Sacrarum Literarum locis aliàs prohibetur, tanquam mille

ps. 45.  
11.

Ecc. 33.  
29.

malorum Doctor ac Magister: *Multam malitiam docuit otiositas.* Perinde ac si diceret. Ut mille discas mala ac peccata, satis est, ut agas nihil; haud aliter ac argentum ipso non usu sitūque sordescit. Quietem Christianorum otiosam ac inertem esse non de-

cet: similem esse convenit quieti arcus, qui eâ causa identidem remittitur, ut ad tellus jaciendum aptior fortiorque reddatur. Igitur nec DEUS id, nec Ecclesia spectant, ut corporis vires quiescendo reparentur; sed multò magis, ut otium istud, spatium vobis animi negotiis gerendis, indulgeat. Sic industrius horti cultor Platani aut Pinus ramos terræ viciniore amputat; ut tantò rectius cælum versùs caput attollat. An autem hunc in finem quiete suâ Christiani utuntur? imò verò, vel Sancto Augustino teste, *Otio abutuntur ad nequitiam.* Unde minore illi malo, toto die corpus laboribus attererent, quàm ut illi otium, tanto Animi detrimento, indulgerent. *Melius utique totâ die foderent, quàm totâ die saltarent.* Sic Sacri & feriatî dies non jam illos ad fines serviunt, ad quos Divinâ lege destinati sunt; sed ad eos, ad quos eos malus Dæmon pervertit.

XIV. Apollonius, Regis Antiochi Archistrategus, Solymam ut amicus ingressus, inque ea tranquillè ad festam usque diem commoratus est; hac autem, cum animi causâ incolæ securi obambulant, eos repentinè armatâ militum suorum manu aggressus, per omnia discurrens compita, strage & cruore implevit universa. Hæc corporum laniena imago est alterius Animarum, quæ diebus Divino cultui destinatis, exercetur, dum malus Dæmon, post totam hebdomadam, velut dormiendo exactam, rumpit catenas, & Christiani Orbis Provincias gravissimis flagitiis implet; sic ut non

tan-

tantum diebus his minus ejusmodi sanctarum exercitationum peragatur, sed ut multo etiam plura mala perpetrentur. Prorsus igitur hunc salutis nostræ juratum hostem longè Apollonio crudeliorem mihi imaginor, callidiorémque, qui expectet sacros DEO dies, quibus feroci assultu, Christi affectas adorietur, sui in illo otio securos, quod cum sanctum esse oporteret, planè ab ipsis profanatur. Videtur mihi aciem suam in tres numerosas turmas dividere; quarum primum, ut Jacobi Apostoli verbis utamur, appellare possumus *Terrenam*, alteram *Animalem*, tertiam *Diabolicam*: quibus cum quaquaversum discurret, & omni ex parte strages edat ac funera.

XV. Prima igitur turma Avaritia est, cujus, præter jam indicata prava studia, quibus turpis lucri causâ servilibus ab operibus interquiescere non sinit, alia quoque perversa opera consideranda sunt, quibus actiones alias, quibus DEUS diebus sacris colendus esset, inturbat. Quam multi illi sunt, qui, ut jumenta sarcinis suis onusta comitentur, aut aliis lucri occasionibus, quæ cæteroquin nec vetitæ, nec tam viles sunt, quam illa, de qua dicebam, inhient, Sacrum non audiunt, aut certè periculo se exponunt, rem Divinam & Missæ Sacrificium negligendi, id quod jam sæpius sibi evenisse non ignorant? Cras, ait ille, feriatus dies est: ibo igitur, & pecuniam à debitore illo meo repetam; ibo, & villam illam meam aut horreum lustrabo, & tempori

ad sacrum audiendum revertar. Alius, cum meis, inquit, jumentis onustis pergam, ut mihi per sacrum Magistratum licet, & in itinere Sacrum hac aut illâ in Ecclesiâ audiam; sub eam enim horam, qua appellam, Sacerdos istuc facere solet: & tamen subinde omnibus sic ad amussim commensis venit ad illud templum, cum peracta jam sacra sunt: tum autem promptum est malo remedium, si pro sacro tribunali obiter se accuset, & dicat: Pater, præter spem Sacerdoti sacrificanti adesse non potui. O insanos! si sciretis, quantæ opes uno in sacro lateant, volentes lubentè que subiretis jacturam omnium, quæ vel in crumenâ, vel officinâ aut tabernâ possidetis, potius, quam ut vel unicum Sacrum omitteretis. Sed hoc nimirum Avaritiæ proprium est: quàm oculata est & solers ad lucra terrena, tam cæca & stolidâ est ad æterna & cœlestia. Judas ad assem *Joan 15.* usque noverat æstimare unguentum à Magdalena Christi Servatoris pedibus superfusum, affirmando, facile trecentos denarios ex eo divendito redigi potuisse: cum autem subinde DEUS ipse justo illi pretio æstimandus esset, tam à verâ defecit æstimatione, ut triginta illum argenteis venderet, minore etiam pretio contentus futurus: *Quid vultis mihi dare, & ego vo-* *Matth.* *26. 15.* *bis eum tradam*; Idem non pauci, habendi cupiditate impulsî, factitant: eâ sunt judicandi peripiciaci, ut justo pretio agros, pecora, frumentum, merces alias taxare nòrint; in Anima autem propriâ, cœlòque æstimandis longè



aberrant. Nec tamen hæc gravissima mala sunt, quæ Avaritia circa dies sacros perpetrat. Gravius est, quod Christianorum è numero bene multi, etsi Sacerdoti ad Aram facienti corpore adfuerint, animo tamen à sacro, quin & à Templo, multorum milliarum spatio distent. Immersi gravissimis negotiorum suorum momentis cuperent initium Sacri cum fine conjungere. Omnis paulò longior, quam ad Aram Sacerdos trahat, mora, ipsis est molestissima, & cum ad Populum se ille obverterit, verba de Divinis facturus, os contorquent, & non obscuris admirationis indignationisque signis zeli parùm prudentis ac moderati eum arguunt. Tandem, si Templo pedem extulerint, cavent sedulò, ne unquam eo die revertantur; alia enim eos vocant negotia: curis distinentur, è quibus plus longè in eos redundet emolumenti, quàm si Beatorum Cœlitum cultui, aut salutis suæ negotio se impenderent. Sic dicatos DEO dies oppugnat avaritia, quæ anxietatibus curisque hoc illis infert damnum, quod vineæ, nullius sepi præsidio circumdata, illi, qui propè illam transeunt; cum hanc eò redigunt, ut nemini, præterquam Domino suo, sterillius evadat. Sic pro solo DEO festis diebus horula superest nulla; aliis negotiis tempus abunde suppetit.

XVI. Magis tamen adhuc funesta & cruenta est strages, quam altera editurta, quam *Animalem* diximus: nec enim altius illa se attollit, nec metam sibi præfigit nobiliorem, quàm ut sensus oblectet, homini cum brutis

communes. Juventus omnis sub vexillo deliciarum & voluptatum militat, & ad hoc minùs impeditos dies sacros expectat, ut commodius oblectamentis suis operam det: *Occasio luxuria pietas deputatur*, ut Tertullianus aiebat: nec enim tam petulci ac salaces in prata equi emissarii & equæ festinant, quàm ad Tempia se Juvenes ac Puellæ conferant. Juvenes Tribus Benjaminiticæ sacrum ac festum expectant diem, quo miseris Siloitis insidias tenderent, & suam quisque sibi Puellam raperet: *Ecce solennitas DEI est in Silo: & juxta numerum suum rapuerunt sibi de his quæ ducebant cheros, uxores singulas.* Utinam Juvenibus nostratibus sacri dies insidiis etiam nocentioribus idonei non viderentur, dum desideriis, colloquiis, quin factis sæpè ipsis, sacri dies scœdissimis non rarò libidinibus profanantur! Et tamen vel Leges Principum olim dies sacros, *Tempus Castitatis* nominarunt. Sed tam præclaram nomenclationem hodie dies sacri, plerumque, certè, porrò non merentur, cum tam multi Christianà è Gente illos bello contra Castitatem movendo consecrent. Et ut de illo aliquid attingam, quod locum istum non dehonestat; quando unquam vel diutius, vel liberius amatoris artibus ac levitatibus indulgetur, quàm diebus sacris? Hunc unum in finem destinati videri possent, dum aliquos non pudet à his ordini diem, dum primo mane ad amasias accedant, ut eas ad Templum comitentur, utque aurorà tam turbidà diem

Judi  
21.  
23.

G. 6  
Epist.  
aud.  
§. 2  
enim

auspicentur, quæ aliud, quàm diem subsequentem tempestatibus foedam, ominari non sinat.

XVII. De Choreis jam quid dicemus, quæ sunt ars mali Dæmonis bellissima, ad plures animas momento temporis brevissimo in exitium impellendas? Affirmat Athenæus, Choreas principio inventas esse tanquam artis militaris rudimenta, ut disceret Juventus, quàm dexterinè se recipere in procursionibus, quibus in orbem militum globi discurrent. Quanto autem sapientiùs affirmasset, excogitatas à Dæmone choreas tanquam præludium belli alterius multò funestioris; ad erudiendos, inquam, Juvenes, quomodo, positâ verecundiâ, tam non recipere se debeant, ut potius invadant? Sed ne longiùs. Certè rectius censuit, qui pronuntiavit, Dæmonem Idolum quodpiam Ægyptiorum, quod Apin dicunt, ingressum, variis illud modis motitando, nunc saltibus ordinariis, nunc celeri pedum in sublimi agitatione, nunc mutuo occursum, nunc in orbem rotatione, omnium primum artem saltandi docuisse. Istud equidem certum est, nobis hinc innotescere, quid artibus iis à se excogitatis spectet Infernus, quæ non aliàs magis, quàm diebus saceris à Christianis exercentur; imò diebus maximè festivis, & vel glorioso alicui Christi Martyri, vel Innocentissimæ Virgini dedicatis, non ad illos colendos, sed novis tormentis dilacerandos; ad Virginem non honorandam, sed magis irritandam ab-

uti docet. Verbo: hæc Festa sunt Juvenum Saltus & Amores.

XVIII. Sed quâ tandem ratione sacros dies viri exigent? hi nimirum prudentiores sunt, nec tempus his nugis insumunt; utiliùs, ut ipsi quidem putant, impendunt illud ludendo, perpõtando, convivia celebrando. Non ita durus & asper ego sum, ut post totius hebdomadæ labores quietis aliquid & oblectamenti vobis non indulgeam. Satisne tamen honesta oblectandi vos ratio videtur, diem totam ludendo prodigere inter blasphemias, jacturam faciendo omnis lucelli tanto sudore conquesti, quo vivere deberet tota familia, & cum pecunia ipsam adeò animam amittere? Non veto, cum S. Gregorio Nazianzeno, *animi relaxationem, sed petulantiam* Orat. 6. coercere. An vos honestam animi relaxationem appellabitis illa conventicula Bibonum, quos S. Joannes Chrysostomus non Christianæ tantùm Religionis, *sed humani generis opprobria* Hom. 3. appellavit? Nam & sordidissimæ *be-* ad Pop. stitæ bibunt quidem, sed bibunt, quia sitiunt, cum isti bibant, ut sitiant. Anima proin vobiscum reputate, quàm egregia DEUM colendi luce sacrâ sit ratio, spongiæ instar, vino se penitus penitusque imbuiere, nec alium DEUM, quàm suum ventrem adorare? Idne est, O Christiani, celebrare diem festum, *indulgere ventri, & inconcessis voluptatibus habenas laxare?* L. 3. in Joan. c. 5. Attonitus exclamat S. Cyrillus: mox subdit. *Diebus ad exercenda opera servilia*



concessit, unusquisque suo intentus est opiri, & abstinere à crapulâ, laudis & vanitatibus: Diebus autem festis passim concurretur ad cauponas, & ludos, ad spectacula & choreas in irrisionem Divini Nominis, & diei prævaricationem. Vilem mihi est totum hunc S. Doctoris locum, etsi bene longum, asserere: nam etsi de suis ipse temporibus loquitur, nostra tamen ad amissim videtur describere.

XIX. Ultima tandem Turma, quàm contra dies DEO sacros malus Dæmon in aciem educit, mihi vel nominare paranti horrorem incutit: nam ab ipso suo Ductore, qui primos ordines præit, *Diabolica* appellatur. Est autem hæc superbia, quæ nunquam triumphat splendidiùs, quàm diebus summâ Religione sacris. *Gloritati sunt in medio solennitatis tuæ.* Sic ut jam dies DEO colendo consecrati, superbiæ & fastui consecrati videantur. Non nescio, ad ipsos dies sacros rectiùs honorandos pertinere, solito mundiùs & elegantius vestiri. Solenne id erat Heroi illi inclyto Thomæ Moro, qui vel in carceris squallore ac tenebris splendidiùs se diebus feriatis amiciebat: rogatusque cur id faceret, cum tamen videretur à nemine? Non assuevi, respondebat, elegantius vestiri diebus sacris, ut ego, sed ut DEUS amplius honoretur. Quomodo tamen non repugnabit cultui DEO debito, tantum temporis exornando capiti dare, nullâ animi curâ, & exornare

illud non alio fine, quàm ut aliorum in oculos sic exulta incurrat, nec ob aliud ædem sacram accedere, quàm ut sui spectaculo, eò concurrere solitos, vanè oblectet? Hoc aliud non est, quàm corporis indumenta mutare in retia Animorum, & tempus DEO dicatum in venationem Inferni; sic ut si olim plangebant viæ Hierusalem, quia non erat, qui ad dies festos conflueret: *Via Sion lugent, eò quòd* *Thr.* *non sint, qui veniant ad solennitatem:* nunc è diverso plangere oportet ædes sacras, quòd tam multæ ad eas confluant fæminæ, quæ & suâ, & aliorum causâ rectiùs facerent, si domi abditæ laterent; cum eò veniant peregrinis imbutæ odoribus, ad pompam & fastum exultæ, splendidiùsque ornatæ, quàm sit ipsa illa, ad quam veniunt, *pf.* *ædes sacra.* *Circumornata ut v. i.* *similitudo templi:* Ut Vates Regius loquitur. Veniunt, ut mali Dæmonis se delubrum faciant, qui cum prostrata hodie Idola cernat, in animatis his Templis aliud Elegantia, aut Vanitatis Idolum constituit, cui deinde Animas suas immolare Christianos non pudet. Magnis interim vocibus sacri Mystæ in Templis ingeminant. *Gloria in Excelsis DEO:* vespertinae autem Psalmodiæ tempore iterum iterumque repetant: *Gloria Patri, gloria Filio, gloria Spiritui Sancto;* cum eodem planè momento, plena vanissimæ jactantiæ fæmina, mediam se DEUM inter & populum statuatur, sibi que, quæ uni DEO debetur, gloriam vindicare

*pf. 73. 4.*

*Beir-  
linck in  
Apoph.*

re laboret; sibi, usurpet reverentes illas capitis inclinationes, illas totius corporis curvationes, & tantum non illud sibi thus immolari curet, quod DEO, Mundi supremo Monarchæ, erat destinatum. Sed vix his idolis, vix his Idololatris! vix illis feminis, quæ sacras ad ædes veniunt, ut spectentur; & vix illis Juvenibus, qui veniunt ut spectent! Et cur vix? ideo, quia à DEO maledicti sunt. *Maledictum Idolum, & qui fecit illud.* Maledictus non solum, qui, adorando hæc Idola, facit, ut sint idola, sed maledictum etiam Idolum, quod adorari se sinit: rationem dat Sacer textus: *Quia cum esset fragile, DEUS cognominatus est.* An nescit tandem femina, quid ipsa sit? novit utique, aliud se non esse, quam parum luti conspersi nive: quomodo igitur non permittit tantum, ut DEA habeatur, sed obtutibus, gestibus, vestium genere, quod conditionem longè superet, solerter id agit, ut debitus supremæ Majestati honor, diebus illi sacris, sibi impendatur? Maledictum igitur Idolum istud, & maledictus, qui sacro tempore abuitur ad illud adorandum.

XX. Et verò tolerabilis esset Arrogantia feminæ, si non aliud hîc, quam Vanitas aliqua reprehendi mereretur; sed vanitatem comitatur nuditas, quâ mulier sit telum, Dæmonis manu strictum, nudatumque. Diebus operi destinatis domi se suæ continet, & est ensis suâ vaginâ te-

ctus: sed die sacro, dum prodit in publicum nudis brachijs, nudis humeris ac pectore, nec nudis tantum, sed ad nitorem excultis, ensis instar est nudi, imò exacuti, & ad feriendum omni ex latere aptissimi, sic ut aspectantium animos profunditus vulnerare possit. Dicent quidem illæ, propositum sibi haud quaquam esse tam luculentam stragem edere, sed tantum aspici: quomodo autem cohærent istâ, si ipsum aspici idem planè est ac stragem hanc edere? Nolim quidem ego hîc definire, quam noxam, quàmque gravem contrahant feminæ, tam propudiosè se vestiendo, itaque occasionem præbendo tot peccatis, quæ feritatis diebus à Juvenibus sæpè admodum cogitatione ac desiderijs, non rarò etiam opere ipso admittuntur; neque enim satis mihi perspectum est, quantum placeat DEO huic in publicum noxiæ insanix indulgere. Illud tantum dicam, cum, qui flante vehementiore vento stuppas suas accenderit, si flamma vicinas segetes corripuerit, Legum-sententiâ infontem non haberi. *Si die ventoso id fecit, culpa occidit.* *L. Qui* reus erit: provideri enim tam præff. ad l. sens discrimen potuit, atque ita etiam evitari. *Aquil.* Quomodo igitur in *§ in hac* re nostrâ mulier vanitatis amans & *quoque.* studiosa, excusari meretur, & insons haberi? Si, tranquilla circa nos essent omnia, si tempestas nulla, ventus vehementior nullus, ut errant res Innocentiâ nondum deperditâ, parum sanè incommodi afferret, nudos



nudos ostentare humeros, brachia non teſta, ſinum apertum: periculi eſſet nihil, ne tum concupiſcentiæ ignis exardeſceret in eâ tranquillitate: ſed quia ætatem vivimus, in qua perturbationes animi & propenſiones pravæ, ruptis habenis, ventorum inſtar furentium tumultuantur omni ex latere, quæ unquam ſatis ſibi tuta videbitur, quòd nulla ipſi reddenda ſit ratio ob ſparſum in tam multos incendium genere iſto veſtiendi tam eſſe ſuſcepti ad proritandum? Qui occaſionem damni præſtat, damnum feciſſe videtur.

XXI. Revertamur ad id, quod principio propoſueram: ſi hæc eſt ratio tranſigendi dies ſacros multorum omnino Chriſtianorum, an non rectè pronuntio; dies ſacros jam ſacros non eſſe? hoc non eſt dies hos religioſè colere, ſed parùm piè profanare. Non eſt hoc feſtivitatem DEI colere, ſed inquinare. Meritò dies hos DEUS vocat Feſta non ſua, ſed noſtra, magisque illos quàm alios abominatur. Odi, & projecit feſtivities veſtras, & non capiam odorem cætuum veſtrorum. Nec enim DEO ſacri dies ſunt, qui ſerviunt tantùm ad eum offendendum, non honorandum; nec materiam ſibi in iis complacendi, ſed eos execrandi & abominandi offerunt. Sic autem quam tandem ſalutis conſequendæ ſpem concipere poterunt, qui ſic dies iſtos profanant, qui ex tam multis DEO deſtinati & ſervati ſunt? Æger ille, qui deterius habere incipit, die quo remittere viſ morbi debet, vitæ ſpem habet nullam, aut vix ullam. Quare neceſſe eſt ſecum

ſtatuerè, ſanctiſ. poſthac feriatis dies tranſigere. Qui quieſcit, quieſcat, Ezechiel inquit Ezechiel: Qui diem feriatum agit, agat eum verè, & ab omnibus ſe abſtineat, quæcunque cum die ſacro non ſtant, ut ſunt opera ſervilia & laborioſa; ea autem exequatur, quæ ad dies ſacros referuntur, det, inquam, tempus DEO, non otio, non ventri, non licentiæ, non libidini, non ludis noxiis, non aliis vitiiſ quibuſcunque:

XXII. Feriati hi dies, ſicut ceſſatione ab opere ſunt figura & imago, ſic illo obſequiorum genere, quæ DEO ut debentur, ita illi his maximè diebus exhibentur, non figura tantùm, ſed principium ac præludium ſunt diei illius ſacraſſimæ, quam in cælo nox nulla conſequetur: Quando erit Sabbathum ex Sabbatho, ut Iſaias loquitur, 23. à die nimirum ſacro brevè, per intervalla redeunte, & imperfecto, qualis eſt, quem hinc agimus, tranſibitur ad ſolennitatem beatiffimam. Sic igitur aliquo modo tranſigendi ſunt dies feriati in terris, ſicut à Beatiff. Cœlitibus tranſiguntur in Patriâ. Verum quidem eſt, Eccleſiæ præcepto nos ad plus non teneri, quàm ut Sacerdoti ad aram facienti adſimus. Sed ſi ea eſt Matris Eccleſiæ in filios ſuos benignitas, ut tam parum eos oneratos cupiat, par tamen non eſt, ipſos hinc pigritiæ & inertię occaſionem ſumere; ſed potius, animos ſibi addere, ut tantò plura non imperata religionis opera diebus ſacris obeant, ac peragant; id ſecum reputantes, actiones hæc ipſas, baſſami inſtar, quod ſponte manat,

2 prædicationi ad proritandum? Qui occaſionem damni præſtat, damnum feciſſe videtur.

Chryſ.  
ſer. 8. de  
Reſur-  
rect.

Amos.  
5. 22. 27.

nat, multò fore DEO gratiores, quàm si præcepti vi essent extortæ. Quam igitur normam dabo vobis, juxta quam proportionem quisque suâ, suæ conditioni respondente, festos dies exigat? non aliam planè, quàm illam, juxta quam primæ ætatis Christiani dies omnes ac singulos exigebant; adeò nos illi Divini obsequii studio & ardore superabant. *Erant perseverantes in doctrinâ Apostolorum, & Communicatione fractionis panis, & Orationis.*

XXIII. Observant igitur primo loco Sacræ Litteræ, Christianos illos constanter in audiendâ Apostolorum doctrinâ perseverasse: *erant perseverantes in Doctrinâ Apostolorum*, id quod vobis quoque faciendum incumbit diebus feriatis; nec enim aliud tempus sacræ huic exercitationi opportunus. *Sapientiam scribe in tempore vacuitatis*; quæ sunt Ecclesiastici verba. Cujus rei ea est ratio; quòd cum à vobis, quâ est facultatum suarum imbecillitate, pluribus simul rebus intendere non possit; tempus præ quovis alio opportunum ad altè inferendam animo Divinam sapientiam, illud erit, quo facessere jussis caducarum rerum curis omnibus, quæ tantopere mentem implicant, melioribus tantùm animus addicitur: *in tempore vacuitatis*. Cunctis omnino Christianis incumbit obligatio feriatis diebus audiendi Divini verbi: illis tamen, qui rerum Divinarum, & Mysteriorum ac Dogmatum Religionis nostræ, etiam scitu necessariorum, rudes sunt, major incumbit: & fieri

nonnunquam potest, ut majoris sub noxæ reatu Concionem, aut Christianam doctrinam audire, quàm Sacro Missæ sacrificio adesse teneatur. Nec dispar mihi eorum videtur conditio, qui vitis quibusdam pessimè assueti, obducto jam in iis callo, absque gravi salutis suæ discrimine & contemptu, non possunt hoc tam præstans seriæ emendationis medium negligere. Et hi tamen ipsi sunt, qui nunquam in Concione comparent; sed proripiunt se, & fugâ subducunt, oderuntque illa potissimum Tempora, in quibus ad Populum verba fiunt; crederes, eos sibi timere, ne ad bonam frugem convertantur, haud aliter ac serpens incantatorem fugit: & interim miseris in mentem non venit, hanc Divini verbi audiendi nauseam & horrorem argumentum esse minimè fallax hominis Reprobi, juxta illud Servatoris nostri: *Propterea vos non auditis, quia ex DEO non estis*. Absit procul hoc à vobis, Dilectissimi: vobis persuasissimum esse debet, dies feriatis, dies esse audiendis prælectionibus sublimis illius scientiæ, quam melius assequi non datur, quàm dum à negotiis & curis rerum caducarum otium conceditur: *Qui minoratur actu, Sapientiam percipiet.*

XXIV. Altera primæ ætatis Christianorum occupatio erat creber Divinorum Mysteriorum usus: *erant perseverantes in Communicatione fractionis panis*. Hæc etiam, præquam ulla alia, factolanda est exercitatio, ob quam laborum institium indicitur. Si nostræ ætatis Christiani nossent, idèò



deò quieti à laboribus dies aliquos destinatos esse, Paschales Feras, quibus ad Divinissimum Epulum accederent, non expectarent. Non desunt, qui ad negligentiam suam excusandam id afferunt, ex quo magis eorum palam sit ignavia; dicunt enim, ideò se crebriore Divini Panis usu abstinere, ne inter alios digitis monstrentur. Qui vestrum sciret, quale quantumque donum sit, quod in Divino Eucharistiæ Mysterio à DEO offertur! *Si sciret donum DEI*, nã ille nunquam porro stultas has in voces prorumperet: *Rarius Divino Pane vescor, ne me alij digito monstrent. Quæ hæc, per DEUM loquendi ratio?* Sicubi ursus in favum meliis inciderit, tantâ aviditate in illum fertur, ut tota apum agmina, aculeis in illum suis armata, facere non possint, ut inventâ dulcedine non fruatur, Quare illud certum habete; si linguæ eorum, qui mortales, præ cæteris religiosiores, jocos & dictarijs suis traducunt, non linguæ essent, sed gladij, vos non formidaturos eorum vulnera, ubi semel gustu percipere liceret suavitatem cibi Eucharistici, & fructum inexplicabilem, quem colligit Anima, ex cibo hoc crebrius usurpato. *Comede, fili, mel, quoniam bonum est.* Ne, quæso, ne omittatis tam nullâ aut levi de causâ pascere vos inelle, parato à Patre æterno, quem ad id ingens ille suus in nos amor impulit; licet enim par esset vos omni contentione Panem hunc petere, ipse tamen vos prior invitat; quin rogat, ut acceptare ab ipso Pa-

nem istum non pigeat: *Comede, Fili mel, quoniam bonum est.* Ratio proinde postularet, ut singulis saltem mensibus Divinam hanc ad mensam accumberetis (hic enim inter præcipuos, dies festos agendi, ritus est, Convivijs illos solenniores reddere) sapius verò animum noxarum apud Sacerdotem confessione expiaretis.

XXV. Persæ Veteres non alia magis te præcipuos dies solennes redderant, quàm sedulâ serpentum, aliorumque pestilentium & publicè noxiorum Animalium venatione. O si Christiani quoque feriatis diebus cuncti in talem venationem, duce Fide, proficiscerentur! Quot in animo noxas habent, tot illa venenatissimos serpentes in eorum quolibet detegeret, & armis insuper veræ Contritionis, Confessionisque eos instrueret, ad Monstra hæc tam pernitiiosa occidenda, & extirpanda. Certum est, non defuisse Doctores, qui existimarent, ipsum Præceptum sanctificandi dies feriatos obligare eum, qui opus habere deprehensus fuerit, ad actus ejusmodi Contritionis, Confessionisque producendos. Ego tamen medium hoc non proponam vobis tantum rem severo præcepto imperatam, sed consultam ut utilem, præterquam sit ulla alia, ad Animæ salutem consequendam; certos vos faciendo, quòd si hoc meum consilium sequi non detrectaveritis, non difficilis futura sit illa vitæ morumque emendatio, quæ absque illo sperari vix, si tamen ullo modo potest. Cùm recens est gluten & humidum, non magno

conatu opus est, ut quæ illo conjuncta sunt ligna, denuo separentur: at cum morâ longiore induraverit, ligna arcta jam colærentia franges citius, quàm separe. Haud aliter si semel quot mensibus, aut etiã crebrius, Sacerdoti quis peccata sua aperiret, non admodum difficile foret animum avellere à commerciis periculosis, à foedæ libidinis amore, à habendi perfas nefasque cupiditate; à propensione ad inanem gloriam: nec enim vitia adhuc tenacius adhæssissent. At ubi quis expectaverit menses integros, aut annum; tam contumaciter adhærebunt, ut illa frangere possit, non evellere: tantâ inquam, cum difficultate vitam emendare, ut animi satis ad rem tam arduam non sit habiturus.

XXVI. Denique non aliud Christiani illi Sancti agebant diutius, quàm ut orarent. *Erant perseverantes in Oratione*: eratque hoc negotium ejus diei tam proprium, ut Constantinus Imperator diem Dominicum Orationis diem appellaret. Et verò Oratio inter præcipuos religionis & proprios actus est, quæ homo magnum DEO honorem habet; orando enim se illi subicit, fateturque se eo summe indigere, & cum omnis boni auctorem agnosceret. *Invoca me, & honorificabis me*: ait Sacer Vates. Interim ætatis nostræ Christiani rem eò reducunt, ut satis orasse sibi videantur, si Deiparæ Salutationes ad globulos inter mille animi evagationes & gestus irreverentes decurrerint: & ta-

men isti inter religiosiores habentur, si iis comparentur, quæ ne linguâ quidem DEUM honorant. At hoc profectò nequaquam est dies feriatus sanctificare. Necessè est, dum Coronam Salutationum Deiparæ teximus, miseras nostras & inopiam eâ demissione proponere, quæ pauperem; eâ verò fiducia, quæ filium deceat. *In omni Oratione & obsecratione, petitiones vestra innotescant apud DEUM*: & quia eodem loco addit Apostolus, cum gratiarum actionem, quocumque applicare oportet ad reputanda secum DEI beneficia, & ad modum iis respondendi; cum hoc re ipsa maximum sit obsequium, quod præstare Divinæ Majestati possumus, quodque ipse peculiari quadam ratione à nobis exposcat. *Cultus DEI*, sic docet Magnus Augustinus, *in hoc maxime consistit, ut anima ei non ingrata*. Nec aliâ de causâ præcipit Ecclesia, ut feriatis diebus Christiani, Sacerdoti sacrificanti adsint: quàm ut Divinæ miserationi Divino illo Sacrificio gratos se exhibeant tam pro beneficio Redempti humani generis, quàm pro omnibus aliis antè, aut post illud collatis.

XXVII. Præter hæc aliquid temporis dandum est componendis Animæ rationibus, lucris cognoscendis, damnis reparandis! sic ut quivis intima sua perscrutatus probe perpendat, quomodo utatur tempore, quod illi DEUS ut sementem æternitatis credidit. Ajunt formicas uno aliquo mensis die ( illo sci-




cet, qui inter Lunam lumine imminutam, & denuo crescentem intercedit) ferari, eoque cessare ab omni prorsus opere, sic ut quidem à latibulis suis prodeant, ut (quod curiosi quidam deprehendisse se existimant) cognoscant, quantum cumularint, & sicubi opus fuerit, latibula sua reparent ac restaurent. Si ita res se habet, constitutum mihi est, pigros illos, qui res animæ penitus negligunt, interiora sua lustrant nunquam, nec unquam, quo loco sint cuncta, perscrutantur, ad discendum, quid facto opus sit, ad

*Prov. 6. 6. O piger, & disce sapientiam.*

XXVIII. Auditores Amantissimi. Si Christiani primæ ætatis his exercitationibus totam propè dabant hebdomadam, an magnum quid erit, si plusculas sacrorum dierum horas vos illis tribuatis? Quæ tandem multorum infania est, nec feriatís quidem diebus posse à labore interquiescere? Animalia quæ non dormiunt, hoc ipso produnt, se cerebro carere: Non dormiunt, quæ cerebrum non habent. Ego non dubitabo asserere eos Christianorum numero, qui à curis & sollicitudinibus suis nunquam interquiescant, omni iudicio, imò omni Fide destituti. His enim si non carent, feriatís diebus uterentur ad re-

ctè pieque operandum, quòd sic emendent malum, quod per hebdomadam operati sunt, idque & ipsi spectarent, quod Deus & Ecclesia in ferendo hoc præcepto spectarunt. *Ut siquid neglig. s. 6 gentia sex dies agitur, per diem Do. ep. 3 minica per precibus expietur.* En igitur quid statuere hodie vos oporteat, priusquam his parietibus pedem efferatis; reddere nimirum deinceps DEO, quod DEI est: *Reddite, quæ sunt DEI, DEO.* Nemo deinceps furetur illi diem, honori ejus & cultui consecratum: non profanet avaritiâ, non fœdis voluptatibus, non aliis oblectamentis vetitis, id enim aliud non foret, quàm diem ejusmodi orco consecrare: expendat id tempus in exercitationibus pietatis Christianæ, ut idoneum quisque se reddat ad illa benefici largitoris DEI dona accipienda, quæ ipse promittit cunctis, qui dies ipsi consecratos verè sanctificent, in hac primùm, dein etiam alterâ in vitâ. *Si vocaveris Sab- 1 batum delicatum, & sanctum Domini, 1 cibabo te hereditate Jacob Patris tui.* Fuit autem hæc hereditas; *de rore 2 cæli & de pinguedine terræ.* De rore cæli quidem, propter bona cœlestia, quæ alterâ in vitâ conferantur: *de 2 pinguedine terræ* autem, ob bona transeuntia, quæ hac in vitâ adjunctur.



# DISCURSUS XII.

## *De Sanctissimo Missæ Sacrificio.*

**N** II aliud contra DEUM malus Dæmon molitur studiosius, quam ut adorandum Missæ Sacrificium e Mundo tollat peritus. Et quamquam certum sit, hunc ejus conatum ad postremum usque Mundi diem exitum non sortitum; nunquam tamen ille; quantum potest, conari desinit: iis proinde locis, ubi plus efficere se posse desperat, id facit, quod belli tempore fieri assolet; ut; cum hosti majores machinæ & tormenta eripi non possunt, impactis in nitrati pulveris scutellam clavis reddantur inutiles. An non omnium oculis patet, quòd inter nos Orthodoxos, quibus Sacrificium ex toto nequit eripere, id saltem obtinuerit, ut qui illud faciunt, tam faciant luridè & negligenter, qui verò audiunt, tam absque pietatis sensu modestiæque auscultent, ut excitari possit, id apud multos omnino affectus, ut telum hoc, quo nullum est ad expugnandam stygem potentius, infixis velut clavis inutile sit redditum? Utinam mihi contingat hodie vestris in animis unam excitare Fidei scintillulam circa Mysteria hæc sublimissima, quæ à nobis Sacerdotibus ad aram litantibus geruntur! enimverò rem magnam vestro com-

modo præstitisse mihi viderer. Conabor hoc efficere: & modicum illud, quod vobis proponere & explicare potero, modicum non erit, si illud saltem intelligatis: nam de re tantâ differere ut par est, nec Seraphini aliqujus lingua unquam potens erit. Velim igitur exercitetis vos ad sic auscultandum, sicut rei gravitas postulat, dum ego me accingo ad duo vobis demonstranda: quorum primum sunt ingenia illa bona, quæ ex Divino in nos Sacrificio redundant: alterum est modus, bona hæc largè admodum & abundanter consequendi. Ordiamur à primo.

I.

II. Quid tandem spectavit amabilissimus Servator noster JESUS incruentum hoc Sacrificium in Ecclesiâ instituendo? Dicam quàm paucissimis. Id spectavit, ne unquam deinceps his in terris animæ nostræ inopes essent: *In omnibus divites facti estis in illo*: ut Apostolus loquitur. <sup>I. Cor. 1. 5.</sup> Locupletati estis per Christum JESUM omni genere divitiarum spiritualium, sic ut omne nominum & debitorum genus possitis expungere. Quaduplici autem, si rectè Angelicus docuit, nominum genere DEO obstricti tenemur, sic ut quodlibet eorum infinitum sit: quibus proinde expungen-



pungendis quàm nostra bona omnia non sufficiunt, tam habemus abundè, unde satisfaciamus, in infinito thesauro, quem ex Divinò Sacrificio haurire licet. Honoranda imprimis nobis est Divina Majestas, deinde placanda, tertio gratiæ illi agendæ pro acceptis, & denique ab eâ petenda, quibus porro indigemus: hunc in debitis his enumerandis ordinem non absque ratione S. Doctor

*s. Th. 1. servavit: Maxime enim, inquit, 2. q. 102. obligatur homo DEO propter ejus Ma- art. 3. ad 10. jestatem, secundo propter offensam commissam, tertio propter beneficia jam suscepta, quarto propter beneficia sperata.* Perpendamus sigillatim omnia hæc nomina, ut probè intelligamus inexhaustas opes fodinæ nobis ad illa delenda donatæ.

III. Debemus igitur ante omnia DEO obsequium, nec qualecunque, sed planè infinitum. Si enim honor debetur dignitati cuicunque; & major majorque debetur, quò magis ista crescit; difficile profectò non est, inde colligere, cùm DEI Magnitudo & dignitas limites & fines omnino nullos habeat, honorem quoque illi deberi tantæ magnitudini respondentem, ipsum nimirum etiam fines ac limites nullos habentem:

*Pf. 150. 2. Laudate eum secundum multitudinem magnitudinis ejus.* Tantòque id magis, quòd cùm DEUS iste ac Dominus suâ naturâ mutationis omnis sit expers, nihil etiam boni recipere in se de novo possit, sed illud tantum externum à rebus conditis

bonum, quod in eum redundat ex cognitione perfectiore supremæ ac Divinæ Majestatis ejus, quæ res creatæ donentur, & ex illâ æstimatione, quam de illo se habere ipsæ profitentur. Atque hinc observare licet extremam hominis egestatem. Ubi enim invenire erit obsequium, ejusque professionem, quæ tam magni DEI dignitati respondeat? Tam ille perfectus est, ut nullâ ratione æquum sit, nos vel in re tenuissimâ repugnare ejus voluntati, etsi ageretur de servandis tali voluntatis actu mortalibus omnibus ab atrocissimis Inferorum cruciatibus, imò de iis liberandis, qui jam ad rogos illos destinati sunt: quodnam igitur aspiciam erit donum æquale, quo nos agnoscere demonstremus excellentiam hanc infinitam? Fingite animo Regem totius aspectabilis Mundi Dominum: quo tributo ejus dignitatem adæquabimus? An non mare foret egenum? An non fodinæ omnes steriles? An non elementa omnia paria non essent suppeditandis, quæ ad tale tributum requirerentur? Judicate nunc ipsi, quid Tellus omnis habeat, quò pro dignitate honoretur Mundi totius Conditor, cui comparatus non homo tantum, sed omnis aspectabilis hinc rerum apparatus, imò quæ existere possent omnia, nihil sunt? *Quid dignum offeram Domino?* Attoniti dicere possumus eo, quo Michæas Prophetæ, sacro horrore perfuncti. Ab-

jiciam

jiciam me? prono in terram vultu  
 reverebor? flectam genua? *Curvabo*  
*genu DEO excelsso?* Quid autem hoc  
 fit tanto Monarchâ dignum: Offe-  
 ram proinde illi munera splendidissi-  
 ma. Nunquid offeram ei holocausto-  
 mata? Sed hæc tantæ convenientia  
 Majestati ubi tandem inveniam? Cir-  
 cumferte oculos per res conditas om-  
 nino omnes; nec est, nec esse potest  
 in omni hoc numero ullum dignum  
 DEO munus. Munus DEO dignum  
 aliud esse nequit, quàm ipse DEUS;  
 & ille, qui sedet in sublimi Mag-  
 nitudinis suæ throno, descendat o-  
 portet, ut fiat Victimam in Altari,  
 sicque id, quod offertur, ex toto  
 respondeat excellentiæ Majestatis e-  
 jus infinitæ. Atque hoc est, quòd  
 in tremendo Missæ Sacrificio perfici-  
 citur, quo DEUS eo honore, eo  
 cultu afficitur, quem meretur, dum  
 ab ipso adeò DEO honore afficitur;  
 à Christo, inquam, JESU, qui, de-  
 missione omnem intelligendi vim su-  
 perante, ponere se dignatur ut vi-  
 ctimam in Sacerdotis manibus, pa-  
 ratus ad amittendum illud esse Sacra-  
 mentale, verbis consecratoriis ob-  
 tentum, & quidem ad amittendum  
 eo fine, ut palàm profiteatur supre-  
 mum DEI in res omnes conditas Jus,  
 summamque, quâ ab ejus potentis-  
 simâ virtute dependent, indigentiam  
 ac necessitatem. Sic, ut si, quòd  
 Monarcha quisque major est, ac dig-  
 nior, hoc majori, obsequiorum gene-  
 re colitur, DEUS majori obsequio &  
 latrevici cultûs argumento coli non

possit, quàm illo, quòd in Altaris Sa-  
 crificio ipsi deferatur, in quo DEUS  
 ipse Sanctissimam adorat Trinitatem  
 omni illâ possibili ratione, quâ adora-  
 ri potest, ejusque in conspectu ita se  
 demittit, ut modica panis tenuis sub-  
 tilisque portio, quam hostiam dicimus:  
 esse videatur. Affirmant Sacræ Lite-  
 ræ, quòd sit *Magna potentia DEI so-*  
*lius, & ab humilibus honoratur.* Quan-  
 tumcunque tamen se res aliqua creata  
 abjiciat, nulla est hæc ejus abjectio,  
 si Divinæ magnitudini comparetur. Ille  
 revera cultus, ille honor magnus est,  
 quando coram Majestate illâ Omnipotens  
 se prosternit, sic ut omnis ho-  
 nor, omnis cultus, quem res quæ-  
 cunque, quæ DEUS non sit, exhi-  
 bet, illi honori cultuique collata mi-  
 nus aspectabilis sit, quàm aspectabiles  
 sint Stellæ reliquæ, cum solis in con-  
 spectu se ficiunt.

IV. Animam quandam ardentis-  
 simo DEO amore accensam ajunt.  
 mille argumentis ac desideriiis cona-  
 tam esse vim amoris sui prodere. Di-  
 cebat, exempli gratiâ: O si mille  
 linguis essem prædita, quibus extol-  
 lerem perfectiones illas, quibus tu,  
 O DEUS meus, præfulges! O si  
 cor meum mille myriades cordium  
 adæquaret virtute ac potentiâ aman-  
 di te, DEUS meus! Utinam sub-  
 ditæ mihi essent; meòque pare-  
 rent arbitrio res conditæ omnes;  
 ut omnes ac singulas tuis subster-  
 nere pedibus possem! erigerem me  
 eò usque, ut sola plus te vene-  
 rarer, quàm te venerentur Beati  
 omnes



omnes Cœlites, cunctique Beatorum ordines Spirituum! His, aliisque ejusce generis sanctis desideriis æstuebat felix illa Anima, quæ, quo intus flagrabant vehementius, tantò etiam luculentius foris se prodebant, haud aliter ac montes illi solent, qui ignes vomunt: cùm autem die quadam præquam aliàs majora sancti incendii signa proderet, hæc sibi respondentem DEUM audire meruit: Filia, æquo animo esto; unum siquidem solum Missæ sacrificium omnem mihi honorem cultumque exhibet, quemcunque mihi optas; imò absque comparatione plus mihi exhibet, quam tu quoquo modo votis tuis assequi possis. Æstimate hinc, Dilectissimi, quæ quantaque res sit Missæ Sacrificium, dum plus ex eo gloriæ in DEUM redundat, quam ex omnium, quotquot sunt, felicissimi beatitatis Regni Incolatum cultu & amore. Sic ut si Triumphans Ecclesia ad exhibendum quàm maximum sanctissimæ Triadi cultum, splendidissimam adornaret legationem, cujus caput esset Virgo sanctissima, comitata omni Beatorum Cœlitum numerosissimo choro, Patriarcharum, Prophetarum, Apostolorum, Martyrum, Confessorum, Virginum; quin comitata Geniis cœlestibus planè omnibus, Angelis, Archangelis, Principibus, Potestatibus, Cherubinis, Seraphinis; parte autem alterâ Ecclesia Militaris Sacerdotem mitteret postremum omnium ad unum sacrificium offerendum; unum hoc ac solum sacrificium majus DEO honoris

tributum penderet, quàm esset omnis ille honor à Matre Virgine, & innumerabili illo, quem audistis, Cœlitum exercitu exhibitus; tantòque esset majus, quò major est Christus JESUS, DEUS vivus verusque rerum conditarum omnium cumulo, infinitis intervallis ab eo remoto. Amplius aliud majusque dici potest ad explicandas opes illas maximas, quibus nos Christus in Missæ Sacrificio locupletavit? *In omnibus divites facti estis in illo.*

V. Nondum tamen totum dictum est. Magnus siquidem ille DEUS, pro eo, quòd eum debito cultu veneremur, contemptus à nobis est, & injuriis affectus, audaciâ, quâ major alias esse non possit: unde quis est, quis satis explicet debitum, quo obstricti sumus ad iram ejus placandam, satisfaciendo ipsi ad assensum pro tot injuriis, quibus à nobis est laceffitus, quibusque identidem laceffitur? Hoc autem qui tandem absque Divino illo sacrificio fieri posset? Divinæ Justitiæ satisfacere, meritamque iram mitigare, opus est tam arduum, ut efficere illud posset omnino nemo, qui sequester & arbiter Divinus non esset, qualis est DEI Filius hominem indutus. *Si steterit ger*  
*Moses & Samuel coram me, non est*  
*Anima mea ad populum istum; ejice*  
*illos à facie mea.* Sic olim sublimi illo suo è Throno iratus DEUS fulminabat. Quæ causa fuit, cur Legis antiquæ Prophetæ ac Patriarchæ, horum DEI judiciorum sensorumque consilii magnis identidem clamoribus  
 —in—

ingemuerent: *Mitte quem missurus*  
 4. es. Placeat tandem, O DEUS mittere de Cælo Agnum illum immaculatum, cujus gratiâ statuisti ponere iram, quâ contra opera manuum tuarum iustissimè exarasti. Atque hæc est illa victima, quæ Misericordiam impetravit & veniam Peccatoribus, cruento primum illo in Cruce sacrificio; deinceps verò altero incruento Altaris, quod nobis relictum est in memoriam ac restorationem perennem illius, quo olim perlitatum est. Quid proinde, quid quæso fieret naturâ nostrâ humanâ, nisi Servator noster morte suâ sedâset animum Divinum, iustissimâ vindictâ paratum permittere totius Mundi excidium ac ruinam? Et verò quid Mundo ipso fieret, Christiano maximè, si hoc, etiam post exantlatam à Christo mortem, gravius atrociusque peccante, in Ecclesia DEI Sacrificium non esset, quod furorem denuo irritatum exercitatumque mitigaret? Nihil equidem dubito, quin Mundus peccatis ad hanc diem patris oppressus pridem in nihili profundum abiisset, utpote tam immenso tot noxarum oneri impar. Uno nimirum firmissimo Divini Sacrificii fulcro nititur, quo minùs pessum eat, eoque iustissimæ DEI iræ vim & impetum frangit.

VI. Quam porro causam esse arbitramini, Auditores Dilectissimi, cur DEUS nunc in gubernando hoc Universo tanto plus Misericordiae ostendat, quàm ostenderit sæculis antiquis? Ad sumendam de uno adulterio vindictam viginti quinque millia Benia-

miniarum gladiis cædi voluit: & tamen tunc Matrimonium non erat nisi contractus quidam civilis; non autem Sacramentum, ut est hodie. At nunc, cum ad Sacramenti dignitatem evectum sit, & adulterium, præter fœditatem Intemperantiæ atque Injustitiæ, completatur etiam quodammodo malitiam Sacrilegii, DEUS non unum, aut alterum, sed plura centena admitti sinit, quin domos & familias, quin urbes integras evertat funditus, ut tamen ob delicta tam atrocia everti mererentur. Ob 2. Reg. 5.  
 levem Davidis Regis in numerando 24. 1. 5.  
 Populo vanitatem ac superbiam, pestem DEUS immisit tam funestam, ut modico temporis intervallo septuaginta mortalium millia eâ extincta sint. Nunc è diverso ille patienter fert non vanitates tantum, sed noxia graviter in publicum exempla, sed perjuria, sed, quod plus est, tot detestandas blasphemias, quas Christianâ è gente aliqui omni ferè momento, in injuriam Divini Nominis tartareâ linguâ evomunt. Obtutus unus cu- 1. Reg. 6. 19.  
 riosior, aut minùs reverens, quem in Arcam Bethsamitæ deflexerant, strage quinquaginta millium ex eâ gente vindicatus est: & nunc tantus eorum est numerus, qui non verentur ore indigno manducare carnem Filii DEI in Sanctissimo Eucharistiæ Sacramento, & tractare illam manibus conspurcatis mille fœdissimis libidinibus, mille spurciis, sic profanando non aliquam è lingno insensibili arcam, sed membra illa purissima & sanctissima, quæ sunt vivus Divinitatis Sacro-  
 lantæ



sanctæ thronus: & tamen, haud secus, ac si etiamnum crucis trunco clavis suffixæ hærent manus, sensum nullum prodit, & imania sui Populi sacrilegia tolerat majori longanimitate, quam olim leves contra debiram sibi reverentiam noxas tulerit. Quæ autem tanti in Mundo gubernando discriminis causa? An fortassis animi ingrattissimi scelera, tanta beneficiorum interrim accessione factâ, minus jam habent malitiæ, & veniâ atque excusatione magis digna sunt, quam olim: Nihil minus. Vera tam stupendi discriminis & clementiæ causa est Sacrificium Missæ, in quo nullo non tempore Patri æterno, Sacerdotum manibus, magna illa victima Christus JESUS immolatur: atque hic est arcus ille cœlestis, qui Divinæ Justitiæ tempestates sedat, & potentissimis sanguinis sui sacratissimi vocibus pro toto mortalium genere misericordiam & implorat, & impetrat, cujus ille, etsi caput ac Princeps est, Advocatum tamen ejusdem clementissimè agit, ut ab exitio illud redimat sempiterno.

VII. Atque hoc olim Hebræo Populo deerat; qui, etsi tam diversorum rituum, tot haberet, etiam pro peccatis, sacrificia, nullum tamen habebat, quod ejus esset virtutis ac potentie, quantum suspicimus in illo Sacrificio, de quo nobis sermo: quin imò quidquid in illis inerat, virtutis & efficacæ, ex eo inerat, quod antiquæ illæ victimæ, umbræ essent ac figuræ ejus, quæ hodie offertur, victimæ ac Sacrificii. Idcirco DEUS

infelicibus illis exprobrat, quod tot suis hostiis ac oblationibus id efficere non possent, ut furorem ejus ac indignationem mitigarent. *Adipe vitularum tuarum non inebriasti me.* Nil tale jam DEUS exprobrare potest Populo Christiano, apud quem vel unum Missæ Sacrificium usque adeo illi placet, ut inebriare quodammodo ejus Justitiâ possit, & ita quidem inebriare, ut manibus ejus extorquere possit fulmina, quæ jamjam in Peccatores intorquebat. Hinc vestro bono discetis, cum iratus DEUS vel privatum quemlibet, vel Rempublicam aliquam flagellat, non aliam certiorè iræ ejus mitigandæ rationem esse, quam multa sacra facere, multis facientibus adesse. In Graciâ quondam tam pestilens erat aëris infecti contagio, ut mortales mortui in publicis comitis haud aliter caderent, ac arborum Folia, cum hiems sævire incipit. Ad malum tam perniciosum emendandum suavit Hippocrates, ut succissis per campos arboribus prægrandes lignorum strues colligerentur, quæ subinde accensæ contagiosam illam auram purgarent: id quod re ipsa dein factum est. Reputate igitur animo, cum DEUS publicis calamitatibus in nos animadvertit, totam passim Provinciam contagiosâ velut lue infectam esse, aut nimiam Morum licentiâ, aut scdâ libidine, aut blasphemis, aut alio aliquo magis vulgato peccatorum genere. Nullum proinde præsentis malo remedium est, quam pluribus

ibus in templis Sacerdotum operā ignem hunc Divinum excitare, cujus suavissimus odor, & amoris flammæ contagionem nullis aliis remediis sanandam, purgent, & salubritatem restituant.

VIII. Quamquam hic non est præcipuus Sacrificiæ incruenti effectus, Divinæ Justitiæ quodammodo frenum injicere: plus est, quod illi planè ad æqualitatem satisfaciat. Et verò in hoc nominum nostrorum consistit magnitudo, quod identidem Divina Justitia Peccatorum quemlibet iis verbis compellare possit: *Redde quod debes*. Redde mihi, redde honorem illum, quem tanta temeritate, dum obedire mihi renuebas, abstulisti. Quis tamen honorem istum reddet, si Divinus est?

6. *Nunquid dabo primogenitum meum pro scelere meo?* Si ego tanquam Abrahamus alter, in holocaustum obtulero dilectum meum & delicatum filiolum, eone ego sanguine, quamlibet innocente, abluere ex toto potero peccati mei sordes, & totum reddere D E O, quod ipsi abstuli? sed qua tandem ratione unius hominis, imò omnium simul hominum vita faciet satis pro peccati illius arrogantis fœditate ac malitia, quod naturā suā tendit ad vitam ipsi D E O eripiendam? Quantò verò minus id poterit vita bestiarum, si cunctæ pro unico unius peccato immolarentur? *Animalia non sufficiunt ad holocaustum*. Verum quidem est; ejusmodi bestias, tanquam nullius peccati sordibus infectas, non tam parum idoneas fuisse futuras ad satisfaciendum pro nominibus, quæ Peccato-

R. P. Segneri *Christ. Instr. Tom. I.*

res contraxerant, quàm futuræ fuissent ipsorum Peccatorum, jam alias mortis reorum, vitæ delicta nihilominus nostra exigebant Sacrificium valoris infiniti; quale nobis in Missa factō ipso Servator noster amantissimus præparare dignatus est. In hac sistit se Christus JESUS habitus & vestimentis tam abjectis, propter accidentium congeriem, quorum involucrio tectus comparet; sistit etiam se gestu & compositione tam demissa, victimæ instar, non tantum jam immolata & jugulata, sed etiam, parata promptæque, quantum est in se, ad vitam denuo, pro æterni sui Patris gloria, amittendam; ut Pater nihil porro pro injuriis sibi illatis exigat, imò ut plusquam satis ipsi sit factum. *Non sicut delictum, ita & donum. Rom. 5.*

Plus ipsi honoris reddit hæc obedientia, hæc abjectio Divini hujus Filii, qui se demittit, ut ipsi se subiciat & substernat, quàm ipsi abstulerit refractaria illa perfidia Peccatoris, contra Sanctissimas ejus leges perduellis: atque ita noxæ planè omnes in puro purissimi & innocentissimi Agni sanguine submerguntur: non quidem quasi Missæ Sacrificium per se & absque medio delect nostræ peccata, sicut id Pœnitentiæ Sacramentum præstat; sed quod illud præstet mediantibus auxiliis necessariis ad seriò & efficaciter dolendum de peccatis, quæ auxilia nobis impetrat, & quod faciat latis pro offensa D E O illata, & pro pœnis offendenti ceteroquin debitis; qua de causa etiam de hoc incruento Sacrificio verum sit illud Daniëlis: *Occiditur Christus, & sinens accipiet peccatum.*

Y

IX. Ho.



IX. Horum verborum litera de Servatoris morte loquitur, accipi tamen etiam possunt eadem de Missæ Sacrificio, quod sacra Tridentina Synodus definivit esse & ipsum Sacrificium Propitiationis, renullâ, ob viciniam quæ in ipso quoque offertur, Sacrificio in arâ Crucis immolato inferius, sed tantum dissimile in modo offerendi. *Docet sancta Synodus Sacrificium istud verè propitiatorium esse &c. Una enim eadèque est hostia, sola offerendi ratione diversa.* Concipite proin animo Sacrificium Crucis causam fuisse universalem ad mortem peccatis inferendam, Sacrificium verò Altaris particulatam quandam causam esse, quæ sanguinis à Christo JESU profusi vim virtutemque huic atque illi applicat. Mors & Cruciatu Christi thesaurum collegerunt, Missæ Sacrificium illum distribuit: Mors Christi ætatum est publicum; Missa clavis est, quâ illud referatur. Observate proinde, quid sit Sacrificium peragere, quid illi, dum peragitur, adesse. Idem est, ac facere, ut DEUS ille, qui pro cunctis mortalibus in genere mortuus est; nunc denuo quodammodo moriatur pro me & vestrum quolibet, perinde omnino ac si nostrâ singulorum causâ denuo moreretur. Hic tenere me non possum, quin exclamem: Pro Munde hebes & insensate! quàm nihil intelligis de Mysteriis tam Tublimibus! qui fieri potest, ut tam multi Aram circumstant oscitantes, garrientes, jocantes, ridentes, dum tremantes

adstant Angeli, rerum effectumque tam prodigiorum contemplatione attoniti! Sed non evagemur ante tempus à proposito scopo, sed progrediamur ad tertium, quo DEO obligamur, nominum genus, quod est gratiarum ipsi pro beneficiis acceptis debitum.

X. Magna quidem sunt hæc nomina, etiam cum in se spectantur; multò tamen evadunt majora, si illa etiam perpendamus, de quibus paulò antè dictum est. Neque enim DEUS beneficium tantum, infinitèque bonum erga nos se semper demonstravit, sed talem tum quoque se exhibuit, postquam à nobis & toties, & tam graviter offensus est. Hinc consequens est, quod si verè infinita ejus est in nos bonitas, infinita ejus in nos beneficentia, nos quoque summo jure debeamus ipsi gratitudinem infinitam, & agnitionem liberalissimâ ejus beneficentiâ non inferiorem. Verùm ubi tandem locorum inveniemus ætatum tam locuples, & opum tam immensarum? *Minor sum cunctis miserationibus tuis,* Cetera verba sunt Jacobi Patriarchæ sanctissimi. Non habeo, O DEUS, unde gratias tibi referam vel pro minimo beneficio in me vilissimum hominum collato. Equidem si non alia nos DEUS dignaretur gratiâ, quàm ut vel semel blando nos obtutu respiceret, fieret profectò, ut cum ipse sit Dominus tantæ Majestatis, nos autem creaturæ tam miseræ, tam abjectæ, nunquam dignas & promeritas gratias agere possemus, etiam totos nos

nos ejus conservaremus honori, & mil-  
 lies quotidie vitam pro ipso profunde-  
 remus. Quæ igitur gratitudo sufficiet  
 ad dignè respondendum, non jam blando  
 obtutui, sed bonis ac beneficiis in-  
 numeris, quâ naturæ, quâ gratiæ, sed  
 liberationi à malis innumeris quâ cul-  
 pæ, quâ poenæ: sed præmio, quod  
 per omnem deinceps æternitatem pro-  
 mittit, & non est aliud, quàm ipse,  
 bonum illud infinitum; atque hæc  
 quidem impensis vitæ suæ, quam du-  
 xit inter ærumnas tam graves, exegit  
 tot inter cruciatus & dolores, finivit  
 tot inter injurias & opprobria, nostri  
 12. amore, ferali in ligno! *Quid dignum  
 esse poterit beneficiis ejus?* Consulite, si  
 placet, cunctas illas felicissimas Cæ-  
 li-mentes; omnes ore uno respon-  
 debunt, non esse uspiam, unde DEO  
 satisfaciamus, unde gratias promeri-  
 tas rependamus: velimus, nolimus,  
 necesse est nos vivere ac mori in-  
 gratos. Parte tamen alterâ exigit  
 DEUS, ut omnino reddamus, quod  
 debemus, & Ecclesiastici, tanquam  
 publici Præconis ore promulgat nobis  
 imperium, quo jubet reddere, quantum  
 15. accipimus. *Da Altissimo secundum da-  
 tum ejus.* Sic ut omni ex parte conji-  
 ceremur in angustias nobis inextrica-  
 biles, nisi Missæ foret Sacrificium,  
 eo, si S. Irenæo credimus, sine potissi-  
 mum institutum, ne DEO ingrati esse  
 4. cogere-  
 22. mus. *Divinum hoc sacrificium  
 ideo institutum, ne nos ingratiſſimus erga  
 DEUM.* Cum hoc Sacrificio, Ipe bo-  
 nâ ac fiduciâ pleni, sistimus nos oculis  
 Patris æterni, & his eum alloqui fiden-  
 ter possumus; Novimus, O Pater

Miserationes tuas omnem numerum,  
 omne pondus superare, en tamen  
 donum, quod ipsum solum tantum  
 valet, quantum valere possunt dona  
 tua omnia: en DEUM, qui nostris se  
 manibus offert tibi, æqualis omnino  
 ac sufficiens ad rependendas vices Di-  
 vinæ tuæ beneficentiæ, quamlibet im-  
 mensæ ac infinitæ.

XI. Quantum proinde nos, Dile-  
 ctissimi, debemus Servatori nostro  
 Christo JESU pro Sacrificio hoc Eu-  
 charistico, quo sine, vellemus, nol-  
 lemus, cogere-  
 16. mur vivere ingrati Patri  
 nostro cœlesti? Sed hic fuit modus  
 sine modo Divini in nos Amoris:  
 devincere nos sibi beneficiis immensis,  
 & dare præterea, unde illis ad æqua-  
 litatem responderemus. Quamquam  
 veltum, dum in incruento Sacrificio  
 expungimus nostra nomina, suum  
 DEO filium offerendo, alia denuo  
 apud eundem ipsum nomina contra-  
 himus, cum non alius, quàm ille  
 ipse sit, qui tantâ nos sorte beavit,  
 ut hunc Filium ipsi offerre possemus.  
 Nec tamen refert; nam etsi dum  
 reddimus, accipimus: tamen etiam  
 dum accipimus, reddimus. Accipi-  
 mus, dum facultas datur offerendi  
 DEO thesaurum tam inexhaustum;  
 reddimus, dum illum offerimus. At-  
 que utinam tanti sciremus æstimare  
 sortem hanc nostram, quanti æsti-  
 mari meretur! Spectandum se obtu-  
 lit Venerabili Franciscæ Farnesiæ Vir-  
 go Sanctissima, & brachiis ejus si-  
 17. ejus.  
 lium suum Divinum Infantulum inse-  
 rens. Accipe eum, agebat, est e-  
 nim tuus; & vide, ut illo rectè utaris.



Noster est JESUS, Dilectissimi: *Parvulus datus est nobis*: & si noster ille est, nostræ quoque sunt opes illæ nunquam exhauribiles Meritorum ejus: noverimus igitur iis sicuti, sicut oportet, offerendo illa quàm creberrimè æterno Patri ad onus, quo premimur, sublevandum.

s. Th. 2.  
2. q. 106.  
ar. 6.

XII. Sed quid agemus, cùm ea sit gratitudinis Lex, ut jubeat non solum æquale accepto muneri reddi illi, qui donavit, sed etiam majus? *Qui re-compensat æquale*, S. Thomæ doctrina est, non videtur facere gratis sed reddere quod accepit. Qui prior benefacit, suo planè agit arbitrio, nullo titulo obligatus: qui vices beneficio rependit, jam id agit, ad quod decori & beneficentiæ alienæ respondendi titulo adstringitur: atque inde necessarium est, ut qui beneficium accepit, tantò plus reddat, quantum satis est, ut spontaneam illam largitoris benefici voluntatem ac studium compenset. Præterea hoc ipsum, primò donare, est donum quoddam ultra ipsum donum: æquale proinde est, ut Gratitude nostra, cùm donanti aliquid reddit, non donum tantum reddat, sed aliquid insuper, quo compensetur illud, primum fuisse in donando. *Ideo gratiæ recompensatio semper tendit, ut, pro suo posse, aliquid majus retribuat.* Id quod in re nostrâ sperari nullo modo potest; cùm enim DEUS ipsum nobis Filium suum donarit, non potest vicissim ipsi donari aliquid, quod ipso majus sit. Ita planè est. Non potest re ipsâ reddi DEO, nisi æquale; potest tamen

reddi plus ratione quadam appatenti. Semel enim tantum à Patre datus nobis est Christus, cùm carnem nostram induit; nos autem sapissimè illum Patri in Missæ Sacrificio reddimus; unde videmur quodammodo in reddendo vincere ipsum DEUM, legem Gritudinis implendo ultra domini accepti mensuram, ut requiri dicebamus: sic ut non tantum grates rependamus DEO: quantas ejus beneficia merentur; sed etiam quantas meritis est, dum nos beneficiis suis amoris infiniti vi planè prævenit. Què igitur fieri potest, esse Christianorum è numero quemquam, qui hæc vera esse profiteantur, nec tamen perpetuus Templorum sit inquilinus, in tot sacra, quàm multis interesse potest, intentus?

XIII. Cujus quidem rei obligatio inde vel maxime crescit, si titulo gratias pro acceptis referendi, addatur & alter ea, quæ desiderantur, demissè petendi. Postremam hanc obligationem inducit Religionis virtus, quæ nobis imponit onus, precibus nostris obsecrationibusque profutendi DEUM unicum ac solum esse omnis boni nostri authorem, nosque ab ejus manibus, in quocunque bono impetrando, totos velle pendere. Hac veritate cultus ille nititur, quem DEO quotidianis nostris precibus exhibemus, ut ipse aperitè indicat, ejusmodi sui cultum à nobis postulando illis verbis: *Invocame in die tribulationis, & honorificabis me.* Quamquam ipsæ illæ nostræ milerix, quæ nos cogunt, ut opem à DEO supplices flagitemus

tēmus ipsæ, inquam, illæ eā nos ope indignos faciunt: quare, si Missæ sacrificio destitueremur, quæ tandem fors nostra esset, dum quā mensurā in nobis nostra cresceret inopia ac necessitas, eādem planè etiam cresceret indignitas, ad opem vel minimam accipiendam? Accedit, illud cōmmercium, quod DEUM inter ac hominum Gratiā mediante stabilitum est, toties quotidie peccatis interrumpi; ut tam prostratā fronte esse non possemus, ut absque JESU non vereremur Divino nos conspectui sistere cum nostris libellis supplicibus, repulsæ illius severæ metu: *Qui declinat aures suas, ne audiat legem, oratio ejus erit execrabilis.* Benedictus proinde sit millies Servator noster, qui dignatus est in Ecclesiā suā relinquere Sacrificium virtutis infinitæ, quo mediante Peccatoribus non minus, quàm Justis & Amicis Divino Tribunali offerre liceat libellos suos supplices, & omnem gratiam ac veniam impetrare.

XIV. Enimverò si solus Christi JESU Servatoris nostri Amor arbiter fuisset omnium, quæ pro salute nostrā ipse gessit, existimo libentius eum non tribus duntaxat horis, ut modò, sed omnibus deinceps sæculis ad finem usque Mundi, perseveraturum fuisse, ferali è Crucis ligno pendulum, ut suarum semper & lacrymarum & sanguinis vocibus peteret non salutem modò nostram, sed media planè omnia, quæ illi consequendæ magis fuissent profutura. Verum quia id neque necessarium, neque conveniens erat, spectatis iis finibus, quos Divina sibi Providentia præfixerat, id-

circo ut genio illi suo, ad amandum tam prono propensoque, faceret satis, hanc Servator novam invenit rationem manendi in terris, etiam postquam ad Superos abiērat; ut relinqueret nobis Divinum suum Corpus, tanquam Hostiam pacificam ad gratiosam admisionem impetrandam; obiterque munus Sacerdotis æterni, ad supplices nostros libellos Patri porrigendos, quibus summā benignitate ille responderet: nostrisque votis clementissimè annueret. Nōsse proinde vos oportet, quo momento Sacerdos ad Aram litat, aut vos litanti adstis, eodem Christum JESUM Servatorem dextræ Patris in Cælo assidentem, offerre nostro nomine illas preces ad vota, quæ vel privato, vel publico Nomine Sacerdos inter sacrificandum proponit, & tum, cum ab hoc ille sacrificatur, & immolatur, vulnera ad plagas suas Patri in cælo monstrando, nostrum se Advocatum constituere. Videte proinde, quā fiduciā nihil non bonorum à DEO petere possimus, dum litanti adstamus; cum soli haud quaquam simus; sed eādem cum illo Advocato, cui DEO ipsi æqualis est, voce pro nobis peroremus.

XV. Si ipsa DEI Parens Cælo delapsa filium pro vobis supplex interpellaret, quantum spei in ejusmodi precibus reponeretis? Et tamen non DEI Parens, sed DEUS ipse, ipsum Verbum, humanā vestitum carne, Advocatus noster esse vult, & minus bene de rebus nostris adhuc speremus? Quid tandem Divina Misericordia Christi Inno centiæ negare poterit? Alphonsus Albuquerqueius celebre



in Lusitanorum Annalibus nomen, ob illustres, quibus de Barbaris in Indiâ triumphavit, victorias, dum omni suâ cum classe præsentis in exitii discrimine versabatur, ventis ac mari atrociter sævientibus, felici consilio utraque manu innocentem puerulum complexus, qui tum fortè in navi adest, cælum versùs sustulit, & si nos, aiebat, gravibus obstricti peccatis ad pœnas meritò deposcimur, at hic parvulus certè noxæ omnis expers est. Parce igitur, O DEUS, & tot nocentibus unius innocentis amore vitam serva. Quis crederet? adeò gratus irato DEO innocentis infantuli aspectus fuit, ut mare posito furore imminentis jamjam mortis horrorem subitâ ingentique vectorum lætitiâ mutaret. Quid jam putatis facturum Patrem æternum, quando Sacerdotes, consecratam attollentes hostiam, sui innocentiam & puritatem Filii illi ostendunt? Quomodo tranquillitatem ac malaciam negare poterit tempestatibus, quibus jactamur? opem ac subsidium necessitatibus, quas proponimus, illo maximè tempore, quo innocentissimus hic Filius non tacet, ut ille Albuquerque, sed precibus nostris suas jungit, & humiliter ac venerabundo gestu omne nobis bonum exposcit? Negari non potest, si rectè S. Joannes Chrysostomus sensit, quin Sacrificii tempus sit tempus Miserationis, & quin illud expectent tam Cœlestes Genii, quam hi Advocati nostri Beati Cœlestes, tanquam occasionem longè opportunitissimam ad nostras miseras ac neces-

sitates Divinæ Miserationi proponendas.

XVI. Diffiteri non possumus, quin Divina quoque Justitia multum in hoc negotio habeat quod agat, quæ dum nostris è manibus accipit donum tam pretiosum, debet ipsa quoque cum Divinâ Misericordiâ ratas habere, & suâ velut manu signare petitiones nostras. Omnibus Legibus, non humanis minùs, quàm Divinis, vetitum est graviter cunctis Judicibus, acceptare munera, etsi illi, de quorum causis disceptatur, aut accusati sunt, sponte ipsi suâ ea offerant: nec enim ipso DEO affirmante, tantùm *Munera excæcant oculos Sapientum; sed & mutant verba Justorum.* Ajunt quidem vulgò; ferro domari omnia: sed rectius diceretur, omnia domari Auro: nec enim ulla bilanx tam recta, ut non eam in partem inclinet, in qua aurum ponitur. Quod si ita est, quomodo non etiam Divina Justitia mutabit sententias vel maximè ad rigorem exactas, dum dona nostra ac munera in Altari recipit? Non dicam quidem, quòd ipsa quoque excæcetur; cum sit ipsa Sapientia, in quam minùs, quàm in Solem, quidquam caliginis cadere potest; dicam tamen, quòd donis his induc'ta aliter sentire, aliter judicare incipiat, & ipsa quoque, collatâ cum Misericordiâ operâ, etsi tam cæteroquin æquitatis studiosâ omne in nos bonorum genus conferre cogitet. *Munera mutant verba Justorum.* Et verò reputate animo, qualia sint, quæ ipsi offerimus munera, Offerimus ipsi DEUM humilia-

fiatum; offerimus manus, quod ipsa S. Increta Triade nihilo inferius est: unde plus damus DEO Missæ Sacrificio litando, quam petamus nostris precibus: atque adeò non apparet, quare aut quomodo, dum honesta petimus, repulsam possimus metuerè. Sacerdotum è numero aliquis, magnâ & singulari virtute vir, dicere solitus erat; quòd quamlibet insignes planèque singulares à DEO vel pro se, vel pro aliis peteret, dum Sacris operabatur; nunquam tamen quidquam alicujus momenti se sibi petere visum, ubi ea, quæ peteret à DEO; cum illis contulisset, quæ offerret, offerendo Christum Jesum. Et verò affirmat viri dictum ratio: cuncta siquidem, quæ petimus, aut petere à DEO possumus, aliud tandem non sunt, quam conditum ac creatum quidpiam: quæ autem offerimus munera, Divinum quid sunt: unde munificentissima DEI benignitas, ne si velit quidem, tantis unquam bonis ac donis cumulare animam poterit, sive gratiæ illa sint, sive gloriæ, ut majora absque comparatione illi non offeramus in hoc Sacrificio incurrento. An igitur ille Dominus, qui paratus est dare mercedem plenissimam vel pro calice aquæ frigidæ, quem quis ejus amore dederit; an, inquam, non reddet quod justum est pro omni Filii sui sanguine, quem in Missæ Sacrificio offerimus? Maxime cum sub illud ipsissimum tempus viva hæc hostia, Holocaustum illud operationum, Sanguis ille Divinitate plenus, nobiscum, ut antè inuocabam,

clamet, pro omnibus nostris delictis intercedendo: *Semper vivens ad interpellandum pro nobis. Et dubitabimus, an velit Cœlestis Pater audire voces Sanguinis hujus sacratissimi, cum, ut sacer Vates testatur, corvorum pullos audiat, à matre in nido delictos?*

XVII. Sed quod tantorum bonorum usum impedit, id est, quòd sacrificantibus non animo, sed corpore duntaxat præsentes adstemus, & parum abest, quin dicam, non aliter in Templis versemur, quam canes; nisi fortè etiam modo damnabiliore: canes certè à Templis exeunt, quales intraverant; at nos à Sacro audito revertimur haud paulò deteriores, magisque infelices, quam ad illud audiendum nos contulerimus. Cæterum solum Missæ Sacrificium sufficeret ad totam stygem debellandam, & in eo solo haberemus antidotum præstantissimum contra omnes ejus suggestiones. Me nihil exaggerare eventus docebit, quem narro. Refert Æneas Sylvius (is, qui postmodum Pii secundi nomine Petri sedem tenuit) in urbe quadam Germaniæ è primariâ nobilitate virum à maximis opibus eas esse redactum ad incitias, ut in villâ quâpiam suâ ad quam se receperat, quam parcissimè vivere cogeretur. Hic gravi oppressus mœrore parum à desperatione aberat: quare Dæmon pro suo Mortales opportunè in exitum impellendi studio nullo non die stimulabat miserum, ut laqueo in collum injecto miseris & vi-



vitæ finem imponeret; cum, ut versutus hostis suggererat, arborem aridam nihil rectius, quam securis expectet. In hac tentationum & tristium cogitationum pugna Nobilis opis petenda gratia ad Animi arbitrum, à singulari virtute commendatum, accessit: & verò promptam, consilio hoc perquam opportuno suggesto, invenit. Id age, ajebat vir sapiens, ne ulla unquam tibi dies elabatur, quâ Sacerdoti ad Aram facienti non adsis, ibique magno animi ardore exposcas, ne te adeò insanire sinat; ut brevi cruciatu æternum auspiceris. Audiit consulentem Nobilis, & quod suadebatur, tantâ constantiâ executus est, ut animi integri decursu diem sibi nullum sine Sacrificio eripi pateretur. Sed anno uno elapso, nescio quomodo præpeditus, tam ferò ad Templum se contulit, ut ex obvio rustico intelligere debuerit, jam omnes, qui inibi erant, Sacerdotes Sacris operatos esse. Lacrymas is nuntius, viro attonito expressit: & quid, inquebat, me fiet, quid me fiet die hac? malè metuo, ne illa vitæ meæ postrema sit. Si ille acerbè iterum iterumque querebatur; cum admirabundus Rusticus, ne fleveris, dixit; Domine; quod enim ego paulò antè audiui Sacrum, tibi vendam, siquidem emere placuerit. Næ tu, respondit alter, rudis admodum es: an nescis Sacrum vendi nulla ratione posse? cum Rusticu: vendi, non vendi possit Sacrum, non multum laboro: tu ta-

men penulam hanc tuam rubeam, quæ tegeris, mihi cede, tu Sacrum à me auditum accipe, seu dono, si mavis, seu emptione, ego illud tuum esse faciliè patior. Atque ita conventum est, magnâ partis utriusque lætitiâ; Rustico quidem domum, viro illustri ad Templum iter prosequente. Inde dum is non diu post, fufis ad DEUM precibus, revertitur, vix locum, in quo pacifici placuerat, tenuit tum oculos attollens non procul inde, nescio quid rubrum, in aëre pendulum conspicit: propior factus (prò funestum spectaculum!) miserum illum Rusticum videt, qui, Judæ instar, cum penula illa rubra è quercu se suspenderat, ab illo utique malo Dæmone superatus, qui Nobilem aliàs ad infame hoc supplicium impellebat: eo autem spectro eruditus Nobilis ambigere porrò non potuit, quæ vis esset remedii, quod prudens ille Sacerdos suggererat, dum suasset, ut quotidie ad Aram operanti religiosè adstaret.

XVIII. Ad duo hac in historia animi advertite: ad primum quidem obiter; id autem est turpis illa Christianorum inleicitia, quâ tam non intelligunt opes immensas in Missæ Sacrificio absconditas, ut etiam ad eas sordido lucello permutandas descendere eos non pigeat. Tam præclare de vobis sentio, ut neminem unum tam stolidum fore existimem, cui tam malè pacifici allubescat: probare tamen non possum, certas quasdam absonas, ne impias dicam,

loquendi formulas ; quibus nonne-  
mo ad Sacerdotem aliquem accedens  
uti non veretur : & dicere : Vir Re-  
verende , placetne ut Sacrificii tibi  
hodie pretium annumerem ? Itane  
pretium Sacrificii ? vósne vestris in  
loculis tantum æris ? Pretium unius  
Sacrificii ne totum quidem Cœlum  
habet : unicum enim tantum valet,  
quantum valet DEUS, qui est &  
Vicitima in eo oblata , & offerens,  
saltem præcipuus. Pauci illi num-  
muli , qui Sacerdoti numerantur ,  
dantur , si id hætenus nesciebatis ,  
ut ille inde vivat : æquum enim est  
de Altari vivere , qui Altari servit :  
unde non sunt offerendi illi ij num-  
mi verbis tam ineptis , quasi dentur  
in pretium Sacrificii : quod nullo  
pretio æstimari potest. Altera ,  
quàm hâc historiâ doceri debetis , &  
ad rem propiùs facit , veritas est ,  
vis & efficacia Sacrificii , quâ istud  
præditum est ad impetrandum omne  
bonorum genus , ad retundendam  
tentationum vim , imò ad eandem  
etiam superandam , siquis illi religio-  
sè , pièque adstiterit.

XIX. Ut ad propositum redea-  
mus : En quàm verè principio dixe-  
rim , Christum Servatorem , relin-  
quendo Ecclesiæ hoc admirandum  
Sacrificium id spectasse , ne unquam  
ampliùs inopes essemus , dum in illo  
fodinam nobis reliquit , nunquam  
exhauriendam , ad expungenda omnia  
cum Divinâ Majestate contracta no-  
mina ; tantopere nos parte unâ sibi  
devinciens Beneficentiâ suâ limites

*R. P. Segneri Christ. Instr. Tom. I.*

omnes prætergressâ , quantopere parte  
alterâ nos exsolvimus , & nomina de-  
lemus dono , rebus omnibus creatis  
præstantiore oblato.

## II.

XX. Sed quid agendum nobis , ut  
in fodinas has tam nobili metallo fœ-  
tas penetremus ? quomodo , inquam ,  
rectè adstabimus Divino huic Sacrifi-  
cio , ut aliquod inde in nos emolu-  
mentum redundet ? Thesaurus enim  
absconditus rectè thesaurus esse ne-  
gatur : *Thesaurus invisus , quæ utilitas ? Eccl. 20.*  
Sciendum proinde : Christianum , 32.  
Missæ Sacrificio præsentem , geminis  
personis fungi : una est Assistentis illi ,  
altera Offerentis : in eo autem , si re-  
ctè quis personas has gerat , totus  
consistit fructus , quem hinc haurire  
nos oportet , juxta id , de quo secun-  
do loco me acturum promisi.

XXI. Primò igitur assistimus. Hoc  
autem assistentium munus & corpo-  
ris & cordis compositionem profun-  
dissimâ reverentiâ plenam postulat.  
Refert S. Ambrosius , Sacrificanti A-  
lexandro vicinum adstisse Ephe-  
bum , qui ardentem manu facem  
præferebat ; cùm autem Sacrificii ri-  
tus diu admodum protraheretur , fax  
illa eo usque consumpta est , ut jam  
manum nobilis adolescentis adureret  
& absumeret : is autem , ne quid tur-  
baret , ad finem usque sacrorum im-  
motus tulit acerrimum lenti ignis sen-  
sum ac dolorem . Quod si ita est , ne-  
cesse erit Ethnicos vocare , ut Christia-  
nos doceant , quæ reverentia Sacrificio

debea-



debeatur. Nos inter non bos aliquis Idolo & ficto Deo immolatur; sed Agnus ille sine macula, DEI Filius adorandæ Triadi: & tamen Christi Cultores ne modicam quidem illius reverentiæ partem præferunt, quam Ethnicis in ejusmodi occasionibus exhibeant. Ipsum adeo imum terræ centrum parum profundum nobis videri deberet ad nos coram DEO satis abjiciendos. Et tamen, quàm multos videre est uno tantum poplite incurvato, habitu magis insultantium CHRISTO, cum lcelestis illis in Pilati atrio, quàm eundem cum genis cœlestibus adorantium; qui & ipsi etiam cum metu & tremore tanto Monarchæ assistunt; illi, inquam, quem laudant Angeli, adorant Dominationes, tremunt Potestates. Observate prodigium non vulgare. Cœlestes illi Genii, quo eorum quisque altero nobilior est, atque excellentior, hoc alterum magis superare nititur reverentiæ & cultus præstantiâ: unde Angeli laudare tantum DEUM dicunt, Dominationes autem adorare, Potestates denique formidare ac trepidare: & tot mortales, abjectissimos terræ vermiculos, non pudeat adstare illi, Morionum instar ac Sanniorum, Altari tergum obvertere, minore se modestiâ componere, quàm canis coram hero suo se componat? Et sit deinde, qui miretur, se hujus arboris vitæ fructus non experiri, & tot inter opes adhuc egenum esse? sibi quisque id imputare debet. Quare, qui majore emolumen-

to adstare sacrificanti deinceps voluerit, aliam & ipse rationem teneat; & cum Templum ingreditur ad Sacrum audiendum, Cœlum ipsum quodammodo intrare se existimet, ut totius hominis, ad reverentiam compositione Seraphinorum imitetur reverentiam, quâ illi DEI throno assistunt.

XXII. Imò necesse est hac exteriori compositione contentos non esse, ex qua appareat, quanti DEUM æstimetis: opus est huic addere non minorem compositionem ac modestiam animi, cujus exterior illa sit argumentum. *Sacrificium visibile, invisibilis Sacrificii est signum*, ut S. Augustinus loquitur. Siquis vestrum præterea adfuisset, quando Servator noster sua è Cruce pendulus, pretiosissimum illum cruorem effundebat, quo religionis sensu, quâ tenitudine intimâ, quâ modestiâ devotentiæque opus tantum spectasset? Nunc non aliter assistendum esset illi Aræ, in qua eadem planè hostia immolatur: *Opus nostræ Redemptionis Dominus exercetur*, ut ait Ecclesia. Est autem opus hoc tantum, ut si Christus Jesus, pro eo quod Divinum suum sanguinem Calvariæ in clivo profunderet, maluisset Missæ Sacrificio litare ad satisfaciendum Divinæ Justitiæ, solum illud suffecturum fuisset ad faciendum satis pro peccatis totius Mundi, præteritis perinde ac futuris. Nos ista credimus, nec animo linquimur, imò sacro horrore percussi animam non efflamus? *Pavete ad Sanctuarium meum*, dicebat olim ad

L. I  
Civ  
DE

reci  
Ora  
cre

Lev

ad Judæos DEUS. Quamvis magis pavere nos oportet, dum sacra intra limina pedem inferimus, & dum illud ad Altare propitiis accedimus, in quo DEUS immolatus est, imò in quo tum ipsum immolatur? Quin si sensum hunc pietatis ac reverentiæ in nobis non excitat honor DEO debitus, ad illum saltem movet nostrum amor, & propriorum emolumentorum studium! An æquum cuiquam videtur, dum non Seraphini tantum, & beati Cœlites pro nobis DEO supplices accidunt, sed Christus ipse suâ lingua, suo cruore pro nobis perorat, nos vocibus tam salutaribus obstrepere, & Divinam Justitiam sub ipsam illud tempus novis animi irreverentis & contemnentiis noxis contra nos vehementissimè irritare? Enimverò reus nemo ad hanc diem, dum illi redimendo Advocatus coram Judice adlaborabat, in risum, jocos, ac inanem garrulitatem se effudit, sed potius cordis suspiriis, corporis gestu ac conformatione ad demissionem, Advocati verbis vim addere conatus est.

XXIII. Alterum munus, quo Christianus Sacrificio præsens fungitur, offerentis est. DEI Filius tanto in mortalium genus amore exarsit, ut non solum bona sua cetera in illos beneficentissimè conferret; sed magnam etiam officiorum ac munerum partem, quæ ipse gerit; cum eos omnes socios vellet in nobili illo Divinæ gloriæ promovendæ fi-

ne ac scopo. Et quia munerum, quæ ipsi ut Redemptori conveniunt, postremum non est; quòd sit *Sacerdos* Ps. 109.  
*in æternum*: eâ causâ communem aliquo modo cunctis esse voluit nobilem hunc titulum, eos omnes certâ quadam ratione suo cruore in sacro lavacro initians, id quod Beati Cœlites grati agnoscunt, palamque iis vocibus profitentur: *Fecisti* Apo. 5.  
*nos DEO nostro regnum & Sacerdotes.* 10.  
 Non solus igitur ille Sacerdos, quem Aræ admotum cernitis, Corporis Christi sacrosanctâ victimâ DEO litat: *Non solus Sacerdos sacrificat*, ait *Serm. de*  
*Guericus*; *sed cum ipso Fideles omnes Purific.*  
*sacrificant; sed totus Conventus fidelium, qui adstat, cum illo sacrificat.*  
 Sacerdos ille, quem præsentem intuentur, Legati munere fungitur, tam communis totius Ecclesiæ, quam singulorum fidelium, qui præsentem sunt, sequæ arbitrum ac sequestrum constituit cunctorum apud Sacerdotem illum, qui oculos fugit, quique est Christus ipse; cum hoc æterno Patri tam communi oranium, quam particulari singulorum nomine offert totum illud abundantissimum Redemptionis humanæ pretium. Atque hac causâ Sacerdos Missam appellat Sacrificium suum, & aliorum præsentium: *Orate fratres, ut meum ac vestrum Sacrificium acceptabile fiat*: neque enim Altaris Sacrificium privatus Sacerdotum, sed publicus omnium, qui illi adstant, thesaurus est, ac ærarium.



XXIV. Quapropter vos quoque, Dilectissimi, vestro in ordine ac gradu Sacerdotes dici potestis: eaque causâ oportet vos, dum sacro adestis, Divinam istam victimam offerre ad quatuor illos fines, de quibus suprà est actum, ad DEUM scilicet honorandum, ejus iram mitigandam, gratias pro acceptis beneficiis agendas, & nova beneficia petenda. Quod cum ita sit, cogitet quisque vestrum, se, cum in Ecclesiam ingreditur, servum illum esse debitorem decem millium talentorum, ad quem Divina accedat Justitia, illique verbis illis minimè mitibus, *Redde quod debes*, solutionem imperet. Hoc ubi audiêrit, procumbat in genua, & demissione quidem summâ, sed non minore fiducia, sine mora respondeat: *Patientiam habet in me; & omnia reddam tibi*. Tantum mihi moræ, O DEUS, indulge, quantum satis est, ut Sacrum, cui adsto, peragatur, & modico hoc temporis intervallo reddam tibi, quidquid debeo. Debeo Majestati tuæ supremæ honorem ac reverentiam infinitam; & tamen bona, quæ habeo omnia, his nominibus delendis non sufficiunt. Scio, & confiteor; summam tamen istam ex vulneribus accipio Redemptoris mei. Quod ex me mihi deest, usurpo mihi ex visceribus Domini mei. Id quod facit Christus in ara illa, id ipsum & ego facere paratus sum: cum ipso me abjicio, cum ipso me in nihilum quodammodo redigo;

cum ipso Patrem colo tam profundè, quàm demissè ille coli, honorarique meretur. Debeo pro noxis meis satisfactionem infinitam: ita est: Majestas, quàm offendi, summa est; mea offendentis conditio abjectissima: sed tamen: *omnia reddam tibi*. Offeram tibi donum, quod plus tibi honoris reddet, quàm peccatis meis abstulerim: unde necesse erit, ut omnem in me iram & indignationem ponas. Si enim ignoravisti, cum Regem Ninive demitentem se, abjicientemque cerneret, quomodo non ignoscet, ut illi furus abjectum coram te Regem Cœli, non cinere opertum, ut illum olim, sed eam in conditionem reductum, qualis est sacrificati, jugulati, mortui? *Vidi Agnum stantem tanquam occisum*. Sit licet ira tua similis Leoni horribili, non tamen formido. Etiam Leones, fame omni expletâ, non nocent; quare quamdiu non renuis è manibus nostris victimam hanc accipere, tutus omnino mihi videbor. Gratias tibi debeo infinitas: sponte fateor: Beneficiis, quæ modum & finem nullum habent, non nisi gratitudine infinita rectè respondetur. Sed tantillum moræ indulge, & novissimum quadrantem expungam: *Omnia reddam tibi*. Offeram enim tibi Sacerdotis manu calicem JESU: *Calicem salutaris accipiam*, & cum rationes debiti datique inierimus, inveniemus, quod ego dedi omnes opes possibiles pretio & valore adæ-

Matth.  
18. 26.

Bern.  
ser. 61.  
in Cant.

adæquare; & omnia dona, quibus identidem me cumulas, quæque in sinum meum effundis. Tandem ope tua ac beneficiis summè indigeo, & tamen meriti in me agnosco nihil, quo tam necessarios mihi favores conciliem. Reddam tamen etiam hîc quantum debeo, ut rogem te fidenter, & rationem inveniam, quâ repulsam non patiar, sistendo me oculis tuis indutum vestibus fratris mei Primogeniti JESU Christi, sicque, si non aliud, benedictionem saltem mihi nullo titulo debitam, extorquebo. Mea est illa victima, mea illa merita bona, meus ille sanguis: *Parvulus datus est nobis*. Unde sicut hæc recipere & repudiare non potes, ita neque me, eorum nomine supplicem, repellere potes, ac repudiare.

XXV. Hæc, hisque similia oportet animi vestri sensa esse, ut magno illi Offerentium muneri, sicut par est, respondeatis; sic cum ipso Sacerdote operam vestram in tremendo illo Mysterio peragendo conjungentes. Sed, quod dolendum. Christianorum in animis tam languet Fides, ut minore externi internique hominis compositione sacrificanti adsint, quàm si lapidi aut ligno thus adolerent. *Qui recordatur thuris, quasi qui benedicat Idolo*, de nobis dicere potest attonitus Prophetæ. Longa non paucis est omnis mora, quæ in Sacro peragendo ducitur, perinde ac si nullum aliud

tempus tam sine commodo abeat, quàm quo Sacrum auditur, videnturque & ipsi cum Scribis illud Christo ingeminare: *Descende de Cruce. Luc. 24.* Age, festina, alia nos manent negotia; labores domestici, mercimonia, agri, jumenta tantam moram non ferunt. Quin, quod deterius est, nonnulli tam nullo ipsi devoti animi sensu perfunduntur, ut aliis quoque impedimento sint, garriando, etiam alia voce, corrigendo. Varia offendicula præbendo. Pæmianæ sic exultæ adventant, tanquam sic ad locum choreis & saltibus destinatum properarent: viri adsunt ut videant, ut ad amores provocent, ut mutua illa dilectarum sibi studia voveant ac nutriant, præferendo hac ratione infame & probrosum obscenitatis convivium, quod parte una ab Orco ipsis paratum est, Convivio illi sacerrimo ac Divinissimo, quod parte altera Christus in Ara instruxit. Ita nimirum ætate hac nostrâ illacrymans multi memoriæ cruciatuum ac Mortis Servatoris nostri, non jam fideles, sed perfidi & impii. Sic miseri adsunt operi illi supremo mortis Servatoris sui, quod mysticè quidem, sed re ipsa in Missæ Sacrificio nobis denuo exhibetur. Sic iratum DEUM mitigamus; sic illi offenso satisfacimus! Heu Mundum cæcum ac stolidum! hîc enim, dum agitur opus operum omnium maximum, quod agi in terris possit, dum cœli cives omnes amoris & admirationis in extasim rapiuntur, dum infernum ipsum




horror ac tremor occupat; dum peragitur Mysterium, quo augustius Catholica Religio nullum habet, dum DEUS ipse se ipso litat SS. Trinitati ad supremam ejus excellentiam agnoscendam, ipse, inquam, incredulus, ignorans, oberat oculis, ridet, fabulatur, tam liberè, tamque nullo respectu, ut medio in foro in turbâ otiosorum stare videatur. Ubi tandem gratiam ac veniam peccatis tam enormibus, tam debitæ observantiæ repugnantibus inveniemus? *Jam non relinquitur pro peccatis hostia.* Si aliàs peccabimus, sperare poterimus veniam Sacrificii tempore obtinendam; sed si hoc iplo Sacri

peragendi tempore delinquemus, ubi inveniemus, & quando, quo expiemus admittam, quò recurremus? quis nos proteget? Dilcamus igitur sic Sacris nostris interesse, ut omni ex parte & ad amissim fungamur officio tam Assistentium, quàm Offerentium, ut dicebam, ut tandem illius Gloriæ, quam nunc in Altari velatam adoramus, capaces redditi, illâ per omne deinceps ævum fruamur in Cælo, non jam velatâ, sed clara & aspectabili, *in splendoribus Sanctorum*, quò si unquam DEO miserante pervenero, neminem unum ex omni hoc numero ibi velim desiderari.

\* \* \*





# DISCURSUS XIII.

## *De necessaria Liberorum Educatione.*

I. **C**Um hodie curæ vestræ commendaturus sim rem, quam habetis omnium carissimam, liberos, inquam, vestros, tempus omnino me perditurum existimarem, si probare contenderem; vos ad rectam eorum educationem esse obligatos. Natura ipsa, cui tantopere utilissima hæc educatio cordi est, ut non aliâ magis causâ perpetuum esse voluerit conjugii vinculum, ipsa, inquam, Natura documentum hoc Parentum omnium animis profundissimè inscripsit; quòd si dederunt liberis ut essent, id agere etiam debeant, ut boni sint, custodiendo illos à periculis peccandi, corrigendo cum delinquant, & tam salutarium hortationum, quàm rectorum exemplorum vi impediendo, ne pravi fiant. Quomodo igitur ferri potest inexplicabilis socordia, quâ non pauci hodie obligationem tam gravem penitus negligunt, cum hæc non cum Fidei tantum & Rationis sed ipsius adeò Naturæ principiis tantopere pugnet? Sinite igitur, ut si quis vestrum fortassis est, qui dormiat somnum tam profundum, tamque noxium, illum excitem, demonstrando; Parentes planè om-

nes, qui educationem hanc laudè dignissimam negligunt, crudeles & atroces esse in se ipsos æquè, ac in suos; & veluti ancipiti gladio, ictu uno plagas geminas infligere, unam salutis suæ propriæ, alteram salutis eorum, quos genuerunt. Si unquam linguam desideravi igneam, illam hodie deſidero; cuperem enim insculpere veritatem istam tam necessariam, non in eorum duntaxat, qui mollis instar ceræ ad recipiendam etiam à frigente sigillò figuram maximè idonei sunt, sed in illorum quoque animis, qui durissimo quovis ligno contumaciores non nisi candenti ferro cedunt.

### I.

II. Primò igitur assero; ex rectâ educatione boni plurimum in ipsos liberos derivari. Affirmant hanc assertionem meam, non Divinæ tantum, sed humanæ etiam literæ; id quod argumento est, esse longè certissimam atque evidentissimam. Sa-  
Plat.  
pientes inter homines sibi persuase-  
l. 4. de  
runt; sine sollicitâ hac liberos rectè  
Leg.  
educandi curâ vanas esse omnes leges, decreta nihil profutura, documenta fore inutilia; ipsam autem solam sine aliis præceptis ac legibus sufficere



*Plu-  
tarch.in  
Lacem.*

sufficere ad continendos in officio Populos. Hinc Lacedæmonii, à Lycurgo, quo celebrior inter antiquos Legislatores alter non fuit, edocti, tam constanter rei hujus momenta æstimârunt, ut cùm liberi deliquissent, non hos, sed Parentes eorum ad pœnam vocarent. Unde præter alia ejus rei exempla aliquando duos Parentes magno ære multârunt, propterea quòd eorum filii inter se in rixâ ad manus venissent; excusando Adolescentes ob ætatis illius incogitantiam; senes verò ob neglectum educationis officium acculando. Tam fixum eorum animis erat, à vigili Majorum oculo ac curâ, tanquam à radice, omnem Minorum felicitatem, aut calamitatem nasci ac generari.

*Ecl. 30.* III. Ipsam hanc veritatem majori  
*Prov.* deinceps autoritate Sanctus Spiritus  
*13.* Divinis in literis iterum iterumque  
*Ecl. 16.* inculcavit: adeò, ut nisi studiosâ malitiâ luci claudere oculos malimus, necesse sit fateri, cùm à rectâ Juventutis educatione ejus salus pendeat, hanc scilicet totam illam esse primam atque præcipuam, à qua motus omnis familiæ bene constitutæ initium ducat. Nec multum dixi, dum hac à curâ & liberorum, & familiarum salutem præcipuè pendere dixi; debebam dicere, inde pendere unicè. Ita DEUS ipse censuit, familiariter cum carâ sibi quadam Animâ locutus. Exedebat illam Sanctus dolor, dum perpendebat Christianorum hujus ætatis mores.

*Jud.  
Carb.  
lib. de  
Doctr.  
Christ.*

consceleratos; & DEUM identidem cum lacrymis rogabat, dignaretur eos ad illam morum honestatem ac sanctimoniam reducere, quæ primis ortæ Christianæ Religionis sæculis floruit. Ad solatii aliquid mœstæ afferendum apparens illi CHRISTUS pomum monstravit putridum, cum dicto: Difficile est pomo huic gratiam reddere ac venustatem: quam habuit, cùm maturesceret: facilius proin erit, seminis, quæ continet, grana terræ committere, quæ suo dein tempore maturos ac salubres fructus progerminet. Intellexit hoc facto Anima illa, emendationis morum studiosissima; aliter illam rectius sperari non posse, quàm si educationi teneræ ætatis seria opera impenderetur: ex hoc enim totos passim Populos meliores futuros. Certum est, Sapientissimos Synodi Tridentinæ Patres, post multas ac longas deliberationes, quibus inter se de moribus Christianæ Reipublicæ corrigendæ, quod tantis studiis desiderabatur, egerant, medium fini huic obtinendo utilius non invenisse, quàm rectam ætatis teneræ institutionem; id quod verbis gravissimis in ipsis Concilii Actis declarârunt. Quare parum abest, quin dicam, & Concionatores, & Confessarios, & Parochos oleum & operam perdituros pronè omnem, nisi Patres-familias rem etiam adjuvent: ab his enim magis, quàm à quibuscunque aliis, aut salus, aut exitium liberorum pendet sempiternum.

IV. Authoritati summæ, quâ hætenus assertionem meam stabilivi, accedunt rationes duæ, quæ eandem faciunt manifestissimam. Prima est, quod à primis annis bonum & honestum sequi sit facillimum: altera, quod ætas adultior illud cum summa difficultate consuectetur. A prima ordiamur; Statuæ alicujus perfectio unde pendet, pendet magnopere à primis scalpri ictibus, & lineamentis rudem in materiam inductis. Est autem ætas Juvenum saxi instar, è quo statua effingenda sit, apta ad admittendos ductus omnes vitiorum, aut virtutum, qui primis ictibus inducantur: & authoritas illa, quâ Parentes erga liberos natura ipsa instruxit, id efficit, ut hortationes auditæ, exempla oculis usurpata longè efficacissimè influant in bonum perinde ac malum. Eam ob rem tantum potestatis DEUS contulit Parentibus increpandi & castigandi, ne quidquam hi prætexere excusationis possint, si ab honesti semita Liberi devient: haud aliter ac Ducibus Exercituum, ne quid & ipsi prætexere, & in alios culpam conjicere possint, jus ac potestas plena & independens in milites concedi solet. Si cui vestrum beata hæc fors obligit, ut rectè honestèque educaretur, nullo non die gratias DEO agat, quia id ab eo ratio postulat: absque hac enim educatione foret, vero est longè simillimum, nullam indolis propensionem ad bonum quidquam fuisse profecturam. Nullius plantæ indoles dulcior, quàm vitis: inven-

tus tamen modus est, quo radicibus veneno infectis hæc quoque venenatas uvas progignat. E diverso, <sup>Theo-</sup> lacte semina emollire, & experientia <sup>phr. de</sup> vos docebit, suaviores semper inde <sup>plant.</sup> fructus nascituros. E re foret, vesperi, cum omnis familia congregata est, crebrò repetere pulcherrima illa Sancti Senis Tobię verba, quæ mox referam. Prò quàm dulcis lactis loco illi forent! disertè pronuntio, multos etiam, & seros post annos suavitatem eam in moribus ipsorum se prodituram: Omnibus, <sup>Tob. 4.</sup> ajebat ad filium, *diebus vitæ tuæ in mente habeto DEUM: & cave ne aliquando peccato consentias, & prætermittas præcepta Domini DEI nostri: aut omittendo bona, quæ præcipit, aut perpetrando mala quæ vetat. Omni tempore benedic DEUM: & pree* ab eo ut vias tuas dirigat, & omnia consilia tua in ipso permaneant. Quod ab alio odoris fieri tibi, vide ne tu aliquando feceris alteri. Noli avertere faciem tuam ab ullo paupere, ita enim fiet, ut nec à te avertatur facies Domini. Quomodo potueris, ita esto misericors. Si multum tibi fuerit, abundanter tribue: si exiguum, etiam exiguum libenter impertiri stude: animus suppleat, quod marsurpio defuerit. Fuge periculosum pravorum consortium, & in cunctis negotiis tuis consilium semper à sapiente perquire, qui si ad manum tibi non fuerit, etiam ex longinquo illum consule. Hæcerant optimi illius Patris sensa, quæ vel dum vobis recito, lacrymas ægrè teneo: & si ejusce generis documenta atque monita



identidem in familiis Christianorum audirentur, O quam faciem suam non multorum annorum spatio Orbis Christianus mutaret! Regnaret in domibus singulis Pax, non discordia: Tempia forent locus Orationis, non garrulitatis; & verbo, Christiani futuri essent Christiani, pleni, inquam, amore mutuo ac charitate, pleni observantiâ & reverentiâ erga communem Dominum. At si liberi pro eo, quod ejusmodi documenta audiant, sicque instituantur, ex Parentum ore audiant verba, quæ vel Mahometi sectatorem, aut Atheum aliquem dedecerent, mirumne esse potest, si vitam eorum magis bestiarum, quam hominis vitam esse inveniamus? Plantæ istæ venenum ipsis in radicibus imbiberunt; Sperari aliud non potest, quam ut fructus ex iis nascentur venenati.

*surius in vita.* Wenceslaum observate & Boleslaum, Boemiarum Duces, fratres Germanos. Ille, quia ab Ava Ludmilla, foemina Sanctissima, educatus fuit, evasit & ipse Sanctus: hunc quia à teneris instituit Mater Drahomira, mulier consceleratissima, tam & ipse in scelerum palæstra profecit insigniter, ut vel fratrem parricidaliter ferro mactaret. Videmus non nunquam hominem indole optima moribus esse depravatissimis, & in publicum exemplo noxiis: qui ejus rei causam ad unguem exquireret, domi illam inveniret, in qua is est educatus. Ibi, quæ vidit mala, & quæ non audivit bona, fecerunt,

ut indoles præclara in mores corruptissimos degeneraret: sic & tellus Mat. male culta pro hordeo avenam, pro tritol. tritico siliginem, quin & infelix lo- in Pr. lium quandoque gignit. Diose

V. Multum proinde dixit, quæ Matrem dimidium liberorum dixit: *Dimidium filiorum est Mater*: nec Ari. tamen satis dixit: sæpè enim non di- Polie. midium tantum, sed plus, & propè totum est. Cum rumor percrebuerit de filia plenum dedecoris facinus ausâ, nemo jam culpam omnem in filiam conjiciat: prò quantum in ea Mater habet? si hæc pro eo, quod omnes illam ad saltus & choreas duceret, vultum aquis odoriferis ablueret, januam domestico Dæmoni, personam amantis induto, aperiret, à primis mox illi annis sedulo instillasset odium peccati, ignominie metum, publici fugam, causam agendi rationem, pietatem in Superos; si eam docuisset non crispare capillos, sed animum confessione ritè expiare; non aridere transeuntibus ex fenestra, sed manè ac vespere DEI Matris opem implorare, an creditis ita turpiter fuisse lapsuram? Non nascuntur scorpionum che- læ, cum mordet: jam antè iis armatus erat. Quisquamne sibi persuadet, prava hæc in publicum exempla tum cœpisse, cum proruperunt? non unus sæpè annus abit inter tam probroforum facinorum meditata & apparatus, & nemo monet: tum solum, cum ignem jam concepit cuniculus ad fragorem illum

illum cohorrescit mater, pater evigilat, & uterque eum proditorem appellat, qui tantum dedecus in familiam intulit, & agnatos omnes turbavit, atque aliorum ludibrio exposuit. Si autem ille perfidus est ac proditor, cur, cum nocturna accederet ad conventiculam, tam festivè illi blandebatis, tam excipiebatis hilariter? Quare cum familiaritatem non optimam parabat deferere, non tantum eam ad rem non juvistis, sed studiosè impedivistis etiam, ac retinivistis? Ingemiscite modò & flete; sed alios à me quærite, qui vestras vices doleant: ego bonâ vestrâ veniâ, ne si velim quidem, facere id possum, cum videam vosmet ad securim illam, quâ afflictæ prostratæque res vestræ sunt, manubrium optasse. Qui nunc clamores, qui strepitus postcasum! minore sanè impendio ille caveri poterat. Diserte pronuntio, filios vestros ac filias tales semper fore, quales illos vultis, DEUMQUE plus minùsve, collaturum gratiæ, ut boni sint, prout magis minùsve ardens vestrum in iis educandis studium fuerit. Observate modum, quem olitor tenet in aquis ad rigandas horti sui plantas derivandis, canalem initio, seu fossulam excavat, per quam illæ decurrant. Idem vos institutum tenete: vestrâ paranda, industria est Divinæ gratiæ viæ, eaque non minore curâ, quàm copiam in Liberorum vestrorum animos derivanda. Et verò, qui in Ecclesiasticis factis hospes non est, meminerit se le-

gisse, Matres illas, quæ sedulò in id incubuerunt, ut Sanctos DEOQUE quàm maximè charos haberent liberos, tales eos etiam effecisse. Mater S. Clementis Ancuprani filium suum Martyrem desiderabat à tenebris annis, eaque causâ identidem ei narrabat certamina aliorum inclitorum Martyrum ac triumphos, & Martyrem tandem & ipsum celeberrimum habuit. Mater S. Ludovici Galliarum Regis optabat unicè, ne ullâ graviore noxâ filius DEUM offenderet, & idcirco cum ad somnum capiendum abituro bene precaretur, inculcabat identidem: Fili, mortuum te his in brachiis videre mallem, quàm lethali noxâ obstrictum: & habuit quem voluit, inter Regni florentissimi, quale erat Galliarum, pericula, ac illecebras innocentem. S. Edmundi Mater & ipsa virginem cupiebat filium suum, & talem ut haberet, linæ, quam ipsi mitebat, supellectili & vestibus, dum literis operam dabat, adjungebat nunc flagra, nunc vestem aut cingula fetosa; obtinuit autem & ipsa Virginem in paucis illustrem: & sic aliæ identidem aliæque extiterunt Matres prudentes, quas singulas enarrare longum foret, quibus beata ejusmodi fors obtigit: DEUS enim Sanctos earum fines promovebat, conatus subministratis opportunis auxiliis adjuvabat, cœlestisque suæ gratiæ dona tantâ mensurâ ac copiam communicabat, quàm ampli ac capaces erant fulci, quos ipsæ effoderant. Atque adeò hinc rectè arguo, vestra de li-



liberis vestris querelas, querelas esse de vobis ipsis; tales enim filii vestri erunt, quales vos tandem illos sedulâ educatione effeceritis.

VI. Ut autem evadant ita boni, necesse est maturè ordiri, prius nimirum quàm excoctum jam durumque sit lutum; quàm enim est facile initio & ab annis illis, in omnem partem cereis flecti, bonos reddere, tam id difficulter obtinetur, cum jam obduruere. Atque hæc altera est, quam proposui, ratio, ut vestris animis inculperem emolumenta, imò necessitatem educationis salutaris. *Filii*

*Eccl. 7. 27. tibi sunt, DEI verba sunt, erudi illos & curva illos à pueritia.* Aliquot post annos agnoscunt non rarò parentes, etiam magno malo suo, quàm noxia toti familiæ fuerit negligentia, quâ usi sunt, eamque emendare, sed serò nimis, desiderant. *Curva illos à pueritia.* Ubi occaluerint, omnis jam disciplinæ intolerantes erunt: si reprehendere voletis ipsis responderent durius: si increpare vehementius, ipsi vix ac ne vix quidem manus à vobis abstinebunt; sic ut miser Pater, misera Mater majori malo cavendo sibi ipsis attendere debeant. Atque hic est insignis ille fructus negligentiae in educando, quâ factum est, ut malo remedium jam nullum supersit. Et ingemiscant subinde, acerbèque doleant, quòd liberos tam immorigeros experiantur! Canem culinæ, patinis & ollis assuefacitis, & conquerimini deinde, quòd à venatione abhorreat, aut ad eam

ineptus sit. Cui id imputandum? si suo illum tempore alligassetis catenæ, si sicco gravissetis pane, nec feras confectandi aviditatem, nec eas odoratu pervestigandi vim perdidisset. *Re-Hom. fert S. Basilus, obtinuisse olim con- 10. in Hexan.* suetudinem, ut liberorum, cum tertium annum explerent, statura exploraretur, ut inde conjectura desumeretur, ad quem magnitudinis terminum grandiores essent perventuri: experientiâ enim compertum est, parvulum trium tertiam habere staturæ partem, ad quam olim vir cresceret. Videor mihi non aberraturus à vero in divinandâ menlura, non staturæ corporis, sed morum malitiæ, si simili conjectura uter, & viro filiolo inobediente, nullâ in Superos, nullâ in majores reverentiâ ac pietate, & insignitè nequam, nullo errandi metu pronuntiare; triplo nequiores, frenique magis impatientem fore Juvenem, quàm nunc sit puer, aut adolescens. Liberaret me mentiendi, fallendivè periculo Spiritus ipse Sanctus, qui non Juventutis tantum, sed & ætatis decrepitæ prognosticum desumit ex adolescentia. *Adolescens juxta viam suam, etiam cum Prov. 2. 21. senuerit, non recedet ab ea.* Avertat bonus DEUS; ne liberi vestri à tenebris assuescant vitiis: plerumque Juvenes deteriores erunt, &, quod pessimum est, ne senes quidem à se ipsis alii evadent: Monitum eorum instar, qui sinu suo ignes foveant, qui, quantumcunque multa nive hiemis tempore undique obtegantur, non mi-

minùs tamen intus flagrant, quàm in mediis caniculæ æstibus flagrârunt. Nimis quàm rarum ac arduum est, ut vitia quæ nobiscum à cunis creverunt, nobis præmorianentur. Id fermè usuvenit, ut altiùs penetrant, & duris nostris ossibus pro medulla sint, nec nisi cum frigido cadavere tumulo inferantur. *Ossa ejus implebuntur vitiis adolescentia ejus, & cum eo in pulvere dormient.*

VII. Heu miseros Parentes, qui tam grave malum tam parum curant occupare, & miserandos liberos, quibus obtingunt Perentes tam ignavi! Nulla non Eclipsis naturæ noxia est; aliæ tamen aliter nocent: nulla autem illâ nocentior, quàm Sol primò mane à Luna obtegatur. Non aliter omnis quidem noxa gravis, quæ DEUM nobis aufert, nocet gravissimè, quis neget? nulla tamen dici potest detrimenti plus asferre, quàm illa, quæ in prima ætate admittitur, in iis, qui sibi ejusmodi culpas familiares reddunt. O Eclipsin funestam? in seros annos sua damna prorogat! *cum eo in pulvere dormient.* Quare cùm quis vestrùm audièrit amicum de liberis suis conquerentem, ex eo id quærat, quod Christus Servator ex infelici illo Patre, cujus meminit S. Marcus, & non errabit. Duxerat is filium suum energumenum ad Apostolos, ut potestate à Christo in ipsos collocata ejicerent possessione suâ malum genium: sed frustra id fuit: Dæmon præter morem tunc vicit, nec loco cessit! Parens proinde tum quàm unquam antea mœstior ad Christum re-

currit, & opem infimis precibus postulavit. Et, à quo tempore, quasi-vit hic nequam filio tuo infestus est? *Ab infantia*, respondit Parens. Itâne ab infantia? O nuntium infaustum! Sed sistamus nos hîc, & investigemus, quâ causâ Christus id interrogavit, quod eum minimè latebat: hoc ipsum responsum manifestat: voluit enim, ut qui gratiam supplex petebat, ex antiqui & inveterati mali magnitudine, magnitudinem disceret prodigiî, quo ad illud persanandum opus erat. Quare vos etiam, cùm queritur Parens aliquis, filium in blasphemias voces prorumpere, id agite: quærite ex eo; à quanto tempore portervus ille ejusce sortis Dæmonem secum circumferat, qui linguæ hominis Christiani voces ejusmodi suggerat, quibus magis impiæ vix Luciferi in regno audiantur? si reposuerit: *ab infantia*: à primis inde annis vocibus tam sacrilegis assuevit: suadete, quæso, mœsto Parenti, ut ad Christum opem rogaturus se conferat; nec enim vir ullus Religiosus suis Concionibus, non sacer Arbiter monitis, non hortationibus aut aliis remediis Curio, quidquam in eo curando proficiat. Si Matrum harum aliqua queratur, filiam suam effrontem esse, sermonibus pessimis ansam præbere, gravem ignominiam familiæ accersere, fateatur autem non tunc recens natum malum, sed *ab infantia* traxisse originem jam pridem amasse spectare, & spectari e fenestris, joculari cum adolescentibus, solam cum solis versari, cùm id clam & insciâ Matre fieri poterat:



O te infelicem, reponite, doleo vices tuas? in malo tamen tuo remedium in terris non suppetit, in cælo illud quære; à DEO opem postula; Matris Virginis implora patrocinium: stipem in pauperes eroga, jejuna, ora, promitte DEO, quæ speres placitura: id nō fiat, Stygius hic lasciviæ Genius cruciabit filiam hanc tuam non tantum Juvenculam; sed cum Marito nupserit, vim ac impetum geminabit: & si misera eò usque vitam produxerit, ut ipsa jam famulari suo corpore Stygi non possit, internuntiam agere volet, domi suæ teget infanda flagitia, faciétque, ut habeant, ubi sine interpellatoribus alii peccent, ut horum saltem in personâ remigratam Orco faciat. *Ab infantia.* Quotidiana experientia in bono perinde ac malo affirmat illud Jurisperitorum axioma: Principium plus semper esse quam principium; sæpè bonam totius partem esse, & tantum non ipsum totum. *Cujusque rei potissima pars, principium est.* Fidâ proinde memoriâ tenete, quidquid hætenus inculcavi. Si salutem eorum amatis, quos genuistis, id ante omnia agite, ut sic eos educetis, sicut oportet; agite autem hoc maturè, idque ob duplicem hætenus explicatam causam: primò quidem, quia facile est id obtinere, cum tempori incipitur: deinde verò, quia mora omnis noxia est, & obtineri jam nullo modo potest, quod suo tempore fuit neglectum.

*L. Fa-  
Larus  
ff de  
Orig.  
Paris.*

VIII. Quod si quis vestrum ad eò omni ex parte rebus suis invigilet. An enim est quispiam, qui sibi persuadeat, fieri difficulter posse, ut quemadmodum non pauci filii Parentum suorum noxas in Inferno luunt, ita & Parentes plurimi luant noxas suorum filiorum? Nimis quam primum est id accidere; atque utinam rarò accadat? Resipuerat *Lib.* Florentiæ infamnis muliercula, cui *rac.* Benedicta nomen: hæc aliquando *Rosa* aspectabilem DEI Matrem habuit, ut in bene cæptis firmaretur: & hæc ab eâ audit: Reputa animo, filia, quam benefica in te fuerit DEI miserratio, quæ te retraxit à flammis inferni, in quas præ multis digna eras agi, & permittit, ut in eas præcipites ruant, qui paucioribus, quam tu, flagitiis sunt obnoxii. Hæc ipsa nocte Florentiæ quaterni morientur, & æternis addicentur suppliciis. Suis etiam singulos nominibus expressit, indicavitque, quæ exitii eorum futura esset causa: has inter nominavit infelicem Patrem, qui rogo illi erat addicendus ob neglectam liberos suorum curam. Quid jam vobis videtur, an rara sunt ob neglectam educationem æternum pereuntia

tium exemplis, si qua ternos inter hujus novæ reus unus est? Neque causam assequi arduum est. Gemino ex capite censeo facile esse, ut multi Patres, multæ Matres æternum pereant: primò ob peccata à liberis eorum admittenda; secundò ob peccata, quæ ipsi liberorum causâ admiserunt. Et quia non pauca peccatorum ejusmodi occulta sunt, tantò gravius est periculum, propterea, quòd hoc ipso vix ulla eorum habeatur ratio, nemo de illis coram Sacerdote se accuset, nemo illa detestetur, multòque minus setiò illa emendet. Quare, ne muneri meo desim, vestræ salutis promovendæ studio texam hîc catalogum bene longum primæ perinde ac secundæ sortis peccatorum, ipsam rerum ordinem secutus.

IX. Quod igitur ad peccata spectat, quæ filiorum gratiâ & occasione Parentis admittunt, contingit non rarò, ut hæc ipsos etiam liberos prævertant. Primum, quod stulta illa Puella, dum nubit; sibi propositum habet, est, ne liberos pariat, & quamquam hoc animi decretum planè perversum sit, crescit tamen semper cum tempore, vel quia familia plus, quàm vellet, aucta est, aut quia pariendi difficultate læpius jam ab ultimâ vitæ lineâ parum absuit. An liberos non vis? cur igitur, cum hic sit princeps conjugii finis, nubere voluisti? si Mater tua & ipsa sic delirasset, quomodo tu nata esses? Itane igitur Turcarum, aliorumque Infidelium conjuges non desinent pro-

les innumeras gignere, quibus Infernus impleatur, Matres autem Christianorum effatæ nullam Cælo forebolem gignent? Terrent te dolores partûs, & non magis terret te pudenda peccati tui scditas, quod Tertullianus existimavit genus homicidii tantò atrocioris, quantò magis festinati? *Homicidii festinatio est, quod prohibere nasci: nec refert, natam c. 3. quis eripiat vitam, an disturbet nascentem.* An terrent te difficultates educandi partum, quem genuisti, & non magis vires suggerit spes animam cælo lucrandi? Quis unquam Agricola tam insanivit, ut metendi laborem, manipulorum pinguium & messis ubertate compensatam non existimaret? Pessimum autem est, quod nonnunquam viri quoque non minus desipiant, in quibus perturbationis vis adeò vel ipsas iis ingenitas à naturâ veritates pervertit, ut planè vâcordes reddat. Insevit natura Parentum animis ingens & vivum prolis desiderium, quæ meritò & flos thalami conjugalis, & fructus amoris mutui, quo se Conjuges completuntur, potest appellari. Hoc autem non obstante, sit materia timoris, quod spei esse debebat, & non pauci, vilissimo timore adacti, sponte renuntiant privilegio supervivendi in posteris, & vel post mortem in filiis à se progenitis sese conservandi. *Mortuus est Pater, & quasi Eccl. 39. non est mortuus; similem enim reliquit sibi post se.*

X. Quis deinde explicet flagitia, quæ



quæ conjuges excogitant , ut assequantur , quod propositum habent , ut , inquam , familiam ( sic enim loquuntur ) non evertant sobole plus æquo numerosa ? satis sit dixisse , abominanda , quæ eâ causâ patrant , facinora , vel ipsis bestiis ignota esse : unde homo , qui , phrasi loquendi SS. Literarum similem se facit jumento insipienti , his in flagitiis equos effrenes , & omne aliud magis indomitum bestiarum genus superat . Ponite deinde , Matrem illam fœtum concipere ; tum illa haud secus , ac si utero circumferret pondus inutile & non Animam Rationalem , nullo satis pretio æstimabilem , nulli non periculo se exponit , nullum laborem devitat , & , ne devitet , etiam nequam Maritus imperat . Atque ex hoc hominum genere nonnulli tam nihil hominis habent , ut uxorem gravidam verberibus malè mulctare non vereantur . Sanctus Cyprianus aliis Novati Hæresiarchæ flagitiis etiam istud annumerat , quod uxorem calcis ictu abortire fecerit . Et verò tam indignè tulit vir Sanctus atrox hoc facinus , ut illud non levius duceret eorum scelere , qui Diis immolant , & pedem tam immane ac barbarum flagitium ausum magis consceleratum pronuntiaret , quam illas manus , quæ metu , adactæ Idolis thus adoleverant , quarum tamen manuum crimen Novatus ipse nullis expiari lacrymis , nullo quantumvis serio perfectoque dolore purgari posse affirmabat : *Et dammare nunc audet*

*sacrificantium manus , cum sit ipse nocentior pedibus , quibus filius , qui nocebat , occisus est .*

XI. Progrediamur porro , & cogitemus fœtum nasci : non hic peccatorum finis , sed initium est . Multæ siquidem Matres , ad evitandas , quæ in sedula educatione exantilandæ sunt molestias , eodem cum tenellis infantibus lecto accumbunt , quò sit , ut subinde illi à dormientibus opprimantur ; aut uberibus tamdiu admodos retinent , donec ipsâ lactis copia suffocentur . Nec nulla Maritorum eo in genere culpa est , hic enim nec uxores talia facientes serio prohibent , nec , quo par est , verborum pondere admonent ; nec advertunt , etsi re ipsa soboles aliquando non præfocetur , id tamen incogitantiam hanc non satis purgare ; sed hoc ipsum potius , quòd nullâ necessitate , nullâ verâ causâ tali discrimini se & fœtum exponeret , argumento luculento esse , non paucos è Christianis progenitores exiguo DEI offendendi metu teneri , cum in vitæ à se electæ conditione voluptates tantum & commoda consecutentur , ejus tamen onera ferre reculent .

XII. Crescit exinde soboles ; & infantia eluctatur ; cum illam Mater secum in Templum ad rem Divinam deferat , & ipsi præcipuè Matri , & aliis inter preces impedimento futuram . Totum rei Divinæ peragendæ tempus impendit illi componendæ blanditiis deliniendæ , arridendo , corolla precatoria strepitum ciendo , eo scilicet

licet sine, ne aliis obturbet. Cur igitur domi non relinquitur, si dum ad Templum desertis, necessitas matri imponitur, DEI domum nugis ejusmodi profanandi? Interea crescit Parvulus, & quia bellulus est, ac insignitè graciosus, haud aliter ac idolum suum, illi ut parens uterque observat, & in oculis fert. Mater non tantum errantem non corrigit, sed ne ferre quidem potest, si à Patre corrigatur. Quin amore hujus suæ sobolis ita capitur, ut DEI raro meminerit; non solum precum pensum persolvat; non Divinis Mysteriis consueta frequentia utatur: atque ita sensim sine sensu nullum aliud, quam animæ propriæ negotium minus illi cordi est. Hic ipse amor in leges Justitiæ, quæ aliis liberis obstringitur, peccare cogit; filia quidem displicent; quia docte, quam accepturæ sunt, filii ejus patrimonium minuent, filii verò alii, quia partem ejus sibi vindicabunt: tantæque hæc Injustitia sumit incrementa, ut DEUS ad insanum Matris amorem puniendum, tollat è vivis istum filiolum, & parvulum hoc idolum, quod in Matris animo superiorem vel ipso DEO locum obtinuerat, evertat & humi affligat. Tum enim verò insanis omnia lamentis, querelis, ejulatibus personant: & num id jure ac merito? Moyses ex Monte reversus, offendit Populum Divinos honores vitulo aureo deserentem: & tanta exarsit indignatione, ut Idolum in rogum injeicerit, & in cineres rede-

*P. Segneri Christ. Instr. Tom. II.*

gerit. Sed cur tanto furore sævitum est in Idolum, in quo culpæ pars nulla residebat? an causa fortassis Idololatricæ ipsum fuit? Haud sanè; sed materia tantum & objectum. Quia tamen DEI locum ratione tam indigna tenuerat, satis id fuit, ut etsi ab omni culpa immunis, minimos in pulveres redigeretur. Nec ego ignoro, Puellum illum reum non esse immoderati illius amoris & affectus, quo in illum Mater fertur; quia tamen hæc occasione illius inde à principio tam multa admisit, & admittere pergit indigna, moriatur sanè, moriatur, & illum revertatur in pulverem, ex quo paulò ante formatus est. Interim pergitplorare Mater; Medici negligentiam accusat, aut imperitiam; morbum detestatur, culpam in triuvenicam aliquam conjicit; de se autem non queritur, nec illi irascitur peccato, quod solum vera fuit tantæ jacturæ origo & causa.

XIII. Patrum autem amor, non tam tener quidem, nec tam sui impotens est, ut iste Matrum erga liberos: altera tamen parte nihilo hoc melior est. Iis siquidem providendi, eos promovendi, & opibus instruendi prætextu Avaritiæ in animo locus datur, & cum eâ cui sceleri locus non datur? *Avaro nihilo est sceleris, si DEO Ecclesiæ.* asserenti credimus. Scelus nullum tam atrox est, quod admittere vereatur, cui propositum est splendide ditescere. Egeni stipendia non juvantur; nomina non expunguntur; merces pretio justo majore venduntur; redduntur deteriores, miscentur, adulterantur; exiguntur usurae

NB. Z

in-



## DISCURSUS DECIMUS TERTIUS

injustæ, emuntur res à Dominis non suis, sed furibus: atque hæc omnia familiam evehendi stabiliendique studio. Nihil dicam de negligentia, quâ Liberi non docentur necessaria ad salutem, aut eò non mituntur, ubi ista doceantur: nihil de libertate malè agendi, quæ ipsi relinquitur: nihil de documentis, nihil de pravis exemplis, quibus ad vitia incitantur: alius erit de his ex destinato agendi locus, ac dies. Modò tempus non suppetit, ad tam multa & varia simul tractanda. Eo tamen, quod mihi etiamnum suppetit, non omitam vos admonere de defectu gravissimo, qui tamen vos, etsi immeritò, parùm angit. Malè metuo, ne cum janijam in labris sistenda Judici hærebit anima, haud paulò gravius appariturum sit id, ad quod multi animum non advertunt, quodque consequi potest ex eo, quod Liberi etiam grandiores natu, eodem in strato accumbere permittantur. Dicam solum, Galliæ Regnum ætate nostra vidisse hoc in genere spectaculum tam funestum, ut hodièque inhorrescat, cum ejus subit cogitatio. Vir Nobilis geminam sobolem genuerat, marem unum, alteram fœminam: utramque, mali vel curâ nullâ, vel metu, plurium annorum spatio eodem in lecto cubare jussit. Hæc straminis ignis propinquitas tam fœdum libidinis ignem inter miserandos hos Juvenes excitavit, ut non solum ætate & annis juvenilibus, sed tum quoque, cum

foror Marito alteri, frater alteri conjugii junctus est, in flammis erumperet. Cum enim mester maritalis thalami innoxiiis amoribus contentus viveret, filius uxorem, filia maritum deseruit, & ambo, vestibus alios mentiti, noctu se fugâ proripuerunt errabundi, ut pridem coeptis incestuosus voluptatibus fruerentur: cò usque, ut, cum ubique fœdissimi sui commercii vestigia relinquerent, tandem vindici Justitiæ promeritas pœnas dederint. Capti siquidem, & de adulterio incestuque convicti caput eadem horâ publico in theatro carnificis ense refecandum subjecere. Si, quod Philosophus ille solebat, *Disq.* usu receptum esset, ut pugno os *apud* Parenti contunderetur, quoniam filius *Latr.* in verba pudorì adversantia prorumpit, quod, quæso, supplicii genus Patri huic deberetur, cui nulla cura fuit, peccandi occasionem his suis liberis adimere? Aristotelis sententia *L. B.* est, quarto, aut quinto ætatis anno *et* parvulos incipere somnare. Mihi videntur quarto quintoque oculos *C. u* jam aperire. Non explico tem- pluribus, sed hoc tantum assero, in materita, tanti parte unâ momenti pro audientibus, tam lubricâ autem parte altera, pro iis, qui de ea disserant; si amorum ratio subducatur, Teste sancto Hieronymo, deprehendi, Salomonem vix duodenem genuisse filium Reboamum: quin & Achaz Regem eadem ætate jam Parentem fuisse. Vobis proin cogitandum relinquo, an salva religione tantum

## DE NECESSARIA LIBERORUM EDUCATIONE.

tantum fidere possitis liberis vestris, quantum hoc in genere fiditis: eorum etiam ingratius, qui discrimen hoc vobis innunt, aut denuntiant?

XIV. Hæc est pars aliqua, sed non tota summa peccatorum, quorum reos agere cogito Parentes, tam non memores officii, quo tenentur: multa omnino supersunt, sed in aliud, ut dixi, tempus illa differo, quo illa commodius persequar. Interim ad alteram exitii sempiterni Parentum causam progredior; quam dixi esse, non tantum peccata, filiorum gratia à Parentibus admissa, sed quæ admissa à liberis, in Parentes redundant. Non dubitem, quin perspectum vobis, quod sicut boni, quod alius gesserit, participes quis esse potest, si operam in id aliquam ipse contulerit; sic & malum ab altero patratum imputari possit illi, qui non parum, ut fieret, adjuverit ac promoverit. Quod cum sit, peccata aliorum nostra sunt, faciuntque, ut non nimis metuere debeamus, quam olim formidavit David, cum metu consternatus sic DEUM allocutus est: *Et ab alienis parce servo tuo.* Tribus autem potissimum modis Parentes aliquid ad filiorum delicta conferunt, antequam nimirum admittantur, aut cum admittuntur, aut cum jam admissa sunt. Hanc ad normam, si vobis quoque placuerit opera vestra explorare, invenietis, quod merito & pudorem vobis & timorem injiciat. Exemplum ejus rei sumam ex eo, de quo alio die

differui; tam id frequenter ulvenit. Vestrum quis, cum familiam ipse regat, die festo in laborem non incumbit: omnino, verum id est; nam vel operariis diebus persæpe otiosus est. Jubet tamen ipse, ut laborent alii, & quidquid laborum est, quod minore cum strepitu geratur, in dies sacros differt, ne aliis infra hebdomadam tempus præripiatur. Die feriato jubet onerari currus in diem sequentem; hoc disponi lapides, hoc concinnari pannos, aliosque suscipi labores, vetitos omnes, nisi urgens eos necessitas excuset. Imò cum suam etiam conjugem domi otiosam conspiciatur, pro eo, quod ad preces fundendas illam adhortetur, ut tantillum saltem boni faciendum, quod tot aliis diebus neglectum est; ipse, inquam, eam reprehendit, plenum probro ait, ita hære de sedem; nec dignam cibo, quam laborare pigeat. Hic talis coram DEO reus agetur diei sacri violati, & mirabitur accusationem: sed inmerito; nam si non suis, aliorum hoc certè manibus laboravit. Atque hoc est, aliorum delictorum reum constitui, antequam admittantur: illa, inquam, imperare.

XV. Conferre postmodum aliquid ad illa, cum admittuntur, est operam vel agendo, vel consentiendo jungere. Mater illa jam vetula non potest ostentare sinum apertum, nisi aridam ossium compagem ante tempus spectantium oculis velit objicere: sinum interim & peccatus filix, quæ eà in re sibi complacet,



## DISCURSUS DECIMUS TERTIUS

et, denudat, & ad omnes ejus loci choreas publicas, ac conventicula ducit; & quanto juvenula est procacior, aut aspiciendo: aut arridendo, tantò magis Mater sibi gratulatur. Hoc autem cum ita sit, quas-  
cunque noxas filia causa patrari continget, eadem in Matris etiam rationes referentur; eique imputabuntur. Quin ne tantum quidem requiritur, ut in eam culpæ ejusmodi redundent; satis est illas, cum possit, non impedire. *Qui non retat, retare cum possit, jubet.* Cum Magistratus, & cui Jurisdictio in alium competit; malum non vetat, jubere illud censei potest. Jussit veteri in lege DEUS, ut puella, quæ in sui deflorationem consensisset, domo paterna ejecta lapidibus à Populo obtueretur. Quâ autem istud causâ? Debebat hoc severum DEI imperium executioni mandari ante ædes, & in oculis Parentum, ut cum Oleastro Interpretum alii affirmant; ut discerent eâ re Parentes, filiarum suarum curam gerere, scientique non crudelitatis, sed justitiæ opus esse, interficere miseram illam in ipsorum conspectu; cum æquum sit, eos aliquid etiam poenæ pati ac supplicii, qui non modicam in culpa partem habuerant, nova quidem Lex supplicio hoc delictum ejusmodi non vindicat; non ideo quidem, quòd DEUS in Christianis has noxas non oderit amplius etiam, cum sint magis graves; sed quia plus nobis moræ ad poeniten-

tiam indulget. Ceterum nemo am-  
bigat, quin liberorum peccata Parentibus quoque sint imputanda, quæ in iis impediendis negligentes fuerint, haud aliter ac eorum reus habitus est Heli Sacerdos, cui Propheta DEI nomine denuntiavit: *Quare calce abiecasti victimam meam & munera mea, Abi que præcepi ut offerrentur in Templo* <sup>lens</sup> *Abi* Cum tamen satis constet, nihil tale ab ipso Heli fuisse perpetratum. Sed quia id perpetrarant filii; Parens autem eos non impederat, eos etiam à munere illo, si res posceret, amovendo, quod tanta cum Populi offensione exercitabant, idcirco ipse victimas velut calce abiecaste dictus est.

XVI. Tandem conferre aliquid ad peccatum, postquam jam admis-  
sum est, est, cum rescitum fuerit, opportuna correctione non uti, sed rem omnem, ut ad se non pertinetem, dissimulare. Josue non Achænum solum ad lapidum supplicium damnavit; sed cum eo omnes & liberos, & famularem turbam: etiam enim solus Pater-familias DEI præceptum violarat, vetantis quidquam ex præda Jerichuntina ab ullo retineri; tamen cum aliqua ablata & retenta ab Achæno essent, liberi & famuli aut præda hæc latati sunt, operati etiam, in eam domum asportandam, collatâ; aut certe parenti, vel Domino, ut debebant, non dixerunt: Res istæ per legem à DEO latam promulgatamque retineri non possunt. Dicit vestrum quis: *Non furor.* Et fidem dicenti habeo. At cum filii  
ejus,

*Sen. ec.  
Tr. Gad.  
d. 2. d. 2.*

ejus noctu alienis ex vineis auferunt aliqua, & partem eorum domum auferunt, quid agit? Quid, agit, cum pecora illi, aliena magis, quam sua in prata agunt, ibique saginant? An verberibus, ut decet, castigat? An verberibus, an virgis in eos animadvertit? an verò putide dissimulat omnia, perinde ac si non videret? Qui conuictus, parum se purgat, cum dicit; Non furor: furum enim supplicio mactabitur ab eo, qui fures non ex manibus solum, sed & ex animo dignoscit. Sic etiam alius ipsemet non blasphematur, ita est: cur autem cum blasphemis tam horrendis filius ejus auram incesstat, verberibus eum egregie non mulctat; aut domo saltem suam non expellit? An poenae genus nimis crudele suadeo? Quam multi interim Parentes domo filios ejece-  
runt, propterea quod inuitis ipsis puellam aliquam in conjugem adoptassent; sic ut subinde eos omni etiam patrimonio spoliarent, hereditatis jure in alios translato, & indignatione ultra vitæ dies prorogata? Quis Parentem mihi dabit, qui tam severe in filium blasphemum animadvertensit?

XVII. Atque ita exempla vobis aliqua enarrata videtis, in quibus ut filiorum noxæ in Parentes redundant: ita nec ab eorum poenis poterunt esse eximii. Nec verò queri de DEO potestis, tanquam nimis severe ac rigido; cum & vos non dissimilem sententiam contra alios iden-

tidem pronuntietis. Cum horologium horas male indicat, statim in hujusmodi verba prorumpitis: Quid agit tandem, cui horologii cura commissæ est? cur pulveres, & quæ adhærescunt sordes crebrius ac diligentius non abstergit, ut recte ambulet; cur istud constanter non ita dirigit, disponitque, ne tam foedè aberret? In re autem nostra, cum puerum videtis distortis cruribus; quid egit tandem, mox dicitis, mater, cur filium tenellum etiamnum non instrinxit fascis, ne vitium tibiarum traherent; cum verò balbudentem aliquem auditis filiolum; ut quid, subitati exprobratis, tam ignava fuit obstetrix, ut linguam non sicut oportebat solveret? Non disparem sententiam feret Judex ille supremus, cum ad tribunal vos suum evocabit. Cum filiam audiërit tam non verecundam modestamque in loquendo, ut vel conjugatis aliis ruborem excutiat, dicet nimirum Judex: Quid egit tandem hujus filiae mater, ut eam sic loqui non doceret, prout virginem decet? cur permisit, ut verbis assuesceret vel meretriciae linguae pudendis? Cum verò juvenem aliquem dissolutum viderit, tam foedè distortis in viâ DEI gressibus incedere, ut ne uni quidem DEI mandato obtemperet, dicet: Cur Pater tam pensum non habuit, ut filium hunc tenerum doceret formare gressus in calle Mandatorum DEI; cur non ad crebrum Divinorum Myste-



riorum usum adhortatus est? cur non timorem DEI tenello instillavit? cur non crebrius ad focum, quæ pro concione audierat, quàm infania fabularum commenta recensuit? Ad hæc autem, AA. Dilectissimi, quid tandem reponitis? jam nunc, quæso, hac de re cogitate, vos, inquam, qui cum liberorum aliquis figlinum mensæ orbem frangeret, totam clamoribus viciniam replebatis; cum autem filia turpi se flagitio contaminaret, tam non dolebatis, ut


s. Chrys. excusaretis etiam, cum dicto: *Juvenis hom. 9. est; sic hujus ætatis fert genius. Alitè in 1 ad Timoth.* in animum descendat oportet illud


Oratoris aurei: *Magnum habemus depositum filios; ingenti illos servemus curâ.* Unde si non donum, sed depositum sunt, nobis reddenda erit ratio, si nostrâ socordiâ pereant: verè enim pars longè maxima, si non omnis earum, quas liberi admittunt, noxarum adscribenda est Parentum in iis educandis & corrigendis ignaviæ: haud aliter ac Medici potissimam abortuum causam esse asserunt, hiemes nimis mites & tepidas: *Hiems australis & clemens, facit abortus, vel partus morbosos.*

Hippocr. de aëre & aquis. XVIII. Evigilate igitur, Dilectissimi, & posito omni torpore, strenuè agite negotium tanti momenti, seu vos, seu liberos vestros spectetis. Cavete, ne tam perniciosi negligentia ingratum invisumque ipsis reddatis, quod ceteroquin vobis debent, vitæ

beneficium: & si vobis illorum vel commoda vel salus tantopere cordi non sunt, vestra vos saltem salutis cura teneat, de qua non ob proprias magis, quàm alienas noxas vehementer periclitamini. Audite loquentem DEUM: *Qui docet filium suum, in zelum mittit inimicum suum.* Qui filium rectè educat, summum in furorem agit hostem suum, malum, inquam, Dæmonem; qui satis prospicit, duarum se eâ re animarum jacturam facere, Filii nimirum bene rectèque educati; Patris verò sapienter ac graviter educantis. Parens ejusmodi lætus volensque hinc migrabit; sic enim pergit DEUS, *in obitu suo non est contristatus:* nec enim ex vano sperare poterit felicitatem sempiternam, tam propter bona, quæ fecit ipse, quàm ob ea, quæ fecit, ut fierent. Vos proinde, qui hactenus tam nullo numero habuistis peccata, quæ in liberorum educatione admittuntur, hinc pedem efferre ante non decet, quàm coram DEO palam & sine fuco fateamini, esse hæc delicta haud sanè levis momenti, statuatisque ea seriò ac constanter emendare; id enim nō fiat, non dicam jam vos in præsentissimo salutis vestræ versari discrimine, sed de Anima vestra planè jam actum esse; cum in oculis illa vestris præceps ruat, nec tamen ejus servandæ ulla vos cura ac studium tangat.

Ecclesiæ 30.





# DISCURSUS XIV.

*De magnis duobus peccatis, quæ in prædictâ filiorum Educatione committuntur.*

I. **S**I quando antiquæ Romæ tempore contingebat, ut canis ipsos, quos genuerat, catulos devoraret, totam urbem rumor commovebat, adeò, ut ceu gravissimo portento attonita, illico publica Sacrificia edictò Senatus imperaret, quibus Deorum iram ac indignationem placaret. Quod si etiam inter Christianos fieret, quotiescunque Pater aut Mater naturalem in filios amorem exuti non tam vitam illorum temporalem, quam æternam animæ, ad exitium & mortem sempiternam impellunt, non major malo luctus ac metus foret. Quis sine intimo animi sensu ferat, quòd, cum huiusmodi casus tantum non sint quotidiani, nemo ferè turbetur; nemo plangat: imò nemo mutiat ad eos, vel impediendos, aut saltem reprehendendos, latis animosus? me quod attinet, tam damnosum non ero reus silentii; plus quàm unquam, ac altius clamabo; ingentesque illos errores, quos identidem committitis in filiorum vestrorum Educatione, ac illorum Patricidæ constituimini, magnis vocibus detegam ac increpabo. **Hoc Discursu de duobus tantum pec-**

catis sermo mihi erit; quæ tamen multa alia complectuntur. Alterum committitis, dum filios vestros non docetis bona: alterum, dum docetis mala: quibus sit, ut utraque ratione eorum mortem (culpæ primum, dein etiam pœnæ) procuretis, occasionemque eis subministretis, quâ coram DEI tribunali verbis S. Bernardi in vos, querebundi invehantur, *non parentes sed peremptores vos appellando.* *Epist. 2.*

I.

II. Quærunto Doctores sacri, quæ ratio fuerit: ob quam DEUS non simul eodem tempore omnes homines creârit, iisque Mundum replêrit, cum id non minus facere potuisset, ac cum Paradisi cœlestis incolas Angelos simul omnes creavit; sed à primo illo creati Mundi exordio voluerit esse Patres ac Matres, totumque genus humanum à Viro uno & una Fœmina Principium laum nancisci. Varie sunt opiniones ac responsa, quæ in medium afferuntur. Si mihi quoque dicendi locus foret, dicerem, DEUM gemino ex capite hoc fecisse, scilicet, ut partim Filiis, partim etiam Parentibus consuleret.



His quidem ingens bonum conferebatur, quòd à DEO assumerentur ceu instrumenta, quæ & in ordine Gratiæ, & in ordine naturæ quàm plurimos juvarent. In ordine naturæ quidem, dum illis vitam temporalem generando communicant; Gratiæ verò; dum ad eorum salutem educando cooperantur. Ex altera parte ingens Filiis beneficium exhibeatur, dum ratione ac modo omnium suavissimo, à Magistro visibili salutis monita, & rectam ad finem ultimum semitam erant docendi: ad eum ferè modum, quo rivulus quandoque in longum extenditur, ut aqua & lentius decurrat, & florida prata ac plantas frugum feraces suavius alluat. Quæ etiam fuit ratio, cur DEUS Matrimonium ad Sacramenti dignitatem eveheret: quia Matrimonia Providentiâ quâdam tantum naturali fuissent constituta ac directæ, credere ac persuadere sibi potuissent Christiani, DEUM ab iis aliud nihil exigere, quàm ut familias suas propagarent; at verò ubi Sacramento adeò nobili maritum ac uxorem consecravit; manifestè intelligitur, utrique incumbere, ut soboli, quæ ex ipsis nalcitura erat, bonum Gratiæ & Gloriæ procuret. Videtis altissimos DEI nostri fines & intentiones, sed videtis etiam, à quàm multis ea Parentibus Christianis negligantur ac contemnantur, qui dedisse vitam temporalem contenti, quasi omnem generando operam complèssent, solitudine prorsus nullâ tanguntur,

ut etiam bene vivere, quos genuère, erudiant. Eadem igitur operâ, quâ obligationem vestram, quâ filios vestros bene instituere tenemini, vobis ob oculos pono, demonstrabo primum erratum, quod committitis, dum officium illud vestrum facere prætermittitis.

III. Duplicis generis institutiones sunt, quibus Patres Filios suos erudire tenentur. Primi generis illæ sunt, quibus ea sciant, quæ Christianis scitu sunt necessaria. Alterius generis, quibus intelligant, quid Christianum facere oporteat. Quod ad primum attinet, ipse Spiritus Sanctus sæpenumero filiis inculcat, ut attentè Patres Marisque institutionem percipiant, ac animo retineant; *Audi, fili mi, disciplinam Patris tui, & ne dimittas legem Matris tuæ*: Quam admonitionem iisdem ferè verbis sæpius repetit. Argumento id est; quod contentos vos esse non velit, ut unam alteramve precatiunculam mutilam & deperatam iis præcatis, & omnem postmodum illorum curam abjiciatis. Quid enim juvat, Symbolum Apostolorum memoriâ tenere, & non intelligere, quid eo contineatur? Hæc ratio educandi similis foret illi alendi, quâ panem filiis solummodo ostentaretis, ut videre possent, aut ad summum ejusdem odore perfrui. Tribus primis annorum millibus Mundi, libri non erant; si quidem primum, qui librum scripsit, verisimile est fuisse Moysen. Triginta his primis sæculis,

Proz  
8.º  
C

lis. Ait S. Joannes Chrysostomus libri non erant alii, quàm Parentum, linguæ, per quos posteris ad salutem scitu necessaria communicabantur. Qui igitur fieri potuisset, ut filii ac familiæ credenda nôssent, si eorum Patres ac Matres, eâdem quâ nostri ratione egissent? hoc est, si contenti fuissent, certa aliqua verba, quæ nec qui docent, nec qui docentur, intelligunt, præire? Aliud longè requiritur, quo vestræ obligationi faciatis satis. Oportet Mytheria Fidei præcipua iis explanare, & illud in primis, quo credere debent Sacrosanctæ Trinitatis, ac Dominiæ Incarnationis grandia Mytheria, sine quorum clarâ notiâ longè verisimillimum est, nemini salutem obtingere. Pejus adhuc est, quòd nonnulli ne hoc quidem faciant, ut modicum illud, de quo dicebamus, filios suos doceant; sed totam harum rerum curam uxoribus relinquunt, haud aliter ac illa bruta animalia, quæ perfecta generatione omnem amorem obliti, totum educandi laborem matribus transmittunt.

VI. Respondebitis docere vos ea filios vestros, quæ ipsi scitis, ultra autem, quàm sciatis ipsi, docere vos nihil posse. Verùm hoc ipsum est, quod mihi vehementer dolet, tantam scilicet in Mundo ignorantiam dominari. Quàm parùm plebs Christiana de Christo, quàm parùm de DEO scit? Nomen scit, quod in omni dein re levissima invocet, quibusvis in occasionibus jurando contemneret, ac exe-

crandis in omni pene sinistro eventu blasphemias conculcet. Fidei sanctæ Mytheria aut non apprehenduntur; aut si apprehenduntur, ita confusè percipiuntur, ut mille non levibus erroribus permisceantur. Færmè sicut res, quæ remotæ nimium sunt, licèt in sphæram globentur ac rotundæ sint, planæ apparent, ita plerique interminatam illam bonorum malorumque futurorum sphæram non aliter apprehendunt, ac superficiem quandam bonorum ac malorum parùm aut conducentium aut officientium: adeò eorundem consideratio iis nihili aut vilis est. Et in hac magna rerum ignoratione quid boni fieri poterit? non tantùm non Christiani, sed ne hominis quidem vita sic vivitur. *Ubi non est scientia animæ, non est bonum.* Hoc igitur inter omnia Christianorum mala maximè me affligit, nec ejus recordor unquam, quin me acerbissimè cruciet. Verùm non abripiamur inutilibus questibus, ne fortè à via nobis posita aberremus. Ad id, quod prætexebatis, porrò respondeo; quòd, si vos ipsi plurium scientiam non habeatis, nihilominus tamen adhuc obligemini filios vestros aliis instruendos committere, nisi ipsis etiam vobis incumbat necessitas ad Christianæ doctrinæ institutionem accedendi. Mater, quæ tantum non habet lactis, quo prolem suam alat, sine Numinis offensâ potest eam propterea morti addicere; ac prætere: Natura non instruxit ubera mea copiosius: in hunc enim finem Nutri-



trices sunt, ut defectum suppleant Matrum. Jam verò in casu nostro Nutricum vice Sacerdotes funguntur, qui lac vitæ Christianæ necessarium suppeditent. Quare igitur filios vestros non

48. 17. tuendos non adducitis? an ab ipsis vos feris vinci patiemini, eoque truculenti, ut proles vestras fame interire sinatis? Refert Plinius de Panthera, quòd cum vidisset catulos suos in altam fossam præcipites actos, jam fame emori, tanto dolore fuerit agitata, ut in viam publicam, reli-  
ctâ sylvâ, prodiret, & coram primùm obvio Viatore tanti doloris indices gestus ederet, ut eum omnino commoveret ad se sequendum, qui postmodum ad fossam delatus, fœtus mortuis quàm vivis jam similiores, extraheret, ac Matri restitueret. Oportebit itaque Patres Matresque ad tam novam scholam amandare, in qua filiorum suorum animabus compati discant, ac subvenire, ne fame absque  
7bren. 4. ullo remedio enecentur. *Parvuli petierunt panem, & non erat, qui frangeret eis.* Scitis, quis antiqua in Ecclesia, antequam quis Sacro Baptismate tingeretur, mos fuerit? Inter Catechumenos per menses, quin & annos accensebatur; tamdiu scilicet, quamdiu necessarium erat ad ediscenda Fidei Mysteria, quæ credere eum oportebat. Postmodum verò temporis lapsu, cum quidam sine Baptismo decederent, Ecclesia benignè indulget, ut infantes sacrâ undâ ablueren-

tur, spe freta, fore, ut Parentes, cum proles ad idoneam ætatem esset perventura, necessariam institutionem non omitterent. Quin & majoris securitatis gratiâ Compadres ac Patrini eundem in finem fuerunt introducti. *Qui alium in sacro Fonte suscipit, pro illo apud DEUM fidejussor existit, ut Sacri Canones loquuntur.* Unde Patrini vates sunt, qui sanam institutionem in vicem Parentum spondent; Parentes autem ad illam maximè præ aliis omnibus obstringuntur. Et tamen ex horum, illorumque parte tanta est negligentia & incuria, ut satis deploari non possit. Agamus itaque, & saltem ad illos recurramus, qui hac in parte vicariam possint operam præstare. Ad Doctrinam Christianam, filii mei, ad Doctrinam: ad hanc enim cum non veneritis, nulla suppetit ratio modisve innumeras, quæ periclinantur, animas æterno exitio subtrahendi. Bene me intelligite: non dico, quòd si una quadam vice eos ad Christianam Doctrinam amandare negligatis, illico peccato mortali inquinemini, sed dico: quòd, si in hoc negotio notabilem admittatis negligentiam, certò grave peccatum non effugiatis; nec possit vos, nisi vos emendare parati sitis, nullus Confessarius porro absolvere. Communis hæc Doctrinæ mens est, qui insuper addunt; quòd, quemadmodum Episcopus potest Curatum illum sacro Anathemate ferire, qui suos negligit docere, ita possit etiam illos Paren-

san-  
in L  
b. 2.  
Mar.  
1.  
cap.  
1. tr  
d. sp.  
p. 11

## QUÆ IN PRÆDICT. FIL. EDUCAT. COMMIT.

tes Sacris interdiceret, qui filios suos ad Cathedeticas institutiones non mittunt. Si Doctrinam hanc meam ceu novam obstupescitis, signum est, vos necdum intelligere, quantum ex ignorantia Cacodæmoni lucrum accedat, & quàm copiosè in aqua hac turbida piscetur, ubi retia illius fraudulenter delitescunt.

V. Rem miram audite, ad propositum nostrum apprimè facientem. Anno Domini millesimo ducentesimo quadagesimo octavo celebrabatur in Galia, nescio, quæ Synodus, jamque Sacerdos quispiam designatus erat, qui publicum Serimonem juxta morem haberet. Sacerdos autem hoc in munere parùm exercitatus non poterat ne istud quidem secum statuere; quodnam potissimum argumentum tractandum susciperet; quare multùm perturbatus, magnam temporis partem dolendo exigebat, quòd hanc in se provinciam suscepisset. Interea Dæmon truci aspectu se ei sistit, superbè interrogat doloris ac perturbationis causam, & intellectâ, ait: bono animo esto, argumentum enim ego tibi suppeditabo, de quo ad Synodum dicas. Sic igitur loquere: Rectores tenebrarum Infernalium, Rectoribus Ecclesiarum Parochialium salutem dicunt, & plurimas agunt gratias ob magnam in docendis populis sollicitudinem & negligentiam: ex ignorantia siquidem nascitur peccatum, ex peccato damnatio. Et subjunxit: Dæmon ego sum coactus à DEO hæc tibi dicere. Cui Sa-

cerdos: Non credent mihi, & somnia me narrare dicent. Et dæmon: ut fidem tibi habeant, ecce signum: & illico nigris suis manibus faciem ejus tetigit, quæ ad Diaboli contactum ita fuit demigrata, ut atro carbone nigrior videretur. Lava te, prosequeretur Dæmon, quantum volueris, omnis incassum labor ibit; & quoad istud meum thema ad concionem dixeris, colorem pristinum non recipies. Ubi verò hoc munere perfunctus fueris, & publico in templo aquâ lustrali te laveris, in omnium præsentia candorem vultus tui postliminio recuperabis. Nec aliter, quàm Cacodæmon prædixerat, gesta sunt omnia, tanto cum Sacerdotum stupore, ut nemo Prædicatorum qualicunque suo clamore majorem motum concitasset. Imò dicunt, solam facti hujus relationem, Parisiis vulgatam, immani horrore omnes etiam Laicos replevisse. In veritate dico, quòd nostro hoc tempore præstaret, legationem istam ad Patres-familias institui; quia quantuncunque Sacerdotes omnem operam adhibeant instruendo, Patres reciprocam diligentiam non exerunt, quâ filios suos ad istam Sacerdotum doctrinam compellant. Unde præ aliis Patres hanc à Dæmone gratiarum actionem promerentur, utpote qui, dum ignorantiam hanc fovet, præ omnibus filiorum suorum exitum sempiternum promovent. Et postmodum putatis, posse vos levissima hac excusatione Ecclesiæ DEI lacry-



mas extergere, quas hæc ex intimo pectore evocat, cum videt, ipsos etiam Hæreticos, quò filios suos pestiferâ suâ doctrinâ à teneris inficiant, majori studio contendere, quàm Catholicici, ut suos imbuant sanâ. Ordinaria hæc vestra excusatio est, incumbere vobis necessitatem, pecora vestra pascendi. Verùm quàm justam Propheta causam habet, bilancem nostram injustitiæ arguendi, cum in illa majus pondus pinguis quædam vacca, quàm Rationalis Anima habeat! S. Joannes Chrysostomus quietis partem capere nullam potest, tantam videns iniquitatem, quâ Patres majorem jumentorum suorum, quàm filiorum rationem habent. *Majorum asinorum, & equorum, quàm filiorum, curam habemus.* Non sola posthac Herodis domus erit, de qua cum veritate dici possit, id quod Imperator Augustus fertur pronunciâsse; quòd in ea cuius melius foret porcum, quàm hominem nasci. Etiam in Christianorum domibus idipsum dici poterit, cum in iis major sordidissimi porcicura habeatur, quàm innocentis & Angelicæ Animulæ. Quid dubitatis igitur, quin hujusmodi excusationum vela non magis apta sint ad vos coram DEO obtegendos, quàm tenuissimæ araneorum telæ? Si filios vestros omnes ad Christianam Doctrinam dimittere non potestis, mutatis vicibus modò unum, modò alterum mittite. Quid inde? si interim pecora vestra jejurent, dum filii vestri ad sacra se

pascua conferunt? quin etiam, dum puerorum, quí vobis serviunt, memoria animam meam subit, non possum non admonere vos, quòd, dum Heri ac Patroni in illos munus exercetis, officium quoque parentum in bona eorum educatione explere debeatis. Ad summam, modum aliquem excogitate, ut cum honore coram DEI tribunali stare possitis; secus enim, quanta erit ignominia vestra?

VI. Altera institutio quam filiis vestris debetis juxta DEI intentionem, quâ vos Patres constituit, ultra id, quod est orthodoxè credere, in eo consistit, ut & benefacere eos doceatis. Hanc ob causam magnopere laudatur in Sacris Paginis Sanctus Tobias, quòd filium suum à teneris timere DEUM docuerit: *Ab infantia timere DEUM docuit, & abstinere ab omni peccato.* Oporteret igitur maturè illorum animis veri Christiani pectoris Maximas & Principia imprimere; summam scilicet existimationem de DEI Majestate, singularem amorem JESU Christi Redemptoris nostri; teneram devotionem erga Sanctissimam ejus Matrem; insignem reverentiam in res Sacras, Sacramenta, Sacerdotes, Tempia, & Missæ Sacrificium, ad quod auscultandum accedunt. Nôsse deberent, quòd omnia illa, quæ aut prosperè, aut infelicitè eveniunt, à manu DEI proficiantur, propter quod etiam sine murmuratione illa accipere conveniat. Scire etiam, quod omne bonum, quod facimus,

non

Hier. 60.  
in Mach.

Macrobi.  
l. 2. sa.  
turn.  
cap. 4.

non à nobis fiat ceu à nobis, sed auxilio DEI adjutis, sine cujus Gratiâ ne minimæ quidem tentationi, quâ infestantur, resistere possimus. Scite, quòd peccatum omnium malorum maximum sit, unde etiam plus, quàm ipsam mortem illud fugere debeamus. Hæc in alia similia præcipua sunt principia, juxta quæ Christiani cujusvis vita institui debet ac dirigi: quare pueris & adolefcentibus identidem instillanda ac inculcanda sunt, ut nunquam eorum animis elabantur. Neque velim, mihi obijciatis; hanc vos curam Sacerdotibus relinquere ac Prædicatoribus. Vehementer fallimini. Omnes simul Sacerdotes, ac Verbi DEI Præcones non possunt tantum in filiis vestris efficere, quantum unus Pater, si institutionem suam maturè auspicetur, & postmodum sine cessatione continuet. Non sine causâ Patres titulo *Deorum Visibilium* compellati sunt: siquidem filii filiaque ab ætatis suæ principio neminem gradu altiore constitutum credunt, quàm Parentes suos, à quibus vitam acceperunt. Et ideò magna illa auctoritas, quam Patres in Filiorum suorum animos habent, facit, ut singula verba, ab eorum ore profecta, profundissimè eorundem corda subeant, ac intima penetrent. Præterea ipsa institutionis hujus continuatio magnum robur habet; id quod in simili videmus: flores enim plantæ longè majorem ex rore matutino quotidie delapto utilitatem capiunt, quàm ex unâ singulorum mensium pluvîâ. Accedit, quòd Parentes omnia sua verba longè efficacissima reddere possunt.

R. P. Segneri Christ. Instr. Tom. I.

sint operum suorum exemplis; dum sub oculis familiæ, haud aliter ac horologium quoddam, versantur, quod ea, quæ sono denuntiat, indice demonstrat. Denique non linguam solum, sed manum habent; illâ docere, hæc etiam castigare possunt, *Educate Eph. 6. filios vestros in disciplinâ, & correctione Domini*, ait S. Paulus.

VII. Sæpius tamen longè gravius peccatur ex parte illorum Parentum, qui sicut bona docere non possunt, & *educare in disciplinâ filios suos*, ita etiam mala non sciunt reprehendere, & *educare illos in correptione*. Imò ex amore quodam, qui amor non est, sed odium multa illis indulgent absque respectu ad damna illa, quæ & filiis, & ipsismet inde emergunt. *Qui diligit filium suum, assiduatur illi flagella.* Amasne verè filium tuum, quem genuisti? ait Dominus, fac, ut ferulam sentiat; secus enim si ei corrideas, miserum te! veniet dies, quo planges. *Lasta filium & paventem te faciet: Lude cum eo, & contristabit te.* Priscis temporibus, ut S. Hieron. refert, vix dum in lucem prodierant infantes, cùm illico sale aspergebantur, eo Medicorum consilio, ut illorum membra firma magis ac dura efficerentur. Nostrâ verò ætate Patres filios suos saccharo potius inducerent. Quid mirum deinde, si, cùm adoleverint, omnium domesticarum amaritudinum fons & origo sunt? *Tunda latera ejus, dum infans est* (verba sunt Sancti Spiritus sanè pulcherrima) *ne fortè induret, & non credat tibi, & erit tibi dolor anima.* Dum parvulus est, castiga filium tuum; cùm adultior

B h

fue-



fuerit, volet esse sui juris, nec verbis tuis fidem adhibebit, ratus, se præ te sapere, & pro pane, quo eum nutriti, non nisi fel reddet & amaritudinem, *erit tibi dolor anima.* Avertat DEUS, ne ventos illos experiamini, qui concitantur manè ad Solis ortum; diu enim tumultuari solent. Si pueri vestri asfuecant ab infantia, imperia vestra detrectare, iussis vestris obmurmurare, extorquere quod volunt, tempestatem mihi præfagiunt, quæ domum vestram heu nimium diu graviterque, concutiet ac quassabit. Nemo mihi dicat, filios suos indolis esse admodum prævæ, omnemque eorum castigationem in irritum cadere. Pergite vos, illos etiam verberibus coercere, & videbitis, an non fructum leveritatis vestræ sitis relaturi. *Stultitia colligata in corde pueri, & virga disciplina fugabit eam.* Ita disertè Spiritus Sanctus pollicitus est. Demus, filium tuum non bonæ esse indolis, correctio tua naturam etiam perversam corrigit. Etiam mel naturæ candidum non est; albescit tamen, cum percutitur sæpius & agitur.

VIII. Verum non parvus Parentum numerus locò manuum, quibus uti in castigandis liberis deberet, quid agit? Linguam exerunt, & ad res etiam levissimas, gravissimis in liberos execrationibus feriunt, nec mentem advertunt ad ingentia illa damna, quæ in eos, quos execrantur, redundant: *Maledictio matris eradicat fundamenta domus.* Refert Surius, faminam, quæ unius noctis spatio omnino tricies ægro filiolo lac præbuerat, denique in furem versam

potum dedisse cum dicto: accipe, & malum dæmonem bibe! Eodem temporis momento malignus spiritus infantem invasit, nec eum dimisit, donec ad tumulum S. Zenobii Archiepiscopi Florentini adductus excedere denique coactus sit. Et quem, quæso, fructum inde speratis? etiam si boni quid maledicta vestra consequerentur, timorémque aliquem injicerent, longè tamen majus scelus, dum minus eos dedocetis, hisce executionibus vestris docetis. Præterquam, quod incussus solis verbis timor paulò post in proterviam degenerat, si tempestates illæ domesticæ non nisi in casum tonitru desinunt.

IX. Nostisne, quando nimia hæc, quæ ergo adolescentulos perperam utimini, indulgentia cum fructu, & commendatione adhiberi possit? cum filii vestri jam juventutis annos attingerint. Id quod DEUS per os S. Pauli vobis insinuat: *Patres nolite provocare ad iracundiam filios vestros:* in his enim plus plerumque efficit mista rigori lenitas, quàm indiscreta austeritas, quæ irritat magis, & exacerbat. Si hanc vobis quæstionem proponerem: quænam aqua melius citiusve maculas absterget & eluat, marina salsa, an fontana dulcis? illico responderetis: marina salsa, tanquam magis acris. Neque tamen rem tangeretis, cum oppositum prorsus contingat: & ratio est, quia ad hoc, ut maculæ eluantur, necessarium est, ut aqua panum ac linteamina penetret ac pervadat: quia verò aqua marina crassa nimium, fontana verò tenuior est, sit, ut illa

Raccon.  
hystor.  
Vent.

Prov.  
22. 15.

Eccel. 3.  
11.

illa minùs , hæc magis lavet ac mundet. Idem in correctione contingit , quæ hominibus jam rationis & discursûs capacibus , quales filios vestros ad-  
ulteriores suppono, adhibetur. Etenim si illa verborum quadam dulcedine condiatur , & austeritas temperetur , longè altius se in corda insinuat , & maculas , quas ibi reperit , abstergit. At verò si dura nimium , & oppido cruda est , nec penetrat omnino , nec bene emundat.

m. X. Et ideo hæc duo extrema evita-  
ri necesse est, quæ S. Thomas in ebri-  
4. rum irâ ac furore considerat. Et ille , eos , qui omnino & penitus ebrii sunt , non irasci , eò , quòd usu rationis careant , quæ injuriam recéns illatam ipsi-  
sis manifestet. Illi verò , qui ebrii sunt , sed non ita , ut rationem obruerint totam , irascuntur , eoque ardentius , quia tantum adhuc rationis ac luminis habent , ut injuriam agnoscant , non autem tantum ; quantum sufficeret ad hoc , ut se , & iram suam in officio continerent. Ita planè in nostro casu se res habet. Nonnulli Patres usque eò amore in liberos suos occæcati , & , ut ita dicam , inebriati sunt , ut ceu stolidi & excordes omnem iis licentiam permittant absque eò , quòd unquam contrâ mutant. Alii contrâ eodem amore , velut temiebrii , malum , quod eorum liberi moliantur , non ignorant , at cogitatione tam confusâ , ut impossibile illis accidat , intra justæ correctionis limites permanere : quò fit , ut modò increpando rationis limites turpiter transiliant , aliàs in Blatphemias prorumpant ; ut non immeritò de iis

illud dici possit, quòd in Principe demoniorum ejiciant demonium , & dum unum diabolum domo exturbant , pejo-  
rem longè accersant.

## II.

XI. Hactenus animum meum vobis aperui , quo in illos feror , qui Filios suos bona non docent , mala non corrigunt. Sed cogitate , nihil me adhuc dixisse , adeò multum restat , quod contra alios afferam , qui quasi destinato consilio liberos suos prava docent , & quæ recta sunt , pensi non habent. Quapropter si dicenti fervore abriperer in verba , quæ rem luculenter ob oculos pònerent , rogo , ut mihi compatiamini , sic enim rei indignitas poscit. Quinam autem sunt hi Patres per-  
versissimi ? Illi ante omnia , qui malo præeunt exemplò. Exemplum tantò efficacius persuadet , quàm verba , quantò facilius est oculis , quàm auribus credere. Nisi etiam velimus dicere , verba imaginem quandam ac operis adumbrationem esse ; exemplum autem ipsum opus , ac rem ipsam. Unde quantò efficacius rem aggreditur , qui rem per se , non per alium facit , tantò etiam efficacius aliquid persuadet , qui facit , quàm qui dicit. Ex quo facile videris , quàm revera omne malum exemplum , à quocunque veniat , sit perniciosum ac exitiabile. Quantò igitur magis , si eo Parentes præeant ? præterquam enim , quòd cuncta opera universim vim quandam habeant permovendi ad imitationem , duabus insuper ex causis opera Parentum potenter allicijunt ac trahunt. Prima te-



net se ex Parentum; hi enim ob magnam illam, quam à DEO in filios, ut causa in effectus, habent auctoritatem, in summâ apud suos sunt veneratione. Audiunt quidem liberi Principum, Prælatorum, Regum & Imperatorum nomina; quia tamen hujusmodi personæ Principes eorum oculis non observantur; non eam in iis venerationem excitant, quantam Superioritas Patris, quam suis identidem oculis contemplantur. Unde quævis Parentum actio filiis lex quædam est, quæ absque ulteriori examine ut bona recipitur. Altera causa ex parte ipsorum Filiorum se habet: qui, cum parvuli sunt, ob immaturitatem judicii ac rationis omnia imitantur, & velut artis pictoriæ tirones nonnisi ectypa formare & exprimere nōrunt. Quapropter verbis explicari non potest, quantum robur habeat mala bonæ Parentum vita, ut filios suos in sui trahant imitationem: ita ut longè sit facilius, eos in ratione vivendi similes efficere, quàm in vultûs lineamentis. Ait Aldrovandus, eos, qui studiosius ac curiosius Apum formam figuramque explorârunt, caput Bovis, ex quo prognatæ sunt, in iis deprendisse. Ego autem mihi persuadeo, si quis intimas animi latebras Juvenis alicujus, aut Puellæ curiosissimè inspicere, veram in iis Patris Matrisque, à quibus educati sunt, effigiem deprehensurum ac spectaturum. *In filiis suis agnoscitur vir.*

*De insect. 1.  
pag. 60.*

*Eccli.  
11. 30.*

XII. Quam ob rem attento vitam vestram oculo examine, non solum qui ratione vestræ salutis ea sit conveniens, sed & eorum, quos genuistis,

promovendæ; nam, cum vosmetipsos perditis, mementote, non solos vos interire. *Sicut unus de Principibus cadetis: scilicet non soli.* Non solet unquam evenire, ut cum exercitus integri configunt, soli Imperatores Ducisque cadant: sed, cum audieritis supremos Ductores cecidisse, sine hæsitatione dicite, gregarios ad interectionem deletos fuisse. *Sicut unus de Principibus cadetis.* Risum non teneo, cum video vos, nescio, quàm zelosos, quàm & minitabundos, ut filios vestros circa vespertinum, antequam cubitum eunt, ad preces nocturnas compellatis. Ipsi vos in genua demittite, & preces fundite. Tum videbitis, an liberi vestri non idem sint facturi. Eandem rationem tenete, dum DEUM precari filios vestros docetis, quam observatis, dum docetis gressum moliri: hîc non sola verba profertis, sed manibus apprehenditis, & cum ipsis gradimini passum passui accommodando. Observatum est, ait S. Ambrosius, Lusciniam non amœnius unquam cantillare, quàm cum pullos suos educat; tunc scilicet omnium maximè anxiosa ac sollicita, ut eos quàm optimè doceat. Et verò illæ, quæ extra sylvam domi nostræ in caveis educantur, nunquam eâ perfectione canunt, quàm aliæ, quæ patrio in nemore sunt prognatæ, hac unâ de causâ, quod præcipientium exemplo careant. Quo res incitamento vobis sit ad vitam devotam & verè Christianam omni loco instituentiam; tum autem præcipue, si Patres estis Matresve familiæ; in hoc enim statu duplicata vobis obligatio accessit bene

ne vivendi, & multò magis à malis declinandi; cùm mala exempla longè faciliùs imitatione persuadeant, quàm bona; & vita vestra perquam similis sit malleo Statuarii, qui ad statuam efformandam, simul & destruendam deservit; multò tamen magis ad hoc, quàm illud idoneus habetur. Præterquam quòd omnia peccata vestra plerumque etiam filiis vestris maximo sint nocumento, uti tradunt gravissimi Theologi, innixi verbis illis Domini: *m. Ego sum Dominus, visitans iniquitatem in Patrum in filiis.* Et hinc, utut peccata secreta sint, non omnem ex hoc capite timorem ponite. Quantò igitur magis si ea publica sunt, & in natorum oculis? hæcenim intrinsecæ malitiæ gravitati, contagionem habent adjunctam.

XIII. Positis his veritatibus quis se contineat, dum considerat exiguam illam curam: quâ tot & tanti vivunt absque ullo remorsu, primi iniquitatum omnium, quæ in familiâ committuntur, Magistri? An non verum dico? quis puerum illum docuit, DEI nomen indignis adeò modis irâ tractare, priùs etiam quàm illud agnoscat? an non mater, quæ ad singula pæne verba eodem abutitur? quis docuit Corpus & Sanguinem Domini blasphemando compellare? an non Pater? qui, ut timorem filiis incuteret, & obedientiam extorquere, hisce sacrosanctis vocibus continuò iram suam exoneravit? & in qua scholâ ille & ille puerulus innumeris per diem vicibus Diabolum evocare didicit? an non in domo paternâ, in qua Paren-

tes manè & vesperi hanc iis lectionem prælegunt? In Leodiensi Diœcesi puerulus quidam ab ædibus paternis aberrarat: rogatus, dum ejularet, à circumstantibus quo nomine Pater compellaretur, ut ad eum reduci posset? respondit: Pater meus Diabolus est. Et quæ tua Mater? subjunxere, qui audiebant attoniti: quibus ille: mea Mater Diabolus est. Et quæ domus tua? Diaboli, ajebat, ignarus quid diceret, domus est. Nimirum cùm Maritus domum reverlus objurgabat conjugem, his uti verbis consueverat. Tu verus Diabolus es. Uxor verò objurgans filium, creberrimè dicere solita erat? Tu revera filius Diaboli es, & ambo quandoque in rabiem acti dicebant: O qualis est domus ista! revera non alia, quàm Diaboli. Ecce quantum referat, Patres Matresque attendere, quid domi suæ loquatur.

XIV. Maximè autem certas quasdam & obscenas loquendi formulas cavete. Etenim si vos parùm commovent, & idcirco exiguam illarum rationem habetis, mementote filiorum vestrorum, in quibus malorum non levium semen esse possunt. Cervæ, cùm serpentes devorant, nullum inde nocumentum capiunt, abstinent tamen ab iis, cùm lactant, ne catulis adhuc teneris noceant. Stulta igitur est omnis excusatio Parentum illorum, qui sibi licere autumant, hujusmodi, inter prandendum & cœnandum, verba proloqui in coronâ filiorum suorum, non aliter, quàm si soli in cubili & thalamo versarentur; nec cogitant, quòd id quod adultis, & rationem, quâ in Mun-



do vivitur, jam expertis, cibus est, venenum sit adolescentibus Mundum adhuc ignorantibus. Ait S. Thomas, in præliis contra castitatem, primam, quæ tubâ signum pugnae det, esse Curiositatem: hæc enim cum pueri valde stimulentur; ubique rerum causas nosse percipiunt. Et ejusmodi Curiositas subinde eos impellit ad primò peccandum, dum volunt inexperta gustare.

XV. Quod si Patribus ac Matribus incumbit adeò cautos esse in loquendo, vobis dijudicandum relinquo, quanta opus sit sollicitudine, ut ne factis scandalum præbeatur. O si hîc tacendo percipi possem! ac, quia id fieri non potest, cogor loqui. Ingens illorum conjugatorum incogitantia & temeritas est, qui filios suos eodem secum noctu lecto sinunt decumbere; absque eo, quòd considerent gravissimum damnum, quod inde provenire

*Plin. l. 7.* potest, imò & re ipsâ provenit. An  
*c. 16.* nunquam audivistis, nonnullos infantes cum dentibus nasci? Volo dicere: non cum annis hanc malitiam aliqui discunt: sed materno secum ex

*3. Hier.* utero efferunt. Erraverunt ab utero.

*in ep. ad Vital.* Decem annorum puer, qui eodem cum  
*apud Cal. l. 14. c. 3.* nutrice suâ lecto dormiebat, sponsam quin & matrem reddidit, ipse pater prolis non multum se minoris. Ex quo licet colligere, quàm rationem DEO reddituri sint parentes illi, qui dicunt:

*c. consu- luit. 2.* Non est periculum: innocentes sunt.

*7. 5.* Quin imò periculum tantum est, ut Sacris Canonibus res prohibenda sit visa. Quod eorum innocentiam attinet, ipsa eorum innocentia magis capaces fa-

cit ad malitiam hanc plenius apprehendendam. Oleum, quo purius est, eò etiam est habilis ad odorem aut fœtorem concipiendum earum rerum, quibuscum permiscetur. Et hinc illorum innocentia, si tamen aliqua est, magis me terret: *Ladetur quasi Vineæ job in primo flore botrus ejus.* O quot adolescentuli vix infantiam egressi Baptismalis Innocentiæ primum florem deperdunt! Et unde quæso algens isthæc pruina, quæ vineæ hujus tenerima germina tam subitâ ac crudâ morte prosternit? non aliud certè, quàm ab infausto Parentum cœlo, qui dum passionibus suis frena laxant, minus, quàm ipsæ bestia, verecundiæ præferunt. Audite historiam, factum terribile. Macareus Sacerdos Idololatra, omnis Fidei tam Divinæ, quàm humanæ expers, ut magnam auri summam apud se depositam faceret suam, virum somno sopitum jugulavit, & jugulatum terrâ obruit. Hæc dum faceret, parùm pensî habuit duorum puerorum præsentiam, eò quòd paucorum annorum essent. At multum opinione suâ fallus est. Hi enim duo tenelli fratres exiguo pòst tempore soli ita inter se colloqui cœperunt: Euge, faciamus tantisper, sicut fecit Pater noster. Sic ubi inter eos conventum est, mox natu minor in terram se extendit, & somnum simulat; alter, isque natu major, eundem Patris cultum arripit, & in fratris jugulam tam altè adigit, dum fictum iste somnum verissimâ morte mutaret. Attonitus eventus superstes in planctus effunditur, & horrendum clamat; cum mater ejulatibus

tibus excita accurrit, vidensque atrox spectaculum, alterum quidem neci datum, fratrem alterum cultro etiamnum sanguine stillante armatum, ita subito dolore & rabie extra se rapitur, ut eodem cultro mactaret eum, qui prior fratrem jugularet. Nec hic finem habuit Tragedia. Nam nuntio hoc tristissimo ad Marcareum delato, etiam ipse furentis conscientiae stimulis agitatatus in domum irrumpit, & uxorem hasta per pectus adactâ humi mortuam sternit. Sed & ipse Magistratus jussu comprehensus non solum cedem hanc jam manifestam confessus est, sed & illam hactenus omnibus ignotam: pro quo utroque eam atroci facinore dignam mercedem recepit, carnificis manu infamem mortem perpeffus. Quid ad hæc omnes vos, qui filioli vestris & eorum innocentiae tantum tribuitis? quid dicitis ad hæc? Si non obstante hac innocentia ad tantam tamque abhorrentem ab humanâ naturâ crudelitatem malis exemplis permoveri possunt, an putatis, eos non facilius ad actus longè magis hominum genio convenientes, magisque faciles ac delectabiles inductum iri? Si Pater suâ uxore non contentus etiam alienæ insidietur, an filio difficile erit, patris exemplum sequi? De Pagano quodam S. Augustinus refert, quod, cum Jovem suum, quem pictor turpia peragentem depinxerat, conspexisset, elatâ voce exclamârit: *Ego homuncio hoc non faciam?* homo scilicet de plebe, cum talia Dii faciant. Ita omnino filii: si meus Pater, jam magno natu, & thori sociam habens, contentus non

est, aquam suo è puteo haurire, sed insuper aquas turbat totius viciniae, quid ego erubescam, liber etiamnum, & in ipso flore juventutis? Ite, reprehendite, & jejunium saturo ventre prædicate!

XVI. Quid si autem Patres Matrèsque ultra illud scandalum indirectum, quod filiis suis dant, dum mala in eorundem præsentia faciunt, etiam directum adjungerent, ac disertis verbis, modisque manifestis ad malum eos instigarent? Fit tamen & hoc, usque adeo, ut ipsi Cacodæmones, Parentes non paucos loco primorum ac præcipuorum Procuratorum habeant, quibus in causâ æternæ perditionis liberorum quantumvis adhuc innocentium, utantur. Scio, quod ab utero matris pleræque filiae vanitatum studium secum ferant; at quis illas magis confirmat, stimulatque, quàm Matres, quæ in eas magnis clamoribus invehuntur, si quando exquisiti ornatus viderent incurias? Si Matres hujusmodi vanitates & superbiæ studia maturè reprehenderent, & libidinem istam, quâ videri volunt, in tempore reprimerent, non dubito, quin hujusce generis propensiones funditus è filiarum animis extirparentur. Sed pro eo, quod illis hæc sua studia exprobrent, illa cœu necessaria iis proponunt, ultra omnes etiam, ut mos nunc fert, modestiæ limites, eo fine, ut inveniant, quibus opato matrimonio jungantur. Et sic non tantum non primulas has levitates extirpant, sed maximâ industriâ promonent, damnûmque, quod miserimis his animalis accreuit, insuper habent.

Fit



Fit igitur, ut dum muliebri hoc mundo superbiunt, aliud nihil animo volunt, magisque nihil appetant, quam videre & videri; & sic omni salutiferæ inspirationi viam præcludant, atque impedimentum omnium, quæ DEUM inter & ipsas esse possunt, ponant maximum, animi elationem & tumorem:

*Jean. 3. Quomodo vos potestis credere, qui gloriam ab invisem accipitis? ait Christus.*

XVII. Neque hæc consistitur; non enim ad occulta tantum pereundi pericula perducuntur, sed in manifesta quoque præcipitia aguntur. Puellam reperies, quæ aut congenitâ suâ veracundiam, aut fragilitatis suæ ex antea actis conscia vitam à Juvenum commercio remotam vult agere: cum Mater, quæ plus, quam alius quisquam eam in proposito confirmare deberet, prima est, quæ solitudinem illam disturbat, ac identidem oggerit: oportere erga omnes esse affabilem, non misanthropam, non ita refugam; fore enim alias, ut neminem habeat, qui in choreis eam honoret, neminem, qui favore & blanditiis dignam æstimet, neminem, qui Sponsam velit. Memini me audire, nobilem quempiam tædæ fumo pestifero fuisse infectum. Præferebat illi nefarius quispiam facem inter tenebras: quasi viam monstraturus; re ipsâ interrim sequentem propinato forbillatim venenato fumo enecabat. Non credo equidem, id ipsum Matribus propositum esse, cum filias suas pestiferâ hac directione seducunt; re ipsâ tamen idem præstant, cum eodem tempore ad mortem animæ eas deducunt, quo

docent, qua ratione omnis generis vanitate consectentur.

XVIII. Deinde quid dicemus, si Matrem talem etiam reperire foret, quæ filia suæ honorem ac pudorem vnum exponeret, quod facilius aut vestes, aut dotem compararet? Res isthæc adeo terrificæ est, ut verba mihi non suppetant, quibus eam satis explanem. Dicam solummodo, quod si juxta sententiam Salvatoris ille meretur lapide molari prægravatus in mare projici, qui animæ qualiscunque illa fuerit, scandalum præbet; an non Mater, quæ animam innocentem, & filia quidem suæ perenni exitio exponit, mereatur, ut non lapis molaris, sed mons integer collo alligetur?

XIX. Sed ad res minus funestas redeamus. Etiam ex Patribus non desunt, qui officio, quod à Lucifero impositum gerunt, bene fungantur, ac strenuè filios suos ad interitum promoveant. Nam, cum adhuc teneri sunt, assuefunt quandoque filii, ut damnum non solum aliis inferant, sed, quæ repperint, etiam domum ferant, non fructus modò & olera, sed gallinas quoque, oviculâsque bene pastas. Quid ad hæc Pater? forsitan cum Tobia sene in elepaces manus invehitur? Forsan, ne rem furtivam tangant, prohibet? *Redde hædum Dominis suis, 7<sup>o</sup> quia non licet nobis aut edere ex furto aliquid, aut contingere.* Contrario omnia, Factum approbat, & non tantum cum familiâ festum diem agit, sed & ingenium furunculi laudat, quod industriam suam hac ratione probavit. Quod si puer domum redeat post contractum, aut bene

bene contusum coætanei cujusdam sui caput, habet encomiasten Patrem: strenuè rem gessisti, ait applaudens genitor, & si quis in posterum tibi minas ingenerat, fac, ne in conferendis manibus alter primas habeat. Memorat Suetonius, quòd Caligula Romanorum Imperator, cùm de Drusilla dubius hæteret, an ex se genita esset, an adulterino partu edita; quandam die viderit, quòd tenella sua Drusilla in ludo cum aliis Aufæ puellis collisa crudeliter illarum vultus unguibus suis lacerarit. Movit hæc res ita Caligulam, ut illico in ejus amplexus ruerit, dixeritque: nunc, nunc te filiam meam credo. Sic quidam ex Patribus avi nostri, si de uxorum suarum fide ambigerent, credo omnem suspicionem ponerent, cùm primum filiorum suorum insolentem petulantiam referri audirent, & corvorum more, illos pro legitimâ sobole haberent, quos post aliquam temporis interca-pedinem, sibi colore quàm simillimos, hoc est, nigerrimos viderent. Et hic ille modus est, filios erudiendû, hoc educandi officium facere, quo DEO, qui vos filiis vestris præpoluit, respondetis?

XX. De vobis, qui hac in parte deficiitis, æternus Pater conqueritur; utpote, qui vos fecunditatis suæ participes reddidit, & maximum illum Patris titulum communicavit, quo tamen nonnisi ad animarum ruinam abutimini. De vobis Filius quoque æternus conqueritur, qui, cùm vos in cooperatores suos ad filiorum vestrorum salutem elegerit, Tentatores, non

*R. P. Segneri Christ. Instr. Tom. I.*


Servatores experitur. De vobis suas etiam querelas Sanctus Spiritus ingeminat; quia, cùm vos ipse elegerit ad præparandam ejus inspirationibus in filiorum vestrorum animis viam, vos illam obstruitis. De vobis Sanctissima DEI Mater & Virgo conqueritur, quæ dum de vobis spem concepit, fore, ut in Cœli vacuas sedes novas colonias duceretis, videre cogitur, quomodo vestrâ desidiâ pauciores indies inquilinos numeret. Angeli quoque Custodes de vobis conqueruntur; quorum custodiam & assistentiam, quâ liberos vestros protegent, frustramini. Sancti etiam, quibus Socios subtrahitis æternæ felicitatis, vobis indignantur. Civitates, Republicæ, & omnes Populi in vos concitantur, utpote qui à vestrâ educatione majora bona, quàm ab ipsis adeò Legibus expectabant, nunc autem spe sua excidunt. Quæ omnia, si vos necdum movent, ipsi filii vestri, quos scandalizatis, vos execrantur. *De Pa-* *Eccli. 4.  
10.*  
*tre impio querantur filii, quoniam propter illum sunt in opprobrium.* Et quodnam est hoc opprobrium? certè temporale non est, quod citò transcat, sed sempiternum, quo miseri in Inferno æternum obruentur, ubi damnationis sententia in eos fuerit lata. *Evigilabunt in opprobrium, ut videant semper.* *Dan. 12.  
2.* Hac ignominia ac dedecore circumdati, hoc opprobrio dehonestati, æternum lamentabuntur Filii malè educati & contra Patres, Matresque, malæ educationis causas principes, questus ingeminabunt. Execrabuntur sinum illum, qui eos concepit,



pit, ubera illa, quæ eos lactârunt, diem illum, quo in lucem effusi sunt. *De Patre impio queruntur filii.* Utinam, exclamabunt miseri, hæc nobis sors obtigisset, ut Patris locò Pardum, & loco Matris Lænam nacti essemus: saltem ab his non didicissemus DEUM blasphemare, & vitam vivere homine Christiano indignam. Quòd si nos vitâ corporis exuissent, illam nobis mortem intulissent, quam totâ æternitate quæsituri, nunquam sumus inventuri; non illam, quam æternum fugiemus, quin ab illâ unquam vel passum unum recedamus. Totus amor, quo nos persecuti sunt Parentes nostri, aliud nihil spectavit, quàm ut in terris commodius viveremus: at quam utilitatem ex omnibus vitæ hujus commodis habemus, si cælo excidimus? *De Patre impio queruntur filii;* nec sine ratione; cum hujusmodi Patres carnificum ipsis Dæmonibus crudeliorum munus

exequantur. Certi estote, quòd, si cum filiis vestris in inferno carcere compingemini, non alium, quàm Filios vestros Cacodæmonem magis truculentum habituri sitis, nec alium Filii vestri, quàm vos. Quæ cum ita sint, muneris vestri ratio aliam curam, exactioremque diligentiam requirit, quàm Filiis vestris educandis impendatis. Primo illos quotidie Domino DEO offerre, & postmodum eos ceu res illius custodite, ac ante alia omnia Christianorum Mysteriorum, & rectè vivendi cognitione imbuite. Donec & ipsi, & vos salutem consecuti (ipsi per obedientiam vestris imperiis præstitam, vos per bona exempla ac monita salutaria exhibita) per omnia æternitatis sæcula mutuis benedictionibus gaudeatis, ac in cœlesti gloriâ domum ac familiam stabiliatis sine interitûs periculo æternum perennaturam.





# DISCURSUS XV.

*De geminis aliis peccatis, quæ in Educatione filiorum admittuntur.*

I. Sapientum effatum est, omnium Gentium consensu receptum, non posse filium ex æquo Parentum beneficia compensare. *Quidquid fecerit filius, nihil beneficiis à patre acceptis dignum fecit.* Huic communi doctrinæ non repugno, sed ut veram amplector, eamque meo assensu affirmo. Scire tantum aeo, quale bonum sit vivere, si non vivitur bene? *Non est bonum vivere, sed bene vivere.* Ethnici vox est, in tenebris suis veritatem hanc agnoscantis. Parentes corpus nobis dedērunt, hostem domesticum Spiritus & in peccato nos genuerunt; & dum membra peccato originis infecta nobis subministraverunt quibus cum Anima strictissimâ unione colligatur, simul omnium vitiorum materiam suppeditarunt; unde Anima, quæ in DEI manibus est purissima cum carniem nostram subit, illico redditur immunda. Quantum repeto, igitur beneficium est hoc, si Parentes gravissimam hanc calamitatem bonâ educatione non emendent? nec omni contentione student, ut plagæ illæ ac vulnera, quæ ab illorum, manibus, etsi non id spectantium, inflicta fuēr, cicatricem obducant, reverâ, quantumcunque sit beneficium, vitam à Parentibus accepisse, est tamen oppidò imperfectum; &

ideò, ut ad suam perfectionem perducat, & omnibus absolvatur numeris, aliis duobus non levibus peccatis obviandum est, quæ in præsentī proponere decrevi, quæque ubi à vobis emendata videro, tunc enim verò credam, quòd titulum Patrum ac Matrum ex vero promereamini. Sunt autem hæc duo: primum: Negare filiis libertatem, quam jure concedere oporteret; alterum verò; libertatem iis concedere, quam jure oporteret iis negare. A primo ordiamur.

## I.

II. Libertas; quam filiis concedere oporteret, negari autem, per frequenter solet, est illa, quâ vitæ statum, ad quem ipsi inclinatione suâ feruntur, eligere liberè possint. Erit quandòque Patrem reperire, qui in corona filiorum suorum jam grandiusculorum vesperi ad ignem confideat, ac cum uxore suâ hujusmodi colloquium occipiat: Hunc (& ex maribus natu maximum designat) destinamus Sacerdotio; alteri de uxore providebimus, ut familiam propaget. Ex duabus filiabus natu majorem matrimonio illigabimus; alteram ad nostræ domûs usus nobiscum retinebimus, & sic sumptibus, quos in ancillam semper alendam



dam expendere necessum foret, parcemus. Verum parcius ista. Est hoc, ex panno alieno sibi vestem concinnare. Quis vobis Patribus tantum contulit auctoritatis in voluntates filiorum vestrorum? Si ille, quem vos Sacerdotem vultis, lapsu temporis amoribus implicetur, malis artibus animum adiciat, nec diem intermittat, quo non innumeris sese immunditiis inquinet; an non hujusmodi filium vestrum perpetuo castitatis vinculo obligare, idem est, ac catenâ eum igneâ constringere? Et si filia illa minor, exemplo vestro incitata, quod à vobis, eodem lecto maritali concumbens (neque hîc plura à me petite, ne quædam in medium afferam majore Zelo, quàm prudentiâ; cùm non semel hodie non Dæmonum, sed Parentum magisterio liberi primò discant nequitiam) accepit, ipsa, inquam, illa filia minor, quam servam domesticam vultis, suomet ingenio maritum fictitium sibi inveniat, cui legitimum dare renuitis: an non, dum domo eam vestrâ concluditis; pro salario, quod tanquam famulæ debetis, æternam damnationem appenditis? Et si utraque hæc anima vestrâ destinatione sempiterno exitio involvatur, quis, nisi vos, qui ad interitum utriusque tam strenuè operam vestram junxistis, ad DEI tribunal rationem dare compelletur? Revera nullum est negotium momenti majoris, quod tamen minori curâ & clausis velut oculis peragatur, quàm statûs electio. Filii cæcorum more ductum Patrum sequuntur; & Patres apertis oculis solum, quod

vocant, Interesse, & lucrum suum sectantes, Filios in fossam ejusmodi præcipites agunt, ex qua per totam deinceps æternitatem non sint emerfuri.

III. Id quod præcipuè in statu Sacerdotali manifestum sit, in cujus electione quandoque plus satis appareat, quod nec Patres, nec Filii satis intelligant, quid sit, esse Sacerdotem; cùm hi, rebus minimè perpensis, ad Sacros Ordines accipientes accurrant; illi autem ad eos suscipiendos impellant, solius emolumentum temporalis inde colligendi studio. *Nec quisquam sumit sibi honorem, sed qui vocatur à DEO tanquam Aaron*: dixit Apostolus, & hoc tam procul omni dubio, quod nullus debeat officium ac munus gravissimum suscipere, nisi manifestâ à DEO vocatione excitatus, ut S. Paulus pro eo, quod hanc veritatem commendaret, tanquam in usum deducendam, jam præsupposuerit, eam in usum deductam, & hinc usus non est verbis imperativis: *Nemo sibi sumat honorem*: seu nemo tam sit audax ac præsumptuosus, qui hujusmodi dignitatem sibi arroget, sed verbis solum assertivis: *nemo sumit*. Utinam de nostris etiam temporibus verum esset, id quod de antiquis! primis Ecclesiæ temporibus multâ industria inquirere oportebat in eos, qui munus adeò sublime ac difficile in humeros suos admitterent, & tantum non vi illatâ initiandi erant; dum sub ipsum initiationis actum in gemitus effusi toto corpore contremiscebant. Nunc vero

rò tremenda hæc dignitas eo loco habetur, quo sordidum opificium majorque pars Christianorum Parentum sacro Altari non verentur uti pro Basi, quâ fultâ eorum Domus ac Familia aliquando aliùs surgat. Non nego, esse perquam multos ex Clero, qui munus Sacerdotale pro dignitate sustineant; forsan autem non æquè multos inveniemus, qui ad illud, quâ decet, viâ ac modo pertigerint. Certum esse reor, repeti illa à DEO verba posse, quæ per Jeremiam protulit: *non mittebam Prophetas, & ipsi currebant*. Note vocem *currebant*; neque enim contenti erant gradatim ascendere, ad solum tam sublime; sed pleno cursu eo ferebantur, cum per saltum promoveri eò jam non possint. Volo dicere, nonnullos ætatem communi jure stabilitam procuratis Dispensationibus præcurrere, & speciosum devotionis titulum obtendere; re ipsâ autem aliud nihil, quàm stipendii accelerationem querere. Quia etiam si concedamus illorum vitam, Prophetarum & Sacerdotum esse, Prophetarum tamen, & Sacerdotum Vocatio hæc non est. *Ipsi regnaverunt, & non ex me*. Et quid minus est rerum ordini conveniens, quàm velle hominem suâmet voluntate ad statum naturâ suâ superiorem ascendere? Aer suâmet virtute nunquam fit ignis: sed solem, à quo immutetur, expectat. Sic etiam DEUS non vult, ut suis quisquam pedibus ad dignitatem humanâ majorem, qualis est Sacerdotum, se efferat, per Aularum vestibula circumcursando, donaria offerendo, libellos supplices porrigen-

do &c. sed vult, ut quisque expectet, donec assumatur tanquam Aaron à DEO; *Applica ad te Aaron*. Vult, ut ipsi unusquisque liberum relinquat, cujus velit virgam florere; non vult, ut artificio quodam flos è virgâ, ex se non florente, progeneretur, eâ ferè ratione, quâ hortulani nostri vel repugnante anni tempestate plantas florere faciunt. Verùm enim verò, monita hæc, quæ Sanctis omnibus identidem in ore erant, tanquam summe necessaria & omnino observanda, hodie ut aniles scrupuli exploduntur. Nec enim animum advertere lubet ad periculum, cui se exponit, qui sine debitâ vocatione ad Sacros Ordines se intrudit: & in negotio verè maximo DEI voluntatem non exquirat, sed solam in consilium adhibet Ambitionem, aut Avaritiam, aut imperitorum Parentum judicium, qui tum se fortunatos somniant, cum vel ipsam Ecclesiam suæ familiæ commodis stipendiariam, aut famulam viderint. At væ filiis illis, qui hac in re Parentum suorum consilia audiunt! in fine sentient, quòd ducibus viæ suæ infidis sint usi.

IV. Insula Taprobana populi, cum novitiâ magnetis destituti essent, & tam navigare vellent, aves quasdam adhibebant, quæ, ubi è navi libera dimissæ erant, naturali isto instinctu quo ad vallem suam repetendam ferebantur, ad terram revolabant, easque navigantes sequebantur. Verùm adverte, quâ infelix esse soleat eorum conditio, qui ab iis se duci sinunt, qui rationis usu destituuntur. Illæ ipsæ

Exodi  
28 1.



volucres, etsi volatu suo ostenderent, ubi tellus esset, non littora tamen, non portus, aut maris sinus indicabant: unde fiebat, ut miseri Naucleri, præcæntes secuti, non raro in scopulos impingerent, & diffractâ navi mergeretur. Idem prorsus contingit illis, qui absque Stellarum cognitione mari se committunt, seu, quod idem est, statum quandam arripiunt, eumque periculosum, à DEO non vocati, solumque humanis se motivis regi patiuntur; qualia sunt, auxilio cognatis esse, opus in familiam titulósque inferre. Hi naufragium passi, aut, ut clariùs dicam, æternæ beatitudinis jacturâ multati serò nimis intelligunt, longè se aberrâsse, quòd Cælum & os Domini in negotio gravissimo non interrogârint antè, quàm illud aggredierentur, nec iis usi sint mensuris, iis artibus, quibus solis in portum tutò appellere conceditur. Quod autem de statu Sacerdotali dixi, proportionem quadam de omni alio dictum esto. Quare nulli non Patrum incumbit, ut filiis suis seriò inculcent: ut commendent se sapias DEO, quò suam voluntatem manifestare dignetur; ut Pœnitentiæ & SS. Eucharistiæ Mysteriis crebriùs usurpandis se addicant; ut Imaginem etiam quandam Sanctissimæ Matris Virginis, piis colentium studiis celebrem, piè visitent, eum in finem, ut in opere summi momenti expediundo, & à quo quasi totum dependet salutis nostræ negotium, dirigi mereantur. Christiano siquidem post Gratiâ finalem, nulla à DEO major conferri potest,

quàm si detur illi, bene inchoare, idque vitæ genus amplecti, in quo DEUS illum vult vivere; & sic Divinam ejus providentiam in omnibus sequi: non autem temerè illam præire, nec tam duci velle, quàm ducere.

V. In hac ipsâ materiâ alius quispian error non levis momenti mihi occurrit, quem contra filiorum libertatem, committitis; & est, cùm, etsi eorum electionem non impeditis quoad vitæ genus, in eo tamen filium aut filiam collocare vultis invitos ac repugnantes. Erit nonnunquam, quem non pudeat lexcentis minis, & manu baculo armatâ cogere filiam, ut huic potius, quàm illi nubat. Nisi consenseris, dicet, neque tu patrem me porrò compelles, nec ego te filiam credam. Unde necesse est, ut cervicem inclinet misera, & jugum subeat sanè quàm molestum; Maritum, inquam, ferat, invitæ obtrusum. Quid autem? An Parens injustus gravi dein religioni sibi ducit, injuriam tam palpabilem intulisse? tantæ omnino, & non majori, quàm si restitantiem asinam huic potius, quàm illi arbori alligasset. Nascuntur subinde ex Matrimonio ejusmodi coacto tot peccata, adulteriorum, odiorum, discordiarum, quin & cædium nonnunquam ac machinationum, ut parentem, si prius ea secum animo reputaret, marmore oporteret duriorum esse, si ferre ea posset, ne dicam, si auctor eorum esse vellet. Sacrosanctum Tridentinum Concilium anathemate illos Parentes ferit, quia filias suas invitas ac repugnantes ad vitam Monasticam compellunt,

pellunt. Unde, licet dici non possit, hanc ipsam pœnam etiam in Parentes extendi, qui huic potius, quàm illi marito nubere compellunt, rectè tamen inde universim colligitur, quàm cordi sit Matri Ecclesiæ, ut sua filiis libertas constet, quod maluerint vitæ genus eligendi. Hoc posito, in nullo unquam casu licitum est, filiam filiumve matrimonio elocare, nolentem ac repugnantem: imò ne precibus quidem importunis ita fatigandi sunt, ut à vilis nihil differant; in puellis præcipuè, quæ naturâ suâ præ maribus timore ducuntur, ac verecundiâ. Quod si concessum nunquam est, eum filix maritum obtrudere, quem illa non vult; raro quoque licitum erit, eum illi maritum negare, quem illa vult, præsertim, ubi aliqua jam promissio intercesserit. Et tamen nunquam ferè Parentes desunt, qui id agant: nec id tamen culpæ sibi ducunt, vel ex immani illâ ignorantia, quacum adoleverunt, vel ingenti cæcitate, quam opum cupiditas & amor inducit, qui unus in his litibus Arbiter eligitur; Arbiter sanè haud quaquam legitimus, utpote unius tantum, & non utriusque partis optione ad arbitrandum lectus.

VI. Negari quidem non potest, quin à liberis prudentia & officii ratio postulet, ut Majorum suorum, utpote expertorum, consilia hoc in negotio audiant; confidantque, plus se, obedientiæ merito, felicitatis à DEO in ejusmodi contractibus consecuturos. Ubi tamen ipsi à Parentibus eâ in re dissenserint, fixum, ratumque esse

debet, quòd nullo jure, nec absque gravi peccato cogi possint ad abdicandum se communi cunctis libertate. Sueffione Galliæ civitate, nobilis ordinum Ductor filiam habebat, formæ ad miraculum insigni; hæc à multis expetita in Sponsam, Patris sui destinatione cuidam & malitiâ & natalibus claro Juveni; erat desponsata. At filia, quæ alium quempiam adama-verat, disertè profitebatur, se conjugio à patre sibi proposito nunquam assensuram. Ingens hinc in familiâ dissensio. Affirmabat filix pater: Fidem ego meam obligavi: standum omnino promissis est: eum tibi, quem petis, maritum concedam nunquam: cum ille & opibus, & familiæ suæ splendore nobis æqualis non sit. Puella vicissim reponebat. Obligaveris, Pater fidem tuam; at non ego meam: si maritum, quem opto, habere me non permiseris, ratum, fixumque est, vim mihi meis manibus inferre, & invisam vitam abrumpere. Et hæc sua dicta jurejurando identidem affirmabat. Adeò ut ad definiendam tandem litem necesse habuerit parens filiam ad sanctum Antistitem Arnulphum adducere, eique controversiæ arbitrium permittere. Audite sententiam viri Sancti & DEO pleni! ad patrem enim conversus agebat: æquum non est, ut filiam invitam matrimonio jungas, eique maritum, quem tam instantè efflagitat, neges: tæm-pori oportebat invigilare, ne amorem hunc versùs Juvenem illum conciperet. Deinde filiam contuitus & tu, inquiebat, habebis, quem vis: bre-



breve tamen tuum erit gaudium. Et ita omnino evenit. Maritus enim, quem depetierat, non multò pòst tempore occisus viduam reliquit, vixdum Sponsam. Hinc discant velim Patres, filios suos non privare libertate; filii autem non ita cæcis animi sui moribus inlucere, nisi velint istius suæ inobedientiæ ferà poenitentia tangi, dum libertatis suæ prærogativâ abusi sunt, quæ, quod est nobilior ac præstantior, hoc minus illi sine consilio fidendum.

## II.

VII. Ut autem hæc ita sint, novimus tamen, vim illam, quam Patres filiis suis inferunt, dum status eligendi libertatem iis præscindunt, minus esse frequentem ac usitatam. Aliud est, quod animum meum acerbè vulnerat; Libertas nimirum illa, quæ in omni ferè familiâ nimis quàm indulgenter filiis permittitur, eaque triplex, videndi nimirum, conversandi, & sine arbitrio inter se agendi. Unde fit, ut miser, obtentu matrimonii conciliandi, quandoque non agant minùs, quàm vinculo matrimonii jam constricti. Abusus ipse ante alios omnes mihi dolet maximè, & necessitatem imponit cum Prophetâ ingemiscendi? quis dabit mihi fontem lacrymarum, ut plangam innumeras, quæ quotidie plures hac abyssò merguntur, Animas. Prima libertas est, *Videndi*. Si quod tempus est, quo filias custodire oportet, tempus est adolescentiæ, ait Aristoteles. Ratio est, quia ex unâ parte ætas illa intolrà quasi voluptatum fame stimulatur; ex alterâ, quod voluptatem nunquam experta sit, eam sibi longè

suaviorem repræsentat. Quâ de causâ nulla Parentibus custodia videri tunc debet nimia; & quemadmodum illi, qui in Canticis Canticorum super sorore adhuc dum viro immatura consilium inierunt, non ante dixerunt: *Soror nostra parva est, & ubera non habet*, quin illico subjungerent pleni zelo: *quid ergo faciemus sorori nostræ?* idiplum facere etiam vos par est. Filiam habemus, deberent Parentes ad invicem dicere, in ipso primæ ætatis flore. Sororem habemus, debetis & vos fratres dicere, ætate omnium maximè lubricâ adolescentulam: quid igitur faciemus, ut ne extra custodiam sit? Verum est, videtur dodata egregiâ indole, ut spem faciat, staturam muri instar ad omnem assultum solidissimam. Nihilominus tamen magis securos nos reddamus: *Si murus est, Ca<sup>8v</sup> ædificemus super eum propugnacula*. Faciamus antemurale, ne videatur; neque enim ulla cura, custodia ulla, quæ puellam satis custodiat, supervacanea est. Sapiens quidam Spartanus, cùm Thebanæ civitatis muros undique altissimos contemplaretur, interrogatus, an mœnia satis alta crederet? prudenter respondit, satis alta non esse, si deberent fœminas custodire. Adeoque, *si murus est, ædificemus super eum propugnacula*. Oportet, non solum illas custodire ab oculis externorum, *Ja<sup>8v</sup>* sed ab oculis etiam domesticorum: ad imitationem sapientissimæ Judithæ, de qua S. Spiritus affirmat, quod non solum in publico videndam se non exhibuerit, sed ipsa quoque domi suæ velut in eremo vixerit, *de superioribus domus*

*domus suæ fecit sibi secretum cubiculum, in quo cum puellis suis clausa morabatur.* Et tamen Patres Matrèsque non solum periculosa hujus ætatis filias non includunt, sed ad fenestras liberum iis prospectum permittunt, quin & sub ædium foribus, quantum volunt, oculorum otium: quin, quod adhuc pejus est (audebône dicere?) quin quod adhuc pejus est, ipsimet Parentes in omnem occasionem invigilant, quæ eas discooperit fronte, facie minio depictâ, sinu, brachiis & humeris mediani partem nudis ad choreas ceu publicum mercatum oculorum (plus non dicam) & desideriorum deducunt. Hoc faciunt Parentes Christiani, Turcæ non faciunt. Ita est, Turcæ, quos imò novimus in hac filiarum custodiâ, præquam ulli alii sint, solertissimos, non faciunt. Faciunt Parentes Christiani, postquam sacro in Baptismo polliti sunt, renunciare Mundo & Diabolo, & postquam tot annos Legem talem professi sunt, quæ summam filiorum curam iis includat.

VIII. Verum quid mali est, dicetis, filias, filiis ac filiabus libertatem se mutuò contemplandi concedere? Quid mali est? Imò non errabit, qui omne malum dixerit: *Nequius oculos quid creatum est?* clamat Spiritus Sanctus; & vos dicitis: quid mali est, si juvenes oculis procentur, cui credam? vobis? an Divinæ Sapientiæ? Medici à nullo magis sensu dispositionem corporis bonam malamve colligunt, quàm ab oculis: *Nulla ex parte tot signa, quàm ex oculis accipiuntur: ver-*  
*& P. Segneri Christ. Instr. Tom. I.*

ba sunt Hippocratis, Medicorum Principis: Mihi credite, hac eadem regulâ in animi quoque habitu utendum est, an sanus ille, an infirmus sit ac debilis: *Ut valent oculi, sic totum in lib. 6. corpus, ait ille, & ut valent oculi, sic Epid. tota anima, vos dicite.* Si sincerum de  
*sect. 4.* conjugum vestrarum honestate judicium ferre cupitis, illarum oculos observare, & de integritate aut dissolutione argumenta habebitis minimè fallacia, *Fornicatio mulieris in extollentia o-*  
*Eccl. 26.* *culorum agnoscetur, dicit Spiritus Sanctus, & in palpebris illius.* Difficile omnino est, videre & non desiderare! & tam difficile, quàm difficile est, scopetum in foco ignem concipere, & illum intra non propagare. *Visum sequitur cogitatio, cogitationem delectatio, delectationem consensus.* Et hoc longè magis quando non obiter tantum, sed meditatò, & per moram aliquid contuemur. Nam, si quandoque contingit, ut forma illa, quæ oculis delletatur tantum, aliquam cordi violentiam inferat, quam vim faciet, quæ quasi ex destinato respicitur? Aspectus itaque, cogitatio, & desiderium velut annuli quidam catenæ sunt, attracto uno omnes sequuntur. Unde fit, ut rara omnino illa peccata sint, quæ non ab oculis originem suam trahant. Quæ de *Valer. causâ sapientissimè Seleucus, Locren. Max. l.* sum Legislator, statuit, ut adultero *6. c. 5.* gemini oculi eruerentur; quia, dicebat, ad mali radicem fodiendum est, ac curandum, ut primi sint ad pœnam, qui primi fuerunt ad culpam. Certum est, quod S. Scriptura oculos nostros præcipue reos agat peccatorum nostro-  
 rum,



rum, dum exempli gratiâ non idololatrias fornicatorum nomine compellat, sed oculos eorum: *Contrivi oculos eorum, fornicantes post idola sua.* Non nequam Invidos, sed oculos eorum: *Nequam est oculus lividi.* Non Avaros insatiabiles, sed insatiabiles oculos eorum. *Insatiabilis oculus cupidi.* Non turbatos Furentes, sed turbatos oculos eorum: *Turbatus est à furore oculus meus.* Et universum loquendo omnis Legum transgressio, transgressio oculorum compellatur: *Unusquisque offensiones oculorum suorum abjiciat, & omnis abominatio animæ abominatio dicitur oculorum. Unusquisque abominationes oculorum suorum non projicit.* Quam veritatem toties Scriptura repetit & inculcat, ut aliquando tandem capiamus, & refrenando oculos, omnibus aliis peccatis fores occludamus.

IX. Quid dicitis ad hæc? an adhuc audebitis mendacium tam enorme effari, quale est, libertatem, quæ ad mutuos conspectus juvenibus indulgetur, innocentem esse, & periculo vacuam? quisquis hoc dixerit, Divinam manifestè sententiam impugnat. Unde omnino verba Ecclesiastici firmissimâ custodiâ tenete: *In filiâ non avertente se, firma custodiam.* Cum filiâ habetis, quæ videntium se oculos non subterfugit, ex oculis eam vestris non dimittite: *firma custodiam;* secus enim, cum occasionem mali faciendi nata fuerit, certò illam arripit: *ne inventa occasione utatur se.* Neque hoc solùm; sed quamcunque oculorum levitatem in eâ notaveritis, nolite fidere: *ab omni irreverentia ocu-*

*lorum ejus cave.* Quod si non feceritis, certi estote, quod si postmodum vestris eam desideriis obsequentem volueritis, protervè resistentem & insigniter contumacem sitis habituri: *ne mihi Eccl. reveris, si te neglexerit.* Ita DEUS ore Ecclesiastici.

X. Et utinam malum, de quo dixi, non ultra progrediretur! siquidem Parentes contenti non sunt hac solùm ratione Juventutem perdere. Præterquam enim, quòd se mutuo contemplari liberè possint, omnem insuper facultatem nanciscuntur quâ familiarissimè, & velut domestici essent, colloquantur, & commorentur. Quotidie circa vesperum fores panduntur, & quotquot vicini Juvenes sunt, liberum habent aditum. Qui si non suâ sponte veniant, invitantur. Consideratur ad lumen tenue, & vix lumen. Non linguis tantùm, sed & manibus campus excurrendi uberrimus patet. O abusus non deplorandos tantùm, sed execrandos! Quærun nonnulli, quo idiomate, quibusve verbis locuturus puer esset, qui in sylvâ inter feras lactaretur, quin unquam hominem loquentem audiret? Est, qui respondeat, locuturum hujusmodi hominem linguâ Hebraicâ, quæ non solùm omnium prima fuit, sed ante diluvium toti Mundo communis. Res tamen ipsa est; hujusmodi parvulum nullo idiomate locuturum, ut qui nullum didicisset; id quod in iis experimur, qui surdi nascuntur. Quid hinc infero? mecummet ipse perpendo, quam malitiam nôset filia quæpiam, quæ semper secum sola constitisset: credo,

nul-

9. nullam; è domo Patris sui ad domum mariti excederis talis, qualis ad domum Patris à sacro Lavacro redit: *Erras. Senecæ verba sunt, si putas, vitia nobiscum nasci: ingesta sunt.* Quia igitur aliâ portâ Cacodæmon ingrederetur, si hæc, quæ de loquimur, bene clausa foret? Ex quo facile colligitis, quantum Patribus Matribusque reddenda ratio incumbat, qui non solum januam hanc non occludunt, sed suis cardinibus movent, ut occludi porro non possit; & pro eo quod in amores & procos invehantur, omnem iram exponerant in illos, qui abusus ejuscemodi execrandos insectantur. Dicit non potest, quantum roboris ac efficacie habeat ad immutandos mores familiaris conversatio. Sint immaculati, sint innocentes filii vestri, sint ipso etiam argento candidiores, mihi credite, non durabunt, ætatem non fereant. Etiam argentum, cum manibus tractatur, nigrescit. Oculos vestros parte unâ in DEI Matrem convertite, quæ ad vocem Angeli turbatur: *Turbata est in sermone ejus.* Ex alterâ parte Evam respicite, quæ ad vocem etiam serpentis non perturbatur; & agnoscetis, quodnam prudentem inter & stultam filiam sit discrimen. Filia, quæ ingenuæ sunt, etiam suos domesticos verentur, & in præsentia fratrum quoque ruborem in vultu produnt. Quæ verò stultæ sunt, etiam, cum personatum diabolum contuentur, non expavescunt. Ex quâ impudenti ominari aliud nihil licet, quàm jacturam honestatis non æstimare, familiarum interitum, famæ & animæ exitum.

XI. S. Antoninus die quadam Florentinam urbem perambulabat, & cum fortuito oculos levaret, paupere super tecto chorum Angelorum, festivè tripudiantium, conspicit. Notavit plateam Sanctus, & in eâ domum; & cum in habitantium conditionem inquisivisset, intellexit, quod eâ honestissima quædam vidua cum tribus omnino filiabus moraretur, tantâ in paupertate, ut sine calceis, neque ceterâ bene vestitæ, dies noctesque infumerent ad vitam necessario victu producendam. Facile divinabitis, cum Sanctus hic Archi-Episcopum in alios quoscunque pauperes liberalem se exhibuerit, in has se, ut ita dicam, prodigum exhibiturum. Crumenam nummis implevit, & ad Matrem destinavit, cum dictor: bono esset animo, neque enim aut ipsam, aut filias, quândiu quidem ipse Archi-Episcopus foret, porro cum egestate luctaturas. Verùm, quis crederet? hoc loco elemosyna in venenum cessit. Juvenculæ enim, jam decorè vestitæ cum non egerent, omisso labore, ad fenestras excubabant, & sub matrimonii prætextu in omnem viciniam procaces oculos dimittebant; quo factum, ut tres istæ columbæ paucos intra dies in noctuas degenerarent. Pauci menses abiierant, cum B. Antoninus eadem plateâ transiens in Viduæ memoratæ domum, tectumque oculos conjicit. At, quantum mutata rerum facies! Vidit jam non cœlestis aulæ Genios, sed averni damnatos spiritus, qui fatuorum instar in tecto salitabant. Causâ tantæ mutationis cognitâ omi-



fit & ipse beneficentiam suam, quam in animarum exitium cedere intellexit, oleumque lampadi subtraxit, quæ pro luce gratâ, turpem fumum diffundebat. Quid autem agebant domus hujus filiæ, Haud sanè dimidiam partem malorum, quibus filiæ modò vestræ conspurcantur. E fenestrâ prospiciebant vagæ oculis, nihil aliud; non colloquebantur diu nocturne cum Amasis: non in ædes suas illos evocabant, non ad latus iis assidebant, non manus eorum stringebant: & tamen Cacodæmones illarum in tecto saltitabant. Oportebit igitur dicere, non solum saltitare supra domorum vestrarum tecta Dæmones, sed & in ipsis penetralibus, ad focum vestrum, ad quem omnis generis spurciloquia audire est; sub foribus, sub quibus quandoque plus manus habent, quod agant, quàm linguæ; in stabulis, ubi fiunt, quæ bestiarum sunt; verbo, nulla non ædium vestrarum parte suis stygem saltibus & choreis indulgere.

XII. Quid si autem præter videnti & discurrendi libertatem filiabus etiam conniveretis, ut solæ cum solis agerent, an non miraculo opus foret, ut non contaminarentur? quis autem credat, fore ut DEUS miraculum faciat, quo licentiam hanc aut malè quæsitam, aut malè concessam confirmet, ac illam defendat, quæ nullâ causâ manifesto sese periculo exposuit? *Quis miseribitur Incantatori à Serpente percusso?* Nemo illum miseratur; qui obstinato animo ipse suum sibi malum accersit. An quis sine horrore videat, Juvenem solum cum solâ

loqui in angiporto, insylvâ ab hominibus remotâ? S. Bernardus non se tenet, quin exclamet: *Intras solus ad solam! vah, vah! lupus ad oviculam:* Et vos sine timore estis? ac dicitis, sic consuetudinem poscere, sic moris esse, quid juvat, filiabus identidem occinere, ut honestatis rationem habeant, si interea omnem eis ansam ad vitia subministratis? famelicos ad mensam lautè instructam adducitis, & jejunos eos subinde assidere jubetis. Quid prodest, cum visitantur, reverentiæ admonere, quas interim solas sine arbitro relinquitis? Sepem circa hortum tollitis & vicinos, ne damnum inferant, exhortamini. An ignoratis, non alium in Mundo Diabolum potentius tentare, quàm malam occasionem? Dæmon iste Dæmoniorum est. Unde Sancti, quirei hujusce optimè gnari erant, non aliud magis formidabant. Quando S. Antonio Inferni illi Spiritus monstrorum specie apparebant, & modò velut ursi, lupi, ac leones, modò serpentium formâ in eum impetum faciebant, velut devoraturi: ridebat Sanctus, ac dicebat: plus satis apparet, quòd nullius roboris suis, dum tam multi ad me unum venitis. Si quod vobis robur, si qua virtus esset, sufficeret vel unus; & sic omnes baculo fugabat. At verò ubi mulier ad cellam se stetit, tunc enim verò cohorrui, se abscondit, ad orationem confugit, clavem à serâ abstraxit, vestes & catenas obduxit, ut ne audiret quidem. Animadvertitis, quanto conatu viri sancti pravam occasionem declinent? omnibus illam

Dæmo-

Dæmoniis magis metuunt; & vos dicitis: nullum lubest periculum?

XIII. Acquiescerem, plura non dicturus, si nunquam ex maledictâ hac libertate aliud quid consequeretur, aut quod consequitur, non resciretur. Audimus autem sapissimè, nunc de hac puellâ sermonem inferri, quæ cum pudore honorem suum perdidit; nunc de illâ, quæ metu Magistratûs sponsalia contraxit, mox de aliâ, quæ factâ pudicitix jacturâ manus omnium agnatorum armavit, quibus fixum est, infamiam nomini suo illatam vindicare. Fructus hi sunt indulgentiæ illius libertatis, quam detestor; & eam non fugiatis? Africa regio est, quæ singulis ferme diebus nova in lucem monstra producit, quis nescit? rationem petitis, & causam? dabo. Regio est aridissima, quam pauca admodum flumina irrigant; unde fit, ut feræ, quæ arenosas illas sylvas habitant, cum urgente siti ad bibendum perurgentur, frequentes eodem loco conveniant. Et sic, utut diversæ sint speciei, dum consuetudine quadam quasi domestica sociantur, Leones cum Tigrilibus, & Ursi cum Pantheris, Crocodili cum Draconibus, ejusmodi prodigiosos partus progenerant, qui magnam hanc Mundi partem infamem faciunt. Superfedeo apologo, quia pudet tamdiu de eadem re loqui, quam fieri potest non uni tantum vestrum infelici nimirum experientiâ abunde innotuisse.

XIV. Et ut hæc experientia abesset, fides saltem adhibeatur, ait S. Augustinus, aliorum experimentis, ac fatea-

mur, omnium passionum maximè infrenatam ac indomitam esse, Amorem. Duo omnium sapientissimi, quos <sup>sup. Gen. ad liz. c. 48.</sup> Mundus habuit, ait Sanctus iste Doctor, fuere Adam & Salomon, utriusque enim Magistrum ipse DEUS egit, cum sapientiam plusquam humanam infudit: utrumque tamen infatuavit Amor. Adamus quidem in gratiam mulieris, pomo accepto, se, & omnem posteritatem suam perdidit, jusque, quo ipse cum omnibus posteris ad hujus alteriusque Mundi possessionem gaudebat, uno bolo abligurivit. An major hæc stultitiâ inveniri queat? Salomon autem mulierum amore infatuiens eo delapsus est, ut Dæmonem in idolis adoraret, totque aras ac templa extrueret, quot Deos ipsius uxores venerabantur. <sup>3. Reg. 12.</sup> Depravatum est cor ejus per mulieres, ait sacer textus, ut sequeretur Deos alienos. Quis unquam credidisset, à viro sapiente tam enorme facinus perpetrari posse? & tamen ita est. Quin, si tertium quoque his adjungi vultis, adjungam. Aristoteles, <sup>Apud Peroriam l. 5. de princip. c. 1. lib. 8. de cur. Præc. affect.</sup> qui teste Averroë, ingenii acumine ac perspicacitate pertigit, quâ homini mortali fas est, amore tam insano amassam suam prosecutus est, si Theodoretus credimus, ut non erubesceret, eam jam mortuam, Dæmonem instar cælo receptæ, adorare, quæ tum cadaver bestix in fossam aliquam abjectæ retro fœtore ac deformitate superabat. Patri passu Amor & Vinum procedunt: Vinum & Mulieres apostatare faciunt Ecclesie sapientes: sicut enim, qui ebrius est, ad ea perpetranda impellitur, quæ sobriè potus, & expedito rationis usu nunquam



quam admitteret, sic Amans tam multa rationi dissentanea cæcus operatur, ut, si non amasset, nunquam ad ea admittenda induci potuisset. In fabulis suis Antiqui finxerunt amorem, cum adhuc parvulus esset, cum Stultitiâ aliquando jocatum fuisse. Hæc, ut vel ludibunda furit, alternos inter jocos, Amori oculos eruit; quo factum, ut in hujusce criminis pœnam, Amorem, quacunque jêrit, deinceps ducere jussa sit. Pulcherrimè fabula hæc veritatem declarat, cum amoris passio alio dace non utatur, quàm eadem, quæ illum excecavit, stultitiâ. Qui igitur fit, ut tantum vos vestris juvenibus fidatis, ut primò sinatis illos liberimè inter mutui amoris indicia conversari; subinde autem, cum jam ebrius amor est, solos cum solis majori temeritate agere permittatis? An illa passio, quæ mortalium sapientissimos excecavit potuit, puellam etiam ætate & judicio infirmam, & adolescentem perinde fragilem de statu lætæ mentis dejicere non poterit? nec creditis, strictissimam vos DEO rationem reddituros, quod filios ac filias vestras in evidendi pereundi pericula incurrere volentes videntésque permiseritis? quod si eam à vobis DEUS expetiturus est, cur non in planam, magisque securam viam eos reducit? usque adeo crudeles eritis, ut cum animas vestras, ac liberorum vestrorum impendio ac labore tam parvo in salutem asserere possitis, humeros oneri tam levi subducatis? Peccant parentes, si filios à suspectis sodalitiis non separent. tantoque gravius peccant

quo hujusmodi sodalitia magis fuerint suspecta. Neque necessarium est, suismet oculis videre, quæ sunt turpia, ut impedire teneantur; sufficet rationabili duci suspicione. Quæ autem motiva magis esse convincentiæ possunt ad suspicionem de ejusmodi conversandi modo concipiendam, quàm quæ adducta sunt hætenus?

XV. Saltem edicite, quo fundamento nitamini, cum aliter, quàm dixi, operamini? fortassis, multorum similiter facientium exemplo? At, S. Eucherii doctrina est? *Quid nobis in illo DEI judicio proderit multitudo, ubi singuli judicabuntur?* DEUS, cum sententiam aut pro vobis, aut contra vos feret, non quæret, an alios secuti sitis, sed an se. Imò multitudo vobis incitamento esse deberet, ut contra, quàm illa faciat, faciatis; quàm enim prudenter illam ut normam sentiendæ quis sequitur; tam malè observat ut normam agendi. *Senti cum multis: operare cum paucis.*

XVI. Solâ ergo notitiâ, quàm de filiabus vestris habetis, nitimini, & tantum de illarum constantia vobis promittetis? Verùm an nescitis, illam solùm mulierem invictam esse, quæ non est oppugnata? Cælum Philosophi idèò dicunt esse incorruptibile, quod contrarium non habeat. O quot personæ hoc modo sunt incorruptibiles! bonæ sunt, quia occasionem non habent, quâ malæ sint: de cætero, si quas insidias ex occasione amicus hostis strueret, vix uno die in sua integritate persisterent.

XVII. Multò minùs velim mihi reponi, filiam vestram admodum bene institutam, prudentem atque sagacem esse, ita ut sciat, dignoscere laqueos, si quos illi parari contingeret: fieri enim potest, ut talis quidem in præfentiarum sit, cum sui etiamnum potens est, sed finite ut amare, & aliequem deperire incipiat, & videbitis eam non minùs, quàm aliam quamlibet, laqueis implicandam. Observatum est, belluas nullo alio tempore faciliùs casses ac retia incidere, quàm cum generandi stimulis perurgentur: tunc enim passione abripiuntur, ita ut omnia longè imperfectiùs cognoscant, quàm quovis alio tempore. Par conditio filiarum vestrarum est, ut nunc laqueos & technas perspiciant, amore tamen ita excœcabantur, ut postmodum non tam prudentes atque sagaces sint in evitandis, quàm modò videntur. Demus etiam, suo illas Amore non excœcari, an non Amantes ipsi sufficient ad eas excœcandas? finite incipiant afferre dona; modò velum elegans offerant; alias vestem pretiosam promittant, aut aliud quippiam nundinarum tempore comparandum, & mox mira videbitis. Providi Ducis bellici effatum fuit: Nullam esse urbem arcemve munitam quæ expugnari non possit, si monia quantiantur machinis conflatis ex metallo, quale Mexicum Carolo V. transmissit. Dicere nimirum volebat: donis sapius oblati omnem denique fidem cedere & expugnari. Et sapientis sit existimare, infirmum pectus femina non expugnandum repetitis e-

juscemodi machinarum ictibus, cum satis constet, plures ex hoc seu induci ad peccandum cupiditate habendi, quàm studio voluptatum? Unde sapienter olim Pythagoras: Aurum igne, faminam auro probari. Magna est mulier, quæ muneribus non vincitur.

XVIII. In quo igitur fiduciam vestram ponetis? forsan in illorum bonitate Juvenum, qui domos vestras percursant? Verùm O vos miseros! si in his fiduciam vestram collocatis; etenim jure optimo quis dixerit, cannæ vos & arundini contractæ inniti. Hos namque plus quàm aliud quidquam timere convenit. In ultimo Septentrione urfi nullo magis tempore damnum afferunt, quàm hyemali: cum enim colore sint candido, inter ingentia nivium volumina minùs observantur, & minùs timentur. O quantò foret meliùs, meâ quidem sententiâ, si ædes vestras milites, aut alias libero vivendi genere suspecti Juvenes frequentarent, quàm isti in modestiæ speciem compositi: illorum enim iusto metu filias vestras cautè admodum custodiretis; hi verò qui prudentuli videntur, & prætextu temporis fallendi domos vestras subeunt, aut ad vos tanquam sanguine juncti invisunt, quamvis plus quàm urfi sint (adeò & versuti, & audaces sunt) quia tamen albi sunt, non timentur, & hoc ipso magis nocent. Nec, quia non initio statim hæc damna se produnt, ideo minùs certò sunt eventura. *Spina*, ait S. Augustinus, *non pun-*  
*gunt in radice, & tamen quod pungit, ex*  
*radice procedit.* Sensim cum spina in terrâ  
*radi-*

*olau  
M.*

*in Isai.  
1. 39.*



radices egit, aculeos progerminat. Sic paulatim nascitur confidentia, & velut in re suâ, dominium ac possessio; nec pungitur tantum, sed & laceratur honestas.

Quod si postmodum puella gustum quendam peccati percepit (quod nimis pro dolor! frequens est) omnino aliud remedium, quo ad frugem reducatur, non superest, quam commercium omne cum ejusmodi Juvene recidere. Absque hoc enim omnia alia in irritum cadunt. Quam se torquet, quam in omnem se partem vertit cerva telo transfixa? & tamen, donec è plagâ sagittam extrahat, quid miseram juvat fugere? Ita quot consilia, alioquin bona, Confessarius suggerit? nihil autem his omnibus efficit, quoadusque latro ille domesticus procul esse jubetur. Et ideò *super filiam luxuriosam confirma custodiam*, ait Spiritus Sanctus, *ne quando in opprobrium faciat te venire inimicis*: nisi in tempore hanc procandi licentiam sustuleritis, si crescet, ut in opprobrium vestrum indelebile tandem desinat. Cur igitur animo vestro necdum discernitis, illam tollere? an possibile est; ut datâ operâ somnum vestrum Serpenti proximî continuare velitis, & non potius ejusdem caput contere? Quæ perversitas est, eò hodiè rem devenire, ut tanquam mos laudabilis defendatur, quod tanquam certam Juventutis pestem junctis animis & viribus in ultimam Tulem relegare oporteret?


2. Thess. XX. Denunciamus vobis in nomine Domini Jesu Christi, ut subtrahatis vos

ab omni fratre, ambulante inordinate. Denuncio & ego vobis in nomine Domini, quod nisi filias vestras à gravissimis hisce periculis subtraxeritis, & vestras, & illarum animas æternum sitis perdituri. Illatum quidem, cum sit difficillimum, pestem non contrahere, & tamen auram pestilentissimis vocibus contaminatam attrahere, & exempla pessima, gestus turpissimos, ante oculos habere. Vestras autem, cum filiarum vestrarum peccata vobis imputabuntur, qui ea tam facile impedire & potuissetis & debuissetis. Ser-vus, qui Herum à morte sibi inferendâ non prohibet, juxta Leges & Ju-ra, rationem hujusce necis debet reddere. An non Pater & Mater rationem DEO reddent, qui mortem filiarum æternam non impediunt, quin & quotidianam ejus incurrendæ occasionem subministrant? Hæc mea denunciatio est, quid contrâ reponitis? quâ ratione in posterum suscipietis negotium hoc tanti momenti? an ego vos inter fidei nostræ amicos, an inter inimicos numerabo? Qui suorum & maxime domesticorum curam non habet, fidem negavit, & est infidelis deterior; ait S. Paulus: & argumentum illius hoc est: Aut enim hujusmodi Parentes credunt, quod peccatum inter mala sit maximum; credunt, quod DEUS severissimo illud judicio sit examinaturus; credunt, quod æternâ poenâ sit multandum, quotiescunque non fuerit seriâ poenitentia expiatum; vel non credunt? si non credunt, fidem negarunt, & infideles sunt. Si credunt, & nihilominus suis non melius consulunt,

l. c. in  
alite  
si sit  
man  
ff. d  
C. si  
lan.  
clas

sunt, sunt infidelibus deteriores, eò quòd non obstante tantà cognitionis luce, agant nihil. Nisi malimus dicere, ideò Parentes hosce Infidelibus deteriores esse, quia deteriores sunt Mahometanis, qui summam honestatis filiorum cùram & gerunt & profitentur. Audite me tandem, Dilectissimi, qui non aliud, quam vestrum, vestrorumque bonum promovere contendo, tollite istos abus, latrones ac fures domesticos amandate, & sinite vobis tandem persuaderi, quòd unum ex præcipuis mediis salutis vestræ sit, recta Liberorum educatio,

quos DEUS vobis eum in finem concessit, ut vos, quos ad statum matrimonialem vocavit, hâc viâ ad cælum perduceret. *Mulier salvabitur per filiorum* <sup>1. Tim.</sup> *generationem, si permanserit*, aut ut alii <sup>2. s.</sup> *legunt, si permanserit in fide & sanctifica-* <sup>Vide Theop.</sup> *tione.* Salvabitis filios vestros, postquam generastis eos, instituendo bonis <sup>Hug. in</sup> moribus, & illi salvabunt vos, vestra <sup>hunc</sup> monita accipiendo. *Mulier salvabitur* <sup>loc.</sup> *per generationem filiorum, si permanserit in fide & sanctificatione.* Ita DEUS ad communem omnium salutem largiatur.



## DISCURSUS XVI.

### *De Obligatione Filiorum, ad exhibendum Parentibus honorem.*

I. **A** Pud veteres Persas quæ res magno habebantur opprobrio; mentiri, & nomina sua non exsolvere. Quod attinet mandacium, non potest negari, oppidò illud esse turpe; etenim si infamis est, qui monetam adulterat, jure longè majori infamis censetur, qui cor adulterare præsumperit. Quod autem æquè profusum sit, sua debita non expungere, non ita manifestum est: siquidem hoc sæpenumero ex obæratu inopia potius, quàm ex culpâ oriri potest. Unde Lex ista à rectæ rationis Tribunali probari, atque ut justa admitti non potest, nisi ita explicetur; quòd nimi-

rum per nomina & æs alienum intelligantur beneficia; nomine autem obæratum, Ingrati, qui suæ non respondent obligationi. Hi jure meritissimo humanæ generationis opprobrium compellendi sunt; cùm ejusmodi debitum non solvant, quod si alius solvendi modus non suppetit, solo possunt animo expungere; amando scilicet illum, à quo boni quidpiam in eos derivatum est. Quod si ita est, inter abominabiles istiusmodi debitores meritò numerandi veniunt filii illi ingratiissimi, qui ingratiissimo tantùm animo ingens illud beneficium, quod nascendo à parentibus acceperunt, compensare velle videntur. Quæ me hodie causa impulit;



ut contra hoc filiorum genus linguam meam exacuam, eisque Summam debitorum suorum commonstrem; ex quo ipsi dein inferant magnam infamiam, imò grave damnum, quod debitum non reddendo in eos resultat.

## I.

*Tom. l. 1.* II. Tam manifesta est obligatio, quâ

*c. 11.* parentibus originis nostræ causâ obstringimur, ut Aristoteles cum stultis annumeret, qui eam velit in dubium trahere; haud aliter, ac si quis dispu-

*s. Thom. 2. 2. 9.* taret, nixne alba foret, an non? Qua-

*100. d. 5.* propter supposito hoc debito ad illius

*ad 4.* partes ac conditiones descendamus, ut

*s. Thom. 2. 2. 9.* omnibus manifesta fiat gravis illa Sum-

*101. d. 3.* ma, cujus solutionem naturalis, perinde

*Abul. in* ac Divina Lex imperat. Tria à paren-

*Exod. c.* tibus accipimus, esse, alimenta, & edu-

*20. g. 17.* cationem: & sic trium vicissim debito-

res constituimur: Parentes nimirum honorandi, alendi, & justis eorum imperiis obtemperandi.

III. Primò vitam nobis dant, & hanc accipiendo debitum quasi infinitum contrahimus honorandi & observandi eos, qui dederint. Inter maximas obligationes, quas natura inducit, illa est, quâ suis effectus causis obstringuntur. Esse principium naturæ & essentix alterius ut est maxima perfectionum, quas DEUS rebus creatis confert, ita cultum & venerationem quasi Divinam meretur, maximè in homine, qui à Progenitoribus suis

*Plat. de leg. l. 11.* vitam adeò pretiosam accipit. Et ideò

non Sancti tantum, sed Docti omnes, etiam verâ fide destituti, post obligationem colendi DEUM conditorem, semper primo loco cultum poluerunt,

quem Parentibus debemus. Unde factum, ut Parentes magnis illis nominibus compellarentur, quibus modò Dii visibiles, modò Dii terrestres, aut, ut cum sapientissimo Philone loquamur castigatius, Creatores secundarii, aut Conditoris Imagines, quas suo loco super terram ipse statuit, appellati sunt; ut scilicet videremus sensibilis imperfectam ideam illius obligationis, quâ DEO primo Conditori ac Artifici nostro obstringimur. Quæ causa est, ut etiam in sacris Paginis cultus ille, qui DEO, & qui Parentibus debetur, conjungantur. Qui timet Dominum, honorat Parentes, & quasi Dominis serviet his, qui se genuerunt. Quasi non possent invicem separari, cum apud omnes locum DEI Parentes obtineant. Et hæc etiam ratio est, quare præceptum de honorandis parentibus primo statim loco post præcepta ad DEUM pertinentia ponatur; ut scilicet intelligatur, quòd Patrem esse, sit res quæpiam confinis, & quasi media inter immortalia & mortalia. Ex unâ parte mortale est, spectando nimirum corpus, quod mediâ hac paternitate collatum est; ex alterâ verò, immortale quidpiam est, dum nunc repræsentat, & æternum repræsentabit Paternitatem DEI Creatoris omnium. Ex quo omnis Paternitas in Cælis & Ephe in terrâ nominatur. Sic pari modo hoc præceptum in capite secundæ tabulæ positum est, ut homines intelligerent, inter præcepta, quibus proximum amare jubemur, primum esse, quo parentes honorare obstringimur; non aliter ac inter præcepta Charitatis.

erga

erga DEUM primum illud est, quo  
b. DEUM honorare jubemur. *Natura  
probatur affectus*, ut S. Hieronymus  
commentatur, *ut ordine charitatis, post  
verum parentem, carnis Pater diligatur  
& Mater.* Jam verò honor iste non in  
foliis tantum & floribus, cæremoniis  
dico externis, quæ parvo nobis stant,  
sed in fructibus operationum constitui  
debet, id quod DEUS ore suo nobis  
3. commendat: *In opere & sermone; &  
omni patientiâ honora Patrem tuum.*  
Examinemus igitur nonnihil filios ad  
normam istam, quam DEUS nobis  
offert ad illos dijudicandos.

IV. Inprimis vult DEUS, ut Paren-  
tes omni genere patientiæ honoren-  
tur, *in omni patientiâ*, ut illi nostram il-  
lorum senectutem, supportando sup-  
portarunt pueritiam. Primum veri  
Amoris signum, juxta Apostolum, est  
Patientia, quæ, qui amat, sui suorum-  
que commodorum quasi obliviscitur,  
& totum se impendit Amato.  
*Charitas patiens est.* Et hanc perfe-  
ctionem habet amor, quo Parentes in  
suam sobolem feruntur: id quod in  
ipsis etiam bestiis videmus, quæ ma-  
ciem contrahunt in prole suâ educan-  
dâ, & inter millena pericula eam de-  
fendunt etiam cum propriæ, si necesse  
sit, vitæ jacturâ. Sicaquila, cum pul-  
los suos ab uno loco in alterum trans-  
fert, non eas unguibus arripit, sed ter-  
x-go insidentes asporat; neque enim  
à sublimi quidquam timet, sed ab infe-  
rioribus; & ideo cum à terrâ telum  
emittitur, prius illo se, quam pullos  
feriri desiderat.

V. Amor autem Filiorum in Pa-  
rentes quàm raro ad eam perfectionem  
pertingit! Cum enim aut Pater aut Ma-  
ter tantillum consenscit, jam illos Filii  
aspiciunt, ut onus intolerabile; quo ali-  
ter levare se posse non credunt, nisi alii  
desideriorum ipsorum velocius in vecta  
Mors quamprimum illos ex hac vitâ  
sustulerit. Despiciuntur in animo ut  
repuerascentes; à domûs gubernatione  
removeantur tanquam imperiti: & ne-  
scio quam illis gratiam se præstare Fili-  
us arbitratur; cum eos, à quibus vitam  
accepit, his identidem verbis affatur:  
Hoc vos agite, ut vivatis: regi autem  
vos finite ab aliis. Verum non iste  
modus est, quo debito nostro satisfac-  
ciamus: *Fili suscipe senectam Patris tui,*  
*& non contristes eum in vita illius,* ait  
Dominus. Fili, exhibe te sicut bacu-  
lum, ut tegas atque sustentas Patrem tu-  
um cadentem, & cave, ne unquam, dum  
vivit super terram, illum tristitiâ affi-  
cias. Si ætas senilis judicium illi non-  
Eccli. nihil habetârit, compatere. *Si defecerit* 13. 5.  
*sensu, veniam da.* Et utut viribus ani-  
mi & corporis valere te sentias, cave ne  
spernas illum, ne in animo quideme  
& ne spernas illum in virtute tua: qua-  
les enim, & quantas ineptias in infantiâ  
nostrâ illi pertulerunt! quantam plan-  
ctuum puerilium importunitatem!  
quos clamores, & ejulatus in nobis  
educandis! quàm difficiles & morosos  
experti sunt in rebus non nisi ad no-  
stram utilitatem præceptis? An non  
igitur conveniens est, ut & nos parum  
aliquid toleremus, si aut morbi mise-  
riis fastidiosi evadant, aut ætate decre-  
piti redeant quandoque ad primam in-



*Eccli.*  
7. 30.

infantiam ac balbutiem? *Retribue illis, quomodo & illi tibi*, pergit Dominus, magistrum ex integro professus utilissimæ hujus doctrinæ & summæ necessariz. *Memento quoniam nisi per illos natus non fuisses.* Si Mare non fuisset, modò flumen etiam alveo tam lato ac pleno currere non videretur. Quod si igitur undas suas tribuarias ad originem, unde ipsum profluxit, denique non referret, nimis quàm ingratum argui posset ac deberet.

VI. Et hoc longè magis ac studiosius observari debet, erga Matres inopes, quæ, quò plùs amant, tanto quandoque minùs à Filiis suis redamantur; & quò plus patiuntur, tantò ab iis minus ipsi sustinent ac tolerant. Filius antequam pariat, onus est matri suæ; cùm paritur, est dolori; & cùm genitus est, labori ac defatigationi, plus, quàm ipsi Patri. Propterea jugum matrimoniale, quod institutum est ad bonum commune prolis, potiùs Matrimonium, quàm Patrimonium appellatur; cùm longè plùs oneris in humeros Matris, quàm Patris devolvatur. Nihilominus Filii animo multò magis ingrato majus debitum compensant, & quandoque majori longè patientiâ velutulam Servam patiuntur, quàm annis gravem Matrem: ita quidem, ut omnino opus fuerit eos à DEO commonefieri, ne unquam labores ac dolores Matris ex oculis dimitterent. *Gemitus Matris tua ne obliviscaris:* tam parvam quandoque curam ingrati Matrum suarum habent, ut videri possint sine cujusquam alterius ope in hunc Mun-

*Eccli.*  
7. 29.

dum intrasse, admodum florum in agro aut prato nulla cujusdam operæ existentium.

VII. Qui ipse honor etiam verbis commonstrari debet: *honora Patrem tuum in omni patientiâ, & sermone.* Quis ferat, si Filium sexcentis imprecationibus in eos debacchari audiat, à quibus est genitus? & tamen nullo non die has audiunt Parentes, qui, cùm veritatem Filiis suis denuntiant, fateri coguntur, à nulla se lingua acerbiora dictèria excepisse, quàm Filiorum suorum, plus longè amatorum, quàm redamantium, invectivas, injurias minas, quas ne servus quidem ab Hero suo patienter ferat, & vultis DEUM hæc audientem non sentire? in urbe Flexienti Regni Galliæ non multo ab hinc tempore Juvenis quidam studiorum causâ domum paternam reliquit: non diu absuit, cùm, ut fieri assolet, datis ad Patrem Matremque litteris, pecunias expoposcit. Quia tamen, non tantum, quantum volebat, impetravit, ita irâ excanduit, ut sumpto in manus calamo litteras indignationibus plenas ad eos exaret. Vix litteræ ad parentum manus sunt delatæ, cùm subito ille obscuruit, ita quidem, ut ne explosa quidem majoris Machinæ bellicæ tonitru perlenficeret. Quidquid Medici agerent, incassum ibant omnia. Desperatis ergo omnibus secum animo decrevit Lauretum proficisci, in eâ sanctissimâ Æde, quòd alio omni in loco opem desperaret, remedium exquisiturus. Et ecce? Lauretum in iplo Assumptæ

Virg.

Virginis privilegio apulsus, dum suaviter dormit, vidit Matronam cœlesti planè vultu radiantem, & majestate humanam omnem excedente, nec aliis tunc comitibus stipatam, quàm Patre ac Matre suâ. Ubi Trias isthæc cubile ejus ingressa est, Virgo DEI Mater ad Parentes conversa; vesterne est filius iste? agebat, & cum ambobus annuerent, reposuit Virgo: Placétne audiendi facultatem à me illi restitui? cum uterque parens: ita, Domina, rogamus demississimè. Mox Diva lecto vicina litteras sinu prompsit, easdem omnino, quas Juvenis furis actus ad Parentes scripserat: dixitque: Lege. Paulò post ceu placata penitus vultum cœlesti prorsus suavitate serenavit, digitum uni primum, dein & alteri auri immisit, & utroque ad audiendum postliminio aperto disparuit. Eo ipso temporis momento expectatus est Juvenis, non capiente lætitiâ pectore, & sanum se advertens, denuo humillimis precibus veniam rogavit, ac postmodum interposita jurisjurandi religione in sanctâ illâ DEI Parentis Æde contestatus est, tam apparitionem sibi factam, quàm collatam sanitatem, & totus à se mutatus abiit. In hoc miro planè eventu observare vos velim, quomodo in cœlo accipiantur protervæ illæ formulæ ac voces, quibus adversus Parentes nostros subinde utimur; quòd nimirum haud quaquam pro levi tantum indignationis, uti vos nonnunquam arbitramini, motu habeantur, sed, uti sunt, pro enormibus reputentur erratis; cum non tantum Divina Justitia sed ipsa Divi-

næ Virginis misericordia, cujus Spiritus omni melle dulcior est (*Spiritus meus super mel dulcis*) memori mente retineat, donec ipsi Parentes pro iis veniam exposcant.

VIII. Denique non sufficit, honorem istum parentibus debitum animo fovere, eos tolerando, aut lingua modestis ac mansuetis illis verbis alloquendo, sed insuper etiam operibus eum contestari oportet: *In opere & sermone, & omni patientiâ honora patrem tuum.* Sunt nonnulli, qui sibi Religioni non ducunt, Matrimonio se illigare inconsultis Parentibus; viæ se committere & magnis itineribus, contractus quosdam agitare, amicitias contrahere & stabilire, aliæque maximi ponderis, & in omnem vitam redundatura negotia pertractare. Quid deinde mirum, si infaustos etiam exitus postmodum fortiantur? Filius ille prodigus, qui genio suo indulgens procul à Patre abiit, quàm graviter petulantiam suam luit? Et Esau solum suum sensum secutus in uxore eligendâ infelicissimi pater factus est populi, Idumæorum scilicet à DEO maledictorum. Consultissimum semper fuit, in omni majoris ponderis actione Majores suos consulere, & rationes saltem audire, eaque expendere, & multum diuque deliberare, antequam eorum voluntati adversans consilium capiatur. *Audi fli disciplinam Patri tui, & ne dimittas legem Matris tuae, ut addatur gratia capiti tuo.* Gratia hæc, quæ addetur capiti vestro, ceu cassis aurea, Divinæ erit protectio Providentiæ, quæ coeptis vestris, favore suo aderit, quoties

*Eccli. 6*

*Abd. in Jerem. 49. 4.*

*Prov. 1.*



institutionibus & imperiis Genitorum vestrorum contraria non erunt. Hanc gratiam ut obtineret Thomas Morus, magnus Angliæ Cancellarius, Doctrinâ & dignitate celebris, longè autem illustrissimus Fidei, quàm sanguine suo confirmavit, constantiâ; non erubescibat etiam tunc, cum secundus à Rege esset, coram Patre suo in genua procumbere, ac eoque ut bene sibi precaretur, efflagitare. Et nunc temporibus nostris illi Juvenes, qui heri è pueris excesserunt, in omnibus sui esse duces volunt ac Magistri, nec Patris ac Matris unquam audire suffragium, non dico, tanquam decretum, & sententiam ultimam, sed ne quidem ut consilium, & hoc in negotiis suis quibuscunque gravissimis. O errorem crassissimum! *Judicium Patris audite filii, & sic facite, ut salvi sitis.* Videtis, quantum opus sit conatu, ut commoda vestra certò assequamini? non alio certè, quàm ut in illis pertractandis obsequium hoc deferatis iis, qui tanto vobis majores sunt; & ab his, quòd magis expediens est, audire. Et vos hoc facere detrectetis? *In opere & sermone & omni patientiâ honora Patrem tuum.*

IX. Altera obligatio, quâ Parentibus obstringimur, ex eo oritur, quòd nos, cum ipsi per ætatem non possemus alimenta inquirere, nutrièrunt & sustentârunt. Unde postmodum nobis incumbit, ut, cum ipsi laboribus & operi pares ultra non fuerint, eorum curam geramus. Hæc obligatio tam est manifesta, ut etiam bruta sylvis abdita eam pernoscant. SS. Ambrosius

& Basilius concordēs testantur, Ciconias vetulas non tantum à prole suâ ali, sed & pennis foveri, cum ob decrepitæ ætatis frigus se ipsas commovere non possunt; quin & supposito tergo cum vehiculo assumptas huc illuc asportari. Ipsis etiam Leonibus hic humanitatis sensus inest, ita, ut cum parentes devexâ ætate ad venandum exire non valent, eorum filii cum illis prædas suas partiantur. Sequitur ergo ipsi leonibus magis feros, & bestiis magis insensatos esse illos filios Christianos, qui Parentes suos summâ cum immanitate abjiciunt, cum viribus per ætatem destituti; non perinde ac prius lucrari possunt, unde vivant. Vix amore puellæ cujuspiam abripiuntur, illico Parentum amorem ingratißimi deponunt; & quemadmodum contingit nonnunquam, ut cum Exteri magnò numero in provinciam exscenderent, ipsos paulò post incolas locò extruderent, ita affectus ille, quo infelices hi in extraneos feruntur, ipsos paulatim domesticos corde excludit; quo fit, ut quò longius progrediuntur, eò minus erga illos afficiantur, à quibus omne suum bonum & ipsum esse acceperunt, haud aliter ferè ac Luna, quæ, quo crescit amplius, hoc à Solè, lucis fonte, recedit longius. Quòd si conjugio re ipsâ illigentur, actum est: tunc enim totum animum avertunt, videnturque sibi satis causæ habere, ut dicant. *Oportet uxoris ac filiorum curam habere: Non possum tam multis unus providere.* Verum parcius ista; neque enim ista vestra distributio justa ac æquâ est. Primo loco uxorem poni;

Eccli. 3.

2.

Hexam.

l. 5. c. 16.

Hexam.

hom. 8.

Cassiod.

l. 2. ep.

ponitis, secundo filios, tertio Parentes, non ita: *Primo loco*, ait S. Ambrosius, *diligendus est DEUS, secundo Parentes, inde Filii, postea Domestici.*

X. Plato, qui inter Philosophos ab omni posteritate Divini Nomen obtinuit, in suis libris de Legibus sanxit, ut, si quis antè filiis suis, quàm pauperi Patri succurreret, in judicio reus ageretur, & ad aliorum terrorem severè castigaretur. Inter Theologos S. Thomas, Magistrorum Magister, judicat, quòd inter omnia sanguinis vincula primum sit, quo Parentibus obstringimur; & idèd præ omnibus etiam aliis subvenire iis obligemur, postpositis ipsis etiam Filiis, erga quos quidem Amor magis tenet, qui non ita assurgit, haberi potest; non verò ille, quem dicunt appetitativum, qui altiora spectat, & magis amat, quem pluris æstimat. Et quamvis Uxor, quæ una quædam res est cum Marito, videbatur in casu æqualis necessitatis ipsis Parentibus præferri posse, negat tamen S. Thomas id esse veritati consentaneum: quia, utut possit & debeat Maritus Uxorem suam Parentibus præferre quoad habitationem: *Relinquet homo Patrem & Matrem suam, & adhaerebit Uxori suæ?* Non tamen eam præferre etiam quoad sustentationem poterit, aliæque iis necessaria auxilia præstanda, cum Parentibus quasi se toto hypothecatus sit antè, quàm se suæ Conjugi obligaret: siquidem Creditores anteriores creditoribus posterioribus, & qui per naturam sunt, iis qui per contractum, postponi non possunt. Et demus Uxorem unam

cum Marito, rem esse, quid inde? an igitur in æquali necessitate eam Parentibus anteferre poterit, cum Maritus teneatur Parentes suos in æquali necessitate sibi ipsi præferre? & tamen expressissima hæc Doctorum doctrina est: *In alimento debent valde providere filii parentibus, & magis quidem; quàm sibi ipsi.* Ita quidem, ut cum famelico Patre non tantum unum residuum panis bolum partiri conveniat, sed totum largiri, ut vitam servemus illis, qui eam nobis dederunt. Hæc omnia lumine naturæ penetravit Philosophus, dum docuit, Filii esse, prius Patris, quàm sui curam habere.

XI. Forsa autem hujusmodi doctrinæ nunquam in praxin sunt deductæ, nec etiamnum, nisi ab uno alterò deducuntur? Chineses Orientis populi, si qui ullibi, bene morati, cum suorum Parentum gravi immitati præsentis astant, suis ipsi dentibus carnes ex brachiis suis avellunt, & in potum decoctas propinant, quasi contestaturi, non solum paratos se esse omnes divitias suas, quibus Parentes sustentent, prodigere, sed suamet ipsorum substantiâ eos conservare, & si factu esset possibile, animæ quoque patrem non minùs quàm corporis subministrare, ut vitam porro prorogent, ac ad sanitatem malè habentes reducant. Erubesco hisce cum exemplis filialis amoris erga Parentes impudentissimam Christianorum Filiorum ingratitudinem conferre; factum tamen, quod S. Bonaventura & insignes alii auctores referunt, omittere non

*Abul. in Matth. 19. q. 154.*

*9 Eth. 2. apud Abul. l. c.*

*Barthol. histor. Chin.*

*Bonav. serm. 8.*

pos-



de 2. possum. In partibus Normandiæ mi-  
 precept. les quidam locupletis parentis filius,  
 Cantipr. quamvis ignobilis, ducturus conju-  
 6. 2. gem conditione suâ majorem ad Pa-  
 Ap. c. 7. trem accessit, eumque rogavit: vellet  
 filio bonis suis omnibus sponte cede-  
 re, velle se vicissim quoad viveret, ita  
 cum illo agere, ac si rerum dominum  
 ex toto penes Patrem esset. Restitit  
 initio senex; passus tandem est se pre-  
 cibus expugnari & vinci promissis, ac  
 contra, quàm suadeat Spiritus Sanctus:  
 Eccli. *Filio non des potestatem super te in vitâ*  
 36. 20. *tua, nec possessionem tuam, ne forte pœ-  
 nitent te, & deprecetis pro illis: annuit  
 petitis; quo factum, ut contractus  
 matrimonii illico concluderetur, &  
 nuptiæ celebrarentur. Nec malè prin-  
 cipio se res habebant: paulatim tamen  
 crescente in Uxorem affectu, in Pa-  
 trem decrescente, eò impietatis pro-  
 gressus est pessimus Filius, ut senem  
 Patrem domo suâ ejectum paupere tu-  
 gurio concluderet. Frustra Pater con-  
 ditiones & pacta cessionis suæ obten-  
 dit, frustra lacrymis, lamentis & que-  
 relis gravem injuriam sibi illatam iden-  
 tidem prolecutus est; filius enim te-  
 calcitrantis instar muli magis ama-  
 bat præsepe repletum, quàm Domi-  
 num, qui replevit. Imò etiam ab Uxo-  
 re concitatus non solum, quæ Patri  
 congruebant, non suppeditabat, sed  
 ne quidem necessaria subministrabat;  
 adeò ut DEUS tantam non ferens in-  
 humanitatem ejus esse ultor vellet.  
 Contingit, ut ambo hi conjuges quo-  
 dam mane bene pinguem gallinam  
 prandio pararent. Miser senex eo ipso  
 tempore, quo gallina mensæ infereba-*

tur, domus limen attigit. Non potuit  
 autem tam celeri scalam pede supera-  
 re, quin filius tempus nancisceretur,  
 quo gallinam occultaret. Ceterum in  
 occursum progressus, quid me vis, aje-  
 bat, hoc tempore, an panem non ha-  
 bes? cumque panis frustum obtru-  
 sisset, fores testinus occlusit, ipse cum  
 Uxore suâ splendidiore quadrâ fruitu-  
 rus. At quàm se fefellit! cum enim  
 penum recluderent, gallinam denuo  
 mensæ illaturi, non jam gallinam, sed  
 eâdem magnitudine hortificum bufo-  
 nem repperunt, qui è catino in faciem  
 gestantis prosiliens ita carnem ejus  
 corripuit, ut velut polypus scopulo  
 adhæreret, neque longo annorum  
 spacio ullâ vi avelli posset. In hunc  
 modum signatus malè moratus iste fi-  
 lius perrexit ad quærendum Episco-  
 pum, cui delictum suum confiteretur.  
 Pœnitentiam hanc tulit, ut omnes Nor-  
 mandiæ civitates obiens rem narraret,  
 seque ad terrorem omnium impiorum  
 in Parentes filiorum exemplum propo-  
 neret. Denique post multos plan-  
 ctus, & lamenta plurima valuerunt pre-  
 ces, quæ pro infelice offerebantur, &  
 ipse etiam persolvebat, ut feralis iste bu-  
 fo ac foetentissimus, qui omnibus aspe-  
 ctantibus horrorem incutiebat, subito  
 dispareret, & liberum quidem, sed salu-  
 tati timore probè imbutum relinque-  
 ret.

XII. Quin etiam, quod mirabile  
 est, Divina Justitia non solum vult,  
 ut Patris egestate laborantis, ut senio  
 deficientis necessitati consulatur præ  
 Uxore, aut alio quocunque, sed etiam  
 vult, ut hæc ipsa Patris sustentatio  
 illis

illis etiam promissis, quæ DEO facta sunt, anteferantur. Hinc, si filius quispiam ex una parte votum Religionis etiam strictissimæ emiserit, ex alterâ verò Pater Matêrve victum sibi procurare non valeant, adeoque ex unâ parte DEI honor ex solutione voti promovendus, alterâ Patris sustentatio procuranda quasi de loco contendant, DEUS suo jure cedit, ac filio permittit, ut domi paternæ subsistat, Patri Matrîve de alimentis provisorus. Nec concedit tantum, sed etiam præcipit: unde si quis debitum voto erga DEUM contractum, debito erga Patrem ex generatione proveniente vellet antepone, rem DEO gratam non faceret; in cujus rei confirmationem videmus, quòd Sancta DEI Ecclesia, ejusdem DEI nomine eò processit, ut illos Superiores à consortio fidelium segregârit, qui eos in ordinem reciperent, ac sacris vestibus induerent, quos lex naturalis, pietas & gratitudo parentibus suis devinctos facit; hi enim tres tituli sunt, quibus omnes prohibentur à suis discedere, nisi de convenienti sustentatione eis providerint. *Jure Sanguinis, Pietatis, & Gratitude.* Quapropter si tantâ se culpâ involvunt, qui parentes in necessitate constitutos deferunt, animo DEO in Religione quadam sacra serviendi, cujus culpæ rei agentur illi, qui insano quodam impetu abstracti domo abeunt, haud aliter ac hirundines, prius, quàm dignentur bonam impetrare veniam ab iis, qui à tenera illis ætate eadem domo receperunt, & tanto cum amore fovērunt?

R. P. Segneri Christi. Instr. Tom. I.

XIII. Et quid, si filii non tantum necessitatibus Parentum, dum vivunt, non prospicerent, sed etiam ubi mortem obiêre? faciunt tamen & hoc. Avaritia hõsce ingratißimos mortales ita reddit efferatos, ut nullum inhumanitatis genus refugiant: antequam moriantur senes eorum Parentes, malè illos tractant: cum moriuntur, eos impediunt, ne Testamentum condant; cum mortui sunt, ultimas eorùm voluntates non exequentur, nec legata extradunt, quasi cum cineribus etiam defunctorum adhuc litem suscipere cogitent. Enimverò quàm pauci illi sunt, qui Parenti defuncto hæc possint verba dicere, quæ DEO Propheta? *Nec oblitus sumus te, & iniquè non egimus in Testamento tuo.* Non oblitus sum tui, O Pater, nec injustus fui, aut infidelis in Testamento tuo omni cum accuratione executioni mandando. Centum effugia excogitantur, quibus ab impositis Testamento obligationibus exeatur; & cum aliud nihil occurrit, dicitur; observari illud non posse; aut saltem induciis bonæ animæ pœnossimis ita protrahitur, ut diutissimè in immani illo igne debitum refrigerium & redemptionem suam expectare cogatur. Interea Ecclesia hæc delicta afflictarum animarum locò quasi sentit, & vult, ut crudelis isthæc negligentia sit inter graviora delicta, ac inter magis reservata habeatur; id quod in SS. Canonibus præcipit, quibus ab Ecclesiâ arcentur, & Fidelium Albo desentur, qui moras tam perniciosas necunt absque causâ justâ. Cum suâ Ecclesiâ etiam

F f

DEUS



*v. Graff.* DEUS eam rem fert egerrimè, qui ob  
*de casib.* eandem causam familias ac domos e-  
*s. 2. c. 26.* vertit, quibus bona, quæ illo loco sine  
 ratione & jure asservantur, concludun-  
 tur, adeò, ut idem sit, pecunias pio lega-  
 to aliorum destinatas à filiis retineri,  
 quod pellem lupi in cumulo lanæ, quæ  
 paulatim, ut ut innocens sit, non potest  
 non pessum ire: & tamen immanes hi  
 filii, nec pietati, nec gratitudini, nec  
 justitiæ, nec Ecclesiæ, nec irato denique  
 DEO cedunt, & quasi extra se rati à suâ  
 inhumanitate, nec certissimè & ante o-  
 culos positæ divitiarum jacturæ cedunt,  
 nec incertis malis, quorum culpam au-  
 daçter conjiciunt in sexcentas causas  
 falsas, ne veram fateri cogantur.

XIV. Sed redeamus in viam, &  
 campum, ut ut spatiosum, relinquamus  
 aliis, divertere volentibus. Tertio lo-  
 co Filii præter honorem & auxilium  
 etiam Obedientiam parentibus de-  
 bent, scilicet, quâ respondeat tertio  
 bonorum generi, quod à Parentibus  
 acceperunt; nimirum educationi, quâ  
 post vitam semel communicatam, vi-  
 tam alteram, bonorum scilicet mo-  
 rum, nobis conferunt. Hæc obedi-  
 entia in pluribus Sacræ Scripturæ locis  
 commendatur. Verùm quo frequen-  
 tior in Scripturis ejusdem sit mentio,  
 tantò videtur esse magis necessarium,  
 ut à Verbi DEI Præconibus è cathedrâ  
 proponatur. Filii quidem non sunt  
 omnino servi Parentum suorum, sub-  
 diti tamen sunt; ita ut Dominium pa-  
 ternum Principatui comparari possit.  
 Nihilominus perinde ac si Filii cum  
 annis magis ac magis fierent liberi,

semper magis magisque jugum illud  
 excutiunt, quod eis natura imposuit;  
 adeò quidem, ut quandoque speciem  
 præbeant, velle illos ac cupere, à Paren-  
 tibus sibi obedientiam præstari. Et,  
 quod pejus est, cum in confessione gra-  
 vissimæ hujus noxæ sese reos agunt, ita  
 perfunctorie, & rem quasi levissimam,  
 illud proponunt, ut in fine tandem om-  
 nium eorum, quæ dixerunt, hoc tan-  
 tum adjungant. *Fui aliquantum inobe-*  
*diens domi.* Exploremus nonnihil,  
 quem inobedienciæ modum teneatis.  
 Etenim si res, quæ præcipitur, gravis  
 est, si multum facit ad totius familiæ  
 bonam gubernationem, si bonis mori-  
 bus, bonæ famæ, salutis animæ profi-  
 cuum quid, quin & necessarium est,  
 facile hæc inobedientia ad gravitatem  
 peccati mortalis poterit pertingere.  
 Explico me, est, qui filio suo præci-  
 piat, ut ne se associet huic illive in-  
 fami Lucroni; ut noctu domi se con-  
 tineat; ut armâ non gestet; ut ad lu-  
 dendum non accedat; ab aleatorum ta-  
 bernis abstineat, hæc illave conventi-  
 cula, & bibonum cœtus vitet: filius  
 contra fricat frontem, & suo vult in-  
 dulgere genio, & quandoque etiam  
 proterva verba regeit, dicendo: *Vos*  
*ipso respicite; ago, quod mihi placet. Ex-*  
*p: obrate tantum ac cavillamini, quò ma-*  
*gis ac plura mihi exprobraveritis, hoc a-*  
*gam plura ac pejora.* Quis jam credat  
 quòd hæc respondendi ratio, conjuncta  
 cum injuriosa hac in obedientiâ, in ma-  
 teriâ omninò justâ, non sit peccatum sa-  
 tis grave, præterquâ quòd pluribus ad-  
 huc aliis peccatis adjungatur, quæ in hu-  
 jus-

*Abul.*  
*in Deut.*  
*fol. 113.*

jusmodi occasionibus committuntur? quis neget, hoc modo tam confuso se accusare esse confessionem haud quam satis accuratam? quis non fateatur, eos, qui propositum isthanc suam proterviam mutandi non habent ac emendandi in posterum manifestè incapaces esse absolutionis? & tamen nullo non die talia eveniunt. Si quis Confessarius Audaculorum istorum quempiam reprehendere aggreditur, ipsi contrà non modò salutari pudore non suffunduntur, sed omnem mox culpam in Patrem Matremve conjiciunt: *Sunt intolerabile, ajunt, nunquam cessant, aut à reprehendendo quietem capiunt; impossibile est, his satisfacere.* Scio, quòd etiam Parentes suo non nunquam desint officio, scio, teneri illos benevolentia uti in filios jam adultos, utpote quos oportet auctoritate magis ad venerationem, quàm imperio ad obsequium compellere. Nilominus, si Parens hac in parte deficit, & importunè, quod vult, exigit; cum ira & fervore nimio in filium agit, an ideo parum piè non se gerit filius, si obedientiam non præstet illi; multòque magis, si verbis paternam auctoritatem sugillantibus Patri corrigenti respondeat? *Etiam in bonâ causa humilis esse debet filius apud Parentes oratio;* ait Sanctus ille Præsul Salvianus. Quantam & qualemcunque rationem ac causam habueritis, filii tamen estis, velitis nolitis: unde nunquam licet frivolo hujusmodi prætextu à Parentum imperiis recedere. Irascatur Parens, quantum libet, clamer, cavilleur, in bestiam, ut ita dicam,

immigret, nec dum tamen sufficit: uti enim ille per hoc non definit esse Parens; ita etiam non definit esse dignus, qui à filiis suis honoretur: & cui per omnia obediatur plus quàm cuivis Principi irà exardescenti, *Filio semper honesta & sancta Patris persona videri debet,* ait lex. Primi effectus legis, quæ Gentium dicitur, sunt, honorare DEUM, & Parentibus ac Patriæ subjici. *Effectus juris gentium primavi sunt erga DEUM Religio, & ut Parentibus & Patria pareamus.* Parentes siquidem & Patria conveniunt quasi sub una eademque ratione cum DEO, scilicet, ut suprà dictum est, *sub ratione principii.* Et hæc tam in naturâ manifestè fundata obligatio excusatione tam frivola pessumdetur: dicere sufficiat, Parentes ineptos esse ad porro imperandum?

XV. Ego si in infrequentibus hæce domesticis jurgiis ac litibus mentem meam explicare deberem, dicerem, peccare quidem Parentes in modo, quo magis benevolo ac amabili uti deberent; hanc tamen eorum aberrationem nec unicam, nec primariam esse causam illius inobedientiæ, quam à filiis sustinent; originem illa longè altiore, magisque remotam habet. Causa principalis inde sumitur, quòd Filii, dum adhuc sunt parvuli, non bene educuntur, non castigantur initio, cum audaciùs respondent; non infringantur cornua, cum illa primum erigunt; unde assueti paulatim, ac à teneri Parentum admonitiones negligere, idque per indulgentiam eorum, qui eos gubernant, putant



postea adultiores, se esse in possessione, Parentes etiam autoritate vincendi. Verum est, obstitit Pater, reclamation Mater, ubi Filius adolevit: sed intempestivè. Secunda digestio ac concoctio non emendat vitia primæ; & flumen, quando erat rivulus, in omnem poterat partem derivari: ubi increvit, viam, quam iptum sibi invenit, toto impetu pergit proficere. In culpis tamen primas tenent continuæ illæ imprecationes ac execrationes, quæ in filios toto educationis tempore à Parentibus conjiciuntur, perinde ac si linguas suas manuum loco usurparent, damno tam in eos, qui usurpant, quam in illos, in quos usurpatur, usquequaque maximo redundante. *Non miror, aiebat Seneca, si omnia à primâ pueritiâ non mala sequuntur: inter execrationes Parentum crescimus.* Quod si homo Ethnicus agnovit, quid nos oportet dicere, qui, utpote Christiani, ignorare non possumus, imprecationes istas non ferire aures DEI cuiuspiam marmorei, aut ærei, quas tunc feriebant; sed Vivi & Veri, qui non omittit è cælo etiam pulam facere, eas ad cælum usque pertingere. Et hi sunt fontes certissimi, ex quibus isthoc nostro tempore insolentium filiorum contumacia promanat. Non antè miferi incipiunt crescere, quam incipiunt diris devoveri modò à Parte, modò à Matre, modò ab utroque simul: & sic ad majorem ætatem provecti incipiunt excrescere execrationum harum effecta. per quæ, ceu fulmina tactæ illorum animæ & mille malis oppressæ in ipsos postmodum Parentes insur-

gunt, in eosque fumum ignemque insolentis proterviæ, inobedientiæ, & irreverentiæ effundunt. Quomodo-  
cunque accidat, volo id Parentibus esse persuasum, quòd, si à protervis suis liberis mandatorum transgressione contemptui habentur, primùm sibi id imputent, & postmodum liberis, tuamque culpam primùm doleant, & postmodum filiorum. Filii autem (ut ad ipsos redeamus) sciant, quòd Parentes, quantumcunque in modo imperandi excedant, si tamen iusta præcipiant, audiri debeant, scilicet, qui in terris DEI Vicarios agunt: *Filii, obedite Parentibus per omnia: hoc enim placitum est in Domino.* Sic Pater nimium imperiosus est, non ideo tamen Pater non est? aut quidquam de suo jure amittit, ne ullà in parte filius in eum dominium acquirat. *Natus ex Patre furioso, in ejus potestate, & ei acquiescit, ait lex, & qui se videt tractari non ut filium, non ideo confestim omittere poterit tractare Parentes, ut Parentes. Etiam exheredatus Patrem ac Matrem lugere debet.* Uno verbo: si Parentes tam magni creditores sunt respectu filiorum, ut hactenus intelleximus, nullum est effugium. Nullus debitor creditori suo potest dicere: ego posthac tibi obligatum me non agnosco. *Debitori nunquam licet abdicare creditorum.* Quæ ratio est, ob quam dixit Philosophus, quòd filio nunquam liceat Patrem, utut perversum, à se repellere, licet Patri conveniat jus ejiciendi filium scelestum.

Seneca.  
ep. 60.

## II.

m. XVI. Audistis debitum vestrum filii,  
 7. quo Parentibus obligamini. S. Paulus in  
 1. compendium redidit: & *mutuam vicem  
 reddere Parentibus*, correspondendo  
 scilicet; vitamque ab illis acceptam  
 obsequiis compensando, reddendo pro  
 alimentis sustentationem, pro instru-  
 ctione obedientiam. Ubi sunt? pro-  
 deant modò perduelles illi filii, qui de-  
 bitum hoc aut non agnoscunt, aut non  
 exolvunt: neque enim summo erit op-  
 probrio tantum ingrati notam incur-  
 re, sed maximo insuper damno; cum  
 hac in parte, contra quam in aliis debi-  
 tis fieri soleat, omnia in caput debi-  
 toris recidant. In aliis debitis dum non  
 exsolvantur, damnum accidit credito-  
 ri, qui spe suâ ac re defraudatur: in his  
 verò debitori, qui defraudat: unde  
 2. Apostolus dixit: *Honora Patrem tuum  
 & Matrem tuam, ut bene sit tibi*. Vide-  
 tur dicere debuisse: *ut bene sit illis*. Pa-  
 rentes enim honorem, sustentationem  
 ac obedientiam recipiunt, ceu debita  
 tria longè manifestissima. Verùm  
 non ita dixit: *ut bene sit tibi*, dixit: si-  
 quidem O quàm carò stat cuicumque  
 filio unum aliquod ex hisce debitis ne-  
 glexisse! majorem longè quàm pa-  
 rens, jacturam faciet. Volunt Do-  
 ctiores, quòd ex ipsâ pœnarum, quæ  
 in reos statuuntur, gravitate, judicium  
 sumatur de mente Principis; quo scili-  
 cet rigore ad observationem legis suæ  
 subditos velit obligare. Nos igitur non  
 solùm ex minis, quas in præcepti hujus  
 transgressores intorquet DEUS, sed eri-  
 am ex promissis, quæ filiis legem hanc

adimplentibus proponit, argumentari  
 longè magis poterimus, quàm gravi-  
 ter ejusdem executionem exigat atque  
 procuret. Honora Patrem, ait, & Ma-  
 trem, *ut bene sit tibi*. Non exprimit bo-  
 norum quandam speciem, quæ legis  
 observatoribus dare paratus est, nec  
 speciem malorum, quæ transgresso-  
 ribus intentat; scilicet, ut obsequentes  
 nullum non bonorum genus sperent,  
 transgressores autem nullum non ma-  
 lum expectent. *Ut bene sit tibi*. Bene  
 in animâ, bene in corpore, bene in te,  
 bene in illis, qui nascentur ex te (ita ut  
 DEUS meritum subjectionis, quàm Pa-  
 rentibus tuis exhibuisti, cum omni do-  
 minio in Filios tuos sit redditurus) be-  
 ne in hoc Mundo, bene in altero, bene  
 in terrâ, bene in cœlo, bene ubique:  
*Pietas ad omnia utilis est, promissionem* <sup>1. Tim.</sup>  
*habens vitæ, quæ nunc est, & futuræ.* <sup>48.</sup> Con-  
 tra verò, si non honoraveris illos, qui te  
 genuerunt, boni nihil expecta, nihil hîc,  
 nihil illic, nihil in corpore, nihil in ani-  
 mâ, nihil in te, nihil in tuis, in quibus, &  
 forsân de quibus DEUS disponet, ut  
 nævi tui & delicta castigentur, per-  
 missurus, ut eâdem prorsus ratione filii  
 tui te affligant, quâ parentes ipse tuos  
 afflixisti. Pessimus quidam filius, &  
 hoc nomine indignus diabolicis furiis  
 actus senem Patrem suum per scalas tra-  
 hebat, cùmque domûs januam jam at-  
 tigisset, exclamavit Senex: non ultrâ  
 fili! recordor enim me usque huc, &  
 non ultrâ Patrem meum raptâsse.

XVII. *Ut bene sit tibi*. Ecclesia-<sup>Arist. 1.</sup>  
 sticus in summam magis distinctam <sup>5. Eth.</sup>  
 & claram redigere voluit amplissimæ



Eccli.

3. 7.

Eccli.

3. 6.

Eccli.

3. 11.

Eccli.

33.

Eccli.

3. 10.

3. Thom.

Opusc 7.

Prov.

30. 10.


promissionis hujus bona & mala, neque mihi jam aliud occurrit, quàm unam alteramve synopsis ante oculos vestros statuere, vobisque postmodum optionem relinquere. Pro filiis quidem morigeris sex Divini favores habentur: primus est longæ vitæ: *Qui honorat Patrem, vitâ vivet longiore.* Secundus est, solatii in hæredibus: *qui honorat Patrem suum, jucundabitur in filiis suis.* Tertius est; stabilitatis bonorum: *Benedictio Patris firmat domos filiorum.* Quartus est existimationis & exaltationis: *Gloria hominis ex honore Patris sui.* Quintus est, remissio peccatorum commissorum: *suscipe seneſcentiam Patris tui, & sicut in sereno glacies, solventur peccata tua.* Sextus est, felicitatis sempiternæ post mortem; *Honora Patrem tuum, ut superveniat tibi benedictio ab eo, & benedictio illius in novissimo maneat.* Hi sunt fructus & gratiæ apud Ecclesiasticum promissæ iis, qui debitum, quo Parentibus ob-

3. Thom. stringuntur, præstant. Sed ex alterâ parte 7. te maledictionis audite, quas DEUS ceu fulmina in immorigeros conjecit. Primum quidem vita immorigeri abbreviabitur, cum æquum sit, ut feudo non potiatur qui homagium præstare, recusat. *Qui maledicit Patri suo & matri, extinguetur lucerna ejus in mediis te-*

nebris. Secundo nominis quoque infamiam sibi consciscet. *Quàm mala Eccl. fama est, qui dereliquit Patrem!* Deinde 3. 1 de rerum suarum successum non habebit secundum, sed omnia sentiet ruere in pejus: *Maledictio Matris eradicat fundamenta domus filiorum.* Quarto 3. 1 nullum è filiis suis solatium, sed contra mille tædya ac molestias experietur: *ex iniquis somnis filii, qui nascuntur, testes sunt nequitia adversus Parentes in interrogatione sua.* Quinto non inveniet, ceu maledictus à DEO, suorum peccatorum veniam. *Est maledictus à DEO, qui exasperat Matrem.* Et denique in articulo mortis suæ omnes Dæmones habebit obvios, qui animam ejus rapiant, ceu corvi morticinum. *Oculum, qui subsannat Patrem, & qui despicit partum Matris suæ, effodiant eam Corvi de torrentibus.* Ecce! 30 habetis ordine benedictiones & maledictiones, quæ ceu comites hoc præceptum stipant à dextris & à sinistris ad majestatem ei conciliandam; vestrum modò est eligere, quod placet. Quis autem ita sui impos erit, ut, cum omne bonum habere possit, eligat omne malum? *Honora igitur, honora Patrem tuum & Matrem tuam, ut bene sit tibi.*

\* \* \*





# DISCURSUS XVII.

## De Eleemosyna.

**L** **G**EMINUM tributum mel-  
lis pendunt favi, un-  
um quidem, quod  
sponte ab alveari & ex  
abundantiâ destillat, al-  
terum verò necessitate reddunt, cum  
exprimuntur. Gemini subsidii, quod  
Christiana charitas egentibus submi-  
nistrat, hic mihi typus quidam est.  
Unum ex commiserationis affectu  
sponte elargitur indigentibus, alterum  
rigoroso præcepto compulsa suppe-  
ditat. Primas has Eleemosynæ spe-  
cies egenis debetis, Auditores; unam,  
quia DEUS eam exigit dato consilio,  
quo vos in egenos esse cupit libera-  
les; alteram, quam DEUS non con-  
silio tantum, sed præcepto exigit,  
ac mandato. Et quia utrumque hoc  
subsidium à vobis impetrare percu-  
pio, idcirco, ut utrumque perlua-  
deam, præcepti primùm obligantis  
vi ac pondere contendam, necessi-  
tatem vobis incumbere, quâ ad fa-  
ciendam eleemosynam obstringimini;  
deinde præmii propositione utilitates  
exponam, quæ in Eleemosynarios  
copiosè redundant. Principio quidem  
arbitramini, dicturum me hodie pro  
egenis & commodis illorum; multum  
autem fallimini; nam cum attentas  
mihi aures præbueritis, perspicietis de-  
mum, non tam in mendicorum sub-  
sidium, quam Divitum lucrum ac emo-

lumenta de Eleemosyna me disse-  
ruisse.

I.

II. Ex ignorantis maximè noxiis,  
quæ Christianam Rempubicam per-  
vadunt, non est minima, quâ creditur;  
Eleemosynâ opus esse consilii tantum,  
hoc est, supererogatorium, nec unquam  
præceptum & ad salutem necessarium.  
Ex quâ ignorantia fit, ut pauperculi ubi-  
que jaceant, & eorum plagæ sine bal-  
samo relinquuntur; cum Divites sibi  
culpæ non ducant, hac in parte fuisse  
crudeles. Scire igitur vos velim, Elee-  
mosynam tam Legis naturalis, quàm  
scriptæ mandato præcipi, præceptum-  
que hoc Legi Evangelicæ ex omni par-  
te consonum esse. Certum omnino est,  
omnes hæc tres Leges (quæ demum in  
unam coalescunt) unanimi consensu  
amorem proximi imperare; unde eti-  
am illa opera præcipiunt (quæ est illa-  
tio S. Thomæ) sine quibus verus qui-  
dam amor nequit subsistere, talis scilicet,  
cui non sufficit proximo bene velle,  
sed etiam facere. Unde S. Joannes ait:  
*Non diligamus verbo, neque lingua, sed*  
*opere & veritate*: non enim sterilis  
quædam arbor est charitas, quæ tota  
in apparentis tantum beneficentiæ fo-  
lia ac frondes effundatur. Fructuosa  
est ac fecunda, vitæ arbor est, quæ  
nullo anni tempore exarescit: &, ut  
talis semper eò inclinatur, ut quis omni-

S. Thomæ  
2. 2. 9.  
2. 4. 5.  
Joan. 3.  
18.



um aliorum necessitates pro suis habeat, iisque sublevandis se totum impendat.

III. Totum hoc per se notum erat humanæ menti; quia tamen tam pulchram ac insignem legem Amor proprius infuscârat, DEUS in montem Sinai se demisit, legemque hanc coloribus longè vivacioribus descripturus, suis illis tabulis tam præceptum charitatis, quàm, quod consequens est Eleemosynæ incidit: & idcirco populo suo edixit: *Præcipio tibi, ut aperias manum fratri tuo egeno & pauperi, qui tecum versatur in terrâ. Omnino indigens & mendicus non erit inter vos.*

IV. Denique quia Lex hæc etiam Scripta non adeò plenè vulgo intelligebatur, in propriâ personâ Divinissimus Legislator de cælo descendit, ac protestatus est, præceptum charitatis omnia alia præcepta sua transcendere, & suum propriè præceptum esse, scilicet super omnia alia magis conspicuum, & æstimatum: *Hoc est præceptum meum, ut diligatis invicem, sicut dilexi vos.* Divinitus quibusvis legem Eleemosynæ promulgavit: *Quod superest, date Eleemosynam.* Cujus legis prævaricatores in historiâ Epulonis gravissimis Inferni pœnis addixit, & hoc ipso, dum hanc pectoris duritiem castigavit, legem hanc confirmavit, & in parabolâ Avari illius, qui dum opes immensum cumulavit, opes & vitam perdidit: in novissimâ denique sententiâ, quam contra illos feret, qui pessima horum exempla imitari non verebuntur: *Esuri- vi enim, & non dedistis mihi mandu-*

*care; sitivi, & non dedistis mihi bibere: quapropter discedite à me, maledicti, in ignem æternum.*

V. Indubitatum igitur est, Lege tam naturali, quàm scriptâ, ac etiam Evangelicâ Divites obstringi ad auxilium pauperibus præstandum. Nec aliter fieri poterat, posito quod DEUS suam nobis Providentiam, eo quo decet modo, manifestare voluerit. Præcipuum agriculturæ artificium in eo maximè consistit, ut ager siccus humectetur, & p. humidus exsiccet. Simili, longè tamen diviniore artificio, Divina Providentia, suum moderatur imperium, dum præcipit, ut, qui bene habent, malè habentibus auxilio sint, ut illud Apostoli verificetur: *Qui multum non abundavit, & qui modicum, non minoravit.* Quærent nonnulli rudes, quam ob causam DEUS non disposuerit, ut omnes omnino homines æquâ quasi divisione locupletes sint? Quæstio hæc ferè eadem est cum hac, quare Organopæus non omnes ejusdem organi fistulas fecerit æquales, sed alias subtiles, alias densas, horridonas alias, alias dulcifonas, illam stridulam, sonoram illam; hanc, quæ copiosum aërem attrahat, illam, quæ modicum. Summâ in hoc arte usus est artifex, cum ex ipsâ hac inæqualitate harmonia concinnetur, quæ ex fistularum æqualitate nunquam obtineretur. Pari ratione decrevit DEUS, ut in terris alii opulenti essent, alii pauperes, utpote cum ex hinc harmonia verè mirabilis resulteret, quæ tum habetur; cum pauper diviti inservit, dives contra pauperem sustentat, & sic ille exercitio pati-

patientia, iste exercitio misericordiae, ceu unitis vocibus majorem DEO gloriam reddunt. *Dives & pauper obviaverunt sibi: utriusque operator est Dominus.* DEUS utramque fecit, & Paupertatem & Abundantiam, ut reciproco communicationis nexu omnium corda colligaret. Et hinc pauperum non est oblitus, utpote quos ita divitibus junxit, ut hi necessitatem quandam & illorum indigentiam habeant: imò hac ratione divites constituit, qui Pauperum Conservatores essent ac Curatores. Sicut enim familiae Caput, cum Majoratum erigit, non intendit filio natu majori omnia bona, quae pro se & solus habeat, sed potius, ut splendorem familiae conservet, fratribus autem natu minoribus de necessariis provideat. Sic DEUS, dum Divites ceu primogenitos tractat, non intendit, ut pro suo omnia arbitrio prodigant, sed ut coram hominibus ipsi quidem gradus ac dignitatis suae decorum teneant, fratrum tamen minorum, quorum nomine pauperes veniunt, non obliviscantur. Quod si quandoque executioni non mandatur, sine dubio culpa penes DEUM non est. An forsan in Xenodochii praefectum culpam conjiciens, si duos infirmos domo lectoque bene composito locat, alter autem horum stragula omnia inhumanè ad se pertrahat, & socium malè contra frigus munitum relinquit? potius in illius crudelitatem invehemur, qui suae tantum curiculae studiosus alterum negligit; partem suam sibi aequè ac alienam arrogat, & sic proximum

*R. P. Segneri Christ. Instr. Tom. I.*

exspoliatur, ac pènitens nudum relinquit.

VI. Quin, haec ipsa Eleemosyna Lex non solum DEI Providentiam commonstrat, sed Dominium etiam supremum. DEUS enim noster tam magnus est Dominus, ut etiam rerum nobis donatarum Dominium non amittat. *Meum est argentum, meum est aurum:* ait per Prophetam. *Meae sunt universi Mundi divitiae, & illi, qui opes possident, non ita earum sunt domini, quin à me dependeant, imò dispensatores sunt verius, ac oeconomi, qui mea in iis distribuendis iussa observare debeant.* Quapropter Eleemosyna elargitio, Divini quaedam Domini veneratio est: *Honora Dominum de Proverbia 3: tuam substantiam,* hac enim in pauperes erogata Dominium supremum agnoscitur; siquidem per manus pauperum tale ei tributum penditur, quale ipse imposuit.

VII. Unde consequens est, omnes illos divites avaros atque acerbos non unam tantum, sed plures simul injustitias committere, easque omninò gravissimas. Inprimis in DEI providentiam injurii sunt, quam pauperum querimoniis exponunt, ceu partium studiosam, quaeque egenis necessariam vitae sustentationem subtrahat; opulentis contra superabundantem concedat. Iniqui etiam sunt in supremum DEI Dominium, quod DEUS semper retinet, tanquam summus rerum omnium Monarcha, quando de bonis pro suo arbitrio & libidine disponunt, haud aliter, ac si Dominium absolutum, & nullà ex parte ligatum



habere. Ipsi denique etiam Pauperibus vim inferunt, qui, cum Lege naturali habeant ex rebus conditis alendi & sustentandi se jus, à Divitibus compelluntur merà inopiâ interire, utpote à quibus etiam, quæ superfluit reliquæ, denegantur; id quod Sacris Paginis ansum dedit dicendi, idem esse, Eleemosynam pauperi negare, ac illum spoliare; superflua non concedere, ac

*Eccl. 41. debito illum defraudare. Fili, Eleemosynam pauperis non defraudes. Et 6. Job. alibi. Nudos spoliasti vestibus. Vulg. 24. 9. gum pauperum spoliaverunt. Esurienti 7. subtraxisti panem.* Omissis aliis Scripturæ locis, quæ hic magno numero afferre possem, dicere sufficiat cum S.

Chrysostomo: *non solum rapere aliena, rerum etiam sua non impertiri ceteris, rapere est, & fraudatio, & spoliatio.* Et quamvis hac Veritate omnes perstringantur, multò tamen maxime Christiani, quibus Amabilis DEI Providentia, quâ omnes fovet, Dominiumque in omnes divitias & opes est præ aliis notum. Providentia quidem in homines, ut eò facilius casus sinistros, & rerum dispendia tolerarent, efficere deberet; Dominium verò in opes; ut intelligant, quòd si Evangelio suo voluntariam paupertatem suam sit, minimè egerit insipienter; imò id egit, tanto ante omnes certos reddendo de curâ providendi omnibus quocunque numero, qui verbis ejus excitati spontaneam hanc inopiam amplecterentur.

VIII. Quæ hæcenus dicta sunt, in dubium revocari non possunt, cum Eleemosynæ præceptum tam sit ma-

nifestum, ut, qui pertinaciter illud negaret, hæreticum se proderet. Solum restat, ut determinemus, tanquam rem difficultate non vacuum, quo tempore hoc præceptum obliget, & quando ad culpam gravem pertingatur? Quod ut determinemus, observare oportet cum S. Thomâ, quòd Eleemosynæ *s. 2. obligatio ab uno ex duobus his capitibus dependeat, scilicet aut ab abundantia divitis, aut à necessitate mendicantis.*

IX. Si ad abundantiam oculos convertamus, quæ ex parte divitis est, animadvertemus, duobus ei modis divitias abundantes esse posse; nimirum spectando vel illius naturam, vel conditionem. Spectando naturam illæ sunt superflue, sine quibus & suam & suorum vitam sustentare commodè potest. Spectando statum & conditionem, illæ redundant, sine quibus non vita tantum prorogari, sed gradus etiam honoris & dignitatis, quo illum DEUS posuit, potest sustineri. Explico me. Vir Illustris absque certo servorum numero vivere quidem potest, sed vivere non potest, sicut ista vitæ conditio exigit; sic famulorum iste numerus ad vivendum tantum, abundat; ad vivendum tamen, ut Personæ dignitas postulat, non est superfluus. Ubi verò servorum numerus ita auctus fuerit, ut ne Princeps quidem majorem desideret, non communem hominis tantum, sed & viri Illustris conditionem excedet: hominis quidem, cum sine illis commodè possit vivere; Viri Illustris autem, quia sine his tueri ille dignitatem suam potest.

X. Pari

X. Pari ratione, ne rem intricemus, in casu nostro distinguere possumus duplicem ex parte pauperis necessitatem. Prior extrema vocatur; & est, quando ea desunt, sine quibus vita non ducitur; unde aliena destitutus ope, aut moritur, aut periculum est, ne moriatur. Altera gravis appellatur, quando Pauper, si ope careat aliorum, vitam ægerrimè producit, aut illà, quàm tenuerat, vitæ conditione excidit.

XI. Hæc notitiâ suppositâ, scire vos velim, quòd Doctores concordī assensu affirmant; Divites, cùm egeni in extremam illam egestatem incidunt, teneri ad iis succurrendum, largiendo non tantum, quæ gradui ac dignitati superflua sunt, sed & ea, quæ ad vitam quomodocunque ducendam redundant. Etenim ordinata charitas exigit, ut vitam proximi pluris faciamus, quàm dignitatem nostram. Unde, etiam cùm aliquam partem pompæ, utut honestæ, dimittere oporteret, quòd vita proximi conservetur, dimitti omnino deberet.

XII. Quod alteram necessitatis, quam gravem diximus, speciem concernit, fermè non obligantur divites eleemosynam elargiri, nisi de illo, quod etiam statui ipsorum redundat, aut saltem tam parùm pro eodem conservando necessarium est, ut sine notabili statûs sui præjudicio illud erogare valeant; & in hoc saltem sensu intelligi Scripturæ possunt; quæ in locis quàm plurimis in opulentos invehuntur, qui erga pauperes nimium duri sunt ac tenaces, eosque ceu omnis

commiserationis ac pietatis oblitos arguunt: *Omnes avaritiæ student: Omnes avaritiam sequuntur. Unusquisque ad avaritiam suam declinavit.* Quæ omnia non possunt intelligi de extremâ necessitate, cùm hæc non nisi rarissimè occurat; sumi itaque debent pro casu frequentiore, tali scilicet, in quo pauper, licet vitæ periculum non subeat, dies tamen suos inter mille angustias, solâ divitum avaritiâ in eas dejectus, exigit.

XIII. Dixi *saltem*, cùm non pauci Doctorum censent, quòd Divites de illis, quæ statui redundant, non tantum Pauperibus, qui extremâ, aut gravi necessitate laborant, eleemosynam suppeditare, sed iis etiam, qui communi quâ ferè laborant omnes, qui stipem ostiatim mendicant, teneantur. Et verò si consideremus, quæ hac in parte SS. Patres etiam maximæ & primæ Auctoritatis, scripto reliquerunt, dicere oportet, quòd adhuc largè nimium ac laxè præceptum Eleemosynæ interpretemur, nisi illud ad communes etiam misellorum necessitates extendamus. Fatigare vos, si singulorum sententias in medium proferrem, omnium locò sufficiat Magnus Augustinus: *Quidquid, ait: excepto victu & vestitu rationabili superfluit, non luxu reservetur, sed in thesauro cælesti per Eleemosynam reponatur. Quod si non fecerimus, res alienas invasimus.* Id quod non Augustinus tantum, sed si non iisdem verbis, eodem certè sensu etiam S. Ambrosius, S. Hieronymus, S. Gregorius, S. Basilus, S. Joannes Chrysostomus, S. Gaudentius, & omnes aut quasi



omnes Patres antiqui asserunt, qui, utut doctissimi, capere nunquam potuerunt, quomodo in tantâ fame, quâ pauperes opprimuntur, dives quisquam sibi persuadere possit, suum esse, quod ipsi redundat etiam statûs conditione spectatâ. Imò in SS. Paginis etiam à Christo Eleemosyna justitiæ nomine appellatur: *Attendite, ne justitiam vestram faciatis coram hominibus.* Etenim licet illa propriè censeatur inter actus charitatis, nihilominus tantam cum actibus justitiæ affinitatem habet, ut facillimè in modo communi loquendi eodem cum justitiæ operibus nomine compellatur.

XIV. Quidquid autem de hoc sit, de quo modo non laboro, certum saltem est, multos Opulentos in altissimâ vivere ignorantia, aut incuriâ hujusce sui debiti, & quasi pensionis, quæ in pauperum favorem eorum redditibus est annexa: cum enim absolutos rerum omnium, quas possident, se credant Dominos, non meminerunt, se à DEO pauperum patronos, & bonorum tantum administratores esse constitutos, juxta illud: *Unusquisque sicut accepit gratiam, in alterutrum illam administrantes, sicut boni dispensatores multiformis gratiæ DEI.* Præcipuè autem, cum annonæ caritas ingruit, ista se cæcitas prodit, cujus tempore cum divites præquam aliâs manum aperire, ac indigentibus succurrere deberent, longè magis quam unquam stringunt, ac pauperes deglubunt. Videre licebit, quòd maxima divitiarum pars, quas nonnulli accumulanti, ex fame

ac necessitate publica parta sit, dum frumenti pretium immensum quantum augent, sicque pro re exigui pretii modicam illam summam capitalem, quæ pauperibus residua erat, ad se trahunt, agellum inquam illum tenuem, casam miserabilem, & pauperis suppellectilis reliquias. Observatum est, quòd sæpenumero caritati annonæ pestis succedat, non pauperibus solum, sed & bene habentibus infesta. Causam, quæ pauperes ad tumulum abripiat, facile est invenire, si miseriæ, ærumnæ, ac noxii, quibus passi sunt, cibi in memoriam revocentur: Opulentorum verò mortis causas non tam pronum est divinare, nisi audaciùs aliquantò Divinæ Providentiæ arcana rimari, è cælo potiùs illam, quam terrâ malimus accersere. Dico igitur, quòd si frequenter post toleratam famem etiam divites moriantur, itque omnium præcipui, atque adeò ipsa familiarum capita, quæ tamen plus quam alii sibi attendebant) rationem aliunde petere non debemus, quam ex eo, quòd hi officio suo defuerint, quo communi necessitati hominum cum paupertate luctantium providere tenebantur. Siquidem hîc famis publicæ temporibus Eleemosynæ præceptum longè erat manifestius. Faciebat quidem apud nonnullos conscientia officium suum, atque absque intermissione clamabat: *Fac cum proximo tuo, quod tibi in simili necessitate constituto fieri velles.* Nec poterat Avaritia solita suâ excusatione se palliare: non posse jam ampliùs veros pauperes à fictis discerni.

Et.

1. Petr.  
4. 10.

5. Chry-  
sost. hom.  
34. ad  
8. pap.  
Gaud. de  
vilico  
Iniq.

Vide  
Maldon.  
in  
Matth.  
6.

Etenim famis tempore omnia compita, ac domus plenæ sunt, nec multum indagare necesse est calamitosos; ipsa sese luridiâ facie, & squalore produnt, recedentes oculi, pendula cutis, halitus ipse languidus & difficilis summam produnt necessitatem. Quo modo his in eventibus dici potest, Opulentos amare proximum suum sicut se ipsos, dum suorum solummodo commodorum studiosi, se suâque emolumenta procurant, proximi verò minorem, quàm canis aut venatici, aut domesticici curam gerunt? *Qui habuerit substantiam hujus Mundi, & viderit fratrem suum necessitatem habere, & clauserit viscera sua ab eo, quomodo charitas DEI manet in eo?* ait S. Joannes. Et si DEUM non amat, quomodo sperabit, eodem in Cælo frui, possidere beatitudinis gaudia, gloriam ac regnum jure hæreditario adire? Non est possibile; habet enim pro corde saxum, in quo, quaquà se conferat, insculptam secum sententiam circumfert sempiternæ damnationis suæ: *Cor durum male habebit in novissimo.*

## II.

XV. Verùm illa eleemosyna, quæ vi præcepti extorquetur, oleo similis est, quod torculari exprimitur. Plus exigo à clementiâ & misericordiâ vestrà, succum scil. illum virgineum, qui sponte sua permanat atque ita seposito interim necessitatis momento, quod urgere vos potest, spe præniî benignitatem vestram animabo. DEUS igitur, postquam charitatem præcepto imperavit, etiam ad consilium, quo eam commendat, descendit, ita

quidem, ut in suo Evangelio consilium hoc pro fundamento posuerit, sublimis, arduæ ac admirabilis illius perfectionis, cujus afferendæ gratiâ è cælo exiit: *Si vis perfectus esse, vade, vende omnia, quæ habes, & da pauperibus.* Hujusce consilii executionem familiarem vobis redditurus, propositum à DEO præmium exponam, quod genuinos manet eleemosynarios. Campi, qui Indo flumine irrigantur, <sup>Diod. Sicul. re- rum ant.</sup> ita fertiles evadunt, ut uno eodémque anno geminam messem exhibeant. <sup>Arist. l. 1. hist.</sup> Pascua quoque Nilo adjacentia ea valent ubertate, ut armenta geminâ pariter fœtatione fœcunda reddantur. <sup>c. 4.</sup> Pro nobis Christianis autem terræ absque comparatione feracissimæ non aliæ sunt, quàm manus Pauperum, in quibus substantias nostras sacræ volunt Paginæ nos seminare, certâ cum pollicitatione, fore, ut fructum omnino centuplicatum referamus; messe duplici. Quà illâ? Temporalis & <sup>S. Thom. in hunc locum.</sup> æternâ. In quem sensum S. Thomas illa Apostoli verba explicat: *Pietas ad omnia utilis est, promissionem habens vitæ, quæ nunc est, & futura:* ita ut voce illâ: *Pietas*, antonomastice quasi distributionem eleemosynæ intelligat, & præceptum Legis naturalis, cujus suprâ meminimus, ad quantum Decalogi præceptum reducat, cui uni DEUS ore suo pollicetur, <sup>S. Thom. 2. 2. q. 32. ar. 5. ad 4.</sup> *promissionem vitæ, quæ nunc est, & futura.*

XVI. Ut igitur à primâ messe, bonorum scilicet temporalium initium faciamus, primò in oculos nostros incurrit frequens illa ac miraculosa



multiplicatio, quâ res verorum eleemosynariorum augmentur: qui, cum se matres quasi pauperum faciant, merito semper abundantissimo lacte eorum turgent ubera, quo eos alant, ac sustentent. Quæ ratio est, quare Sacra Scriptura eleemosynam vocet sementem, eamque dispensare idem illi sit ac seminare; ut scilicet intelligatur, sua pauperibus distribuere, non esse illa perdere, ut nonnullus videtur; sed potius illa melioribus commutare, ac cumulare, & DEI manibus ad usuram ac fœnus committere, in quibus omne

*Ex li. 3. 12.* granum in mille millia excrescit: *Da Altissimo secundum datum ejus: quoniam Dominus retribuens est, & septies tantum reddet tibi.* Da tantum alacriter, ait Ecclesiasticus, tua DEO tuo, qui, cum sit Altissimus, pro se quidem re nullâ indiget, nihilominus omne illud, ut sibi datum, accipit, quod datur Pauperibus; da animo hilari & læto, juxta proportionem illorum, quæ ab eo accepisti. *Da Altissimo secundum datum ejus, & videbis, quâ copiam tibi fructum ferat: rem enim habes cum tali Domino, qui humanitate vinci se non patitur, & hoc ipso incomparabiliter plura reddet, quam dederis: Septies tantum reddet tibi.* Ita solet Cælum cum Terrâ agere: inutiles aliquot vapores extrahit, quos postmodum in tam copiosum rorem convertit, ut omne genus plantarum inde lactetur. Verum quidem est, fœnus hoc Eleemosynæ non ita semper sensibilibiter oculis nostris subjicit, cum Deus varios habeat modos, quibus dona sua communicet, quin intelligat

aut notet is, qui ea recipit. Ut cum in præmium erogatur à vobis eleemosynæ sanos vos ac incolumes longo tempore conservat; cum litem vobis aut adjudicat, aut, ne aliquam moveant adversarii, impedit; cum nubem, quæ stragem horribilem agris vestris minabatur, avertit, uniûsque anni redditus servat; cum insidias, quæ vobis struebantur à latronibus nocturnis, detegit & crumenas vestras à depeculatoribus tuetur; cum præter sanitatem, quam donat, inquietudines, quas amolitur, lucra, quibus rem vestram auget, damna, quæ avertit, innumera alia in præmium vestræ charitatis vobis etiam non advertentibus subministrat: *Dominus retribuens est.* Certò tamen vobis persuadere oppidò bonum esse cum Domino agere, à quo, quascunque fœneratorum officinas requisieritis, nullam magis fructuosam, nullam magis fidelem eleemosynâ nanciscimini: *fœneratur Domino, qui miseretur pauperis.*

XVII. Sed adhuc in assentiendo difficiles exior, ac persuasos, miraculo opus esse, ut ea, quæ pauperibus elargimini, recipiatis: undè sicut miracula rara sunt, ita creditis lucrum vestrum, quod ex eleemosynâ colligitis, rarum, quin omnino rarissimum esse. Verum toto Cælo aberratis: incrementum enim illud, quo Eleemosynariorum res augmentur, non ad miraculosam DEI Providentiam revocatur, sed ad ordinariam spectat, ita ut miraculo magis affine sit, si hujusmodi prosperitas de lege ordinatâ non consequatur. Rationem audite. Omnis

alia virtus (etiam ipsa Eleemosyna spiritualis, quæ tota in alterius bonum tendit) hoc sibi proprium habet, ut frequenti sui exercitio non solum iacturam non subeat, sed accrescat; siquidem actus primus maiorem ad secundum aptitudinem conciliat, qua proximo suo consulat, eundem corrigat, aut confirmet, ei errata sua condonet, illatas ab eo molestias toleret, pro eo ad DEUM supplex accedat, eoque habilior ad huiusmodi charitatis officia reddatur, quo frequentius in egregiis his actionibus exercitatur. Unde fit, ut talis Eleemosynarius puto tandem similis efficiatur, qui, quò plus inde hauritur, eò plus abundat ac dare potest. Eleemosyna verò corporalis non ita se habet. Hæc sui exercitatione magis semper ac magis debilitatur, cum naturâ suâ bona illa deficient, quæ porro egenti distribui possint, scilicet quo operiantur, alantur, aut aliis favoribus sublevantur. Quare virtus ista cisternam æmulatur. Ita ut si actus suos continuare velit, Deoque rem gratam præstare, oporteat ut vicissim DEUS opportunè denuò affundat tantò plus aquæ recentis, quantò copiosius illa dispensatur, præsertim si magnâ illam copiâ, ut decet, velit effundi: *si multum tibi fuerit, abundanter tribue.* Et quia Virtutum actiones tunc perfectionem suam assequuntur, quando magnâ cum alacritate & promptitudine exeruntur, necessarium est, ut DEUS in antecessum auctoritatem suam, quasi oppignoret Eleemosynam erogantibus, ac promittat, tantò eos plura recepturos, quò plura fuerint

elargiti: *Cum effuderis esurienti animam tuam &c. erit sicut fons aquarum, cujus non deficient aquæ:* Ut hi, qui fundo sine fundo, qualis est Divina Promissio, confidunt, apertissimis possint manibus redditus suos inter egentes distribuere, quin unquam timeant, ne, quod dispensent, desint. Neque tamen hæc multiplicatio præmii quoddam est. Quo DEUS Eleemosynam quasi mercede velit exsolvere (non enim præmio adeò exili eam remunerari intendit) sed subsidium tantum, quod, ne qui erogant, unquam exhauriantur, suppeditat; sine quo hæc virtus aut non perduraret, aut sensim elanquesceret, torrentis instar, qui cum scaturiginem perennem non habeat, non potest instar fluminis pleno semper alveo campos irrigare.

XVIII. Ex his pronum est inferre, quantum illi decipiantur, qui eam ob causam Pauperibus beneficos se non præstant, quòd timeant, ne facultates suas imminuant, & filiis hæreditatem succidant. Imò verò modus hic longè optimus est, quo filiis provideatur, & facultates stabiliantur, si in pauperes profundantur. Et quidem, quod filios attinet, manifesta, DEI promissa, quæ irrita esse non possunt, fidem faciunt. *Viri misericordie, quorum pietates non defuerunt, cum semine eorum* <sup>Eccli. 44. 10.</sup> *permanent bona.* Arcanum hoc est, quo bona, quæ filiis destinantur, augescant, misericordiam scilicet pauperibus exhibere. Famossissima illa inter Legistas distinctio, quam inter bona mobilia & immobilia faciunt, deridiculo haberi posset, cum res omni-



omnino omnes, quæ sub Sole sunt, mobiles ac fluxæ sint: siquidem etiam possessiones de familiâ in familiam, quasi in orbitam migrant, non minus ferè, quàm vestes, picturæ, & quæ sunt alia ejusmodi. Unde verissimus, & solus modus est, bona isthæc stabilienti, si pro fundamento Eleemosyna statuatur.

*Serm. de  
oper. &  
Elem.*

*In tuto hæreditas ponitur, quæ DEO Custode servatur, ait S. Cyprianus, & hoc est charis pignoribus in posterum providere, hoc est, futuris hæreditibus paterna pietate consulere.* Quod attinet opes & facultates præsentis proiis, qui prole carent, idem dici potest.

*Salmer.  
in Evan.  
tom. 5.  
tr. 6.*

Unde Mercator quidam locupletissimus à Rege suo olim interrogatus, sincerè ediceret, quantum possideret facultatum, respondit: non plus mille coronatis. Videns autem Regem dicto commotum, ne illuisse videretur, repetiit; non plus mille coronatis, siquidem DEO in suis pauperibus non plus reddidi, & de his mille certus sum: cæteræ facultates meæ tot ac tantis periculis subjectæ sunt, ut illas vix habeam pro meis. Nisi quòd nemo non videt, opes etiam reliquas eidem ab eo fœnori exponi potuisse.

*Prov. 18.  
27.*

*Qui dat pauperi, non indigebit, ait Spiritus Sanctus.* Ne timeatis, unquam fore, ut homo misericors ac beneficus in pauperes, ad incitas redigatur; etenim quo liberaliorem se indigentibus demonstraverit, eò vicissim DEUM, qui humanitate vinci se non patitur, in refundendis identidem novis opibus liberaliorem experietur. Atque idcirco cum vos creditores urgent, cum Litibus infestamini, cum insidiantur fu-

res, cum annui redditus deficiunt, hoc unum remedium arripite, & ne porro dubitate. Scio fore vestrum nonnullos, qui consilium hoc, si non ineptum ac stultum, saltem ut simplex condemnent, Consultorem autem reprehendant. At quantò melius hi audaculi facerent, si ignorantiam suam confiterentur! Contingit, Juvenem sanguinis ejectione, quæ sisti non valeat, multum affligi. Medicus oportune accitus veniam incidi jubet. At verò quì fiet, inquietis, ut sanguis, qui è venis profluit, alterius fluxum sistat? Omnino ita est, eliciendus est è venâ sanguis. Quod si miramini, id inde provenit, quod artis Medicæ periti aut non habeatis. Jam ad propositum nostrum ita fermè DEUM nos alloqui credamus: Vos, ait, magnis aures meas planctibus repletis, & ingentem malorum, quæ vos circumdant, catalogum enumeratis; scilicet tempora esse iniquissima; lucra & questum succidi, census imminui, mercatum deficere, Salaria restringi, & sic impares vos esse, qui alienæ domus paupertatem sublevetis, cum etiam, quo familiæ vestræ provideatis, plurimum desit. O homines miseros! quibus non dicam prudentia, sed nec Fides constat. Eleemosynas erogate, quibus ex angustiis hisce vestris exitum pandatis: *date & dabitur vobis.* Sanguinem alterum mittite, & illum, qui copiosè promanat, retinebitis. Vestrum utiliter spargite eâ parte, quâ non effluit, & eâ parte, quâ se effundit nullo vestro commodo sistetis.

XIX. In vitis Patrum refertur; hominem

minam fuisse pauperem, qui, quidquid ex horto, quem multo labore colebat, peculii collegisset, magnâ cum charitate inter pauperes distribuit. DEI quadam, instigante haud dubiè Cacoëmonem, cœpit intra se dicere: Si omnia, dum Juvenis sum, erogavero, quid me sene fiet? tantumque effecit insidiosâ hęc cogitatio, ut hortulanus intermissâ omni eleemosynâ sollicitè omnia sua lucra colligeret, & cistulâ bene firmatâ custodiret. Cum subito plaga se aperuit in coxendice, luculentâ, & terra, cujus curandæ gratiâ impromis coactus est à colendo horto suo desistere, subinde etiam omne suum peculium in chirurgo expendere. Et primum quidem non modicâ lætitiâ miser homo persusus est, quòd ex sua parsimoniâ æs collegisset, quo debitum expungeret; sibi que gratulatus est prudentiam, quâ quasi futuri præfagus nummos comparasset. Post satis longam tamen chirurgi operam audire debuit, non aliam, si porro vellet vivere, rationem proferendæ vitæ superesse, quàm pedis ægri truncationem. Cohorruit ad funestum nuntium miser hortulanus, & licet vitæ amore in sui mutilationem consentiret, totâ tamen illâ nocte, quæ feralem cultrum præcedebat, amarissimis frenum lacrymis permisit. Estne possibile, agebat, ut Eleemosyna, quæ familiarum omnium fulcrum est, mihi uni viam faciat ad exitum? quæ fons gratiarum aliis scaturit, mihi puteus sit amaritudinis & miseræ? atque hos inter planctus & ejulatus noctem exigebat planè desperabundus. Cum

ecce! subito lucem animadvertit, & in luce DEI Angelum, qui serio & severo in eum vultu oculos defigens, ubi sunt, inquebat, tuæ illæ pecuniæ, in quibus fiduciam reponebas, ut earum gratiâ Eleemosynam, DEO acceptissimam, interrumperes? perinde ac si non ista nummos tibi, cumque nummis sanitatem suppeditaverit? reductâ postmodum in frontem serenitate, eja, subjunxit, pedem exhibe, plagam ostende. Cumque æger pedem protulisset, Angelus uno eum contractu ita perlanavit, ut cum die subsequente chirurgus adveniret, pedem mutilaturus, hominem horti laboribus distentum, & palâ terram evententem repererit, eo corporis vigore, ac si nunquam decubisset. Videtis, quàm verum sit, quòd dicebam, eleemosynam ingens arcanum esse iis, qui bene illâ uti nōrunt. Eleemosyna, ait S. Chrysostomus, *ars est omnium quaestuosissima*; non enim ad conquiendum tantum, sed ad conservandum etiam bona conquisita valet, illo scilicet largiente Domino, qui benedictionem in eas familias inducit, quæ miseratione pauperum tanguntur. Hęc DEI benedictio sola divites facit juxta illud; *Benedictio Domini divites facit*: non industria, non astutiæ, non tenacitas; sola DEI benedictio, quam ex alto misericordiam bonis impertit, locupletat eos; quî beneficentiâ in egenos eum honorant.

XX. Mira omnino differentia Matres inter Ægyptias & Hebræas intercedebat, Ægyptiæ prolem unam singulis partibus effundebant; una dein



nocte meliorem omnium jacturam faciebant, primogenitis omnibus subito interfecit. Hebræi quandoque geminas enitebantur, ternas etiam ac quaternas, fecunditate prorsus mirabili; & hæc tam numerosa soboles in annos plurimos vitam protraherant ita ut sola familia Patriarchæ Jacob intra annos non plus trecentos sexcenties millenas animas absque feminis & parvulis numeraret. Unde tanta differentia? nisi quod feminæ Hebrææ, non item Ægyptiæ, ex Populo à DEO benedicto

*Prov. 11.* originem haberent. Eadem prorsus differentia Misericordes inter & Avaros reperitur. *Alii dividunt propria & divitiores fiunt: alii rapiunt non sua, & sem-*

*Eccle. 11.* per in egestate sunt. Ratio est, quia illi, non item hi, à DEO benedicuntur: *Eth. l. 3.* *Benedictio DEI in mercedem justis festi-*

*G. l. 12.* nat. Veniam igitur demus Aristoteli, ratio, non fieri facile, ut, qui liberalis est, dite scat: locutus est ut Infidelis & Ethnicus. At non eandem veniam merebitur Christianus, qui post amplissimas DEI promissiones nihilominus tamen dubius hæret, an isthæc in pauperes liberalitas ad opes colligendas adjumento sit. Quin omnes experimentum sumant, & videant, an non cum Ecclesiastico in fine possint dicere: *In benedictione DEI & ipse speravi; & quasi qui vindemiat, replevi torcular.*

*Eccle. 33. 17.* XXI. Messis isthæc ac Collectio prima est, scilicet temporalis. Æstimabilior, atque etiam securior est altera in bonum Animæ. *Multiplicabit semen vestrum,* ait Apostolus: en primam: & *augebit incrementa frugum*

*Justitia vestra:* Ecce secundam. Et quandoquidem id, quod superest, summi est momenti, hac ratione majoris claritatis gratia ejusdem tractationem distinguamus. Vel istiusmodi homo in egenos benignius ac liberalis in præsentiarum peccator est; an aliquando fuit? Supponamus esse peccatorem. Quis modus melior, deperditam recuperandi justitiam, quam Eleemosynæ erogatio? *Ignem ardentem extinguit aqua, & Eleemosyna resistit peccatis.* Melior profectò modus, quo ignis coercetur, non est, quam aquam magnâ copiâ affundere. Quod aquæ in incendio, Eleemosyna est in peccato. Non equidem omnino tollit id, quod Gratiæ munus est, sed eadem resistit; ne ulterius serpat, obtinet ac evincit; ac peccatorem etiam disponit, ut gratiam consequatur, quâ deinde omnis vitiorum scintilla penitus obruatur ac extinguatur. Hæc fortunatissima Opulentorum fors est, si eam nōsse vellent, quod nummis suis DEI Gratiam sibi comparare possint, non solum absque gravissimo illo Simonix peccato, sed summâ etiam cum laude ac commendatione. *Date & accipite,* ait S. Chrysostomus: *date eleemosynam egenis, & à DEO gratiam accipietis, & ex filiis iræ in filios dilectionis adoptabimini.* Atque hoc sensu intelligendum est, quod Senior Tobias dicebat: *Eleemosyna ab omni peccato liberat:* non quidem, quod illa omnia subito peccata extinguat, olei instar, quo bruchi semel immersi suffocantur; sed eatenus liberat, quatenus DEUM movet, ut nobiscum

agat misericorditer, corque nostrum disponat, ut eandem in se misericordiam recipiat, ac cum DEO cooperetur, qui Gratiā subministrat, quā auxiliante hoc illōque crimine nos expedire valeamus. De cætero si quis pauperibus eā intentione subveniret, ut impunitatem sibi compararet, quā in sordibus suis securus vitam ageret diuturniorem, tunc enim verò Eleemosyna nequaquam aquæ usum præstaret ad incendium restinguendum; sed picis instar vim ignis promoveret magis, magisque roboraret.

XXII. Quòd si autem Justum Deoque charum in præsentiarum ponimus, eum, qui Eleemosynam largitur, & antehac solum peccatis fuisse obnoxium, modus longè optimus peccata omnia cooperiendi est charitas: *Univerſa delicta operit charitas.* Etiam inter homines Magnatum vitia liberalitate conteguntur, adeò, ut quos vitæ pessima in contemptum & oblivionem adduceret, liberalitas tamen & munificentia etiam annalibus ac fastis inferat memorandos. Quæ causa fuit, quare Philippus Rex Macedonum diceret, in suâ esse manu, vituperia in laudes convertere, quibus à subditis impeteretur, satis fore, illam largitionibus aperire. Nisi quòd tegumentum istud, quo Viri grandes vitia sua abscondunt, exigui admodum pretii sit, utpote quod malum quidem obvelet, non tollat. Longè meliori ratione Eleemosyna peccatum operit; non enim ut vestis tantum operit, sed ut balsamum, quod dum vulnus tegit, etiam perſanat,

ut ne circatricem quidem relinquat: negari etenim non potest, Eleemosynam <sup>S. Thom.</sup> tantā apud DEUM virtute pollere, ut <sup>suppl. 9</sup> reatum etiam illarum tollat pœnarum, <sup>25. a. 3.</sup> quas peccator culpā jam delatā pendere cogeretur.

XXIII. Ecce modum longè verissimum; quo anima iis se debitis exfolvat, quibus aliā ratione eximi non posset, Eleemosynam. *Redemptio Anima viri, divitiæ suæ:* & hoc quidem juxta duplex Redemptionis genus; primum, quo quis à servitute, quam incurrit, liberatur; alterum, quo quis, ne in servitutem incidat, præſervatur. Est Eleemosyna Redemptio à servitute primo modo accepta, dum hominem debitis illis absolvit, quæ culpis à se commissis apud Divinæ tribunal justitiæ contraxit, juxta illud Daniëlis, quo sceleratum Babylonis Regem commonuit: *Peccata tua Eleemosynis redime:* & juxta mentem ac <sup>Ambr.</sup> communem Doctōrum sensum, qui cū de Eleemosynā discurrunt, veriti non sunt Eleemosynam cum <sup>Leo. ser.</sup> Baptismo conferre (usque adeo magna illius efficacia est, quā debita <sup>2. de col.</sup> let. Cyhuculque contracta expungit) imò <sup>prian. de</sup> eidem etiam præhabere ex aliquâ <sup>Eleem.</sup> salutem parte; nam Baptismus, utut sit balneum, quo omnes animæ sordes & maculæ absterguntur, non nisi unā tamen vice illud ingredi conceditur; cū contra Eleemosyna millies iterum ac millies repeti possit, lavacrum utique tantò salubrius ac commodius tali capiti, quod sæpius ac frequentius contingit infici ac conspurcari. Ex alterā parte Eleemosyna redemptio à



servitute est, quæ hominem præservat, eum Justum retinet, ne in illa denovo peccata relabatur, quæ ei tantò post pretio essent constituta: ferè ad eum modum, quem paulo superius ex Ecclesiastico annotavimus, cum diximus, quòd Eleemosyna resistat peccatis.

Quæ si peccatis resistit in peccatore adhucdum peccatis obstricto, quid non efficiet in animâ ad DEUM jam conversâ? In Peccatore peccatorum vinculis etiamnum ligato resistit, dum illam actuum multiplicationem inhibet, quæ cæteroquin esset consecutura (sunt enim peccata flammis similia, quæ magis ac magis exardescunt, usque dum tota in cineres sylvæ subsidat) & ita viam facit ad conversionem: *Pœnitentibus dedit viam justitiæ*; in Converso autem dicunt resistere, cum robur meretur, quòd mali habitus, qui remissis etiam culpis persistunt, extinguantur, ne residuis quibuscunque scintillis incendium porro reluscitetur; & sic perseverentiam finalem operetur: *Dispersit, dedit pauperibus: justitia ejus manet in sæculum sæculi.* Uno verbo, tantæ Eleemosyna est efficacix ad acceptam DEI Gratiam porro conservandam, ut illam ceu oculi pupillam custodiat: *Gratiam hominis Eleemosyna quasi pupillam conservabit.* Tamenque est efficax ad eam reparandam, ut cum eam propriâ virtute restaurare non potest, posse tamen videatur:

*Eccli. 19. 18. Date Eleemosynam, & ecce omnia munda sunt vobis.*

XXIV. Verum quidem est, totac tantis bonis eos magnâ ex parte privari, qui Eleemosynarum elargitio-

nem in ultimum vitæ tempus differunt; Inprimis enim ne tum quidem, quod proposuerant, præstant, vel quia consanguineorum operâ à proposito distrahuntur, vel quia morbi vi oppressi ipsimet obliviscuntur; vel quia crescente in iis divitiarum inordinato amore, & multò magis etiam filiorum induci nequaquam possunt, ut Christum in ejus hæreditatis partem admittant, quam nunquam satis pinguem arbitrantur. Si quâ nutrix lac diu nimis infanti subtrahit, ita demum lacteus ille humor in mamillis coagulatur, ut nec sugendo, nec comprimendo eliciatur: Idipsum planè infelicissimis his Euclionibus obtinigit: dum enim avaritiâ impellente tenaciùs retinent facultates, vitæ tempore congregatas, non tantum sponte ad sublevandam, ac quasi lactandam pauperum inopiam nihil profundunt, se ne adhibitâ quidem vi sibi quidpiam extorqueri patiuntur; id quod fit, cum mercenarii alique suam expetunt mercedem diurnam, nec possunt impetrare.

XXV. Sed demus, hoc non sequi; concedamus, quòd ad ultimam vitæ lineam devoluti eleemosynas etiam largas testamento transcribant. Quænam tamen hæc est liberalitas? donare DEO, quod refineri non potest? quantò fuisset animæ conducibilis, hoc ipsum, & minus etiam, dudum distribuisse, & in alterius vitæ semitam quasi facem præmisisse potius, quàm subsequi jussisse? Quot peccata fuissent impedita? quot preces obtentæ? quantò Divinæ Justitiæ major satis-

satisfactio perfoluta, à misericordiâ,  
 Gratiâ imperatâ? *Minus solvit, qui tar-*  
*dius solvit: nam tempore minus solvitur;*  
 - ajunt Leges. Pronuntiate modo, an  
 reddat, quantum debet, qui tam serò  
 solvit, ut seriùs non possit.

XXVI. Præterquam quòd hæ ulti-  
 mæ voluntates sæpius malâ fide execu-  
 tioni mandentur, & verè pauperum exi-  
 gua ratio habeatur, aliique minùs egen-  
 tes summè indigis præferantur. Api-  
 bus admodum infaustum accidit, si  
 tempestas verna tardiùs solito initium  
 sumet: minus enim laborant, & ali-  
 menti minus colligunt. Simile quid  
 evenit pauperibus, qui à divitibus  
 primum speratâ ope defraudantur, &  
 non nisi in testamenti tabulis commen-  
 dantur; deinde verò etiam à Testa-  
 menti executoribus, qui Legata aut  
 non ex toto, aut inviti reddunt. Un-  
 de meritò Sapiens: *Ante mortem be-*  
*nefac amico tuo, & secundum vires tu-*  
*as exporrigens da pauperi:* Eleemosy-  
 na enim in vivis erogata & salutife-  
 ra magis, & securior est; salutife-  
 ra quidem eroganti, secura verò acci-  
 pienti.

XXVII. Hæc ex occasione. Ut ad  
 propositum revertamur, quis vester  
 sensus est circa geminam illam mes-  
 sem, quam veri Eleemosynarii è mani-  
 bus pauperum colligunt, tam in vitæ  
 temporalis, quàm æternæ subsidium?  
*Promissionem vitæ quæ nunc est, & fu-*  
*tura.* An esse uberem satis ac co-  
 piosam negabitis? Magnus quidam  
 Eleemosynarius mercatores in grana-  
 rium suum inducens, quantum vul-  
 tis mihi dare, inquebat, pro ingenti

hoc frumenti acervo? reponebant hi:  
 Coronatos tot & tot centenos; quot  
 scilicet propositæ rei pretium exigere  
 videbatur. Cùm ille: novî ego, qui  
 absque comparatione plures multò  
 mihi numerabit. Vos etenim, si  
 frumentum vendidero, paulò plus,  
 quàm ego ipse expenderim, dabitis;  
 at ubi Christo in suis pauperibus di-  
 stribuero, reditus ille meos identidem  
 geminabit, & ipsum denique Cælum,  
 in amplissimum lucri cumulum ad-  
 det. Quo dicto mercatores animo  
 compunctos dimisit, frumentum au-  
 tem magnâ alacritate in pauperes,  
 emptores haud dubiè certissimæ so-  
 lutionis, dispersit. O negotiationem  
 lucrosissimam! tam modicum ex-  
 pendere, & tam multum vicissim re-  
 cipere.

XXVIII. Et tamen quotusquîs-  
 que Christianorum est, qui negotia-  
 tionem hanc lucri feracissimam non  
 recuset, quasi cautum ei non foret sa-  
 tis; qui facultates suas DEI manibus  
 plenè committit? an fœnerator DE-  
 US, aut fraude non vult, aut iniquâ  
 sorte jacturam opum passus, non po-  
 test, promissum in Evangelio centu-  
 plum reddere? Certè si ulli, stulto-  
 rum nomine hi appellari debent, non  
 minùs ac ille à Christo Domino titu-  
 lum eundem retulit, de quo S. Lu-  
 cas: *Stulte, hac nocte animam tuam*  
*reperunt à te; quæ autem parasti, cu-*  
*jus erunt?* Verissima omnino hæc  
 stultitia est, quæ impedit, quò mi-  
 nùs de rebus judicemus secundum  
 altissimam earum causam DEUM, &  
 sapientiæ dono adversatur: advertite  
 Hh 3 proin-

Luc. 12.  
 20.  
 Cajet.  
 2. 9.  
 46. 4. 1.



proin, an non illa sit propria Divitis  
sordidi, & in egenos parci. Hic  
opes & divitias ob illa tantum com-  
moda æstimat, quæ terrena & caduca  
sunt; non propter illa perpetua, quæ  
in Cælo apta sunt parere. *Eleemosy-*

*Tob. 4.*  
*11.*

*na*, O verba aurea! *Eleemosyna non pa-*  
*zitur animam ire ad tenebras.* Et reve-  
ra ita se res habet. Tam admiranda  
DEI fuit Bonitas, ut voluerit divitias,  
quæ naturâ suâ malorum omnium sunt  
incentivum, & se possidentibus ma-  
teria perditionis; instrumentum eva-  
dant, quo, qui vult, salutem suam ope-  
retur, & aptissimum medium Prædesti-  
nationis etiam altissimæ, id quod in  
*Act. 10.* Centurione Cæsarensi, de quo in Actis  
*1.* Apostolorum cum laude fit mentio,  
satis manifestè ac luculenter compro-  
batur.

XXIX. Neque tamen credatis ve-  
lim, divitias solis divitibus medium  
prædestinationis à Divinâ Bonitate da-  
tas esse, qui eas largâ manu distribu-  
unt. Non ita, sed ipsis etiam Paupe-  
ribus, quibus distribuuntur, in me-  
dium vult cedere ejusdem prædesti-  
nationis. An id experienciâ non  
constat? Si margaritarum conchæ op-  
portuno rore turgent, magnis incre-  
mentis augefcunt margaritæ, si fides  
*Phil. 1. 9.* est Plinio: *Grandescit partus.* Con-  
trâ verò, cum Cælum est turbidum  
& tempestatibus miscetur ipsæ etiam  
margaritæ aut colore turbidæ, aut  
magnitudine exiles reperiuntur. *Pro-*  
*jejunio modo minuitur.* Utinam non  
quotidiè hoc eveniret Christianis!  
Quod pauperculæ Virginies, si ne-  
cessario non carerent alimento, in-

tactum conservarent, quin & magnis  
auctibus ornarent integritatis suæ Mar-  
garitam? at quia omni se ope desti-  
tutas vident, famèque pressas, non  
imminuunt tantum virgineæ castita-  
tis nitorem, sed omnem profligant.  
Animis quæso vestris perpendite,  
quot crimina, quot opprobria, quot  
scandala, quot animarum miserè pe-  
reuntium jacturam una impediret  
Eleemosyna in tempore suppeditata,  
Dòs unica, donum unum, unicum op-  
portunum auxilium? Ad hunc finem  
DEUS copiosas diviti facultates con-  
cessit, ut *meritum bonæ dispensationis*<sup>2</sup>  
*acquireret*, ait S. Thomas, ut terrâ cœ-  
lum compararet, non sibi tantum, sed  
& proximo suo, cujus dum corpus lan-  
guidum servat, etiam animam in tuto  
locat. Dives autem stultus, dum ni-  
hil horum perpendit, solum attendit,  
quâ ratione se ipsum saginaret, donec  
tandem fieret victima Divinæ cultro  
justitiæ destinata.

XXX. Quanto igitur jure illud au-  
dire cogitur: *Stulte, hac nocte Ani-*  
*am tuam repetunt à te. Hac nocte, s.*  
in crassis istis tuis Ignorantiæ tene-  
bris, aut veriùs iniquitatis, siquidem  
ex ortæ non sunt ex naturalis judicii  
defectu, sed ex spontanea in his sen-  
sibus subjectas immersione, in his,  
inquam, Anima tua à te repetitur:  
*Animam tuam repetunt à te.* Quòd si  
ab hujusmodi Euclione quamlibet re-  
nitente, Anima repetitur, quantò ma-  
gis facultates repetentur, quas aut ma-  
lè expendit, aut non melius servavit?  
Ibi tandem Divites intelligent, quòd  
hactenus capere noluerunt, scilicet,  
non

non esse se absolutos rerum suarum dominos, qui possint pro arbitrio de iis disponere, & pro libidine eas expendere, quin rationem aut de dispositis, aut de expensis debeant cuiquam reddere. Tunc agnoscent, præceptum de dandâ Eleemosynâ, quod implere recusarunt; videbuntque, quod, sicut Leges humanæ in communi quadam navigatione quemque obligant, ut, quem pane nautico destitutum viderit, illi de suo largiatur, majori longè rigore Divina Lex præcipiat, ut, dum universali quadam navigatione conjuncti, ad communem patriam tendimus, si qua proximum egestas affligat, quisque, cui ultra necessitatem suam de bonis prospectum est, alterius necessitati succurrat. *In præsentì tempore vestra abundantia illorum suppleat inopiam.* Neque ullus sibi persuadeat, solum ne in terris fore superstitem, aut in divitum tantum gratiam Mundum fuisse conditum: *nunquam habitabitis vos soli in medio Terræ?* Hæc & hujusmodi à crudelium gente divitum in postremo illo judicio DEUS exquiret, iisque ostendet, quod bona, quæ possidere, sub Mundi hujus primordia omnia fuerint communia: Unde si eorundem postmodum divisionem ab hominibus factam approbavit, approbavit expressâ hac conditione adjunctâ, ut divites pauperum curam susciperent, &


ii, qui plus aliis accepissent. Montium instar tantò plùs cœlestium aquarum in valles diffunderent, quò ipsi copiosius fuissent inundati.

XXX. Illud porrò, quod infelicitatem tam culpabilis stultitiæ omnium maximè cumulabit, non in solâ abusus sui cognitione finietur, quâ opes sibi superfluas pessimè collocatas intelligunt, & insuper agnoscent, se tempus porrò non habituros, quo errorem corrigant. *Qua autem parâsti, cujus erunt?* Transeunt bona per alienas manus, quas inter etiam manus filiorum atque filiarum numero, qui parvò à morte intervallo omnem parentum memoriam deponunt, ita ut eorum non magis recordentur; quàm si ab iis generati non fuissent. Transeunt, inquam, bona per alienas manus; anima verò interim sine fructu stultitiam suam mille maledictis incusat. Non ita vos Dilectissimi! Sancti Augustini potiùs consilium audite, opportunum planè & tempestivum: *Da quod non potes retinere, & accipe,* *In Psal.* *quod non potes amittere.* <sup>36.</sup> Date DEO libenter id in suis pauperibus, quod à morte defendere non poteritis; & vicissim accipite à Divinâ misericordiâ bonum quoddam infinitum, quod mortis imperio nullâ est ratio, ne subiectum.

\* \*







# DISCURSUS XVIII.

*De Modo in erogandâ Eleemosyna,  
observando.*

**L** Communis Pauperum *que-  
rela est, refrixisse hac nostrâ  
tempestate charitatem. Ego  
illam saltim judico, & cre-  
do omnino, quòd saltem  
de Christianis cum veritate affirmari  
possit, multos inveniri Eleemosynarios,  
etiam non quæsitos. Multi homines  
misericordes vocantur. Sed demus, tem-  
porum nostrorum iniquitate fieri, ut  
non injuriâ hujusmodi questus edan-  
tur; adeò ut multâ opus foret diligen-  
tiâ, dum verus, & qualem res postulat,  
Pauperum pater inveniat; proinde,  
id quod circa res deperditas observari  
consuevit; signa vobis monstrabo,  
quibus virum ejusmodi dignoscatis.  
Sunt autem tria potissimum, manus,  
vultus, oculus: manus ampla & aper-  
ta; vultus hilis & affabilis; oculus  
excelsus & in Cælum defixus. En  
imaginem Eleemosynarii suis numeris  
absoluti. Nunc partes illius singulas  
consideremus, non tam ut in aliis illum  
requiratis, quàm in vobismetipsis ex-  
primatis, ipso opere Christianam illam  
charitatem exercentes, quam facili ne-  
gotio verbis adeò magnificis in aliis de-  
prædicatis.*

I.

II Primum Hominis verè liberalis  
indiciu est Manus, cum ad suble-

vandas Pauperum calamitates est &  
prompta & larga: *Non dare, ajebat S. Ho  
Chrysostomus, sed cum copiâ dare, ad  
Eleemosyna est. Cum tempore æstivo  
una alterave guttula in terram sitibun-  
dam decidit, non dicitur pluvia irrigua  
decidisse; tantulum enim non sufficit  
ad multam terræ siccitatem irrigan-  
dam, quæ plenas nubes exposcit. Ita  
quorundam Eleemosynæ nomine ist-  
hoc non sunt dignæ, quæ & illorum  
opibus, & egentium necessitatibus lon-  
gè sunt inferiores. Illa nomen suum  
meretur, quæ liberalis instar pluvie  
agros inebriat & saturos reddit. Ine-  
briavi animam lassam, & animam esu-  
rientem saturavi.* Si molestum vobis  
non accidit, dabo vobis eandem mi-  
serationis vestræ in alios exercendæ  
mensuram, quàm ipsi à DEO flagi-  
tatis. Omnes respectu DEI mendici  
sumus, atque ideo ad magni illius Pa-  
tris familias januam supplicamus, nullâ  
non horâ clamantes: *Miserere mei  
DEUS secundum magnam misericordi-  
am tuam.* Domine converte oculos  
tuos ad miseras meas, & pro tuâ ma-  
gnâ misericordiâ Eleemosynam largi-  
re. Quòd si DEI misericordiam in  
nos magnam esse volumus, magnam  
omnino etiam proximo nostro exhi-  
beamus, ita ut non egenus tantum  
abeat

abeat contentus, sed Anima etiam nostra suum integrè debitum expungat; ad eum fermè modum, quo sancta illa Tabitha fecisse scribitur: *Erat plena operibus bonis & Eleemosynis, quas faciebat*: plena operibus bonis habita consideratione personæ propriæ, Eleemosynis autem respectu pauperum, quibus erogabat: quasi plus præstitura, si plura mulier præstare potuisset. Et certè, quæ est manus illa, quæ ad dona à DEO recipienda nunquam non aperta; ad expendenda verò pro DEO & DEI amore munera nunquam non est parca & clausa? non est manus Eleemosynarii: & ideo vestra non sit.

<sup>4.</sup> *Non sit porrecta manus tua ad accipiendum, & ad dandum collecta.* Eadem S. Thomæ mens est, qui proprium Eleemosynæ esse judicat, dare abundanter. *Laudabile est abundanter dare.*

III. Observandum est tamen, hanc abundantiam non absolutè accipiendam esse, sed, ut ipse ait, cum proportionè ad dantis bona & vires. Vidua illa, quæ nonnisi *duo minuta* in gazophylacium immisit, majorem, quàm omnes alii à Christo laudem tulit: *plus omnibus misit*: scilicet non alia ex causa, quàm quòd inopiæ illius gravius accidebat, istis se minutis exspoliare, quàm opulenti aliis ingens argenti pondus erogare. *Omnes ex eo, quod abundabat illis, miserunt*: hac verò de penuria sua, omnia quæ habuit, misit, totum victum suum. Potest igitur quis vestrum magnus esse Eleemosynarius, etiam qui dives non est; potest enim dare partem illius, quod ipsi foret ne-

cessarium, & hac ratione superare omnes alios, qui, quo abundant, se prævant. *Frangere esurienti panem tuum*, ait *1sa. 58. 7.* DEUS per Prophetam: si non habes nisi unum panem, quo vivas, atque ideo totum dare non vales, divide eum, & dimidium egentibus elargire. *Frangere, & parèm cum divitibus remunerationem habebis, quin & ampliorem*; virtus enim liberalitatis desumitur à cuiusque opibus: quo fit, ut non Opulenti tantum liberalium nomen promereri possint, sed Pauperes etiam, id quod Philosophus docet: *Nihil prohibet aliquos virtuosos, licet sint pauperes, esse liberales.* Sufficiet eam Regulam observare, quam Senior Tobias dilecto filio suo præscripsit: *Quomodo potueris, ita esto misericors: si multum tibi fuerit, abundanter tribue; si exiguum tibi fuerit, etiam exiguum libenter impertiri stude.*

IV. Antiqui illi Christiani alià eaque longè pulcherrimà industrià conquirebantur in numerum Eleemosynariorum venire; ut enim rerum suarum partem egenis possent communicare, ipsi jejunabant; ad quod faciendum Summorum etiam Pontificum consiliis inducebantur: *Sin verò aliquis non habet, jejundet, & cibum illius diei partitus, destinet Sanctis.* Unde non potestis non videre, quanto veri illi Fideles studio contenderint; ut manus ad exercendam charitatem quàm promptissimas & apertissimas haberent, cum pro se & aliis, quod commederent, non suppetebat; sibi ipsis famem indixerunt, ut aliis, quod roderent, impertirent.



V. Quid igitur de illis temporum nostrorum divitiis dicemus, qui manibus semper constrictis vivunt? cum mendicum sibi obvium habent, ne quidem ad numulum unum ei suppetendum moveri possunt, ex tot, quibus crumena turget, satisque se esse misericordes arbitrantur, si dicant sine stomacho: *DEUS te adjuvet, vade in pace.* Laudabile est omnino illorum Christianorum inventum, qui cum non habent, quod erogent, illico preces quasdam fundunt, quibus DEUM exorent, ut ille indigentium istorum curam suscipiat, eisque aut patientiam conferat, aut pecunioso cuiuspiam mentem injiciat, ad ipsi subveniendum. Sed quam mihi hoc placeat, maximè in iis, quibus reverà deest, quod largiantur; ita summè in illis displicet, qui, quod dent, habent. An æquum bonumque vobis videtur, quod locuples egenum ad DEUM mittat, ab ipso stipem rogaturum, cum DEUS potius hunc ad divitem ablegat, ut habeat, cui opituletur? Morabatur Daniël Propheta longo satis tempore jejunos in illo celebri Leonum specu, cum DEUS Angelum destinavit, qui Prophetam Habacuc capillis apprehensum è Judæa in Babyloniam transferret, à quo prandium messioribus apparatus, utut tenuè & frugale, acciperet. Quare DEUS non per eundem Angelum, quod illi erat facile, & videbatur viâ longè breviorè fieri potuisse, cibum submisit, ac Prophetam Habacuc suum sibi pulmentum habere permisit? Vult nimirum DEUS, ut Eleemosynam homines

impertiant, & sic mutuo amore in suis se necessitatibus complectantur. *Estote Ep. invicem benigni.* Et si quando Inopes, captivi, infirmi, aut quavis alia miseria præpediti, Opulentos accedere non valent pro auxilio opportuno, uti non poterat Daniël, vult DEUS, ut Opulenti in egenos inquirent, eisque subveniant, id quod tunc Habacuc fecit. Et vos contra optimum hunc ordinem, denuo pauperem ad DEUM amandabitis, quando ipse DEUS pauperem ad vos ablegat? & mittit quidem, non quod infiniti alii modi, quibus egenis provideat, ei non suppetant, etiam sine miraculo, sed quia eos per vos juvare vult, vósque suorum loco dispensatorum constituit. *Dispensatores multiformis gratia DEI.* Certè in hoc laudare vos non possum: neque enim DEUS in vestrum vult officium involare, idque, quod vobis incumberet, facere. Si dicat aliquis ex vobis: *Ite in pace, calefacimini & saturamini, non dederitis autem, quæ necessaria sunt corpori, quid proderit?*

VI. Quid porrò de illis dicemus, qui pauperibus aliquid subministrant, non ea tamen intentione, ut eorum necessitates sublevent, sed ut habeant, quod eos magis premant? Et hi tamen ipsi Eleemosynariis se accensent. Quasi pauperum forent Patroni, anticipato quasi munere levamen porrigunt; eo tamen fine, ut suo tempore cum fœnore & usura illud recipiant. Hæ non sunt illius, quem quærimus, Eleemosynarii manus, harpyarum potius ungues dixerimus. **Accidit non**

nonnunquam in æstate, pluviam adeò nitro insectam decidere, ut fata omnia destruerentur eo ipso tempore, quo miseri coloni sibi pluviam gratulabantur. Idem Egenis contingit, prodigio nostris temporibus, heu! nimium familiaris: magnificis nescio quid verbis datur, re ipsa pæne nihil. Lapsu temporis id ipsum, quod cum onere restitutionis concessum fuit, plus quam acceperint, redhibere compelluntur, ut denique, si res suis momentis libretur, pro eo quòd humoris aliqui alieni pauperculis hæc plantis relinquatur, etiam id, quod proprium erat, exsugatur. Heu crudelia auxilia! nôstis, quòd

10. Chiromantæ, antè, quàm sortem prosperam aut adversam prælagant, manum prius inspiciant: quæ si bene formata est & lineas palmæ longas, tetras, distinctasque habet, indicium longæ vitæ præseferunt. Ego verò de manu tam liberali atque compressa nunquam auderem felix & auspiciatum edere augurium *vita qua nunc est futura*, Eleemosynariis à DEO promissæ. Enimverò nihil ad ipsos vita pertinet, dum ipsi nihili pendunt, id quod à morte liberat: *Eleemosyna à morte liberat.*

## II.

VII. Pergamus porro in explicanda Eleemosynarii imagine. Post manum amplam & apertam vultus alacris & affabilis venit. Qui rerum mimilitarium bene gnari sunt, volunt, ut qui militem parat scribere, attentè vultum ejusque consideret, atque ex eo de magnanimitate Candidatorum militiæ conjecturam & judicium faciat. Credo equidem, observatio-

nem hanc magni esse ponderis. Ego tamen profiteor, non erraturum me, si cujuspiam vultum, qui Eleemosynas elargitur, contuitus fuero; longèque majori cum certitudine edicturum, an veræ misericordiæ radiis resplendeat, an fictis tantum simuletur: cum ipse etiam DEUS in Eleemosynario liberalem hilarémque vultum requirat: *In Eccle. 35. 17. omni dato hilarem fac vultum tuum: ut ex ore Ecclesiastici audimus. Hæc enim vultus hilaritas mirum omni Eleemosynæ splendorem conciliat. Qui Rom. 12. 8. miseretur in hilaritate*, ait etiam Apostolus. Ille enim, qui in pauperibus Eleemosynam recipit, DEUS, magis intima cordis respicit penetralia, quàm externam operis apparentiam. Quin neque hoc tantum contentus, per eundem Apostolum pergit dicere, ut, si quid datur, id non fiat *Ex tristitia, aut ex necessitate*, siquidem DEUS magis ipsam dantis liberalitatem, quàm doni magnitudinem intueatur: *hilarem enim datorem diligit DEUS. Quod 2 Cor. 9. si DEUS hæc contestatur, non est, quod in dubium trahatis.*

VIII. Quod si denuò rogetis, quanta hæc largientium alacritas esse debeat? dicam. Quisquis Eleemosynam erogaverit, plus se recipisse, quàm dedisse præseverat. Mensura hæc est, quam S. Chrysostomus vobis consignavit, ad Charitatis Christianæ modum ex æquo cognoscendum, *si Hom. 13. ad pop. putes, te magis accipere, quàm dare.* Robertus Galliarum Rex semper mille pauperes suis sumptibus alebat, eosque viæ comites secum ducebat ab una civitate in alteram, neque unquam

li 2. fere;



terebat, ut pedites incederent; corporis Regii stipatores dixisses, nisi honorarios Aulicos rectius quis compellasset. S. Joannes Eleemosynarius, cum pauperes ad se vocaret, *Domini mei*, inclamabat, B. Amædeus à Saubaudia nobilissima methaphora canes suos venaticos appellabat, quorum ope Regnum cælorum venaretur. Hic omnino genuinus Eleemosynariorum vultus est, expers omnis rugæ, explicatus, jucundus, in quem lætissimo ex corde hilaritas transpiret.

IX. Verum quàm remoti à serenissimo hoc vultu sunt, qui, quidquid pauperibus erogant, à se cum stomacho abicere videntur, adeò invitilargiuntur. Tot adhibent cautiones, tot movent quæstiones ac dubia, prius quam assis partem minimam è loculis promant, ut de flore sanguinis ex venis intimis eliciendo agi putes. *Quare*, inquit, *non laboras? quare te ipsum non juvas? cur vires tuas non exeris? quare tuismet brachiis ac manibus non lucraris, unde vivas?* aliisque similibus miseros sine fine exagitant. *Exigua dabit, & multa improperebit.* Et hæc est miseratio succurrentis? Olim in Hibernia Matres, ut filios suos ad bellum instituerent, à primis statim incunabulis, panem ensis mucroni affixum porrigebant. Quid aliud faciunt modò nonnulli? tenuem illam stipem, panem mucidum quomodo porrigunt? pro eo, quòd illum dent habitu consolantis, offerunt eum suffixum mucroni verborum acerbè pungentium & vulnerantium, quibus illam Eleemosynæ lux umbram

commitantur. O inhumanam beneficentiam! *in omni dato non des tristitia*—*Eccam verbi mali*, ait Dominus; verba enim suavia omne munus mirè condunt & lapidum reddunt. *Nonne ecce verbum super datum bonum?* Nimis miserum est beneficium, quod est cum injuria conjunctum: nec unquam accipienti accidere gratum potest, dum ipse non parum facit, si vicissim dum munus acceptat, injuriam condonat. Quod si hoc in omni beneficio contingit, quantò magis in illo, quod exhibetur Pauperi, cui, si nihil aliud, saltem bona verba debentur, utpote quæ danti non magno constant? *Quapropter declina pauperi sine tristitia aurem tuam*, hortatur ipse DEUS, & responde illi *pacifica in mansuetudine*. Videte, qua ratione pauperes tractari debeant: Non modò communi aliqua mansuetudine quæ afflicti quique consolationem, accipiunt, excipiendi sunt, sed benignitate longè perfectiore, plæneque singulari fovendi sunt, quæ viscera eorum pace repleat, responde *pauperi pacifica in mansuetudine*. Quia etsi quandoque ratio subesse possit, parum alicui roganti impertiendi, mantumque contrahendi, nulla tamen unquam subesse potest, quæ ad inhumaniter objurgandum frontemque rugis minaciter exasperandam inducat.

X. Duo tamen sunt, quibus crudelitatem suam divites immitissimi palliare, tenacitatèque manûs, & vultus atrocitatem excusare laborant. Primum inde desumunt: quòd Pauperes sæpè se fingant pauperes, & non sint:

sint: aut saltem egestatem suam longè ultra verum exaggerent. Sine dubio cautela quædam in distribuendis eleemosynis adhibenda est; & magis indigi, magisque digni aliis solerter præferendi. *Da bono, & non receptoris peccatorem*, ait Ecclesiasticus, *benefac humili & non dederis impio*. Eo saltem calu, quo eleemosynæ nonnisi ad confirmandos in sceleribus suis nefarios servirent. Veræ sunt hæc omnia, non minùs tamen & istud verum est, quòd nimix istæ inquisitiones & sollicitæ informationes nihil pænè aliud efficiant, quàm quòd illam dandi promptitudinem, bonamque voluntatem multum labefactent. Virtus misericordiæ non dijudicat merita, sed sublevat miseras. An putatis, quòd quinque illa millia, quæ Christus in deserto abundantissimè refecit, non nisi ex bonis fuerint conflata, nullusque inter illos nequam fuerit? Servator tamen ad hoc non respexit, sed solam, quam patiebantur, famis rationem habuit, afflictorumque commiseratione tactus, omnibus eodem modo, etiam novo ac prodigioso, subvenire non dubitavit. Plus dicam: Misericordiam illam, quæ indifferenter etiam in malos exercetur, ex alio capite longè æstimabiliorem evadere; quia quodammodo diviniore est, & magis Patris cœlestis bonitatem æmulator, *qui pluit super justos & injustos*, victumque tam corvis, quàm columbis præbet, æquè largus in utroque Providentiæ suæ dextrâ. *Aperit manum suam & implet omne animal benedictione*. E diverso, qui tanquam

Quæsitores fiscales egeno homini ne frustillum quidem panis largiri volunt, nisi judiciario prius processu instituto, Magistrum & Doctorem habent Dæmonem: hic enim, post quadraginta jejunii dies, à Christo in deserto exactos, cum extremæ huic indigentix subvenire deberet, curiosè potius rescire voluit, homine esset cæteris similis, an DEI Filius. Omitte igitur tot quæstiones, boni an mali sint, qui vestram opem exposcunt. Manum marsupio immergite, & facite officium vestrum hilares ac prompti; quia semper bona est Eleemosyna, etiam cum malus est, qui accipit, & illa melior, quæ celerior. Haud aliter ac ille inter liquores est prior, qui destillat prior. Quòd si Pauper Eleemosynam vestram dilapidabat, lusu exponet, aut commessationibus absument, non ideò quidquam inde deperdetis; siquidem dici non poterit, vos stipem non dedisse. Hujusmodi farinæ Pauper, in quem vos incidere tam sollicitè timetis, à Beato Jordano, Ordinis S. Dominci Generali, stipem petiit, & obtinuit tunicam veterem. Istam Sycophanta mox divendidit, & cum pecuniola inde redacta, junctis sibi aliis lurconibus rectâ ad popinam. Quid putatis virum sanctum respondisse homini factum referenti? Malo, inquebat, tunicam perdidisse, quàm occasionem petitam à me Eleemosynam largiendi: indicaturus hoc suò responso, tum solùm se jacturam fuisse passurum, si alienæ necessitatis non necessaria disquisitione consilium

Plin. l.  
11. c. 15.



Servatoris adimplere clausis oculis omis-  
sisset. An non Christus fuit, qui dixit?

12c. 6. *Omnipotenti te tribue.* Ad quid ergo tam  
30. sollicita investigatio, num pauper sit,  
qui stipem petit, an non sit pauper? sa-  
tis vobis sit scire quod petat ut pauper.

XI. Quod si ad excusationem à fe-  
rendo egenis auxilio non sufficit, dice-  
re, à quibusdam paupertatem simulari,  
qui tales non sint; quantò minùs ex-  
cusabimur, si dixerimus, quosdam  
quidem vera paupertate premi, non  
tanta tamen, quantam ad extorquen-  
dum amplius subsidium obtendunt?  
Imò hoc ipsum ait S. Joannes Chryso-  
stomus, divitum culpæ adscribi debet,  
qui aded duri corde sunt, ut ad com-  
miserationem simplici miseriarum ex-  
positione non moveantur, sed necesse  
sit, illam verbis amplificare & exagge-  
rare. Certè mater illa crudelis est, quæ  
filio blandæ charitatis signa non exhi-  
bet, nisi hic infirmum se fingat.

XII. Alteram parsimonix erga in-  
opes excusationem locupletes à familiæ  
sux necessitatibus mutuuntur: eaque  
justæ inter eos monetæ usum obtinet;  
quàmvis, si planè adulterata non est,  
justi saltem ponderis non sit: ut meritò  
religioni sibi ducere deberent, quòd  
eà passim utantur. Non est, inqui-  
unt, habendi cupiditas, quæ facit, ut  
parcè & inviti Pauperibus largiamur.  
Facit id, quòd dare his non possumus,  
quin subtrahamus nostris liberis: fa-  
cit id amor, quo in hos naturâ feri-  
mur: hic enim cogit majorem semper  
habere rationem eorum indigentix,  
quàm aliorum, quorum cura ad nos  
non pertinet. Equidem ante omnia,

si aliud propositum Parentibus non  
esset, quàm de necessariis prospicere  
familiæ; parùm laborandum esset in  
respondendo huic eorum effato, eo-  
que refutando: sed quia præterea ne-  
mo non id studiosè agit, ut ulteriorem  
ad gradum illam evehat, ideò nemo  
unquam habet, quod sit satis; imò  
quo plus habetur, hoc desideratur  
amplius, tantòque major est amitten-  
di formido. Quicorpore magis obe-  
so sunt; minus sitiunt, siquidem plus  
interni humoris habent; at è diverso  
quò quis in terris opulentior, hoc  
majori plura possidendi siti vexatur:  
& instar plus æquo amantium, peri-  
cula ut proxima & jamjam imminetia  
pertimescunt, quæ ne remota quidem  
sunt. Liberos habetis? quid inde:  
Sancti Caroli parens largas admodum  
Elemosynas in pauperes distribuebat,  
& hinc ab amico quodam admonitus,  
quod tam multa egenis largiendo in-  
opes suos liberos esset relicturus: si-  
ducia dignâ sanè homine Christiano  
reposuit: Ego filiorum DEI curam  
geram, DEUS geret meorum. Et di-  
ctum eventus probavit. Quis un-  
quam vidit, familiam Elemosynis ad  
incitas redactam? quin imò, hic demum  
est modus omnium securissimus opes  
cumulandi. *Honora Dominum de tua Pro-*  
*substantia*, dicit S. Spiritus, & imple-  
*buntur horrea tua saturitate, & vino*  
*torcularia tua redundabunt.* Quis un-  
quam parens locuples prolis suæ Nu-  
trici de victu parcè sordidéque pro-  
spexit? quin utut ea vili etiam condi-  
tione, ab Hero tamen ad suammet  
mensam admittitur, ibi ferculis, ci-  
bisque

bisque lautioribus pascitur, ut lacte abundet, quo charam sobolem nutriat. Et vos DEUM, in omnes divitem, fingitis parcum & tenacem erga eos, qui Eleemosynas largiuntur; licet eorum charitas, tanquam Nutrix amantissima, multis gratissimis DEO filiis, Pauperibus inquam, de alimentis identidem prospiciat. Certum vobis sit, hominem Christianum, qui censet se alienam inopiam sublevando magnam jacturam facere, palam præferre, nullius apud se ponderis esse divina promissa: nec enim aliàs ita differeret, sed certò sibi persuaderet, se indigentibus largiendo æs suum fœnori dare magno illi Mensario, qui centuplum addixit etiam in terris, pro omnibus omnino bonis sui amore relictis.

## III.

XIII. Sordes istæ nostræ effectus sunt fidei intermortuæ ac deficientis.  
 8. *Verum tamen Filius hominis veniens, putas inveniet fidem in terra?* Quapropter ut manus larga, vultusque hilaris in Eleemosynario sit, oportet & oculum ejus Cælum respicere. Volo dicere, pauperibus eo fine & motivo esse succurrendum, quo virtus ista Misericordix formatur & constituitur. *Eleemosyna*, ait S. Thomas, *est opus, quod datur aliquid indigenti ex commiseratione propter DEUM.* Unde ad verum & genuinum Eleemosynarium neutiquam sufficit, pauperi alimenta tribuere; prout etiam canibus aut equis suppeditantur, sed hanc ipsam largitionem ex commiseratione, eaque ex Amore DEI nata, fieri necesse est. Exigit autem hæc commiseratio, ut, qui stitem

dat, imprimis sincerè proximi miseris condoleat. *Flebam quondam super eo, Job. 30. qui afflictus erat*, dicebat S. Job, & 21, *compatiebatur anima mea Pauperi.* Et in hoc sæpenumero Divites deficiunt; quorum viscera nimia prosperitate non raro indurantur, cum eâ potius emolliiri deberent. Facit hæc opum affluentia, ut, cum ipsi à tolerandis pauperum calamitatibus, quin, & à tolerandis timore eximantur, quas in se non experiuntur miseras, nec in aliis æstimare nōrint. Præterea Superbia, quæ verissima est divitiarum tinea, ita Divites inflat, ut credant, nobiliore se, quàm inopes sint, ex metallo esse conflatos; tantumque abest, ut miserando alienas calamitates suas facere velint, ut ne audire quidem eas velint, ut in earum notitiam non veniant. Quæ causa fuit, ut S. Job, commiserationem hanc suam instar affectus apud sui similes divites insoliti & inusitati commemoraret, ut qui præter morem in corde suo teneram milerationem fovisset: *Flebam quondam super eo, qui afflictus erat, & compatiebatur Anima Pauperi.* Quondam ait: non quòd calamitoso illo in statu, in quo, cum hæc loqueretur, versabatur, viscera illa pietatis non sentiret, sed quòd magni non faceret pietatem in condolendo alienis miseris, d m suas ipsa tolerabat; illam autem æstimaret miserationem, quam senserat, cum à propriarum miseriarum sensu erat immunis. *Cum sederem quasi Rex circumstante Job. 29. exercitu, eram tamen morientium consolator.*

XIV. Advertitis opinor, quòd ad nomen



nomen Eleemosynarii comparandum illa solum naturalis pietas non sufficiat, quâ homo hominis, quia homo est, miseretur. Usque huc enim etiam Infideles pertingunt: adeo ut ipse Nero principio Imperii sui asseveraret, se, si alium titulum ad admittendum aliquem supplicem non haberet, hoc uno fuisse movendum; quod communem cum eo naturam haberet. *Nemo non, cui alia defunt, hominis nomine apud me gratio- sus est.* Alius longè Christiani Eleemosynarii oculus collimat; non solum miseratione erga pauperem movetur, sed longè maximè ex commiseratione propter DEUM. In antiquo Testamento præter ignem, qui ad cremandam victimam accendebatur, perfrequenter DEUS alium è cælo deplum, & nobiliorem ac sacrum addebat; qui priori junctus, magnam sacrificio majestatem conciliabat. Idem credite in sacrificio charitatis intervenire, quando præter flammam naturalis affectus, jam ex se laude dignas, aliæ flammæ Christianæ charitatis adduntur, quibus holocaustum in odorem suavitatis compleatur.

Seneca  
de Clem.  
L. I, c. I.

Eccle.  
12, 1.

XV. *Si benefeceris, scito cui feceris.* Verba DEI sunt apud Ecclesiasticum; id quod etiam Christus primo loco in Evangelio suo nos edocet: *quod uni ex minimis meis fecistis, mihi fecistis.* Non contentus fuit uno quodam admirabili modo realem suam præsentiam in SS. Sacramento nobis reliquisse; voluit præterea nobiscum permanere in pauperibus, eosque dignitate humanam longè transcendente ornare, quæ-

lis est Oratorum, qui ipsam Principis personam referunt; ita illorum utilitates & commoda cum commodis uniendo, quasi una amborum causa foret. *Qui calumniatur egentem, exprobrat fa- tori suo, ait sapiens, honorat autem eum, qui miseretur pauperis.* Quinimò videtur DEUS sui quodammodo emolumenti oblivisci, usque adeo magnam Pauperum suorum rationem habet. Unde novissimo illo Judicii die vix aliis super quæstionibus examinabimur cum summo rigore, quam quæ ratione opera charitatis in proximum exercuerimus, aut non exercuerimus: adeo cordi est DEO, ut probè intelligamus, se esse in pauperibus, in iis despici, aut honorari. Beatus Joannes DEI hanc in infirmos, eosque magis derelictos, pietatem summo studio exercebat, quotquot in urbe Grænatensi offendebat: tollebat in humeros, abluabat eorum pedes, osculo salutatos suo etiam lectulo inferebat. Omnia hæc charitatis officia die quadam in pauperem valde miserè affectum conferebat; cum verò pedes ejus oscularetur, miro fulgore radiantem subito ex oculis amisit, amplissimam mercede hujus effati relictâ: *Joannes! quod Pauperi fit, mihi fit.* Accidit huic Sancto, quod nonnunquam piscatoribus, qui, cum piscem vulgarem reti se cepisse arbitrantur, concham margaritifera postmodum inveniunt, piscatione thesauro conferendâ. Ita B. Joannes vili mendicabulo famulari se ratus, agnovit se Cælorum Regi sua obsequia præstitisse.

XVI. Interim tamen, si Christus

Do-

Dominus non in cujusvis personâ pauperis se oculis spectandum exhibet; in quolibet tamen tanquam in suo ad divites Legato adest. Et certè postquam Verbum Divinum in sacratissimo Incarnationis mysterio humanam sibi naturam desponsavit, dicendum est, moralem hanc illius præsentiam in quovis homine reperiri, (qualis illa est, quam caput respectu membrorum habet) maximè verò in Christianis, quorum caput est non solum ratione primatûs & perfectionis, quam omnium hominum comparatione habet, sed vel maximè ratione influxûs, quo in Christianos (quæ capitis propria virtus est) suas Gratias derivat. Nihilominus Christus Dominus in pauperibus est modo prorsus singulari, quo nimirum planam denuntiavit velle se eos inter mortales suo loco haberi, sic ut singulæ eorum miseriæ ad se peculiari quadam ratione pertinerent. *Esuriri & dedistis mihi manducare: sitiri, & dedistis mihi bibere, & quod fecistis uni ex his fratribus meis minimis, mihi fecistis.* Propterea S. Salvianus Episcopus Christum omnium pauperum pauperissimum appellavit, etiam dum Cælum in omnium rerum abundantia gloriosus incolit; nam, ait magnus hic Vir, cæteri pauperes in uno quodam genere penuriam patiuntur, Servator autem; cum in omnium pauperum personis unus ipse indigeat, dici potest uno & eodem tempore omnes omnium Pauperum calamitates unus tolerare, frigus scilicet, nuditatem, famem, sicut & hujusmodi, quæ in

*R. P. Segneri Christ. Instr. Tom. I,*

nullo alio omnes reperiuntur. *Sunt, Salvian. quibus si desunt multa, non desunt omnia, solus Christus est, qui in omnium pauperum universitate mendicet.* Et hæc ait S. Augustinus, fuit summa illius benignitas, eò reduci voluisse, ut etiam nunc cum pauperibus stipem roget, adeò, ut dum pauper manum porrigit, non Pauper stipem accipiat, sed ipse DEUS. Ille est, qui notat omnia & se debitorem constituit, ut suo ea tempore compenset: ille, qui factam repulsam fidæ memoriâ retinet, à quocunque illa pauperibus, personam illius referentibus, circa causam fuerit data. Ille, qui gravissimam vindictam in Evangelio minatur; in extremo die Judicii sumendam. Gedeon habitatoribus in Socoth contra desertum, quòd militibus fame laborantibus subsidium ferre detrectassent, terribiles hæcce minas denuntiavit: *Cum reversus fuero, conteram carnes vestras cum spinis tribulisque deserti*, ita ut ne memoria quidem vestri remaneat. Quantum verò potentiùs Christo brachium est illo Gedeonis, tantò etiam vindicta erit magis horrenda in illos, qui ita se inexorabiles & duros præbuerunt. *Cum reversus fuero, conteram carnes vestras cum spinis tribulisque deserti.* In fasciculum Divites cum divitiis (quæ verissimæ deserti, in quo me contempserunt, spinæ sunt) colligabo & succendam igne omnia, ita ut nullum robur, virtus nulla ullo unquam tempore hoc incendium valeat restinguere.

XVII. Hoc igitur oculo aspiciendi sunt



sunt inopes. & in eorum centonibus invisibilis ille Dominus requirendus, qui, cum necessitatem pati amplius nullam potest, in quovis tamen paupere mendicum se exhibet, ut Divitibus occasionem præbeat, quâ meritum Eleemosynæ colligat, dum non miserabili cuiuspiam homini, quem præ oculis habent, succurrunt, sed rerum omnium Domino, in opum personam induto. Oculo hoc non aperto, Eleemosyna jam non amplius est Eleemosyna. Potest quidem Christianus quispiam hominibus liberalis & humanus videri; coram DEO autem, qui sine hoc oculo stipem largitur, titulum Misericordis & Eleemosynarii non promerebitur. Eleemosyna, si Divo Thomæ credimus, verè ac propriè actus est misericordiæ, utpote ex qua una immediatè procedit; quamvis etiam mediatè à Charitate, & à Religione tanquam causa imperante eliciatur. *Eleemosyna est propriè actus*

*3. Thom. 2. 2. 9. Misericordia: sed est actus Charitatis ex*  
*37. 4. 1. consequenti & mediatè; Latræa verò*  
*imperativè.* Ecce; quàm pulchræ atque insignes virtutes in una Eleemosyna conveniant, haud aliter, ac diversa maximi pretii metalla, ex quibus hoc cœli Electrum componatur. Concurrit in primis Misericordia; quia Eleemosynarius debet per misericordiam in partem venire omnium miseriarum, quibus pauperes affliguntur; ne beneficâ solum manu iis subvenire, sed animo quoque condole-  
*Rom. 12. 13.* re. *Necessitatibus Sanctorum communicantes.* Concurrit secundo loco Charitas, dum Proximis succurritur, non affectu merè naturali & humano,

sed Divino & supernaturali; qui in Eleemosynariis efficit, ut Egenos respiciant tanquam totidem Sanctos; hoc est ut Christianos, nunc quidem Gratiæ, postmodum verò Gloriæ capaces. Quæ etiam causa Apostolum permovit, ut diceret: *necessitatibus Sanctorum communicantes*; non dicit necessitatibus hominum, quia Charitas se habeat oportet ad actum Eleemosynæ instar animæ, à qua vitam ac spiritum accipiat. Tertio loco concurrit Religio, eam imperando, *imperativè*; cum enim Eleemosyna distribuitur, oculus DEI honorem respicit, imperantis scilicet, ut Proximo auxilio simus. Et forsan etiam ex hoc ipso capite Eleemosyna Sacrificium vocatur: *talibus enim hostiis promeretur DEUS*; quia sicut in Sacrificio, licet commodum & utilitas Sacerdotibus, qui victimis alebantur, accresceret, finis tamen principalis semper erat honor DEI, cujus suprema Majestas ipsa Sacrificii actione agnoscebantur, quamque immolantes profitebantur; ita quamvis Eleemosynæ proventus pauperi cedant, finis tamen scopusque Eleemosynam impertientis semper statui debet DEI honor; & hinc oculum suum à terrenis omnibus attollere, ac in cœlum dirigere debet. Quod ipsum Servator docere nos voluit, quando antequam Eleemosynam illam grandem, quâ quinque hominum millia in deserto pasturus erat, distribueret, & panem piscisque multiplicare, *respexit in cœlum*, ut S. Lucas observavit; ut nimirum sensibili hoc signo ostenderet, simile quid nobis facien-

faciendum incumbere ; cùm egenis alimenta ministramus ; fidei nempe oculum in cœlo & DEO figendum , cujus amore Pauperibus succurrimus , non verò in terra & creaturis , quas palcimus. Beatus ille , qui oculos ita semper apertos teneret , semperque in Cœlum conversos ! quomodo enim fieri posset , ut pauperibus unquam  
 4. quidquam negaret ? *si scires domum DEI , & quis est , qui dicit tibi , da mihi bibere* , dixit Christus ad Samaritanam in aquæ haustu concedendo cunctabundam. O quàm idipsum horum temporum Divitibus occinere posset , qui crudeli prorsus tenacitate panis reliquias egenis negant , canibus autem suis & equis largè eundem porrigunt ! Ah miser ! si scires , quis ille esset , qui in persona pauperis ad domum tuam supplex exspectat ! quis ille , qui voce pauperis aliquod miseriis suis levamen rogat ! quis ille , qui in manu pauperis manum suam ad te extendit , accepturus , quod dederis ! *si scires quis est , qui dicit tibi , da mihi bibere* , si scires , inquam , felicissimam sortem tuam , quæ etiam non quæsita ultrò tibi obvenit , & Regnum cœlorum offert ; tuorum peccatorum remissionem promittit ; debitorum tuorum expiationem concedit , & obstetricante Misericordia Filium DEI te efficit ; certus sum , fore , ut non modò abundanter , & sine omni cunctatione dares , nec solum non exprobando , non fastidendo , sed maximo tuo bono addisces etiam tu mendicare in animæ tuæ bonum. Volo dicere ipsum pauperem tumet incitates , ut à te stipem pe-

teret : *tu forsitan petisses ab eo , ac reputares te aliquid ab eo accipere , cùm donas.*

XVIII. Maximum itaque Eleemosynæ arcanum est , eandem fide posse animare ac bona intentione ; & actum aliquem communem ac naturalem ad pretium & dignitatem omnino supernaturalem ac cœlestem attollere. Satis non est , seminare : sed insuper certa Lunæ incrementa aut decrementa , & ejusdem cum aliis sideribus conjunctiones seminanti observanda sunt , majoremque Cœli quàm terræ notitiam habere oportet , si copiosam expectare messem velimus : id quod majori longè studio in Eleemosynæ negotio observandum est , quæ aliàs tota in herbam brevis vitæ inutilis abibit , absque eo , quòd unquam in fructum vitalem maturelcat : *receperunt mercedem suam.*

XIX. Ex quo facilè inferetis , in quanto illi periculo omnem suam Eleemosynam deperdendi versentur , qui non nisi cognatis & amicis benefaciunt. Demus enim , agnatos vestros verè pauperes esse , saltem habità conditionis suæ ratione : considerandum tamen primò est , quòd qui uni solum familiæ , utut egeni & inopi , succurrit , non mereatur nomen communis cujusdam Patris Pauperum (qualem tamen præstare se non unus debet) cùm illius officio reverà non fungatur. Deinde , & longè magis debet attendi , aliud longè esse , pauperi quidquam tribuere , & aliud dare pauperi , quia pauper est , aut quia pauper est à Christo commendatus. Si quidem



sanguine junctis paupertate pressis libenter subvenitur, quia tales sunt; & ex inclinatione illa naturali, quæ nos urget, ne nostris desimus: non subvenitur ipsis, quia egeni sunt, aut quia Christi personam referunt: unde quia hujusmodi Eleemosyna coram DEO Eleemosyna jam non est, ita promisso etiam merito, gratiæque caret. Perniciosissimus ille bruchus est, qui vitem aggressus non satiatur foliorum arrosione, quibus tamen alii contenti sunt, sed ipsos etiam virium oculos, quos dicunt, arrodit. Simili ratione Cacodæmon, quando Eleemosynam aperta vi impedire non valet, oculis saltem intentionis oculum petit, ex quo totum meriti incrementum dependet, & vitæ æternæ principium. Attendat igitur, qui stipem solum sanguine junctis imperit, ne semen jaciatur, quod terram quidem pinguem reddat, seminanti autem fructum aut nullum, aut modicum ferat. Ad hoc respiciebant magni illi Sancti, qui in consanguineos tuos haud aliter, ac in quovis alios ignotos, liberalitatem suam exercebant; quia licet ordinata charitas requirat, ut in æquali necessitate magis conjunctis subsidium feratur, gravi tamen periculo non vacat, ne hujusmodi miseratio suo merito excidat, atque extra orbitam saliat. Unde ad gravissimam hanc deceptionem evitandam, eam sancti Eleemosynæ formam eligeant, quæ à jacturæ periculo magis erat secuta, illudque genus seminis, quod fructui ferendo magis foret idoneum. Suis aliquid dare,

etiam cum intra limites æquitatis constituitur, tam vilis res est operæ, ut ne nomen quidem simplicis cujusdam liberalitatis mereatur; ratio est, quia qui suis dat, sibi ipsi dare censetur. Ille liberalis est, qui pecunias à se procul removet, quos aliis largitur, eoque liberalior, quo à se remotius quasi fortiori brachio, projicit. Ut quis in consanguineos projiciat, quodlibet brachium sufficit. Quod si igitur misericordia in consanguineos exercita communem liberalitatis titulum non mereatur, vobis cogitandum relinquo, an ea sufficiat ad Eleemosynarii, quem hactenus operose inquirimus, titulum cuiquam tribuendum?

XX. Atque ex hactenus enumeratis signis facile vobis erit colligere, quisnam hoc pulchro nomine dignus censi possit. Eleemosynarii nimirum sunt, qui & manum largam & apertam habent, multum pro sua quisque conditione & statu Pauperibus impertiendo; & qui præterea vultu sunt hilari ac jucundo; id quod dant, haud quaquam inviti, ac reluctantes largiuntur. Denique qui oculos in Cælum defigunt, non alio, quam quem Fides proponit, sine ad benefaciendum impulsu. Hi sunt beati: *Beatus, qui intelligit super egenum & pauperem.* Impedimenta, quibus ab eroganda stipe retrahimini, nec vestra sunt nomina, nec propria indigentia, non filii, non familia: prætextus sunt isti, mihi credite; verum & unicum impedimentum inde est, quod Egenos oculis solum corporis, non verò

verò mentis intueamini. Et hinc non ait Psalmista: *Beatus qui videt*: sed *beatus quis intelligit*; scilicet, qui intelligit eum, qui est *supra* Pauperem, DEUM, inquam, qui hunc charitatis actum præcipit: intelligit eum, qui est intra Pauperem, Christum scilicet, qui ut sibi datum recipit, quod aliis sui amore impenditur; intelligit id, quod est *circa* Pauperem Divinam Providentiam, quæ Pauperem ad divitem mittit, ut per hunc actum Dives salvus fiat, Pauper verò vivat & sustentetur.

8. *Assistit à dextris Pauperis.* Qui hæc

bene intelligit, beatus, & quidem non tantum secundum vitæ præsentis conditionem, sed longè magis secundum futuræ; quia *in die mala liberabit eum Dominus*, *Dies mala* dies mortis est, quis nescit? *cur timebo in die mala?* Et tali die quæ ita absolutè mala dicta est, quia plerisque mortalium mala est, tam docilis *intelligens* liberabitur à tot malis, quot sunt, quæ diem illam ultimam malè conclusam manerent. *Beatus, qui intelligit super Egenum & Pauperum: in die mala liberabit eum Dominus.*

## DISCURSUS XIX.

### *De Præcepto Correctionis.*

I. **I**Nter omnia præcepta à Christo in Evangelio tradita nullum videtur observatu minus difficile, quàm quod de correctione delinquentium nobis imposuit: *si peccaverit in te frater tuus, vade & corripe eum.* Quis enim ignorat, quàm cavillatrix & critica sit hominum indoles ad dijudicanda aliorum opera? Nullus est locus, quo non funestum iudicii sui tribunal erigat: sine testium examine, sine utriusque partis auditis rationibus, sine ullo iudicis usitato processu autumat, sententiam se ferre posse de quibusvis cum omni securitate; & in quovis hoc sibi jus arrogat, & arrogatum exercet cum assiduitate, ut S.

Joannes Chrysostomus non verèatur dicere, Homines in hoc iudicandi negotio tantum non omnem suam vitam consumere. *Ad condemnandos cate-* L. i. de  
*ros, omne vita nostra tempus absumi-* Com-  
*mis.* Quapropter supersedere penitus *punct-*  
possem omni de hoc præcepto Discurs- cord.  
su, ac supponere, freno potiùs, quàm calcari opus fore, si de aliorum vita, ac vitæ erroribus corrigendis agendum videatur. Neque tamen ita se res habet; si enim veritati adstipulari volumus, fate-  
ri necessum habemus, rabiosis canibus hac parte nos esse similes. Os habemus, quo mordeamus, non quo allatremus. Si de malo detractionibus augendo agitur, toti lingua sumus ad nævos proximi carpandos: at si de malo sua-



vi correctione emendando agitur, pifce magis muti fumus: tunc enim nulla nos ratione in aliorum factaingere volumus: tunc satis nobis nobiscum negotii esse profiteamur: tunc nolumus implicari tricis, quæ ad nos non pertinent. Bene est, contentus sum, nolo vestris humeris majus onus imponatis, quam vos attingat. Ostendam proinde, quid à vobis hoc correctionis præceptum exigit. Totum Discursum in partes duas dispertiam: in prima exponam præceptum errantes corrigendi; in altera methodum docebo, quâ præceptum hoc utiliter ac fructuose adimplere valeatis.

## I.

II. Qui ex officio alios regit, obligatur etiam, quos regit, corrigere. Navarchus, qui navigium vi muneris sui ad portum dirigere tenetur, nunquid obligatur ad rectam semitam illam navem reducere, quando aut aquarum imperu, aut ventorum vi ab illo declinavit? Quis hoc neget? Et hanc ob causam isto correctionis præcepto ante alios tenentur summi Animarum Pastores, Parochi, Confessarii, Patres-familias, & quicunque aliquam in alios jurisdictionem exercent temporalem, aut spiritualem. Propterea DEUS vehementissimè per Prophetam Ezechielem de illis animarum rectoribus conquestus est, qui solummodo redditibus à suo grege collectis se paciendo, nullam sibi commissorum curam habebant; non sanabant infirmos, non reducebant errantes; non quære-

bant; quod in sylva aberrando propèperiêrat. *Vae pastoribus Israël! quod agrotum fuit, non sanastis, quod abjectum, non reduxistis, & quod periêrat, non quaesistis.* Vocem hanc, *Vae!* à DEI ore egressam, instar tonitruum esse cogitate, quod æternâ nostram damnationem præcedat, O Sacerdotes, si Ecclesias parochiales occupemus ut curati, si Sacramenta administremus ut Confessarii, animas interim curæ nostræ creditas æterno exitio exponamus, dum piget os aperire ad iis opportunè subveniendum. Ex quo inferre licebit, quantum ii desipiant, qui vellent, ut Sacerdos ne ex luggesto quidem in communia, aut pro Sacro Tribunali in particularia unquam scelera invehetur. Quod dum volunt, nihil aliud petunt, quam ut Sacerdotes pro ipsorum peccatis Infernum subeant; ipsi autem interea voluptatibus indulgeant; crumenas & cupiditatem alienis bonis expleant; concupiscentias in aliorum carnibus restinguant, Linguam in aliorum famam exerant; Sacerdotes verò pro ipsis, aut cum ipsis plectantur, tanquam suo silentio criminum facti participes, licet voluptatum, quas ex vitiis suis perceperunt, omnino exortes. *Custodi virum istum,* ait Dominus ad omnes Ecclesiarum Rectores, *custodi virum, qui si lapsus fuerit, erit anima tua pro anima illius.* Curam habe subditorum istorum, quos tibi committo, quorum si quis tuâ culpâ periêrit, nôsse te velim: pares te cum illo pœnas subiturum. Et quàm id jure ac meritò! Si, cum pastor altum dormit, ovium grex damnum inferat agris vestris, quid

quid agitis; ad tribunal pastorem trahitis, dicitisque: Tu es, qui damnum intulisti, tu restitue. Et tamen pastor dormiebat, nec malum ipse ullum inferebat. Verùm ipso suo somno sat mali inferebat, ipsaque suâ socordiâ, quâ malum poterat ab agris avertere, satis se fecit reum. Ita planè etiam se res habet in casu nostro. Scandala illa, quæ nos non corrigemus, nobis imputabuntur, quia tacuimus; scelerisque à DEO majoris arguemur propter peccata vestra, quæ corrigere debeamus; quàm vos ipsi, qui commisistis, non correcti. Sed de his satis; quia hac ratione mihi potius, quàm vobis prædicarem.

III. Dicam equidem, quòd fors eadem maneat omnes Patres, Matrèsque, qui nullam aut exiguam in filiis suis admonendis curam adhibent, ut illorum filii non esse videri possent.

9. *Durantur ad filios suos quasi non sint sui.* Ita Sacra Pagina de Parentibus hujusmodi loquitur, & utitur similitudine notæ avis Struthionis, quæ ova quidem parit, sed incubando nunquam excludit reliquarum more volucrum, solum arenâ coeperit, & quasi officii sui partes explèssæt, forti illa committit. Hujus forsàn magna Christianorum Parentum pars admodum similis est, qui cùm filium genuerint, de ejusdem educatione exiguam porrò rationem habent, sed omnem suam curam ac sollicitudinem eò convertunt, ut terrâ cooperiant; anxie illi de commodis, ac pecuniis prospiciant, atque illius negotia promoveant, haud aliter, ac si corpus sine anima circumferret.

*Durantur ad filios suos, quasi non sint*

*sui.* Aliis insuper ex causis non paucos ejusmodi Parentes stolidæ huic avi conferrem. Sicut enim hæc tam valido pollet stomacho, ut ferrum digerat; ita pari ratione illi tam forti stomacho valent, ut gravissima quævis ac exitialis scandala longissimo tempore in suis familiis nullo sensu tolerant ac dissimulent. Villæ quidam Dominus puellæ rusticæ amoribus capitur, domum ejusdem frequentat conscio villi; co puellæ patre, alloquitur blandè, vestit bellè, donat liberaliter, honesto locare matrimonio pollicetur. Non fugiunt ista patrem, tacet hic, aitque filiam suam esse bene moratam, nihil ab illa mali timendum. Et hoc totum scelesti illius commodi & lucri gratiâ, ne aut domo illâ, quæ mali hujus pessimus nidus est, deturbetur, aut filia donis illis, quibus amicitia pessima fovetur, privetur. Fidem arrogatis? sed ignoratis, piscem, dum hiantibus faucibus escam capit, hamo tandem teneri? Quæ vobis causa persuadet, ideò tam beneficium herum vestrum esse, ut donare vobis velit, quod suum est, dum nonnunquam in rationibus subducendis non dubitavit vobis subtrahere, quod vestrum est? Fiditis pudicitie filie vestræ? an nescitis, cibis, & blanditiis etiam Tigrides cucurari? nempe auro omnium metallorum rubigo abstergitur; hoc est, quod etiam vos elingues facit; hinc non excandescitis, filiam vestram non objurgatis, vestem ipsi donatam non dilaceratis, & in ejus oculis in mille frustra discerpitis.

IV. Verùm hoc non ita frequens est: illud



illud magis mihi dolet, quod in dies singulos evenire cernimus; scilicet, quod matres ita conniveant filiabus, dum sero vespere sub foribus consistunt, quando in sylvis, in agris, in castris solæ cum solis reperiuntur: ut jam silentio præteream maledictum illum morem, & nullis satis declamationibus proscindendum, quo toto anno in seram noctem vigiliæ extrahuntur, Juvenēsque puellis ad latus assident, sine verecundia; inter risus, colloquia, & omnis generis jocos tempus exigunt. Priscis temporibus, quibus fidei Catholicæ beneficio Idololatria nondum proscripta erat, Patres nonnulli ac Matres filiolos suos ad statuam cujusdam DEI sui adducere solebant, eique offerre. Ritus illius consecrationis erat ejusmodi. Luculentus circa alienam statuam ignis accendebatur, tum in ejus jam candentis gremium teneri illi infantuli conjiciebantur. Ne tamen clamoribus suis Parentum viscera commoverent, mos fuit, tubas inflare, tympana pulsare, & instrumentis musicis omnis generis personare, nequa uspinam alia vox allaberetur. Non fallit, qui morem istum nostris etiam adhuc temporibus vigere asseruerit; nisi quod tunc temporis concremarentur corpora inter candentis Idoli brachia; nunc autem vivere desinant animæ; cum interea omnia domi festis clamoribus personent, cantetur, saltetur, ita ut Patres, Matrēsque ad præsentissimam suarum stragem adolescentularum nullā penitus commiseratione moveantur. O Parentes Christiani quid agitis? Si vestrarum

vos prolium non tangit miseria, vestri saltem ipsorum tangat. An non intelligitis, quantum causa vestra aggravetur, quandoquidem omnium excessuum, quos impedire possitis, nec impeditis, gravissimam DEO rationem estis reddituri? Quare igitur non evigiliatis? quare non increpatis? cur domo non expellitis hospites, qui aliud nihil, quam infamiam familiis vestris inferunt? Nulla unquam experientia docuit, Animulam quampiam emolumenti aliquoties ex hac conversandi libertate cepisse; quotidie autem videmus, quam plurimas pudicitiae, pietatis & salutis jacturam incurrisse. An interim Parentum ulus tam erit barbarus ac ferus, ut post innumeras experientias, quibus docetur, hujusmodi conventicula, & promiscuam inter se agendi licentiam, Juventuti summè noxiam esse, nihilominus aut ex timore, ne impediendis hisce corruptelis singularis habeatur; aut ex stupiditate, quā malum inde promanaturum non apprehendit; induci non possit, ut linguam solvat, os aperiat ad mala, non dicam possibilia, sed præsentia convenienti aliquo remedio avertenda?

V. Dixi, præsentia: perquam enim facile contingit, ut filiarum vestrarum, quantumcunque vobis simplices ac innocentes videantur, oculos tamen ad malitiam longè habeant magis apertos, quam vobis imaginemini. Quod si ita esset, ut facile esse potest, cogitate nonnihil, quæ vobis, quamque stricta sit ratio reddenda, quod tantam iis

occa-

Plat. de  
superst.

occasionem suppeditetis, quâ peiores evadant inter Juvenum alloquia & sermones sine teste toleratos? Qui à cane rabioso aliquando morsum tulit, hujusmodi morsus damnum & virulentiam nunquam magis, quam in similiter morforum præsentia sentit. Quantum igitur crescit malitia fœminæ, quæ vitio ipsa infecta, cum simili vitiosorum hominum genere adeò agit familiariter? Sed tribuamus vobis, honorique vestro tantum, ac credamus, filias vestras omnino innocentes esse: creditis, quòd in sua ista innocentia post tantam sibi concessam libertatem perseveraturæ sint? nimis quam difficile est, ut quis ovis serpentis diu incubet, & serpentes tandem non excludat. Sola illa socordia, quâ parentes periculum bene cognitum amoliri negligunt, stygio Veteratori animos facit oppugnationem tentandi. *Ascendam ad terram absque muro, veniam ad quiescentes; habitantesque secure.* Hac ratione animatur lupus infernalis ad eas domos perumpendas, in quibus parentes filiorum suorum consili bonitate obdormiscunt. Domos apertas, *terram absque muro*, domos januarum expertes, *vestes & porta non sunt eis*, quia diu nocturne toti patent viciniæ sub titulo moris jam introducti, vivendi hilariter. Pejus est, quòd si filii vestri voluptatis escam semel degustaverint, fieri possit, ut nunquam posthac in omnem vitam dimittant. *Superior pars aedificii cedit inferiori*, ait lex. Qui inferiorum conclavium est Dominus, etiam superiorum esse Dominus contignationum suppo-

*R. P. Segneri Christ. Instr. Tom. I.*

nitur. Si vitium primis adolescentiæ annis se insinuat, mihi credite, difficulter impediatur, ne in ultimam eriam serpat senectutem. Quapropter eò magis convenit, ut in filiorum educatione Parentes sint oculati, & quod evenire potest, etiam si deinde non eveniat, suspicentur, seque clamando, objurgando ac castigando faciant, quantum possunt, formidabiles. Quæ illa patrum fæx est, qui toto die procul domo ad nundinas & mercatum abeunt, vendunt & emunt, quin ullam unquam cogitationem suorum habeant, in eorum actiones inquirent, de quibus rebus loquantur, quibuscum versentur, in quas domos maximè divertant, quibus sese laboribus impendere consuecant? Omnis alia cura filiorum educationi posthabenda esset, cum contrà prorsus filiorum educatio inter ultimas, quandoque inter nullas habeatur. Apes, ait, Albertus Magnus, toto illo tempore, quo prolem educant, non mellificant, cum tamen alio quovis tempore totæ sint in melle laborando. *Apes eorumst. c.*

*tempore, quo nutriunt pullos, nihil operantur, sed tantummodo curam habent eorum.* Et hoc est verè patrem esse. Sed ad alia transeamus: adeò enim res ista mihi dolet, & animum commovet, ut ad finem nunquam pertingerem, si quæ vellem, omnia hac in re exponerem.

VI. Hactenus de primo hominum illorum, qui ad corrigendos alios obligantur, genere locuti sumus, nimirum de Superioribus: hi tamen non sunt soli. Altero enim loco omnes etiam alii Christiani ad idipsum tenentur,



*Laym. 1. tur.* Dico altero loco; siquidem Superiores obstringuntur ex Justitia, cum  
*2. tr. 3.* subditi tantummodo ex charitate teneantur. Nihilominus obligatio isthæc  
*6. 7.* tam ex naturali, quam Divina Lege oritur, uti ex pluribus Sacræ Scripturæ locis manifestum fit: id quod geminis in locis per S. Paulum, & quaternis per Ecclesiasticum insinuat Dominus, & ore proprio in Evangelio exponit. DEI igitur præceptum est, quo jubemur errantes corrigere; lex, etiam naturalis est sive DEI honorem, sive ipsius proximi nostri utilitatem spectemus. Argutè non minùs quàm sapienter dixit Tertullianus: *In publica injuria naturali jure omnis homo miles est, & ut talis arma corripere obligatur, quibus honorem Principis tueatur.* Unde si de DEI honore agitur, omnes omnino Christiani in censum militum veniunt, ut DEUM defendant, & omnes, qui eum offendunt, corrigant. Id quod etiam in ordine ad utilitatem proximi dici debet: *Unicuique DEUS mandavit de proximo suo.* Nemo sibi persuadeat, quòd sibi uni vivat: omnibus incumbit, ut aliorum quoque rationem habeant, eosque ad bene vivendum perducant. Hæc omnino cura vestra est, hæc ad vos attinet, de hac severam omnino ac strictam rationem reddetis. Voluit enim DEUS omnes Christianos ceu membra in unum corpus colligare; & ideò sicut lingua sentit, ac patitur, cum pes vulneratur: ita vult, ut nos quoque dolorem percipiamus, quandocunque animarum quarumvis interitum

spectamus; imò & remedium exquiramus, eo fermè modo, quo manus læso pedi opitulatur. Quæ etiam causa est, quare nonnunquam DEUS unius hominis peccatis inductus integram familiam plectat; quandoque totam etiam Nationem & Provinciam; ut omnes communi aliqua sollicitudine caveant, ne peccent, & si non moveantur ad corrigendum alterum amore proximi, moveantur amore sui. Ita discurret S. Augustinus, ac commonstrat, quomodo DEUS justè propter unius militis inobedientiam in obsidione Jerichuntis adeò severe puniverit totum exercitum. Ubi etiam rationem prorsus ingeniosam adjungit, quæ quasi à fortiori nostrum effatum confirmat, estque sequens: Dicitis, ait: rem omninò gravissimam videri & insolitam, eadem pœnà justum, ac peccatorem involvi. Sit ita, sed, ait Sanctus Doctor, ostendite mihi justos hos. Multum defatigabimini in his inveniendis: utut enim multi innocentes videantur, & culpæ, à DEO universali quadam pœnà puniæ minimè Rei, utpote quam reverà non commiserunt; innocentes tamen non sunt, dum sæpè neglexerunt illos corrigere, qui scelus commiserunt. Exemplum ejus rei sit. Communis opinio est, quòd DEUS tempestates in segetes immitat in pœnam blasphemiarum, ita ut Imperator Justinianus propter hanc ipsam causam exilii severissimam legem tulerit in blasphemos, tanquam reos mille calamitatum tam privatarum, quàm universalium, quæ per tempestates inferuntur.

Quo:

Quomodo igitur aliorum agri tempestatibus subjacent, ac puniuntur illâ pœnâ, quæ solis videtur blasphemis deberi? Nimirum etsi ipsi in blasphemias non proruperint, omilêre tamen blasphemos pro viribus persequi, & linguas illas, cùm in DEUM acuerentur, compescere. Non blasphemavit Pater, sed filios blasphemantes toleravit; & is ipse, qui quasi funditus evertere domum videbatur, casu quo vitrum in partes ibat, mutus erat, ac linguæ usu prorsus destitutus cùm DEI Nomèn Sacrosanctum ab impio in DEUM filio profcissum vindicandum fuisset. Refert Plutarchus, quòd cùm certam quandam gentem contagiosa valde lues depopularetur, Empedocles magni nominis Philosophus consilium suggesserit, ut locis nonnullis magnæ quædam cavernæ obstruerentur, ex quibus aura corrupta pestis causa transpirabat. Obstruite igitur & vos sacrilegas has fauces, ex quibus pestifer inferni halitus transpirat, & pœna, quâ affligimini, illico cessabit. Quia verò apertas relinquitis, dolere postmodum nolite tanquam innocentes, quales non estis, dum ejusdem vos culpæ reos constituitis tacendo, cujus alii se reos faciunt agendo.

VII. Nihilominus principale ac præcipuum motivum nostrum, quo ad corripiendos delinquentes incitemur, non nostrum, sed proximi nostri debet esse commodum, *lucratus es fratrem tuum.* Id quod etiam principale motivum fuit Servatori nostro propter quod præceptum hoc nobis imposuit; cùm voluit, ut, quemadmo-

dum non obstante illâ DEI providentiâ, quâ pauperum necessitatibus prospicit, divites tamen particulari aliquo præcepto Eleëmofynæ constringerentur, quo pauperibus subvenire essent obligati; ita non obstante illâ DEI providentiâ, quâ interiùs peccatores corrigit; Christiani tenerentur particulari aliqua obligatione fraternæ admonitionis, quæ ob id ipsum à S. Thoma ad speciem Eleëmofynæ reducitur, eò nobilioris, quòd non corpus, sed animam tanto præstantiorem concernit: *Corripere delinquentem est quædam Eleëmofyna spiritualis.* Ex quo manifestè apparet, quòd correctio proximi, quæ modò Eleëmofyna spiritualis dicta est, non sit meri consilii, sed præcepti; sicut consilii non est, proximo in extrema necessitate constituto Eleëmofynam corporalem elargiri; unde etiam, sicut qui huic obligationi non paret, gravi se crimine obstringit, ita qui alteram non implet, graviter delinquit.

VIII. Verùm quia præcepta affirmativa in certis tantum circumstantiis, & non semper obligant, necessarium præterea est, ut, quænam illæ certæ circumstantiæ sint, ostendam: has majoris claritatis gratiâ ad duo capita reducam, scilicet ad peccatum, & peccatorem, quod & ad memoriam erit facilius, & ad mandati observationem. Quod attinet peccatum, debet id esse grave, quod Christus illis verbis significat: *Lucratus es fratrem tuum.* Serm. 16. quia, ut observat S. Augustinus, nemo de verb. animam illam lucrabitur, quæ nunquam fuit perditâ. Quid est, lucratus

S. Thom.  
2. 2. q.  
33. art.  
2,



*est te, nisi quia perieras, nisi lucraretur te?*

Deinde debet esse tale peccatum, quod possit repeti; alioquin, cum peccator in id scelus reincidere non potest, cor-

*Eccl. 24.* rectione opus non habet. Notat hoc

Ecclesiasticus, cum ait: *corripe proximum tuum, ne forte iteret.* Deinde debet esse peccatum valde manifestum; & hoc iterum patet ex modo loquendi:

*Suarez. de Char. disp. 5. §. 2. n. 2.* si peccaverit in te, quod idem est, ac si peccaverit coram te: hoc est cum quadam ratione scandali, aut infamiae. Ne-

que enim vult DEUS, ut in aliorum facta inquiramus, sed nobis ipsis attendamus: *non ingrediêris domum ejus, sed*

*Deuter. 24. 11.* stabis foris, ait in Deuteronomio, atque ideo non permittebat in Lege veteri, ut,

qui debitum suum exigebat, domum ingrederetur debitoris, sed foris expectaret; ut insinuaret nobis, ait Rupertus,

*Rup. l. 1. c. 33. s. Thom. 2. 2. q. 33. 4. 2. ad. 4.* quod, qui alterum corrigit, non debeat defectus proximi curiosè explorare, sed illa tantum emendare, quæ foris in oculos incurrunt. Quod ipsum clarissimè DEUS in proverbiiis docuit: *Ne quaras impietatem in domo ju-*

*Prov. 24. 15.* sti neque vastes requiem ejus.

IX. Quod verò peccatorem cernit, quæ potissimum sunt delinquentium species, quas oportet non corrigi. Prima eorum est, quos jam pœnituit: etenim quem unquam Belli Ducum reperire est, qui tormentis muros quater perseveret post factam deditionem? Altera eorum est, qui è diametro prioribus opponuntur, & ita obstinati sunt, ut resipiscentiæ spem nullam faciant; sed potius in pejus animum obfirmant, adjungentes etiam

admonitioni contemptum, & odium quo monitorem persequantur. *Noli Pro arguere derisorem, ne oderit te.* Ait 9. sapiens: non quòd odium illud abstertere te debeat ob aliquod malum temporale in te redundans, sed ob illud spirituale, quod in illummet derivatur. Et sic videmus, illos vituperari Medicos, qui in ægris omnino desperatis medicamenta tamen adhibere non omittunt; dum ex una parte artem medicam convitio exponunt, ex altera morbum aggravant, pro eo quòd levior rem reddere deberent; mortemque accelerant, quam remorari oporteret. Refert S. Augustinus, Serapide in Ægypto vivis erepto, Populos illos decrevisse, eundem vel in gratiis Veritatis ut DEUM colere. Quare lege sanxerunt, ut morte lueret, quisquis eum, mortuum affirmaret; consequens enim fuisset, eum communi aliorum sorte mortalem extitisse. Hunc in finem è regione sepulchri illius DEUM silentii depinxerunt Harpocratem nomine, qui digitum ori imponeret, quasi parte una veritatem confiteretur, ex altera spectatoribus imperaret; Tacete; & quàmvis ossa putrida, & tumulum funebrem videatis, nihilominus ne dixeritis, Serapidem fuisse mortuum, aut tanquam hominem mori potuisse. Nisi fallor splendide, id sæpenumero etiamnum contingit in re nostra. Personæ quædam nonnullius auctoritatis, & præsertim quædam fæminæ, quæ ceu dominæ & pro potestate agunt, nescio quas illis minas intentant, qui os aperire, & in scandala in locis illis usitata

tata invehi aſint. Et quamvis neminem lateat, quàm putidæ ac foetidæ illæ ſint ob turpe illud commercium, quod diu noctûque cum Amaſiis illarum domos frequentantibus protrahunt; nolunt tamen à quoquam dici, quod omnes vident. Væ illi, qui unam aliquam illarum Meretricem diceret. Tantum abeſt, ut videri velint prolapſæ in turpitudinis ſentinam, ut ne labi quidem poſſe credi velint. Objurgant, convitia jaciunt, omne malum comminantur, ipſis etiam Confeſſariis, qui illas, non ſecus ac alias, illico non volunt abſolvere; quin & Parochis, niſi conſentiant S. Communione publicè præbita affectatam illarum innocentiam confirmare. Quis igitur hoc hominum genus perverſum corrigat? Sinite ſtare, Cænosa paludes ſunt, quæ quò magis moventur & agitantur, eò foetorem magis abominandum exhalant.

X. Neceſſarium tamen eſt, duas huic regulæ exceptiones adjungere, eaſque magni omnino momenti. Prima eſt, non debere facilè animum deſponderi, omnemque ſpem fruſtûs abjici. Sæpè fera, quæ non illico ad iſtum concidit, in nemus redit, ibi vitam ex vulnere poſitura. Ita ille, qui hodie correptus non emendatur, forſan paulò poſt, die altero, aut menſe ſe emendabit. *Non deſinent vitia*, ajebat Seneca ad noſtrum propoſitum, *ſed intermittent: fortasſe autem deſinent, ſi intermittendi conſuetudinem fecerint.* Si peccare non ceſſat, non peccabit ſaltem ita protervè

quod ipſum diſpoſitionis cujuſdam ſignum eſt ad peccatum omnino deſerendum. Novi equidem, Cacodaemonem, quamvis ſæpius rejeſtum, non omni tamen ſpe excidere vobis potiundi, ſed vires identidem ac animoſi etiam, cùm victus fuerit, reſumere, ac vos impetere. Quare igitur vos è diverſo animum illico abjicitis, cùm ad primam correptionem veſtram delinquens non reſpiſcit? reſumite adhortationes amicas, quis ſcit, an non ad repetitas monitiones lucrum reportetis? Nõne idipſum in agris veſtris & arvis quotidie tentatis? hi ſi hoc anno votis veſtris copioſa meſſe non reſponderint, non ideo tamen anno ſubſequenti otioſi deſeruntur, & ſine ſemine inculti, donec poſt varia experimenta demum intelligatis, omnem operam perdi. Deinde ſicut Divini verbi Præco non eſt Auditor illius fruſtûs, qui reſertur ab Auditoribus, ſed DEUS, qui Gratia ſua voce interiore verba concionantis exteriora reddit efficaciæ, & animas ſuaviter commovet ad agendam pœnitentiam; ita linguæ, quæ delinquentem corripit, emendatio tribuenda non eſt, ſed auxilio DEI, qui per medium hoc æternum occaſionem accipit, quâ gratiam ſuam erranti applicet & ad emendationem illum permoveat: *Corripere, ut proſit, DEI eſt*: ait S. Joannes Chryſoſtomus. Unde qui tam citò deſperat de fruſtu ex correptione ſua faciendò, iplum videtur DEUM arguere vellet, quaſi verbis eam vim indere non valeret, quâ corda delinquentium penetrare poſſit. *Omnibus debemus*



3. Thom. *fraterna correptionis officium impendere*  
 2. 2. 9. ait S. Thomas, *sub spe divini auxilii*. Et  
 33. 4. 2. hinc non est, quod timeatis pro corre-  
 ad 1. ctione cruda verba & non expectata

responsa audire; quia cum impetus  
 passionis resederit, facile poterit contin-  
 gere, ut, qui correptus est, iniquum  
 suum agendi modum agnoscat, suam-  
 que obligationem eo majorem, quò  
 major in vobis eluxit charitas, quàm vos  
 exposuistis periculo malum pro bono  
 recipiendi. *Qui corripit hominem, gra-  
 tiam: postea inveniet ad eum; magis quàm  
 ille, qui per linguam blandimenta decipit.*  
 Quod si vobis in ipso correptionis  
 actu gratias non refert, referet *postea*,  
 & si aperte gratias non agit, intra cor-  
 dis sui latebras agere occultè. Ebrius,  
 qui rixam movet, totus in vos exan-  
 descet, cum vi gladium è manibus ex-  
 torseritis; at ubi vinum digessit, ma-  
 num illam vestram osculabitur, quam  
 dentibus discerpere volebat, eique be-  
 nedictet; utpote quæ occasionem exer-  
 cendi facinoris sustulit.

XI. Altera limitatio contra veros  
 Blaphemos est, qui tanquam omnium  
 peccatorum pessimi, etiam cum non  
 speratur emendatio & fructus, corripi  
 debent ac objurgari juxta præceptum  
 Concilii Lateranensis, quod alio jam  
 loco adduxi. Ratio hujus obligatio-  
 nis est, quia officium cujusque boni fi-  
 lio est; omni meliori ac possibili modo  
 honorem patris resarcire, quem linguâ  
 maledictâ graviter audit proscindi. In  
 tali calui, quando Blasphemia hæreti-  
 calis est, aut alia graviter in DEUM in-  
 juriosa, oportet omnes Zelo exardescere,

& animosa correctione, DEI hono-  
 rem defendere. Cum Rex Cræsus à Cyro  
 fuit prælio victus, in ipsa sua regia ar-  
 mis hostilibus fuit impetitus. Jamque  
 militum quispiam brachium levabat,  
 fatalem in illum ictum vibraturus, cum  
 filius Regis à nativitate mutus, quem  
 fulgur gladii præsentem perstrinxerat,  
 tanta pietate in patrem exarsit, ut par-  
 tim amore, partim timore omnia lin-  
 guæ vincula ruperit, ac exclamavit: *si-  
 ste, ne ferias*: & hoc tam laudando co-  
 natu linguæ usum indeptus est. O si  
 scintilla ardentis amoris in cordibus ve-  
 stris, Christiani, residua esset, quæ fieri  
 posset, ut amantissimum DEUM ac Pa-  
 trem vestrum linguis impiorum, ceu gla-  
 diis acutissimis, feriri toleraretis? nun-  
 quam id concederetis, & quamvis muti  
 ac linguæ usu destituti modum tamen  
 ac rationem inveniretis, sceleratas istas  
 hominum linguas castigandi, & ante-  
 quam impias voces totas proferrent, in  
 medio veluti cursu eas sistere sciretis.  
 Verum quia ne una quidem in cordi-  
 bus nostris veri in DEUM amoris scin-  
 tilla micat, ideo in faucibus nostris vo-  
 ces emoriuntur, & patientius gravissi-  
 mas in DEUM Blasphemias, & injurias  
 audimus, quam levissima etiam in nos,  
 aut nostros conjecta dicta audiamus.  
 Non nego, talem quandòque pusillani-  
 mitatem, quàm quis minus aptum se ju-  
 dicat ad blasphemantem corripiendum,  
 in casibus præsertim minus atrocibus,  
 à lethali peccato excusari posse, si quis  
 eâ præpeditus debitam correptionem  
 omittat; maximè cum Superioris of-  
 ficio non fungitur, aut merito sibi per-  
 suadet

PROV.

22. 13.

Conc.  
 Later.  
 sub Leo-  
 ne X. sess.  
 9.

S. 7

2. 1

33.

ad

suadere potest; alios melius id officii obituros. Nolim tamen, levem quamvis causam tanto apud animos vestros robore pollere, quanto tam ob DEI honorem, quam proximi vestri bonum, præditos esse deceret. Refert Plinius, quod si Elephas in foveam cadat, illico omnes alii Elephantēs ad auxilium prompti accurrant, & quidquid occurrat, fossæ injiciant, donec terrā & arborum truncis eam expleant, & socium captivitate liberum prodire conspiciant. *Omni vi conantur extrahere.* An non igitur Christiana charitas tantum suggerat Fidelibus, quantum natura bestiis rationis expertibus?

## II.

XII. Restat nunc, ut post exploratas singillatim obligationis hujus partes, ad modum transeamus, quo hæcenus dicta utiliter executioni mandari possint. Facile nobis hoc accidet, si animum ad motiva, quæ in reddenda præcepti hujus ratione adduximus, advertamus. Inprimis igitur hoc animis vestris statuere; unicum DEI & hominum hostem esse peccatum; in hoc cum DEUS implacabili odio feratur, illudque perpetuò impugnet, omnes nos milites scribit; ut contra monstrum hoc decertemus, illud opprimamus, vincamus, & si tantum possumus obtinere, internecone deleamus. Ut adeò non solum Superiores, ut ex dictis patet, sive Ecclesiastici, sive sæculares illi sint, nec soli Parentes, Verbi Divini Præcones, & Confessarii, sed omnes omnino Christiani ad bellanda hæc bella Domini

teneantur. Jam verò ad victoriam in bello referendam omnium opinione duo sunt necessaria, Vires & Ars: neque enim Arte sola geruntur bella, dum multa animo simulacra & victoriarum idæ statui possunt, quæ in opus nequeant deduci. Pugnate autem solis viribus pugna stultorum est, quibus propria quandoque arma in damnum cedunt. Utrumque ergo conjungere oportet, Vires & Artem; his stabit securè Victoria.

XIII. Quod ad Artem attinet, oportet eam in casu nostro esse maximam, dum vitium odio habere, non eum qui vitio laborat, necesse est; culpam plectere, non qui culpam commisit, debemus itaque delinquentis animum curare, ut dexteritate nostra Chirurgum proximè æmulemur, qui dum oculi vitio medetur, ita pupillæ velum detrahit, ut oculum ipsum non offendant. Vult igitur Ars ista, ut, qui corrigit, tempus ac locum correctioni opportunum attendat, similiter præne ratione, ac Dux Belli bene peritus locum & tempus opportunum observat, cum decretoriâ pugnam decernere constituit. Advertite quæso, quomodo Christus modum belligerandi contra peccatum nos doceat. Inprimis de loco sic ait: *Corripe inter te & ipsum solum.* Non dicit, ut prius per compita, & omnes urbis officinas delicta publicentur, & sic peccata plurima committantur, quibus unum emendetur. Multò minus dicit, ut officium corrigentis in præsentia multorum assumas, sed omnino clam omnibus inter te & ipsum cor-  
reption-



serm.  
16. de  
verb.  
Dorn.

reptionem instituas jubet. *Studens correctioni*, juxta S. Augustinum, & *parcens pudori*. Ab artis suæ bene gnaro hortulano exemplum capite; hic, cum frondem trunco inserit, truncum non findit altius, quam frons requirat. Animam emendate, salvâ tamen & integrâ famâ. Tempus autem cupit Dominus id à nobis observari, quo delinquens ad correctionem à nobis accipiendam melius est paratus. Et idcirco dixit: *vade & corripe*, ut intelligamus, non eo, quo deliquit, momento proximum esse corripiendum, sed expectandum, dum passione animi paululum defervescente, rationi locus sit, & tum correctioni insistendum. Et hæc oportunitas eò magis observanda est, quò magis, qui corrigendus est, correctione opus habet. Experimur cibum, qui à sano sumitur tempore non suo, magnam alterationem non inducere; at cum extra tempus à febricitante accipitur, ipsam quandòque mortem accire. *Intempestivè cœnavit, & mortua est*: dixit Hippocrates, cum repentina mortis ægræ cujusdam rationem assignavit. Prima correctio, quæ in mundo facta est, fuit illa, quâ DEUS Adamum correxit: neque DEUS illum post commissum statim delictum increpuit, sed tempus, quo ad se rediret, concessit; potuit suam nuditatem prius agnoscere, audire potuit accusantis conscientia stimulos; scilicet ut exemplum nobis daret, quo dirigeremur, cum quemvis alium corripere & corrigere oportet.

XIV. Neque tamen sic tempus lo-

cumque observasse sufficit; longe enim adhuc magis requiritur, ut corripientis verba sint omnino blanda ac suavia. Unde Dominus non dixit: *increpa*, reprehende, sed *corripe*, admone. Profectò mordaces & asperæ quorundam Confessorum & Patrum familias increpationes nihil aliud in delinquentibus efficiunt, quàm quod cruda ac incuria manus in vitro purgando, quæ dum vitrum abluit, frangit. Non est iste corrigendi modus à Christo præceptus, & à Christi imitatoribus hætenus observatus: *Corripiet me justus* Psal. 140. *in misericordia*: Charitas ista ac misertio remedium affert: fermè sicut Sal, cum carnem servat à putredine, ante liquescit, & sic dum interiora penetrat, finem obtinet, nunquam obtenturus, si integer in superficie persisteret. Si modum hunc insipiens Rex Roboam tenuisset, ex decem Israelitici populi tribubus novem non perdidisset; quia verò inconsultè maluit objurgare, & terrere subiectos, irritavit potius, quàm diffidentes compescuerit. An non idipsum propria vos experientia docet? Cum apes relicto alvari avolant, nunquid temperato quodam sono ad stationem suam repetendam à vobis alliciuntur, à qua tamen incondito quodam strepitu magis dispellerentur? id quod fortè Sapiens indicare voluit, quando intempestivam & duram nimis correctionem mendacii nomine insignivit: *Correctio mendax*: talis scilicet, quæ injuriis, irâ, opprobriis mi- Ecc. 19. ista non jam remedium, sed venenum præbet. Quis unquam vidit, ulcera

COR-

corrosivis coalescere? *Correctio mendax* non tantum proximo non medetur, sed vos etiam ipsos perdit.

XV. Ethoc velim maximè à parentibus observari, qui etiam cum volunt corrigere, nihil proficiunt: quam verò ob causam? geminum ob peccatum, quod in corrigendo committunt, Primum est quoddam partium studium, quo inducti non omnes filios æqualiter ad pœnam trahunt. Aquila tria parit ova, ait S. Basilius, duo tantum excludit, & ex his unicum tantum educat & alit. Idem faciunt quandoque parentes. Si prolem geminam habuerint, masculam unam, fœmineam alteram, identidem puellam increpant, & filio, quamvis peiori, blandè arident. Postmodum cum educant, ut filio pinguem hæreditatem comparent, pensi non habent, puellam cum modica dote dare marito, sub cuius iugo ingemiscat: aut domi suæ illà ut famulâ utuntur, nubendi facultate præcisâ. Hoc planè est officio suo nimium

quantum deesse. *In circuitu meo pueri mei*, dicebat S. Job, volebâtque verbis istis omnes Parentes Christianos admonere, quòd in medio filiorum suorum tanquam centrum in circulo ipsos stare deceat; ita ut æquali ab omnibus spatio distent, nulli magis, quàm alteri odioso partium studio admoveantur. Altera causa est, quòd non sciant suos corrigere cum amore; sed ut Leones in sylva desævire in suos videntur, contra quam DEUS vetet. *Noli esse sicut Leo in domo tua, evertens domesticos tuos, & opprimens subjectos tibi.* Hæc enim gubernandi ratio tyrannum,

R. P. Segneri Christ, Instr. Tom. I,

non patrem arguit, qui se non timere sed odio haberi velit. Et quid quæso boni speratis ex intolerabili hoc rigore? Qui balsamum colligit, Arborem *plin. l. cultello ligneo*, non ferreo scindit: 12. c. 25. secus enim nec balsamum obtinet, nec arborem servat: *emoritur protinus.*

XVI. Sed & Matres-familias, & Conjuges multum hoc documento opus habent, quæ si semel de Maritis suis suspicionem conciperint, actum est de pace domestica, & totius viciniae. Per omnes affinium ædes spargunt, quantum à Maritis suis patiantur; & qui eos defendere voluerint, haud secus ac ipsi Mariti tanquam Diaboli respiciuntur. Pessimum est, quòd huiusmodi familiarum ruinæ è solis quandoque suspicionum umbris proveniant. Sed seu veræ illæ, seu falsæ sint, solum quæro ex vobis, an malo mederi vultis, an illud exasperare? hac certè ratione augetis. Si remedium afferre cogitatis, prudenti illa animadversione vos uti velim, quam Abdemelech in eruendo ex cœnoso lacu Jeremia adhibuit. Porrexit Li-  
berator iste amantissimus funem, quo  
implicantem se Prophetam extrahe-  
ret; cum fune tamen panniculos etiam  
projecit, quibus manus indueret, be-  
ne gnarus, fore alioquin, ut manus  
correpto fune in ascenso miserè lace-  
rarentur. Maritus vester in cœno-  
sum lacum delapsus est: nunquid? &  
cœno infixus est gutture tenus, an non  
ita est? oportet itaque, ut succuratis,  
eumque vestra correctione sursum at-  
tollatis. *Infixus est in limo profundi:*  
ne autem funis durus nimium sit,

M m

cha-



charitatem in corrigendo seu panniculos adhibere; aliàs enim bona vestra consilia non volet apprehendere, aut iis, cum manus admoverit, offendetur.

*Psalm. Supervenit mansuetudo, & corripiemur.*

89. 10.

XVII. Hæc de Arte; cui tamen si Vires in consortium non jungantur, victoriâ de peccato referenda frustra speratur. Non sunt corrigendi delinquentes tanta lenitate, ut oleum vino non misceatur, tali scilicet austeritate, quæ lenitatem reddat efficacem. Manus, ait Galenus, non debebat tota ossibus constare, cum inhabilis fuisset ad quidquam apprehendendum: sed neque totum debebat esse carnea, quia, si tam mollis fuisset, nihil potuisset tenere. Multi contenti sunt, vocibus omnino melleis dixisse: *Filii estote probi, honoris curam gerite*, putantque, se officio suo fecisse satis, ad eum ferè modum, quo Heli, dum nequissimis filiis suis non aliam correctionem adhibuit, quàm *nolite facere rem hanc*. Plus peto. Media omnino lenia applicanda sunt, talia tamen, quibus finis obtineatur; secus enim lenitas in concordiam degenerat, & tunc præsertim cum docet experientia, lenitatem nil quidquam proficere. Prima vice, quæ Christus Dominus in Templo mercatum illum offendit, non nisi Templo exegit Loci Sacratissimi profanatores: cum verbò animadvertit, hac illos ejectione non emendari, è funibus flagellum contexit, multòque cum vituperio ac verberibus adjectis è Domo DEI ejecit. Propterea Parentes, cum linguâ nihil proficiunt, manus in auxilium advocent, dummodo id fa-

ciant in tempore; serum enim erit consilium, cum carnem annis gravem ferreis volent vinculis coercere. Et sic, cum pueri verbis non emendantur satis, quò minùs ad iram concitati Nomen Domini blasphement, colaphum ori infligite, & tum videbitis, num corrigantur. Et si filia vestra à fenestris & foribus simplici verborum commonitione non retrahitur, baculo tergum ac humeros pulsate, & vel sic periculo liberate. At quid cum grandioribus agendum, qui sustuarium porro non metuunt? Christum imitamini, & illis ejus verbis ad officium compellite: *Si non laveris te, non habebis partem mecum*. Domo ejiciendos adicite, hæreditatis jacturam intentate, & potiùs omne incommodum ac damnum vos subituros denunciate, quàm immorigeros domi vestræ filios sitis toleraturi. Sic facit, qui testudinis chordas ad concordiam revocat: mavult unam reliquis dissonam rumpere, quàm tolerare. Quod si non feceritis, officio vestro non facietis satis: cui etiam illi Confessarii defunt, quibus sufficit ad poenitentes dicere, ut occasionem proximam tollant. Oportet quandòque etiam absolutionem negare, dum illam sustulerint: neque propterea timeant, fore ut Poenitentes Confessarium traducant, scrupulosum, austerum, ac difficilem proclamant; forsitan enim non facient. Imò quemadmodum Imperator Theodosius confessus est, neminem se invenisse, qui nomen Episcopi meliori juare mereretur, quàm S. Ambrosius, à quo

de usu  
part. c. 6

à quo inusitata prorsus animi magnitudine correptus fuisset: *Solum Ambrosium Episcopum novi dignum eo nomine*; ita quivis Pœnitens prudens patiam fatebitur, solum illum Confessarium hoc nomine à se dignum haberi. Quod si autem non nemo malè contentus abscedat, ac Confessarium inhumanum ac imprudentem appellet, quid faciendum? Etiam Propheta, quia officio suo in reprehendis malè moratorum vitis fungebatur, iungiosum nomen tulit, quique discordias ac iurgia ubique seminare: *Virum rixam, virum discordias in universa terra*. Justorum hoc est proprium, pati propter Justitiam.

XVIII. Ad viam nunc redeamus: Efficacia ista, quam in Correctionis negotio hactenus vobis commendavi, primum oratione juvabitur, cum DEO facti fueritis supplices, ut verbis vestris robur addat: neque enim admonitio externa quemquam corrigit, nisi DEUS Gratiâ suâ eum prius intus correxerit: *Nemo potest corrigere, quem DEUS desinexerit*. Præterea bono exemplo plurimum juvabitur. Certè quare plerumque lingua nihil efficiat, causa est, quod sit monstrosa, hoc est, major ipsa manu. Si Mater jam vidua, & annis gravis libenter adhuc cum viris versatur, & vestibus ornatus splendidis, quâ ratione Amores filiarum ejusque vanitates improbabit? filiarum enim ad facta potius, quam verba Matris animum convertet. Quando Josue Solem stetit, cum stante Sole omnes etiam Stellæ constiterunt, utut nullo ad hoc imperio adstrictæ. Siquidem ad exem-


plum capitis familia per se componitur, &, si majores in Divinæ legis observatione constantes aspiat, & ipsa facile in eadem observanda confirmatur. Solis verbis parum sanè proficitur. Hoc erat imperium, quo Apostolus Titum suum loqui volebat: *Loquere cum omni imperio*, atque hoc est, quod omnem vestram Correctionem reddet efficacem.

XIX. Quod si post tot præcepta quis esset, qui aut corrigendis officium detractaret, aut Correctionem admittere recusaret, quid porro dicam? dicam illi, ut attendat, ne lingua, quæ à reprehensione pertinaciter abstinuit, post paululum in lamenta solvatur: *Veni-Isa. 6. 5. hi, quia tacui*: tum potissimum, quando ad DEI tribunal adductus non de suis tantum, sed aliorum quoque delictis, quæ corrigendi officio prætermisso sua fecit, rationem reddet. Qui verò correctionis impatientem se ostendit, huic illud SS. Litterarum in memoriam revocabo; quod non peccator tantum, sed pestilens peccator sit, adeoque dignus, quem omnes fugiant ceu peste contactum. *Non amat pestilens eum, qui se corripit*; nisi malimus dicere, illum peccato suo Caco-dæmoni assimilari, qui non peccator tantum, sed & incorrigibilis est: *Qui Eccle. odit correctionem, vestigium est peccatoris*, hoc est, Diaboli, qui primus omnium in mundo peccator fuit. Est igitur ceu vestigium quoddam Diaboli, qui benevolæ Prædicatorum, Parentum, aut Confessorum admonitioni repugnat; & quemadmodum vestigium simile est pedi, à quo impressum



fuit, ita hujusmodi malitia est similis malitiæ diabolicæ, atque ideo si fixum est illi æternum perdi, non mutet viam; jam enim illam insistit; quâ certò ad infernum itur; eat, pergat. Si quis ita incedentem conspiciatur, quid agat? ire sinat prohibendus à progressu non est, qui palam se reprobum declarat. *Sit tibi*, ait Christus, *sicut Eth-nicus & Publicanus*. An erit aliquis, 18 qui non timeat ruere in præceptis potius, quam dicentem audiat, quòd via, quam tenet, ducat in præcipitia?

19



## DISCURSUS XX.

### *De Moderatione Iræ.*

I. **M**axima Chemicorum ars in temperando igne consistit, ut ne remissus nimium nihil operetur, aut nimium

intensus destruat potius, quod ea arte paratur, quam illud ad perfectum excoquat. Credo ego idem de Christiana Morum Philosophia cum proportionem dici posse. Maxima in usu ignis illius, quem irascibilis intra nos facultas accendit, ars sita est, ita ut animus in quotidianis eventibus nec nimium remissus, nec nimium etiam sit concitatus: *Irascimini*

*Pf. 4. 5. & nolite peccare.* Mentis aliquem obtutum non dicam in publicos defectus, qui nostro judicio judicari non debent, sed in privatos defigite, quales in nullis non familiis quotidie occurrunt, & invenietis eos omnes oriri aut ex nimia indulgentia, & tolerantia, aut ex cujusvis levis etiam incommodi impatientia. Vel enim parum prudentis cujusdam dissimulationis, cinere ardor ille obtegatur, qui corrigendis erratis debetur; vel in flammam odii prorumpere sinitur, aut

indignationis saltem, & nimie austeritatis. Ideo postquam de opportuna correctione egimus, quæ prius illud peccatigenus, & ignavam tolerantiam emendat, res postulat, ut de Ira moderanda differamus, quæ alterum peccatum corrigit, præteritis diebus à nobis tantum indicatum.

II. Antiqui Stoici totum animum persanasse sibi videbantur, si Iram omnem ex eo penitus evulssissent. Verum ea in persuasionem haud aliter fallebantur, ac Medicus aliquis, qui ad persananda, quæ bilis copia infert mala, ab infirmo corpore omnem vellet bilem extrahere. Inprimis hoc fieri omnino nequit, & si re ipsa fieret, valetudinem non tantum non repararet, sed eandem planè pessundaret. Sciatis igitur oportet, non peti à vobis, ut convitia non sentiat, ut nullo vituperio commoveamini, ut instar trunci immobiles ac insensibiles persistatis. Hoc exigitur, ut non cæco statim impetu in vindictam abripiamini, bestiarum instar; neve nimie Iræ, quæ ita universali quadam luce huma-

humanas mentes invadit, moderari negligatis, Dixi, adèò universali; quòd si enim totius Mundi statum, & veluti vultum curiosius observare juvat, reperietis fortè non paucos ex Christianis, qui divitias contemnant, multos, qui voluptatum appetitum edoment, qui curiositatum lenocinia aspernentur, qui ab ambitione remoti sint: at verò ubi multos reperietis, qui vesano iracundiæ impetu non abripiantur? Incendium hoc est, quod per omnes serpit familias, in omni ætate succenditur, omne pectus ex-  
*l. edit atque consumit. Nullam transit æ-*  
*ratatem, nullum genus hominum excipit, tam*  
*inter Graios, quàm Barbaros potens. Vi-*  
 dete, igitur, quanta nobis necessitas incumbat, passioni huic frænum injiciendi, quæ alioquin instar equi indomiti nullum non facile ephippio excutit, & humi affigit.

III. Jam verò, nisi fallor, eadem infrenanda Ira, quæ in equis ratio tenenda est, & utrobique utendum dexteritate ac robore, illà, impetum non nihil permittendo, hoc eundem frangendo, dum nunquam ita frænum retrahimus, ut equus supinus concidat; nunquam ita laxamus, ut effræni libertate in præceps ruat.

## I.

IV. Quod attinet ad dexteritatem: eò primùm convertenda est cura, ut æstus imminuatur Passioni, quæ præquam ulla alia exardescit. Eteum in finem imprimis perpendite id, quod iracundiæ vestræ animos addit, persuasione quandam esse, quâ creditis, vos jure ac merito irasci. *Nulli irascenti sua Ira videtur injusta*, ait S. Augustinus: Atque adeo ad  
*ug. e- 100.* restinguendam indignationis intempe-

riem, meo quidem judicio, ratio perquam expedita est, observare tranquillè, quot modis ira nostra & Juris & Rationis limites transiliat. Peccat autem Ira triplici potissimum modo: primò, quia irascitur iis, quibus non decet; secundò, quia ex causis, ex quibus non decet, & tertio, quia plus quàm decet.

V. Primò irascuntur homines, quibus non decet. Sunt, quos videamus exardescere, cum equus eorum umbris terretur, cum cespitat, cum non ad arbitrium eorum progreditur. Quin videmus ipsi etiam saxis quosdam indignari, in quæ impingunt; igni si non confestim accenditur; calamo, si liquorem tenaciùs retinet; chartæ, si eundem avidiùs fugit; filo si intricatur, & multò maximè chartis lusoriis, cum ad votum non obtingunt, ita ut hæc etiam in frustra quandoque abeant. Qui sic irascuntur, ut ne homines dixeris, sed belluas; neque enim iis irascuntur, à quibus verè offenduntur, aut quos ut tales bona ac sana ratio dicat; sed quos ipsi apprehendunt, aut qui tales quoquo modo apparent; atque ideò dum his irascuntur, solà se duci sinunt imaginatricis  
*l. Thom.*  
 facultatis vi, quæ etiam bestiarum furor  
*1. 2. 7.*  
 legibus suis moderatur. Hisce  
*46. a. 7.*  
*ad 1.*

annumerandi quoque sunt, qui opportunè monentibus irascuntur. Hi pro eo quòd oderint culpam; tanquam vulnus, oderunt Correctionem, quæ est Balsamum, curando vulnere affusum: & hac ratione se planè phreneticos commonstrant, cum neminem alium tam acerbè oderint, quàm illos, qui Medici in se partes suscipe-



re cogitant. Potestne igitur unquam rationabile vobis videri, in eos commoveri, qui ante alios se vobis beneficos declarant?

VI. Secundo modo Ira in causis peccat: exardescunt enim nonnulli ex causis levissimis: ex offensis nimirum veris quidem, sed tam exiguis, ut pudere quem debeat, quod ullam earum rationem habeat. In familiis etiam Christianorum tantus quandoque ex unius vitrii casu strepitus exoritur, atque tumultus, quo vix majorem incuspiam Regni seditione excitari par esset. Sed ita nunc res sunt: assuevimus terrenas hâcce reculas tanto in pretio habere, ut quavis earum etiam minima jactura nostrâ æstimatione magni semper sit ponderis. Atque hic error nos in furias agit, quod credamus, ab eo nos contemni, qui rei exiguae curam gerit, quam tanti nos æstimamus. Inde nobis Ira & insania est, quod exigua magni momenti æstimamus, verba sunt sapientis magni licet Ethnici.

VII. Denique peccant Iracundi plerumque in modo. Dabo vobis, causas irascendi justas esse, & rationi conformes: at tales profectò non sunt impetus, in quos indignando prorumpitis. Ira viri Justitiam DEI non operatur. Pedum ille strepitus, qui ab aliquibus excitatus; illa digitorum adinorsio; illud intra dentes murmur, illa torva oculorum sursum contorsio, quasi minæ celo intententur; illa denique mille imprecationum eluvio perspectum facit, multorum corda tempestuosi instar pelagi concitata fer-

vere quod intestinos illos tumultus suos intra viscera nequeant continere; adeò jam modum illi excessere. Ajunt quidam, Ursum, cum vulnus accepit, illico omnia, quæ primò unguibus occurrunt, terram, lapides, pulverem, spinas quæ ad eum congerere, hisque vulnus obturare; & hac ratione quandoque majus sibi ipsi malum, quam à lædente acceperit, inferre. An non hoc ipsum etiam inter vos accidit? Injuriam accipitis? huic ut medeamini, in tantas vosmet ipsi ruinas agitis præcipites, ut, qui vos læsit, pares non cogitent. Circa istum autem, quo de agimus, irascendi modum, duo maximè errata observari velim: primum illi admittunt, qui irascuntur citius, quam deceat: secundum qui diutius. Rem pluribus edissero.

VIII. Appositè Aristoteles Iracundi-  
nî comparavit, qui cum primum au-  
dit ædium fores pulsari, mox ex superi-  
ore ædium parte ad limen accurrit  
allatraturus quemlibet, priusquam in-  
daget: amicus sit, qui pulsat, an ho-  
stis; domesticus, an externus. Ita videmus  
quosdam momento in Iras exar-  
descere, & absque alio fundamento, solâ  
cujuspiam suspicionis nebulâ animi  
offuscante, ingentium rixarum ac jurgiorum  
machinas moliri. Postmodum in medio irarum æstu ami-  
cus esse dignoscitur, qui latro puta-  
batur. Multos absolvemus scæperimus se  
antè judicare, quam irasci: ajebat Se-  
neca. Propterea maximum Iræ reme-  
dium, mora: pergit idem Philosophus  
docere, ita ut qui hominibus Iræ sti-  
mulus est, re bene perpensâ deberet  
esse.

*Seneca. l. 3. de Ira. c. 34.*

*Jac. T. 30.*

esse frœnum. Filios non punitis, nisi cum Irâ excandueritis : unde si tum illi se occultent, vel longius abeant, eorumdem inobedientiæ postmodum non succensetis, dicitisque, Iram vobis jam resedisse. Alia omnia. Cum enim Ira servet, tum à filiorum castigatione abstinere penitus oporteret, ne scilicet castigando excedatis; cum verò resedit impetus, tum ad pœnam vocandi sunt. *Turbatus sum*, ait S. David, & non sum locutus. Ideo linguam continui, quia sanguinem effervescente perfunxi. Qui sanum de quavis re iudicium feretis, cum intellectus passione obfuscatur? Mulier gravida, cum primum faciem, quam arbitrari cupit, speculo admovet, speculum obfuscatur. Sic Ira tenebras ratione offundit, nec finit discernere, quid magis conveniat. *Ira intelligentia lumen subtrahit*, ait S. Gregorius, cum mentem permovendo confundit. Etiam illa, quæ ipso sole meridiano clariora sunt, iracundus animus non pernoſcit; namque ut ille, qui vallem densâ nebula obſectam pertransit, neque quid intra, neque quid extra eam vallem sit, dignoscit, sic animus Irâ turbatus neque intra se videt, quantum cæco illo & præcipiti impetu excedat: neque extra se, qualia sint errata, quibus ita indignatur: unde tunc ad iudicandum planè ineptus redditur.

IX. Et verò tolerabilius malum foret: si Ira non probè perspiceret objecta, quibus movetur; pessimum est, quòd semper illa maiora intueatur, quàm re ipsa sint. Observant rerum naturalium periti, quòd, cum Euris æ-

rem perſtat, omnia maiora videantur, quàm cum Zephyrus eundem pervadit; cuius rei causam vaporibus tribuunt, quos secum Euris advehit. Hæc igitur non exigua Iracundiæ miseria est, quòd non cæca modò sit, sed & plus iusto videat, dum turbatum suarum causas auget, easque pro arbitrio sibi fingit, semper tamen verò maiores. Quæ cum ita sint, quis satis explicet, quantas Cacodæmon prædas agat, cum sit lupo, qui nullum spoliis tempus habet opportunius, quàm quo Cælum est turbidum, aut tenebris obscuratum. Vos ipsi ignorare non potestis, quantum Irâ & illo fervore mitigato, seu dispulsa nocte, errores vestros ipsi obſtupescatis: excusatis vosmet tamen, & dicitis: *Iratus eram*: quæ excusatio ipsâ quandoque Iracundiâ mihi pejor videtur. Etenim si fuistis Irâ correpti, non debetis tum quidquam decernere, longè minùs excusationi mandare. Scitis utique; chryſtallum fractam aptam non esse, ut faciem inspicientis integram reddat! Et hoc ingens illud malum Iræ est, de quo prius dixi; ante

*Arist. l. 4. Eth.*

X. Intolerabilius tamen est alterum malum eorum, qui non tantum, in Ira Acuti, sed & Amari sunt. Sunt autem ii, qui non tantum præmaturæ effervescunt, sed Iram semel conceptam diutius, quàm par sit, animo foveant. *Ira in sinu stulti requiescit*, ait Spiritus Sanctus, quasi velit dicere: Iram beluam quandam esse, quæ quidem per ani-

*Ecclesi. 7. 10.*



animos sapientum etiam transit, in iis tamen non moratur, ut in suo spelæo; sed in sinu fatuorum quiescit ac proprium cubile habet. Aristoteles observat, illa animalia, quæ sanguine magis materiali constant ac crasso, diutius iram retinere, id quod in Apris & Tauris planum sit. Idem in agrestioribus etiam hominibus usuvenit; quibus ad mansuetudinem revocandis nulla quandoque motiva sufficiunt, non Ratio, non Fides pacem persuadet; coram his etsi quis se abjiciat, errorem confitendo; aut veniam quam demissè ac studiosè precando, in casum tamen ibunt omnia, adeò ut plane ignores, quam in iis pacandis rationem tenere oporteat. Corenimeorum destructæ instar feræ nullà jam, ne proprià quidem clavi, aperiri valet.

XI. Admonitio proin, quam hac in re dare possum optimam; illa S. Jacobi videtur: *Sit autem omnis homo tardus ad iram.* Si tamen ista quandoque frænum inadvertentibus vobis è manibus excutit, ocyus illud resumite, nec unquam ex toto dimittite. *Sol non occidat super iracundiam vestram.* Impetus illi iræ exastuantis ita comprimantur, ut non nisi momentanei sint. Quis unquam aget cum homine, qui nulli veniam impertit? qui omnem injuriam etiam levissimam Porphyretico marmori insculpit? qui non nisi vindictâ sumptâ quietem capit? Desiderabilis omnino foret in membris nostris inconcussus quidam ac perpetuus tenor valetudinis; quod si tamen humorem abundantia partem quam-

dam apostema invadit, saltem mollis sit tumor, non crudus. *Molles tumores boni, crudi verò mali.* In quo axiomate tam corporis, quam Spiritus Medici conspirant. Oporteret semper tranquillæ mentis malaciam conservare, ut nemo ullus, ultra quam ratio suaderet, iræ indulgeret. At si plenum noxio humore est corpus, qui alicubi collectus protuberat, sit saltem, quam fieri potest, mollis hic tumor, haud quaquam crudus: volo dicere, manum admittat medicantis, qui partes ad aliquem mutæ pacis consensum reducat; cum haud aliam peiorem iram invenire sit, quam illam, quæ non solum Acutos, non solum Amaros, sed etiam difficiles, id est jusque alterius satisfactionis, quæ per ultionem non accipiat, impatientes reddat.

XII. Interim, Dilecti in Christo; animis vestris expendite nonnihil, quam sæpè immeritò iram vestram justitiæ ac æquitatis titulo excusetis! Creditis, vos meritò irasci; & ideò tam vehementer turbamini: sed non observatis interim, quod etiamsi quandoque revera vobis causa irascendi non desit, non tamen causa suppetat iis irascendi, contra quos exarscitis; aut non ex his motivis, aut non hoc modo, ut saltem non isto tempore, quo iræ passio vos infestat. Quam vobis veritatem si bene, ac verè persuasam haberetis, nullus dubito: quin multum remitteret iræ vestræ impetus, qui deliberandi spatium illi non concedit. Quod si insuper cogitaretis, aut justam succensendi cau-

lam

Jacob.  
c. 19.

Eph. 4.  
16.

sam omnino vobis deesse; aut non tantam saltem, quantam arbitramini, suppetere, haud aliter vobis congeret, ac cuniculis illis, ad quorum latera foramen aperitur; hi enim ignem quidem concipiunt, sed sine strepitu vis pulveris pyrii tota in auras ac fumum abit.

XIII. Verum est, ut rectè hoc, de quo actum est, utamur remedio, opus esse; ut omnes, quantum fieri potest, occasiones prævideantur, quæ nobis negotium facessere possunt; & contra eas iusta arma parentur. An non desiperet, qui equo, jam in cursum effuso, frænum primum injicere cogitaret? Scio quidem, esse quosdam tam dexteros, ut in equum, non currentem solummodo: sed pænè volantem jactare se saltu possint; nunquam tamen audire me memini, fuisse, qui frænum aptaret equo effuso cursu pergenti. Omnino igitur difficillimum est, ut sibi quispiam persuadeat, iustâ se irascendi causâ destitui, quando Passio jam pleno cœpit cursu effundi. Antè sibi persuadeat patientiam, & frænum ori injiciat, cum tranquillus est animus. Est hoc magnum sapientiæ arcanum, ita se habere hominem, ut nulla ei inexpectata res accadat, ac improvisa. *Timor, quem timebam, evenit mihi, & quod verebar, accidit*, aiebat S. Job. Tribulatio meâ repentina mihi non fuit & inexpectata; prævidebam eventus tam insolitos, qui nunc me exagitant, *quod verebar, accidit*. Et hæc provisio ac præmeditatio, quæ Sancti Jobi patientiam plurimum confirmavit, haud facile dictu

est, quantum magis adversorum patientes redderet omnes Christianos, si illa uti scirent.

XIV. Nemo sibi persuadeat, cuncta sibi semper ad votum ac desiderium eventura, sed potius in animum inducant singuli, plurima semper fore, & spei, & votis contraria: eos, qui hætenus amicitiam vobiscum coluere, in juratos nominis vestri hostes degeneraturos. Filiolos istos vestros, qui modò tam sunt gratiosi ac morigeri, cum adoleverint, obstinatione sua ac pertinaciâ dolores, quos in partu, longa educatione exantlâstis, geminaturos: opes perituras; lites orituras; languoribus innumeris, ac morbis gravissimis vos occupandos, verbo; quam agebatis hætenus Comœdiam Tragicâ Catastrophe finiendam. Statuite vobiscum, vos in tanta rerum vicissitudine durare velle corde intrepido, ut inter fluctus scopulus, qui omnes tandem superat non agendo, sed patiendo. Decernite, bona hujus Mundi post hac pluris non facere, quàm eorundem vanitas ac instabilitas mereatur; nec alios pro beneficiis, quæ vel Agnatos, vel alios proximos contulistis, fructus expectate, quàm quos humani cordis tellus plerumque solet reddere; hæc autem, ut solum sterile, frumenti locò ac tritici infelix quandoque lolium rependit. Paucis: Imaginamini vobis, imitationi vestræ; ceu Christianis, vitam Christi Domini exhiberi, qui, ut S. Augustinus loquitur, *venit mira facere, & mala pati*: Omnibus in hoc Mundo benefacit, & non nisi mala temper re-



tulit. Quæ persuasio efficit, ut nullus unquam eventus, votis vestris contrarius, peregrinus vobis accidat, quem non immoto pede sustineatis, aut saltem minùs reformidētis, quàm si repentinus prorsus ac improvīsus vos obruisset.

XV. Congrediebantur Persici Milites cum Exercitu Romano, cùm in ipso prælii æstu sol magnâ cœpit Eclipsi obscurari. Milites Romani, qui jam ante per Astronomos hæc de re edocti fuerant, ne hilum quidem commoti sunt, sed pergebant in hostem pugnare mira fortitudine & animi robore. Persicæ verò phalanges, phænomeni, quod in cœlo conspiciantur, novitate percussi, causamque rei insolitæ ignorantes ita cohorrerunt, ut laxatis mox ordinibus, nulla habita Ducum aut quorumvis aliorum ratione, in præcipitem fugam effunderentur, rati, non jam homines solum, sed & sidera contra se pugnare. Hujusmodi perturbatio singulis pæne momentis etiamnum accidit. Una improvīsa fortunæ Eclipsis, una favoris, sanitatis, divitiarum, Honoris, Amicitie jactura, quæ non expectantem obruit, innumeros Christianos vehementer etiam atque etiam perturbat: qui si animum infallibilibus Scripturarum & Patrum prognosticis applicarent, rerumque humanarum cursum non secundum vota sua, sed secundum veritatem multâ jam experientia comprobata metirentur, & mala præviderent, tum enim verò in omni rerum vicissitudine, in adversis æquè ac prosperis, generosè decerta-

rent, ac gloriosam ex omnibus victoriam reportarent: *In die bonorum ne Ego immemor sis malorum*; ait Spiritus Sanctus. Cœlo sudo ac sereno præfigite animis vestris nubes & pluvias, & prius, quàm portu excedatis, contra procellas vos armate, ut cùm in altum promoveritis, fulcare maria & fluctus everberare possitis. Quid expectatis in isthac lacrymarum valle, quam habitamus, nisi ærumnarum segetem & laborum? Multæ vobis injuriæ inferentur, molestiæ innumeræ & contemptus partim eorum, qui, melius agere non possunt, ignorantia; partim imbecillitate eorum, qui, quod vellent, agere non possunt; partim eorum malitia, qui bene vobis facere, etsi possent, non volunt. In omnes hujusmodi casus vos parate antè, quàm veniant, & ita animos vestros obfirmate, ut nulla eos passio & impetus transversos agat; non instar palearum vento vos permittite, sed state immoti, partim alienis miseriis condolendo, partim etiam, quid alii à vobis patiantur, considerando. Ita ut, quemadmodum Grues securæ per aërem remigant, cùm ingruente vento pro saburra laxum rostro tenent; etiam vos pondus vestrorum erratorum, quæ fortè non levia sunt, attenta mente perpendendo, refrenetis impetum, quo contra alios incitamini.

XVI. Et certè quis æquo unquam animo ferat, quòd in Christianorum domibus minùs, quàm in spelæis Urforum nonnunquam pax vigeat? Maritus contra Uxorem, Uxor contra Maritum: Pater contra Filios, Filii contra

49. contra Patrem, Vicini contra se mutuò concitantur, & solido Christianæ charitatis vinculo colligari nesciunt: *Vasa iniquitatis bellantia*: corda iniquitate repleta & contentionibus; id est, homines, qui vel maximè opus habent, ut benignè ab aliis tolerantur, tolerare ab aliis volunt omnino nihil. Discite aliquantum, à tantis clamoribus, vociferationibus, convitiis abstinere; animum Christiano homine dignum induite, seu quod idem est, panificum: *Induite vos sicut electi DEI, sancti & dilecti, viscera misericordie benignitatem, humilitatem, modestiam, patientiam supportantes invicem, & domnantes.* Unum alterumve proximi vestri erratum dissimulate, haud aliter ac si non videretis, gnari, subinde medicinam in occultis præsertim ac intestinis moribus ipso malo esse pejorem. *Quibus canceri occultè fiunt, eos præstat non curare; qui enim curantur, citius per-eunt.* Contrà verò cum ipsi corrigimini, discite saltem pati, si non amare correctionem. Plurimos invenietis, qui ne verbulo quidem tangi sustinent, non dicam à Majoribus domi suæ; sed ne à Sacerdotibus quidem in Tribunali Pœnitentiæ; ita ut si quis Confessarius admissos à Pœnitente errores exaggerarit idem fecerit, ac si bellum indixerit, aut omne saltem commercium se inter & Consistentem sustulerit. Quantocyus ad inquirendum alium Animæ Medicum digrediuntur, qui plagis gossipium oleo tinctum imponat, quibus ceu fistulis jam inveteratis ferro & igne fuisset obviandum, Porphyrius ille, ma-

ximus Christianæ Legis hostis non aliam ob causam à fide defecit nefandus Apostata, nisi quòd ab honestissimis quibusdam personis fuisset admonitus, ipse autem admonitiones istas, utut *Socras*; amicas, ferre non vellet. Quæ ipsi *Hist.* us Ira tam stulta, quàm superba, effecit, ut DEI primùm Gratiâ excideret, *Eccl. 3.* mox etiam vitam quam funesto fine abruperit.

XVII. Ad viam nunc redeamus. Hæc duo monita, primum, inducendi in animum, non eam semper, qualis apparet, indignationis causam suppetere; alterum; multum ad quoscunque eventus in vitæ humanæ societate evenire solitos alacriter perferendos conferre, si animum antè paraverimus, & venturos præviderimus, hæc inquam duo monita bene expensa, & usu comprobata illam nobis dexteritatem conciliabunt, quam primo loco ad edomandam Iracundiam, ceu equum indomitum requisivi.

## II.

XVIII. Verùm, ut equus dometur, ars sola non sufficit, brachio etiam opus est. Et ideò, ut ex omni parte impetus nostros habeamus in potestate, industriæ etiam robur jungamus oportet; maximè autem tunc, cum Ira longi temporis lapsu in odium degeneravit, quemadmodum quibusdam cordibus accidit, è quibus sæpe numero vapores ascendunt, exhalationum illarum simillimi, qui æquo diutius intra nubes conclusi in mera fulmina indurantur. Ad meliorem rerum dicendarum intelligentiam supponendum est, duas esse Passio-



num acies, quæ bellum nobis indicunt: quædam ad Concupiscibilem pertinent; & hæ nos oblectamentis impugnant; quædam ad Irascibilem, & hæ doloribus nos invadunt. Jam sicut arma sunt diversa, quibus hæ Passiones nos infestant, ita pugnx quoque & resistendi ratio, quibus victores evadamus, esse diversæ debent. Contra Concupiscibilem, quæ deliciis nos impugnat, fugâ repugnemus, & ad Josephi Ægyptii illius æmulationem, qui Dominam suam impudicam fugâ declinavit, fugiamus: *fugâ usus pro armis*, ait S. Basilii Seleuciensis, & propter hanc causam toties vobis in memoriam revocavi, & etiamnum revocabo, ut occasiones ad peccandum omni studio devitetis; Juvenibus vestris tantam inter se convertendi licentiam ne concedatis; quin nec vobis ipsis eam permittatis: neque enim innocentes ac innoxii perseverabitis. Tota spes, quod vinea ad frugum suarum maturitatem sit perventura, in bona sepe collatur, quæ si defuerit, vindemia jam collecta est. *Ubi non est sepes, diripietur possessio.*

Eccl. 36.  
27.

XIX. Contrà verò, ut Irascibilem vincamus, magno robore & animositate obviam procedendum est, & omnino oppositum ei, quod passio suadet, faciendum, bonumque pro malo reddendum. Qui sic operatur, optimè demonstrat, illo se nomine, quod à Christo geret, dignum: Christianorum enim proprium est, sub vexillo Sacratissimæ Crucis omnes perversas inclinationes virili animo debellare.

*Labora sicut bonus miles Christi.* Sunt vestrum nonnulli, qui sancta quadam curiositate nōsse cupiunt, an in DEI Gratia sint, an DEUM ament, an hospitio cordis sui recipiant verum & sanctum DEI Spiritum. Ecce signum vobis manifestum. Et quo cognoscitis, utrum pilcis vivat, an mortuus sit? si vivit, adverso flumine natat, vimque aquarum superat; mortuus autem nonnisi secundo flumine devolvitur. Dico proinde, quod si nunquam vim vobis inferatis, sed præcipiti vestræ passionis impetu abripiamini, nullum mihi motivum suppetere; quo in animum inducam, vos vivere: at verò cum hujusmodi impetus magnis conatibus reprimitis, & vincitis, fateri cogor, Charitate vos, & sancto Spiritu animari, qui vitam animæ, ut anima corpori tribuit. In hoc itaque vera virtus probatur, cum possumus etiam inter illos vivere pacificè, qui pacem oderunt: *Cum his, qui oderunt pacem, eram pacificus.* Contrarium virtus non est, non irasci, quando nemo est, qui vos impetat; cum illi potius, qui vobiscum agunt, virtutis studiosos se probent. Etiam pauper, cum non movetur, non foetet; neque tamen ideo statim cum fontana in comparisonem adducenda est; hæc enim, etiam cum movetur, nec turbatur, nec foetorem emittit. Pax igitur Christiana, pax est victoriosa, quæ ad illustria prælia consequitur: non est pax indecora, quæ ignobili se recessu abscondit. *Nova bella elegit Dominus.* Antè hac alio prorsus & diverso modo pugnabatur, odium cum odio,

odio, injuria cum injuria collidebantur. At ubi Servator in terras descendit, novum belligerandi modum attulit, quo odium benevolentia vincitur, injuria beneficiis expugnantur. *Ego autem dico vobis; diligite inimicos vestros, benefacite his, qui oderunt vos.* Qui oppositum fecerit, non erit victor, sed victus. *Noli vinci à malo, sed vince in bono malum.* Et quia vellem, ut cupiditate vincendi in bono malum flagraretis, eventum plane mirabilem, huicque nostræ materiæ perquam commodum, enarrabo; qui etsi alias vulgatus est, vobis tamen fortasse novus accidet.

8. XX. Bononiæ platea est, quæ Pia dicitur ob memoriam prodigiosæ, quæ ibi exercita est, charitatis. Matrona quæpiam nobilitate & opibus conspicua; ex marito mortuo suscepit unicum filiolum, in quo spes suas omnes positas habebat. Contigit autem die quodam, ut, cum in platea puer lusu distineretur, peregrinus quidam transiret, qui vel casu, vel petulantia ita lulum ejus turbavit, ut adolescens in iras excandescens graviter de injuria expostularet. Exterius ille, quam facilis ad laceffendum fuit, tam ad tolerandas injurias difficilis gladio manum admovit, & adolescentem lethali vulnere faucium, humique prostratum exanimem reliquit. Mox fugâ sibi consulturus, ut sit in subitis casibus, qui ante fiunt, quam prævideantur, cruentum adhuc manibus ferrum gestans ad domum ipsius occisi inscius se recipit; utpote quam primam, more apud nobilio-

res usitato, apertam invenit. Recentius adhuc scelere turbatus citato cursu, saltu scalas emensus est, & eoque progressus, ut ad ipsam denique Matronam nobilem perveniret, utut sibi penitus ignotam. Coram hac in genua provollutus DEI amore supplicavit, ut se reciperet, & occultum servaret. Inhorruit ad cruentum spectaculum Matrona, & quia non norat, homicidam filio suo manus intulisse, omnem ei securitatem adpromisit, ac statim ad intimos domus suæ recessus eum deduxit, atque occultavit. Interea supervenit licitorum agmen, homicidam iis in ædibus indagantium; quem tamen post sedulam investigationem non reperiunt. At ecce! in ipso satellitum discessu altâ voce licitorum nonnemo exclamavit: Domina hæc ignorare debet; suummet filium fuisse occisum; alioquin enim ipsa foret prima, quæ nostris homicidam manibus traderet, nullo autem modo absconderet. Facile cogitatu est, quantum frigus horrorque omnes miseræ matris venas ad hæc voces pervaserit. Enimvero parum fuit, quin & ipsa filii defuncti comes in vestigio animam exhalaret. Verum recepto paulatim Spiritu, & Divinâ, quâ abundabat, Gratia confortata DEO se obtulit, promisitque, in honorem Divinæ legis, & gloriam sanctæ Fidei, omnem se injuriam ei condonaturam, à quo maximam fuisset passa: & quasi id esset parum, in signum, quod ex animo ei ignosceret, pollicita DEO est; se homicidam filii loco habituram, omnemque defuncti



filiū hereditatem in eundem translaturam. Nec segnitius, quam promissit, executā est. Mox enim certam auri vim suppeditavit, quā se Judicium tribunalibus eximeret, ac postmodum facultates suas omnes in eum contulit, ut promiserat, tanto heroicæ pietatis ac mansuetudinis Christianæ exemplo, ut ab eo tempore platea illa platea Pia appellaretur. Quid ad hæc Auditores? Quid ad modum hunc prorsus novum propriam Irām expugnandi, alienam in bono vincendi & beneficiis obruendi? O Fidei, quā tantæ res sunt, sublimitatem! O grande Gratiæ Divinæ robur! An non unum hoc factum sufficiat, ut omnes in fidelium sectæ evidenter convincantur, & Fides JESU Christi, quam nos profitemur, longè supra omnem aliam stabiliatur?

XXI. Hoc est, quod ego cordibus vestris hodie inculptum velim altissimè, ita ut si deinceps injuriā quādam impetamini, non alia vos ratione vindicetis, quā beneficiis, quibus inimicum obruatis. Saltem si aliud quidpiam non occurrit, DEUM pro illo orate, eamque orationem eousque continuate, quousque illius injuriæ memoria apud animum vestrum perseverat. O vos beatos, si vos ipsos vincere ac debellare tanta cum gloriā decreveritis! Videor mihi ipsum oculorum meorum acie Cælum penetrare, ibique in libro Vitæ nomina vestra lucidissimis characteribus inscripta legere: nomina scilicet eorum, qui sub vexillo pulcherrimæ Charitatis bella gesserunt; *bella nova,*

uti dixi, electa à DEO pro bellis suis, quæ è cælo in terram secum detulit: *Nova bella elegit Dominus.* Antiquorum Gentilium Sacrificuli solebant victimas aperire; & ex intestinarum partium motu conjicere, num cæsar victimæ Cælo forent acceptæ, an secus. Viscera vestra pervidere cupio, atque ex cordis motu, & dispositione ad vindictam vel charitatem fidelissimo aurgurio prædicam statum, quo coram DEO versamini, an Reprobis an Electis sitis accensendi? Neque obijciatis velim, perfectionem hanc nimium sublimem esse; etenim reponam, eam, quantumcunque alta ac sublimis sit, nihilominus Professioni vestræ, quā Christianis adnumeramini, competere; illa enim filiorum DEI propria est, unde dixit Christus: *Diligite inimicos vestros, ut sitis filii Patris vestri, qui in Cælis est.* DEI filii esse desideratis? Patrem imitari oportet non bonis tantum, sed & malis bona faciendo. An non videtis, quot ille gratiarum milliones non in sinum eorum tantum, qui in eum credunt, eumque adorant, depluat, sed illorum quoque, qui in eum blasphemias conjiciunt? Quomodo igitur vos DEI filios venditatis, si tantum ab ejus moribus degeneratis? *Sola dilectio*, dicam cum S. Augustino, *sola dilectio discernit inter filios DEI, & Filios Diaboli.* Nihilominus tamen, ut faciliorem vobis reddam perfectionis, quæ usque adeo vobis sublimis videtur, praxin, duo vobis media proponam, unum quidem, quod Charitati, alterum quod Patientiæ subserviet,

XXII. Et quidem, quod attinet ad Charitatem, scitis, quàm vobis accidat difficile, eos amare, qui vos oderunt, benedicere maledicentibus vobis, iis benefacere, qui vos persequuntur. Ratio est, quia proximum in se consideratis, non verò in DEO Domino suo. Considerate eundem non-nihil in corde, ut ita dicam ipsius DEI, qui eum amat ceu opus suum admirabile, simulacrum, subditum, Hæredem Regni cœlestis, & ad hunc modum considerantibus erit possibile, ut ei non malè velitis, qui DEO in amoribus est? Quomodo erit possibile, ut difficultatem experiamini in eo vobis conciliando, qui unà vobiscum super sidera regnabit æternum felix? Magnorum Regum & Cæsarum filii, quamvis ob ætatis conditionem erroribus ac nævis sint obnoxii, faciliè, tamen ab iis tolerantur, qui non solum præsentem pueritiæ statum respiciunt, sed conscensuros aliquando thronum prævident. Id ipsum vos facere oportet, quando à proximo vestro injuriam sustinetis: hic, debetis dicere, qui tam inhumanè me habet in infantia sua, cum ad statum perfectum fuerit adductus, Rex erit immensæ gloriæ particeps, meus in æternum frater erit, & à me ut alter ego amabitur. Quomodo igitur in corde meo locus sit alienationi ab illo, qui per omnem æternitatem deliciarum mearum objectum erit? Quid musca in se villius? quod si tamen succino immersa conspiciatur, in omnibus Principum thesauris miraculi loco habetur. Quare igitur proximus noster, utut in se vilis

sit, malignus ac protervus, si tamen ut proximus consideratur, hoc est, velut in Divinæ charitatis abyssum immer-sus, quâ supernæ capax beatitudinis efficitur, nobis non videatur amabilis, dignusque, qui corde nostro recipiatur? Lacrymas mihi exprimit extrema Christiani populi ignorantia, quâ fit, ut Idioma prorsus peregrinum evadat, quod vernaculum esse deberet.

XXIII. Bene igitur me intelligite. Amor, qui proximo debetur, non est amor quidam naturalis; in genii quâdam similitudine fundatus, in venustate vultûs, modo agendi humano, & mutua affectionum consensione. Hic enim amor etiam inter Infideles, quin & bruta viget, *Si diligitis eos, Matthæi qui vos diligunt, quam mercedem habebitis, ait Christus, nōne & Ethnicî hoc faciunt? Christiana charitas non est aurum sortis infimæ. Est virtus supernaturalis, quæ movet ad bene cuiuspiam volendum ex motivo purè divino, persuadens etiam illum amare, qui non mereretur in se spectatus amari; nec proximum in se, sed in DEO contemplatur, cujus præceptum est, ut proximus ametur. Et ut doctrinam hanc, altissima consideratione dignam, bene animo desigatis, nōsse debetis, proximum nostrum in DEO nostro eo ferè modo esse, quo fœtus in Matre. Filius tribus omnino modis in matre esse potest, nimirum intra viscera, in quibus concipitur; in corde, quo amatur, in sinu, in quo lactatur. Tribus iisdem modis, quamvis multò nobilioribus, Proximus noster in Christo JESU reperitur: intra viscera-*



viscera quidem; utpote inter millenos dolores Passionis tempore in monte Calvarie genitus; in corde, utpote amore infinito & insatiabili ab eo amatus; in sinu denique, etiamnum in SS. Eucharistie Sacramento Sanguine suo sacratissimo solitus lactari. Unde animadvertamus tantisper, quantam Christiani mutuo nos amore complectendi causam habeamus; & quod consequens est, colligamus, quantam DEO faciat injuriam, qui de proximo ultionem petit; siquidem proximo suo damnum inferre nequit, quin in DEUM, quo cum ita conjunctus est, injuria redundet. Qua ratione foetum in utero matris delitescens ferietis, quin prius in matrem infestas manus stringatis? ita si oculos fidei lumine illustratos haberetis, uti habuit Apostolus, illico in intimis JESU Christi visceribus proximos vestros contueremini. *Testis est mihi DEUS, quomodo cupiam omnes vos in visceribus JESU Christi.* In corde illo Divino omnes videretis tanquam in abyssu Charitatis, ubi ex omni parte circumdantur & ambiuntur: qui igitur persuadere vobis poteritis, proximum ferire vos posse, quin DEUM feriat? Illos ferire, qui velut utero gestantur, & illum non tangere, qui ut mater eos utero & Charitate circumfert? Animis vestris reputate, atque omne dubium inde expellite, hoc solum unumque motivum fore satis efficax, quod possit pectora vestra omni rancore purgata pristino dulcore perfundere, ita ut primam Christiane militie regulam opere comprobare valea-

tis, quæ in eo versatur; ut injuriæ beneficiis vincantur.

XXIV. Quod si hoc motivum, in quo Charitas fundatur, tanquam minus, quam oporteret, expensum ac intellectum, satis non foret ad coercendos Iræ vestræ impetus jam nimis tumidos, alterum motivum in tempore accedat, in quo Christiana Patientia fundatur. Et quod istud? Audite. Causa, quare tam citò in eos concitemur, qui nos offendunt, est, quòd illos ceu unicam omnis mali causam credamus: cum tamen revera non ita sit. Quis autem est, qui intelligat? *Quis est vir Sapiens, qui intelligat hoc, quare perierit terra, & exusta sit quasi desertum?* dicam & ego cum Jeremiâ attonitus. Quis est, qui intelligat, quo ex fonte omnia nostra mala deriventur? Mala culpæ quidem certò à nostra mala voluntate promanant, quæ sola desiderio suo concipit portentosum illum peccati abortum, & se solâ pravis actionibus eundem gignit, & in lucem profert, dum viribus liberi sui arbitrii, potentiarum ac Passionum suarum, quas sibi subiectas habet, ad hoc tantum utitur, ut iisdem DEO, à quo accepit, bellum inferat. Mala verò poenæ Divinæ Providentiæ adscribenda sunt, quæ modò per hunc, modo per illum delinquentes castigat, ferè ut Judex, qui hunc modò, modò alium in reos carnificem armat. Quapropter sicut illi Rei insanirent, qui ad supplicium educti, Carnifici irascerentur, eique præcipuam mortis suæ causam imputarent; ita stultissimi omnino Christiani

Philip.  
2. 8.

stiani illi sunt; qui Iram suam in eos effundunt, à quibus offenduntur, litibus exagitantur, injuriis provocantur, facultatibus suis etiam iniquissimè evertuntur: in his enim aliisque omnibus eventibus Proximus noster non nisi instrumentum est. Repeto. Odium illud, illa injuria, injustitia, contemptus & hujusmodi, quo proximus vester ita malè vos habet, in quantum culpa & peccatum est, certissimò à DEO non venit, utpote qui etiam prohibeat, sed à sola humana malitia. At verbò damnum illud, quod, qualecunque sit, accipitis, cum à potentiore familia per vim opibus vestris dejicimini; cum fama ac honor vester à calumniatrice lingua denigratur; cum fratre quodam vestro, aut filio, aut marito per mortem ab hostibus vestris illatam, spoliamini, atque omne illud pœnæ malum ab uno solòque DEO descendit, tanquam causà omnium universalissimà. *Si erit malum in civitate, quod Dominus non fecerit?* DEUS omnium adversitatum vestrarum fons est; Proximus vester tantummodo canalıs.

XXV. Quibus ritè perceptis sancti & veri Christiani, qui hanc veritatem, ut oportet, animo concipiunt, omnem inimicum patienter sustinent; utpote quem haud aliter aspiciunt, ac flagellum in manibus DEI, qui illo instrumento ad ipsos castigandos tantisper utitur. Ubi contrà cæca ac rudis plebs, nullo habito ad DEUM, qui adversa immittit, respectu, ad solum proximum convertitur, qui ea infert, nec verecundatur instar fatui canis in

*R. P. segneri Christ. Instr. Tom. I.*

laxum ferri, quo læsus est, lædenti autem tergum obvertere. Ecce! inter omnes nuncios, qui S. Jobo dolorosissima nova attulere de pessundatis fortunis suis, nullus fuit, qui diceret: DEUS hanc & istam calamitatem intulit. Ille Chaldæos reos agebat, alius Sabæos, nonnemo ventum incusabat, nonnulli fulmina, procellas, ignem, *Job. 1. 21.* solus Job veram calamitatum causam agnovit, ac dixit: *Dominus dedit, Dominus abstulit.* Et hoc solum ac unicum motivum tantum effecit, ut ad immanissimas has concussiones immobilis perduraret. *Obmutui: & non Psalm. aperui os meum: quoniam tu fecisti, 38. 10.* ajebat David. *Quid dicam, aut quid 14. 38.* respondebit mihi, cum ipse fecerit? in- *15.* quiebat Ezechias. Et hoc usitatum fuit Scripturæ sacræ idioma, quo Sancti nos edocent, quòd motivum omnium fortissimum sit, quo Iram in proximum, qui nos offendit, coercemus; considerare scilicet proximum ut DEI instrumentum, quo nos vult punire, non verbò ut causam miseriarum nostrarum principem. Ita eodem tempore cor nostrum placatur, ac disponitur, ut suaviter ac cum voluptate adversitatum pondus in se suscipiat, dum eas semper intuetur, ut à Domino suo paternè immixtas, calicem amarum quidem, sed oppidò salutarem. *Calicem, quem dedit mihi Pater, non bibam illum?* Venti Australes, cum primum oriuntur, frigidi sunt; at quia, dum ad nos tendunt, Zonam torridam pertranseunt, fit, ut naturam suam mutant, eumque, quem experimur, teporem induant.



Idipsum accideret malis, quibus affligimur, si Fide instructi, omnia acciperemus ceu per manus Divinæ Providentiæ transeuntia, quæ omnia summa charitate disponit, & ad profectum nostrum immitit.

XXVI. Magnum itaque arcanum, quod ad Iram nostram refranandam facit, est illa consideratio, quæ proximum nostrum DEI corde conclusum intuemur; ita ut etiam, cum nos offendit, amare illum valeamus, ac in DEI manibus positum tolerare. Prima consideratio suo vigore animatam conservat Charitatem, Altera suo robore confirmatam Patientiam. Nolo in longum extrahere sermonem, omnia monito Apostoli supra allegato

Rom. 12. complectar: *Noli vinci à malo, sed vince in bono malum*, hoc memori semper mente tenete.

XXVII. Inprimis ait Apostolus, *noli vinci*. Et hinc nolite mihi oggerere: *Sum naturæ admodum fervida, non possum non irasci. Qui liberos habet, non potest non quandoque in illos maledicta conijcere. Qui injuriam accipit, non potest non etiam reddere. Non potest saccharum quisquam in illum effundere, à quo non nisi fel recipit*. Non ita loquamini, admodum enim vosmet ipsos fallitis. Vinci Ira non potest, quia non vultis. Tentate nonnihil, & ex animo conamini velle, fusis etiam hunc in finem precibus, ardentem DEUM deprecamini, & videbitis, an non adjuvante DEI Gratia effrangi vestrâ naturâ victoriam reportare possitis. *Noli, noli!* Vobiscummet ipsis decernite, nunquam cedere, & di-

midia ex parte debellastis; hoc ipso dum non succubistis.

XXVIII. *Noli vinci à malo*. Expendite præterea, Iram Adversarium vestrum & hostem esse, qui vos sibi subicere, & pede collo imposito concutere velit; vos tamen etiam ut domesticum vestrum ac inquilinum eum accipitis, & cum portam ante ora occludere deberetis, obviam proceditis ad hospitium vestrum eum invitaturi. Si æmulum tantummodo in cursu haberetis, coniti deberetis, ut eundem superaretis; nunc cum in acie hostis occurrat, necdum arma arripitis, vosque ad defensionem strenuam accingitis?

XXIX. *Noli vinci à malo*. Insuper animadvertite vindictas vestras rem esse minimè gloriosam, contra quam vobis videatur: sed ad opprobrium & dedecus potius cedere. Neque enim victoria est, pertrahi ab inimico ad id faciendum, quod vos fugere oporteret; ut scilicet malum pro malo reddatis; vinci hoc est, non vincere. Vincere est, hostem ad id præstandum adigere, quod eum facere convenit; id quod quandoque fit, cum ei bonum pro malo reddendo, ejus voluntatem beneficiis ita immutat, ut ex hoste amicum se profiteatur. Sanctus quidam Abbas, Sergius nomine, dum Rusticani hominis petulantem insolentiam miti responsu accepit, ita eum commovit, ut Monachum indueret. Quæ ipsa patientia in multis matribus effecit, ut filios haberent obsequentes, in uxoribus, ut maritos sibi reconciliarent. Ita de magne-

magnete dicitur, quod ferrum vincat. Quomodo? dum persequitur? nullo modo: sed dum ad se per aëra attrahit, non obstante pigrâ illâ & gravi metalli hujus naturâ.

XXX. Clypeus, quo omnes Passionis vestræ ictus retundere possitis, erit persuasio illa, de qua dixi, non suppetere vobis illam irascendi causam, quæ prima fronte animis se vestris objicit. Ira enim ignis quidam est infernali magis, quàm elementari similis: nam ardet, & non lucet, imò corda illa, in quibus accenditur, magis tenebris suis opplet. *Supercecidit ignis & non viderunt solem*: etiam de flammis Iræ dici potest, quæ nimium quantum Rationis Solem offuscant. Cum turbati estis, rem nulla n momenti gravioris decernite, nec aliorum errata reprehendite; valde enim difficile est, sagittâ scopum tangere mediis in tenebris. Similiter occasiones illas animo præconcepit, quæ ex facili suboriri possunt, intentionibus vestris contrariæ, ut, cum arcum frangere jam non potestis, tela saltem reddatis obtusa. Certum habetote, magnam impatientiæ nostræ partem ex ignorantia & hebetudine nostra originem suam trahere: non conamur eam prævenire, nec ultra pedes oculos extendimus. Forsitan immutabilis vestra erat sanitas & valetudo, quòd ita perditæ indoleatis? & vester honor ac fama, non ut aliorum, convitiis hominum erant exposita? & facultates vestræ, non ut res aliorum, furibus erant obnoxie? ita ut soli vos ab omni calamitate immu-


nes essetis, cum tamen, etiam qui Regnis præsumunt & Imperiis, variis cladibus & calamitatibus sint subiecti? Alias porro similes occasiones vos ipsi generoso animo præconcepit, illum imitaturi, qui, ut disceret æquo animo repulsam ferre, à statuis Eleemosynam rogabat; à quibus ne responsionem quidem extorquebat: alias autem solerter declinare, non adverso pectore torrentem excipiendo ab alto proruentem, sed à latere eum tantisper sustinere, quantum sufficit ad impetum aliò divertendum. Volo dicere, ne cum iratis contendatis, sed impetum nonnihil declinate, dum præterlapso Iræ pleno torrente aqua tantisper subsidat, &, ut prius, etiam vado transiri possit. Ne corripatis Maritum, Irâ jam succensum, nec jacturam lusu factam exprobrate, cum ab aleis redit; hoc enim dum facitis, ignem statu animatis magis, quàm extinguitis; & ut S. Chrysostomus advertit, contra omnem experientiæ regulam igne ignem extinguere allaboratis: *Non extinguitur ignis igne, sed Hom. aqua.*

XXXI. Noli vinci à malo, sed vinca *18. in Matth.* in bono malum. Ita denique cor vestrum in officina ac foco charitatis temperate, ut non solum à vindictæ cupiditate non superetur, sed insuper Iram beneficiis vincat. *Christianus Tertul- nullius est hostis. Verba sunt Tertul- lian. ad scop.* liani. Aut Professioni Christianæ nuncius remittendus est, aut alius super terram inimicus, nisi quisque sibi, habendus non est! ita quidem ut qui nobis adversantur, non habeantur



tur pro persecutoribus, sed ad Fidei lumen, Proximi censeantur, sed quod idem est, res quædam DEI propria, à DEO singulari studio protecta, mirâ providentiâ pasta, & velut à matre in sinu gestata. *Qui portamini à meo utero, & gestamini à mea vulva.* Hac ratione insignis illa VICTORIA difficilis non accidet, quâ vincitur in bono malum, VICTORIAM, in qua memo quidquam per-

dit, omnes lucrantur. Victor triumphat, Victus in triumphum non ducitur. *Vince in bono malum.* Hanc ego vobis victoriam ex animo precor; Ut nunc per Christum, & in Christo vincentes, cum Christo aliquando triumphare mereamini, ac læti concinere: *DEO gratias qui dedit vobis victoriam per Dominum nostrum Jesum Christum.*



## DISCURSUS XXI.

*De Sociis, qui alios ad peccandum inducunt.*

I. **V**ehemens aliqua passio ita quandoque excæcat, ut cum alium ad exitium pertrahit, interitum proprium sæpenumerò non attendat, aut videat. In India serpens est, Elephanto insensissimus, quem etiam hac fraude circumvenit ac enecat. Inprimis ejus sese pedibus circumvolvit, & antequam Elephas se spiris istis possit evolvere, lethali circa pectus vulnere sauciatur. Verùm fraus hæc plerumque in auctorem recidit. Elephas enim ita saucius illico in terram concidit, & casu suo, gravissimòque pondere Serpenti, à quo vulnus accepit, caput elidit, & vitam sine remedio eripit. Quid dici similius posset de pravis Sociis? illà ipsâ ruinâ involvuntur, quam aliis moliti sunt, & ubi complures ad infernum animas præmiserunt, ipsi sequuntur; alias autem post se eodem pertrahunt. Quapropter hodie

hanc summimomenti veritatem expendemus, quanto studio pravam consortium sit devitandum, tum propter damnum illud, quod Socii pravi aliis inferunt, tum quod ipsi sibi. Quia qui alios ope fraternæ Correctionis à malo nescit retrahere, qui Correctionis illius finis est, cavere saltem debet, ne Scandalo, quod Correctioni vel maximè oppositum est, alios ad peccandum inducat.

I.

II. Verùm ut intelligamus, quidnam scandalosi & exempli pravitatem nocentes Socii sint, nôsse prius debemus, quid sit Scandalum. Scandalum dare aliud nihil est, quàm dare occasionem, quâ alter ad peccandum inducatur. Hujusmodi autem occasio duobus dari modis potest; directe, vel indirecte. Directe, quando malis suggestionibus Proximi ruina Spiritualis intenditur: indirecte, cum

cùm hujusmodi ruina quidem non intenditur, ex verbis tamen nostris, aut actionibus quibusdam facile prævidetur secutura; & tamen nullâ justâ de causâ non impeditur. Hodie non agam, nisi de illis Sociis, qui directè scandalum præbent; ut sunt illi, qui primi sunt generis. Et ut clariùs pateat, quantam iniquissimi hi Socii Animabus hominum stragem inferant, arma in conspectum proferam, quibus utuntur; sũtque triplicis generis, singula ad lædendum potentissima; nimirum: Exempli pravitas; prava consilia; & apertus virtutis contemptus. Et hæ sunt ternæ virulentorum istorum Scorpionum chelæ: quo nomine etiam Sacræ Paginæ Seductores designant: *Subversores sunt tecum, & cum Scorpionibus habitas.* Primò itaque prævum Exemplum expendamus, quæ velut prima chela est, quâ feriunt.

III. Res facillima, quam præstare aliquistruncus potest, est, pati se secundo flumine ferri. Sic res longè facillima est, quam præstare animus debilis & infirmus potest, pati se aliorum exemplo duci: hac enim ratione magnâ se molestiâ exonerat, quam in operando haberet, si agendi causas ac momenta examinare ipse ac ponderare deberet. *Imitari insitum est hominibus à pueris, & in hoc differunt à cæteris animalibus.* Et ars hæc juxta alterius ideam acu pingendi, (quam inde à teneris discimus) multò evadit faciliior, in vitiorum quàm virtutum imitatione, ob naturæ nostræ corruptionem, quæ congenita qua-

dam vi ac mole magis deorsum fertur. Hinc colligite, quanta quàmque gravia mala ex malorum Sociorum multitudine, eorũque pessimis exemplis in rempublicam humanam redundant! O quot hominibus id, quod Zachæo accidit, qui quò corporis staturâ minor erat, eò magis à numerosa turba oppressus, non tantum ab adeundo Servatore, quod in votis habebat, prohibebatur, sed à vidento quoque! *Quarebat videre Jesum, Luc. 29. & non poterat præ turba, quia staturâ pusillus erat.* Non paucæ sunt hujus sortis puellæ, quæ periculis nimis liberæ conversationis agnitis libenter Amasios suos deferrent, atque ab oblectamenti, choreis, visitationibus, in tempestivis vigiliis, & amoribus se abstraherent, ut eò melius Christianæ se devotioni impenderent; sed turba eas retrahit, quòd minùs ad Christum pertingant; imò ne vel à longè eum contueantur, impedit. Animadvertunt istæ, alias ejusdem secum ætatis rarò admodum ad Sacram Synaxin accedere, in Templo amatoriiis obtutibus distineri, liberè nullo respectu, cum vicinioribus confabulari, remotioribus annuendo, subridendo, sese inclinando respondere, & sic paulatim etiam ipsæ nullum ob hujusmodi levitates remorsum sentiunt, eamque pecuniam pro bona habent, quæ in continuo commercio est; licitum arbitrantur, quod nemo non facit. Quare Zachæum imitari oporteret, & in arborem ascendere. semitamque hanc petulantis turbæ transcendere, suæ salutis, non aliorum vitæ ratio-



nem habere. Inter mille flumina, quæ in mare illapsa omne maris vitium contrahunt, dum eodem permiscuntur, unus est Alveus, qui sine ulla commixtione salvas pelagi undas illibatus pertransit, & suam retinet dulcedinem. Non nego itaque, quod Animæ quædam ita sint perfectæ, ut

*Psalm. 118.* scandalum non patiantur: *Pax multa*

*3. Thom. 2. 2. 9.* *diligentibus legem tuam, & non est illis*

*43. a. 5.* *scandalum.* Istæ enim non attendunt, quid alii faciant; sed quid facere deceat. Scandalo solæ imperfectæ animæ sunt obnoxie, atque idcirco à Christo parvulæ vocantur. Nota, quod, qui scandalizatur, Parvulus est, ait S. Hieronymus, *Majore enim scandala non recipiunt.* Verùm ex hoc ipso certissimo colligite, quânto plures sint animo, quæ omni scandalo succumbunt, quam illæ, quæ incunctæ persistant: *Quasi greges, Parvuli eorum.*

*Job. 21. 31.*

IV. Parùm itaque supra dixi, cùm asserui: Exempla multitudinis in unus Animæ exitium cedere. Debebam dicere; exempla etiam unius animæ, integræ quandòque multitudini interitum afferre. Solent nonnunquam Senes nostri dicere: ante hac non ita vivebatur, non tot lites ac jurgia audiebantur; non tam sine verecundia illicitis amoribus indulgebatur: Juvenes Majoribus suis reverentiam exhibebant longè majorem, multòque erant modestiores. Et planè verùm dicunt; at nihil proficiant, cùm non exquirant perversionis hujus originem ac causas. In has si inquirerent, haud dubiè reperirent, hanc

quantùmvis maximam morum mutationem nonnisi ab unico quandòque homine, ceu fonte promanasse. Juvenis unus protervus & impudens, cùm palam dissolutè ausus est vivere, innumeris aliis, qui modò eum sine fræno imitantur, viam stravit. Fæmina una matrimonio juncta, quæ Meretricis instar vivere non erubuit; aliis etiam Matronis verecundiam ademit. Puella una, quæ aperto pectore & brachiis mediam partem denudatis in Ecclesia comparuit, suo exemplo effecit, ut jam tot nutrices, quot puellas in Templo videre tibi videaris; & cùm ad Altare Divinum Epulum recepturæ veniunt, credas ad furnum accedere, ut isthoc habitu panem coquendum in illum mittant. Pater-familias aliquis audit in terris alienis iratum quempiam Sacrosanctum DEI Nomen maledictis ac blasphemis proscindere; ad suos rediens infernale hoc idioma secum attulit, & liberis suis ut hæreditatem reliquit: hi in totam latè viciniam propagaverunt. Utinam non ita esset! Facile nimis addiscitur, quod malis exemplis docetur. *Citò malis ducibus erratur:* ait S. Ambrosius. Quæ etiam causa est, propter quam Cacodæmon ita omni studio conatur malè facta propagare; eum in finem mira homines curiositate stimulando, quæ ea exquirant, exquisita modò ad hunc, modò illum deferant, ut hac ratione in publicum emanent. Vult scilicet Orcinus hostis & insatiabili cupiditate desiderat, ut omne peccatum fiat insuper scandalum, & omnis febris in contagio

gionem degeneret. Peccatum, quod in arcano est, soli nocet peccanti; cum autem publicatur, etiam Innocentibus; eosque disponit ad peccandum, dum timorem illis tollit, quo primi esse & digito monstrari verebantur; *In populo magno non agnoscar.* Et ideo, quanto peius est fontem quemdam publicum veneno inficere, quam puteum unius domus, tanto Cacodæmoni quæstuosius est, scelera ex oculis fieri publica & manifesta.

V. Altera chela istorum Scorpionum, seu malorum Sociorum, verba sunt, quibus stragem, quam malis exemplis intulerunt, geminant. *Corrumpunt mores bonos colloquia prava*, ait Apostolus. Siquidem omnino universalis morum corruptio nulli magis causæ, quam pravis colloquiis tribui potest. Valent quidem exempla plurimum, & id, quod persuadent, cordibus imprimunt vehementer; sunt tamen instar literarum solâ Typographi manu excusarum; at ubi exemplis prava etiam colloquia junguntur, literarum instar sunt, gravi prælo expressarum. Nonnunquam igitur pestiferæ hæ linguæ bonum impediunt, aliàs malum persuadent; ex quibus quid altero sit scelestius, non facile dixerim. Miser ille cæcus, audiens, quod JESUS transiret, id unum agebat, ut magnis clamoribus, à sua cæcitate liberari peteret. Illi autem, qui circumstabant, non modo preces ejus suis quoque clamoribus non adjuvabant, ac pro ipso intercedebant, sed *increpabant eum, ut ta-*

*ceret.* Ecce! quàm res hæc quotidie etiamnum contingat. Vult quandoque Anima quædam, diutinæ suæ cæcitatis conscia, oculos tandem aperire, & in hunc finem domi, vel in Ecclesia prolixioribus DEUM precibus impeliat. Observant hoc alii, murmurant, & pro eo quod animare deberent, objurgant: abstat modò, & more antiquo vitam ducere perseveret, novitatem proscribat, & precum gratiâ laborem ne intermittat. *Increpabant eum, ut taceret.* Statim incipiunt, velut Promissæ Terræ exploratores, exaggerare ingentes difficultates, quæ se obijciunt, & hostium robur, quod perfringendum occurrit. Et non perdurabis, inquit, in ista tua modesta vivendi ratione; tuis toties repetitis Confessionibus non nisi scrupulos in animo excitabis & angores: familiam largis hæc eleemosynis ad egestatem perducas; quid cogitas? an non & nos salutem cordi habemus? habemus, & tamen utimur tempore. Ita illi: & hac sua loquendi perversitate ex domesticis fiunt inimici omnium pessimi: *Inimici hominis domestici ejus.* Adèò, ut, *Matth. 10. 3. 6.* quemadmodum Perdix, cum ovis incubat, neminem ita, ut marem, ea celat; ne scilicet frangat, dum ludibundus famellam exagitat; eadem ratione Animus ad seria conversus, neminem magis sua bona opera ac intentiones celare debet, quam Socios suos, qui eas disturbare omni modo allaborabunt, ut ad solitos eum jocos, nugas & ineptias abstrahant.

VI. Nocentiores tamen adhuc eva-

*Arist. hist. Anim. 2. c. 2.*



evadunt linguæ istæ scandalosæ, quando etiam malum suadent. Qui his vicinus agit; causam habet identidem gemendi cum Propheta. *Va mihi!*

*Isa. 6. 5. Va mihi! siquidem in medio populi, polluta labia habentis, ego habito.*

Quis eorum insultibus resistet, cum cæperint dicere, peccata impudiciæ inter omnia hominum peccata esse minima; hisce DEUM compati? Cælum in Christianorum gratiam, non in Turcarum esse conditum; aut neminem, aut omnes fore salvos? Res prodigio similis videtur, quod Adam, tantâ vir sapientiâ, naturâ & indole tam compositâ, & parere promptâ, tantis Gratiæ donis instructus, memoriâ denique recentis mandati, ac minarum gravissimarum commonitus, vetitum tamen pomum degustare præ-

*Job. 6. 7. sumplerit. Potest aliquis gustare, quod gustatum affert mortem?* Verum ne miremini, ajunt præclarissimi quique Interpretes, exemplum verbis uxoris roboratum, eum Adamo impulsus impressit, ut præceps adiret.

*Cajet in Gen. 3. Thom. 2. 2. g. 163. 4. 4. C.* Dicebat mulier; tamen & ego comedi; si me amas, mecum comedere cur recusas? Aut ambo moriemur, aut nullus. Et quæso ubi mortis aliquod indicium? mandatum ego transgressa sum, & vivo. Quæ colloquia tam fuere potentia ad evertendum Adam peccatus, ut cum omni sua Sapientiâ, Scientiâ, & Gratiâ succubuerit. Atque hæc sunt prava colloquia malorum Sodaliū, qui DEI justitiam omni ex parte extenuant, peccati malitiam elevant, & in se ipsos

quasi innoxiam ostendant, quia necdum debitâ pœna vindicatam.

VII. Quod si impiorum consiliis usque adeo miserè sapientes illi succumbunt, qui solis exemplis non expugnarentur, facile inde colligemus, quid miseris Juvenibus, & dicam melius Pueris, futurum sit? nec enim aliis magis, quàm teneræ & innocenti utriusque sexûs ætatu læ pessimum hoc hominum genus insidiatur; eo ferè modo, quo foetidissimæ capræ, cum ad pascua educuntur, germina teneriora majori aviditate & appetentia decerpunt. Equidem magno DEI auxilio opus est, quo ætas hæc tenera ac improvida immunis evadat, ne vel in Socios incidat, qui in transversum agant, aut si incidat, in transversum agi se non patiatur: tantò magis, cum non unus, aut alter hujusmodi pestilens scorpio timeri debeat, sed totâ Provinciâ quàm plurissimi sint disseminati, cum *Scorpionibus habitas*: & tot miseræ animulæ eorum inter chelas, mala inquam exempla, & pejora consilia, perpetuò sunt constitutæ.

VIII. Nullum tamen majus damnum, quàm aperto virtutis contemptu inferunt, qui jure merito extrema Scorpionum horum infernalium pars, seu cauda dici potest, tanquam duabus jam dictis chelis longè nocentior (quamvis & illæ satis sint pestiferæ) atque damnosior. Ultimus insultus, quo Cacadæmon ad impugnandum S. Jobum usus est, fuit lingua Uxoris, quæ contemptu in Maritum fuit armata. Hæc audacissima formina Ma-

riti sui virtutem, simplicitatem appellavit, ac stultitiam, etiamque instigavit, ut malediceret DEO, & ita moreretur, ac immanissimis se se doloribus eximeret.

9. *Adhuc tu permanes in simplicitate tua? benedic DEO, & morere.* Et quamvis hic Dæmonis conatus in irritum cesserit, quia vir sanctissimus cor impugnabile opposuit ac ære fenum, plurimum tamen apud Christianos, & quotidie promovet, utpote quorum non pauci aut cretâ, aut cerâ sunt molliores. Quando mali Socii bonæ vitæ homines subfannant, cum appellitare incipiunt, Devotulos, Sanctorum simias, quotquot non perfrictâ fronte, ut ipsi sunt; cum eos stolones, aut fungos palam proclamare cœperint, cum ut Rusticos, Hypocritas, inurbanos traducere, quotquot eorum votis non obsecundant, mira sanè virtus est, si Juvenes firmo pede consistent. Subinde dicere solemus, Ecclesiam DEI nunc pace frui ac tranquillitate, non infestari à Tyrannis; Persecutores versos esse in Cultores, Osores in Subditos, Oppressores in Nutricios, juxta illud Prophetæ: *Et adorabunt vestigia pedum tuorum omnes, qui detrahebant tibi.* Neque ego pulcherrimæ huic veritati contradico, sed ex animo applaudo. Plurimum tamen lætitiâ hanc imminuit, & conturbat gaudium Ecclesiæ DEI bonorumque omnium, quoddam videre cogamur, Persecutores, re ipsa non sublatos, sed tantum mutatos esse: cum ipsi Christiani Christianorum Persecutores evadant, & qui strictissimam DEO fidelitatem ju-

R. P. Segneri Christ. Instr. Tom. I.

rârunt in Baptismo, ii inquam, ipsi bellum inferant, adeo ut verissimè Ecclesia possit dicere cum Ezechia; *Ecce in pace amaritudo mea amarissima*; Siquidem persecutiones, quas Ethnici moverunt, ad Fidei propagationem faciebant? illa autem, quos moliantur Christiani, adeam evertendam serviunt. Id quod Christus confirmat: *Væ mundo à scandalis!* expendens immanem ruinam, quam nullo non tempore homines scandalosi inferent. Non dixi: *Væ mundo à bellis!* nec: *Væ mundo à peste,* ab anonæ caritate, ab inimicis, qui ferro & igne Fidem illam, quam è Cœlo in terram detuli, tantis laboribus disseminavi, ipso meo Sanguine irrigavi, persequentur. Solum dixi; *Væ mundo à scandalis!* quia omnia denique mala alia Cœlum Incolis replent: cum scandala nonnisi infernum Damnatis reddant frequentem. *Væ mundo à scandalis.*

## II.

IX. Sed non minus etiam *væ* hominibus scandalosis? *Væ homini illi per quem scandalum venit!* quæ est altera discursus nostri pars. Scorpii, utut habeant virus nobis noxium, sibi non habent. Illud ipsum enim, quod aliis mortem affert, iis cedit in alimentum. Non ita se res habet cum malis Sociis. Hi enim nulli damnum inferunt, quin sibi prius exitium afferant. Quod ingens malum, quod scandalorum auctores se ipsos perdunt, ut probè intelligamus, duo observare juvat; officium nimirum, quod Sodales improbi omnes invadunt,

Pp

Isa. 38.  
11.

Matth. 23.  
7.



dunt, & intentionem, quâ illud exercent.

X. Et primum quidem Officium illorum non est aliud, quàm Locumtenentis Diaboli, & Vicarii in munere subversoris. Cum Phraeo Rex timore caput concuti; ne Hebræi ingenti numero multiplicati in Regnum suum insurgerent, aut eo excederent, innumeros Præfectos constituit, qui tanquam Regis vices tenentes nunquam ab eorum lateribus abscederent, & semper occupatos indignis laboribus distinguerent, luto scilicet in lateres cogendo: *Præposuit eis Magistros operum, ut affligerent eos oneribus.* Ecce Stygiæ Politicæ prototypon! timet Lucifer, ne Christiani memores Terræ Sanctæ Cœlestis illis promissæ, si Evangelicæ Doctrinæ adhæreant, infame denique jugum excutiant, quod crudelissimus ipse tyrannus eis imponit, dum nonnisi ad tractandum lutum pecuniarum, honoris & carnis compellit! æquissimam fugam impediturus, pravos sibi Socios substituit, qui tanquam præfecti tam lutulenti laboris eorum semper lateri assistant, quotquot virtuti student, & pessimis exemplis, persuasionibus, pollicitationibus, minis, diatribis, derisionibus nullam quietis partem illis concedant, sed uno scelere perfecto, illico ad aliud, idque deterius absque ulla interpolatione inducant.

XI. Imò parùm adhuc dixi, quòd pravam Sodalem Diaboli Vicarium compellârim; ipsum revera Diabolum, & non tantum ejus vices agentem appellare debuissim. Hoc cum

nomine Christus designat. Verbum omnium maximè horrificum; quod unquam Christi ore prodit, cum vitia reprehendit, fuit illud, quo Petrum Sathanam vocavit, illa occasione, quâ Sanctus Apostolus naturali illa sua pietate, quâ in dilectissimum Magistrum suum ferebatur, ei mortem in Cruce subeundam dissuasit. *Vade post me Sathana, scandalum es mihi,* ut qui me ab Opere, quo post homines natos majus nullum gestum est, patrando abducere laboras: à morte, inquam, pro hominibus subeunda. Ex quo maximi momenti capita considerate, ut pessimum pravæ Societatis officium intelligatis, quo innumeri homines totidem Diaboli incarnati evadunt. Primum est, quòd Christus semper cautissimus fuerit in reprehendendis vitiis. Judas licet verè esset proditor & latro, Amici tamen nomen tulit. *Amice, ad quid venisti?* Herodes Tyrannus, Adulter, incestuosus, Crudelis, Homicida, non alio, quàm Vulpis tantum vocabulo fuit compellatus: *Ite & dicite Vulpi illi.* Et quia Pharisæorum fastus merebatur etiam publicè humiliari, à Christo Serpentes vocitabantur: *Serpentes & Genimina viperarum:* & ad summum denique eò progressus est, ut quadam vice filios Diaboli nuncupârit: *Vos ex patre Diabolo estis,* eò quòd Dæmonem moribus æmulerentur, quemadmodum filius refert patrem. Hoc autem loco Christus cum S. Petro non eadem utitur cautelâ, illumque non Diabolum tantum, sed omnium Diabolorum maximum, qui est Sathana,

Exod. 1.  
12.

1. m.  
32.

Ma  
13.

Sathanas, appellat. *Vade post me Sathana*, & rationem, ob quam eò usque in ipso vituperando progrediatur, affert, scandalum: *Scandalum es mihi*. Alterum caput consideratione dignum est, quod verba Petri (ita pronuntiante S. Thomâ, postquam rem ad amissum Theologicam examinavit) propriè non fuerint, scandalosa: *Scandalum ibi largè ponitur pro quolibet impedimento*; quia erant verba à Petro homine recto prolata animo minimè malo; nec ad malum inducebant, sed solum id, quod Personæ Divinæ decentiùs videbatur, proponebant, ut scilicet majorem sui, suæque dignitatis rationem haberet. Unde factum, ut Christus quamlibet iratus, si verba ritè expendantur, non auderet Petro dicere: *Scandalum mihi præbes*, sed tantum: *Scandalum mihi es*; quia Petrus verbis illis suis majore teneri animi sensu, quàm prudentiâ prolatis scandalum solum materiale, non deliberatum, ac ex ignorantia dabat, & in hoc etiam majorem culpam non contrahebat, quàm quod ostenderet, plus humana quàm Divina se sapere. *Non sapis ea, quæ DEI sunt, sed quæ hominum*. Et tamen Christus nulla tali excusatione admissa liberè Petro nomen Sathanæ imponit, eadem prorsus linguâ, quâ eum paulò ante Beatum pronuntiavit: *Beatus es Simon Bariona*: & ad umbram illam Scandali, quam in illo animadvertit, à se repellit iisdem modis, quibus Luciferum in deserto tentantem rejecit: *Vade Sathana, vade, vade*. Quam ergo nomenclaturam coram

DEO merebitur, & quo in gradu reperietur, qui ex nostro numero Scandalo vero, intento, certo ac evidente, non præcipiti impetu, sed malitiâ; non sine bono, sed diabolico facit quantum potest, ut homines probos avertat à semita virtutis, imò in omne malum præcipientes agat docendo, insinuando, quin & cohonestando, cum dicto: peccatum non esse, aliter fieri, aliter vitam duci non posse, non eum in finem creatum esse hominem, ut solus sit? Certè satis non erit hujusmodi homines Cacodæmonis nomine compellare, sed dici oportebit, omnibus eos Dæmonibus esse deteriores, *Sunt Synagoga Sathana*: quia Sathanæ scholam illam propagant, quæ ipsis opem non conferentibus pridem desuisset.

XII. Revera nullum toto Inferni barathro Cacodæmonem reperire erit, qui pravo nobis exemplo ipse præaverit, ipse per se nobis fuerit offendiculo. Nemo vestrum poterit dicere: Diabolus suo me alloquio tale scelus docuit: cum linguam non habeat, & idcirco vobiscum loqui non possit, nisi illo vellet ad vos modo loqui, quo in Mundi exordio locutus est, linguâ à serpente mutuo acceptâ. At verò an negare id ipsum poteritis de Sociis vestris, quòd suis vos alloquiis flagitia docuerint? Beatos vos: si negare potestis; forsitan in hanc usque horam non didicissetis. Sed neutiquam id mihi persuaderi patior. Ac proinde luce meridiana clariùs apparet, pravos Sodales ipso Cacodæmone multò esse peiores, quem iniquitate non tantum

Apo. 2.  
6.



Joan. 8. 44. exequant, sed nocendi etiam efficaciam longè exsuperant. *Desideria ejus vultis perficere*, Christi verba sunt, & illud malum, quod ille animabus inferre desiderat, neque tamen potest, vos illius loco Scandalis vestris executioni mandatis. Et hoc sit tantò certius, quantò minùs apparet. Inter omnes lupos quis demum esset, qui majorem ovibus stragem inferret? ille certè, qui formam canis pecuarii nòisset induere. Oves ipsæ non eum fugerent, sed ad eum confugerent. Canes cæteri non abigerent morsibus, sed ad consortium admitterent; ipsi Pastores panem pro baculo porrigerent. Hujusmodi lupo est quivis Sodalis pravus. Non est Diabolus solùm, hoc enim minus foret malum, sed est Diabolus personatus, adeoque talis, cui similem in tota reperire non est Abyssus. Unde licet plurimùm noceat, quia tamen incognitus venit, fores ei patent, Puella eum læta excipit, & manu ducit, salutatur blandissimè Mater, ac dolorem ex raro ejus adventu contestatur. Pater familias ut Amicum ad cœnam invitat, omnemque ei humanitatem exhibet, quem tanquam proditorem gravissimis verbis abigere, & procul habere oportebat. An non ita est? Si Cacodæmones specie & figurâ, quâ revera sunt, se vobis aspectabiles præberent, quid denique mali inferrent Animæ vestræ? ad Ecclesiam illico confugeretis, ad Tribunal Pœnitentiæ curreretis, & Cruci affixi DEI Simulachro armati, animatique ab Animarum Pastoribus, etiam provocare auderetis. Possent illi quidem pre-

cibus ad peccandum vos allicere, possent blanditiis, & minis, denique vos autem omnem iis fidem abrogaretis, & sic omnem illorum audaciam infringeretis, ac irritam redderetis. O igitur Diabolos & Diabolis peiores malos Socios! siquidem Juvenum vultum mentiri, venustâ formâ mali atrocitatem & omnem periculi timorem obtegunt; non jam Cacodæmones, sed Amantes appellantur, respiciuntur vel in Templis, invitantur ad ædes, & una familias filia alteri amantem invidet, & in sui amorem pellicere studet.

XIII. Hujusmodi igitur officium, quale Tentatoris est, deterrimum utique, poteritne ita unquam succedere, quin denique majus tentanti, & ad tantam malitiæ voraginem inducendum inde accreseat, quàm tentato, qui quandoque ex humana solet fragilitate everti; Scandalum, mihi credite, quo animæ studiosè ad exitium pertrahuntur, scilicet bonum dissuadendo, malum docendo, ad illud stimulando & exhortando, tantum ac tam grave peccatum est, ut non verear dicere, nullo illud tempore remitti & veniam obtinere. Ipsum DEUM dicentem audite: *Super tribus sceleribus filiorum Ammon, & super quatuor non convertam eum, eò quod dissecue it prægnantes Galaad, ad dilatandum terminum suum.* Condonabo, ait, filiis Populi mei alia peccata, & numero & gravitate subinde suâ majora; hoc autem non remittam. Quinam verò isti sunt, Politici usque adeò crudeles, qui desiderio finium suorum latius pro-

proferendorum succenti ad id sceleris devenerunt? Mali Socii sunt, qui ut sine omni cura metuque, sine pudore ac verecundia addant flagitiis flagitia, & identidem vesanæ suæ libidini novam materiam inveniant, ipsam non raro matrem cum foetu necare non timeant; non, inquam, dubitant, Animam in peccatum præcipitem agere, & omne illud bonum, quod mente præconceperat, & suo tempore in lucem editura erat, si in Innocentia perstitisset, intervertere.

XIV. Et hic inusitatus rigor, quo DEUS præ omnibus peccatoribus Scandalosos plectere vult, longè adhuc melius apparebit, si finem expendieris, quo pravi Socii munus illud Diabolum scilicet humanâ formâ repræsentandi in se suscipiunt. Etenim rectâ in DEUM insurgunt, caputque capiti, ut dicitur, opponunt, dum omnia DEI consilia & intentiones evertere moliantur, ut de iis propheta possit dicere. *Quæ perfecisti, destruxerunt.* Tu, ô DEUS, moriendo animas tibi vindicasti, & pro animabus temetipsum expendisti, ipsi verò te Animabus, & Animas tibi rapere al-laborant.

XV. Ergone Seducor omnibus ingenii viribus, omnibus artibus eò collimat, ut animas Christo eripiat? Vos pane uno animam æstimare soletis, *Pretium secreti vix est unius panis.* Imò nec toto quandoque pane opus est, adeo vili in terris pretio Animæ habentur. At unam ejuscemodi Animam, quam tam parvi æstimates, in balancem Crucis Christi ponite, quæ

errori obnoxia non est, & tum primum ignorantiam ac deceptionem vestram comperietis: tanti enim valoris ac ponderis est quævis Anima, quanti vita illius DEI, qui eam pretio vitæ suæ comparavit. *Transisse ipsum vi-* Hom. 20.  
*deo in pretium meum, exclamat atto-* de Pasch.  
nitus Eusebius. Et Animam, quæ tanto pretio Servatori stetit; omni vos contentione ex ejus manibus extorquere nitimini? tam impudens, sacrilegumque furtum non horretis? imò quasi de re optime peractâ vobismet-ipsis gratulamini? *Vae homini illi! Vae homini illi! per quem scandalum venit!* Si humanam Animam nonnisi industriâ & arte DEUS comparasset, nec illam sudoribus, Sanguine, & atrocissima Morte, inter duos latrones obitâ, redemisset, deberetis tamen ad atrocissimam hanc rapinam horrore percelli; postquam autem tanto constitit, ride-tis? Referunt, Albertum Magnum miro rotarum artificio statuat in-struxisse, ut se ipsam moveret, imò voces quasdam articulatas ederet, quæ accedenti horrorem incuterent. Contigit, ut in id conclave S. Thomas Alberti tum Discipulus ingrederetur, Magistri sui laborem & artificium penitus ignorans, cum ad motus & horrificum statuae murmur suspicari cœpit & dubitare, an non diabolicæ præstigiæ subessent; unde eam magno animo aggressus etiam confregit, nec errorem suum antè deditit, quàm Albertus ad conclave reversus exclamaret: Fili quid fecisti? triginta annorum laborem unâ horâ perdidisti. Nihilominus tamen statua isthæc non



nisi industriâ & artis inventione suo Authori stetit. Quod non dixisset, si eam vitâ suâ comparâisset : Hoc ipsum, & quidem multò justius, & causâ immensum quantum æquiore uni cuiuspiam vestrum Servator dicet, non jam animo ad tolerandam porrò & concedendam veniam parato, sed ad justissimam iram concitato, cum non multò abhinc tempore ad ejus tribunal judicandus sistetur, Perdidisti, inquiet Animam, pro qua non laboravi tantum, sed triginta tribus annis etiam passus sum: pro illa carnem humanam assumpsi, & cum Dominus essem, servum indui; pro illa paupere in tugurio natus sum; in officina fabri plures annos vitam absconditam duxi: pro illa tot & tot passus feci, conciones coëgi, jejunia toleravi, sudores profudi, opprobria sustinui, calumnias infamissimas audiui, & mortem denique mille mortibus truculentior in cruce obii: Tu autem pro oblectatione momentanea, & belluina libidine eam mihi sustulisti? O te Proditorem! *Et peribit infirmus, propter quem Christus mortuus est?*

XVI. Atque hæc tantò magis, quòd Christo lucrum animæ non emptio tantum fuerit, sed partus; ex quo capite ejusdem jactura longè gravior evadit. Reginam quamdam animo concipite, quæ novem mensium doloribus, & gravi onere filium utero circumtulit, ac demum elapso hoc tempore majores inter cruciatus in lucem edidit. Si post partum, cum onere levata & prolem ad Regni colu-

men enixa jam respirat, cum Rex maritus in gratulationes effunditur, cum Aula universa festo campanarum, tympanorum ac tubarum sonitu & artificiosis ignibus gaudium contestatur; si, inquam, illo ipso temporis articulo ante oculos Matris Nutrix infantem regium ex incuria in terram cadere permittat, quanta esset subditorum perturbatio ad feralem hunc nuntium, quis dolor Patris, quæ Matris, funestum casum spectantis, angustia? Quid si non incuria, sed datâ operâ Nutrix isthac eum è fenestra præcipitaret? quis horrorem satis explicet? quis pœnam statuatur parricidæ? & tamen factum hoc dirissimum umbra est hujus, quo de loquimur. Propheta Jeremias Christum Cruci affixum Matris instar inter mille dolores parturientis nobis proponit: *vidi, ait, omnis viri manus super lumbum suum quasi parturientis*: ubi Christum nomine *omnis viri* intellexit, scilicet, quia omnium hominum caput, Redemptor, & Regenerator est, qui pro omnibus & loco omnium accipitur; & dicit: hunc hominem se vidisse cum manibus super lumbos inter gemitus & clamores, quasi in partu dolorosissimo constitutum. Et revera tunc genuit Ecclesiam cum animabus, quibus constat, quando *emissâ magnâ voce expiravit*. Unde S. Augustinus eleganter Crucem appellavit: *Thalamum parturientis*. Jam cum ex partu tam dolorifero, non per novem tantum menses gestato, sed per annos triginta tres formato in lucem tandem prodit Anima hæres Regni cœlorum: cum festum diem agit ipsum

ipsum Cœlum cum universis suis Incolis ipse etiam Pater æternus cum unigenito Filio suo sibi gratulatur, & Filius omnes suos inexplicabiles cruciatus ut bene & cum fructu exantlatos æstimat: En, homo unus sceleratus, qui anicum expansis brachiis mentitus, innocentem animulam blanditiis, osculis, amplexibus suavissimis foveat ac stringit, denique ex amplexibus excidere sinit, & in abyssum ac voraginem, quæ animo non humano tantum, sed Angelico etiam intellectu ac Divino, concipi potest horridissimam, peccatum scilicet mortale abiicit. Et putatis temeritatem usque adeo enormem habitum iri pro noxa, quæ facilem à DEO veniam mereatur? Non ita, non ita. *Super tribus sceleribus filiorum Ammon, & super quatuor non convertam eum.*

XVII. Præterquam quòd DEUS plerumque soleat illas injurias severius castigare, quæ proximo, quàm quæ ipsimet DEO inferuntur. Ita satis manifestè in Caino monstravit, quem, cum in Sacrificio offerendo Sacrilegium admisisset, non nisi benignissima verborum correctione increpitus est; at ubi fratrem suum morte sustulit, maledicto subiectus fuit. Hinc vobis dijudicandum relinquo, quibus Sodalem pravum oculis DEUS sit aspecturus, qui, præterquam quòd Animam, quam Christus redemit, & tanto Sanguinis profluvio lavit, Domino ac Redemptori suo eripiat, ipsi etiam Animæ gravissimum damnum accersit, dum gratiâ, & cum gratia ipsâ etiam plerumque gloriâ exspoliât? Quis

nescit, decretum esse in Divinæ tribu-  
nali Justitiæ? *Judicium sine misericordia illi, qui non fecit misericordiam*, proximo suo, cum potuit. Quo igitur Judicii rigore ille judicabitur, qui non solum misericordiam Proximo suo non fecit, sed mille dolis ac fraudibus in malum malorum omnium pessimum illum conjecit, cum ad peccatum mortale induxit, & per peccatum mortale in æternum egit exitium præcipitem?

XVIII. Scrutamini tantisper intimas animi vestri latebras, & si nullâ illum hoc in genere maculâ tam detestabili inquinatum reperitis, si inquam, vobis conscius non estis, aut vestro exemplo, aut conatibus vestris, aut hortationibus ullam unquam Animam in transversum egisse, DEO gratias referre; magnam enim referendi causam habetis. At si contrâ immanis hujus delicti vos reos deprehenditis, timete valdè ac tremite. Quo enim animo quisque vestrum esset, si anima aliqua à vobis seducta hoc jam tempore infernalibus cremaretur ignibus? quibus putatis clamoribus, quibus vociferationibus & mugitibus contra vos fremeret? Auditi sunt in Apocalypsi, qui in odium Fidei animas suas posuerunt, magnis clamoribus contra persecutores suos vindictam poscere; & tamen persecutores isti, à quibus vitâ spoliati sunt, aliquid operæ contulerunt, ut Purpura eorum, quam in omnem æternitatem gloriosi in Cœlis gestarent, tingeretur. Quem igitur vindictam exposcent infelicissimæ illæ Animæ, quæ à pravis suis Sodalibus



bus seductæ, ac sempiterno exitio in-  
 2. 2. c. voluntæ sunt. Refert Thomas Canti-  
 30. p. 8. pratanus, Condiscipulum quemdam  
 suum, principio probum, à nequam  
 postea Vicino corruptum, sine Con-  
 fessione mortuum, ac inter hæc verba  
 vitâ defunctum fuisse: Ego ad Orcum  
 abeo; *Va autem illi, qui seduxit me.*  
 Quod si in hunc modum moriens ex-  
 clamavit, cogitate, quid mortuus di-  
 xerit, quando Inferno receptus horri-  
 ficos Dæmonum vultus alpexit, tor-  
 menta gravissima persensit portasterri-  
 fico post se strepitu occludi audivit,  
 nunquam postea in omnem æternita-  
 tem referandas?

XIX. Nec ideo, quia Animæ istæ  
 DEO invisæ sunt, minùs earum graves  
 quæstus timendi sunt; etenim solæ  
 non sunt, quæ contra seductores vin-  
 dictam exposcant. *Vox sanguinis fra-*  
*tris tui clamat ad me de terra.* Dixit  
 DEUS ad Cain barbarum fratricidam,  
 ut intelligamus, non solum Abelis  
 sanguinem vindictam inelamasse, sed  
 ipsam etiam terram, quæ illo perfusa  
 erat; ita fuisse vociferatam, ut si quan-  
 do Sanguis conticuisset, ipsa altissimis  
 clamosa vocibus scelus propalasset.  
 Pari ratione non illa tantum addicta  
 æternis rogis Anima ultionem poscet,  
 sed misera quoque illius Mater, quæ  
 filix suæ labem & casam tam puden-  
 dum planxit, & amarissimis lacrymis  
 deploravit: clamabit etiam tota Pro-  
 sapia, cui macula fuit inusta: clamabit  
 tota Patria, quæ Scandalum passa est:  
 clamabit Ecclesia, quæ fuit prodita;  
 clamabunt Sancti & Sanctæ & omnes  
 Angeli; qui amicissimam in felici æ-


ternitate sociam amiserunt; clamabit  
 denique plusquam alii omnes sacra-  
 tissimus ille Sanguis, quem pro Ani-  
 ma ista Christus profudit; sed pro-  
 fudit frustra. Vociferationes hæc  
 non auditis modò, audietis tamen,  
 cum ad Tribunal severissimi Judicis  
 sistemini. Ibi majorem, quàm finge-  
 re animo possitis, peccatorum inun-  
 dationem reperietis, adeò ut attoniti  
 omnino ac siderati exclamaturi sitis:  
*Torrentes iniquitatis conturbaverunt*  
*me.* Arbitramini equidem, delicta  
 vestra velut rivulum quemdam esse  
 suas tantum aquas trahentem, illa ni-  
 mirum peccata tantum ac delicta,  
 quæ ipsi perpetrastis, sed torrentem  
 offendetis plus aquis alienis, quàm  
 propriis exundantem; observabitis è  
 cunctis vicinis collibus ac montibus  
 vestrum in alveum undarum colluvi-  
 em derivari: omnium namque malo-  
 rum, quorum aliquo modo causa  
 fuistis in aliis, & omnium bonorum,  
 quæ vestrâ causâ ommissa sunt, cumu-  
 lus oculis vestris observabitur: &  
 quomodo vos, qui ne vestra quidem  
 scelera seriâ unquam pœnitentiâ ex-  
 piastis, gravissimorum scelerum, quæ  
 alii admiserunt, DEO rationem red-  
 detis?

XX. Berengarius, primum Hære-  
 siarcha, postmodum Pœnitens, mo-  
 riens his circumstantes verbis affatus  
 est: Paulò post ad DEI debebo tribu-  
 nal comparere, rationem vitæ meæ  
 redditurus. Et quantum mea pec-  
 cata attinet, veniam spero, eò quòd  
 pœnitentiam egerim ex animo; at  
 quot peccata occasione erroris mei

commiffa concernit, timeo etiam atque etiam, ne æternum peream, cum modum non fciam; quo pro iis fatis faciam. Vobis ne iftud quidem levamini efle poterit, quod expiaveritis noxas à vobis admiffas; unde mirum in modum conturbatio veftra crefcet, cum aquis undique confluentibus vos obrui videritis ac fuffocari. *Torrentes iniquitatis conturbaverunt me.* Quod fi DEUS iuftiffimâ irâ fuccenfus vos ipsis etiam æternis ignibus addiceret, qualis ac quanta veftra in abyfso

illa foret desperatio! O quantis cæcitate veftram lamentis deteftaremini? quoties admorderetis labia; eò quod verbis meis fidem non dediffetis! Et tamen quàm efle facile, ut malo hoc malorum graviffimo involvami-  
ni? *Qui ruinâ latatur alterius, non erit impunitus.* Quid fi non evadit im-  
punitus, qui aliud non agit, quam quod ad vicinæ domus incendium gaudio efferatur, quid, inquam, illi fiet, qui ignem ipfe fub-jecit?

*Prov. 17. 5.*



## DISCURSUS XXII.

### *De Venia Inimicis impertienda.*

I. **V**eteres quidam Æthiopiæ Populi in more pofitum habebant, omnem certo quodam aâni die ignem extinguerè, & poftmodum novum reaccendere, quem filice ipfe Rex eliciiffet; pœnâque mortis in eos ftatuerant, qui aliunde fibi, quàm à manu Regis, aufi fuiffent providere. O quàm beata foret Chriftianorum Natio, fi morem hunc laudatiffimum modo quodam fpirituâli ac myftico obfervaret! Cuperem vehementer, ut hic ille dies foret, quo, fi quis corde fuo Iræ ac inimicitie flammam adversus proximum fuum concepiffet, omnem illum alienationis ignem extingueret, & de novo fibi igne provideret: non ad alium tamen quemquam,

*R. P. Segneri Chrift. Infr. Tom. 1.*

quàm ad Chriftum Dominum novæ hujus flammæ gratiâ accederet, atque ab eo ignem illum expofceret, qui uteundem in terris reaccenderet, à cœlo etiam fe demiffit: *Ignem veni mittere in terram, Luc. 12. & quid volo, nifi ut accendatur?* Eja igitur, Auditores dilectiffimi, de Charitate nobis providemus; condonentur invicem injuriæ hæcenus illatæ & acceptæ, tollantur inimicitie, Pax novo fœdere ftatuatur. An eft quisquam veftrum, qui votis tam juftis non annuat? fi quis eft, aures mihi fuas attentus commodet, dum pluribus demonftro, quod, qui pacem negat alteri, fibi eam neget, & fuûs met re veriffimâ fit hoftis, qui hoftem fe alteri profitetur.

II. Tres in fpecie Pacem diftinguit *S. Thomas*; fcilicet quam cum

*In Joan. 14 loc. 7.*

Qq

DEO



DEO tenemus, quam nobiscum, & quam cum Proximo, quam omnem sibi negat, qui cum Proximo in gratiam redire detrectat. *Quam sibi igitur pacem d. 30. c. promittunt inimici fratrum?* ait S. Cyprianus. — Et quidem quod Pacem cum Proximo habendam concernit, non est, quod dicam, eam enim Vindictæ cupidi non quærunt: de gemina altera loquamur; & primùm quidem de Pace, quam quis secum habet, & quam hi sibi ipsis negant.

## I.

III. Quid igitur est Pax? Respondet S. Thomas loco citato; *tranquillitas ordinis*: ita, ut si res fuerint in corde hominis turbata, Pax esse non possit. Jam verò, quæ major esse turbatio potest, quàm cum Rationi, ad quam hominis spectat gubernatio, Passio tam turbulenta ac plena impetu, qualis est Ira, dominatur? Omnes inordinatæ Passiones in corde nostro faciunt, quod in mari venti, sùs deque vertunt omnia. *Impii quasi mare fervens, quod quiescere non potest.* Longè tamen magis Ira defævit, quæ inter affectiones nostras, ut inter ventos Typho, tenet principatum; et enim ille ventorum est atrocissimus jam tum, cum nascitur, magnus; ita & Ira se habet. Alia vitia cor humanum sollicitant, Ira præcipitat, & statim magna est, cum esse incipit. Cætera vitia per incrementa proficiunt, at non paulatim procedit Ira, sed dum incipit, tota est. Ex quo argumentum capite; quanti sint fluctus, quos intra cordis turbati sinum ciet Ira, quàmque procul omnem requiem in fugam agat.

Seneca  
l. 3. de  
Ira. c. 1

Id quod magis confirmatur, quando Ira in odium degenerat, ut in Basiliscum serpens: Ira siquidem rationem saltem audit, quamvis auditam non sequatur: odium ne audit quidem, unde etiam prorsus intractabile evadit, insanabile penitus, & ita hominem dementat, ut non refugiat, jugi us sese planctibus conficere, dummodo is quem odit, non rideat. Subjicite animis vestris hujusmodi hominem Iræ excæcatum, quem sua indomita Passio armis onerat; à conventibus abstinet, ab hominum commercio abducit, ad insidias ubique locorum, etiam inter Amicos, timendas adigit, nonnisi amarissimo quotidie felle pascit, in ipso etiam lecto & stragulis somno privat. An vindictam Inimici ipsi graviores ac immaniores possent sumere de isthoc homine, quàm de se ipseumat, hostis ipse sibi, quàm quisquam alius esse possit, crudelior?

IV. Subit animuni, quod de obfessis quibusdam civitatibus audivisse me memini: hæ, ut ne se hostibus permitterent, se ipsas longè majoribus calamitatibus affligerunt, quàm ab hostibus captæ ac direptæ accepissent. Cives Saguntini in Hispania, quòd se Annibali nollent tradere, postquam abominabiles quasque sordes in cibum admiserant, urgente fame, mutuis denique cædibus se ipsos sustulerunt, muris quoque, ac ædibus, quæ supererant, nequid de Sagunto hostis haberet, sub idem tempus concrematis: & sic ea sibi mactata ipsi intulerunt, quæ à victoribus inferenda vix timere poterant ac suspicari.

cari. Imago hæc est turbare cordis, quod majorem longè sibi noxam molitur, quàm Adversarius quisque infensissimus. *Grave est saxum, & onerosa arena, sed ira stulti utroque gravior.* Desiderium vindictæ quacunque rupe Alpium gravius est, & quocunque monte alpino ponderosius, non solum aliis, sed ipsi etiam Iracundo, qui omnium primus debet se ipsum sustinere: *scilicet ipse stultus*, ait Liranus. Volunt Jura, posse furentibus aliquid de pœna remitti, et siam si atrox satis scelus admiserint, eò quòd ipse furor miseros satis ple-  
 us Et ac puniat. *Potest de modo pœna eorum dissimulari, cum satis furore ipso puniantur.* Pati ratione, qui tot in eo sunt, ut modis se vindicandi, injuriarum sensum prodendi, & par pari reddendi excogitent, aliâ multari pœnâ non deberent; cum ipse eorum furor, & quam hîc degunt, plena angoribus vitâ satis magna pœna sit. Si Divites sunt, opibus suis frui non possunt; si Pauperes sunt, suis se sudoribus sustentare non possunt: necesse est eos à suis migrare, exules voluntarios, aliâ etiam coactos: & postquam aliorum bonorum omnium jacturam fecerunt, parati esse debent ad sanitatem, quàm vitam adeò ipsam amittendam. Observant Philosophi, quòd animalia illa, quæ bile minùs abundant, proportionem quadam etiam vitam diutius protrahant; siquidem Ira ignis est, qui eum, à quo in sinu fovetur, certius quàm quivis alius ignis consumit. Verbo, quò plus Iracundiæ ac turbarum animo vestro

fovetis, tantò etiam plus doloris ac ærumnarum experiemini; sicut contrà, quantò plus Christianæ mansuetudinis in eundem admiseritis, tantò amplius sincerâ pace gaudebitis. Veritatem hujus rei comprobabit eventus, quem vestræ salutis studio jam nunc recensebo.

V. Militum nonnemo publico in *Dou-* foro injuriâ ab altero fuerat affectus. *tremant.* In hac nihil illi intolerabilius visum, *Pedag.* quàm quòd se ulcisci confestim non *Christ.* licuerit: nam qui magno numero præsentibus aderant, tamdiu furem detinere, quoad is, qui injuriam fecerat, in tutum se reciperet. Quo factum est, ut miser insani furoris flammis intus conflagraret: ut proinde mitigaret incendium intestinum, Passionis suæ tantum indulset, ut palàm juratus assereret: se nec capillum, nec barbam, nec ungues relicturum priùs, quàm de hoste se suo ulcisceretur. Tres ipsos annos hæc tenuit infania, sic ut quam animo, hanc jam etiam vultu toto, & habitu referret silvestrem bestiam. Inauduit tandem, hostem, à quo læsus erat, tridui tantum itinere distare in certa ejus Provinciæ urbe; cum mox quasi ad nuntium omnium jucundissimum exhilaratus, consensu equo, & telis omnis generis obarmatus jurare denuò institit, equo se non descensurum, dum locum vindictæ destinatum attigisset. Vos jam judicate, an probè fessus eò appulerit: appulit tamen: & resumptis ab ipso furore viribus, pro quiete, quam capere oportebat, obambulare forum cœpit, quod eo  
 Qq 2 potis.



potissimum loco speraret sibi Adversarium obvium habiturum. Sed O inscrutabiles Divinæ Providentiæ vias! Sors tulit, ut eadem in civitate optimæ frugis plena Missio, ut vocamus, haberetur, eadēque ipsā horā Præco verbi Divini pegma eam in rem paratum in foro conscenderet, ex quo populum ad pœnitentiam cohortabatur. Cùm jam sacer Orator verba faceret, miles magis curiositate spectaculi, sibi prorsus novi, ductus, quàm pietatis veræ studio ad aulculandum accessit. Disposuit autem Divina Bonitas, quæ illo loco feram hanc expectabat, ut de condonandis mutuo injuriis etiam gravissimis, deque præmiis maximis, quæ manerent sic condonantes, tum sermo haberetur. Et fuit planè opportunissimum, quòd omnia, quæ à Præcone verba fiebant, Militi viderentur in se solum prolata, & oratio publica in unum se directâ: unde post multam digladiantium inter se affectuum luctam decrevit tandem dare locum Gratiæ. Hinc finito sermone ac concione dimissâ ad pedes Sacerdotis, qui verba fecerat, se abjecit, &, ut consistentem audiret, rogavit, pollicitus, Pacem se daturum proximo, quàm à DEO ipse effectum postularet. Neque hoc contentus, statuit, magno aliquo beneficio illatam sibi injuriam compensare. Quam ob rem cùm intellexisset, hostem suum ob æs alienum carcere detineri, rarâ admodum beneficentiâ, divendito, quo advectus erat, equo & armis, nominibus expunctis, libertati eum asseruit, tanto cordis sui

jubilo ex actione tam generosa, ut solatium non satis caperet, & inposterum inimicum hunc suum inseparabilem vitæ comitem ascisceret, quem tanto tempore ad mortem investigarat.

VI. Expendite nunc in utraque Militis hujus conditione, & cùm inimicitias gessit, & cùm pacem ac veniam concessit: bellum ac turbas animi, qui inimicitias fovet! pacem verò & tranquillitatem ejus, qui odium posuit. Quæ unquam injuria eum ita afflixisset, ut afflixit odium, quo flagravit? & quæ unquam Vindicta tantam ei consolationem attulisset, quantam attulit impertita venia? Discite igitur exinde, nullam meliorem rationem secummet ipso pacem habendi inveniri, quàm eandem cum proximo tenere; & cor illud, quod in inimicitias exardescit, globis illis ignea peste fartis esse simillimum, qui sæpenumero omni sua sævitie alteri nemini, semper tamen sibi nocent, dum in mille demum fragmenta diffiliunt. Id quod solum sufficere potest ad obturanda illorum ora, qui Christi non verentur Legem carpere, tanquam vetere multò rigidiorē; quæ tamen Lex Gratiæ non appellabatur, sed rigoris & austeritatis. Verum est, Antiquâ Lege majorem iræ licentiam patuisse: *audistis, quia dictum est, oculum pro oculo, dentem pro dente*, quam tamen Lex nova penitus tollit, ac interdicit: *Ego autem dico vobis non resistere malo*. Sed hoc ipsum est, quod Legem novam in praxi dulciorem facit, quam

anti-

antiquam: Jugum Christi, nisi quis illud prius superbè excusserit, quàm fuerit expertus, semper magis ac magis leve videbitur: maximè ex isto etiam capite, quòd longè facilius sit, pacem animo asserre omni penitus rancore, omni alienatione extinctâ, quàm si vel tenuis scintilla viva relinquatur. Verissimum est, Legem Christus restrinxit, sed quam ob causam? ut maiore labore nos liberaret, ait S. Joannes Chrysostomus, & faciliorem redderet Legis observationem; quod in te nostra quàm maximè accidere consuevit, in qua longè est facilius, omne omnino Odium deponere, quàm illud moderari. *Inimicus si invenerit tempus, non satiabitur sanguine.* Medicorum iudicio dolores humani corporis acutissimi ex bile originem trahunt; obtusi ex phlegmate; id ipsum etiam in animo evenit, cum dolet. Sensus malorum nostrorum remissior sit ex patientia, quam in iis tolerandis exercemus; intensior autem ex impatientia: & idem nobis accidit, quod feris, cum in laqueos incidunt, quæ quò plùs laborant se extricare, & in libertatem asserere, tantò magis se implicant atque intrincant.

## II.

VII. Et tamen damnum, quod hætenus exposui, omnium minimum est: Quia si vindictæ studium non aliam; quàm quæ nobiscum ipsis nobis est, pacem tolleret, tolerabile id foret. Pessimum est, quòd illam etiam pacem eripiat, quæ nobis cum DEO intercedit, dum illius Gratiâ confestim auferit,

*Non potest habere placatum DEUM. D. 98. qui cum fratre non habet pacem. Ubi, Neque. ut me bene percipiat, considerare ad Cain. vos velim, quòd non in omnibus semper cordibus idem odium reperiatur. Feræ, ait Aristoteles, quæ in Europa sunt, communiter fortiores ac robustiores sunt, in Asia autem crudeliores, in Africa denique monstrosiores. Ita in animi Passionibus fermè se res habet, maximè in Odio. In quorundam cordibus plus humani habent, in aliorum plus belluini, in nonnullorum plus monstri. Invenietis nonneminem, qui litem & jurgium vel cum sui ipsius umbrâ moveret (tam Iræ est impotens) quique omnem suum honorem in vindicandis injuriis collocet & cædibus, feritatem & truculentiam gloriam suam reputet. De hoc manifestum est, pacem illum cum DEO non habere; sed tanquam monstrum inter Peccatores, illam quoque pensi non habere; & ideo de hoc hominum genere plura dicere superseديمus. Alii sunt, qui pacem cum DEO non vilipendunt, sed quia animales magis, quàm rationales sunt, non dubitant, etiam cum Divinæ Gratiæ jacturâ Passioni suæ obsecundare, quæ quidem privatos se & agnoscunt, & dolent, sed non quantum satis est ad eos in semitam reducendos. Et de his etiam supervacaneum duco pluribus agere: hi enim, cum à Sacerdote sibi dici audiunt, iturus illos denique, nisi injurias condonent, ad Infernum, stultè prorsus respondent; *Itud fiet, quod DEUS voluerit: tantum in instituenda vitæ suæ ratione belluini* habent,*



habent. Solum igitur restat de illis porro differere, qui, cum irascuntur, plus aliquid hominis retinent: quia ex una parte volunt inimico veniam impertiri, ut boni Christiani; ex altera parte, si res suis momentis libretur, non impertiuntur: & ideo apparentibus rationibus inducti sibi persuadent, omnem in corde Inimicitiae ignem extinctum esse, cum tamen fumum vel ipsi observent. Hi cum DEO pacem habere se antumant, quam tamen perquam facile est eos non habere: & ideo hos periculi commonefaciam, in quo eorum fiducia versatur, ne miserè fallantur: propter geminos scopulos sub aquis latentes, duarum scilicet omissionum, quæ, quamvis à quàm paucissimis observentur, valde tamen sunt culpabiles: ad hos allidi ipsis facillimum est, & cum tot aliis luctuoso sanè naufragio mergi. Prima harum omissionum est, quæ Inimicos suos salutare detrectant, cum deberent; altera, dum scripto veniam dare abnuunt. De utraque res postulat, ut accuratè vobiscum agam.

VIII. Quantum ad primam; ante omnia scire oportet, quod non solum licitum non sit, proximum nostrum, propterea quod nos offenderit, odio habere: *Non oderis fratrem tuum in corde tuo*: sed quod etiam illicitum sit, odii in proximum concepti aliquod foris signum edere: ex quo ipsa ratione etiam inimici ab illo officiorum genere excludi non possunt, quæ communia dicuntur: hoc est à talibus Charitatis contestationi-

bus, quæ personis omnibus ejusdem communitalis aut conditionis sine discrimine exhibentur: hoc enim de præcepto est. De consilio quidem est, ea Inimico benevolentiae signa specialia, ac extraordinaria præstare, quæ nemini debemus: præcepto tamen tenemur, ne communia & omnibus debita negemus; ut, quæ foris apparent, internis respondeant. In corde autem neminem Inimicorum ab amore, qui proximo in communi debetur, excludere possumus; ergo neque exterius; quæ causa fuit, quare Christus, cum exemplum cœlestis Patris sui etiam in perduelles benevoli afferret, nonnisi illa beneficia allegaret, quæ omnibus sunt communia, scilicet: *Solem suum Manari facit super bonos & malos, & pluit super justos & injustos*: ut notum nobis faceret, quousque se porrigat vera obligatio amandi eum, qui nos odit: ad amandum scilicet amore illo communi, quem exhibemus illi, qui nos amat. Jam ut ad propositum redeamus, quamvis salutare proximum nostrum, naturam suam sit signum benevolentiae specialis & extraordinariae, quod non cadit sub præceptum; nihilominus tamen si quoscunque alios cives & gentiles vestros salutare estis soliti, non poteritis hoc ipsum benevolentiae signum ei, qui vos offendit, negare, etiam ante, quam satisfecerit pro injuria: quia cum omnes alios salutetis, actus iste jam non est amicitiae peculiaris, sed ordinariae & communis, à qua Adversarium vestrum excludere non po-

testis,

testis, quin ejusmodi vindictæ genus exerceatis, quod sufficiens est, ut malè affectum animum, contrà quàm præcipiat Charitas, nemo non possit certissimâ conjecturâ, nec sine scandalo, assequi. Et hoc longè adhuc magis verum est, si offensum fors tangat salutem reddendi, non primò dandi; tum enim humeros contrahere, & obverso tergo, ut nonnulli assolent, salutationem silentio præterire non inhumanum tantum est & rusticum, sed & injuriosum; est palàm declarare, vivâ etiamnum memoriâ injuriæ teneri; est negare Proximo non indebita tantum charitatis officia, sed debito manifesto defraudare. Nec culpâ se eximunt, qui similibus dicendi formulis silentium suum excusant: *Non ei volo malè; non eum volo offendere; sed eat vias suas.* Non eximunt, inquam, se, etsi multi, qui studiosè se decipiunt, credant, se hujusmodi protestationibus satis tutos esse. Quare autem non valet excusatio? quia protestatio, utut speciosa, contraria est facto. Cervus felle caret, viscera tamen adeò amara habet, ut etiam canes ab illis abstineant: & tales saltem sunt, qui ita loqui consueverunt. Quod si enim Anatomix subjicerentur, forsan felle inimicitix denunciatae non turgerent; nequiquam tamen bile per viscera sparsa, occulto scilicet rancore, carerent, qui amaritudine omnia inficeret. Malum illi optatis nullum; at si malè illi non vultis, quomodo sit, ut actiones manifesti contemptus indices exhibeatis? Ne, quæso, ne fideatis

vobis, Auditores dilatissimi; cum eo enim Domino res vobis est, qui cordium recessus intimos scrutatur: *Cordis scrutator est verus*: atque ideo, cum coram se charitate vacuos conspexerit, odio suo dignos vos reputabit: *Qui non diligit, manet in morte*: non solum *qui odit fratrem suum, sed qui non diligit.* Quid igitur vobis fiet, si fallimini? Dicitis, nemini vos malè velle; ego autem, utut velim non possum credere: cum non videam, quomodo non grandis vindictæ species sit, cum omnibus agere humanè, omnes alloqui, respondere omnibus, solum adversarium his officiis excludere? Quid facit Ecclesia, ut Sacris interdictis grandi pœnâ mulctet? à commercio eos aliorum remouet, & familiari cum cæteris Christianis conversatione interdicat; quin & indignos judicat, quibus alii salutem dicant: *Nec Ave ei dixeritis.* Vos eadem severitate Proximum vestrum mulctatis: *nec Ave ei dicitis*, & postmodum vultis, ne quis silentium hoc vestrum vindictæ nomine censeat, etiam momenti non levis? Lege Christi obligamini Proximum vestrum fratris locò habere; vos autem pejus quandoque accipitis, quàm si foret exterus, Tartarus aut Turca: neque enim difficile vobis accideret, Turcam salutantem resalutare; Christianum autem mutuâ salute impertiendâ honorare dedignamini, quia vos offendit. Omnino igitur odistis illum.

IX. Malum auget, quod non Adversarius tantum vester, sed quicumque



que ei necessitudine quadam juncti sunt, ut partem offensæ in vos exercitæ nullam habeant, imò factam improbent, isthac benevolentia mutua significatione excludantur, & numero Inimicorum eo solum titulo habeantur, quòd quocunque tandem modo ad eum pertineant, qui vos offendit. An majus odii vestri intestini indicium ac signum exposcitis, eò profundioris, quò magis clausum in fundo hæret? *Ira* ait Philosophus, *semper in singulos*, concipitur, *Odiū* verò *etiam in genera*, & sic latroni, exempli gratiā, irascimur, qui nos publica in via adortus est; odio autem omne latronum genus habemus. Qui igitur vos jactatis, Iram vestram non nisi simplicem tantum Iram esse? Etenim si talis esset, sisteret in eo, qui vos offendit. Dum igitur in totam cognitionem, etiam innocentem, eam extenditis, manifestum sit, furorem illum, qui *Ira* nomine vobis venit, verissimum esse odium, odiūque tam intensum, quod non eum tantum, qui injuriam vobis intulit, sed omnes, qui bene illi volunt, invisos reddat ac abominabiles.

X. Addite, quòd *Ira* cum tempore evanescat: *Ira est sanabilis tempore*, & quamvis impetu majore feratur quàm odium, minus tamen est fixa ac stabilis. Quod si igitur *Ira* vestra, *Ira* simplex foret, post menses & menses, ac fortè annos ab injuriā acceptā elapsos, deflagraret. Sed viget illa, ut ex officii humanitatis, licet facillimis, negatis tamen, abundè patet. Signum ergo est, Iram vestram plus de odio,

quàm *Ira* habere: *Odiū est insanabile*, & senescendo non tantum non infringitur, sed novas semper vires accipit, ita, ut tempus ipsum, quod *Ira* medicinam affert, Odio cedat in alimentum.

XI. Et hanc ipsam ob causam videte, quàm jure ac meritò omissionem istam damnemus ut culpabilem, quam aliqui liberrimè admittunt, dum dedignantur proximum suum aut salutando prævenire, aut salutanti respondere. Non solum qui ita se habet, debita charitatis obsequia Proximo suo negat, qualia sunt officia benevolentia, humanitatis, ac civilitatis; sed facillimum omnino est, ut hæc ipsa ex rancore aliquo non vulgari deneget; ita ut hominem, maximè urbanitatis aliàs studiosum rancor iste impellat ad urbanitatis leges negligendas. Et hic primus est scopulus, quē supra monui omni contentione vitandum. Quid de altero dicemus, in quem, qui veniam scripto dare refugiunt, incurrunt? Dici certè non potest, talem superabundantiam Pacis hostibus præstandam lege charitatis præcipi, sed consulitur tantum. Hoc non obstante ostendam, etiam in hoc vado, quod omnino tutissimum arbitramini, scopulos plurimarum animarum excidio infames reperiri.

XII. Inprimis doctrinam hanc ut universalem, & pro omni casu obligantem non vendo, quasi verò quilibet obligetur publico Instrumento injuriam sibi irrogatam remittere. Neque enim ignoro, hunc in finem Judices esse constitutos, & magno

numero Justitiæ ministros; ut qui gravi injuria provocatus fuit, habeat, quo sine peccatorem deferat, & Jus sibi dici postulet. Dico tamèn, non raro contingere, ut, qui præcepto charitatis in alios exercendæ non obstringitur, teneatur quandoque vinculo adhuc majore charitas erga seipsum. Accidit enim, ut in ipsa praxi nullum sæpenumerò remedium occurrat, quo conceptum quis in adversarios rancorem ex corde evellat, nisi publicâ hujusmodi reconciliatione, ad quam aliàs non obligaretur, animum ad mutuat pacis constantiam obfirmet. Et sic fidem Doctores, qui affirmant, nullâ charitatis erga Proximum lege quemquam teneri, ut memoratâ superius ineundæ pacis ratione utatur, agnoscunt in casu, quem modò ponebamus, obligationem quandam charitatis erga seipsum; considerato scilicet gravi periculo damnationis incurrendæ, cui nonnulli obnoxii esse possunt, nisi ad hujusmodi actum, cæteroquin non necessarium, animum inflectant. Crocodilorum morsus semper curatu difficillimus habitus est; non aliam ob causam, quàm quòd vulnus, quod dentibus hæc bestia infligit, vix unquam coeat. Quod dentibus lacera-  
vit, nunquam sanatur. Similis est morsus odii: unde præstantissimo opus est balsamo, quo cicatrix obducatur, & chirurgo peritissimo, qui omne pus, quod in imò plagæ residet, expurget. Sunt nonnullorum hominum genii tam pertinaces, ut acceptarum injuriarum obliviscantur nunquam, ne tum quidem, cum vi-

*R. P. Segneri Christ. Instr. Tom. I.*

vere ipsi desinunt; vivum siquidem perfrequenter tanquam hæredibus totti familiæ odium relinquunt, haud aliter, ac aliud vitæ aut professionis genus. Tali igitur indoli hoc opus est balsamo pacis publicæ, & Chirurgi munus obeunt Prudentes Confessarii, qui Pœnitentem adigunt, cum sapienter judicant, eum non aliter posse ad Christianæ vitæ normam ac regulam perducì, quàm si plus aliquid, quàm charitas à DEO præcepta requirat, ultrò præstiterit. Ita firmè cum distortis arbusculis sit, quæ fix aliter erigi possunt, quàm si in latus alterum, à quo deflectunt, vi adhiberâ retorquantur, & cum stare ipsæ rectæ non valent, ne porrò declinent, vinculis ligentur. Id quod imprimis fieri convenit, cum personæ magnæ cujusdam auctoritatis in concordia concilianda laborant, &, qui offensæ auctor est, pacem demisè petit, paratus ad Arbitrorum nutum præstare, quidquid ipsi ad abolendam injuriæ memoriam opportunum censuerint: tunc enim, qui offensus est, nullam porrò excusationem poterit obtendere: cum omnes in hoc convenient, quòd Inimicus non modò talis jam non sit, sed nec dici possit, utpote qui faciat, quantum potest, ut ex Inimico in Amicorum numerum referatur.

XIII. Et hoc tantò magis, quòd in negotio tam gravi plerumque offensus vehementer hallucinetur, dum sic arguit: *Potest negari Pax etiam sine DEL offensa; ergo & ego eam sine tali offensa negare possum.* Paralogizat, qui ita differit. Non nego equidem, posse

*Mag. 3. sent. d.*

*30. cum*

*5. Thom.*

*& aliis*

*Doctores*

*bus ibid.*

*& s.*

*Thom. in*

*ep. ad*

*Rom. c. 2.*

*l. 3.*



posse offensum licitè velle, aut Magistratus suo in castigando Inimico munere fungatur, scilicet ut hac ratione vel Adversarius emendetur, vel Delinquentibus animus infringatur & audacia, quæ, cum, scelera sua vident impunita, augetur & crescit. Non inquam, hoc nego, cum, uti dicimus, in abstracto loquimur; at quòd hîc & nunc offensi inimicis suis veniam negent, hujusmodi rationibus & boni communis studio inducti, & non magis odio privato impulsî, hoc enim verò admodum difficile est, & reipsa perquam rarò accidit; cum vix unquam inter privatos contingat, ut, cum causam suam in tuto locaverint, ita Justitiæ sint tenaces ac studiosi, ut toto eam mundo velint resplendere; idemque fere esset, ac si facibus suis

*Can. 6. q. 1. c. si cui laborat impendiis, qui solem certat omnia facibus adjuvare.* Hinc Theologi, Laym. l. 1. c. assert. 3. quando asserunt, quòd licitè omnino pœna Inimici possit appeti, adjungunt tamen semper, quòd in praxi res hæc admodum dubia sit ac difficilis; nec omittunt lectorem monere, gravis deceptionis posse eum periculum incur-  
rere. Et certè, si tam esset facile, tali in eventu omnem passionem exuere, atque ex sola ratione operari, non capio, quomodo Sacrosancta Concilia oppositum unquam supponere potuissent.

*Can. 93. d. 90. c. Oblationes.* Scimus autem, quòd Concilii Carthaginensis quarti prohibitionem cautum sit, ut ne illorum oblationes ad Altare acciperentur, qui hujusmodi publicam reconciliationem detre-  
*Can. 4.* tarent. Concilium Toletanum Un-

decimum etiam statuit, ut iisdem insuper sacratissima Communio negaretur. Plus voluit Concilium Agathense, scilicet, ut qui reconciliari nollent, *Can. d. 93. plac.* solenni forma Ecclesiæ Sacris amoverentur. At non sciebant forsitan omnes illi sanctissimi ac sapientissimi Patres, licere offenso ex Zelo Justitiæ, & solius boni publici studio procurare, ut qui offendit, tanquam reus plecteretur? Sciebant omnino, altiori tamen, & plus quàm humanâ prudentiâ, id quòd fieri solet, non quòd potest, considerabant. Nôrant, quòd Homines in praxi non ita moveantur causis ab omni vitio purgatis, etsi veris, si suis res momentis perpendatur, sed occulto rancore, acerbitate & livore. Non ignorabant, plus in eorum cordibus spiritum vindictæ posse, spiritum, quem Cacodæmon infernalibus suis follibus animat & inflamat. *Halitus ejus prunas ardere facit.*

XIV. Non creditis mihi? At claris adeò indiciis commonstrabo, ut fidem vobismet ipsis habeatis; atque hæc alia non sunt, quàm hominum illorum vultus & lingua, qui pacem ac veniam petentibus impertire recusant. Vultum primùm alicujus istorum observate. Si enim is non dico offensorum suum, sed de familia tantum illius aliquem obvium habet, utut innocentem, mox cohorrescit, attollit supercilia, expallescit, perinde ac si peste infectum offendisset. Et hi jam sunt illi, qui veniam Inimico negant ex motivo adeò sincero & puro Justitiæ? *fac.* minam gravidam, ajunt Medici, cum utero

utero masculum gestat, plerumque colore admodum vivido esse; at si fœmellam parturit, colore lurido. Si marem gestat, vivido colore est, si fœminam, fædo. Quidni igitur ego quoque ex colore lurido, quem in vultibus pertinacis odii hominum observo, possim arguere, fœtu malè fortunato eos esse gravidos? *Iratus est Cain vehementer*, ait Scriptura, & *concidit vultus ejus*.

XV. Et tamen signum hoc longè minùs est certum illo, quod ex lingua habetis, quæ interpret humani cordis longè est fidelissima. Sermonem apud hos de eorum injuriis movete, mentionem de iis facite, à quibus offensi sunt; audietis eos remotà omni verecundiâ injurias suas illis, quas Christo Judæi intulerunt, exæquare & eos, à quibus ipsi offensi sunt, Christo tortoribus comparare. *Proditus sum*, dicunt, *ut proditus est Christus*. *Iste, & iste mihi Judas fuit*. *Non est ei similis Proditor in Mundo*. Quid vobis de isthoc loquendi modo (usitatissimo tamen) videtur? an putatis credi posse, quòd pacem non ex spiritu vindictæ turbido, sed æquitatis placido atque pio rejiciant? Lingua indicium manifestissimum est, quo peccans in homine humor dignoscatur: nam si rubra est, sanguis excedit; si pallida, phlegma abundat; si nigra, de atram bilem prodit. *Humorum do-*  
*l.e. minum colore refert*. Si in hominum istorum cordibus nigerrimum non delitesceret odium, nunquam in tam funestas loquendi formulas lingua solvereur. Et ve, ò re ipsa ex centenis,

qui in gratiam cum Inimicis redire nolunt, non invenietis unum unicum, qui, si præter expectationem causam rogetur, ob quam redire nolit, illico nihil hæsitans respondeat: ideo redire detrecto, quia boni communis ratio id requirit. Omnes potius, nullo ferè excepto reponent: injuriam nimis fuisse gravem; non posse se ante oculos ferre Sycophantam talem planè nequissimum: offensam recentem esse, concordiam esse dubiam; Stultum esse, anguem in sinum immittere, cum procul ab illo quis stare potest. Et cum urgentur vehementius, ad rationes denique à justitia petitas confugiunt; ex quo manifestè apparet, hanc eorum constantiam, dicam, an animi duritiem, revera non ex Zelo inter homines tam raro, sed ex rancore, qui Zeli nomine obvelatur, prodire; ignemque Iræ illius non ex thure, quemadmodum sibi persuadere allaborant, sed bitumine sumere alimentum.

XVI. *Non volo illi malè* (dicit nonnemo) *sed mores illius averfor: peccatum odio habeo, non peccatorem*. Animusne vobis est, qui ita loquimini, etiam coram tribunali Divino hujusmodi dicta affirmandi? Odi peccatum, non odi peccatorem? quomodo peccatum odistis, si illud plùs quàm vosmet ipsos amatis? ut illud corde recipiatis, non veremini, omnia & Gratia & Gloria, quæ per omnem beatæ vitæ æternitatem sperare potestis, bona præsentis jacturæ periculo exponere; & videri postmodum vultis peccatum, non peccatorem



*Psal.* 49.  
18.

odisse? *Si videbas furem, currebas cum eo, improperebit vobis DEUS, & cum adulteris portionem tuam ponebas.* Vos autem quid respondebitis? Toties (urgetur) in domum alienam intulisti mille dedecora & probra, mille jurgia tuis impudiciis; & tunc odio peccatum non habebas; nunc autem cum de Inimico sumenda vindicta est, cum reparandæ injuriæ, & abolendæ notæ, quæ familiæ tuæ iniustæ sunt, insolito in peccatum odio feris. Toties cum pravis Sociis tuis ad omne genus flagitii operam tuam junxisti, & peccatum odio non habebas; pejerasti, & peccatum non oderas; egentes exspoliasti, & peccatum non oderas; Pupillos circumvenisti, & peccatum non oderas; derisisti pietati præ aliis, deditos, & peccatum non oderas; calumnias intorsisti, insidias struxisti, fraudes machinatus es, manus tuas humano sanguine contaminasti, & in his omnibus peccatum non oderas. Et nunc vas electionis specioso plenum odio haberi vis, cum sis vas Iræ ita plenum iniquitate, ut ex omni parte exundes. Procul hinc à me discede; etsi enim vanissimis tuis persuasionibus homines in fraudem induxeris, me autem decipere non valuisti: *Nunquid DEUS decipietur, ut homo vestris fraudulentiis.*

*Job.* 13.  
9.

XVII. Nemo sibi persuadeat, quod eodem tempore odisse peccatum & amare peccatorem, res sit tam facilis, ut eam opere exequi pronum sit unicuique. Opus est, DEI dignum corde, & ab hoc, qui sine periculo illud

exercere volunt, discant oportet. Et O quam imitatu est arduum! magno sanè Gratia auxilio opus est, magno in naturam dominio, quæ Gratia cedat. Si Vir tam fortis, qualis fuit S. Ambrosius, in vicem quod sumptus in omnem deinceps vitam suppeditaret infami cuidam sicario, qui ad eum occidendum immisus fuerat, voluisset ex Zelo Justitiæ, ut juxta meritum suum plecteretur, non multum laborarem, ut crederem, hujusmodi Virum hoc optando rectè ac sapienter egisse: at quod homo peccator in hujusmodi casu eadem æquitate procedat, qui nunquam non cupiditibus suis obsecundavit, virtutem nullo unquam loco & pretio habuit, vitium autem primo ac præcipuo, in quo Gratia infirma ac debilis, Natura robustissima fuit, non possum, ut verum fatear, adduci, ut credam.

XVIII. Pauper quidam ruricola, cum in silvam lignorum colligendorum gratia profundius penetrasset, filiolum post se in parietinis repositum reliquit: Subito autem cum respiceret, vidit filii sui pedem viperæ adrepentis spiris involvi, atque viperam veneno lividam jamjam vulnus illi, ac necem morfu intentare. Ad repentinum hoc periculum Paternus Amor consuluit, ictum tam dextrum vibravit, ut ejusce rei memoria ad seros posteros propagaretur. Ferro siquidem, quod manu gerebat, eminus projecto ita Serpentem in partes dissecuit, ut crus, circa quod Serpens se implicaverat, nulla ex parte læderetur. Similis vobis ictus ten-

tan-

tandus est, si peccatum odisse, à peccante autem non abhorrere vultis; unde nemo non videt, quâ arte sit opus. Indubitatum mihi est, fore, ut etiam Sancti cujusvis, hac in re petitiissimi, brachium tremeret, si ictus illi tam periculi plenus tentandus esset.

XIX. Sed quid porrò rationes accumulo? Quinam illi sunt, qui publico instrumento contestari pacem recusant? forsan ex omni populo modestiores, magisque continentes, ac charitatis studiosi? Dicam. Homines plerumque sunt vitâ infames, superbi, Homicidæ, Protervi, ac voluptatibus obscænis dediti; & hi postremi præ aliis omnibus: nam, ut ait Seneca, *Ira voluptatibus generatur*. Qui effœminati magis sunt, etiam sunt magis iracundi ac feri: vel quia ex eodem vitio summa feritas erga alios nascitur, & erga se animus extremè mollis; vel quia lascivi in lacuna cordis sui Serpenti infernali gratiorem receptum parant, qui eos ad vindictam extimulat. Observant rerum naturalium periti, quòd omnibus animalibus dentes aut excidant, aut mutantur, solo porco excepto, qui dentem non perdit, aut mutat. Notavi & ego sæpius, eos demum ex mortalibus omnium in ponendis Iræ dentibus esse difficilimos, qui procorum instar semper in cœno sunt: cum his frustra reconciliatio tentatur, nullam hi rationem audiunt, omnem petitionem, unde pax sperari possit, rejiciunt. Manifestum igitur ac clarum est, non adeò pronum quemque ad creden-

dum esse debere, eum, qui veniam, sibi minimè noxiam, utilem Inimico, impertiri renuit, non odio, sed charitate, & publici boni studio moveri. Quia si, duo motiva proponuntur, fermè id, quòd magis est ponderosum, prævalet; non aliter ac ille ex ventis simul spirantibus navem fortius propellit, qui plus habet impetûs & roboris.

XX. Non cuperem proinde, ut multum rationi huic inniteremini, cui innixi adeò fortes vos arbitramini, ac dicitis: *non odi hominem, sed vitium: Jo. 2. Qui odit fratrem suum, in tenebris est, & in tenebris ambulat*, ait Apostolus Joannes, & nescit, quo eat, quia tenebra occupaverunt oculos ejus. Odium ita excæcat, ut, quæ ante oculos habemus, videre nos prohibeat; quâ igitur adeò facilè illa videbimus, quæ intra nos sunt condita? fit hac ratione, ut, qui passione quadam abripitur, nesciat, quò vadat, magnisque passibus ad Orcum properet, cum ad Cælum pergere sibi videtur, & ad Sacrosancta Mystéria accedat buffonis instar veneno turgentis, cum se columbam felle carentem arbitrat. *Caligavit ab indignatione oculus meus*, dicebat Job; *Conturbatus est in 7. Psal. Ira oculus meus*, agebat S. David. 30. 10. Quòd si Sancti ita loquebantur, quæ Peccatorum in hisce eventis erit fors ac conditio?

XXI. Nec difficilis tantum cognitum est Ira, an juxta, an contra rationem feratur, ob hunc ipsum fraudulentum, quo se obteggit, colorem; sed æquè ardua curatu; ita quidem, ut



*S. Thom.* S. Thomas opinetur; potentia Irascibilis impetus magis esse superatu facilis, quàm facultatis Concupiscibilis invitamenta; (quamvis hæc assiduitate, quâ suos stimulos admoveat, magis molesta sit) & causam assignant, quòd Ira longè plus rationis & causæ, saltem apparentis, habeat, quàm Libido: unde sicut minùs operationes suas erubescit, ita difficiliùs etiam, quàm de suis Luxuria, dolet; *1. 2. q. 43. a. 3.* hæc enim, utut larvam, quâ se obtegat, *ad 2.* inquirat, ipso tamen nomine suo Inhonestam se prodit. Nulla febris tam curatu difficilis est, ut hectica; aliæ enim omnes humoribus sese miscunt, eosque accendunt, hæc autem partes solidas invadit; quo fit, ut pertinaciùs etiam hæreat atque perduret. Sic qui irascitur, nunquam sine ratione irasci sibi videtur; & ideò ignis ille, qui intra medullas succensus est, velut, qui cum quadam convenientia & ratione operandi effervesceat, tam difficulter extinguitur, ut ad Infernum usque quidam illum deferant; & ibi primùm intelligunt, pestem se hanc sinu fovisse, quando jam tempus non est illam excutiendi, sed pœnas pro ea tam diu retenta tolerandi.

XXII. Hæc ipsa difficultas, quam in emendanda & subigenda Ira experimur, plurimum etiam facit ad tenebras in iracundorum animis augendas & intendendas: etenim, cum in nos Ira dominatur, facilè nobis persuademus, citra noxam à nobis fieri, quod facere posse percupimus. *Dum*

*Moral.* *l. 5. c. 30.* perturbata mens iudicium suæ rationis exasperat, ait S. Gregorius, omne quòd

furer suggerit, rectum putat. Ut adeò perspiciatis, quàm multis ex capitibus parùm iis fidendum sit; eorùmque responsis, qui irati nolunt vel audire eos, qui de concordia mentionem faciunt, dicuntque: velle se, ut nebulones puniantur; & liberè spargunt, culparum ocores esse se, quin homines culparum reos oderint, perinde ac si affectionibus suis dominarentur haud aliter, ac Navarchus, qui tranquillo mari temonem dirigit.

XXIII. Quapropter omnino abs re est, tanti rem momenti, fortuito eventui committere, & cum quis rammo se potest firmo ac robusto sustinere, caducum atque debilem apprehendere, quocum in præceps eat. *In rebus ad salutem Animæ pertinentibus.* hoc ipso quis peccat, quod certis inserta præponat. Quæ est Doctrina S. Augustini. Quando de Animæ salute agitur, convincitur parùm amare Animam suam, qui eam in tutò non collocat. Cum DEI amore Inimicis vestris injurias remittitis, certi estis, veram erga proximos charitatem in vestris cordibus habitare, adeò splendidi sunt ejus radii, qui translucent. At cum ignoscere non vultis, estis omnino incertissimi; cum longè sit faciliùs, vos invidiæ ac rancoris impulsu veniam negare, quàm amore Justitiæ. Ut quid igitur veniam differtis? plurimum certè interest, securâ sese semitâ continere, dum, cum aliâ itur viâ, & erratur, remedio non est locus, ac necessariò peritur.

XXIV. Cum post captivitatem Babylonicam Populus Israëliticus Solymas

lymas rediret, creditum fuit, superfore ignem pro Sacrificiis, quem Jeremias occultaverat; sed locò ignis aquam reppererunt stagnantem & lutulentam: *& non invenerunt ignem, sed aquam crassam.* Quid si idem vobis quoque eveniret? Quid si etiam vos coram Tribunali Divino in vobis ignem charitatis inquireretis, & locò ignis reperiretis aquam turbidam, terrestrem, lutosam odii inveterati & nunquam depositi? Quid inquam, tunc vobis fieret? an non de omni pro vobis bono actum foret? sine charitate nulla DEO victima grata est: *si tradero corpus meum, ita ut ardeam, charitatem autem non habuero, nihil mihi prodest.* Verum est: aqua illa crassa, & ut ita dicam, mortua, quam populus invenit, cum radiis solis fuit exposita, stupendo prorsus prodigio in luculentam subito flammam mutata est: Aqua tamen vestra semper eadem, languida, quin & mortua permanebit; siquidem nullus vobis Sol orietur, omne vobis lumen extinctum erit; nox succedet profunda, finem non habitura: *Non erit amplius sol ad lucendum.* An his auditis & perpenis horror artus non occupat.

XXV. Ad sedandam Adolescentulorum Iram, ajunt, nullum esse remedium promptius, quàm si frigidâ eorum tergum perfundatur. Accepto hoc remedium in omnium illorum salutem, qui furore hæctenus implacabili aguntur. Tantum vobis gelidi timoris affundam ex consideratione statûs ac conditionis vestræ, ut momento valetudinem recuperetis. Id

quod non aliâ meliùs ratione faciam, quàm eventûs cujusdam terrifici narratione, ex quo cognoscatis, quid tandem sit, extremis admoventi priùs, quàm ponantur ex animo odia, aut ea ponere volentibus opera jungatur.

XXVI. In Cœtu aliquo plurium *Bellar.* duo agebant, amici primùm, mox autem *ad 5.* Vatiniano inter se odio dissidentes, *Præc.* adeò ut neuter alterum obvium *apud* salute dignaretur. Duo menses *Seb. d.* abièrant, cum, qui injuriam intulit, *Abreu.* tali morbo correptus est, quo in periculo *in Inst.* constitutus, antequam Sacris *Paroch.* Christianis muniretur, offensum *l. 7. f. 4.* ad *S. 5.* se evocari curavit, & præsentibus multis veniam ac pacem rogavit. Nec tenuit alter, quantum quidem ad speciem externam attinebat; sed sicut in animo offensam non condonaverat, ita in suo ab ægrotante discessu amaro cum risu ad circumstantes dixit: Tandem superbus iste ac tumidus, timorem prodidit. Audiit malo suo fato verba isthæc moribundus, & reorrens, quod evomuerat, venenum, & quidquid posuerat, odii; si ita, inquit, se res habet, nec ego tibi condono, quod nunc effutisti, nec cupio, ut mihi, quam prior intuli, injuriam remittas. Hæc interloquendi facultate destitutus, nullis nec precibus, nec rationibus cessit, sed obduratus animam exhalavit. Postquam illatus est tumulto, ecce! omnibus mensæ assidentibus ferale spectrum adstitit, & voce horribili: ubi est, exclamavit, ubi est, sceleratus ille, cujus causâ in Infernum detrusus sum? ita est, damnatus



natus sum ob odium, quo, cum animam efflarem, in illum flagravi; sed nec ille, qui tantam exitio meo causam dedit, erit salvus. Et cum dicto in illum, ut Canis in Canem, involavit: Hic autem arctè prehenus, dum se moribus extricare laborat, ne in abyssum abripiatur, spectrum verò moribus arctius obluquantem stringit, ut secum auferat, subito sub ambobus terra magno se hiatu aperuit, & ambos absorpsit, dum quivis alterum luctando superare nitebatur. O Aquam frigidam, Auditores, ad extinguenda Iræ incendia! agite, quid vobis videtur? an non æquum est, ut qui tali conditione sunt, timore ac tremore percellantur? Mors instat omnibus; ita omnino, omnibus, omnibus. Quid si igitur vitam antè, quàm odium finiremus? Meritò proin ad omnes verbis utor Ecclesiastici, qui me hanc in vos

*Eccel. 2.* aquam effundere docuit; *Memento novissimorum & desine inimicari.* An non & solius mortis memoria sufficiat, ad omnem quocunque demum fervore ebullientem Iram extinguendam?

*XXVII. Memento igitur, memento novissimorum.* Considerate, mortem moras trahere non posse; atque idè tam stulti non simus, ut periculo nos exponamus moriendi instar Canum ejusmodi rabidorum. An fieri poterit, ut odia nostra antè nos non expirent? Visum est etiam Gentilibus id esse rationi dissentaneum; qui propterea dicebant, mortalium Iras licet alioquin justas, injustas fieri, cum fuerint immortales. Quantò igitur

magis hoc absonum videri debet Christianis? Flumina, ubi in plurabrachia fuere divisa ac distracta, antequam ad mare sese recipiant, denuo conjunguntur. Et Christiani inter se discordes ac divisi in mare æternitatis abire volent, quin perfectà concordia uniantur? non ita procul à nobis mors distat, ut ad conjunctionem hanc diu procrastinare sinat; imò contrà tam est nobis vicina, ut non jam possimus dici in pulverem abituri, sed jam esse pulvis: *Pulvis es, & in pulverem reverteris.* Et sub tam modico cinere tantus sit ignis?

*XXVIII. Memento novissimorum.* Perpendite, quòd morti judicium succedat, ex quo sententia dependet, aut salutis, aut exitii sempiterni. Quid igitur agitis, si nulla vos sollicitudo tangit, misericordiam Proximis exhibendo benignam potius ac misericordem, quàm rigidam ac formidandam ex Judice sententiam audiendi? In cujusque manu est, modum ac rationem eligere, quà à DEO judicetur; aut clementer, aut rigidè & inclementer; & non est, qui curet? Humanis etiam Legibus constitutum est; ut iisdem statutis ac Legibus Actor conveniatur, quibus ipse Reum subiectum esse voluit. Reputate igitur vobiscum, an non amplius quid Leges Divinæ à nobis postulaturæ sint: *Dimittite & dimittemini*, ait Christus. Vos interim quid respondebitis, si ex corde veniam non concesseritis? *Nisi remiseritis unusquisque fratri suo de cordibus vestris.* Parum proderit, stultà vobis

opinione persuasisse, quasi veniam tribueritis, quando revera non tribuistis: dicentes *Pax Pax*, & non erat *Pax*. Quid enim pro excusatione vestra obtendetis? forsan, omnes vobis Theologos assensisse, posse veniam negari ex Zelo iustitiæ, cujus est reos punire? Optimè: sed Theologi quoque respondebunt, nunquam se assensisse, ut ipso facto veniam ex hac ratione negaretis; solummodo dixisse se, ex hac ratione posse negari. Reponetis porro, ipsos etiam Confessarios tali doctrinâ nixos, nunquam se difficiles præbuisse in impertienda vobis absolutione, quamvis pacem rogati, in illa neganda immobiles persisteteritis. Optimè. Sed Confessarii denuo reponent, absolutionem vobis se impertivisse, contestatis, vos interea iis, quibus pacem negabatis, nil quidquam mali velle ac cupere. Et tunc quod effugium supererit? Quod si tam Confessarii, quàm Theologi vobis concesserint, inimicis vestris injuriæ remissionem negare, etiam cum viderent, vos ad eam negandam non nisi livore concitari; sciatis velim, eos non tantum vobis ad salutem non profuisse, sed sibi insuper ipsis damnationem accersivisse, tanquam incendiî illius promotores, quod in animis vestris extinguere ex munere suo debuissent. Procul hinc fraudes inanissimas, procul vanas excusationes! Tutiora in negotio tanti ponderis eligamus.

XXIX. *Memento novissimorum.* Memoria tenete, jam à sex mille annis in ipsis terræ visceribus fornacem im-

R. P. Segneri *Christi Instr. Tom. 1.*

menso igne suscensam ardere in ultionem potissimum eorum, qui injurias pertinaci odio persequuntur. De his enim maximè per Ezechielem dicitur: *Descendant in Infernum cum armis suis.* Quia licet Damnati omnes sua secum vitia deferant, illi tamen, qui vindictam spirant, eadem secum portant, ut porro exercent. Ira, Rancor, Furor, Odia intestina, sunt ignes, qui etiam in Inferno ardent. *Vi-* s. *Thom.*  
*tia spiritualia in damnatis consumantur,* *Quod*  
*docet S. Thomas.* Et ideo quo plius *l. 8. q. 7.*  
*4. 17.* hujusmodi ignis accenderitis, tantò habitatoribus infelicissimæ illius abyssi similiore esse cœpistis. Vindicate vos, vindicate vos, sæpenumero Caco- *Descriptio*  
*dæmones in nocturnis Sagarum con-* *z. q. 16.*  
*venibus clamabant, alioquin vos ju-* *S. His*  
*gulabimus. Uleiscimini vos: alioquin* *similib.*  
*moriemini: Usque adeò Cacadæmo-*  
*nes ad vindictam anhelant.*

XXX. Ex altera parte *Memento novissimorum*: oculos vestros ad pulcherrimam illam pacis regionem levate, ubi Beatus quivis perpetuo charitatis vinculo ligatus alteri jungitur, nec suum magis, quàm alterius bonum amat. Viam inîimus ad illam simul perrecturi patriam, nè irasca- *Gen. 45.*  
*mini in via.* O quàm amplum vel una *24.*  
die præmium recipietis, si DEI amore vos ipsos in re sensui tam durâ, qualis est, reddere pro malo bonum, deviceritis! Sanctus Engelbertus Archiepiscopus Colonienfis ob unam talem victoriam ad Cœlestem Martyrum Chorum fuit delatus. Unum unicum mihi ostendite ex iis ad Chorum Martyrum evectum, qui asserabant, *Zelo*




Zelo iustitiæ inductos se veniam negasse.

XXXI. *Memento novissimorum, & desine inimicari.* Non sentire primos iracundiæ motus Angelorum est (dicebant Sancti illi Eremitæ) sed iram nunquam deponere, est Diabolorum. *Desine inimicari.* Finiamus denique omnia iurgia, & hodierna quidem sit illa beata dies, quâ finiamus. Veniam proximo concedamus, ut pacem cum DEO nunc & in futurum habere mereamur, qui Adversariis nostris etiam tacentibus reconciliatorem nobis imperat: *Vade, reconcilii fratri tuo.* Et si passio nostra dubias nobis hæc palmas facere conatur, ad DEUM recurramus, qui fa-

vore suo nos fortes efficiat; & in hac pugna victores Davidem æmulemur, qui cum in promptu haberet de Saule inimicissimo sibi Rege vindictam sumere, continuit sese, & DEUM, ut in vehementi hac tentatione sibi succurreret, invocavit: *Propitius sit mihi Dominus, ne extendam manum meam in Christum Domini.* Et si DEUS in vota vocatus tam fuit ad subveniendum servo suo promptus, eique triumphum inter omnes, quos de se referre homo potest, maximè prodigiosum concessit; non dubitemus, quin etiam nobis sit adstiturus, ut tam insignia facta si non æquare, imitari saltem valeamus.

Matth.  
5. 14.



## DISCURSUS XXIII.

### *De gravi malo Luxuria.*

I. **N**escio, an unquam fors tulerit, ut alicujus ex bibacibus illis deceptoribus lateri affideretis, qui omne suum tempus in cauponis absumunt, quasi eam solam ob causam vivant, ut vorent, & vorent, ut bibant. Hoc si vobis accidit, statim, credo, animadvertitis gravius eos vinum redolere, quàm dolium, à quo regrediuntur; ipsi tamen soli foetorem non notant, & cum aliis omnibus sint intolerabiles, sibi soli in re tam foeda non displicent. Habebis in his talibus Luxuriosi hominis

imaginem. Quemadmodum enim; qui sobrii sunt, redundantis illius vini foetorem sentiunt, non item, qui illo sunt ebrii; ita Sancti, & alii omnes boni infinito odio omnem sensuum spurcitiam persequuntur; cum contra illi, qui libidine inquinati sunt; quantumcunque coram DEO & hominibus plusquam morticinum foeteant, foetoris nihil quidpiam percipiant, ac dicant: quid mali est sensuum quædam fragilitas? omnium, quæ facit homo, malorum minimum est. Videamus nonnihil, an ab hujusmodi ebriorum cerebro fumosæ has exhalationes excutere valeamus, quibus

quibus miseri ita rationem offuscant. Dicunt, parum mali Luxuriæ inesse: ego contrâ illis ostendam, nullum malum magis esse formidabile, cum hoc frequentius longè, quàm alia peccata omnia, manifesto damnationis æternæ periculo hominem exponat.

II. Adeste igitur vos omnes, qui asseritis, Libidinem inter omnia hominum vitia esse minimum. An Affirmatis, Luxuriam peccatum esse mortale? quod si negatis, hæresis notam non effugitis, & Sacris Paginis manifestè contradicitis, quæ libidinosos locis compluribus à regno DEI excludunt. *Nolite errare. Neque Fornicari, neque Adulteri, neque Molles, neque masculorum Concubitores Regnum DEI possidebunt.* Ita protestatur Apostolus. Si autem inter peccata mortalia accensetis, quâ ratione affirmatis, Luxuriam inter exigua esse mala, quin hoc ipso, non Fidei tantum, sed & Rationi repugnetis? Exiguum malum peccatum mortale? *Peccatum in DEUM commissum quamdam infinitatem habet ex infinitate Divina Majestatis, tantò enim offensa est gravior, quantò major ille, in quem delinquitur.* Ait S. Thomas, peccatum mortale, cum sit injuria DEI infiniti, certam quamdam malitiæ infinitatem involvit, tantæ deformitatis abyssum, tamque diabolicam malignitatem, ut nulla unquam cogitatio eam sufficienter valeat apprehendere. Et ista malitiæ abyssus, quæ fundum non habet, exiguum ac modicum vobis malum videtur? Itane verò? Animis

vestris subjicite, quòd ad exsolvendum actum minimum, quem contra puritatis leges admistis, omnes simul Angeli Divino se tribunali sistant, & ad pedes Throni Divini inflammatissimum suum amorem, tanquam lytrum, aut summam capitalem, deponant; Patriarchæ omnem suam fidem; Prophetæ suam fortitudinem; Apostoli prædicationem suam & itinera, suum Martyres Sanguinem, Puritatem Virgines, Episcopi sollicitudinem, Penitentiam suam Confessores: adjicite insuper totam Sanctitatem, quæ transcendit omnem æstimationem, Magnæ Matris Virginis; totus iste meritorum omnium cumulus in unum collectus tanti non foret pretii, ut vel unicum laicivum contuitum ex innumeris, quos hinc inde defigitis, condignè valeat expungere: & si eundem thesaurum toties, imò pluries geminaretis, quàm stellæ in Firmamento resplendent, necdum æquaretis debitum; cum hoc sit infinitum, finita autem Satisfactio: unde ad complendam solutionem minus aliquid, quàm quod Christus JESUS DEI Filius de suo posuit, non sufficit. Et debitum tam grande tam exigui in balance hominum ponderis habetur, ut pro vili levique habeatur? O bilancem, verè mendacem! *Mendaces filii hominum in stateris!*

III. Quod si autem Luxuriæ peccatum non absolutè, sed comparativè tantum pro parvo à vobis habetur; hoc est, non modicum quidem in se, sed ut aliis peccatis mortalibus comparatum,



paratum, vehementer etiam in hoc erratis: nam etiam si hoc veritati foret consentaneum, quâ ratione exiguum vestrum hujus peccati horrorem excusaretis? Quid enim interest, siue ex alta turri, siue ex loco aliquo humiliore decidatis, si caput æquè in uno, ac altero casu frangitis? Mors quælibet mors est, undecunque proveniat, & omnis culpa mortalis culpa mortalis est, seu talis, ex qua Anima in exitium æternum, quæ mors ipsius est, ruat.

IV. In hoc insuper fallimini non modicè, si credatis, Luxuriæ peccata esse naturâ suâ omnibus aliis mortalibus minora, nisi alio ex capite aggraventur. S. Thomas Doctor Doctorum, clarissimis argumentis demonstrat, libidinem naturâ suâ, solo homicidio excepto, omnibus aliis sceleribus, quibus proximus impetitur, esse graviolem, detractioe, etiam, & furto; siquidem Luxuria bono ipsius vitæ opponitur, detractio verò & Furtum bonis famæ & fortunæ sunt, bonâ ambo bono vitæ inferiora sunt, atque ideò soli homicidii malitiæ cedit: hoc enim vitam aufert & ipsum esse tollit illi, qui ad vitam jam natus est. Luxuria autem, etsi esse nato non auferat, nascituro tamen esse inhonorem, inordinatum, & illi, quod natura intendit, contrarium affert: hæc enim odit vitam, & esse ulli proli dare, nisi, quantum in se est, eidem etiam præpararit bene esse. Quibus igitur in Scholis Theologiam hanc vestram perversam didicistis? quæ loco ultimo inter cætera peccata peccatum

Luxuriæ reponit? Forsan in tenebris illis obscurissimæ & infernalis Abyssi? Sed neque hoc credo, cum ipse Caco-dæmon mendacia tam nota ex sua, quantumvis pestilentis cathedra, vendicare non auderet.

V. Sed ut clariùs hoc periculum æternæ perditionis, in quod Luxuria vos conjicit, vobis innotescat, in hunc modum vobiscummet ipsis disserite. Ad salvandam quamvis animam dux voluntates requiruntur, Divina altera, altera humana, quæ ambæ in eam rem consentiant. Necessarium omnino est, ut, ne salute excidam, DEUS salvum esse me velit; sed & necessarium est, ut salvus ego esse velim: quapropter vitium illud, quod præ cæteris hisce duabus voluntatibus se opponit, eaque reddit inefficaces, etiam plus salutis meæ opponitur. Jam, quod DEI voluntatem attingit, licet illa omne peccatum mortale tanquam hostem suum aversetur, eâ causâ quâ tantum illud oderit, quantum amat semetipsum, nihilominus contra nullum hætenus majus odium alienationemque ostendit, quàm contra carnis peccatum.

VI. Gravissimi Authores observant, collatis omnium temporum historiis, præcipuas quasque orbis terræ Monarchias ob peccatum libidinis ad nihilum redactas fuisse; ut homines, qui summi æstimant aliis dominari Imperiis ac Regnis privati intelligerent, quantum DEUS fordes illas & iniquitatem abominetur, quæ ipsum ad hanc de iis pœnam lumentam impellerent. Nôsse igitur debetis,

quinque ante Christum natum Monarchias extitisse, seu Imperia longè maxima ac præcipua, quæ plusquam cætera fines suos ac limites extenderunt. *in* Prima Monarchia fuit Assyriorum; cui post annos mille trecentos ac quatuor Sardanapalus libidine sua finem imposuit; qui ita sordidissimo huic vitio deditus erat, ut in grege fæminarum à se amatarum vitam ageret, vestiretur ut fæmina; ut fæmina filum duceret, & in omnibus fæminam referret: quæ causa fuit, ut Belliducum nonnemo in paucis ipsi charus, Arbaces nomine, tantam rei indignitatem non ferens amplius, Regno eum exturbaret, aut, ut dicamus verius, Divinæ Justitiæ instrumentum se faceret ad eum solio pellendum. Altera Chædæorum fuit, quæ post annos centum octoginta tres in libidinoso Balthasare expiravit, qui inter Concupinas suas mensæ assidens damnationis suæ sententiam Divina manu in pariete exaratam ipse legit, atque eadem ipsa nocte executioni datam dirissima cæde complevit. Persarum fuit tertia, quæ post annos ab origine sua ducentos & octo in Dario Rege everfa est, adeò effæminato etiam ipso, ut Athenæo teste, ab illius morte in palatio regali trecentæ viginti novem fæminæ, quæ detestandis ejus voluptatibus servièrant, repertæ fuerint. Utque manifestum fieret, ingens hoc Imperium non aliam ob causam fuisse eversum, quàm ob Libidinis vitium, Divina Justitia Alexandro, adhuc casto, illud concessit, quem tamen ipsum, ubi turpibus his volu-

ptatibus se deditit, ad exordium anni septimi, hoc est in medio victoriarum cursu, quin & ipsius vitæ, è folio & vitæ abstraxit; ita ut per fæminas summum illud Imperium amitteret, quod fæminas fugiendo occupaverat. Regnum subinde Græcorum in plures Dominos distractum demum concidit in Cleopatra, fæminâ tam libidinosâ, ut Meretrix publica dici posset, si Regina nata non esset. Ultima denique, eaque cæteris major, penes Romanos fuit, ut per continentiam acquisita, ita per Luxuriam deperdita, uti pluribus ostendit S. Salvianus Episcopus; qui insuper ostendit, Africam, Hispaniam & Galliam impudiciæ sentinam fuisse tunc, cum à Vandalis diriperentur; qui, cum boni aliàs nihil haberent, in sua barbarie, casti tamen erant. Unde ut idem Salvianus notat, famosissimis illis cladibus *Lib. 1. de Provid.* ceu Sanguineis characteribus, DEUS mundum docere velle visus est, quanto in pretio habeat Castitatem, quanto contrà odio Incontinentiam persequatur. *Ostendere DEUS voluit, quantum & odisset carnis Libidinem, & deligeret Castitatem.* Complures alias his similes pœnas possem referre, easque temporibus nostris magis vicinas, quas tamen, cum & hæ forsandrudioribus sint nimis, consultius omitto. Interim hanc animis vestris veritatem altius imprimite, mininè gentium verum esse, quod nonnulli æquè indocti, ac impii effutiant: *DEUS peccatis carnis compatitur; non ignorat, carne nos, non are condare: non solum errant ita ratio. cina. do,*



sed è diametro oppositum prorsus cum veritate concordat: nimirum, quòd gravissimæ omnino & communes pœnæ contra mortales non aliud ob peccatum magis, quàm luxuriam statuantur. *Luxuria facinus præ aliis atrociori vindicta punitum legimus*: S. Thomas Villanovanus scriptum reliquit. Id quod tam apud Doctores receptum est, ut tam ille, quàm alii communiter hoc indicio colligant, quòd peccatum, propter quod Ninivitis eversio- nem DEUS minitatus est: *adhuc quadraginta dies, & Ninive subvertetur*, peccatum carnis fuerit; cùm nullibi stragem adeò universalem in vindictam alterius cujusdam peccati legamus; unde ruinam vastissimæ hujus civitatis, per quam tridui erat iter, nulli alteri, quàm Luxuriæ vitio, verosimilius adscribimus, quæ sine fronte per eam liberè grassabatur.

VII. Verùm quid conjecturis opus est, ubi ipsa Scriptura tam apertis rem notis palàm facit? Gemino Diluvio DEUS in scelestos animadvertit, ignis uno, aquæ altero, utroque propter grassatam passim libidinis luem. Integre quatuor civitates, cum agro septuaginta milliaria longo, & novendecim lato (& quod plus est, non paucæ hominum myriades, qui florentem, fertilem, & Paradisi æmulam Regionem incolebant) uno quasi momento absumptæ sunt igne cælitus delapso in pœnam illorum solummodo peccatorum, quos vos adeò compassione dignos judicatis. Et tamen DEUS tam parùm iis est compassus, ut ad saxa usque omnes illorum plateas ac domos

in cinerem redigeret, nunc etiam, post tot annorum millia, in odio illius testimonium, quo DEUS luxuriam detestatur, fructus omnes, qui illa regione nascuntur, sub pulcherrimo, quo obteguntur, cortice nil nisi cinerem abscondunt. Hoc tamen, cum illo altero aquæ Diluvio in comparisonem nullatenus venire potest, quò DEUS universæ terræ sordes venereas voluit eluere, omnibus, si octo demas, hominibus suffocatis. Agebat tunc Munda in flore quasi suæ juventutis; terra enim hominibus multo amplius abundabat, quàm nunc abundet: & hi complexionis erant tantò robustioris, quantò vitæ erant longioris. Qui pauciores vitæ annos numerabant, ad septingentos ascendebant; eorùmque multi tantis tamque robustis erant corporibus, qualia illorum fuisse necesse est, quos Sacræ Paginæ Gigantes compellant. Præterea omnes tunc temporis matrimonio se illigabant, multi etiam conjuges sibi plures asciscabant: unde factum, ut sola Jacobi familia in Ægypto non integris quatuor sæculis in tantam multitudinem excreceret, ut ex ea sexcenta millia bellatorum, non numeratis senibus, fæminis & parvulis recenserentur. Et hoc, postquam multò arctiore spatio mortali-um vita erat definita. Unde colligi facile potest, quanto numero intra mille sexcentos quinquaginta sex annos, à condito Mundo ad diluvium elapsos, quo ipso tempore adeò vita protraheretur, terram incolæ habitarent. Et tamen tanta, & quæ omnem fidem superat, multitudo hominum

Serm.  
fer. 4.  
per.  
Dom.  
quadr.

Leff.  
L. 13.  
de pe-  
div.

P. Corn.  
in Gen.  
6. 19.  
8. 22.

num, cum de punienda eorum luxuria ageretur, nullum in bilance Divinæ Justitiæ omnino pondus habuit. Eodem tempore, quo suis voluptatibus frena laxabant, & suis vacabant cupiditatibus, mense Majo, quo libido magis exæstuat, cataractæ cœli apertæ sunt, & tam copiosa, quadraginta dierum, & quadraginta noctium pluviis, aqua decidit, ut montes omnes transcendere, hominésque & animantia, ipsamque etiam terram, centum quinquaginta dierum spatio sepeliret: *Venit Diluvium, & tulit omnes.*

VIII. Considerate igitur tres hoc loco circumstantias, seu adjuncta supplicii longè horridissimi, quæ plurimum ad rem nostram faciunt. Inprimis ipse DEUS voluit executor esse; & licet in circumagendis tam artificiosè Cœlorum orbibus, & servando naturæ cursu, cœlestium Intelligentiarum operâ utatur, in plectendis tamen libidinosis hominibus Angelos noluit adhibere. *Ecce ego adducam, ait, aquas diluvii super terram, ut interficiam omnem carnem;* ut ne unquam homines sibi persuaderent, in hac tam universalis inundatione aut suas cœli stellis partes fuisse, aut tempestatum anni intemperiei, aut Angelorum, qui hæc curant, ministerio. *Ego pluam,* (ait denuo septem diebus antè, quàm diluvium immitteret) *Ego pluam,* quasi timeret, ne caro suo Noë nondum satis persuasum esset; pluviam hanc non alterius, quàm Divinæ suæ Justitiæ immediatum effectum esse: & quia huic Justitiæ integra debebat satisfactio præstari, ipse DEUS voluit Arcæ

fores occludere ac pessulum obducere: *& inclusit eum Dominus desoris.* C. 7. 16. Ut scilicet illi pauci, qui in hac navi salvi evadebant, miseratione moti non possent quemquam infelicitè naufragantium, & illorum opem implorantium recipere. Fateamur igitur oportet, vehementer ipsum DEUM sibi cordi habuisse communem hanc perditè lascivientium everisionem, cum, quæ ad hanc faciebant, omnia propria quasi manu exequi voluerit.

IX. Præterea etiam tempus, quo supplicium hoc duravit, summam DEI sollicitudinem commonstrat, quâ DEUS ad castigandum hoc vitium ferebatur. Nam quadraginta dierum pluviis copiosissimis non solum omnes, qui extra Arcam erant, homines sustulit: *tulit omnes,* sed etiam, ut dixi, omnes montes universæ terræ aquis merfit eâ undarum abundantia, ut altissimos & inaccessibiles alpium vertices quindécim cubitis transcenderent: voluit in super, ut post extinctos omnes reos, aquæ centum ipsos & quinquaginta dies super eorum capitibus consisterent, quasi odium, quod DEUS in Lascivos conceperat, nec dum tanta strage editâ ex toto fuisset extinctum. Haud aliter ferè ac homo irâ efferatus solet facere, qui postquam hostem suum prostravit, confecitque, sæpius tamen ad eum vulnerandum redit, figit ac refigit denuo in occisi pectore gladium, quasi indignans, quod non nisi una morte inimicum possit de medio tollere.

X. Tertia denique funesta circumstantia universalis hujus supplicii ex verbis eruitur, quibus DEUS ulus est ad



ad exprimendam gravitatem: culparum à se vindicatarum. *Tactus dolore cordis intrinsecus delebo inquit, hominem quem creavi, à facie terra: ab homine usque ad animantia: pœnitet enim me fecisse eos.* O verba horrida! Ira

*3. Aug.* Divina non est ut ira nostra, hoc est, *Civ. l. 15.* passio quædam, quæ turbet animum; *E. 25.* iudicium est tranquillissimum, quo infinitum in peccata odium concipit, eaque pœnis ad rectum rationis ordinem reducere molitur. *Tu autem cum tranquillitate iudicas.* Et tamen, ut hominibus notum fieret, quàm abominabilibus se spurcitiis fœdassent, hisce modis loquendi utitur sibi tam impropriis, pœnitentiæ scilicet, horro-  
*26.* ris; doloris etiam altissimi: quos ille in nullo hætenus plectendo scelere usurpavit: ut scilicet mortales omnes, etiam deinceps nascituri, perniciosissimam hanc persuasionem dedoceren-  
*27.* tur, quàm facile inducuntur, ut hoc peccatorum genere, cœu minùs gravi, se contaminent.

XI. Interim vellem, ut in his profundissimis undis tanquam in speculo inconsultæ illæ fœminæ se contemplerentur, quæ tantâ se facilitate seduci ab illis patiuntur, à quibus audiunt, peccata Libidinis ex omnibus, quæ in mundo sunt, peccatis esse minima. Certum est, quòd Divina Nemesis brachio nunquam fortiore hætenus mortales flagellavit; siquidem in hac inundatione non aliqui illorum tantum, sed omnes periëre, octonis tantum falvis: non ob Idololatricæ crimen, quo Mundus necdum involutus erat, nec in pœnam Blasphemix, Perjurij, Sottilegij, Detractionis, Fraudis,

Furti, ac Homicidij, sed unius Luxuriæ. *Ge. 1. Non permanebit Spiritus meus in homine Liv. in aeternum, quia caro est: id est nimis implicatus peccatis carnalibus, ut ibidem Glossa loquitur.* Si supplicia à DEO immissa signa indignationis sunt, ad quam illum peccata nostra concitaverunt, cum veritate dici potest, peccata Impudicitix DEUM ad implacabilem detestationem commovere, cùm videamus, nulla æquali rigore mulctari. *Nisi DEUS gravissimè huiusmodi libidinibus offenderetur, nunquam tam atroces in Libidinosos exercuisset vindictas:* concludit sanctissimus pariter ac sapientissimus Valentix Archi-Episcopus supra adductus.

XII. Verùm cur tanto peccata carnis horrore DEUS averfatur, inquietis, cùm animum, quamlibet serenum, hæc passio non desinat stygiis vaporibus offuscare? Queritis: cur? an vosmet ejus rei causa latet? summa nimirum dissimilitudo hoc efficit. Sicut enim amor in conformitate & convenientia fundatur, ita in difformitate & inconvenientia fundatur odium. Propterea ignis tanta alienatione ab undis diffidet, ut cùm unâ tantum aquæ stillulâ fuerit perfusus, illico strepitum cieat, & nullatenus tolerare valeat; non alia de causa, quàm quòd cum Aquâ naturâ suâ pugnet, & qualitatibus repugnantibus præditus sit. Cùm igitur DEUS Spiritus sit purissimus, cùm videt Animam totam quantam in carnem degenerare, hoc est spurcam totam, totam immundam, suæque puritati ex toto oppositam, tantam concipit ab eo alienationem, ut nisi sua eum pietas retineret, ad primum Impudicitix

citæ peccatum illico terram sub delinquentis pedibus aperiret. An ignorantis, quid faciant, qui munditiæ sunt præ aliis studiosi? ad omnem nævum, ad minimam maculam cohorrescunt. Si nobilis puella quæpiam, cum mensæ affidet, capillum in patinâ quâpiam observat, toto illo mane nihil quidpiam degustat: imò si de cadavere, de morbo, aut medicamento mentio solummodò incidat, sola illa mentio rei horridæ ad nauseam ac fastidium illam commovet.

*ad* De tali quadam S. Petrus Damiani *ris* fert in Epistolis, eam nunquam *ba* voluisse manus aquâ aliis communi *An* lavare, imò nec panem, nec pomum *n* in mensa voluisse contingere; adeò formidabat digitorum suorum extremos apices illa contingendo conspurcare; & ideò, cum ori quidpiam admoveret; aureâ illud fascinulâ inferebat. O beatam si tanto animæ puritatem studio adamasset, quantò manuum suarum munditiem servavit! Sed ad propositum revertamur, & ex hoc inferamus, quantum DEUS omnem in nobis obscenitatem abominetur, & quantum etiam nos illâ infectos debeat abominari! Quantum DEUS puritatem suam amat, hoc est, amore infinito, tantum impuritatem nostram odit, odio scilicet pariter infinito.

XIII. Ex hoc modo facile colligetur causam, ob quam Christus Dominus, cum miseris nostris famis, frigoris, caloris, sitis, defatigationis, & somni se subiecisset, noller tamen à Matre, ejusdem cum aliis

conditionis nasci, sed talem eligeretur quæ Mater simul & Virgo, eaque totius mundi purissima foret: Odium scilicet illud fuit, quod omnem etiam impuritatis umbram aversabatur. Quæ etiam causa fuit, ut nollet unquam à Sathana ad actum minus honestum sollicitari, & quantumcunque peccata, ut ita dicam, spiritualia carnalibus graviora sunt, sustinuit tamen in deserto Avaritiâ, Gulâ, Ambitione, Idololatria & hujusmodi vitiis impeti, nullâ tamen, tametsi minima obscenitate, tentari se passus est. Hinc etiam non permisit, ut ne à longè quidem sui eum inimici hujus criminis accusarent, utut aliàs livore correpti. Imò etiam ex Discipulis suis neminem passus est de hoc scelere accusari. Ex hac ipsa etiam causa, cum pluries toto trium annorum tempore ad concionem diceret, ne una quidem vice impuritatis mentionem inferre voluit, quasi dedignaretur hoc vitium cominus impugnare, ne scilicet hoc monstrum propius contueri deberet. Quo nobis manifestè innotescere voluit, quantum ab hoc genere iniquitatis abhorreret, si non omnium gravissimæ, saltem abjectissimæ, & omnium maximè homini erubescendæ, atque præ omnibus aliis sceleribus exprobrabili, propterea, quòd homo pensi non habens, esse similis DEO, cujus imagine insignitus est, maluerit in Brutum degenerare. Homo, cum in honore esset, non intellexit: comparatus est jumentis insipientibus, & similis factus est illis: non dicit, natus, sed factus; hoc



enim summum hominis opprobrium est, quod, cum Brutum origine sua non sit, dignitatis suæ oblitus, velit esse libidine id, quod Sanctus Hieronymus indicavit: *Nihil vilius, quam vinci à carne.*

XIV. Sed quid miramur id, quod Christus Servator hac in re præstitit, cum vel Cacodæmon, utut aliàs ad culmen effrenatæ perversitatis pertigerit, hoc vitium erubuerit, in quo libido carnalis locum non habet, nisi modo quodam ascititio. Unde sciendum vobis est, quâ ratione Cacodæmones illi, qui antequam Cælo exciderent, nobilioris erant naturæ, nunc, cum Diaboli sunt, excellentiæ suæ naturalis non obliti, etiam in hominibus carnis vitium abominentur; & ideo, quæ mens est S. Thomæ, Christus in deserto peccato carnis tentatus non fuit, quod Sathanas, qui eum tentavit, erat omnium primus ac præcipuus, nimirum Lucifer, quem sua superbia ad tantam vilitatem non demisit; haud aliter ferè ac Princeps Latronum, qui in suo etiam latrocinandi munere, in aliorum latronum turba, nescio quam observat auctoritatem, nec ad quamvis, sed nobilem tantum capeffendam prædam cum iis prodit. Verum itaque est, quod, cum multi Infernales Spiritus in immunditia hominibus persuadenda occupentur, nonnisi ignobiliores, omnium vilissimi & quasi stabularii ad hoc officii destinentur. Imò quod mirabilius est, etiam hi ipsi omnium infimi spiritus nequeunt propudiosis istis se impende-

re suggestionibus, quin aliquem horrorem naturalem (commonstrent, excitatum in ipsis à naturâ pessimâ quidem ac perversâ, sed valde nobili. Unde fœmina quædam, cum in occulto cor & corpus suum immundissimo vellet scelere commaculare, ambigua in luce Cacodæmonem in suo cubili vidit, qui eam impuritatem stomachatus multa cum exprobratione exclamavit *Vah! Psui!* & semianimem timore ac tremore, ut ipsamet Thomæ Contipratano retulit, reliquit. Hinc facillè cognoscetis, quantum obscœna hæc Libido abyssopuritatatis nitidissimæ ac mundissimæ, DEO, inquam, nostro, displiceat, cum illa intolerabilis ipsis etiam Dæmonibus videatur; qui proinde eam amant, & horrent, cum nullam impuritatis speciem refugiant, quâ animas venentur; sed prorsus ea ratione, quâ Venatores, qui stercore Pantheras alliciunt ac capiunt. Referunt de Panthera, rem quidem auditu sordidam, non nego, sed hoc ipso ad argumentum nostrum magis appositam; & est, quod truculenta hæc bellua tanta cupiditate hominis excrementa expetat, ut, cum hæc loco alto suspensa sunt, quo odoratu quidem, non autem pedibus pertingere valeat, ita se jactet, ita se in altum vibret, saltibus verè lethiferis, ut ex nimia spirituum vitalium profusione denique concidat & moriatur. *Enecat se de-<sup>Plin.</sup> fatigati projectu corporis. Ita multis,<sup>8. 6.</sup> quod fœdissimum, dulcissimum est. Jam quemadmodum Venatores, qui fœræ hujus appetitum nôrunt, à spur-*  
citiis

titis quidem, quas illiciti gratiâ per re-  
tia disponunt, tanquàm fœdis abhor-  
rent, simul tamen eas amant, tanquam  
venationi suæ peraccommodas, ita  
Cacodæmones, qui in Libidinosis in-  
sanam sensualium voluptatum cupi-  
ditatem observant, eodem tempore  
eas tanquam longè infra rationalis  
naturæ dignitatem positas detestantur,  
& simul amant, tanquam idoneas,  
quibus animas sibi inimicissimas de-  
prædentur. Simpliciter autem lo-  
quendo horrent, & averfantur sine  
dubio plûs, quàm ament (id quod  
ex adducto Venatorum exemplo cla-  
rum est) quia illas horrent secun-  
dum id, quod sunt in se, nempe  
naturam: amant autem tantum se-  
cundum id, quod ab ipsis per ac-  
cidens nascitur.

XV. Sed ut illuc revertamur, unde  
digressi sumus, nempe ad investigan-  
dam causam, ob quam DEUS Luxu-  
riosos tanto odio habet, insuper consi-  
derandum est, quòd hoc odium ex pec-  
catorum numero sine numero concipi-  
atur, quæ à Luxuriosis identidem  
committuntur. Dæmon, qui ad Lu-  
xuriam pellicit, in Scripturis Asmodæ-  
us vocatur, quæ vox juxta linguæ He-  
braicæ proprietatem, *Abundantiam*  
*peccatorum* significat; siquidem Luxu-  
riæ vitium seminarium est mille no-  
xarum ferax. Fur non furatur quo-  
tidie. Latro totâ suâ vitâ quandoque  
ad senarium homicidiorum non per-  
tingit. Lufor in Blasphemias prorumpit;  
sed non, nisi cum fortunam in  
ludo adversam habet. Opifex ad ebri-  
etatem potat; sed diebus tantum po-

pulo solennioribus, qui verò Impudi-  
ciæ se deditit, tot quotidie sceleribus  
se inquinat, ut tota ejus vita tor-  
renti fœtentissimarum aquarum com-  
parari possit, in quo semper unda un-  
dam trudit. Cogitationes: aspectus,  
niçtus, annutus, verba: vix aliud  
miseri dies totos agunt. Horum com-  
paratione parvus est operum nume-  
rus; licet is ipse tantus sit, ut cum  
ad Confessionem venit, iniri ab ipsis  
non possit. Quid adhuc? Ipse som-  
nus ab hac peste immunis non est,  
quæ tamen vitæ pars omnium deberet  
esse innocentissima: nam cum dor-  
miunt, iniquissima prodeunt phanta-  
smata, & in imaginationis se scena si-  
stunt Animæ, quæ cum vivacissimis  
à Dæmone coloribus depinguntur, ul-  
timam quasi manum accipiunt, cum  
ab experrectis consensu approbantur.  
Ita dici potest, quòd in aliis vitiis Ca-  
codæmon hamo piscetur, cum præ-  
dam nonnisi exiguum diebus etiam op-  
portunissimis apprehendat; at in lacu  
obscenitatis piscatur retibus, iisque  
tam amplis, ut paucissimi omnino sint,  
qui felici fugâ ea devitent: *Totum* *Hab. 14*  
*traxit in sagena sua & congregavit in* *15.*  
*rete suo*, ait Propheta, ulque adeò,  
ut parum absit, quin malignus hic  
Spiritus hisce suis retibus totius huma-  
ni generis victor evadat, ac Domi-  
nus: nisi opinionem Sancti Isidori om-  
nino rejicere velimus, dicentis: *Ma-* *2. De*  
*gister per carnis Luxuriam humanum genus* *Sum. Bo.*  
*subditur Diabolo, quàm per aliquod* *no 1. 3.*  
*aliud.*

XVI. Accedit, quòd DEUS in Lu-  
xuria vestra non solum vestrum pec-  
catum



catum respiciat, sed omnia etiam aliorum, quibus id quasi gravidum est. Unde ex tali capite sine numero & mensura rationes excrescunt, quæ DEUM à vobis inabominabili hoc statu positis avertant. Explico me. Induxistis actu quodam obsceno innocentem quampiam animulam, & cum ad Confessionem peccatorum vestrorum acceditis, scelus illud, ut peccatum unum unicum Sacerdoti explicatis, cum tamen DEUS modum numerandi longè alium teneat, Videt ille, quòd Anima illa illibata ac innocens, impurissimâ vestrà linguâ, & impudicissimis manibus pudicitiae suæ jacturam fecerit; decies de die impuram illam voluptatem animo repræsentet, quam antè nunquam degustarat, eamque in corde suo approbet, amet, & acceptet, novamque occasionem inquirat, quâ labra possit poculo tam noxio admove, cujus dulcedinem appetit, venenum non advertit. Et sic in immensum noxas auget misera, quæ ad anni finem denique plura millia excedunt. Matrimonio constrictam à thoro maritali ad libidines tuas traducis. Hoc, tui quidem iudicio, Adulterii peccatum est nonnisi unicum; at non ita iudicio DEI. Videt DEUS, quòd Matrōna illa antè verecunda & modesta, dies integros intra domum suam exegerit, intenta familiæ suæ regundæ, at ubi per te seducta est, positâ omni verecundiâ toto die virorum confabulationibus assistit, filiabus etiam adultis liberas habenas laxat, partim quòd non possit illam ab iis mode-

stiam requirere, quam ipsa perdidit; partim quia alienam salutem non curat, quæ etiam suam negligit: unde consequi necessarium est, ut filiae pessum eant, & integræ familiæ, ubi filiæ malè moratæ viris olim traditæ fuerint, subvertantur. Videt, inquam, DEUS, longam illam calamitatum appendicem à vobis nec prævisam, nec poenitentia expiatam, quam funestissimus Adulterii vestri Cometa post se trahit: & tamen, cum coram Confessario vos accusatis, nonnisi fortuitam quandam in Cœlo Rationis vestræ ordinis turbationem exponitis. Ita pariter cum Virgini pudicitiam suam quis eripit, prædo iniquissimus, nonnisi unum sacrilego hoc furto peccatum admisisse sibi videtur; at non ita de vobis Iudex vester sententiam feret, qui confiderat, quòd Puella, ut infamiæ notam, infelici partu incurrendam, à se amoliat, mille vias modosque inquirat, quibus prolem, quam sinu gestat, antè occidat, quam in lucem enitatur; & post multa sumpta experimenta eò denique deveniat, ut foetum non temporali tantum sed & æternâ viâ privet, abortum procurando. Quòd si autem attentatum homicidium non succedat, quanta in domo jurgiâ! quanta inter familias diffidia? quanta in populo murmura? qui strepitus? quod scandalum? Non rarò evenit, quòd hujusmodi Juvencula, ubi verecundiam posuit, toto quandoque patriæ ruinam accersat, & universali cuiquam Libidinis incendio præbeat alimentum. *Ne prostituas filiam tuam, ne*

contaminetur terra, & impleatur pinculo: ait Dominus; quibus verbis veritatem illam declarat, quod unius malæ feminae emortuum corpus ad integrum aliquem populum, antehac sanum, inficiendum sufficiat. Et sic omnia ista peccata tam generalia, tam gravia, tam numerosa in illo peccato DEUS videt, quod vobis unicum, idque modicum videtur, quoddam ex aliqua fragilitate humana, atque infirmitate fiat. Tanto plura DEI oculis, quam vestris, se objiciunt.

XVII. Homo rudis & inexpertus, qui fascias pestiferi cujusdam ulceris contuetur, aliud non averfatur, quam plus illud, quod inde promanat; sapiens autem Medicus multò magis latentem illam mortem horret, quam in fasciis ad plurimorum exitum reconditam animadvertit: namque sagaci oculo perbene in illis centonibus malè cognitis plurium provinciarum stragem prævidet, si non confestim igne absumantur. Eandem in peccatis obscænis DEUS methodum observat. Et si hanc observat, an mirabimini postmodum, si ea cum demonstratione horroris insoliti abominetur?

XVIII. O! Quàm & vos judicia vestra immutabitis, cum post paululum ad Divinum tribunal fueritis evocati, ubi res innumeræ, quæ modò tenebris ignorantia involutæ latuerant, deteguntur? Ibi singillatim oculis vestris proponentur gangrænæ vermibus innumeris scatentes, quæ nunc tot quæsitis coloribus, & pretiosi etiam metalli specie mendaciter inducta ve-

latis. Jam nunc tempore hoc medio perpendite, quòd, cum DEUS lascivorum hominum sceditatem immenso odio detestetur, omnino facile fieri possit, ut eos Regno suo excludat, quemadmodum ore S. Pauli clarissimis minis intentat: *Hoc enim scitote, Eph. 5.* ait, *intelligentes, quòd omnis fornicator aut immundus, non habet hereditatem in Regno Christi & DEI.* Id quod re ipsa DEUS efficiet, miserisque efficitia illa Gratia auxilia negabit, quibus maximè, ut in Gratia decederent, opus haberent. Quin & Dæmonibus facultatem concedet magis absolutam & amplam, in extremo illo articulo eos tentandi; Sanctis contra, ne pro iis preces fundant, interdicet: *Tu ergo noli orare pro populo hoc, quia Jerem. non exaudiam in tempore clamores eorum ad me, & in tempore afflictionis eorum.* II. 14.


XIX. Scitote igitur probè, & scitote intelligentes, ne decipiāmini credendo, dignum illum esse, qui inter Angelos sedeat in Cælo, qui dignus non est, ut inter bruta animalia stet in stabulo, ob incognitam nonnunquam etiam brutis animantibus sceditatem. Sed & Juvenes isti, istæ Puellæ, inexperti ac rudes non se sinant abduci, & velut in orbem circumagi in re momenti longè maximi, in qua tam facilè omnibus est animæ iacturam facere. *Scitote intelligentes.* Si quis vos ex Diabolis istis humana carne vestitis adoritur, dicitque: Luxuria parvum malum est, facilè Confessione expiatur, Lascivis DEUS compatitur: hoc eis responsum date,




quod Sanctus Franciscus Salesius impudicæ cuidam fæminæ, ipsum juvenem tentanti: dedit; quod illud? Sputo in faciem projecto tergum obvertit. Quod si facere non audetis, saltem animo vestro certum tenete, hõsce ad interitum vestrum mentiri. *Inimici Domini mentiti sunt ei.* Mentiuntur, quando promittunt, necessitatibus se vestris subventuros, quando Matrimonii spem vobis faciunt, quando sincerum erga vos amorem profitentur, omnia in arcano haberi volunt, non nisi summam vobis fidem pollicentur; mentiuntur, inquam, semper; ita enim vobiscum agent, ut cum maturis uvis; hæ tamdiu respiciuntur, dum vino turgent; ubi expressæ fuerint, in vias publicas calcandæ projiciuntur. *Inimici Domini mentiti sunt ei.* Si DEI inimici sunt, pro certo habetote, vestros amicos esse non posse: & si illi fidem in Baptismo datam, multoties in Confessionis Sacramento renovatam, fallere non verentur, quâ ratione vobis persuadetis, fore, ut eandem vobis frangere reformident? & non potius terga vobis obvertant, moxque ad aliam æ-

quæ stultam ac credulam corrivalem vestram digrediantur? Perniciosius adhuc mendacium illud erit, quo culpam extenuabunt, facile remedium insinuant, periculum, quod gravissimum est, ceu leve explodent, in quo tamen æternam salutem perdere, ac Impudicitia, Divinæ Voluntati oppidò contraria, prædæ fieri, antequam periculum advertatis, facili negotio potestis. *Inimici Domini mentiti sunt ei, & ideo scitote intelligentes, non cognoscendi tantum habitu sed actu, quod omnis fornicator aut immandus non habeat hereditatem in Regno DEI.* Paucis: Cœlum non patet Carnalibus.

XX. Restat nunc alterum Sermōnis caput, ex quo longè adhuc magis fugienda est, ac timenda Luxuria, quod nimirum hominis voluntatem, ut salvus esse velit, reddat infirmam ac inefficacem. Quia tamen constitutum mihi est patientiâ vestrâ non abuti, in alium diem argumentum hoc differam, quo attentionem vestram denuo mihi polliceor tantò magis fructui, quem intendo, respondentem, quò majores ex interposita quiete vires sumperit.





## DISCURSUS XXIV.

*Discursus antecedentis, de Misero Luxuriosorum  
Statu, materiam prosequitur.*

**S**I sol sua solus virtute par esset auro in visceribus terræ producendo, nullæ non fodinæ auro refertæ forent: at quia præter virtutem Solis certæ insuper in ipsa terra dispositiones requiruntur, aurum admodum rarum est. Ita ferè se res habet in negotio æternæ salutis nostræ. Si penes solam foret Domini DEI voluntatem, quis nostrum æternam salutem non consequeretur? Quia verò ille Gratix suæ nostram jungi vult operam, hinc paucissimi in mundo sunt, qui salutem obtineant. Ita tamen se res habet: *Qui fecit te sine te, non salvabit te sine te.* Quodd si igitur Libidinosorum salus tanto in periculo est ex parte Divinæ voluntatis, quanto in periculo manebit, attentis iis, quæ propriâ ipsorum voluntate præstanda sunt? Quàm DEUS ex parte sua voluntatem Libidinosi adversantem habeat, dictum est superiore Discursu; nunc porrò declarandum est, quomodo etiam ipsi Libidinosi voluntatem saluti suæ contrariam foveant, ut vel sic commoveamur ad monstri immanissimi magis seriâ detestationem, quale est Luxuria, Animarum Charybdis. Ut autem, quam ordimur, telam bene longam ritè ac ordine pertexamus, totum, quod

à propria voluntate imminet periculum, tria in capita partiemur, ostendendo, Lascivos gravissimo damnationis periculo expositos esse, primò, quia malum suum non cognoscunt: secundò, quia etsi cognoscant, non tamen ab illo abhorrent; & tandem, quia etsi abhorreant, inducere tamen se ad seriâ emendationem non possunt. Ordiamur à primo horum capitum, quorum quodlibet altero dèterius est.

I.

II. Omnia vitia, cùm sint ceu eclipsis quædam rationis, tenebras & noctem in animam inducunt, præ reliquis tamen spissiores inducit Libido, quæ non solum rationi obtemperare detrectat, *in nullo procedit secundum judicium rationis, sed ne auditæ quidem illam sustinet: unde ex hoc capite à Doctoribus pejor Irâ habetur.* *Incontinentia concupiscentia est pejor, quàm incontinentia iræ; quia ira quodammodo audit rationem & pareret, non autem concupiscentia.* In istis igitur tenebris Anima primò suum ipsa malum non videt; quod si non videt, quomodo medicinam ipsi faciet? Observandum enim est, inter Animæ & corporis morbos hanc intercedere diversitatem, quòd ad valetudinem



vinem corporis reparandam sufficiat, morbum Medico esse manifestum; at verò in morbis Animæ insuper necessarium est, ut mali vis etiam infirmo innotescat, causa est, quòd Animæ, si sana esse velit, necesse est, ut multis liberi arbitrii sui actibus ad suam ipsa salutem concurrat, & auxilia à DEO in tempore subministrata per semetipsam applicet. Qui proinde propriam infirmitatem non agnoscit, quomodo operam dabit, ut illà se expediat? Potentiæ Appetitivæ Animæ ductum Apprehensivum sequuntur, & sicut canis, quamdiu feram non videt, aut odoratu observat, se loco non movet; Ita voluntas nostra, bonum, quod non cognoscit, non appetet. Ad particularia descendamus. Ut quis à DEO fortitudinem, quæ tentationibus esse superior possit, adipiscatur; docent Sancti, nullam conditionem magis esse necessariam, quam Orationem, id quod Christus clarè tradidit: *Vigilate & orate, ut non intretis in tentationem.* Quis autem unquam, quem libido excæcavit, ad DEUM se convertet, ut auxilium, ne in tentationes incidat tam sibi perniciosas, suppeditet; si die noctūque nihil aliud, quam qua ratione tentari possit, exquirat? Dixit non nemo Medicus ad ægrum siti laborantem solatii gratiā: faciam, ne tibi sitis porrò sit molesta: reposuit infirmus: sed ita, ut non omnino tollatur sitis, sed ut sedetur tantum. Ita infelici Libidinoso accidit, non desiderat (id quod S. Augustinus olim deplorabat) ut illo brutali ap-

petitu liberetur, sed potius, ut illum expleat: & ideo non tantum à DEO non petit, his suis malis liberari, sed timet; & plangit ceu sortem non parum miseram, quando ob ætatem annis gravem pares Libidini vires porrò non habet; tantum abest, ut ipsemet eas extenuare conetur: *Tinebam, ne L. 8. me citò exaudires, & citò sanares à morbo concupiscentiæ, quem malebam expleri, Conf. c. 7. quàm extingui.*

III. Quin imò Homo impudiciæ deditus non tantum mali sui gravitatem non agnoscit, sed nescit insuper, ad quem oporteat Dominum confugere, ut eo liberetur. Observant nonnulli, inter omnes Philosophos non fuisse Sectam, quæ minus DEUM nōset, & pejùs de eo scriberet, quàm sectam Epicureorum, qui eò pertigerant, ut aut omnino omnem negarent Divinitatem, aut omnem Divinitati Providentiam. Ratio fuit eadem, qua de agimus; quia inter omnes vitiis obcæcatos non est, qui minus videat, quàm qui sensuum oblectationem pro suo fine statuit. Tam abjectè hi de DEO sermocinantur, ut de quovis sibi simili homine abjectius non loquerentur: nec possunt, aut volunt unquam intelligere, quare is peccatum, quo illi tantopere afficiuntur, utque adeò abominetur. De ipso Epicuro Tertullianus affirmat, quòd Solem non crederet magnitudinem unius pedis excedere. *Epicurus cum Solem aspicit, Solis orbem pedalem deprehendit.* Ut adeò vastissimum illud corpus, quod Astronomi semidiametris terræ metiri laborant

borant, cœcissimus iste mortalium plantâ pedis sui examinare non veretur. Ita ineptum eum reddidêre ad rerum cœlestium contemplationem oblectamenta illa caduca, quæ sibi felicitatis suæ scopum præfixerat. O si quis posset animum Obscenorum hominum introspicere! quàm ille portentosus in eo tenebras notaret, quibus miseri eò deducuntur, ut de Sole Divino non abjectissimam tantùm existimationem concipiant, sed eum omnino intra cordis sui penetralia negent? Verificantur, si unquam, in his Prophetæ verba funestissima: *Supercecidit ignis, & non viderunt solem.* Qua igitur ratione exigitis, ut infelices hi eum enixè implorent, quem non cognoscunt?

IV. Adamus in miserrimæ cæcitatibus hujus complementum, quòd Luxuriosi non solum ea non videant, ac intelligant, quæ supra sensum sunt, sive DEUM, qui eorum immunditiam verat ac prohibet, sed vident, quod non est, aut, ut melius dicam, fingunt se videre, qui non vetet ac prohibeat: *ut videntes non videant.* Non vident veritatem, vident autem mendacium. Oportet me loqui apertius. Volunt Libidinosi, hanc suam opinionem impiam & falsam pro sana & solida divendere; quòd nimirum peccata carnis inter illa, quæ admittit homo, sint minima; & ideò non contenti illam verbis Scripturæ aut stultè, ad finem suum expositis, aut, ut rectius dicam, detorris, & in sensum longè alienissimum à vero perverfis, confirmasse, eò pertingunt, ut

*R. P. Segneri Christ, Instr. Tom. 1,*

impiè spargant inter Juvenes deterimum errorem; quòd ante Concilium Tridentinum peccatis gravibus fornicatio adnumerata non fuerit; & sic, ut cupiditati suæ patrocinentur, confundunt duas, easque diversissimas inter se sententias, unam, quâ tractatum in Consilio fuit, an Sacerdotibus conveniret conjuges permittere (id quod sæpius ventilatum, nunquam conclusum fuit) alteram, quâ quæritur, an peccatum sit, nec ne, faminam solutam cognoscere? quæ ultima quæstio nulli eorum Patrum in mentem venire poterat, multò minùs, ut quis eam, nisi risum pro approbatione vellet, publicè proponeret: cùm ex Sacris Paginis satis apertè constet, quòd fornicatio jure etiam naturali prohibita sit, quòdque (ut pluribus S. Thom.  
2. 2. 9.  
154. 2.  
suppl.  
9. 65.  
4. 3.)  
mas demonstrat, qui tamen plus quàm duobus integris sæculis ante Concilium vixit) non sit ex illo operationum genere, quæ malæ sunt ideò, quia prohibita; sed illarum, quæ interdixtæ sunt; quia malæ sunt: cùm directè ordini illi adversentur, quem natura, dum hominem in mundum introduxit, intendit. Sed non nunc primum perversissimæ hæ linguæ in orbem inextæ sunt; pridem fuerunt; ita ut Gentium Doctor coactus fuerit, mendacii eos coarguere, qui idipsum jam tunc disseminabant. Hinc ad Ephesios scribens monet: *Nemo vos seducat inanibus verbis, Eph. 5.* quòd peccata carnis levia mala sint; 6. *Propter hæc enim venit ira DEI in filios diffidentia.* In quem locum S. Thomas prorsus subtiliter commentatur, quòd



quòd Apostolus de nullo alio peccato suos moneat, ut ne inanibus verbis seduci se patiantur. *Notandum, quòd in ep. ad vitios carnalibus solum docuerit vitare seductionem.* Et causa est, quia à principio, ut homines possent liberè frui concupiscentiis, cogitaverunt invenire rationes, quòd fornicationes & hujusmodi venerea non essent peccata. Discite hinc, an verum sit, Lascivos non videre veritatem, videre autem mendacium: *vident mendacium: nec contenti illud videre soli, omnem movent lapidem, ut falsitas pro veritate habeatur. Seduxerunt populum meum in mendacio suo.* Quid igitur sperari boni de tenebris adeò palpabilibus potest? Infelicissimu: ille factus est, ajunt Astrologi, qui in lucem magnæ cujusdam Eclipsis tempore effunditur. Hujusmodi factum Libidinosi in mente gestant: *Ebrietas & fornicatio auferunt cor.*

## II.

V. Fingamus autem, non ad eam Vitium vestrum cæcitatem pertigisse, quæ, ne malum vestrum agnoscatis, impediatur. Imò concedamus, indulgere illud vobis integram mali cognitionem. An ideo minùs quàm illos timere vos oportet, qui illud non cognoscunt? Nihil minus. Quid enim cognitio illa præstat, si ad seriam vos pœnitentiam non manu ducit? Et hoc est secundum caput, ex quo tam facilis vestra redditur damnatio; scilicet obduratus ad pœnitentiam animus. Infantes omnino inhabiles nascuntur, ut se juvent, nisi quòd à natura fletum loco armorum acceperint, quo se

descendant, matrèsque ad compassionem ita commoveant, ut promptæ accurrant, eisque necessaria subministrant. Tales omnino Peccatores sunt, si animum spectes, quales sunt infantes secundum corpus. Nudi sunt, inermes, omni auxilio destituti: nisi quòd suis lacrymis Divinam possint Misericordiam flectere; adeò, ut si etiam his abstineant, aut priventur, spem omnino nullam salutis suæ retineant.

VI. Tres proin causæ sunt exigui, aut nullius sensûs, quo Immundi de suis scelèribus afficiuntur. Prima est illa cæcitas superiùs deplorata. *Postquam ostendisti mihi, ait Propheta in persona peccatoris, percussi semur meum, confusus sum & erubui.* Postquam, O clementissime DEUS! videre me fecisti delicti mei enormitatem, illico ex animo dolui, meipsum erubui, confusus & compunctus sum, illamque juventutis meæ dissolutionem opprobrio mihi duxi, quam inter jocos numerabam. *Confusus sum & erubui, quoniam sustinui opprobrium adolescentia mea.* Ut adeò omnis dolor, quem in se Propheta expertus est, cognitioni adscribatur; unde si in infelicibus his carnis mancipiis illa mentis cæcitas persistat, consequi necesse est, ut etiam cordis durities perseveret, mirâ prorsus consensione, ut, cum tenebræ se intendunt, etiam gelu recrudescat.

VII. Altera hujus indurationis causa ex frequenti peccatorum iteratione, quâ Impuri in scelere radices agunt, originem ducit. Constat enim, omnia illa in eorum Animabus

repe-

reperiri, quæ ad agendas altius radices requiruntur, actuum scilicet multitudinem & intensiorem. De intensi-  
 one constat: si enim ullæ operationes intensæ sunt, sunt illecebrosæ, & inter has maximæ, quæ ad tactum referuntur, utpote, quæ à natura in homine ordinantur ad generis conservationem; nec ad conservationem eo modo, quo illi bene sit, id quod ex actionibus visus, auditus & odoratus percipit, sed  
 bom. quo simpliciter sit. Et Intensi-  
 g. oem actuum merito dicimus, quod huic  
 1. 6. in Immundis etiam par multitudo respondeat. Major illorum pars, si res bene examinatur, erraverunt ab utero, adeo maturè incipiunt malè agere, ut videantur vitium non discere, sed ex ipsis matrum visceribus secum ferre. Erraverunt ab utero: sicut serpentes, qui cum veneno nascuntur, & antequam dentes habeant, quibus intoxicent, jam toxico turgent. Malæ pueritiæ succedit pejor Juventus, & quod est magis deplorandum, in ipsa virili ætate, in ipsa etiam senectute, nec hilum refrigescunt, & instar Ætne conjungunt foris apparenti pilorum caniciei incendium Concupiscentiæ, quod sinu fovent. Adolescens  
 1. 2. gradus juxta viam suam, etiam cum senuerit, non recedet ab ea. Qui hoc impuro igne ardent, nunquam nisi ætate planè fracti, ad flammam suam restinguendas perveniunt. Quis igitur, actuum multitudinem, toties singulis diebus aut hebdomadis repetitorum ad calculum revocabit? Non sine ratione S. Petrus Peccatum immunditiæ, delictum incessabile ap-

pellavit: *Oculos habent plenos adultarii, & incessabilis delicti*: nec contentus fuit illud vocans *non cessans*, quia in consideratione magni peccatorum numeri, quæ omni sua vita multi committunt, non solum peccatum hoc non cessat, sed non posse cessare videtur, adeo transit in naturam. Erit nonnemo Juvenum, qui cogitationibus, verbis & operibus inhonestis de die minimum decies peccet. Et sic in mense ad trecenta, in anno ad ter millenis plura Luxuriæ peccata pertinet. Quod si jam longo tempore sceleratum hunc vitæ tenorem continuat, quis dicendo explicet, quantum inveterata hæc peccandi consuetudo in tanta actuum multitudine, & intensi-  
 2. Pet. 2. 14. one confirmetur ac invale-  
 scat? Et quomodo postmodum persuadere vobis poteritis, quod istæ hominum fax ita in promptu habeat scelerum suorum detestationem, cum ad concessionem peragendam venit? Nimis hoc est difficile. Ipsæ etiam vestes in saxum convertæ sunt, quod longissimo tempore in tumulo lapideo latuissent. Ista inveteratorum  
 Plin. l. 36. c. 37. habituum tyrannis est; quod transeant in naturam.

VIII. Tertium denique impedimentum, quod à vera cordis contritione Luxoriosos revocat, versatur in hoc, quod toto animi conatu id ipsum abominari debeant, quod omni contentione peccando inquirunt. Attendite, magni enim hoc punctum momenti est. In aliis peccatis homo non quatit directè id, quod DEUS prohibet, sed solum indirectè. Qui



exempli gratiâ Nomen Domini blasphematur, plerumque non vult Divini Nominis contemptum, sed iræ suæ exonerationem, quam ut obtineat, ceu medium arripit, tumido quodam ac horrido impetu, blasphemiam. Qui usuram exercet, non vult directè damnum proximi, sed suum lucrum; unde si emolumentum illud absque proximi detrimento habere posset, longè libentius id haberet. Et sic discurrete per alias peccatorum species, quæ committuntur ab amante, Corrivalem occidente, à latrone viatorem interficiente, à perjuro coram suis Magistratibus. In peccato autem Libidinis non ita. Id, quod DEUS directè prohibet, est delectatio extra matrimonium illicita; & hanc delectationem directè quærit cor lascivum. Unde cum quis furatus est, de damno proximi dolere potest, absque eo, quod in genere cesset divitias appetere; non ita, qui Libidine peccavit, dolere potest, quin relinquat amorem voluptatis directè intentæ, non solum ut delectatio est ac voluptas, sed ut voluptatis sensus est, ac carnis. Et hinc gravissima difficultas exsurgit, quam malè assueti experiuntur in vero circa hoc peccatum dolore excitando: siquidem totum quasi corpus deque vertendum est, & id supra omne malum fugiendum, quod paulò antè super omne bonum fuit amatum.

IX. Atque hoc paulò antè indicavi. Ab extremo enim ad extremum transire, non adeò est difficile: difficillimum autem ita statim & sine medio transire, ut qui heri imputis flam-

mis ardebat, hodie totus in lacrymas diffuat, quibus illas extinguat. Et non videtis denique ipsâ vestrà vos experientiâ convinci? Quoties in hoc casu, quo in peccata vestra inquiritis, ut ea Confessione expietis, ad complacentiam in illis habendam incitamini; & quoties, dum illorum numerum initis, periclitamini, ne ipso hoc studio illum augeatis? tam facile etiam cum minimè vultis, mentem ab actu istorum quantitate ad eorumdem qualitatem impelli vos animadvertitis. Res certa est, cautionem non ex minimis unam esse, quæ Confessarii munus recens aggressis suggeruntur, ut ne in peccatis impuditiæ pervestigandis ad minutias ex pœnitentibus exquirendas descendant: fieri enim potest, ut tam exacta causæ hujus inquisitio totam causam evertat, si Sacerdos Judex nimis distinctè omnia investiget; & tam crebra ulceris pertractatio plagam magis exulceret, si Sacerdos Medicus eam nimium scrupulosè intuetur. Et quare hoc? ideò quod nimium quantum sit difficile, constanter adeò abhorrere à delectatione per continentiam veritâ; hæc enim delectatio ad modum Torpedinis apprehendit apprehendentem se, & pedem, quo calcatur, stupefacit. Audite, num vera loquar.

X. Certa quædam juvencula, ubi complures annos fallacis cujusdam Amasii sui concubinam magno suo oblectamento egit, à DEO clementissimâ vindictâ in morbum & lectum coniecta est. Et quia morbus multorum erat mensum, tantum odii habuit,

buit; ut in se descenderet; visaque est in aliam prorsus, ac fuerat, fuisse conversa. Confessa primum est inter multas lacrymas, tantaque constantia culpas suas detestata est, ut tam puella, quam Confessarius consilium aliquod arriperent, ut putabant, securum, revera nimium periculosum. Nam ubi ex longa sua infirmitate ad extrema deducta est, petiit, & obtinuit ab incauto Confessario, ultimum Amasio suo vale dicere, specioso hoc pretextu, illum exhortandi, ut & ipse vitam suam mutaret, quandoquidem videret, ad quem demum rerum statum deveniendum sit: comprobavit intentionem Confessarius, eique verba suggessit, quibus veterem Amasium acciperet, ac corrigeret, & securitatis majoris gratia ipse eum introducere constituit. Verum quam dissimile evasit opus ideæ, quam conceperant? Vix enim fœmina, quem amaverat, præsentem vidit, illico in veteres amores exarsit, penitus oblita adhortationis, quam optimè præmeditata erat ad compungendum Amatorem suum; brachia versus illum expandit, & (O quam impio cum ardore) hisce eum verbis affata est: Amice, ex corde semper amavi te, decet nunc, ut ostendam, quòd ultimo hoc articulo plùs quam unquam te amem. Video, ac scio, quòd tui gratia, viâ rectâ ad infernum pergam; sed nihil interest; tu enim causa es, ut etiam hunc non timeam. Post hæc conticuit, partim ob vires penitus exhaustas, partim ob affectuum vehementium ac insanorum concitationem;

moxque in lectum, ex quo se levârat supina concidit, ac animam efflavit, tanta Confessarii ac Juvenis consternatione, ut, quin verbum ullum eloquerentur, mortuis & ipsi, quam vivis similiores, discederent. Quid dicitis ad hæc; Necdum persuasum vobis est, difficillimum Impuris esse, ut post contractam impudicitæ consuetudinem ex integro convertantur, ac doleant; cùm in ipso illo actu, quo scelera sua execrari constituunt, sæpissimè contingat, ut novæ potiùs delectationi assentiantur. O venenum Immunditiæ detestabile! in memoriam mihi Draconem illum reducis, qui cùm ab intrepido Heroe lancea confixus esset, per eandem ipsam lanceam venenum ad brachium ferientis transfudit, illumque interemit.

## III.

XI. Verùm, quia constanter afferetis, etsi frequenter in hæc peccata reincidatis, ea vobis tamen displicere; atque inde fieri, ut quotiescunque ad consistendum acceditis, semper æquali cum dolore vos accusetis. Idcirco necesse erit, ad os vobis penitus obstruendum, ut malorum omnium extremum, quod est ipsum non se emendare, ante oculos ponam. Et ideò, quæcunque sit vestra pœnitentia, edicite, quid denique illa vobis conferet, si post toties actam pœnitentiam tandem morituri estis impœnitentes? Luxuria à Sanctis Doctõribus sæpenumero cum Inferno comparatur. Sed quia longum foret,



foret, omnia singillatim testimonia in medium afferre, omnium locò & nomine S. Hieronymum audite: *O ignis infernalis Luxuria!* ait, *cujus materia gula, cujus flamma superbia, cujus scintilla prava colloquia, cujus fumus infamia, cujus finis gehenna;* Præterquam quòd hanc ipsam comparationem ab ipso DEO in pluribus sacræ Scripturæ locis adhibitam reperiam; quæ eadem Sacræ Paginæ amplissimum nobis campum aperiunt, quo notabilem, immunditiam inter & infernum, proportionem inveniamus. In quo igitur conveniunt? meâ quidem sententiâ potissimum in hoc, quòd nulla sit in utroque emendatio. Id quod propriè Infernum Damnatorum constituit, non sunt tormenta, sed tormentorum æternitas. Et hinc si tormenta ista augerentur numero, & crescerent doloris vehementiâ; si tamen ex altera parte illis tolleretur æternitas, quâ durarent, Infernus confestim infernus non esset. Ad eundem modum id, quod Viatorum Infernum constituit, non est sola culparum quantitas, aut qualitas, quæ ab ipsis committuntur; sed interminata illa perseverantia, quâ, dum vivunt, à peccando non desistunt: instar nigrae cujusdam ex pice tædæ, quæ, quocunque vento agitetur, non extinguitur, dum minimum quodvis alimentum flammæ suppetit, quo nutrirî possit. *Anima calida quasi ignis ardens, non extinguetur, donec aliquid glutiât.*

XII. Et hæc est ratio, propter quam Cacodæmon, juxta mentem

S. Augustini, quem sequitur S. Thomas, ita allaborat per totum mundum Luxuriam propagare; quia flammæ Luxuriosorum sunt sicut flammæ Inferni, hoc est, in urendo vehementes, & in attrahendo instar picis tenaces: quamobrem simul flammæ sunt, simul & faquei, prout eas Propheta describit. *Diabolus*, scribit S. Thomas, *dicitur gaudere maxime de peccato Luxuria, quia est maxima adherentia, & difficile ab eo homo potest eripi: insatiabilis est enim delectabilis appetitus.* Si quando homo inordinatis suis appetitionibus exsaturandis se dederit, peccare non cessat, quia nunquam satiatur, cum, nescio qui, idem ille eibus, qui ad placandam famem assumitur, novam famem excitet. Horrorem mihi movet illa dicendi ratio, quam Propheta Oseas usurpat, cum dicit, illos non tantum per veram conversionem ad DEUM non redituros, sed ne de eadem quidem cogituros: *non dabunt cogitationes suas, ut reverantur ad DEUM suum, quia Spiritus fornicationum in medio eorum.* Bene ista verba ultima expendite, multi enim sunt ponderis, Unde, quæso tanta DEUM offendendi insatiabilitas? tanta ad rejiciendam emendationem, imò ne ad cogitandam quidem obstinatio? dicem: *Quia Spiritus Fornicationum est in medio eorum;* unde patet, quod spiritus iste illis instar animæ sit, quasi omnium cogitationum scopus, motuum & operationum centrum, & cor affectionum in medio eorum: sicut Aranea, quæ in medio telæ suæ residet, fortiterque

ex

ex omni parte prædam tenet, ne ulpiam evadat.

XIII. Quæ ipsa scelerum continuatio S. Jobum permovit, ut ne unquam oculos in faciem Virginis defigeret:

31. *Pepigi fœdus cum oculis meis, ut ne cogitarem quidem de Virgine; Quia, dicebat, si obtutibus frenum permisero, ab obtutibus veniam ad desideria, à desideriiis pertingam ad opera; & ab operibus ad obstinationem tam contumacem, ut DEUS in me nullam porro partem sit habiturus, tanquam in spiritu adversus eum omnino perduelli: Quam enim partem haberet in me DEUS desuper? Quia in aliis peccatis quædam adhuc peccatoris pars remanet. Si anima inficitur, non inficitur corpus, &, si mens corrumpitur, saltem sensus externi manent immunes. At in libidine non ita se res habet: illa putrida quædam febris est, quæ simul & semel omnes humores corrumpit, ita, ut nullam partem à capite ad calcem, hoc est ab ipso rationis vertice ad inum sensuum Tactum, intactum relinquat. Unde in homine libidinoso nulla DEO pars obtingit, non visus, non auditus, non lingua, non pes, non manus; utpote quæ omnes in opere, ceu in venatione perpetua voluptatis à DEO prohibita occupantur: non memoria, utpote quæ turpissimis semper Phantasmatibus distrahitur: non voluntas, quæ nunquam non luto & corno defixa hæret; non intellectus, qui novis identidem modis, quibus corpus oblectat, indagandis vacat. Quam enim partem haberet in me DEUS desu-*

*per? non habet in præsentia. Et quod pessimum est, non habebit in futuro: cum infelicibus his constitutum sit, nunquam scelerum suorum catenam rumpere: Non dabunt cogitationes suas, ut revertantur ad Dominum. Et ideò non contentus dicere S. Jobus, quam enim partem haberet in me DEUS desuper? adjunxit: & hæreditatem Omnipotens de excelsis? Quia sicut DEUS nullum horum, dum vivunt, possidet, ita hæres eorum non est, cum fuerint mortui: vel si hæres est tanquam Omnipotens de profundo cum Justitia, non tamen est hæres tanquam Omnipotens de excelsis cum Misericordia.*

XIV. Dicitis autem: Confiteor, & illo actu ad DEUM redire cupio non ex parte, sed DEI totus esse volo. Crederem equidem, si Confessio vestra catenæ esset omnimoda incisio, non autem, ut Sanctus Augustinus observat, mera interruptio: *Non rumpunt peccata. sed interrumpunt.* Certè Confessiones istæ vestræ; in quibus ita confiditis, majorem mihi timorem incutiant, quàm fiduciam. Inprimis cohorresco, cum observo, quòd ipsæ Confessiones pro scuto, quo peccata defendantur, inserviant, non pro gladio, quo jugulentur. Si quem vestrum increpuero, quòd longo tempore maledicta hæserit consuetudine intricatus; illico mihi respondebit. Ita est, sed semper etiam, à me malè facta confessus sum. Et si illa vestra muliercula, concione quadam, cui interfuit, commota vestris desideriiis porro renuit acquiescere, animum blan-



blandis hñce vocibus ei facitis. Ne dubita: confitebimur, & salva res erit. Proinde repeto, ac dico; quòd majus judicium, vestra vos peccata eodem semper vigore retinere velle, quàm quòd ipsa Confessione ea confirmare studeatis, quæ tamen omnium peccatorum vestrorum esse mors deberet? Insigne certè propositum vestrum esse debet, dum ipso Confessionis Sacramento ad persistendum in peccato magis pacificè ac quietè abutimini. Præterea non modico horrore perstringor, quia etiamsi propositum vestrum esset legitimum, quid ad salutem vestram conferret, si singulis illud momentis immutatis, & ad vomitum revertimini? Medicina, quæ ubi sumpta ab infirmo fuit, illico vomitu rejicitur, à morte non liberat. Unde mihi credite, quòd si in hoc vitio habitum contraxeritis, iniquè cum Anima vestra agatis, nisi summo timore animus vester percellatur: quia ex una parte emendatio longè constantior ad salutem requiri solet, & ex altera hæc eadem emendatio in casu vestro est difficillima, uti hæctenus demonstravimus.

XV. Quid igitur reponitis; adhucne audetis parvi facere peccata Immunditiæ, & illa nullo non die reperere cum dicto: *Quid mali denique est fragilitas quædam carnis? quid mali denique?* Non oportet dicere; quid mali denique est fragilitas quædam carnis? sed potius? quid mali denique est innumerabilis multitudo abominabilium peccatorum,

quæ corpus & animam DEO invisam reddunt, plus quàm foetidissimum morticinum? *Et Insanivit libidine super Ezechielem concubitus eorum, quorum carnes sunt, 23. ut carnes Asinorum.* Dicere oportet, quid mali denique est, copia immanis scelerum, quæ voluntatem illam bonam, quam aliàs DEUS erga hominem conservat, in odium implacabile immutat; postmodum autem non ampliùs ut hominem respicit, sed ut carnem; non ut corpus & animam, sed ut *caro est*. Dicere oportet; quid denique mali est, immunditiarum cumulus ingens, quæ intellectum obscurant, ita, ut quò magis ejus malum accrescit, tantò ille minùs intelligat, imò illud ceu bonum suum apprehendat, in eoque sibi complaceat? *Peccatum suum quasi Sodoma predicaverunt: Dicere oportet: grande nimis malum est iniquitatum sine numero numerus, quæ voluntatem ita indurant, ut quò plùs augetur malum, hoc cognoscat minùs, imò ut suum bonum apprehendat, in eoque sibi complaceat: Omnes qui ingrediuntur ad eam, non revertentur, nec apprehendent semitas vitæ.* Oportet dicere. Quid mali tandem est, ingens numerus peccatorum, quæ ita voluntatem indurant, ut seriò dolere de noxis suis non possit, aut saltem peccati assuetudinem nequeat emendare. Si de unico solùm peccato ageretur, satis magna intellectus obscuratio foret, si quis ita, uti vos, ratiocinaretur. Judicate proin, qualis futura sit argumentatio, si de cumulo omnem numerum excedente, quique nubes æquet, imò transi-

scendat; *Delicta nostra creverunt usque ad cælum, sermo sit.*

XVI. Quapropter non aliam de maximo Luxuriæ malo opinionem ac confessionem habere debetis, quàm illam, quàm Spiritus Sanctus Salomoni extorquet, ubi de se ipso dicit; *Pene fui in omni malo*: quod idem est, ut S. Joannes Chrysostomus exponit; fui in peccato Luxuriæ. Nec gratis nomen hoc sortita est Immunditia, quia inter omnia vitia non est ullum malorum fecundius: *Omnibus peccatis major est fornicatio.* Magnus quidam Theologus inquit, *non in se, sed in effectibus.* Omne malum. Quia per Luxuriam homo maximè à DEO elongatur. *Per luxuriam maximè recedit à DEO.* Nimirum etsi non in genere scelerum summa sit à Creatoreaversio, est tamen summa ad creaturas conversio, quâ homo impurus DEUM suum omnino contemnit, eumque vilissimæ carni, quam circumfert, postponit. Id quod DEUS ipsi peccatori exprobrat tremendis hisce verbis:

*Projecisti me post corpus tuum.* Denique omne malum Immunditia appellatur, quia per illam Dæmon de omni homine triumphat: *totum hominem agit in triumphum libidinis*, perque ipsam Regnum suum infernale animabus replet, quemadmodum asserit S. Remigius, cum dicit: *Exceptis parvulis ex adultis propter carnis vitium pauci salvantur.* Ut animæ cupiam sanctæ monstratum fuit, cui alta quadam contemplatione abreptæ Angelus dixit: sicut Infernum Diabolis replevit superbia, ita hominibus Impudicitia. *Pene fui*

*in omni malo.* Qui cogitationem huic irrefragabili veritati contrariam corde suo fovet, seipsum damnato quodam lethargo sopit. Timebat hoc Propheta, quando DEO maxima cum demissione se commendabat: *ne unquam obdormiam in morte.* Magnum certè malum est, peccato animam enecare; majus tamen sine comparatione malum est somnus ille, qui ejuscemodi mortem sublequitur tunc, quando Anima omnem resurgendi curam ac sollicitudinem ponit.

## IV.

XVII. Quapropter rogo vos, qui ex præsentibus obdormivistis in malo, quod si nondum est, erit certè vobis omne malum: *In omni malo*: rogo, inquam, vos, ut maturè excitemini, adhibendo duo hæc remedia, quæ, antequam Sermonem finiam, vobis suppeditabo: fructum enim aliàs exiguum ferrem, si vestræ infirmitatis gravitatem vobis ostenderem, modum autem, quo convalescere possetis, non afferrem: certè magis facerem desperatos, quàm sanos. Scitote igitur, id ipsum me ad persanandam Immunditiam requirere, quod ad malignam valde febrim curandam requirunt Medici. Partim humores accensi per evacuationem purgandi sunt, partim fervor ille potenti refrigeratione temperandus. Clarius: Luxuria duobus hisce pharmacis corrigitur, Oratione, & malarum Fugæ occasionum. Oratio enim cœlesti quadam pluvîâ concupiscentiæ ardorem restringit; fuga occasionum verb



funesto huic incendio materiam subtrahit.

XVIII. Inprimis tota animi contentione DEO vos commendate, magnam vestram debilitatem ei exponite, malorum quoque habituum vestrorum pondus, quod vos opprimit, effrænem etiam perduellis appetitûs vestri impetum, qui vos jugiter vexat; deinde in memoriam quasi ei revocate Divina sua promissa, quibus in Sacro suo Evangelio multoties velox auxilium sponndit: Exhibete illi immensum Divinissimæ Passionis thesaurum, dolores illos, illum sanguinem, quibus omnia vobis bona promeritus est. Quod si ita omnibus diebus orare perrexeritis, non multum abibit temporis, cum animadvertetis, in cor vestrum paulatim descendere rorem Divinæ Gratiæ, quæ ardores vestros placidissimè extinguat. *Ascendit oratio*, ait S. Augustinus, & *descendit miseratio*; siquidem Divina misericordia magno cuidam fonti similis est, semperque parata est ad aquam in omni abundantia affundendam, dummodo labrum aperiamus, quo promanare possit; alioquin nihil unquam hauriemus. *Oportet semper orare & nunquam deficere*: O quàm beatus etiamnum foret Salomon, si remedio hoc uti perrexisset! etiamnum foret exemplum continentix, qui modo Scandalum est Luxuriæ. Bene in principio agnovit, quod solus DEUS hanc ei Gratiâ conferre posset, quâ castus viveret, & ideo magna cum sollicitudine hoc ab eo donum expetivit: *Ut sciri, quoniam aliter non pos-*

*sem esse continens, nisi DEUS det, adii Dominum: & deprecatus sum illum, & dixi ex totis præcordiis meis &c.* Sed in hac petitione ad finem ulque non perstitit. Vos itaque perseverate, & animum non abjicite, cum vos non illico exauditos putaveritis. Imò tantò instate vehementius, & ipsâ repulsâ confidentiam vestram animate; quia quò diutius pulsando perstiteritis, tantò aperietur amplius: *Pulsanti aperietur!* Advocatam Sanctissimam Virginem Matrem vestram adhibete, eumque in finem obsequia illa vestra, quæ in ejus honorem obitis, dirigite, ut ex profundo hoc gurgite resurgere, non ut quidam faciunt, ut quietius in eo lascivire possitis. Et cum ex animo Virgini Sanctissimæ supplices accideritis, manus etiam ad reliquos Coelites levare, & modò unum, modò alterum ex Patronis vestris interpellate, ne vos in luto hoc porro jacere sinat: *Eripe me de luto, ut non*

*infigar.*

XIX. Alterum remedium summè necessarium ad pestiferam hanc flammam extinguendam, in salimentis eisdem subtrahendis consistit, sive in illarum occasionum, personarum, colloquiorum, quæ animum denuo possent infringere, seriâ fugâ. *Luxu-3. 7. 2. 9. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.*

*Occasio facit furem*: ego autem dico, occasionem in causa esse, ut Dæmon ipse magis fur fiat; & qui-

Lib. de  
salut.  
mon. c.  
28.

54p. 8.  
28.

ps. 6  
15.

2. 9. 11  
4. 2. 10  
in 36  
32.

& quidem quod pessimum est, ipsius hominis. Quàm parùm hic fur furaretur, nisi vires ab occasione acciperet, quâ involvi ipsi quærimus? hæc una & sola est, quæ demonem roborat, nos debilitat. Arma porrigimus ipsi, quibus nos feriat, & scutum projicimus, quo nos defendamus. Hæc una & verissima causa est cladium nostrarum & jacturarum, quas identidem facimus, dum Gratiam DEI perdimus, & à Confessione in easdem statim misérias relabimur: quia credere nolumus, ejusdem nobis fugam summè esse necessariam. Frequentantur eadem choreæ; ad eosdem ludos & lusus acceditur, nullo non vespere ad procandum reditur, diebus festis ad saltum, operariis adjocos concurritur: quid deinde mirum, si homo vix in pedes erectus denuo cadat? DEUM audite, quàm opportunè nos maximi periculi commonefacit: *In medio mulierum noli commorari; de vestimentis enim procedit tineæ, & à muliere iniquitas viri.* Quod ipsum etiam cum proportionè fæminæ sibi dictum putent, quæ non minore in periculo versantur, dum tanta cum libertate, qualem hoc tempore videmus, inter viros agunt, colloquendo, corridendo nulli non familiares. Contingit quandoque, ait

*Hist. l. 6. n. 1.* Aristoteles, ut hirundines reperirentur omnino deplumatae ac nudæ, quales sunt, cum excluduntur, Ratio fuit, quòd auferrent tempore hyemali in nostris se regionibus continere, nollentque ut aliæ trans mare volare. Idipsum miseris etiam Juvenclis ac-


cidit, quando ornamento illo, coram DEO adeò formosæ, & coram hominibus honoratæ comparebant, exspoliantur, Virginitate suâ scilicet; quo ornamento tam venusto nudatæ aut in angulis se abscondunt, aut inter alios non sine rubore, videntur. Causa est, quòd tantum sibi fidant miseræ, & cum aliis, magis cautis, Juvenum familiaritatem nolint declinare; ita amicitii & amoribus implicitæ, ut credant resistendi firmitatem ita sibi in promptu fore. *Non est periculum,* Proverb. 14. 16. oggerunt, *non est periculum*; negantque ibi esse periculum, ubi sapienter illud evitare debeant. *Sapiens timet, & declinat à malo,* ait Sapiens, *stultus transilit & confidit.* Et hoc documentum tam necessarium longè adhuc magis in praxi observandum est respectu occasionum, quæ proximæ appellantur: illæque domus & personæ fugiendæ sunt, in quarum consortio DEUS sæpius fuit offensus. Secus enim non jam dicam, quòd à Confessione in antiqua scelera sitis relapsuri, sed dicam insuper, vos in Confessionibus vestris à lapsu nunquam resurrexisse. Idemque vobis eveniet, quod fauciato Cervo, cui nihil prodest ad aquam recurrere, nisi sagittam, quâ tactus fuit, è vulnere extraxerit.

XX. Quæ duo remedia, si constanti usu fuerint assumpta, balsamum tam salutare suppeditabunt, ut plagam quamcunque luculentam persanent. Et ideo si institutione hac mea magnitudinem mali, in quo Libidinosis versantur, didicistis, certò



credite; quòd non cognoscant, non plangent, non emendent hanc suam proterviam, non aliundè provenire, quàm quòd aut DEO constanti devotione supplices non fiant, aut occasiones non declinent. Vos verò, Auditores humanissimi, geminum hoc

pharmacum usurpate, ut à lue, quæ mundus universus inficitur, immunes sitis; *Mundus totus posuit in malo.* 1. Jo. 1. Et cum vivere extra Mundum, non possitis, sciatis saltem modum, quo in eo vivere valeatis, quin foribus iniquemini.



## DISCURSUS XXV.

### *De Pretio Virginitatis.*

**I.** **N**on credo modum esse magis efficacem, quo prodigus suam prodigalitatem dedoceatur, quàm si illi opes & divitiæ ante oculos statuatur, quas profundit. Hac animadversione emendare Neronem filium suum voluit Agrippina, Filium revera Prodigum, qui uno die sine ulla causa & meritorum intuitu, octingenta scutorum millia cuidam dono dedit. Curavit illa in unum cumulum iniici omnem illam pecuniam & auri vim: & hoc, inquiebat, modicum illud est, quod uni cuipiam heri dono tradidisti. Volo hodie & ego hac uti regulâ, & dum expendo, quot sint Animæ, quæ magnum illum Virginitatis suæ thesaurum pro nihilo abiiciunt, primò ante oculos ponam immensas illas divitias earum, quæ thesaurum hunc possident; deinde inferam in altera Discursus mei parte inmanem earundem prodigalitatem, quæ thesaurum hunc incautè prorsus profundunt.

**I.**

II. Et ut quàm paucissimis verbis veritatem hanc omnibus persuadeam, considerare solummodò juvabit, magnum hunc Virginitatis thesaurum summo semper in pretio tam apud Terrigenas, quàm apud Cœlites & Inferos fuisse.

III. Et primùm quidem peculiaris prorsus Virginitatis æstimatio inter homines viguit, apud quos si ipsos etiam Ethnicos in sui admirationem rapuit, dicendum sanè est, eam fuisse prorsus maximam, qualis illa lux esset, quæ etiam modo quodam ad talparum oculos & pupillas pertingeret. Veteres Romanos, qui se justos rerum omnium arbitros jactabant, quod Virginitati pretium posuisse arbitramini? tantum, certè, ut teste S. Hieronymo, non Viri Consultares tantum, non tantum Consules, sed ipsi etiam Imperatores, si quando in publicis compitis Virginem Vestalem obviam haberent, dignius plateæ la-

L. I.  
tra  
vin.

tus

tus illi cederent, neque hoc tunc tantum, cum aut incogniti, aut modico cum comitatu procedebant, sed ipsis solennis triumphus diebus, quibus ad Capitolium curru triumphali inter omnium Victori applaudentium festivos clamores deducebantur. Nec ista honoris demonstratio sterilis quædam cæremonia solum fuit. Iisdem Virginitibus tantam tribuebant potestatem, ut si qua Reo ad furcam educendo obviam veniret, illicitum porro crederetur (adeo, earum occurus propitius esse censebatur) eundem decreto supplicio tollere. Et sic absque mora libertati, restituebatur, quasi sola Virginitatis præsentia ad quoslibet Reos ab omni noxa purgandos sufficeret, quemadmodum nonnunquam ignis Cælo delapsus omne à lethifero serpente venenum abstergit.

IV. Quod si tantum gemmæ hujus pretium fuit, antequam Christus, Trapezita permissus, illud Mundo patefaceret, facili conjecturâ assequimini, quantum valoris ei accreverit, postquam Christus illud detexit, aut, ut loquamur melius, suis laudibus plurimum auxit. Unum illud sufficeret, quod sanctus Martyr Ignatius, qui proximus Apostolorum temporibus sacram ab ipsis doctrinam ceu lac suxit, scriptum reliquit. In litteris igitur, quas ad Heronem exaravit; eum adhortatur, ut Virgines ceu monilia sponsi cœlestis custodiat: *Virgines serva, ut pretiosa Christi monilia.* Et in litteris ad Christianos Tarsenses scriptis præcipit, ut Virgines

pari cum Sacerdotibus pretio habeantur: *Eas, quæ in Virginitate degunt, in pretio habete velut Christi Sacerdotes.* Simillima prorsus aliorum quoque Doctorum consequentium mens erat; ex quibus, qui Virgines sanctissimum Christi gregem appellaret, fuit S. Cyprrianus; quod bonum Divinæ naturæ proprium possiderent, affirmavit S. Gregorius Nyssenus; qui Angelorum terrestrium nomine compellaret, fuit S. Joannes Chrysostomus, qui Angelis cœlestibus conferret, S. Augustinus & S. Hieronymus, qui ipsis etiam Angelis anteferrent, S. Bernardus, cujus libera assertio est, Angelos quidem esse conditione feliciores; Virgines autem magis admirabiles: illa ratione, ut puto; quâ mirabilior est nix, quæ inter terrenas fœces ac lutum candoris sui est tenax, illâ aliâ, quæ nubium adhuc sinu clausa procul cæno est, quo inquinetur.

V. Mirum proinde non est, si Christiani his Magistris usi tanto Virgines in honore habuerunt, id quod non de infimis tantum ac plebeis dixerim, sed iis etiam, qui portant Orbem. De Constantino M. refert Eusebius, quod tantam de Virginitibus DEO Sacris æstimationem habuerit, ut non venerari tantum, sed & adorare eas videretur. Asserebat enim, in earum mentibus, velut in throno Majestatis DEUM habitare. Ejusdem Imperatoris magna mater Sancta Helena eò progressa est reverentiæ, ut sacra Jerosolymæ loca visitatura non solum consecratas DEO Virgines men-

*L. de hab. Virg. l. de Virg.*

*L. 4. c. 28. in vita.*

*Ref. l. 1. c. 8.*



ſæ ſuæ adhibere voluerit, ſed omnibus, quas ibi invenerat, ſerviret accumbentibus, aquam manibus affunderet, cibos inferret, idque non unâ, ſed repetitis etiam vicibus faceret.

VI. Nec minorem illius rationem habebant illi ipſi, qui theſaurum hunc poſſidebant. Juvenis quidam, teſte S. Hieronymo, molli lectulo alligatus linguam ſibi præcidit, quam ſolam liberam vinculo habebat, & impuræ ſolicitatrici in faciem exſpuit. Puella oculis ſibi eruit, & inſidiatori cuidam ſuo miſit, uti reſert Cardinalis de Vitriaco. Alia ſibi labra reſecuit ac nares, quas tamen à Matre Virgine, Virginum omnium Proteſtrice, miraculo recepit. Et hoc parum eſt. Fuit, qui ſervandæ hujus Margaritæ gratiâ corpus ſuum non tantum iſtibus expoſuerit ac vulneribus, ſed ipſi etiam morti. Elephas vitam ſuam ab inſidiis Venatorum ſervaturus, candidiſſimum ebur ſuum ante oculos eorum projicit. Virgines alia fecerunt omnia: ut enim ebur candidiſſimæ ſuæ puritatis vindicarent, vitam ipſam ſtygiis venatoribus objecerunt. Et multis factum Divæ Euphraſiæ Virginis Nicomediensis proſus ſingulare audite, quod omnem planè attentio-

*Nicoph.*  
*l. 7. hiſt.* VII. Fuit Virgo hæc Sanctiſſima  
*Eccl. c. 1.* odio Chriſtianæ Religionis impu-  
*Baron.* denti cuidam militi tradita, velut in-  
*A. 309.* nocens columba Accipitris ungui-  
bus. Nec apud belluinum hunc hominem preces aut lacrymæ quidquam valebant, multò minùs minæ, ut

prædam ex manibus dimitteret. Neceſſe igitur Euphraſiæ fuit, ut ingenium acueret contra robur, inveniretque modum non minùs generoſum, quàm ingenioſum, quo (à Divino utique Spiritu ſpeciali inſtinctu edocta) evaderet. Militis itaque pedibus ſupplex accidit, pollicita, ſi intacta ab ipſo relinqueretur, tali ei arcanum revelaturam, cujus ne dimidium quidem pretium eſſet, ſi quidquid hoc ille in Mundo poſſideret, totum pro ejus ſcientia numeraret. Ex multarum, inquit, herbarum aliis incognitarum permixtione talem ego ſuccum eliciam, qui quacunque corporis parte illitus fuerit, illud inſtar chalybis reddat impenetrabile. Et ne fraudem verbis meis ſubefſe credas, experimentum in me ipſa capias licet, ut adeò ſi arcani mei virtutem propriis oculis exploraveris, læto poſſis animo contra hoſtes ire, & ſi allubet, in prima fronte exercitûs pugnare, omnibûsque telis ac enſibus ſecurum te ac tutum exponere. Placuit militi conditio, ac ſe id facturum recepit, ſi promiſſioni fides reſponderet, fore ſe tutorem Virginis, qui raptor eſſe volebat. Retraxit ſcilicet cupiditatis ſuæ habenas miles perfidus, ſpe arcani pellectus, quas prius liberrimas ſuæ paſſioni dimiſerat. Interim Euphraſia de pacto inito valdè ſibi gratulabatur, magnòque ſtudio omnis generis herbas colligebat, his duo inter ſaxa contritis ſuccum telâ lineâ, quâ caput velaverat, percolavit, omnemque in vaſculo quodam aſſervavit. Mox collum ſollicitè unxit, ac in genua provoluta hilari

hilari vultu sic militem affata est: virginâensem libera, & quanto brachiorum nisu potes, intrepidus collum meum feri, certus sis, quò altius brachium extuleris & ictum vibraveris fortiolem, eò impetu etiam maiore ferrum resultaturum, haud aliter ac si incudem ferisisses. Tunc miles, qui ne per umbram quidem Innocentissimæ Virginis piam fraudem suspicabatur, manum ad capulum misit, ratusque rem prorsus insolitam visurum, tali nisu in collum Virginis gladium libravit, ut uno ictu caput rescicaret, & grandi illi Animæ viam ad cœlum recluderet, duplici laureola, & Virginis & Martyris, coronandæ. Quid ad hæc? An argumento opus est fortiolem, quo demonstrarem, quanto in pretio Virginitatis Margarita apud Sanctos sit? quam tamen Libidinosi pro delectatione tam vili brutorum instar animalium pedibus calcant, quin unquam eâ calcandâ possint exsaturari.

VIII. Verùm hæc divitiæ nunc satis non cognoscuntur. Dum conchyli clausum est, nemo novit, quanti pretii Margaritam condat. Sic in præsentia, quid sit Virginitas, non scitur; cùm Cœlo recipiemur, tunc suo pretio æstimabimus. Ibi ceu proprio in lumine ita resplendet, ut omnes simul Cœli Incolas in sui tractura sit admirationem. Dicere sufficiat, quòd Virgines DEO dicantur vicinissimæ: illæ sunt, quæ DEUM sequuntur, quæ ipsi famulantur, ubique illi se comites jungunt, tanquam Aula ejus propria: *Sequuntur*

*Agnum, quocunque jervit.* Illæ DEI <sup>Apoc. 14. 4.</sup> nomen in frontibus scriptum gestant; illæ laudem tam admirabilem DEO decantant, ut teste S. Augustino, alii Sanctorum Chori audire quidem eam possint, imitari non possint. Illæ Primitiæ DEI & Agni vocari merentur: *Primitia DEO & Agno*: quia quemadmodum fructus primuli majori in pretio habentur, quàm serotini, ita cum proportionem Virgines in cœlo magis æstimantur, quàm alii Sancti, qui eadem aureola non sunt donati. Præcepit olim DEUS, <sup>Exod. 25.</sup> ut pretiosa quædam mensa pararetur, super mensa autem Corona statueretur, & huic altera similis, minor tamen imponeretur; volens significare, se in Cœlo insignes quasdam virtutes non solum illâ gloriâ remuneraturum, quam omnibus aliis Beatis esset concessurus, sed coronam insuper peculiarem, quæ ipsius Coronæ Corona foret. Harum una virtutum Virginitas est; ut adeò Virgines ultra illud præmium, quo omnes Sancti potentur, alio sibi proprio sint fruituræ, quo ab aliis omnibus distinguantur, quod à Sanctis Aureola nominatur, quemadmodum <sup>Vide</sup> illa corona Aureolæ nomine afficiebatur, quæ alteri coronæ superposita eminebat: *Et super illam alteram coronam* <sup>14p. in lixod. 25.</sup> *Aureolam.*

IX. Nequaquam igitur ullo pretio satis æstimabilis hic thesaurus est: *O-Ecc. 16.* *mnis ponderatio non est digna continentis anima:* Verba ipsius DEI sunt. Vera Virgo non habet quidquam sibi simile. Si ex una parte poneretis omnes totius



totius mundi Sponsas, seu Principes, seu Regina, seu Imperatrices illæ sint, ex altera parte pauperculam Virginem collocaretis, quæ corpore & animo Virgo sit, sive, quæ neque membra corporis sui, nec cor suum fœditate quapiam commaculârit, ditior hæc est, plurisque æstimatur, quàm omnes desponsatæ cum omni suo auro, quo vestiuntur, cum pretiosis cycladibus, cum omnibus suis ornamentis & Regnis. *Omnis ponderatio non est digna continentis animæ.* Qui gemmarum notitiam habent, nihil aliud pluri faciunt, quàm Margaritas, dummodo illæ magnitudine, candore, levitate, pondere & figura excellent:

*Plin. l. 9. c. 31. Principium culmænque omnium rerum pretii Margaritæ tenent. Nec Gemmarum cœlestes diversâ & contrariâ in taxando pretio via incedunt. Unde Sancti Angeli nulla ratione sustinere voluerunt, ut à S. Joanne adorarentur, eò quòd Virgo esset, ut affirmat S. Petrus Damiani: Noluit Adorator, quem noverat, aequalem. Omnis ponderatio non est digna continentis animæ.* O igitur divitias inæstimabiles Animæ Virginis! quæ gradu tam sublimi tam apud homines, quàm apud

*Serm. 1. de S. Jo. an. Bap. rem, quem noverat, aequalem. Omnis ponderatio non est digna continentis animæ.* O igitur divitias inæstimabiles Animæ Virginis! quæ gradu tam sublimi tam apud homines, quàm apud ipsum DEUM collocatur! *O quam pulchra est casta Generatio cum claritate? Quæ autem & qualis est ista claritas juncta cum castitate? nisi Splendor iste virginalis junctus Continentiæ? Quæ si Margarita est, tantò certè est æstimabilior, quantò candoris sui tenacior. Tunc enim verò apud DEUM nota est & apud homines; cum splendoris immensitatem, quam intrà se*

concludere non valet, etiam foras emittit.

X. Verùm mihi credite, parùm, imò nihil adhuc in laudem Virginei Pudoris dixi, si quæ dicta sunt, cum iis, quæ dicenda remanent, comparentur. Voluit DEUS, ut Sanctissima sua Mater prima Christianorum Magistra esset, quæ virtutem istam humanâ majorem doceret, solennèque principium actu tam heroico auspicaretur, qui solus omnibus seculuris temporibus hac virtute instituendis sufficeret. Nôstis, quâ ratione Archangelus Gabriël è Cœlo descenderit ad annuncianda Virgini felicissima nova, quibus electa DEI Mater declarabatur, & consensum rogabatur? His auditis Virgo conturbata est. *Turbata est in sermone ejus*, & secum reputare magna cum sollicitudine cœpit, quodnam demum illud *Ave* foret, quod, si nunciantem attenderes, pacificum videbatur: & cogitabat, qualis esset ista salutatio? Dicite, quælo, quam ob causam Virgo adeò turbata est? forsitan ob præsentiam Angeli? certè non, cùm illi usitatæ admodum essent cœlestes hæc visitationes. Præterquam quòd ipse Evangelista insinuet, quòd turbata sit in sermone, non ex præsentia Angeli. Forsan igitur de plenitudine Gratiae, quam in se verbis adeò insolitis ab Angelo prædicari audiebat; *Gratia plena* turbata est? an Divinæ opis singularis sponcione turbata est, quam specialius in se aut jam supponi, aut promittiaudiebat? *Dominus tecum.* Sed neque pro-

propterea; cū illa nihil desideraret ardentius, quā istam ipsam Gratiæ plenitudinem & præsentissimam DEI opem. Hoc est, quod eam turbavit, ait S. Bernardus, quod ultima salutis suæ Orator verba adjungeret: *Benedicta tu in mulieribus.* Siquidem secundū modum loquendi Scripturæ, cujus Maria erat intelligentissima, illæ vocabantur mulieres, quæ Virgines non erant? *Turbata est, eò quod benedictam se audisset in mulieribus, quæ nimirum benedici in Virginibus semper optabat.* Si Angelus dixisset: *Salve plena gratiâ, Dominus tecum, benedicta tu in Virginibus;* non ita turbata fuisset; quia hac ratione in cogitationes dubias non incidisset, an benedictio isthæc fructus non cederet in præjudicium floris: quia verò Angelus dixit: *Ave gratiâ plena, Dominus tecum, benedicta tu in mulieribus,* suspicata est, ne; dum Mater DEI futura esset, Virgo non remaneret, & ideò *turbata est in sermone ejus.* Unde imaginamini vobis, omnes Sanctos in limbo Patres, omnes sanctos in Cælo Angelos, Principatus ac Potestates omnes, ipsum quin adeò DEUM avide consensum Sanctissimæ Virginis expectasse, quo in effectum redigeretur omnium operum possibilium excellentissimum, Verbi scilicet Divini Incarnatio. Videri poterat nec uno consensus iste momento differri debuisse, non solum propter generis humani redemptionem, sed multò magis, quod morâ istâ retardaretur, imò abbreviaretur vita Christo, ac beatitudo illa Sanctissimæ Animæ, cui

*R. P. Segneri Christ. Instr. Tom. I.*

jus unicum momentum rebus aliis omnibus infinitis parafangis præstabat. Et nihilominus quantumcunque clarè ac manifestè DEI voluntatem Virgo intelligat, ac audiat, filium suum fore Filium DEI, Mundi Redemptorem, Cæli restauratorem, Peccati destructorem, Messiam à Patriarchis desideratum, suspiratum à Prophetis, imò à semetipsa tot votis expectatum; ut Virginitatem suam in tuto poneret, consensum suum suspendit, dum penitiorem factæ propositionis notitiam sibi compararet: *Ubi in promissione Filii manifestum Virginitatis periculum videbatur, non potuit ultra dissimulare, quin diceret: Quomodo fiet istud?* Et sic, donec in tuto Margaritam istam suam collocaret, responsum non dedit Oratori Cælesti, aut eum à se dimisit; at verò ubi intellexit, Matris dignitatem Virginitati non obfuturam, sed eam magis illustraturam, illum remisit; sed ita, ut conditionem illam clarissimis ei verbis inculcaret, sine qua totum negotium futurum esset irritum: *Fiat mihi secundum verbum tuum:* quasi diceret: Reparetur Mundus, Cælum impleatur, DEUS homo fiat, dummodò ego, Matris dignitate beata, Virgo esse non desinam: aliàs enim, quod DEUM habitura essem Filium, mihi non sufficeret ad tollendam illam amaritudinem, quæ ex jaçtura thesauri mei obrueret. *Si oportuerit me frangere votum, ut pariam talem filium, & gaudeo de proposito.* Vermissa sunt S. Bernardi, quem magna illa est. Magistra in sua schola instituit optime

*Hom. 4. super Vermissis*

Y y me



mè, & sensorum suorum parti ipem reddidit. Quomodo igitur DEUS demonstrare nobis magis poterat, quæ Virginitatis sit præstantia, quàm dum tantam Matri suæ ejusdem æstimationem indidit, ut totius generis humani Redemptioni, quin & ipsius Incarnati DEI vitæ, ut ita dicam, eam anteferet? Quod si ita est, ubi jam sunt fatuæ illæ ac stultæ Virgines, quæ cùm videri Magnæ Matri ac Virgini Sanctissimæ devotæ velint, tamen, ut sponsum repellant, non solum Virginalem candorem suum prostituunt, sed ipsum etiam in peccatum consentiunt? O quanto cum horrore in extremo illo judicii die coram Virgine Matre comparebunt, & in omnium hominum conspectu ad solum Virginis sapientissimæ insaniam suam patefacient? At tempus nondum est reprehensiones has prosequendi, & ideo, quamvis illibenter, abrumpo.

XI. Interim tamen veritatem vobis dicam. Erubesco planè, quòd post hæc omnia eò devenire me oporteat, ut ostendam, quòd Virginitas ipso etiam in Inferno summi fuerit habita: faciam tam, ut eò magis iis ruborem incutiam, qui inter nos vilissimo eam pretio venumdant. Tantam Dæmon de Virginitate existimationem habet, ut, licet ex invidia, quâ in homines fertur, ad prodigendum hunc thesaurum eos excitulet, nullâ re magis afficiatur, quàm cùm ei à Virginitate interviatur. Unde observari potest, quòd in In-

cantationibus magis solennibus Cacodæmon plerumque Virginis cujusdam præsentiam requirat; & in illis Regionibus, in quibus Tyannidem suam magis absolutam exercet, quales sunt Idololatrarum Provinciæ, cultum suum semper est solitus Virginitatis radiis extollere ac illustrare. Præter illam enim, quæ de vestalibus allata sunt, ex gravium Auctorum testimoniis constat, quòd, antequam Sancta Fides nostra in Cuscum penetraret, (quæ famosa Indiæ Occidentalis civitas est) in insigni quodam delubro non alterius cujuspiam, quàm plurium Virginum obsequia admisserit, quæ Lege etiam stygia tanto rigore Virginitatem suam servare integram compellabantur, ut si quæ eam contaminasset, cum suo complice viva concremaretur, & quod plus est, cum tota etiam familia, imò cum excidio totius Provinciæ ac Regionis illius. Quo suo rigore Cacodæmon non minus odium, quo hominum stragem anhelat, quàm Virginitatis pretium ac dignitatem commonstrat, quam etiam ipse dignam existimet, quæ summis præconiis efferatur. Quòd si tantæ venerationi Virginitas, ut ita dicam, falsa, Gentilibus est, vobis dijudicandum relinquo, quæ reverentiæ significatione Virginitas sincera, solida & incontaminata Christianorum excipienda sit? Hæc enim à stygio Veteratore, non summo tantum pretio habita est, sed & summo per se semper formidata. Unde, ut Author est Cassianus, cùm Abbas Joannes cum omnibus suis

Nir  
hist.Coll.  
c. 7.

Mora-

Monachis post exactum trium dierum jejunium energumenum inquilino suo liberare non potuisset, demum adventante pauperculo quodam rusticello, quem pater ad ducendam sponfam adegerat, quam tamen ille induxit ad castæ mentis propositum voti Religionis interpositâ firmandum; Dæmon quantocyus horrendo ejulatu exclamavit, ac fugâ se proripuit, Infernum repetiturus; non ferens scilicet odoris illius fragrantiam, quam pudor Virgineus exhalabat: sicut nec serpentes ferunt odorem Vitis etiamnum tennellæ ac florentis. Videtis igitur, quantam venerationem non solum à Cælo & terra Virginitas semper retulerit, sed ab ipsa etiam cæca Inferorum abyssu, ubi, etiam odio habita, honoratur.

## II.

XII. Omnes verò hæc dotes ac prærogativæ non nisi magis detestabilem faciunt insanam illorum prodigalitatem, qui eas ceu rem nullius pretii dilapidant. Cleopatra Ægypti Regina uno convivio Margaritam aceto maceratam absumpsit, tanti pretii, ut cum altera simili centies mille sesteriis æstimaretur, hoc est, nostræ pecuniæ ducentis quinquaginta millibus coronatorum. Nihilominus si in memoriam revocaveritis, quæ suprà attulimus, facile agnosceatis, quanto major sit jactura, quam puellæ quædam malè cautæ in prodigendo thesauro suo subeunt. Quod ut melius intelligatis, magisque ad horrorem tantæ profusionis concipiendum commoveamini, præsupponere debetis,

quòd juxta doctrinam S. Thomæ, illud, quod in prodigalitate maximè vituperabile habetur, non sit doni excessus, sed inordinatio quædam in donando commissâ. *Prodigalitas, ait, semper est peccatum, non principaliter propter quantitatem, sed propter inordinationem dandi, quibus non debet dari, & propter quæ, & sicut debet.* Hoc præsupposito facile intelligetis, unde fiat, quòd mulier illa prodiga non sit, quæ Matrimonio juncta Viro candoris sui Virginei thesaurum concedit; illa autem, quæ extra Matrimonium eundem dono dat, plus quàm prodiga habeatur.

XIII. Primo igitur loco considerate, cui donet; & gravem illico deordinationem videbitis: *quibus non debet dari.* Prodihi denique amicis sua largiuntur, & tamen, quia plus donant, quàm debeant, verè prodigi sunt. Quænam igitur erit prodigalitas, donare raptoribus, lurconibus, proditoribus? At forsân isthæc nomina satis accommodata non sunt actionibus multorum Juvenum, qui postquam fictis Matrimonii sollicitationibus, pluribus, quàm uni, Juvenulis totum Virginitatis suæ thesaurum eripuerunt, miseris tergum obvertunt, ac primi sunt, qui eas diffament, & plurium, quàm unquam fecerint, delictorum accusent; ut scilicet eorum furtum levius habeatur, nec ipsi habeantur prædones Virginitatis, quam miseræ amissam plorant. Quamdiu frondosa quercus erecto ac firmo stat robore, nemo non frigida ejus umbrâ se con-



dit! at ubi ventorum impetu in terram sternitur infelix, omnes in eam ferro armantur, ac in partes secant. Tantus principio amor, juramenta toties repetita: *Optimo in te animo feror, ducam te conjugem, habeo te pro mea, ne dubites.* Omnia ista sunt obsequia, quæ puellæ in pedes erectæ ab iis exhibentur, qui ad domus limina tempus terunt, & sub jucunda hac umbra ardores juvenilis ætatis temperant. At ubi vix planta, tanto in honore habita, humi alliditur, mox ferro manus armantur, hoc est, linguâ omni securi acutior, eam fictus iste amicus & verissimus Proditor, proscindit, ac palam jactat, se sibi nihil conscire, sibi culpam, qui primus non fuisset, tribui non posse. Ecce! quod collimabant illa obsequia ritus illi ac cæremonix, dona, inclinationes, mellita verba! Efferebantur principio miseræ, & extra se rapta fraudem non notabant, imò æqualium suarum invidiam incurrebant, tanquam in choreis magis honoratæ, cum re ipla sui commiserationem ciere deberent, tanquam magis vicinæ tumbæ, ac jamjam moribundæ. Ita aquila testudinem unguibus arreptam in altum evehit, non sine magno, ut credo, animalis hujus gaudio, utpote semper aliàs humi hædere coacti. At quàm breve, quàm fallax gaudium! ubi prædam suam satis à terra extulit, rectâ deorsum saxo allidit, ac subinde in frustra comminutam devorat. Puella increpationibus ac fustuario assueta, quæque ancillares sine salario labores odit,

cum laudari se, æstimari, expeti, donis juvenilibus obrui animadvertit, credit, per rapacissimos hos vultures, nescio quam sibi sortem obtigisse, & mille annos reputat, dum patriâ potestate emancipata ad Dominæ titulum, quem sibi in Matrimonio fingit, evehatur. Finis autem maximæ hujus spei alius non est, quàm ruina; postquam malefidus proditor jam factus se subducit, & infelici mulierculæ aliud non relinquit, quàm miseræ reliquias delusæ fæminæ inter acerbos dolores deplorandas. *Quomodo facta sunt in desolationem: perierunt propter iniquitatem suam.* Iusta sanè pœna est, ut qui cum peccato sperat felicitatem, perdat, quod possidebat, & id, quod desiderabat, non consequatur.

XIV. Comparete nonnihil inter se statum ac conditionem fæminæ jacturam pudoris sui passæ, cum statu ejusdem adhuc Virginis & illibatæ. Quæ ab omni populo in honore fuit habita, omnium postmodum conventiculorum est fabula. Quæ prius ab agnatis omnibus amata, facta est omnium maledictorum scopus. Delicium erat familiæ; versa est in scaturiginem odiorum, & inimicitiarum: nec alia hujus mutationis causa, quàm quod misera puella, suo antè candoris pudici thesauro ingenti locuples, insanâ subinde prodigalitate suâ ad extremam inopiam redacta sit. Antehac navim referebat, ex Indiis non modicum auri pondus reportantem, comitatamque magno navium bellicarum agmine, ne quid metuat,

ab aliis navibus verò, fortè obviis, non absque invidia spectatam. Non instar navigii est, quod rupi allisum contractumque omnium suarum mercium jacturam passum est, & postmodum fluctuum vi in terram ejectum ibi hæret, dum in sicco computrescat. Spectate proin illam in aliquo domus angulo latitantem, pudore plenam, perfusam lacrymis, luctu absorptam, quæ etiam subinde ne festis quidem diebus ad templum accedit, impar ignominia ferenda. O sancta solitudo! Si ea citius in amoribus fuisset, quantò foret hilarior Puella, quæ modò mœrore & tristitiâ contabescit! Nobilis quidam Romanam, qui omne patrimonium suum decoxerat inter epulas & mensas, quodam vespere cœnam paucis definitam olivis sumebat, cum Plutarchus, magni nominis Philosophus, ejus fortè in ædes delatus, cum cœnam tam parcam vidisset, lepidè ait: *si ita pransus fuisses, non ita cœnares.* Ego quoque, si aliorum ruinæ insultare mihi liberet, simili dicendi formula infelici alicui tali mulierculæ in aurem insusurrarem: si hac ratione semper sola domi egisses, non ita solitaria, & velut carcere clausa ageres. *Si ita prandisses, non ita cœnares.*

XV. Sed fingite, hujusmodi fallaces Pollicitatores suis promissis stare, ita ut ad cupitum maritalem thorum Puella perveniat. An illa propterea minùs erit prodiga Virginei thesauri sui? Non certè: & cur ita? Quia nimirum tam non providè & sapienter rem tanti pretii donat imme-

renti, & donat inducta motivo tam levi. *Propter inordinationem dandi, quibus non debet dari, & propter quæ non debet.* Aut forsan res tam optanda est, viro se subicere, ut à Virgine tanto debeat pretio comparari? In pœnam mulieri datum est jugum maritalitatis: *Sub viri potestate eris, & ipse Gen. 3. dominabitur tui:* ita ut in peccati pœnam serva magis, quàm socia facta sit. Quomodo igitur nunc talis pœna in tam opulentum præmium commutata est? ut, quæ illam consequi velit, tantum debeat expendere? Oporteret infelices has fœminas illa interrogatione, quam DEUS Jobo proposuit, convenire: *Nunquid ingressus es thesauros nivis?* Ingressæne estis vestra consideratione in immensos illos Virginitatis vestræ thesauros? Tot Sanctæ, ut nivem tam pretiosam servarent illabatam, totum è venis suis sanguinem cum gaudio profundere: & Mater DEI non dubitavit, eam Maternitati DEI anteferre, quæ tamen pretii & dignitatis est quasi infinita. Et vos hanc fodinam candoris pulcherrimi nihilo commutatis? Constat igitur manifestè, non introspexisse vos opes vestras: *non estis ingressa thesauros nivis.*

Job. 38.

27.

XVI. Atque hîc ferre non possum modum illum loquendi, quo fatuæ quædam utuntur, ut stultam suam prodigalitatem stultitiore adhuc pallio operiant. *Reddidit*, ajunt, *meum mihi honorem.* Quæso, quomodo? audite docebo vos, qui sit possibile, ut vester vobis honos restauetur.



Elegans quoddam vas Vitreum accipite, ac in terram projicite: quod cum ruptum fuerit, quâ ratione ad pristinam illud integritatem reducere? Modus alius non est super, quàm ut ad fornacem fusoriam redeatis, & de novo fingi curetis. Ita vestro cum honore agitur, quem si perdidideritis, alia ratione non poteritis restaurare, quàm si *iterato introire in ventrem matris & renasci* studeatis. Aliud, quàm hoc *Renasci*, medium nullum suppetit, tantumve vobis animi est, quo istud effectui deditis? Quod si non præstiteritis, iacturam, quam fecistis, nulla unquam contentione resarcietis; utpote ex suo genere irreparabilem.

XVII. Denique circumstantia, quæ omnium maximè prodigalitatibus tam insanæ vitium aggravat, est dandi modus: *Propter inordinationem dandi, quibus non debet dari, & propter quæ, & sicut debet.* Contremisco, cum cogito, quòd tot Puellæ thesaurum suum in sinum furum non modò effundant propter rationes momentî nullius; sed ipsæ circumeant, ut in casses, quibus teneantur, incurrant, illucque gradum studiosius promoveant, ubi pericula Castitatis suæ majora incumbere animadvertunt. Erit, non nego, qui parùm cautè opes suas custodiat: at ubi quæquam reperietis, qui datâ operâ in sylvam latronibus infestam se conferat, ac in parte felicitatis habeat, si raptores habeat obvios? Et tamen ita res in casu nostro habet,

Quid enim sunt choreæ, conventicula, conversationes, Amores, & hujusmodi, nisi tot pericula, quibus intereat Virginitas! *Oculus meus deprædatus est animam meam.* Inquietabat desolata Hierosolyma. Quod si talis deprædatio ab oculo nostro proficisci potest, judicate, an non etiam ab alieno? Et tamen pericula tam manifesta, honestæ relaxationis vice habentur hoc nostro tempore, cui inhiant adolescentulæ incautæ. Virgo etiam domesticis suis familiaris esse non deberet, non aliter ac hirundo, quæ pro advena & externa habetur etiam in illa domo, in qua nidulata est. Hæc cautela ex mente S. Bernardi Virginitatis indicium est: unde, quæ cauta non est, juxta illud, magnum præbet suspicandi fundamentum, ne etiam casta sit: *Solent Virgines, quæ verè Virgines sunt, in illis semper esse pavida, & ut caveant timenda, etiam tuta pertimescere.* Saltem, si illa in præsentia casta est, admodum erit difficile, ut casta permaneat; siquidem Virginitas juxta mentem S. Ambrosii flos est, sed tam delicatus, ut non tangi tantum, sed & videri timeat: *Sancta Virginitas non solum tactu, sed etiam aspectu violatur.* Quid igitur magni isti Sancti de Juvenculis nostris dicerent, si tota die fenestris incubantes cerneant, si ad fores, ad platearum capita, ubi se aspectabiles præbeant persecutoribus suis dicam potius, an sequacibus? quid si etiam manibus prehendi tantâ libertate, ut sponso illos,

S. Thom.  
2. 2. q.  
152. 4. 3.  
ad 3.

Thru  
3. 9.

quæ  
audi

l. de  
Virg

illos, sponsasque esse nemo prudens ambigeret? O quàm horridum hoc ac terribile spectaculum foret, Magistris istis Virginitatis Zelosissimis! contrectari earum manus, & hoc inspectantibus matribus, consentientibus, & approbantibus.

XVIII. Virgo Sacrorum instar Ecclesiæ Lipsanorum asservanda esset, quæ raris per annum vicibus videnda oculis exhibentur, manibus attrectanda nunquam. Neque plius, quàm oporteat, hæc comparatione dixi. As-  
 om. ferit S. Thomas, quòd Virgines inter  
 7. Christianos pulcherrimè Desponsatio-  
 1. nem, quæ inter Christum & Ecclesiam intercedit, repræsentent. Et licet hoc propriè de illis tantum Virginitas intelligatur, quæ voto perpetuo se DEO obstrinxerunt, potest tamen etiam cum quadam proportionem de illis Virginitas intelligi, quæ in omni statu ac conditione magnum illud Integritatis donum in corpore & anima possident, & magno illud Zelo conservant. Et ideo, si Virginitas tantum de sacrosancto habet, quâ ratione ferendum est, quòd illa adeò sine cura & solitudine prostituatur? Enimverò non habeo, quid dicam, nisi Beatos Cœlites non hac, sed longè diversâ ad conservandum suum pudorem ratione usos esse. Et sic mihi persuadeo, quòd, quàm facilè est Virginitatem in media solitudine reperire, tam sit difficile in media illam dissolutione non offendere. Ut nivem asserves, abscondas oportet, ut non tantum non à Sole, sed ne ab aura quidem, ut sic loquar, conspiciatur.

Fieri potest, ut in jugis montium & Alpium verticibus ob ingens regionis illius à Sole & planitie remotæ frigus, nix etiam in aprico posita non collescat; hinc tamen non efficitur in quocunque etiam colle nivem sine labe perstituram. Sic in raro aliquo casu Puella quædam incontaminata servatur in media etiam agendi libertate, beneficio naturæ ac indolis bene dispositæ, simplicis, & ab omni fœditate abhorrentis: nolim tamen hinc argui, id & quavis die, & in quavis Puella eventurum. Nimium quantum difficile est, quemquam reperire, qui diu tutus in periculo hæreat: *Quem sæpè transit casus, aliquando invenit.*

Sen.  
Herc.  
Eur.

XIX. Quî si etiam hujusmodi Adolescentulas reperiremus, quæ splendore, quem quasi infantulæ ab ætatis suæ conditione accipiunt, dolose uterentur ad liberius peccandum? Eventu quodam rem explanabo, ut facta verborum, quæ pudor non finit proferre, vicem suppleant. F. Bernardus Astensis Sacri Ordinis Capucinorum tum Generalis, cum aliquando per sylvam iter faceret, feminam obviam habuit, quæ alium ingemiscens ab Apris miserum in modum se dilacerari querebatur: Accurrit vir Sanctus, auxilium laturus; sed audit, malo non esse remedium. Fui, heu! Puella procax, his in locis lascivè vivere assueta, quæ ut tantò liberius fruerer Amâssi cujusdam mei amplexibus, negavi me cuiquam velle nubere, sed Virginitatis decus illibatam tumulto inferre. Nunc mor-  
 Bover.  
Anno  
1554.  
H. 29.



tua & damnata in prædam data sum hisce duobus Apris, revera, Dæmonibus, qui me, ut vides, dilacerant & torquent. Hæc cum dixisset, disparuit. DEUM immortalem! eò venimus, ut Virginitatis conservandæ titulus locò pallii serviat cooperiendæ libidini? Videte, cujus farinæ puellas nonnunquam reperire sit. Columbæ apparent foris, intus quavis cornice sunt nigriores. Imò verò columbæ sunt. Nulla inter volucres columbâ magis est incontinens, ita ut Antiqui currum Veneris, Lascivorum Dæ, à columbis trahi fingerent. Nihilominus nulla inter volucres magis etiã pura vulgò habetur; tantum apparens candor facit. Talem esse oportet, quæ quandoque matrimonii vincula respuit utut honorati, non quòd magis esse casta percupiat, sed dissoluta, & Sirenum instar conspectui subtrahit, quod sub aquis habet bestię. Verum stultæ DEI oculos non fallent. Veniet Dies, veniet, quo res occultæ omnes in lucem protrahentur: *Illuminabuntur abscondita tenebrarum, & manifestabuntur Consilia cordium.* Virginitas quò annis longitius procedit, eò crescit æstimabilitate, magisque reddit honoratam, à qua servatur diutius. Quotidie ab ipsa diuturnitate gloriæ incrementum capit, ut Cedrus, quæ cum ætate fragrantiam auget. At vera sit oportet, non simulata; hæc enim omni etiã pure gravius fœtet.

XX. Quæ cum ita sint, stultam malè sanarum illarum prodigalitem Puellarum considerate, quæ tam pro-

fuse thesaurum expendunt, cujus intuitu DEUS nunquam cessat animas illas locupletare, quæ eundem possident; adeò in eo sibi complacet: *Gratia super gratiam mulier Sancta, & pusillorata!* Quòd si fortè præfens esset Prodigarum istarum, stultarum volebam dicere, quæpiam tot inter sapientes, eodem illam ferè modò, quo Lex Prodigos solet, tractarem: Constituerem nimirum Curatorem. Quem illum? Sanctum DEI Timorem, ita docentes Apostolo: *Mundemus nos, hoc est, simus mundi ab Ep* *omni inquinamento mentis & corporis? perficientes Sanctificationem in Timore DEI.* Perpendite, quòd tempus transeat, finis autem nullus sit æternitati: nos autem non diu post ad terribile DEI tribunal citandi simus, coram quo nihil clamores, nihil excusationes, nihil valebunt appellationes. Quis scit, an non Iudex, quem remotum ac longè distantem creditis, ad januam stet ac pulset? *Ecce Iudex ante januam assistit.* Vos autem tam parùm furorem illius metuatis, ut opes ab ipso concessas, ad lucrum, & ad insignem Gratiæ suæ accessionem faciendam, periculo adeò protervè exponatis? De salute æterna agitur. Dulcis quidem libertas, gratæ refocillationes, jucunda oblectamenta, amabiles conversationes sunt, non nego: at si animæ vestræ detrimentum patiamini, quid ex deliciis vestris omnibus habetis? Nostis, Lusciniam etiã caveã apertã non prodire, cum accipitrem videt; magis eam timor mortis suo carcere clausam tenet, quàm

quàm eam evagandi libertas delectet, Vos quoque, si non ad præsentia tantum, sed & futura respexeritis; si non bonum illud & malum, quod velut somnus transit, sed bonum & malum, quod sine caret, attenderitis, idem facietis. *Mundemus nos ab omni inquinamento carnis & Spiritus perficientes Sanctificationem in Timore DEI.* O quàm vigilans atque attentus est curator iste, Sanctus DEI Timor! Hunc ego omnibus, qui insigni hoc thesauro gloriantur, consigno utriusque sexus Virginitibus. De sequiore quidem sexu locutus sum plura, neque tamen propterea quisquam existimet, in alterutro Virginitatem magis esse æstimabilem: cum, ut S. Augustinus attestatur, virtutis huius pretium in eo consistat, ut quis, quantum quidem humanis fieri viribus potest, Christum imitetur spiritus ac carnis integritate; id quod utrique sexui commune est. *Dux Virginitatis mea tu es, Jeremias, qui fuit Virgo, dicere potuit.* Non sibi persuadeant impudentissimi illi Juvenes, ideo minùs se illis turpes esse, qui bona sua dissipant & abliguriunt, quòd modò non videant jacturam. Quia quantumcunque lapsus fæminæ coram tribunali humano turpior videatur, quàm viri; aliter tamen res se habet coram tribunali Divino, ubi omnes ex pari & æquo judicantur. *Viro non licet, ait S. Ambrosius, quod mulieri non licet.* Imò, etsi


quibusdam in adulterio turpior videatur & pejor fæminæ lapsus, quàm viri, id non aliunde censent, quàm ex iis, quæ adulterium fæminæ consequuntur: quæ ubi cessant, vult S. Thomas ex natura sua majorem esse viri culpam, quàm fæminæ, eò quòd ille gravitùs delinquere censendus sit, qui rei momenta magis intelligit. *Homo, cum in honore esset, non intellexit.* Et tamen non pauci sunt, qui horrendum hoc, ac formidabile tribunal non expavescant, ac gloriosum sibi ducant, si majus in se Judicis odium concitent, adeò protervi sunt, adeò in scelera effusi, quorum paulò post gravissimam rationem reddent; nec ipsi tantum cœno suarum fœditatum immersi, sed etiam, ut alios in easdem sordes pertrahant, studiosi. Non ita, non ita, vos saltem, dilectissimi! Sed Sanctus DEI Timor, quem vobis Curatore constitui, in omnibus spiritus ac carnis integritatem conservet, cunctosque instar CrySTALLI intus ac foris puros, ac lucidos faciat resplendere. Castitas enim in carne sine Puritate in Anima, vera Castitas non est, & Virginitas animi sine illa, quæ in carne est, electa Virginitas non est. *Mundemus igitur, mundemus nos ab omni inquinamento carnis & spiritus, perficientes Sanctificationem in timore*

DE I.

\* \*







## DISCURSUS XXVI.

*De Turpitudine Avaritia.*

*1. Tim.*  
6. **L** S Aulus Apostolus verbis, magnum quiddam significantibus, pecuniæ cupiditatem omnium malorum radicem appellavit. *Radix omnium malorum est Cupiditas.* Hæc enim cupiditas aut jam parturit, aut quasi in virtute & radice omnia mala continet, illico paritura, quamprimum nacta fuerit occasionem. Considerandum nunc est, tres in omni radice præcipuas esse conditiones: In primis quòd sit occulta; dein, quòd sit foecunda: ac denique quòd bene in terra firmata; atque ideo evelli difficulter possit. Quæ tres proprietates clarè nobis Avaritiæ naturam ob oculos ponunt, quæ in ima humani pectoris se demittit; dein pascua omni vitio subministrat; ac demum non nisi summa cum difficultate evellitur, saltem cum ipsis etiam fibris. Id ipsum hodie videamus. Nam si ad exciscandas annosas radices melius nihil occurrit, quàm easdem effodere, confido idipsum me in cordibus vestris effecturum, & hanc pestiferam radicem aridam redditurum, cum eam totam dilcooperuero, & Soli veritatis exposuero.

I.

II. Avaritia, ait Propheta, ingens Lyceum aperit, Lyceum tam vastum,

quàm amplus est orbis terrarum universus; adeò frequentatum, ut omnes ferè homines suos numeret Auditores & discipulos. Et quamvis ne unam quidem diem, quàm ab hoc studio vacent, concedat, attentissimos tamen habet omnes: usque adeò prælectiones iis gratæ sunt, ex quibus nullo non die novos modos addiscunt, quibus lucra sua promoveant. *A minore usque ad majorem omnes Avaritia student.* Neque velim vos credere, stoliditatem quibusdam ingenii obesse, quò minus proficiant, nam illi ipsi, qui ad alia negotia prorsus stupidi ac tardi habentur, quibus applicantur, non nisi merum ingenium sunt, cum perversæ huic Magistræ aures accommodant. Unde id faciunt inter homines, quod Polypus inter pisces, qui cum aliàs trunci instar sit stupidus, cum ad rapiendum devenitur, totus est manus, totus ingenium, & sagacitas. De salute animæ sermonem institute; nihil capient penitus, stipitem instar affidebunt. De lucro verba facite, non nisi Doctores experiemini; diceretis, non esse illos ipsos, sed totos alios; nam cum de accumulandis bonis agitur, quilibet eorum est loco multorum: *à fructu frumenti vini & olei sui multiplicati sunt*: at cum de salute sermo infer-

infertur, ne dimidium quidem hominem referunt: *Nihil habet homo jumento amplius.* Et tamen, quantumcunque Avaritiæ Academia tam numerosos habeat Auditores, quis nihilominus est, qui velit confiteri, quòd eà Magistrà utatur? Nemo non jactat, se longè ab ea positum, nemo non sibi ipsi id persuadet, & ipsi sibi suam pestem abscondit, ut adeò primà hæc sit Avaritiæ conditio, quâ radicis instar occulta habetur. *Radix omnium malorum est cupiditas.*

III. Sed ne hic loquendi modus vobis amplificatio aliqua videatur, oportet Avaritiam in duas species distinguere; unam quidem in affectu, alteram effectu; unam in retinendo, alteram in rapiendo; unam Liberalitati oppositam, alteram Justitiæ. Utramque hanc pestem in cor humanum radices suas dilatasse dico, & tamen in eodem velut sepultas latere.

3. *Frutex peccati radicabitur in illis, & non intelligetur.*

IV. Prima itaque occultæ Cupiditatis species Justitiæ opponitur, & consistit in auferendo reipsa bona aliorum, quin deinde id ut malum apprehendant. Et hic mihi occurrunt magno meo cum dolore quàm plurimi Pauperes, quos non possum non criminis arguere, qui pro eo, quòd brachiorum suorum labore alere se possent ac sustentare, solum manus suas extendunt ad clependum, ubi occasio se obtulerit, & postmodum occultam radicem hanc in cordibus suis foveant obtentu necessitatis, quâ premantur, sed non ita est: Quoties

enim possent magnum illud damnum avertere, quod Hortis, Vineis, Olivetis, ac Sylvis inferunt? Possent ligna arida colligere; ipsi autem virentes arbores juxta vias succidunt. Ramis & frondibus esse contenti possent, ipsi verò truncos ad usque terram prosternunt. Possent nonnullos fructus humaniter carpere; ipsi verò omnes sine discrimine pessumdant. Quod si etiam hujusce generis homines, operis adlecti, agrum colant, & postmodum, cum ad accipiendam mercedem devenitur, per errorem plùs, quàm iis competat, accipiant, ubi aliquem invenietis, qui Domino ita erranti nummum unum restituat? Imò gratissimum hoc iis accidit, & fortè sibi faustam gratulantur, & tantam rem suam expendunt. Demus, quòd error hujusmodi rem omnino exiguam concernat, non exiguam tamen cupiditatem in corde delitescentem, & suo tempore prodituram manifestat: nam, etiamsi hic ipse error Summam majorem iis attulisset, eadem omnino ratione, animo quin etiam hilariore, illam acceptassent.

V. Verùm dum Pauperes tam manifestarum arguo injustiarum, nolim vos cogitare, O Divites, quòd vos excusare intendam. Imò quis fraudes explicet, quas Opulenti longè potentius exequuntur, licet in iis longè minùs sint tolerabiles, quòd non ex necessitate, sed ex ipsa prodeant abundantia. *Prodiit quasi ex adipe iniquitas eorum.* Vulgò creditur, quod Egeni tua divitiis



subtrahant ac furentur : ego verò opinionis longè diversæ essem ; quia si res justâ lance expendantur, comperiemus, multò plus illud esse, quod Divites Pauperibus, quàm quod pauperes Divitibus auferunt. Certè nusquam invenio, quòd Sacræ Paginæ in Egenos invehantur, quòd Divitibus liberè sua rapiant, læpius autem è converso. Negotium non habeas cum ditiori te, ait Ecclesiasticus, fiet enim tibi, quod vasi luteo, cum æri alliditur. Tanquam debiliorem affliget, dum caput frangat. *Ditiori te ne socius fueris. Quid communicabit cacabus ad ollam ? quando enim se colliserint, confringetur.* Et alio loco

*Eccle.*  
13. 2.

*Eccle.* 13. ait: *Venatio Leonis Onager in eremo ;*

23. *sic & pascua divitum sunt pauperes.*

*Ecc.* 13. rem : *Dives injustè egit, & fremet,*

4. *Pauper autem læsus tacebit.* Quibus, aliisque loquendi formulis Spiritus Sanctus modum agendi describit, quo Opulenti in egenos grassantur, & propter quas ita singillatim enumeratas violentias Pauperem præmonet, ut sibi à divite caveat ; utpote à quo nunquam nisi afflctus discessurus sit ; nunquam non spoliatus, & ad usque medullas exhaustus : denique etiam adhuc deridendus ac explodendus :

*Eccle.* 13. *supplantabit te &c. & in novissimo deridebit te.* Indagate, quæso, an Spiritus Sanctus ullo in loco similem modum usurpet, quo iniquitatem discoopere, quam Divites à Pauperibus sustinent, atque ad illos dicat ; ut à Pauperibus sibi caveant, uti pauperem exhortatur, ut sibi caveat ab

opulento ? Indicio proinde est, sæpius contingere, ut opulenti egenos, quàm hi illos exspolient ; & si alterutri rapacium nomine compellandi sunt, quæ unquam proportio invenietur inter rapinas hominis infirmi ac debilis, & robusti ac vegeti ? Apes, cum ad mellificandum in viridaria excurrunt, si fures sunt, certè innocentes sunt, quia flores, in quos incidunt, succo suo ita exspoliant, ut inde flores nihil damni accipiant ; si tamen eas furti condemnare volumus, videamus nonnihil, quàm longè gravioris argui ursus debeat, quando vel semel prodit suo illo è spelæo ad nocendum Apibus. Ursus, cum in favum incidit, totum ei se immergit, & nulla habita ratione strepitûs aut clamoris, ipsorumque adeò aculeorum, quibus misellæ bestiolæ ad justam rerum suarum defensionem catervatim in eum involant, uno momento multorum mensium labores pessumdat. Imago hæc est illius tyrannidis, quam multi Domini, heu nimium crudeles in miseros ac pauperes suos subditos, in millenis eventibus exercent, præcipuè autem, quando rebus, quas ad conservandam vitam necessarias subministrant, immane pretium imponunt ; illas autem, quas vicissim ipsi à subditis recipiunt, longè minimo aestimant. Instar Ursi in medios subditorum suorum labores efferus quandoque Dominus irruit, & donec omnes ad ultimam usque guttam eorum sudores exfluxerit, eosque omnibus subdiis destitutos viderit, non discedit. Interim Pauperibus objicitur, furtis illos

illos deditos; nemo, nisi Pauperes Dominis suis ferum nomine veniunt; hi sunt, qui regionem depradantur, possessiones invadunt, omnia secum mala invehunt: adeò suâ ipsi cupiditate excæcantur Divites Avari, & radix illa cupiditatis in fundo cordis absconditur, quam in aliis mille modis detestantur. *Qui prædicas non furandum, furaris.*

VI. Nec mitius egeni à mercatoribus habentur, qui, cum videant merces suas paratâ pecuniâ non exsolvi, insigne sibi privilegium fingunt, quo res omnes ad majus pretium extollant, quas pauperibus credunt. Defendunt quidem se, ac excusant speciosis illis titulis, lucri cessantis & damni emergentis; nescio tamen, an hi tituli in omnibus eorum contractibus cum veritate subsistant; putoque, non raro illis pro uncino servire, quo illos fructus arripiant, quos manibus apprehendere non valerent; puto eos mercium, quas aliquando soluturis credunt, non tantum non facere jacturam, sed lucrum; cum alia ratione (ob eum qui est, præsentis pecunie defectum) vix aliquid venderent, si nihil nisi numeratâ pecuniâ vellent permutare: dubito etiam, ne sæpius periculum hoc magnum, ab ipsis apprehensum, verum non sit, quo ad tempus præstitutum debita non expungenda metuunt, cum non raro Vadem requirant; imò Vade non contenti, etiam pignus exposcant; & tamen adhuc titulo periculi, quod subeant solutionis nunquam obtinendæ, merces non tantum non infimo, sed

ne summo, quidem venales proponunt, ultra hoc eas taxando. Interim Pauperum protectores se venditant, dicuntque, quòd, si absque ipsis essent, Egeni quàm plurimi fame emori conspicerentur. Ita qui Elephantis fossas struunt; eosque oppidò fessos & ex casu semineces, magno labore inde extrahunt, medios inter conatus coram iis tanquam gratiosos liberatores se jactant, & ad sua miseram bestiam per omnem vitam servitiâ cogunt, perinde ac si eam ab ipsis dono accepissent. Sed, avertat DEUS, ne unquam in cujusquam hominis cor Avaritiâ surrepat, utpote quæ ita illum excæcat, ut minus etiam, quàm bellua aliqua videat. Asina avarissimi illius Prophetæ Angelum in via occurrentem, ac evaginato sibi gladio minas intentantem videt, ipse autem Propheta non videt. Unde consilium omnibus Mercatoribus perquam salutare hodie proponere velim, ut in suis contractibus, antequam quidquam decernant, Docti cujuspiam Confessarii mentem exquirant, quid hac illave in re sibi liceat, quid non? quia quantò est facilis cibum non deglutire, quàm, ubi deglutieris, nauseabundum rejicere, tantò etiam est consultius, illud, quod proximi tui est, in contractibus relinquere intactum, quàm, ubi abstuleris, restituere. Deinde sæpè ac multum negotiari, & negotiando nullum alteri damnum conciere, admodum arduum ac difficile est: Si Dives fueris, non Eccli. 14. eris immunis à delicto: ait Spiritus 10. Sanctus. Quod si de possidente in-



telligitur, multò magis de acquirente intelligendum est; utpote qui errori magis obnoxius est; ob quam causam, ne in errorem inducatur, oportet, ut consilium ab aliis exquirat. In omni contractu inter emptionem & venditionem peccatum quasi medium interjacet, instar pali, qui inter duos muros medius claudi & conjungi deberet: *Sicut in medio compaginis lapidum palus figitur*, dicit Sapiens, *est & inter medium venditionis & emptionis angustia peccatum*. Quasi Injustitia inter duos istos terminos in eas sit angustias redacta, ut, etiam cum velit, evadere libera non possit. Hinc fortiter ab Emptore detinetur, illinc à Venditore, ita ut non minùs ægrè inde evadat, quàm palus inter duos muros infertus. Emptor Lucrum quærit illicitum, vel in parcite pretii oblato, aut in monetæ infra justum valore. Venditor mercium suarum defectus occultat, vel, etiam interrogatus, tam non exponit, ut etiam datâ operâ officinas multùm tenebricosas eligat, intra quarum ambiguum lucem dolos suos & mercium defectus magis abscondat. *Inter medium venditionis & emptionis angustia peccatum*. Peccatum in illis tenebris habet se sicut in loco, ubi nullas sui species emittere potest, unde etiam occultum remanet. Certus quidam Dives S. Launomaro Abbati quadraginta nummos dono misit, quos illico Sanctus Altari impositos, cum singulos folicita manu versasset, ex omni numero triginta novem illico remisit, retento uno solo, cum di-

cto: solum istum justo lucro, reliquos omnes iniquo comparatos esse. O si artem calleretis, quâ bona vestra ab alienis segregaretis, ut lolium à tritico separatur, fieri posset, ut in quorundam negotiantium domibus parùm sinceri remaneret, omnia cætera velut per cribrum excuterentur! Saltem injuriâ nemo illis facit, qui suspicionem non levem hac in parte fovet; ferè ut illis nulla sit injuria, qui ex loco peste infecto veniunt, etiamsi quis de eorum sanitate ambigat, vel etiam quadraginta dierum intervallo ab aliorum illos commercio arceat. Ideo Theobani veteres ad Magistratum Negotiatores quosvis non admittebant, nisi decem annis ante negotiationi nuncium remisissent: rati, tanto omnino tempore fore opus, ut, qui negotiationibus vacasset, avaritiæ se suspicione liberaret. In quorum confirmationem adduci illud Ecclesiastici posset: *Difficile exiit Negotians à negligentia*. Et verò tam inveterata est negotiantium consuetudo, negligenter investigando quid justum, quid non justum sit, ut merito, antequam Justitiæ bilanx eorum manibus committatur, ut alieno bono illâ utantur, oporteat eis sat temporis concedere, ad tam pravam assuetudinem dediscendam. Quæ ipsa negligentia quid aliud nobis demonstrat, nisi quòd magna pars iniquitatum oculos adeò incurios effugiat?

VII. Quòd si occulta est avaritiæ pestis, etiam quando foris actione aliqua effectûque se prodit, nemo non facile

*Ecccl* 26.  
39.

*sur. in*  
*Vita.*

facile intelliget, quanto magis illa, quæ se condit in pectore, & ultra affectiones animi non profilit, futura sit incognita. *In multitudine negotiationis tuæ repleta sunt interiora tua iniquitate*, ait Ezechiel Propheta. Quis unquam conscientiam sibi ducit nimium pecuniarum amorem? Imò prudentiam, vel summam quandoque sapientiam illum existimant. *Sapiens sibi videtur vir dives*: verba sunt Sancti Spiritus. Qui magno affectu bona sua possidet, non prudentem modò, sed & sapientem se credit; non tantum dicit, remotis etiam & longè adhuc positis familiæ necessitatibus debere prospici, sed cuilibet incumbere obligationem, quâ rerum suarum rationem habeat: Unde pro tantillo terræ pugillo, quantum formica pauculis horis circumiret, mille litibus nonnulli se implicant, alienationes animorum mille concipiunt, & amaritudines animi, ac ferro se parant defendere non minùs, quàm si ab hoste quovis infensissimo ad necem quærentur. *Sapiens sibi videtur Vir dives*: Et tamen Spiritus S. longè aliam de illo sententiam fert, cum dicit: *Nihil iniquius, quàm amare pecuniam*. Paulò majorem inordinatus ille affectus, quem in retinenda aut augenda pecunia fovetis, timorem vobis incutere debet; nimis enim quàm multum pravi & scelerati in eo latere potest. Quoties Servator noster acerbè in Pharisæos invehitur, non quòd fures sint, qui aliena rapiant, sed quòd avari, qui plus æquo etiam sua ament? Quid igitur de Christianis dicere oportebit, quibus fidei Lumine bona maxima ac præstantissima, quia Divina, innotescunt? *Si quis digitis conjungis nascitur*, ajunt Leges, non videtur saturus esse, si incommodatur ad usum manus: *Si quis Mihi credere, quòd, cum conscientia sanâ & sincerâ valere vos arbitramini, si tantum nullam domi vestræ rem alienam hæere judicatis, plurimum in ferendo de vobismetipsis judicio fallamini*. Digni illi conjuncti magni locò mali habentur; ingens ille nummorum amor, manus illæ in retinendis facultatibus compressæ, inque erogandis illiberales, magnam in vobis arguunt infirmitatem, & vestrum è bonorum Christianorum Albo nomen expungunt. *Non solum avarus est, qui rapit aliena, sed qui cupide servat sua*, ait S. Augustinus. Qui secus crederet, asserere velle videretur, neminem in sua cella vinaria, quantumcunque biberet, aut inibi hæreret, posse inebriari.

## II.

VIII. Verùm magis adhuc in lucem protrahamus occultæ hujus radicis malignitatem, &, quàm ea malorum fecunda sit mater, exponamus: *Radix omnium malorum est cupiditas*; Enimverò, ut prodigiosè fecunda argui possit, satis est, dicere, esse summè occultam: cum & Radix, quòd altius in terram se insinuat, tantò etiam frondosiores crebrioresque ramos in aures extollat. *Mittet radicem deorsum, & faciet fructum sursum*. Et certè quis dicendo assequatur, quot quantæque mala nullo non die ab Avaritia pullulent? dicam: omnia



Job. 21.  
7.

Ita est, repeto, ac cum S. Jobo pronuncio, ideo in Mundo malos reperiri, quia reperiuntur divitiæ: *Quare impii vivunt? Rationem audite: Sublevati sunt, confortatique divitiis.* Habere quidquid commodum gratumque est, scalæ instar iis servit, quâ ad omnem malitiam scandant, & instar fulcri est, quo nitantur: *Sublevati sunt, confortatique divitiis.* Quid Hederâ fieret, si murum non haberet, quo sustineretur? illico in terram concideret, & à viatoribus conculcata exaresceret. Ita, cum mali superbiâ intumescunt ac eriguntur, cum se nimia rerum abundantia dilatant, contemptis hominibus discunt nec DEL porro ullam rationem habere, non aliunde id fit, quam ex adjumentis, quæ rerum copia subministrat, & illo ex succo, quem opes pro arbitrio, & cum libuerit, abundè suppeditant.

Eccli.  
34. 10.

IX. Atque ita rem se habere, geminâ Avaritiæ consideratione palam fit: primò si eam contemplemur ut suorummet actuum effectrix est: secundò, prout aliis animi Passionibus servit, ut suos actus producant. Primo modo considerata, sexcentorum radix malorum est. Quis enim satis explicet omnes illas injustitias, quas in rebus vel acquirendis, vel conservandis, vel augendis Avarus committit? *Qui in multis factus est, multiplicat malitiam.* Qui variis negotiis distinetur, multis curis & contractibus implicatur, non nisi difficillimè evadet, quin à capite ad calcem iniquitatibus obsideatur. Maximè, si his

peccatis etiam illa accedant, quorum Avarus ab aliis committendorum causam eadem ex causa præbet. Non nisi unum hominem Opulentum animis vestris subjicite, qui largitionum ac speciosarum commendationum opetandem obtinet, ut lis quæpiam in longum protrahatur, ejusque decisio impediatur. Quis peccatorum numerum inibit, quorum hac sua violentia est causa? Quoties paupercula illa vidua ei sit obviam, mille inabeuntem imprecationes conjicit; obverso illi tergo ignominiosè canem appellat, Turcam, proditorem, & ipso Judâ familiæ suæ nocentior detestatur. Hoc quasi lacte familiam suam teneram adhuc pascit: quæ etiam ipsa exemplo afflictæ Matris spiritu exitialis vindictæ concitatur, nec æquis aspicere deinceps oculis potest injustum oppressorem, nec quidquam ferè aliud in ore habet frequentius, quam injurias sibi ab illo divite illatas. Ex quo videre est, quàm copiosam messem à maledicta hac Avaritiæ radice malignus spiritus colligat; quam ille litigatoris in pectore plantavit, in corde Viduæ aluit, & in animis oppressæ & auri alieni viribus sub jugum missæ familiæ ad maturitatem perduxit.

X. Sed hoc minus adhuc est. Ingens illa peccatorum copia, quæ ex Avaritia proveniunt, tunc maximè accumulatur, quando omnibus aliis animi affectionibus subservit, ita ut molimina sua impia ac scelestia perficere valeant. Superbia & Avaritia à Sacris Paginis malorum omnium principium

10. cipium nominantur. *Initium omnis*  
 . peccati *superbia est. Radix omnium*  
 om. *malorum est cupiditas.* Utrumque ve-  
 9. rissimum est, ait S. Thomas, sed ra-  
 1. tione diversa: Superbia enim malo-  
 . rum omnium initium est in Intentione; Avaritia verò in Executione. Superbia Architecti officio fungitur, qui ædificium designat; Avaritia opificum principem agit, qui opus urget, materiam parat, & ad eum modum, quem Architectus notavit, ædificium construit. Et reverà quod uspiam peccati genus est, ad quod pecuniæ non possint concurrere? *Pecunia obediunt omnia*, dicebat Sapiens: & ideo, si intuitu cujuscunque boni temporalis homo inducitur ad tergum DEO obvertendum, minimè obscurum est, partem aliquam eo in scelere pecuniæ habere, vel tanquam finem, qui ad illud inducat: vel tanquam instrumentum, quo finis facilius obtineatur. Illa ipsa peccata, quæ contra DEUM rectè tendunt, cum penitus introspexeritis, videbitis ferè omnia ex habendi cupiditate originem suam sortiri. Lufor ille nefarius tam impias ore suo blasphemias evomit, ut ore vel infernali magis abominabiles prodire non possent. Quis autem linguam hanc scelestissimam alius inflammat ignis, quàm desiderium lucri, quo accenditur, aut jacturæ impatientia, quam nequit concoquere? Unde perjuria illa in contractibus tam prompta nascuntur, illa falsa testimonia coram tribunalibus, superstitiones, sacrilegia & alia infinita scelera & inaudita? Qui ve-  
 R. P. Segneri Christ, Instr. Tom. I,

ram originem scrutatus fuerit, non nisi ex fordido hoc fonte Avaritiæ scaturire deprehendet. *Avaro nihil est sce-* Eccl. 10.  
*lestius.* Quàm nata sunt homicidia, 9.  
 quæ Avaritia aut non imperet, aut non propriâ manu exequatur? Id quod etiam de inimiciis dixerim, de pertinacibus odiis, de calumniis & contumeliis, quæ omnia pessimæ hujus Matris fetus sunt infelicissimi. Et si immunditia venenoso quodam torrente omnem pæne Christianum Orbem inundat, nemo non videt inundationem istam Avaritiæ rectè tribui, ut quæ aggeres omnes rumpat, & pecuniis repagula perfringat, quibus castitas hæctenus tuta persistebat. Imò, quod omnium maximè mihi dolet, mala filiorum educatio ( præcipua malorum quorumvis origo ) magnam partem, si non omnem, uni Avaritiæ debetur. Non ignorat Mater illa, quanto cum periculo discurrat, ac vagetur filia: sed maledictâ illâ, Matrimonio illam illigandi spe excæcata, omnia, quæ videt, videre se dissimulat. Pater ille, ut negotiis suis vacet, familiæ curam seponit, ac filiis quidvis agendi licentiam permittit; & licet posset uni alterive filio suo traditâ uxore plagam Libidinis curare, quæ putri foetore viciniam & domum inficit, pensi tamen id non habet, quia proprii emolumentum studium id non permittit, ut curando vulnere pretiosum Balsamum comparetur. Respondent, è se familiæ non esse, illam in plures partiri. Quòd si Filii interim pereant, penes ipsos culpam residere. Filiam quo-  
 A a a



quoque, si ætate tenera marito senid-formi & deliro, diviti tamen, desponsetur, & hac occasione peccandi ansam arripiat, sibi imputare debere. Hæreditatem, quæ speratur, omnibus adulteriis horrorem adimere, quæ ex conjugio magis licito, quam utili subnasci possunt. Felix dici posse omne conjugium, cujus Pronubum agat proprium commodum, cum marsupio, numerato ære pleno. Neque hic finis malorum, quorum avarus Pater causa est. Filium totis viribus ad Sacros Ordines adigit, qui tam ad tremendum Sacrificium offerendum ineptus est, ut ne alteri quidem facienti servire aptus sit. Quin & Ecclesiis ac curis parochialibus admoventur, qui ad devorandum, non ad pascendum gregem idonei noscuntur. O radix Avaritiæ maledicta! Quis fructus pestilentissimos numeret, quos producis? *Nihil est malorum, quod non cupiditas aut concipiat, aut parturiant, aut nutriet: exclamat S. Valerianus.* Uno verbo: si Christiani Christiani non sunt, aut tales non apparent, non nisi in habendi studium culpam conjicere, & non errabit. Si à Spiritu Evangelii remoti sunt ac alieni, in fundendis ad DEUM precibus remissi, in audiendo verbo DEI negligentes, in frequentandis SS. Sacramentis tepidi, certò certius aliam hujus socordiae causam non reperietis, quam ad hæSIONEM illam, quæ rebus temporalibus nimium agglutinantur, quarum incrementum ultimum suum finem statuunt: unde fit, ut quem-

admodum terra illa, quæ producendo auro occupatur, cætera sterilis est, ita animæ, quæ in accumulandis opibus distinentur, ineptæ evadant ad illa majora bona procuranda, quæ vitæ futuræ proficua perseverent.

XI. Notum: sed planè horrificum SS. Canonum effatum est, quòd olim Sacerdotes aurei in ligneis calicibus consecraverint, modò autem in calicibus aureis consecrent lignei Sacerdotes. An igitur malè mos invaluit, quo Ecclesiis magnâ copiam pecuniæ donantur? Imò quæ res magis reddit gloriosos Constantinos, Carolos, Pipinos &c. quàm isthæc liberalitas? Malum omnino est, quod dicebam, cum ex auro nascitur Avaritia, cumque hæc finem habet pro medio & medium pro fine, aurum in toxicum convertit, quòd in antidotum salutis fuit oblatum. Opes in Ecclesia receptæ sunt ad protegendum, ac propagandum DEI cultum: Avaritia è diverso eò multos adegit, ut ex cultu Divino quæstum facerent. Simonix nimium quantum frequentes, ac ingeniosè excogitatæ id palam faciunt; ut etiam luxuriam, quem auctoritatis gradui debitæ servandæ titulo bellè palliant. Unde dixit Ecclesiasticus, quòd aurum Sacrificanti-  
bus, si sibi non caveant, offendiculo sit. *Signum offensionis est aurum Sacrificantium, Væ illis qui sectantur illud! nec illis tantum exitium comminatus est, qui sectantur illud, sed iis etiam, qui in eo fugiendo minùs cauti sunt. Et omnis imprudens peribit in illo.* Apparet

*Mem.  
20. de  
Avarit.*

*De  
secre.  
10.  
vala  
quib*

*Eccle  
7.*

ret revera, talem indolis ac naturæ diversitatem Amorem DEI inter, & Amorem nummorum intercedere, quæ omnem reconciliationis spem è medio tollat. *Non potestis DEO servire & Mammona*: siquidem appetitus habendi (omnem aliarum affectionum vehementissima (paulatim ita hominis Christiani animum ad malum disponit, ut denique ad omne genus sceleris, quo divitias seu finem suum assequatur, faciat expeditum. *Avaritia in capite omnium*. Hoc est primum illud mobile, quod omnes alias affectiones, seu sphaeras inferiores secum in gyrum rapit.

## III.

XII. Modò saltem, quemadmodum profunda ac fecunda Avaritiæ radix est, non esset tam tenaciter affixa cordi, indeque tam difficulter revelenda. Sed, quod pejus est, & in vitio hoc detestabile, curatu est difficilimum; quæ difficultas ex duabus illis qualitatibus, quas hactenus observavimus, profunditate nimirum, ac fecunditate, oritur. In primis enim quæ ratione curabitur malum, quod ipsa sua profunditate occultum est? Avaritia ut vidimus, palliolo Prudentiæ se abscondit, aut Parsimoniæ, in futurum se extendentis: quam igitur spem sanationis faciat? Imò non decrescit, sed augetur cum annis malum, & quo plus acquirit, plus crescit. Prodigus, ait S. Thomas, faciliè cum tempore perfratur, aut quia ad inopiam redigitur, aut quia senio aggravatur. Avarus contra cum lucra procedunt, rapacior evadit, ad modum fluminis,

quod, quo aquarum plus devolvit, tantò ripis, ut alveum dilatet, est infestius. Quò annis sit gravior, eò sit animo sagacior, & mille modos, quibus Summam augeat, adinvenit, Pyramidis instar, quæ quantum crescit altitudine, tantum acumine & subtilitate. Præterea sicut radices cum annis magis semper ac magis terram pervadunt, ita avari annorum accessu magis ac magis se occultant, crescente semper titulo providæ in futuras necessitates sagacitatis, quo cupiditatem suam obtegunt. Utpote eum ex una parte crescente annorum numero crescat etiam infirmitas & valetudinis incommoda, ex altera minuitur plura congerendi facultas. Et hinc, ut S. Thomas annotavit, Avaritia, cum sit malum tam reconditum, sit omnino insanabile. S. Th. 2.  
2. 2. 118.  
4. 5. ad  
3.

XIII. Simile quid dici debet ex altero capite, quòd Avaritia non profunda tantum, sed & fecunda sit, spectando multa peccata, quæ per illam committuntur, dum pecunia aut ut finis, aut ut instrumentum attenditur. Quæ spes concipi potest remedii sceleribus his inveniendi, si alimenta, quibus ea nutriuntur, indies magis ac magis adjiciuntur? Afferunt Medici, Vulnera hydropicorum esse incurabilia, cum tota ferme plagarum curatio in earundem exsiccatione consistat, quæ in corpore malis humoribus repleto sperari non potest. Plus adhuc de peccatis Opulentorum propriis dicam. Quomodo cicatricem obducetis plagis Superbiæ, Ambitionis, Vindictæ, Crudelitatis in pauperes,



Libidinis, Dissolutionis, Gulæ! Imò possibile id mihi videtur, cum hujusmodi plagis reparandis superfluum illud multarum facultatum alimentum subtrahi deberet, quod illi tamen novis semper accessionibus augere contendunt. *Aqua nutrierunt illum, abyssus exaltavit illum.* Superabundans Hydropici istius humor omne genus scelerum fovet; & abyssus illa insatiabilis Cupiditatis modum suppetit, quo quasi cum honore & gloria peccet.

XIV. Hæc ipsa perniciosa habitudo, quæ Avarum ob morbi sui difficultatem reddit incurabilem, ex eo etiam capite reddit insanabilem, quod Medicum aut non admittat, aut admissio non obediat. Hujusmodi ægrotus infinitis opus haberet hortationibus, quibus ad rerum cœlestium desiderium, & terrenarum contemptum inflammaretur. Hic tamen, qui negotiationibus implicitus, & rei augendæ intentus est, nunquam suppetere sibi tempus arbitratur, quocum aliis audiendo verbo DEI interfit; imò cum interest, illud non audit. Si hoc ipso tempore, quo ad vos è pulpitò declamo, magnus quis tumultus excitaretur in Ecclesia, declamantem me non percipietis, sermoni intereffetis, fermocinantem non intelligeretis. Ita animabus istis accidit, quæ negotiis terrenis sunt immersæ; etiam cum concioni assistunt, tantus cogitationum, ac solitudinum strepitus earundem cor obsidet, ut etiam cum audiunt, verbum DEI non audiant: *Audientes non audiunt*; nisi

etiam velimus dicere; quod audiant quidem bene, at in animo contra Prædicatorem, seu nimis simplicem, aut bona illa, quæ ipsi aut non curant, aut non intelligunt, æquò magis extollentem murmurent. Ita Pharisei, quia Avari erant, pro eo, quod verbis Christi moverentur, eum deridebant. *Audiebant autem omnia hæc Pharisei, qui erant Avari, deridebant illum.*

XV. Propterea soli jam Confessario maledicta hæc radix evellenda relinquitur. Sed animo studioso Avari eos inquirunt Confessarios & Animi Medicos, qui eos non turbent, aut illis religionem incutiant; imò non aliis se credunt, nisi qui pulvinulos eorum humeris supponunt, ut eò suavius suis malis indormiscant. Quod si præter opinionem in Medicum prudentem incidant, qui quietem ad eò noxiam disturbet, & absolutionem se negaturum comminetur, si somnum istum suum non illico excutiat; & interim Eleemosynas in Avaritiæ remedium & aliorum scelerum expiationem præscribat, mœsti omnino ab exhomologeterio discedunt, Confessarium, ut officii nescium, minimèque benignum accusant, nec unquam amplius ad eundem revertuntur; quemadmodum *Juvenis quidam Princeps fecit*, qui, cum à Christo audisset, omnia sua sibi relinquenda & donanda pauperibus, si thesaurum in cœlo vellet, utut opibus suis magis æstimabilem, abiit tristis, & porro non rediit, quidquam interrogaturus; non quod alioquin non esset

Ezech.

21.

Luc. 1.

14.

Luc.

18.

esset ad virtutem propensus, ut qui à juventute sua omnia decem DEI præcepta sedulus observavit: *Omnia hæc custodivi à juventute mea: sed solum, quòd esset dives, & pingue patrimonium obtineret: abiit tristis: erat enim habens multas possessiones.* Ex quo ipso argumentum sumite, quæ salutis spes illis remaneant, qui affectum hunc sibi imperare permittunt eò usque, ut etiam modis non licitis ditari velint? Si de quocunque divite, non suâ tantum industriâ factò, sed in divitiis etiam nato tantus est timor concipiendus: mihi certè tam facile non foret, spem fovere, cum ipse Dominus asserat: *Quàm difficile, qui pecunias habent, in regnum DEI introibunt!* quàm difficulter illi salutis fient compotes, qui multa possident, & ipsi à bonis suis multis possidentur! Profectò DEI manu & efficaci illius Gratiâ opus est, quæ sicut cœleste quoddam oleum hõsce in Polypos effusum, eos à dilecto sibi scopulo divellat; alia ratione verba hominum erunt sine viribus; non privatim, non publicè hortando, non protestando quidquam proficietur, remediis omnibus in irritum cadentibus: *Qui aurum diligit, non justificabitur:* Aphorismus est Medici, qui non fallit. Fures reperti sunt, qui cum veniâ priorum criminum factâ è carceribus dimissi essent, mox ad genium redierunt, solertiùs, quàm antea unquam, furantes. Quin imò eadem experientia etiam docuit, quòd post virgarum publicum supplicium, post collum ferro insertum & infamiâ

publicâ castigatum, post proscriptionem è patria, post annos complures in transtris exactos, denuo tamen furari perrexerint; ut adeò manifestum sit, quòd si etiam è furcâ pendissent, ad vitam subinde revocati, etiam à furca & quasi cum fune in collo ad furta quoque fuissent redituri. Usque adeò pessima hæc radix in corde falsis bonis fascinato firmas radices agit, nec quidquam pensi habet, dum aliquid denuo rapere liceat. *Apprehenderunt mendacium, & noluerunt reverti.*

XVI. Estne quis vestrum, qui rationem reddere possit, cur S. Paulus Apostolus, Avaritiam, Idololatriam indigitavit? *Idolorum servitus.* An quia *Eph. 5. 5.* Avarus Idololatriæ similis est, eidem materiæ cultum ac venerationem exhibendo, geminis nimirum illis metallis, quæ majori in pretio habentur? *Argentum suum & aurum suum fecerunt sibi idola, ut interirent,* aut quia facultates suas primo loco habet, quas ut conservet & augeat, iis affectibus prosequitur, quos soli DEI cultui impendere deberet? *Commutaverunt veritatem DEI in mendacium, & coluerunt.* Ita mihi persuadeo, nam si rem momentis suis libramus, tribus potissimum actionibus peculiariter demonstramus, quòd DEUM nostrum Dominum agnoscamus: nimirum Fide, omnis ab ipso beatitatis Spe, & Amore supra omne bonum possibile. Jam Avari Sectam velut aliquam & ipsi constituunt, sacrilegam planè & impiam: hanc imprimis ipsi produnt fide, quam habent nefariâ; dum plus



plus credunt opibus suis, quàm DEO, non dubitantes, quin si DEO serviêrint, multa confestim defutura sint; cùm nullius rei inopiam metuant, dummodo attendant strenuè ad rem faciendam, augendamque. Eandem sectam spes manifestat, quam magis in divitiis suis, quàm auxilio Divino fundant; unde sibi ipsis sufficere videntur, nihil à DEO se accepisse arbitrantur; haud aliter, ac si DEI providentia nullam in rebus humani administrandis partem haberet. Denique apertum ejus sectæ indicium præbet infernalis quidam Amor, quo ardent ad augenda sua lucra, ea tanquam bonum supremum, supercœleste, ac quod contineat omne bonum, diligendo, parati pro quocunque opum suarum augmento Divinæ amicitiae renunciare. Ita est, negari non potest, ex omnibus hisce capitibus Avarus omnino justissimè Idololatriæ titulo compellatur. Ego autem insuper existimo, quòd hunc ipsum titulum mereatur ob singularem illam difficultatem, quam in corrigendo hoc vitio Avarus experitur, ita ut tantæ operæ res sit, hominem lucris intentum reducere ad semitam salutis, ac eum, qui Idola hætenus coluit, ad veram Religionem amplectendam inducere. Miraculis opus est, non aliter, quàm si primò fides animo ejusmodi hominis esset inferenda.

*Collect.  
v. A-  
varit.*

XVII. Euclio quidam admodum opulentus, cùm opes magnas collegisset, id agebat unicè, ut suis illas usibus reservaret, de aliena inopia sublevanda nihil penitus sollicitus. Hunc

nescio quod symptoma nihil minùs opinantem oppressit, extinxitque. Movit tam repentina mors agnatos hominis, ut corpus demortuū secari juberent, ad causam mali tam subitanei investigandam. Jamque aperto corpore scrutabantur viscera, cum magna admiratione percussī cor deesse animadvertunt. Cùm tamen neminem fugiat, cor velut primum lapidem esse, quem natura fundandæ hominis fabricæ soleat ponere, & quemadmodum hoc primum est, quod vivit, ita solet esset ultimum, quod emoritur. Sed quidquid sit, cor tunc inter viscera repertum non est. Paulò tamen post, cùm arcam ære gravem aperirent, ad opes relictas inter hæredes dividendas, ecce cor humanum inter Draconis horridi ungues, qui illud non uno loco lacerabat; conspiciantur. Attoniti retrò gradum ferunt; cùm audiunt, Draconem humanâ voce loquentem: Hoc aurum inquit, & hoc argentum est pretium illud, quo Amicus iste meus cor suum mihi vendidit, unde ego, tanquam ejus Dominus, de illo, quod lubet statuere, & eo frui possum. Ecce Opum Idololatram! qui pecunias super omnia amando ibi cor suum habebat, ubi thesaurum habuit: *Ubi thesaurus vester est, ibi & cor vestrum* Luc. 12. *erit: & ne inde avelleretur, non horruit in prædam illud cedere Diabolo, cùm tantò rectius illud DEO consecrare potuisset. Sed ita fieri amat. Avarus etiam in hoc Idololatram vult æmulari, quòd animæ rationem, æquè ac ille, non habeat.*

*Hic,*

*Hic, ait de illo Ecclesiasticus, & animam suam venalem habet, quoniam in vita sua projecit intima sua.*

XVIII. Quis igitur non timebit inimicum hunc potentissimum? *Videte & cavete ab omni avaritia:* verba Christi sunt apud S. Lucam. Serio aperite oculos, nolite vobis ipsis imponere. Non est Prudentia, non Providentia illa, quæ Animæ vos vestræ facit oblivisci, & finis, ad finem à DEO conditi estis: Passio quædam cæca est, quæ cor vestrum occupat, & totum eodem momento animum offuscat, ut damnum illud non advertatis, quod vobis imminet, immensum & irreparabile. Docet quomodo difescatis; interim vera vobis simul bona eripit; aut ad perpetranda scelera vos impellendo, quæ nisi consultrice Avaritiâ perpetrassetis nunquam; aut ab actionibus piis vos abstrahendo, ab erogandis, inquam, eleemosynis, solitis devotionibus, Sacris Concionibus, pio SS. Mysteriorum usu, aliisque mediis efficacissimis, quibus non magno negotio æternam salutem possitis consequi. Primum itaque avaritiæ malum est, videte non velle, juxta illud, quod jam diximus: *Qui quarit locupletari, avertit oculum suum.* Primum igitur etiam remedium esto, velle videre. *Videte.*

XIX. Videte igitur, attollite, Dilectissimi, tantisper oculos, neque in hanc infelicem terram illos ita contumaciter defigite, perinde ac si ex talparum etiam vos essetis genere, quæ ex Cæli aspectu mortem timent. DEI

fili estis, Hæredes cæli, cohæredes Jesu Christi, atque ideo neque terram, neque quidquid bonorum terram sapit, adorare debetis sed generoso pede calcare: *Didicit terram Clemens calcare, non adorare: vox sit omnium Christianorum excelsam suam dignitatem ante oculos habentium.* Ferre non possunt Venatores, quod Elephanti dentes suos eburneos & candidos in eruenda ex sordibus escæ, immundorum instar animalium, consumant. Quis igitur ferat, Christianorum Gentem nobilissimos & DEI capaces animos sordidis & luteis hisce bonis implere, quales sunt pecuniæ? Relinquamus ista his, qui non credunt.

XX. *Videte & cavete ab omni avaritia.* DEUS jubet, ut ab amore pecuniarum vobis attendatis; *Cavete:* vos autem contrâ existimatis, solum illum Beatum esse, & qui magis illas amat, & pluribus abundat. Quis proinde duorum fallitur in ferendo judicio? DEUS, an vos? *Aut Christus fallitur, aut Mundus errat.* Discite tandem accedere veritati, & veram in vobis fidem excitate: Non illos tantum in Beatorum numero reponite, qui bonis temporalibus abundant: *Beatum dixerunt populum, cui hæc sunt. Ps. 148:* Sed illos potius in Beatorum catalogo reponite, qui illa quibusvis aliis volentibus relinquunt: *Beatus qui post aurum non abiit.* Hoc autem inprimis corde habete, quando cum filiis vestris ætate teneris sermones miscetis, ne illis vestra hæc principia ita inculpatis, ut ea non nisi cum vita depon-



deponant. Sed pro eo, quod bonorum caducorum æstimationem ingeneretis, cum seniore Tobia dicite: *Pauperem quidem vitam gerimus, sed multa bona habebimus, si timuerimus DEUM.* In præsentia, O mei filii, opes magnas non possidemus, sed timere DEUM, ei obedite; illum colite, Animæ vestræ salutem inter primas curas, atque ante alias omnes tenete, nec dubitate ullatenus: DEUS vobis providebit, ut in hac vita, quæ brevi finem habebit: suppetant necessaria; in altera, quæ finem habitura non est, immensis vos bonis ac divitiis atque etiam honoribus cumulabit.

XXI. *Cavete ab omni Avaritia, tanquam ab hoste jurato: ab omni: ab illa, quæ aliena appetit; ab illa etiam, quæ nimium propria amat; ab exteriori, ab interiori; ab illa, quæ fecunda est, & in opus prodit, ab illa, quæ solo in affectu sistit: ab illa, quæ Justitiæ adversatur, ab illa, quæ cum Liberalitate pugnat: ab omni: & mementote, quod S. Paulus Avaros unâ cum furibus Cælo excludat: Neque Fures, neque Rapaces, neque Avari, Regnum DEI possidebunt.* Nimis difficulter anima ad DEUM redit, ubi aurum aliquando cupidè sectari coeperit. Gemini Pharaones potenti à DEO brachio sunt percussi; alter, qui instigante libidine Abrahamo uxorem rapuit; alter, qui lucri causâ populum Israëliticum oneribus oppressit. Ecce! primum vix attingit flagellum DEI, cum illico ad mentem rediit, & mulierem ereptam restituit; alter sibi ictibus magis animum

obfirmavit, instar bufonis, & non destitit populum Israëliticum persequi, donec ipsâ in persecutione, præ cæteris crudeli, vitam in Mari suo Rubro poneret. Ex quo aperte intelligimus, quantum nolis ab Avaritia timere ac cavere debeamus; etenim si in corde nostro radices egerit, illudque possederit, reddet illud incorrigibile ac insensibile: insensibile quidem ad DEI beneficia, incorrigibile autem ad omnem correptionem.

XXII. Sed, qua ratione discernam, inquiet nonnemo, an in corde meo Avaritiam tam damnosam alam, an potius curam ac debitam sollicitudinem, quâ, ut capiti, familiæ necessitatibus prospiciendum est? Non est hoc difficile, ait S. Augustinus: *Habes, & concupiscis: plenus es, & sitis; morbus est.* Quomodo sitis naturalis hominis sani, & sitis maligna Hydropici dignoscuntur? Sitis naturalis congruo haustu extinguitur; maligna magis accenditur. Si bonis statui vestro competentibus & statu ipso contenti estis; si DEUM rogatis, ne divitias & paupertatem vobis immitat, sed congruam sustentationem largiatur; si moderata quædam messis vobis sufficit, proque ea debitas DEO gratias refertis, certi, quod si copiosior vobis prodesset, copiosiorum largiturus fuisset: sitis est hominis sani, quia exsaturatur. At si vestra sorte non contenti semper altius ascendere, & conditionem vestram extollere concupiscitis; si semper messem copiosiores, & horrea vestra plena

plena, & post messem annonæ charitatem optatis, ut, quæ collegistis, magno pretio divendere liceat; si nulla vos tangat Pauperum miseria, sed summo erga eos jure utamini, quin unquam satis eorum sanguine replemini; ite, præstantem Medicum requirite; qui vobis medeatur, malè enim, imò pessimè animo estis affecti. Sitis vestra sitis Avaritiæ est, hoc est

i. 5. Hydropici: *Avarus non implebitur pecuniâ.* Et sitis hæc non extinguitur affundendo, sed diminuendo: non affundendo opes, sed diminuendo cupiditatem. Eleemosynis erogandis vos date secundum conditionem & statum vestrum, & illa bona amare discite, quæ verè bona sunt, & bonum faciunt habentem, & tolli nunquam possunt. Oryx sylvestris quædam Africæ Bestia est, quæ nunquam non sitit; & tamen intra sua viscera talem liquorem habet, qui omnem sitim valeat extinguere. Ita se habent Avari: Bestiæ sunt, quia nec ratione utuntur, nec fide. Et bestiæ sylvestres sunt, quia inimici totius generis humani; dum desiderant, ut omnes alii ad incitæ & paupertatem redigantur, ipsi verò soli ditescant: perpetuâ siti flagrant, semper magis ac magis opes accumulandi, cum tamen intra se habeant, quo


expleantur, si velint, non modò ipsi, sed alii quoque, si, quæ congregarunt, beneficè distribuant, & sic possessionum augendarum cupiditatem, quæ torquentur, tantisper moderentur.

XXIII. *Videte & cavete; ab omni avaritia:* Doctrina hæc Christi est, vos eam exequamini. *Ad quem effectum hæc vobis serviat commonitio,* quacum etiam vos dimitto: Multum DEO fidite: præcipua avaritiæ causa est, maximè in infima plebe, Timor, ne ipsis deficiant necessaria. Non ita: *sint mores sine avaritia,* ait Apostolus, *contenti præsentibus.* Ipse enim dixit non *Heb. 13.* *te deseram, neque derelinquam.* Ut vestri mores avari non sint, sufficiat hoc, quod in præsentia vobis DEUS largitur, junctum cum fide ac fiducia subsidii in futurum. An igitur timendum vobis est, ne DEUS vos derelinquat? Non, non, erit possibile: *non deseret,* neque derelinquet: *non deseret* per Providentiam illam suam generalem, quam gerit erga omnes homines. *Non derelinquet* per Providentiam specialem, qua illos magis fovet, qui in se confidunt. Et quid ultra petitis? Super terram præsentibus contenti esto-  
te: cum ad futura desideria vestra extenditis, cælum suspirate.

\* \* \*







## DISCURSUS XXVII.

*De Restitutione rei alienæ.*

I. **R**Es aliena, antequam auferatur, sapida quædam esca est; cum possidetur, in laqueum mutatur. Ita mo-

*1. Tim. 6.* net Apostolus: *Qui volunt divites fieri, incidunt in tentationem & in laqueum Diaboli.* Cacodæmon, peritus ille Auceps, escam proponit cum illic insidiosæ suggestionis, quæ dicit: aufer eam; & postmodum ostendit, quod, quæ esca apparebat, esca esse desinat, & evadat rete: siquidem cum anima incauta, suæque nobilitatis conditionem oblita ad terram se demittit, ac illicibus ad furandum invitantibus consentit, illico Cacodæmon eam apprehendit, eamque ita tenaciter stringit; ut nec vivam, nec mortuam dimittat. Non vivam, cum eam ob culpam contractam habeat in potestate; non mortuam; utpote in quam damnationi subiectam longè plus juris habet. O miserum igitur Christianum illum, qui ad instar stultæ aviculæ amore rei alienæ inescatur, & aliena rapiendi cupidine attractus se laqueis induit! Considero ego Animam illius geminâ quasi impossibilitate involutam, quæ magnum mihi horrorem incuriunt. Unâ, quæ absolutè talis est, alterâ quæ moraliter. Nulla ratione fieri potest, ut, qui malè possessa restituere non vult,

salvus sit. En primam: summè difficile est, & quodd vix unquam auditum sit, ut, qui malè aliena possidet, velit restituere; en impossibilitatem alteram. Attendite, ut salutari horrore perculsi ab iniquis lucris desistatis; quæ Pomum vobis porrigunt, & Cælum auferunt.

## II.

II. Videri nonnemini possem tempus perdere, cum demonstrare aggredior, quod Restitutio rei alienæ sit ad salutem necessaria. At non perdo: cum multorum hoc tempore Christianorum ignorantia demonstrationem veritatis hujus, quæ omnibus cæteroquin deberet esse notissima, omnino extorqueat. Non desunt, qui sibi persuadeant, Restitutionem esse pœnitentiam à Confessario injectam, atque adeò in Confessarii esse potestate, illam diminuere, dividere, ac omnino tollere. Non ita se res habet. Restitutio actus quidam indispensabilis Justitiæ est, lege DEI præcepta, ut per eam s. 2. injuriæ proximo illatæ resarciuntur. 2. 4. Ex hoc facile innotescunt rationes, 4. 2. quibus impulsus DEUS præcepit ablata restitui. Sûntque duæ præcipuæ; una Amor, quo DEUS in Justitiam fertur; altera Amor; quo hominem complectitur.

## III. In:

III. Inprimis Amor Justitiæ facit, ut DEUS restitutionem præcipiat. Quid enim aliud facit, qui in rem alienam involat, nisi, quòd pulchrum rerum ordinem invertat? Quando DEUS in promulgatione legis suæ furtum vetuit: *Non furtum facies*: statuit, ut eodem ipso tempore Creatura suo Legislatori subiecta, Proximo verò suo conjuncta esset atque unita; Legislatori quidem subiecta per obedientiam, Proximo verò unita per charitatem. Jam bonum istum ordinem iniquè subvertit, qui rem non suam vult suam facere. Quod primum attinet, utique DEUS supremus rerum omnium Dominus est, qui secundum liberrimam voluntatem eas & huic & illi, prout libet, distribuit? An non ergo, qui pro arbitrio suo de illis etiam à DEO vetitis bonis disponit, sibi vult arrogare jus & Dominium bonorum, quod solius DEI est? Hoc autem est supremam velle jurisdictionem turbare, audacissimo profusus molimine, & Dominium directum sibi arrogare contra supremi Domini voluntatem. Quod attinet secundum, quis non videt, quòd qui aliena rapit, illico à suo proximo avellatur; quem tamen ipsi & natura, & Gratia, quantum fieri potest, arctissimè unitum volunt? Alteri ne feceris, quod non vis factum tibi, ait lex naturæ cordibus nostris inscripta: Quod ab alio oderis fieri tibi, vide, ne tu aliquando alteri facias. Prout vultis, ut faciant vobis homines, & vos facite illis similiter. Et tamen homo rapax neglectis his tam sonoris vocibus

omni modo vult proximo suo inferre; quod sibi à proximo inferri damnum non tolerat, vult, ut omnes alii illa, quæ possidet, intacta relinquant; ipse autem, quæ alii possident, invadit. Quis igitur satis explicet, quot & quanta dissidia ac discordias nullo non die isthæc ordinis perturbatio generet; quantum isthæc cupiditate Divina ac humana jura perturbentur? sit hac cupiditate, ut aurum DEI loco habeatur, ametur ac colatur, eique obediatur plus, quàm ipsi Creatori. Hæc integrarum familiarum pacem evertit; Quietem Regnis, toti Universo concordiam tollit. *Remota Justitiâ quid sunt Regna, nisi publica latrocinia?* Quapropter quâ ratione poterat DEUS, recti ordinis amantissimus, perturbationem hanc sine remedio permittere? non poterat: atque ideo postquam præceptum de non furando dedit, statim subjecit alteram ejusdem præcepti partem, quâ voluit ablata restitui: quasi dicat; si quando pulcherrimum hunc ordinem interverteritis, res suo loco confestim reponite: *Reddite, quæ sunt Cæsaris, Cæsari, & quæ sunt DEI, DEO.* Ostendite ac demonstrate, quòd Dominum me agnoscatis restituendo, si Dominum me negastis auferendo. Vinculum illud charitatis redintegrate, quod abruptistis, cum proximo vestro eam injuriam intulistis; quam ab illo æquo animo non sustinuissetis. *Reddite omnibus debita.* Ecce igitur primum motivum Legis, cum restitutionem præcipit, Amatorem boni Ordinis; qui DEO adeò semper cordi



fuit, ut in omni suo opere mirabiliter eum demonstraret ac palam faceret:

*Rom. 13. Quæ à DEO sunt, ordinata sunt.*

I.

IV. Alterum Legis hujus motivum est Amor, quo DEUS in homines fertur. Facit hic, ut DEUS quasi militarem custodiam ad omnes nostras possessiones ponat, ut ne quis eas invadat. Cum Generalis militiæ Præfectus domui cuicunque tandem securitatem pollicetur, vix militi, qui temerario ausu eam spoliare non veretur. DEUS igitur sua autoritate, ipsemet se honorum proximi nostri custodem constituit, ac severissime vetuit, ne quis rem alienam, ut suam usurpet. Et videte, quàm sollicitè id fecerit! Ex decem præceptis, quibus DEUS voluntatem & beneplacitum suum manifestavit, solummodo tria statuit, quibus obligationem Divino Nomini suo debitam nobis proposuit; omnia autem reliqua septem in favorem proximi, quibus illi graves esse prohibemur, tulit: adeò comoda nostra cordi sibi habet. Demonstrat certè, quodam modo nostra se suis præferre: siquidem attentius quasi nostris invigilare utilitatibus videtur, quàm suo cultui, licet Divino. Quòd si postmodum Leges istæ tam amabiles contemptui habeantur, adeò ut non obstante Divina prohibitione manifesta, Proximus bonorum suorum detrimentum quoddam patiatur, subjungit DEUS alterum quoddam præceptum, quasi ad fulciendum, & denuo erigendum prius; vultque, ut damnum refarciatur, ac proximus in eum possessio-

num suarum statum restituatur; ex quo injustè est deturbatus. Ita planè expertus facit Belli-Dux, qui propugnaculo gemino locum magni momenti cingit, ut, cum primum ab hoste fuerit expugnatum; alterum ejusdem impetus retardet ac infringat.

V. Quapropter quis unquam credet, quòd Lex tam rationabilis, stabilita in amore, quo DEUS æquitatem prosequitur, fundata in amore, quo erga hominem afficitur, in gratiam Avaritiæ sit immutanda? nequam id fiet, sperari non potest unquam, nulla ratione. Illa ipsa iniqua lucra auribus possidentium nunquam non acclamant: *Redde quod debes*. Redde, redde; nec modus est, quo ad silendum componantur. Abs- su  
tulit Sancto Medardo quis bovem, Ju  
ad cujus collum nola appensa erat, ut mos fert. Sequebatur furem bestia ad usque stabulum; hoc ubi ingressa est, nola sine cessatione personabat, ita ut ingruente nocte Nequam prodi metuens continuo illo sono, sceno nolam farciret. Sed quis crederet? nola sonare, ut antè, perrexit, unde eam collo bovis avulsam in terram deposuit, sed & humi non quievit sonorum æs. Ergo in arcam reclusit; at nec in arca à sono edendo cessavit campanula. Qua re fur attonitus bovem ad virum Sanctum reduxit, & nola illico contulit. Imaginemini vobis igitur omnem rem injustè à quocunque partam hujusmodi sonum edere, qui, si auribus corpori non percipiatur, in animi certè auribus altum sonabit;

& quidquid egeritis, alius modus tam fastidiosum sonum sopiendi non superest, quàm ablatorum integra Restitutio; minus, quàm ablatum sit, DEUS non admittit. Indulgentiæ promulgentur, Jubilæa indicantur, Gratiæ ac favores alii concedantur: permittet quidem DEUS Sacerdotum manibus eam facultatem, ut Sacratissimi Sanguinis sui thesauros disperiant, arbitros illos faciet suarum mercium preciosissimarum, plenipotentarios Judices constituet, qui cum peccatoribus fœdera paciscantur; & injurias sibi illatas remittant, damna tamen proximo illata, aut satisfactionem saltem, quam pro iis proximus potest exigere, eorum manibus non committit. Verbo, ait S. Thomas, penes Sacerdotem non est arbitrium in satisfactionem homini præstandam, cum non sit vicarius Proximi, sed solius DEI: & sic si DEO certam quamdam pecuniariam summam voto promissistis, Sacerdos hac vos promissione poterit liberare, aut omnino dispensando, aut in opus minus grave commutando, at cum ejusmodi summam Proximo vestro debetis, nulla Sacerdoti in hanc remittendam potestas est; oportet reddere: *redde quod debes*. Imò ipsa mors, quæ strictissimum Matrimonii vinculum tollit, tantæ virtutis non est, ut etiam hoc alterum Restitutionis valeat abrumper. Unde si quis vestrum moreretur, & postmodum ob Cœlitis cuiusdam merita, ad vitam denuo revocaretur, non obligaretur, porò conjugem, cui prius Matrimonio junctus erat, retinere, cum Matrimonii vin-

culum non nisi ad usque mortem obliget; teneretur nihilominus sua debita expungere, cum vinculum restitutionis sit insolubile ac inextricabile, & fortius etiam, quàm ut mortis ipsius brachia illi rumpendo sufficiant: Considerate igitur, quibus vinculis animam vestram constringatis, cum aliena bona iniquè attrectatis. In tali vos necessitate constitutis, ut aut restituere, aut æternum perire necesse sit: ita ut ab hac necessitate nemo vos possit eximere, præter unam restituendi impotentiam, quo casu per se laqueus rumpitur, quin alius quispian manum admoveat. *Laqueus Ps. 225. contritus est, & nos liberati sumus*: Aut ut dicam melius, hoc casu laqueus non rumpitur, sed laxatur: siquidem vos liberos dimittit, quamdiu hæc impotentia manet, non ultra; hæc enim ubi cessaverit, redit inevitabilis necessitas aut Restitutionis faciendæ, aut subeundæ damnationis. Quot & quantacunque salutis media arripueritis, labores exhauseritis, absque Restitutione actum agitis. Ad cujus rei veritatem melius percipiendam observare vos velim, quomodo absque Restitutione præcipua duo salutis remedia, Oratio & SS. Sacramenta in irritum cadant.

VI. Hominem ante oculos mentis vestræ statuîte, qui rem alienam absque restituendi voluntate possideat. Etiam cum integros dies fundendis precibus impenderit, nisi ad hunc ipsum finem orationes suas dirigat, ut scilicet, animi robur, aut restituendi facultatem exoret, non nisi verba in-



- ventum sparget. Cùm multiplicaveritis orationum, non exaudiam: ait Dominus: obfuscescam ad preces vestras utut continuas & accumulatas. Et unde O Domine tanta tua indignatio? Ecce rationem: Manus enim vestra sanguine plenæ sunt, hoc est, plenæ injustitiis, plenæ oppressiõibus, plenæ Proximorum vestrorum sudoribus & angustiis; uti ex ipsis Prophetæ verbis eruitur, quibus modum præscribit, quo preces possint efficaces reddi. Et heu! quot reperiuntur, qui non mōdò manus, sed omnes suas vestes hoc Pauperum sanguine plenas habent, dum infimæ conditionis homines ultra jus premunt, aut iis, qui serviunt, qui laborant, debitam mercedem retinent: Panis egentium vita pauperum est: ait Ecclesiasticus, utpote qui aliud non habent, nisi quod suis sudoribus lucrantur. Qui ergo hoc pane pauperem defraudat, quem esse arbitramini? Reus est sanguinis: Qui defraudat illum, homo sanguinis est: cùm ab homicida non differat: qui effundit sanguinem, & qui fraudem facit mercenario, fratres sunt. Si quis ergo hujusmodi homo manus suas ad cælum levat, sanguine inquinatas, non minùs pretioso, quàm ille sit, qui venas implet, quid putatis, à DEO obtinebit? an non potius illum ad vindictam contra se irritabit? Qui declinat aures suas, ne audiat legem, oratio ejus erit execrabilis. Qui aures suas obturat, ne legem tam rationabilem, quæ cuilibet, quod suum est, dare præcipit, audiat, preces suas tali obturatione reddit execrabiles, cùm DEO quasi suggerat, ne Misericordiam exhibeat, qui Justitiam non observat. Si enim judicium sine misericordia fiet s. An illi, qui non fecit misericordiam, qualesm. le judicium fiet illi, qui fecerit & rapinam?*
- VII. Alterum medium ad salutem efficacissimum sunt SS. Sacramenta; peculiariter illud Pœnitentiæ, quod est lavacrum nunquam non apertum ad animas sordibus purgandas. *Fons Zach. patens domui Jacob in ablutionem Pec- 13. 1. catoris. Fontem istum vitæ ille ipsemet inficit veneno, qui res aliorum detinet injustè; Hoc enim, ait S. Augustinus, non est agere Pœnitentiam, sed illam simulare, & sibi ipsi imponere: Si res, propter quam peccatum est, Ep. 64. reddi potest, & non reddatur, pœnitentia non agitur, sed simulatur. Ra- ad Ma. ced.*
- tio est manifesta, quia qui, cùm potest; non restituit, pluris rem illam, quàm DEUM facit; atque adeò non meretur ab hoc veniam impetrare: nec dici potest verè à peccato abhor- rere, qui actu illud committit contra legem altis vocibus acclamantem: Redde quod possides non tuum. Magna certè infelicitas est, quando miser quispiam peccator absque Confessione diem obit. At an non major infelicitas vobis videtur, quando Pec- cator culpas suas confitetur, & nihilominus ob Avaritiæ suæ vitium Confessionis factæ gratiâ ac beneficio non gaudet? Manum tollit Sacerdos, ignarus pessimi statûs, in qua versatur Consistens, & voce, quæ totum Infernum valeat in fugam agere attoni- tum, prorsus misericordiam dicit: *Ego te absolvo.*
- Eccle. 34. 25.*
- Eccle. 24. 27.*
- Prov. 28. 9.*

*absolve.* Et tamen, pro eo, quòd iniquo rei alienæ usurpatori catenæ diffingantur, illæ geminantur: siquidem DEUS aliam è throno Majestatis suæ sententiam pronunciat, ac imperat ministris: *Ligatis manibus & pedibus projicite eum in tenebras exteriores.* Quid tunc proderit misero, Confessarium reperisse genio suo accommodatum? aut rebus, aliter, quàm se haberent propositis deceptum? Modicum ac breve lucrum immenso & infinito supplicio, quin aliquid expiet, luet. Remedium unum unicum erat, eo tempore Restitutionem parare, quo fieri poterat, & quando illa medium erat ad salutem necessarium: *Cum conservare Justitiam sit de necessitate salutis, consequens est, quod restituere id, quod injuste ablatum est alicui, sit de necessitate salutis.* Manet itaque, aut restituere, aut æternum perire. Ita Justitia ex suo tribunali, à quo ad aliud non est appellatio, pronunciat, & ita etiam ex suo clamat Charitās, & ipsa læsa ab eo, qui rem alienam retinet.

VIII. Quid igitur vobis videtur, de prima hac, quam dixi, impossibilitate? Fieri nullā ratione potest, ut salvus sit, qui restituere detrectat omne damnum proximo illatum resarciendo. An non voluntariè tenacissimo se laqueo induit, quæ quis rebus non suis locupletatur? *Involuta sunt semina gressuum eorum, ait Job, ambulabunt in vacuum* (si aliā viā, quàm qua intrarunt; exire ex illis angustiis cogitant) *& peribunt*: peribunt, ne injusta sua lucra ipsis pereant,

## II.

IX. Ita omnino est, Auditores, dicetis ipsi; sed qua ratione aliquid sublatum est, eadem restitui potest; quod est, eadem viā laqueo exire, quæ quis in eum se induit. Non est dubium, quin Cacodæmon hac stulta spe Avaros multos alliciat, eisque persuadeat, ut modò rapiant, fore, ut postmodum rapta restituant. Verùm hoc perinde est, ac si quis Volucris consilium suggerat, implicet se tantum rebus, spe postmodum illa rumpendi; cùm tanto magis expediat, nunquam se iis intricasse. Avertat DEUS, ne unquam in hos laqueos incidatis, cùm mihi longè difficillimum, & ut ajunt, moraliter impossibile videatur, iis porro evolvi. Quam difficultatem, ut manifestius intelligatis, oportet prius Avaritiæ naturam penitus introspectisse secundum sua, ut vocamus, principia intrinseca.

X. Avaritia, D. Thoma teste, vi-*s. Thom.* tium est, quod quasi medium est in-*2. 2. 9.* ter peccata merè spiritualia & merè carnalia. Ratione sui objecti, locum habet inter peccata carnalia; ratione delectationis autem, inter spiritualia censi potest. Unde juxta hunc modum loquendi aliquid de affectio-*128. 4. 6.* nibus brutalibus, & aliquid de diabolicis participat, atque ideo mixtum aliquid maximi roboris constituit. Quam, quæso, ob causam tantā vi fulmen pollet? an non ideo, quòd ignem terramque velut sinu claudat? Ab igne vim illam ingentem ac velut furorem, à terra pondus ad ferendum acci-



accipit: id ipsum immoderatæ habendi appetentiæ accidit, in uno quasi mixto plurium adversantium vitiorum naturam colligit, unde, ut diximus, incredibilem prorsus viam ac impetum acquirit.

XI. Præterea aliæ affectiones unum tantum bonum particulare pollicentur. Ira delectationem ex vindicta promittit: Invidia ex Victoria, Ambitio ex applausu famæ; par est cætorum vitiorum ratio. At divitiarum amor simul & semel omnia bona, & inde promanantia gaudia adpromittit; cum *Pecunia omnia obediant*. Et ideo Opes apprehensione hominum non bonum quoddam particulare sunt, sed universalissimum, quod omnia quasi in falcem colligit, si non actu, saltem virtute: *Denario utimur, quasi fidejussore ad omnia habenda*; ait Philosophus.

XII. Deinde bona illa, quæ ab aliis Passionibus proponuntur, fermè amantur à nobis quasi pro nobis, & respectu nostri. Pro se amat voluptatem Luxuriosus, fastum Superbus, Potator vinum, Helluo dapes; at cum Avaritia non ita res se habet. Pecunias, quas Avaritia promittit: avarus sibi amat, & uxori suæ, & liberis, & agnatis, ac toti familiæ, & sic tot quasi cordibus amantur, ac tot cupiditatibus, quot fines sunt, propter quos amantur.

XIII. Denique objectum aliorum vitiorum facilius mutatur, sed Avaritia idem semper objectum habet. Non moriuntur Passiones (quemadmodum famina à libidinoso amata moritur) non moriuntur opes; saltem in scri-

niis hærent diutius, quàm nos vivamus: & ideo Avaritiæ objectum semper perstat, dum vivimus, imò cum jam in cineres redacti sumus; amamus enim, ut iis hæredes nostri gaudeant, qui nondum nati sunt, quæ nobis mortuis usui porro esse non possunt.

XIV. O potens igitur, & propè invicta Avaritiæ Passio! *insatiabilis Eccli. oculus Cupidi in parte iniquitatis; non 14.9 satiabitur, donec consumat arefaciens animam suam.* Et re ipsa videtis, quomodo nullo non die omnis alterius amoris vis ac robur amorì cedat pecuniarum. Ita natura conveniens est, ut duo fratres ejusdem inter se sint genii, sicut eidem est proprium, ut inter se oculus oculo, auris auri, manus manui sint similes. Qui proinde ab extraneo majorem, quàm à fratre animorum consensionem speraret, idem facere videretur, quod qui sibi persuaderet, melius ac commodius ligneo se, quàm carneo pede incessurum. Certè illa sanguinis communio; illa in eodem ventre communis habitatio, communis fors nascendi, educatio communis, communis vitæ conditio, opes, societas communis, tam arcto fratres vinculo colligare deberet, ut, qui videret eos inter se discordes, prodigium immanissimum videre se credere deberet. Sed hæc prodigia quotidiana sunt, quæ Avaritia pessima sæpius, quàm ipsi vellemus, in lucem profert: unde tribunalia non solent contumacioribus agitari litibus, quàm quæ inter fratres oriuntur. Ex eadem rupe duo quandoque flumina nascun-

*Eccli.*  
10, 19.

*s. Eth.*

nascuntur, & vix nata ab invicem se-  
junguntur, & quanto longius manant,  
tanto ab invicem magis discedunt. Id  
quod videre est in Tigri & Euphrate  
maximis Mundi fluminibus, quæ vix  
in iisdem Armeniæ montibus orta, il-  
lico immanibus à se intervallis sece-  
dunt, nec unquam amplius conve-  
niunt. Idem faciunt quotidie Fratres  
etiam Christiani, qui si non illico,  
cum nascuntur, sibi adversantur, in-  
de fit, quod nondum nōrunt, quid  
sit possidere, & habere proprium.  
Cœterum vix fato suo Parens defun-  
gitur, cum subito tota quasi domus sūs  
deque vertitur: quilibet suum ab a-  
lieno studet dignoscere, quilibet in-  
juriam sibi fieri queritur: fratres sunt  
& inimici, & ipse sanguis, qui ambo-  
rum nutrimentum esse deberet, in  
alimentum vertitur pertinacissimi o-  
dii. Quia, ut paucis quàm plurima  
dicamus, cum Tertulliano, primus  
cuilibet frater est lucrum & commo-  
da, quodque quis existimat suā præ-  
ceteris Interesse. *Nescit propinqua-  
tis jura cupiditas, sed propria utilitas;  
hac frater est.* Illud porro, quod de  
fratribus dicitur, etiam de Filiis ad-  
versum Parentes, & Parentibus ad-  
versum Filios dici potest; inter quos  
æterna odia & discordiæ intercedunt  
non alio ex capite, quàm insatiabili  
habendi cupiditate, quæ plus apud ho-  
mines potest, quàm quævis agnatio &  
sanguinis necessitudo. *Homines ma-  
gis cognati sunt pecunia, quàm corpo-  
rum.*

XV. Cum hac igitur bellua depu-  
gnat, qui ad restitutionem obligatur,  
*R. P. Segneri Christ. Instr. Tom. I.*

Vincere debet Passionem tam poten-  
tem, quæ, ut ex dictis patet, optimo  
jure serpens alatus dici potest; ete-  
nim per terram reptat vitis carnali-  
bus; in aëra se levat vitis diaboli-  
cis. Passio est, quæ verecundiam  
non excitat, sed vanam gloriam, ac  
Prudentiæ se larvâ tegit. Passio est,  
quæ primis statim annis incipit: qui-  
bus Parentes animis Filiorum ma-  
gnam quamdam bonorum terreno-  
rum æstimationem instillant, appel-  
lando illos beatos, qui plurimis ab-  
undant; miserabiles contrâ, quia eo-  
rundem penuriam patiuntur. Pas-  
sio est, quæ semper cum annis cres-  
cit, imò cum ipsis bonis: cum, ut  
ait Aristoteles, etiamsi quisque pos-  
sit credere, satis sibi virtutis, fidei,  
auctoritatis & apud alios benevolen-  
tiæ esse, nullus omnino sit, qui facul-  
tatum & bonorum se satis possidere  
autumet. Passio denique est, quæ  
ab inferno plurimum fovetur; utpo-  
te quæ magnam Animarum messem  
Orco debitam colligit. Sanctus qui-  
dam Sacerdos duplici & gradus sui &  
Sanctitatis robore Dæmonem aggre-  
sus est, ut per os Energumeni sibi ma-  
nifestaret; quis esset? Hic imperio  
constrictus, tres sumus, respondit,  
qui hominem hunc infestamus. Pri-  
mus nostrum ex officio suo os occlu-  
dit, illudque hoc officium suum exer-  
cet cum raptoribus ac possessoribus  
rei alienæ, ita ut, ne pro furibus ha-  
beantur, pudore præpediti crimen  
suum Confessario non manifestent.  
Secundi officium est, cor occludere,  
ut, etiam cum scelus suum in Con-  
fessio-

L. 7. Por-  
lit.

Collec.  
dist. 9.

Exempl.  
38.



fessione aperuerint, non doleant dolore requisito. Tertiū officium est manum claudere, ita ut cum & crimen confessi fuerint, & ex animo detestati, nunquam tamen à se obtineant rerum iniquè ablatarum Restitutionem. O quot inter Christianos huiuscemodi obsessi sunt ac Energumēni! qui ubi prima duo obstacula superavēre, quibus DEI gratiam à se longè arcebat, ultimum tamen nunquam pervincunt verā & efficaci Restitutione. Venti, qui è terrā oriuntur, tam frequentes non sunt, ac ii, qui ex paludibus assurgunt; sunt tamen constantiores ac morā grassantur longiore. Ita planè accidit in nostro calu, ex paludibus sensuum ac libidinis tentationes longè frequentiores exsurgunt, & forsā etiam magis communes; non ita tamen sunt contumaces, ut illi turbines, qui ex profundo Avaritiæ sinu proveniunt. Experientiam testem appello: *Non facile de Avaritiā triumphat, de quo semel Avaritia triumphavit.* Negotiari cum cupiditate, & iniquis quæstibus conscientiam non gravare, res est difficillima. *Qui festinat dari, non erit innocens;* ferè ac qui fame corripitur, aviditate se ingurgitandi parū ad ciborum, quos ingerit, delectum attendit; parū etiam cibos ingestos mandit: sic ex innumeris, qui nimia lucris aviditate illecti negotiantur, quā paucos reperire est, qui malè parva reddant, & cibum illum noxium, quo animus oneratur, revoment! & tamen tot injustitiæ nunquam non in Tri-

bunalibus commissæ manifesto indicio sunt, quodd nullibi magis exulet æquitas, quā ubi omnium maxime obtineri deberet. Tot lites, quas movit Avaritia, Potentia defendit, Vindicta in annos & annos protrahit, injustè inferioris conditionis homines opprimunt, & muneribus alteram ad se Justitiæ lancem inclinant, quæ in eam magis partem propendet, ex qua plus recipit: tot, inquam, lites numerabitis: at quot contrā Restitutiones? Refert S. Augustinus, quodd cum *Hom de Pe Apst c. 10.* Mediolani moraretur, pauperculus quidam crumenam ducentis argenteis nummis refertam invenerit, statimque ad diversa urbis loca schedam affixerit, quo notum faciebat, dictos se nummos reperisse. Parum omnino moræ intercessit, cum qui amisit, in inventoris notitiam pervenit, & datis certis indicis compertus est nummorum Dominus, unde & summā fide eosdem recepit. Mox autem de inventā pecuniā lætus viginti nummos crumenā exemit, & pauperi honorarii vice obtulit. Renuit eos accipere Pauper, affirmans, nullam se ejus facti mercedem velle, ad quod Religio & conscientia obligarent. Cui alter: saltem decem accipe, quos tibi dono etiam non debitos. Sed & hos virorum optimus recusavit. Tunc velut irā percitus Dominus crumenam in terram abiecit, cum dicto: si de meo nihil accipere vis, scias, nihil me amisisse: atque ita discessit. Quare coactus pauper aliquid deferre Domini humanitati & beneficentiæ, accepit oblatos decem, moxque ad

*Bacon. Hist. Venti.*

*Petr. Bless. Serm. 14.*

*Srov. 28. 20.*

ad eos inter alios inopes distribuendos se contulit. *Quale certamen fratres mei!* Totus Mundus vix erat dignum tam insigni spectaculo Theatrum: cujus solus DEUS dignus Spectator erat. *Theatrum Mundus, Spectator DEUS.* Sed ubi terrarum sunt, qui quandoque renovent similem conflictum in opprobrium & contemptum Avaritiæ? Vix reperitur aliquid, illico absconditur, & pro eo, quod rei perditæ Dominus anxie inquiratur, timetur, ne inveniatur. Et sic videtis, quod quod magis obligationes Restitutionis faciendæ abundant, tanto rariores illi sint, qui promptâ manu eas velint adimplere.

XVI. Inprimis dicunt: *Non possum*: sed hoc non possum idem significat, achoc mihi durum est, atque difficile: aliud quid lucrari cupio, etiam alienæ rei adminiculo. Ex illis, quos DEUS peculiari odio prosequitur, unus est Dives mendax: *Divitem mendacem*: Hujusmodi Dives mendax est, qui dicit: *non possum*: sed mentitur; non vult. *Si dixeris, vires non suppetunt, qui inspector est cordis, ipse intelligit.* Si ageretur de inveniendâ ratione Passioni alicui suæ obsecundandi: de promovendo læto cum amicis convivio; de vindicandâ injuriâ, majorem acceptâ reddendo; præstò statim essent, quæ requiruntur omnia; & nemo diceret: *Non possum.* Ite tempore hyemali ad fontem congelatum: dicetis, aquâ illum carcere. Sed quàm fallimini! expectate, dum Auster spiraret, cum aquam videbitis abundan-

tissimam. Sic cum Passio quædam exarserit, subito liquecit, quod crudelitas congelarat. Et verò res ipsa loquitur, quod quis ferme est ditior, hoc esse in expungendis nominibus tardior. Capræ cum macræ sunt, sunt etiam fecundæ; & quod magis pinguescunt, ad pariendum minus habiles evadunt. *Plin. l. 8. c. 50.*

XVII. Præterea qui, tam secum ipsis humani, excusationem hanc, *non possum*, tanquam bonam & sufficientem admittunt, quare eandem in aliis non probant? Pauper ille, qui ad satisfaciendum contractis nominibus compellitur, id ipsum dicit, *non possum*, & majori quidem jure ac ratione, nec tamen auditur ut valida sed cum lac præbere non potest, emungitur sanguis: Lictores in tugurium immittuntur, spoliatur, ut pignoris loco aliquid substituat; vix tantum ei straminis relinquitur, cui dormiturus incubet. An non hoc est bilancem iniquam manu tenere, quam DEUS adeò detestatur? *Statera dolosa abominatio est apud DEUM.* Cum scilicet debita vestra tam negligenter expungitis, ea autem, quæ vobis debentur, tam severe exigitis. *Pondus æquum voluntas ejus.* Si quodvis leve incommodum ad Restitutionem licite differendam sufficeret, nunquam illud tempus adveniret, quo restituere velletis, cum semper vobis molestum accidat, restituere. Sed *Levisus* incommodum tale esse oportet ac tantum, quod notabiliter Creditoris incommodum excedat, adeò ut secundum *de Inst. l. 2. c. 16. dub. 2. n. 21.*



dum rectam rationem Creditor in tali casu dilationem, si peteretur, prudenter negare non possit.

XVIII. Fingite porrò, unum quempiam cognitâ hac restituendi obligatione Confessario omnino polliceri Restitutionem! viam autem, quâ pollicitationem suam executioni mandet, nunquam ingredi. Circinus urô pede terræ infixus hæret, altero, quò vultis, movetur: Ita hi, cum non statim jubentur restituere, difficultatem non habent in promittendâ Restitutione in futurum quantam vultis: quia futurum, tanquam quid pictum molestiam iis nullam creat; præsens autem, seu vivum, longè maximam. It nonnemo, qui ab annis compluribus nulli non Confessario Restitutionem adpromitat, quasi jam faciendam, quam tamen nunquam exequetur. O fructum pessimum Pœnitentiæ, qui nunquam ad maturitatem pertingit! Multorum opinio est, naturam matribus nullum certum pariendi tempus determinasse: unde etiam Romani legitimam Matris illius prolem judicârunt, quæ mense primum decimo tertio peperit; Quo-

*Plin. l. 7. c. 5. v. 1. statutum videretur. Videtur ejulmo- sennert. di opinio apud hos dilatores invalui- l. 4. p. 2. iste; nisi quod eorum partus non de Part. tantum aliquot sint mensium, sed tard. etiam annorum. Sæpè post matrem mortuam nascuntur; & cum prius in lucem edi oportet, inexplicabili viscerum dolore ab iis quasi avellendi sunt, ut nascantur. Cæterum res prorsus mirabilis est, videre tot ho-*

mines, rebus alienis graves, semper parturire, dum identidem Confessariis spondent, se reddituros, quod suum non est, & hoc quantoque interim pariunt nunquam, propterea quòd promissa præstent, nunquam. *Hac est maxima mea cura, quâ affligor; (ajunt Confessario) an credit Pater, quòd de faciendâ restitutione non cogitem? certò restituam; sanctè promitto.* At, si Confessarius sumptis animis non respondeat disertè: *Itè prius, & Justitiæ debito restituendo satisfacite; tum redite ànoxis absolviendi: non est periculum, quòd unquam præstent; quòd promiserunt: morientur paturientes etiamnum, licet integrum sæculum superviverent: quia Avaritia, quæ omne voluntati robur adimit, non finit, ut unquam solutio pridein matura, ab iis extorqueri possit.*

XIX. Verum quidem est, præter Avaritiam in injustâ hac dilatione, magna etiam ex parte, Ignorantiam accedere: credunt enim, quòd ad satisfaciendum legi Divinæ sufficiat, voluntatem restituendi habere, quandoque demum id fiat: id quod sanè haud quaquam sufficit. Nam s. 7. præceptum restitutionis partim affirmativum, partim negativum est. <sup>2. 2.</sup> Partim dicit: *redde*: partim dicit: *non retine*: Unde non solum obligat ad restituendum, sed etiam ad restituendum statim. Unde illa ipsa retentio rei alienæ injusta, etiam si vera habeatur intentio reddendi, est velut iterata rei ablatio: *Non multum interest*, clamant SS. Canones, præ-

*seruim quoad periculum animæ, detinere iniuste; ac invadere alienum.* Non solum dicit DEUS, ut restituatis, sed *insuper, ut, cum reddere debes ad vesperum, non differas usque mane.* Non morabitur opus mercenarii tui apud te usque mane: & alibi: *eadem die reddes ei pretium laboris sui.* Unde sicut qui carbonem accensum in volâ manûs tenet, non satis habet dicere: decrevi illum abjicere: sed necesse habet, eum illico à se abjicere, cum aliàs carbo magis urat, ac plagam faciat. luculentior. Ita propositum Restitutionis non sufficit, sed quod malè possides, actu restituas necesse est, quamprimum, moraliter loquendo, potes; alioquin semper peccatum peccato cumulabis differens, tunc saltem, quando opportuna restituendi occasio se offert, & negligitur. Feræ omnes certum magnitudinis terminum habent, solo Crocodilo excepto; hic enim crescit, dum vivit. Similis differentia inter alia vitia & Avaritiam intercedit. Homicida, exempli gratiâ, ubi gladium vaginâ repoluit, finem sceleri suo imponit. Luxuriosus crimen finit, cum nefandum opus consummavit; & sic loquendo de peccatis aliis omnibus, quæ dum Confessione non expiantur, non est dubium, quin vivant vigeantque in Auctoribus suis, non tamen cresunt. In furto aliter se res habet; hoc enim omni horâ crescit, cum fur etiam tunc, quando manus tenet quietas, furari pergat, quamdiu rem furto ablatam iniuste retinet. Verbô: Retentio est

peccatum continuum, & non interruptum; est flumen peccatorum, quæ sicut unda undam trudit, se invicem consequuntur: est jugis confictus contra Legem DEI, quin unquam arma ponantur; & in virtute continuitæ hujus Injustitiæ (sicut DEUS dicitur, omni momento nos creare, propterea quòd omni momento nos conservet) sicutiam dici potest, quòd quæ aliena Domino suo non restituit, omni momento auferat, quia omni momento ablata retinet.

XX. Verùm quid de illis dicemus, qui, cum morituri sunt, volunt restituere? quasi verò aliâ ratione decreta sua maturare non possint, quam sorba, quibus idem est maturescere & putrescere. Dum sani sunt, instar Gryphis iniqua lucra unguibus tenent: eripi illa non possunt, nisi cum mors falce suâ ungues rescindit. Quanta hæc insania, si fortè quis vestrum ex eorum est numero, qui ejusmodi est animo? Nihil dicamus, quòd mors lubitanea vos possit obruere. Omittamus, quòd hæredes, quæ à vobis constituta sunt, non exequantur. Omnia illa, & adhuc plura concedamus, quæ destinatione vestrà præcipitis: quid deinde? Si interim ipsi potestis restituere, nec restituitis, pro eo, quòd animam vestram debitorum vinculis exsolvatis magnificis vestris promissis, sed primum de futuro, quotidie eam magis illigatis. Si res ablata reddi possit, & non reddatur, penitentia non agitur, sed simulatur. Penitentia vestra penitentia quædam scenica est, quæ Dæ-



monibus ad spectandum convenientibus risum movet, & Confessio vestra Confessio personata est, mendax ac fallax, quæ non solum DEUM non placat, sed magis provocat ad indignationem. Magnâ nimirum laude dignum est, à deforandis pauperibus abstinere, quando dentes vobis exciderunt, quibus eorum substantias arrodatis! Ipse Eleemosynæ vituperio non carent, quæ ad ultimum differuntur, non ut Eleemosynæ, sed ut eò usque dilatæ. Unde S. Basilus pridem ad eos, qui dum viverent, Eleemosynas largiri omittebant, ut morientes largirentur: *Heu miser! tunc liberalis cum hominibus eris, cum amplius inter homines non deges.* Judicate jam, an eorum restitutiones laudem mereantur.

*Hom. in  
Div.*

*Lec. 17.* Zachæus seriò pœnitens non dixit: *Si quid aliquem defraudavi, reddam quadruplum; sed reddo: & ideo statim etiam salutem obtinuit: Hodie huic domus salus à DEO facta est.*

3.

XXI. Et tamen, quantum ab hoc discrepant nonnulli? quia si quandoque restituunt, consideremus tantisper, an idè omnes isti injustorum lucrorum laqueis se expediant. Inprimis plerique eorum mare imitantur; quod ubi integras naves absorpsit, nonnisi tabulas, easque laceras ac fractas in litus ejicit, ita hi, ubi complures familias perdidierunt, communitates exhausierunt, Ecclesias spoliaverunt, reliquâ is injusti lucri debitum suum expiare contendunt & Confessarium inquirunt, qui in hujusmodi compositione cum eis conveniat: eoque invento in ani-

mo se securos abitrantur. De Crocodilo refertur, quòd, postquam hominem devoravit, tanquam mortuum se in fabulo extendat hiant ore, ac aperto gutture: mox advolare dicunt aviculam, quæ reliquas intra dentes etiamnum hærentes extrahat & auferat. Idem planè Confessariorum nonnemo facere videtur. Accidit ad ejus pedes homo in pauperes crudelis, qui ubi non unum tantum devoravit, velut doloris ac pœnitudinis Magnitudine mortuum se prosternit. Nec modicum præstat sacer hic Judex, si, quod rei alienæ tum adhuc reliquum est, ex consentientis dentibus extraxerit: alia enim, quæ jam concoxit, jam destruxit, jam cum suis miscuit, vis nulla est, quæ à Pœnitente extorqueat, & eorum redditionem persuadeat, licet pari jure ad hæc, atque ad illa restituenda obligetur.

XX. Nec tantum deficient plerumque in quantitate restitutionis, sed etiam in modo, quo fieri deberent. Totæ quandoque consistunt in eo, ut aliquid certæ Ecclesiæ, Sacello, s. 7h. Altaribus, aut procurandis Sacrificiis 2. 2. 9. expendatur. Sed, quamvis Eleemo- 62. 4. syna pro Restitutione est, cum rei alienæ Dominus ignoratur, aut ei hæredes non succedunt, qui ejus partes ac personam, sustineant; si tamen contrà alicui innotescat, quis damnum passus sit, nulla satis Eleemosyna animum ejus solvet à contractâ obligatione, etiam cum ad imitationem Zachæi, paulò antè laudati, dimidiam bonorum suorum partem in pauperes

erogavit. Id quod ex eo satis colligitis, quod ille contentus non fuerit  
 19. Christo dicere: *Ecce dimidium bonorum meorum Domine do pauperibus: sed insuper clarissimis verbis adjunxit: & si quid aliquem defraudavi, reddo quadruplum.* Probè siquidem nòrat, quod Eleemosyna, utut copiosa, cum Restitutione confundi non debeat. Cogitate jam, an vestra Eleemosyna, tenuis ac modica à restituendo excusare vos possit. Fuerit licet copiosissima, nil proderit. Unus quispiam est, quem denudasti; alius est, quem vestis; ait S. Augustinus. Unus lætatur ob rem à te acceptam, alius tristatur ob rem à te ereptam. Quem jam putamus à DEO auditum iri? an eum, qui misericordiam in clamat in virtute Eleemosynæ, an eum, qui Justitiam? Certè obligatio Justitiæ obligationem Misericordiæ præcedit: unde illi potiùs audientur, qui clamant contra vos ob jacturam, quam passi sunt; quàm qui pro vobis perorant, ob beneficentiam, quam sunt experti: si tamen benefici dici possunt, qui non sua largiuntur.

XXIII. Sed demus etiam, quod Restitutio in debitâ quantitate, & ei, cui fieri debet, fiat; ubi invenietis aliquem, qui damna refarciat ex actione illâ injuriosâ provenientia? Invaserat Uladislavus Poloniæ Rex in bonâ quadam Ecclesiastica, Repetundarum, ut putabat, jure. Et à conjugē sua Sanctâ Hedwige de Injustitiâ commo-  
 nitus illico omnia restitui jussit. Bene est, agebat Sancta Regina, quis au-

tem misericulis istis suas lacrymas reddet? *Pignora quidem reddemus Aggressoribus: ceterum lacrymas illorum quis reddet?* Ego quidem contentus forem, si etiam lacrymarum ratio non haberetur, quas fundunt Operæ, dum Mercedem diurni sui laboris expectant; modò damna, quæ ipsâ suâ expectatione incurrerunt, non sine omni compensatione in oblivionem venirent. Si pauper iste suo tempore mercedem accepisset, cum lucro familiæ suæ messis tempore prospexisset; sed quia ab avaro hoc Euclione merces injustè fuit dilata, pretio duplo majori, quàm aliàs emisset, rem deinceps emat necesse est. Et tamen, quis est, qui pauperi huic familiæ non dico lacrymas, quas hac durâ expectatione suspensa fudit, sed vera omnino damna refarciat? Avatitia ne quidem cogitare ista eos sinic: quamquam animus lumen quoddam, quo tam manifesta injustitiâ agnoscat, affundere studeat, fixis de industria in terram oculis ad rem non attenditur. *Oculos suos statuerunt declinare in terram.*

XXIV. Quid igitur de tam terribili, tamque tenaci vobis laqueo videtur, quo, qui rem non suam detinet, constrictus tenetur? Terribilis in primis est ob hoc, quod nulla prorsus sit salutis consequendæ via & ratio, nisi reddatur jure, quod sine jure ablatum est. Tenax etiam est, propter summam reddendi difficultatem, si quis unquam rei alienæ vindicatione se permisit implicari. Certè non absque gravi causâ dixit Sapiens. *Qui*



*congregat thesauros linguā mendacii* (hoc est, cum falsitate, cum fraudibus, ac mendaciis in Confessione prolatis ad eos, qui ad Restitutionem eum volunt obligare) *impingetur ad laqueos mortis*: si enim hi laquei mortis non sunt, quinam erunt?

XXV. Nullūne igitur remedium superest pro hujusmodi Captivorum turbā? An cum Tertulliano, hanc Divitum generationem, Animas æternis flammis destinatas compellabimus? *Divites prædamnati*. Est modus etiam hæc rumpendi vincula, si modò quis tempori ad ea rumpenda se seriò accingat. Et primum quidem remedium servit ad illa laxanda: si nimirum assuescat quis perpendere dispendium, quod ex Restitutione provenit, aliā ex parte plūs geminatio lucro retaliari posse. Tale remedium est Eleemosyna, quæ ex proprio, non ex alieno erogatur. Hæc suprà quā credi potest, fertilis est tam in hac vitā, juxta Christi promissionem multiplicando bona, quæ possidentur, quā in alterā immensos thesauros præparando in Cælo illi, qui eos plenā illā charitatis beneficentiā sibi vindicare studuit. Fides ista, usu ipso animata, ita hominem, cæterā tenacem, immutare potest, ut & aliter, & alia cumulare laboret. Aliter quidem, si ad rem augendam largiatur, non retineat. Alia verò, si pro caducis, æternis & mansuris opibus inhiat. Atque ita cor illud; cupidum simul & tenax, tanti lucri amittendi metu, facilè Summam suam capitalem credet mensæ minime fallaci, ubi advertit, quod non per-

dat, sed permutet in melius, dum immenso lucro ipsum DEUM sortitur debitorem: *Quid enim esse potest divitibus homine, cujus proficitur DEUS se esse debitorem?* S. Z. Sermon de var.

XXVI. Alterum remedium, quo vincula ista omnino abrumpantur, in vero desiderio animam suam æternū servandi consistit. Amor, cum magnus est, omnem aliam affectionem, seu flamma major minorem, extinguit. Atque ideo, si Animam eo, quo decet, amore prosequi cœperitis, haud dubiè omnem injustè retinendi ea, quæ tamen aliquando reddi debent, affectum vincetis. Animo igitur seriò, planèque attento hæc Christi Servatoris verba pulcherrima versat. *Quid prodest homini, si Mundum universum lucretur, anima vero suæ detrimentum patiatur?* Eoque magis, quò non de toto Mundo agitur, sed de pugillo, ut sic loquamur, pulveris mundani; hoc est, de lucro quodam tenuissimo ac triviali, brevi tempore per mortem denuò eripiendo. Miser aliquis canis dimidio quandoque die leporem insequitur, ut agrè jam spiritum trahat: & cum demum eum affectus est, ore & dentibus avelli sibi illum cernit, non alio tantæ suæ defatigationis præmio, quā odore ex prædā percepto. Ecce, quid Dives ex omnibus suis lucris tanto labore conquistis tandem colligat: Vix ea congregavit, cum mors è manibus rapit omnia, & ad hæredem transfert; qui exiguo eodem tempore lusibus, & pergræcationibus dissipat, ac abligurit, quæ tantis sudori-

lib. de  
Pœnit.


Matth.  
16, 2

moribus, curis ac sollicitudinibus fuere collecta. Et lucrum hoc tam miserabile condignum sit pretium, quo anima vestra valeat? *Quam dubit homo commutationem pro animâ suâ?*

XXVII. Sed & hoc non omittamus, quod bona injuste parva sapè etiam opes illas consumant, quæ justò titulò acquisitæ fuere. Inter lanam à mortuâ pecude resectam, & eam, quæ vivæ ablata est, istud est discriminis, quod illa se ipsam consumat, tineas generando, quæ illam depascant: hæc verò se ipsâ potius augeatur & crescat. Eadem differentia inter lucra injusta, & justa intercedit. Injusta semetipsa consumunt, justa aut conservantur, aut augmentur. *Ne erigas oculos tuos ad opes, quas non potes habere, salvâ religione; quia facient sibi pennas quasi Aquila, & volabunt in cælum:* quia cum fuerint in manu tua, alas acquirunt, & duplici ex capite delusum te relinquent; tum quod bonis æternis, quæ abjecisti excidas; cum quod temporalibus, quibus tantopere inhiasti, te oporteat spoliari: O igitur infelix permutatio! DEUM instar Judæ vendere, & ipso etiam pretio, quo venditus est, non potiri! præterquam quod ea ipsa lucra; si votis etiam respondeant, non lucra, sed detrimenta dicenda sunt; utpote quibus animæ salus pessum datur. Medium hac in re nullum datur: aut restituere, aut æternum perire necessum est. Res aliena catena è ferro est, quæ non solum ligat, ut funis, sed pondere insuper suo Animam opprimit.

XXVIII. Nescio, quis Comes Ecclesiæ Metensi agros quosdam rapuit, *a. 1055. ex Epist. B. Petri Damiani ad* quos post mortem suam filiis reliquit, & hi hæredibus suis ad usque decimam generationem; Cum Sanctus quidam Vir longam & altam vidit scalam, quæ gradatim ad infernum descendebant in-  
justi illi Possessores, qui quamlibet scilicet à Ministris Ecclesiæ moniti, induci non poterant ad agros Ecclesiæ ablato restitutos. En infausta familia hujus infelicitis lucra! Sed non meliori sorte omnes illi utentur, quicunque aliena non reddent, laqueo hoc amoris rerum non suarum impliciti. *Fœnus pecunia funus est anima. S. Leo. Sermo. 6.* nis Papæ assertio est. Restituere oportet, aut æternum perire. An tonitruum tam formidabile non sufficit ad meliorem vobis mentem injiciendam? *Cro. Plin l. 3. c. 25.* codili, utut cupidissimi, quemadmodum diximus, humanæ carnis, terribili tamen vociferatione pluvium, revolvunt corpora paulò antè devorata. Erit, qui denuntiationem damnationis æternæ, damnationis inevitabilis, damnationis jamjam imminantis non extimescat, nec induci se sinat ad reddenda, quæ injustè detinet? Repeto igitur. Aut restituendum est, aut æternum pereundum. Necessè est minus, quam bestiam aliquam, sensus habere, qui se ipsum potius totum perdere malit, quam suum? imò, quam perdere illud, quod non est suum; sed quod vel invito vero domino vult facere suum. *Quid prodest homini, si Mandum universum lucretur, Anima verò sua detrimentum patiatur?*





## DISCURSUS XXVIII.

*De Judiciis Temerariis.*

I. **N**on est officium inter homines periculofus, officiô Judicis. Si- cut enim ut Magister perspicuè & clarè

proponat, quæ docet, non satis est illa utcunque scire, sed necesse est perfectè plenèque ea perspexisse; ita ad officium Judicis tutò obeundum non vulgaris quædam prudentia, sed magna quædam, ac excellens requiritur. Et tamen, totius ferè Mundi negotium perpetuum est, Judicare, hoc est: pronuntiare de factis Proximi, qualia sint, damnare, deque iis decretoriam sententiam ferre; adeò ut S. Joannes Climacus diceret: Dæmonem non alio magis negotio inter nos distineri, quàm quo tentet ad peccata committenda, aut commissa di-  
*Clim. in*  
*scala.*  
 judicanda: *Peccare nos Dæmones ur-*  
*gent, aut si non peccaverimus, judicare*  
*peccantes.* Sic in omni loco tribunalia statuuntur. Suspicio mera, pro justo examine habetur tenuis quædam rei species pro evidentiâ; & non tantùm non admittitur appellatio, sed Reus antè damnatur, quàm ad dicendam causam citetur; & antè quàm causam suam occipiat, jam definita est. Verùm enim verò scire vos velim, tot DEO. Judices improbati; ipsùmque solum esse velle, qui hoc officium sustineat. Et ideò illius nomine vobis denuntio,

ut ne hac in parte festinetis, qui enim temerè Proximum judicat, aliud non agit, quàm ut eadem operâ se ipsum condemnet; *In quo alterum judicas, te ipsum condemnas.* *Rom. 2. 1.*

I.

II. Antequam tamen audacium horumce Judiciorum iniquitatem consideremus (quod erit primum Discursus mei caput) declarare oportet, quid judicii temerarii nomine intelligatur. Aliud igitur est Dubium, aliud Suspicio, aliud Judicium. Dubium est Animi quædam suspensio, quâ nec in unam, nec in alteram partem propendimus. Suspicio est quidam debilis ac tenuis assensus. Judicium denique firmus quidam assensus est. Imaginamini vobis discursum vestrum bilancis instar se habere in manu rationis. Si Bilanx æquilibrium tenet, en Dubium; si plûs in unam quàm alteram partem propenderit, en Suspensionem; si toto pondere & impetu in partem unam fertur, en Judicium. Dubium & *3. Th. 2*  
 Suspicio, si ratione nulla nitantur, inter peccata venialia numerantur, non *2. 9. 60*  
 inter mortalia, plerumque saltem: & de his nunc mihi sermo non est. De illo Judicio absoluto loquor, quod mens nostra de via alterius nulla ratione nixa, format. Dixi, sine ratione, quia

quia cùm indicia sunt violenta, & præsumptiones validæ ad judicium ferendum; Judicium prudens, & non temerarium appellatur, atque adeò in eo ferendo non peccatur. Si vidua quæpiam omnis generis personas in domum suam admittit; si protervè cum viris ad se accedentibus colloquitur, & si non contenta mutuas ab iis pecunias accipere, promissa etiam ac donaria facilis admittit; admodum difficile creditu est, eam turturis instar solitarii amissum comparem lugere. Ideò Apostolus dixit: *Quorundam peccata manifesta sunt, præcedentia ad judicium, quorundam autem sequuntur.* Quia peccata quadam tam sunt in propatulo, ut probatione non egeant, aut processu judiciali, sicut indigent alia, seipsa satis accusant. Verum est, in hujusmodi casibus Charitati locum dandum; excusanda est intentio (forsan minùs quàm apparet, rea) cùm opus excusari prorsus non potest, Carnis fragilitas inculanda est, aut vehementia suggestionis. Si etiam intentio excusationem non admittit, omnibus signis manifesta; in omni eventu meminisse debemus, nos etiam peccatores, & tales quidem, qui, si in hujusmodi circumstantiis fuissetis, graviùs ac fœditiùs essemus lapsi; eà ferè ratione, quàm fœmina non audet virum suum ignaviæ accusare, è prælio domum fugà se recipientem, bene sibi conscia, sibi tantum animi non fuisse futurum, ut vel armis se accingeret. Sed ut in viam redeamus, ista hodie reprehendere non constitui. In illum

ego pessimum morem invehor, multorum malè moratorum ac DEUM non timentium, qui liberè Proximo: rum suorum actiones damnant, non nisi levibus conjecturis ad id inducti. Quam injustitiam ut evidentius intelligatis, nòsse nos velim, tres ad boni Judicis officium conditiones requiri: Auctoritatem, Scientiam, & Justitiam. *S. Thom.* Sine Auctoritate in alienam messem involatur: sine Scientia judicium erit stultum; sine Justitia iniquum. Hæc verò omnia tria temerariè judicantis bus deficere in præsentia demonstrabo.

III. Primò itaque Auctoritas, & propria Judici deest Jurisdictio. Jura non ferunt, ut æqualis in æqualem habeat Imperium; solum in inferiorem concedunt: *Par in parem non habet imperium.* Quod si ita est, quàm igitur fratrem vestrum judicatis? *Tu Rom. 14.* *autem quid judicas fratrem tuum?* Duo judicorum genera hic distinguere possumus cum S. Thoma; unum est, quo judicatur, qualis sit res, & hoc non nisi Superiorum est. Alterum, quo judicatur; qualis esse deberet; id quod etiam Inferioribus potest competere. Quare igitur limites vestros transgredimini, & de eo, quod ad vos non pertinet, vultis sententiam ferre, ac definire, quænam sint actiones, mores, & consilia Proximi vestri; cùm ad summum judicare tantum possitis, quales esse secundum rectam rationem deberent? *Quis te Exod. 2.* *constituit Judicem super nos?* Jure 14. haud paulò majori ad vestrum aliquem dicam, quàm ad Moysen superbus



perbus ille Hebræus. Tabulas profer, quibus hæc judicandi potestas in te confertur; aut saltem doce me, quis illam tibi contulerit, quis imperarit? *Quis te constituit Judicem?* Certum est, à DEO, qui tamen solus dare potest, jus hoc non esse profectum. Imò ille aliarum actionum curiosam inquisitionem vetat: *Ne quare iniquitatem in domo justii.* *Quis ergo te constituit Judicem?* Quis auctoritatem tribuit, quâ in alienas te non vocatus actiones intrudas? Si quis homo exterius domum alterius & conclave irrumpat, quin ante fores pulset, etiam inter plebejos rusticitatis reus habetur. Nec jura concedunt, ut fenestra in pariete utriusque assensum. Quomodo igitur Jus hoc maximum vobis arrogatis? quo non solum in alterius nescientis & inviti domum intrare, sed ipsum illius animum præsumitis subire, & fenestram aperire in illo pariete, quem DEUS omnibus clausum esse voluit: *Quis te constituit Judicem?* Judicium cordis humani DEUS soli sibi reservavit, & idcirco primum Nomen, quod in sacris Paginis habere voluit, fuit Eloyim, quo Judex significatur, perinde ac si ad solum pertineat Creatorem, Creaturas suas judicare. Quod ipsum querebatur S. Job de Amicis suis, qui in viro Sancto condemnando erant tam faciles. Dolebat ei, quod ipsi Arbitri esse vellent operum ejus, arbitrio planè insolenti.

*Job. 19 Quare persequimini me sicut DEUS?*

Quasi diceret: quâ auctoritate Di-

vinum in me jus invaditis? *Quare ut supremi Domini; aut ut legitimi Magistratus mecum agitis?* cum non aliud, quàm ejusdem Domini mecum conservi sitis? Quo animo de vitâ mea sententiam fertis, cum in hac parte nemini nisi DEO, cujus totus sum, me subjectum agnoscam: *Quare me persequimini sicut DEUS?* An opem ei subsidiariam, tanquam impotenti, commodatum venitis? *Nunquid pro DEO judicare nitimini?* Et ecce quàm difforme sit Justitiæ temerarium Judicium, ut quod eorum est, qui jus in alios affectant, quod tamen ipsis nullatenus competit.

IV. Sed non minùs injustus ille est, cui altera judicium conditio deficit, necessaria scilicet ad judicandum scientia; sive illa sit juris, sive facti. Deficit ergo inprimis Juris scientia: Nam si aliud foret nihil, solus amor quo nos ipsos complectimur, judicium pervertit, atque inclinat nos ad malè de proximo credendum, quasi verò, quò plùs ille deprimitur, eò altius extollantur. Non est ventus magis turbidus, ait Aristoteles, quàm, qui percussus in se ipsum velut incurrit: quia non tantum nubes non dissipat, sed magis condensat. Simili modo Amor, quo nos ipsos persequimur, se habet: omnia quodammodo in se reflectit, & inde facile contingit, ut mentem obscurat, & rectum judicium intervertat. Cum è diverso, si proximus ex animo diligeretur, omnes ejus actiones nobis rectæ viderentur. *Ex alienis affectibus aestima-*

*mur, sapienter dixit S. Gregorius Nazian-*

*Prov.  
24. 15.*

*I. Cos.  
quijus.  
ff. de  
servit.  
præd.  
urb.*

*Job. 1  
8.*

*Ser. 2  
Prob.*

zianzenus. Unde factum, ut idem David oculis Jonathæ reclus: Saulis verò ut quàm maximè curvus videretur. Jonathas enim pro regulâ sui judicii cor bonum & rectum habebat; Saul verò malignum & pessimè affectum. Non est mirum (ajebat S. Hieronymus scribens ad S. Paulinum Episcopum) non est mirum, quòd tantâ apud te in æstimatione sim, siquidem *metiris nos virtutibus tuis.* Et sic pariter non est mirum, quòd qui ipse perversus est, de altero etiam perversè judicet, nam secundùm id, quod in se habet, judicium fert, nec potest quidquam stabile ac firmum cernere, qui caput instar phrenetici in omnem partem jactat. *Sed & in viâ stultus ambulans, cum ipse insipiens sit, omnes stultos æstimat.* Cain fratricida pessimus in eam venit opinionem, ut timeret neminem sibi venturum obviam, cui volupe non esset Cainum occidere.

*Omnis, qui viderit me, occidet me.* Totila Gothorum Rex, quia mero ipse ingurgitare se solitus erat, cum S. Cassium vultu rubricundum contuere-  
 tur, sibi similem, ebriosum credidit. Lutherus, qui Monasteriis in prostibula commutatis Impudiciæ Monstrum evasit, docere occæpit, continentiam homini servatu impossibilem esse. Paucis, judicia nostra ventis similia sunt; qui iis virtutibus ac qualitatibus imbuuntur, quibus terræ per quas trans-  
 eunt, imbutæ sunt. *Ex alienis affectibus æstimamur,* & in illo trunco, ex quo peritus artifex, mentis suæ ideam secutus, format nobilem statuam; vilis Carbonarius aliud nihil conside-

rat, quàm fœtidas ac fuliginosas carbonum reliquias.

V. Perquam facilè igitur nobis in judicando Juris scientia deficit, & ubi hæc non desoret, illam Facti non haberemus, quia plerumque id, quod perperam judicatur, est ipsa intentio, quæ tamen nostros oculos longissimè effugit. Agyrta quidam Astrologum se venditabat peritissimum, & in rudium ac imperitorum coronâ verba sine sine faciebat de dispositione sphærarum, de stellarum distantis, de planetarum omnium influxibus singillatim, ut Diogenes, non ferens amplius immanem jactantiam, à capite ad calcem firmo obtutu eum metiretur, ac postmodum iterum fixis in faciem oculis eum contemplatus rogaret: Quantum temporis est, ex quo illâ tu regione excessisti, & quantum temporis certam ibi sedem fixisti, ut adeò certa & distincta huc ad nos nova afferre non verearis? Hujusmodi exprobratio longè meliùs in temerarios hos homines caderet, qui ipsas etiam aliorum cogitationes perscrutari volunt, intimas licèt & inaccessas. Quanto tempore in aliorum cordibus habitâstis? & quando ex iisdem denuò reversi estis, quòd adeò exactas de iis notitias proferatis? Proprium cordis humani est, esse inscrutabile. *Pravum Jerem, est cor omnium, & inscrutabile: quis cognoscet illud?* Et arcaniora illius magis recondita pervidere, illius dos propria Domini est, qui formavit illud. *Ego Dominus scrutans cor.* Ipsi vos ipsos ex toto non agnoscetis, quomodo jactatis, aliarum arcana vobis a-

Laert.  
 l. 3. c. 17.

Jerem.  
 17. 9.



deb esse perspecta? Quoties, cum contestemini, dicitis; nescire vos an tentationi assenseritis an non? Dicitis; ignorare vos, quæ vestra tum fuerit intentio; an prudentes scientes feceritis, an passione impulsî? Et tamen, cum nesciatis, quid in Mundo antiquo accidat, quem incolitis, divinatione vestra vultis assequi, quid in terra incognita Mundi novi agatur.

VI. Respondebitis; sequi vos in judicando ductum indiciorum, quæ apparent. Sed hoc est velle judicare qualitatem fundi abyssi marini ex paucis illis algis, quas in littus evomit. Deinde si hujusmodi judicium sufficiens non est, ut de vestra intentione pronuntietis, quare ad ferendum de aliorum intentione judicium vobis sufficit? Ne S. quidem Ecclesia, à Sancto Spiritu plurimum illustrata, tali modo sine deceptione judicare præsumeret. *Ecclesia non judicat de internis. Illa, tacite in animo mûssitatis; Illa mali nihil perpetrât, quia occasionem non habet. Stat firma, quia non habet, qui impellat: Sed quanto tempore ita persistet? dum non inveniât, qui eam muneribus sollicitet, qui roget, qui illis humanitatis officiis, quæ ambit, eam colat ac provocet.* O tribunal formidabile! si in prægrandi quadam Aula trecenti illi & octodecim Episcopi considerent, qui in Consilio Nicæno Arium condemnârunt, non auderent hujusmodi sententiam de præsentî infelicitis hujus fæminæ statu ferre: Vos autem non de præsentî, sed de futuro etiam tam malignè judicatis? *Ecclesia de internis non judicat, nec credit, suf-*

ficientem sibi esse cognitionem facti, aut juris ad talem sententiam mille errandi periculis subjectam. Et tamen homuncio privatus liberè judicat, & credit se satis instructum, qui unum tantum negotium agat, cum tamen sæpè capitis illi à trunco distantia ignota sit. Prædictiones hæc nimium quantum audaces sunt, in illis argumentis fundatæ, quæ omnia, & ipsa sunt debilia, & ex hujusmodi affectibus desumuntur, qui omnes occultam sui causam habent. Non sunt hæc actiones Prudentis sed Divini & Arioli; Id quod si mihi reculatis credere, Sancto Spiritui credite, qui cum de homine invideo loquitur, ait: *In similitudinem Arioli & Conjectoris æstimat, 23. 7 quod ignorat.* Astrologum spectate, qui cælum contemplatur, & magna cum autoritate pronunciat: hæc & illa domus cœlestis, domus mortis est; ibi Scorpîus, illic Serpens stabulatur. Stella illa rubicunda Martis est, semper strages meditantis, illa Veneris fax est, quæ nunquam non ad oblectationes carnis inclinat; & sic de aliis; cum tamen in cœlo horum nihil sit, nec mors, nec serpens, nec Scorpîus, nec sanguis, nec immunditia; & ista, quæ finguntur vocabula, ex rerum natura non sint petita. *In similitudinem Arioli, & Conjectoris æstimat, quod ignorat.* Qui temerè judicat, vult, ut malum, quod transit, de nunc sit præsens, & id: quod præsens est, etiam in futurum se extendat, & ut suas prædictiones magis certas ac securas reddat, hanc non oberrandi regulam sequitur: Judicare quod pejus est. Quasi verò actio quædam tam san-

sancta sit, quam, si quis ve'it, non possit pessimè interpretari. Phariseum illum, qui Christum convivio excepit, observate, & videbitis, num vera dicam. Magdalenam ille ad Domini pedes videt, & impuram Meretricem judicat; *Peccatrix est*, nec de præsentis tantum peccatricem eam credit, sed talem, quæ ne quidem, cum ad Christum accesserit, emendari valeat ac mundari. Et tamen Magdalena jam tunc Peccatrix non erat; ut quæ suismet lacrymis omnes animæ suæ maculas eluerat; nec in futurum peccatrix futura erat, ita ut illa, quæ fatuo huic Astrologo Venus videbatur immunditiæ plena, lucidissima stella esset, quæ velut Hesperus sequi debebat Justitiæ Solem usque ad occasum in monte Calvario, quin & ad ipsum tumulum: quæque ut Phosphorus eundem Solem præcurrere debebat, annunciatura ejusdem Resurrectionem, ita ut & Apostola, si ita loqui fas est, Apostolorum esset futura; qui à Magdalena primum de Resurrectione erant edocendi.

VII. Denique huic judicium turbæ non solum Jurisdictio & Scientia deest, sed ordo etiam in judiciis observari solitus, ex quo ordinis defectu perversum omnino judicium illorum est. Ante omnia obtutum in Judicem convertire. Ille, qui se ipsum constituit Judicem, simul etiam accusationis vices obit, quod in omni foro vetitum ac illicitum est. Præterea, uti dicebat Aristoteles, Judex argentarium æmulari debet, qui argentum verum ab adulterino dignoscat, & ideò subtili admodum investigatione

perquirat in factum, consideret conditiones & adjuncta, juxta illud Jobi de se dicentis. *Causam, quam nesciebam, diligentissime investigabam.* In nostro autem casu omnia alia sunt. Iniquitas Pentapolitanorum tam erat scandalosa, ut vicina omnis regio sceleribus inquinaretur, & gravitas peccati tam erat certa ac indubitata, ut omni momento è cælo fulmina provocaret: DEUS tamen antequàm sceleratissimos hos homines condemnaret, illorum causam denuò explorare, ipsum locum inspicere, & ipsemet enorme delicti corpus, utut famâ communi præcognitum, examinare constituit; *Descendam & videbo, Gen. 18: utrum clamorem, qui venit ad me, opere compleverint.* Non quòd Domino informationes istæ, ut ait S. Gregorius, sint necessariae, cum sciat omnia; sed ut nos inde doceamur, qui tam præcipites ad proximum nostrum damnandum ferimur. *Ut nobis exemplum proponat, ne malum hominum antè præsumamus credere, quam probare.* Fæmina aliqua vestium ornatu, præ aliis exulta in templum veniat: illico est, qui in corde suo asserat: vestis hæc pretium venditiæ honestatis est. Juvenula quædam pallidior vultu in publico compareat, & fractis viribus; subito quis intra se mussat: hæc mater est antè, quàm sponsa: macilentia ejus facies meritò me facit formidare malum ab ipsa malè admissum. Alia in morbum incidit, & aliquanto tempore inter socias non comparet, ecce, ait non nemo, quàm bellè ac solumerter ista uteri sui tumorem, & onus occul-

Job. 19. 16.

Gen. 18. 21.

L. 19. Mor. c. 14.

Mul-  
7.  
I.  
cor.



occultè positum dissimulare nōrit ac tegere. Paucis : licet venatione in corde humano nemini non sit interdictum, nemini tamen in eo venari non lubet; & si feræ desunt, eas ipse nasci facit. Ipsa etiam experientia mille deceptionum nostrarum non satis nos corrigit, quin identidem in malè sana judicia recidamus. Quoties judicastis, rem quampiam, domi vestræ sepositam, furto fuisse subleatam, & cum eam denuo reperistis, non furtum sed vestram oblivionem accusastis? Quoties jurassetis, neglectum ab hoc illòve urbanitatis officium non alio, quàm vos vilipendendi studio; postmodum autem cum inquirendo rem, ut erat, didicistis, casu, non contemnendi animo id contigisse comperistis? In morbis acutis, ajunt Medici, admodum incertas esse prognosces; eò quòd humor peccans facillimè sedem mutet. Id ipsum frequenter in judiciis, quæ de aliis ferimus, contingit: aut enim malum, quod asserimus, nunquam fuit; aut modò non est. Illa quæ impudica videtur, forsan non nisi aliquantum minùs cauta ac prudens fuit; aut si qualem credidistis, fuit, talis porrò non est, omninò respuit. In omni ferè eventu non nisi nudum malum intuemur, bonum autem, quod ei conjunctum est, intueri negligimus. Subjecti Zonæ torridæ duas singulis annis hyemes experiuntur, sed & æstates duas. Si non pauci homines vitia quæpiam sua habent, habent tamen etiam virtutes: si scandalo quopiam alios offendunt, dant tamen etiam egenis Eleemosynas; abstinēt

à murmurationibùs, neminem acriter mordent, mercedem Operariis fideliter exsolvunt, & peccatorum suorum maculas magnam partem charitate operiunt. Horum nullà habità ratione plerique ad sententiam decretoriam statim deveniunt, & quod in Judicibus Lacedæmoniis reprehensum fuit, non secundum Leges & Jura, sed secundum arbitrium suum judicant ac decernunt. —

VIII. Citaretur saltem antè Reus, Plu- & purgationes ejus audirentur. Sed tarch. nihil minùs. Alexander, cum accusatorem quempiam audiret, aurem unam manu obturbat, cum dicto: hanc accusato reservo integram. Quis nostrum est, qui in judicando proximo morem istum servet? plerumque non tantum defensio non adhibetur, sed nec admittitur; & creditur, quòd in dubio illa interpretatio sit optima, quæ omnium maximè est sinistra. Illa demum rara ac solers prudentia creditur, quæ pro infallibili habet, omnem calorem esse febrim, omnem febrim esse putridam, omnem putredinem esse lethalem; & sic quis æger inter desperatos habetur antè, quàm vena tactu exploretur. Disertè Jura præcipiunt, ut in dubio quilibet credatur bonus, aut saltem minùs reus, quàm secundum allegata & probata præsumi possit? Semper in obscuris, quod minimum est, se- L. sem quimur. Nos autem in judicandis per ff. aliorum actionibus alias prorsus leges, ad genium nostrum accommo- de Res Jur. datas, alia Digesta habemus, alios libros decretales, alios Codices; & his

Hippoc.  
L. 2. d.  
phor. 19.

his contra Proximum, non tamen contra nos ipsos utimur; siquidem ad excessus nostros excusandos, benignas sententias admittimus, aliorum autem ambiguos annutus inter certa flagitia numeramus. Insuper, qui ex officio Reos judicat, semper magis ad absolvendum, quàm ad condemnandum esse pronus debet. Nos semper inclinationem in sinu fovemus, quàm malimus proximum nostrum inter reos censere, & in solatium morborum nostrorum judicamus, sanum in Mundo hominem vix ullum reperiri. *Hoc habemus in malis solatium, nusquam inveniri Innocentiam*, dicebat Ennodius. Imò ita deceptionis hujus avidi sumus, ut, ne fortè errorem dedoceamur, non patiamur ad examinanda aliorum facta alia testimonia magis sincera & certa accedere, quàm sensus nostros, quibus illico omnia credimus, etiam contra manifestissimum DEI mandatum, quod inter peccata recenset; quòd in judicando solà nitamur apparentiâ. *Nolite judicare secundum faciem; sed justum judicium judicate.*

XI. An fortassis illud DEI præceptum minùs æquum fuit? si fidem solis habuissetis sensibus, quodnam vestrum fuisset de illo Latrone judicium, in Calvario Monte ad dextrum Christi latus pendente? Ille jam acceperat Jus stabile ad magnum illud Cœli Regnum. Et tamen vestrà sententiâ habendus fuisset homo nequam, mille mortes promeritus, perinde ac scelus locius, quem à Christi sinistrâ suffixerant. Vos quoque cum Eli Sa-

*R. P. Segneri Christ, Instr. Tom. I.*

cerdote Annam illum non Solum amore, sed vino ebrium præputatis. Non soli Melitenses, sed vos quoque damnassetis Paulum illum Apostolum, ut hominem consceleratum, qui vix à naufragio ad littus appulsus ipso mox in littore parum abfuerit, quin à viperâ venenatissima morsus vitam suo merito amitteret, quàm è fluctibus salvam extulerat. Væ castissimæ Judithæ; si vos Judices nacta fuisset, dum positis viduitatis suæ vestimentis, & lugubri vultu, totam se ad hilaritatem, & quantam potuit venustatem composuit, nec alio, quàm ancillâ suâ unicâ, comite totâ muliebris mundi pompâ superbiens in Assyriorum castra prodiiit, cum interim animo volveret grande illud consilium, mox facto ipso complendum, impium Holoferni caput demetendi. Muffitassetis saltem tacite vobiscum, Juditham nimis immatura viduitate fessam ire ad procos vel inter hostes quærendos. Et tamen vestra hæc sententia magis falsa ac mendax esse non potuisset. Sed hoc est periculum illud, cui expositus est, quisquis sensibus duntaxat in judicando ducibus utitur; ut sit judex audax potius, quàm rectus & æquus. *Nolite judicare secundum faciem, sed justum judicium judicate.*

X. Quod si ita est, quid tandem vos de iniquissimis istis sententiis pronuntiatis, quas sæpenumero in tribunali Phantasiæ ac opinionum nostrarum contra proximum nostrum promulgamus? an Judicium magis perversum, ac justitiæ contrarium reperi-

E e e

riri



riri potest; magis præcipitatum defectu notitiæ, magis injustæ usurpatum defectu authoritatis, ac Juris requisiti; hujusmodi temeritas vituperio dignissima foret, etiamsi ratiocinando veritatem assequeretur: perpendite proin, quantò sit vituperabilior, dum errat, ac fallitur? Temeritas Ducum etiam post victoriam punitur: an existimare possumus, post acceptam cladem impunè illam laturos?

## II.

XI. Restat igitur: ut videamus, quàm justè se ipsum condemnet, qui tam iniquè proximum suum condemnavit; quod erat alterum Discursus mei argumentum. *In quo alterum judicas, teipsum condemnas.* Verum, ut eò meliùs intelligatur judicii illius severitas, quo DEUS intrusos hos judices & inhumanos judicabit, geminam injuriam considerare oportet, quam judicando DEO inferunt & proximo. Et quod proximum attinget, damnum tantò est majus; ait S. Thomas, quantò majus est bonum, quòd judicio hoc nostro ei surripimus. Etenim apud nos ipsos bonum illud nomen, quod possidebat, illamque bonam famam, quæ inter bona externa principatum tenet, quàmque non rarò homines ipsi vitæ præponunt, auferimus. Tanto cum sensu S. David iniquè & præposterè ab hominibus se judicatum accepit, ut præoptaret à Divino etiam tribunali judicari, utut aliàs DEI judicia adoranda magis, quàm pervestiganda, tantopere formidaret. Nihil refert, dicebat ad

DEUM David, *Discerne causam meam de gente non sancta.* Domine tu causam meam judica, & tolle eam ab improba gente ista, totamque ad tuum tribunal transfer: *Dijudica causam, quæ mihi intenditur à gente non sancta.* Nam etsi justitia tua non sine rigore est, justa tamen est, nec timere me in tuo tribunali oportet, ut in illo hominum, ne meæ intentiones sinistrè accipiantur, ne causa mea reddatur difficilior; ne gratum sit judici state contra me præjudicia; ne passio inordinata prævaleat ad ferendam contra me sententiam injustam. *Discerne causam meam de gente non sancta.* Non diversa ab hoc Davidico sunt multorum justorum desideria, quia & ipsi à judicio hominum ad Divinum tribunal, in quo solo nemini unquam sit injuria, appellare coacti sunt. Casum proflus stupendum in hoc genere percipite, quem vobis constitui enarrare.

XII. Senex quidam virtutis consummatæ, & annorum plùsquam sexaginta, nomine Vitalius, relictà solitudine Alexandriam venit, negotii alicujus gratià, quod in quocunque alio temerarium videri debuisset. Sed Lux Spiritus Sancti, quæ cordi ejus manifestè illapsa est, securum eum reddidit, quòd ea in re non erraret. Ingressus est itaque civitatem, ut ardenti suo zelo satisfacere, & defudaret cum aliis in meretricibus ex impuditiæ corno ad bonam frugem reducendis, quæ magno numero inibi reperiebantur. Cæpit cum misellis istis agere, quæ rationibus quàm precibus, quin & Eleemosynis opportunè subministrandis,

dis, nec frustra, à pluribus enim impetravit, ut turpi consuetudini perpetuum nuntium remitterent; aliis verò, ut, si pacem stabilem cum DEO nunc quidem nollent inire, turpi vitæ penitus renunciando, interromperent saltem illam, & sic velut inducias cum DEO paciscerentur. Quapropter, argenti aliquid iis largitus vicissim ab iis exigat, ut noctem illam absque peccato transigerent; ipse verò interim excubabat modò in hujus, modò in alterius ædibus, ibique totam noctem in precibus, pro earum salute fundendis, absumens, interim à peccato eas custodiebat, peccus insuper pacto artissimum, ut ne cui mortalium hanc suam negotiationem manifestarent quâ non earum corpora, sed animas, ab iis cuperet. Studium hoc in oculis DEI tam sanctum, in mortalium oculis omni reprehensione dignum videbatur, quorum pars major non ut suspectam modò, sed insuper ut scandalosam hanc cum venalis pudicitiaë fæminis tantam familiaritatem vituperabat. Quare virum Sanctum, ad Joannem Eleemosynarium, Episcopum tunc Alexandrinum, detulerunt; qui tamen aut quia virtutem Vitalii satis perspectam habebat, aut quia innocentissimus ipse tales & cæteros non judicare consueverat, accusationem neglexit, suamque Vitalio libertatem integram permisit, ut porrò cum fæminis illis ageret; quarum una impetrare à se aliquando non potuit, quin in colloquio admirabilem Vitalii continentiam prædicaret. Hic verò, quis crederet? à DEO obtinuit, ut illa in pœnam vio-

lati arcani à Diabolo infestaretur; ex quo populus tantò magis in sinistro suo judicio confirmatus, non modò illud non deposuit, sed auxit etiam; ita ut fæminæ, uti rebantur, mendaci partim insultarent, partim etiam dicerent: Par esse, ut omnes ejus fæminæ damno saperent, & nemo deinceps impiorum causam ageret. Præ aliis autem Juvenis quidem, qui aurium tenuis obscænitatis luto immersus, capere non poterat; quòd alius mustelæ instar sine labe cum ejusmodi conditionis mulierculis commoraretur, cum summo mane Vitalium obvium habuisset, tum ipsum ex infami prostibulo egredientem; Hæcine, inquit, cella est, ubi habitas, malè feriate Monache? Hinc tui socii, quibuscum psalmos canis? & cum dicto insignem ei colaphum impegit. Tunc Vitalius, quàm sereno vultu nihil turbatus, tam luce supernâ illustratus: fili, respondit, pro colapho, quem mihi infregisti, intra breve tempus alium meo nomine accipies, sed tantò sonantior, ut tota Alexandria ejus sonum sit perceptura. Eventus Vatem probavit, nam cum juvenis ille paulò post plateam inambulet, Dæmon formam nigerrimi Æthiopis mentitus comparuit, ejusque lateri appropians alapam ei infixit tanto robore, ut sonitus ad teli jactum exaudiretur, cum dicto: Hic est ille colaphus, quem tibi Abbas Vitalius mittit in vicem illius, quem à te accepit. Mox Juvenis velut ex animis humi provolutus, ore spumas evomere, toto corpore agitari, furere, sic ut jam sui compos non



esset. Ubi ad se rediit, dolens agnovit admissi à se facinoris indignitatem & ad veniam obtinendam, magnâ populi multitudine stipatus, viri Sancti domum petiit. At ecce! cum fores recludunt; vident eum recens defunctum, orantis habitu, flexis popliribus, & manu utraque in cœlum porrecta, eo ipso situ, quo noctes totas pervigil in infamium muliercularum ædibus traducebat. Humi autem non sine insigni miraculo hæc verba insculpta legebantur: *Viri Alexandrini, nolite ante tempus aliquid judicare, quoad usque veniat Dominus.* Hoc tam prodigioso testimonio commoti omnes Virum Sanctum magno cum honore tumulo intulerunt: famina verò obtentâ jam loquendi veniâ miris laudibus Viri integritatem deprædicârunt, contestatæ, se eam hæcenus aperire non potuisse, religione præpeditas & minis, quas Vitalius loquacibus intentasset. Sanctus denique Juvenem Dæmone liberavit, qui eum & percusserat simul & invaserat. Juvenis autem, Mundo valere jussu, ille se ergastulo inclussit, ad vitam pœnitendo finiendam, ex quo Vitalius prodierat ad suam in Lupanaribus transigendam.

XIII. Ecce quàm procul sit Judicium DEI ab injuriis innocenti irrogandis, quas hominum judicia toties inferunt. Liceat mihi etiam hoc addere: si DEUS non vult, ut quis alterum judicet sinistrè etiam in casu, quo indicia haud obscura se offerunt, quantò magis illi displicebit, si quis

alterum sinistrè judicet, motus indicii admodum tenuibus & levibus, uti plerumque accidit? Videbatur in memorato eventu excusationem mereri, qui actionem professioni monasticæ tam adversantem (qualis erat illa non solum conversatio, sed familiaritas & frequentia cum mulierculis perditissimæ famæ) scelentis arguebat. Et tamen, quia Vitalii virtus tam erat nota, ut etiam S. Joannes Patriarcha eam in dubium vocare non auderet, par non erat, ut ab hominibus inferioris conditionis, tantò minùs sapientibus tam liberè condemnaretur. *Nolite ante tempus judicare.*

XIV. Verum tamen est, licet iis, qui aliis regendis præfati sunt, judicare concessum non sit, nequaquam tamen eosmet prohiberi, quò minùs provideant atque prospiciant. Atque *s. Thoma* ita, quæ est S. Thomæ doctrina, ubi *2. 2. q. 60. ar. 4. ad 1.* de aliquo judicando agitur, semper illa, quæ sunt dubia, in partem meliorem accipere oportet: cum verò de remedio providendum est, sive nobis, sive aliis adhibendo, ita procedendum videtur, quasi semper in deteriore parte omnia acciperentur, ut scilicet secundum sanæ prudentiæ regulas semper tutiora sectemur. Sic, exempli gratiâ, Mater quæpiam persuadere sibi debet, filiam suam castam esse, bene moratam, & famæ optimæ, dum argumentum aliud non habet; ex altera verò parte perinde invigilare debet, ac si alia omnia teneret, omnes gressus observando, omnes oculorum obtutus, colloquia omnia, non aliter, ac si nequissimam reputaret. Quæ pro-

*In vit.  
PP. l. 1.*

procedendi ratio nihil de judicio per-  
verso, plurimum verò de cauta guber-  
natione habet. Et secundum hanc reg-  
ulam concedo vobis, ut non facile  
quemquam illorum Juvenum vicinæ  
vestræ, qui tam bellè domos vestras  
circumeunt, in furum ac prædonum  
numero habeatis, dummodo interim  
Vineam vestram bene firmâ sepe cin-  
gatis, ut etiam qui voluerit, nocere  
illi non possit.

XV. Jam ad propositum redeun-  
do: magnam dico esse illam inju-  
riam, quæ proximo infertur, dum  
sine justa causa sceleratus habetur: sed  
haud paulò major est, quâ DEUS ir-  
ritatur: ita ut S. Dorotheus ausus sit,  
dicere; quòd vix aliud vitium sit, à  
quo DEUS ita abhorreat, illudque ita  
abominetur, ac à temerario judicio;  
in cujus dicti confirmationem addu-  
cit omnes Eremitæ Patres sibi optimè  
notos: *Nil magis avertatur & abo-  
minatur DEUS, quam proximum judica-  
re, ut praeclare asserunt omnes Patres  
nostri.* Et non sine ratione. Etenim  
temeritas ista plurimorum malorum  
origo, & insuper gravissima injuria  
est, quæ omnibus tribus SS. Trinita-  
tis personis infertur. Mille quidem  
malorum origo est, cum sit fons om-  
nium detractionum magis vigentium  
& universalium, atque omnes plateas  
& fora inundantium. Vix hic aut  
ille sinistrum de proximo suo judici-  
um formavit, illico etiam alteri cui-  
cunque illud manifestare festinat. Ut  
sic de quibusdam illud dici possit,  
quod Plinius de Locustis scripsit, ea-  
rum stridorem non è pectore, sed oc-

cipite provenire. Ita quorundam *Plin. l. 1.*  
garrulitas cerebro est connexa, ut *11. c. 19.*  
quidquid per hoc adversus proxi-  
mum suum transit, illico sine respectu  
aliis enarrare velint. *Tota die inju-  
sticiam cogitavit lingua tua.* *Ps. 51.*  
Ipsam *42.*  
cogitare loqui est, adeò apud non-  
nullos conjuncta sunt. Et quamvis  
hæc judicia nonnunquam proferan-  
tur, seu suspensiones tantum, addita  
protestatione, iis fidem non adhiberi;  
magnum tamen inde malum gene-  
ratur; quia ubi audientibus nimis  
quàm facile creduntur, ac facillimè  
etiam divulgantur: & licet forsan  
in omnimodam diffamati denigratio-  
nem ista omnia non cedant; offusca-  
tur tamen bona ejus fama, non aliter,  
ac quæ fulmine quidem non omnino  
tanguntur, halitu tamen quodam  
afflata colorem suum amittunt. Cum *Albert.*  
enim malignitas infractis jam viribus *M. l. 3.*  
intima pervadere non possit, extima *Met. tr.*  
saltem inficit, & splendore suo spoli-  
at. *3. 6. 22.*  
Pejus adhuc est, quòd ex hoc  
ipso fonte subinde oriantur rixæ, rancor-  
es, inimicitiae, quin ipsa etiam homi-  
cidia non pauca; quæ non omnia ex  
prima illa temerariè concepta, & pe-  
jus inter alios sparsa suspitione pro-  
manant.

XVI. Dixi insuper, Judicia isthæc  
singularem SS. Trinitati injuriam fa-  
cere. Fundamentum hujus meæ as-  
sertionis audite. *Unus est Legislator* *1ac. 4.*  
*& Judex, qui potest perdere & liberare,* *13.*  
ait S. Jacobus, *tu autem quis es, qui ju-  
dicas proximum?* DEUS ita unus est,  
ut collegam habere non possit: *Unus  
est.* Et tamen, qui in partem officii



judicialis venire vult, Collegam ei se vult adjungere in officio Judicis, & nescio, an non etiam Legislatorem. Est hæc Superbia Luciferi Superbiæ simillima: *Ascendam super altitudinem nubium*, fastuosus iste dixit, *similis ero Altissimo*. Simile quid dicere videtur, quicumque hominum corda penetrare (locum magis à nostro conspectu remotum, quam ipsæ nubes sunt) & ibi sicut DEUS vult ferre sententiam de iis, quæ fiunt. Quæ verò major esse temeritas possit? ait S. Bernardus: Pater Æternus, cum sit Mundi Legislator, Judex etiam esse posset, non vult tamen Mundum judicare,

*Joann. 5.* sed munus hoc Filio suo cessit: *Pater non judicat quemquam*: & ego, pergit Sanctus, in munus, quod æternus Pater ultrò non exercet, involabo? Et

*Epist. 41.* ego mihi assumam, quod nec ipse Pater assumit? An in creatura putidissima fingi audacia major possit? Et hæc de injuria in primam Personam designata; ad secundam transeamus. *Unus est Legislator & Judex*. Filius DEI est iste Judex, qui constitutus est Judex Vivorum & Mortuorum, hoc est, Proborum & Improborum: *Constitutus est Judex Vivorum & mortuorum*. Quantam non injuriam infert Divino Tribunali, qui officium judicandi sibi arrogare, & sedem Filio DEI reservatam occupare non veretur? Non multum ab hinc temporis effluxit, cum nobilis quidam Eques, quod Sellam regiam insedisset, vitæ factum illud suum luit. Quam igitur poenam ac supplicium merebitur Arrogantia, quæ omni ferè horâ similes


ausus in DEI Filium attentat? Præfertim cum, licet hic Judex talis sit, qui in nullo suo judicio falli potest, juxta illud: *Si judico ego, judicium meum* <sup>10. 7.</sup> *verum est*: tam modestè, tamque benignè hac sua potestate utatur, ut ne quidem mulierem de adulterio jam convictam, condemnare velit. Cogitate itaque, an temeritatem & audaciam illorum toleraturus sit, qui summa cum facilitate alios, quandoque ne quidem reos, condemnare præsumunt? & hæc est injuria in secundam Personam commissa. Ad Tertiam veniamus. *Unus est Legislator & Judex, qui potest perdere & liberare*. Spiritus Sanctus, quamvis possit justè & punire & liberare, juxta arbitrium, mavult tamen, impellente infinita bonitate suâ, & ipse erga opera sua exercere miserationem & pietatem infinitam, quam supplicia & poenas. Quam igitur ingratum invisumque ipsi erit, si Peccator, cujus esset pro peccatis suis met misericordiam implorare, semper in id incumbat, quomodo alium aut puniat, aut sententiam contra ipsum ferat, interpretando sinistrè cogitationes, divinando de consiliis & animi decretis, dicta cavillando, & lacerando Christianam illam charitatem, cujus proprium est; nescire, facile mala cogitare? *Charitas non cogitat malum*; utpote quæ instar pretiosæ aurifodinae omnem etiam illam aquam reddit pretiosam, quæ per illius venas transit. Hæc arrogantia ita S. Spiritui displicet, ut inter omnia Mundi scelera nullum ita se reprehensurum, &

speciali

\* \* \*







## DISCURSUS XXIX.

*De Detractione.*

I. **S**i iidem Aphorismi proportionem quadam locum habent in cura Animorum, quibus Ars Medica in curandis corporibus utitur, cogor hodie DetraCTORIBUS alieni mali nuntii bajulus esse. Non dicam, quod de illorum salute desperem, dico tamen, malè eos habere, ac haud paulò deterius, quàm ipsi sibi persuadeant. Apud Medentes, Axiomatis instar obtinet, quod in acutis præsertim morbis certissima signa ex linguæ habitudine colligi possint; ita ut hujus in manifestandâ morbi naturâ fides certior sit, quàm arteriæ pulsus. Si in ore febris laborantis linguam conspiciamini instar extincti carbonis nigram, & instar ardentis accensam; etiam si Arteriæ pulsus aliud loqueretur, nolite ei fidem habere; linguæ potiùs credite; & parate ad sepulturam necessaria; Infirmus enim paulò post funus erit. *Lingua nigra & virulenta, calamitosissima.* Id ipsum dicam in animorum vestrorum cura. Si arteriam quorundam exploro, rectè se habet. Multi illorum frequentant Tempia, jejuniò subinde intra hebdomadam se macerant; publicè privatimque preces ad DEUM fundunt. Rectè ista se habent. At si linguam maledicentiâ inflammata, & quod pejus est, nigram, toxicòque infectam re-

spicio, timeo, ut, quod res est, fatear, occultam quamdam & non facilè medicabilem malignitatem, quæ mortem, eamque æternam accersat. Quæso igitur, attentis hodie animis auribusque adeste; etenim si non aliud, quàm mali hujus gravitatem intellexeritis, sola hæc remediù non parum efficacis locò esse posset.

II. Optarem quidem omnem ab ore vestro maledicentiam, si tantum promittere mihi unquam possem, quàm longissimè in exilium amandare, præ cæteris tamen illam, quæ occultè famam proximo, si non tollit, minuit certè, & Detractio dicitur: fit ea duobus modis. Primò, quando ad nocendum famæ Proximi falsum spargitur: secundò, quando verum quiddam dicitur, sed occultum; aut notum quidem, verum exaggeratum & auctum; aut cum in bonam partem accipi posset detortum in sinistram. In primo peccatur gravius, cum malitiæ detractiois etiam mendacium accedat: in secundo non ita quidem graviter, magis tamen frequenter. Et idè quia hoc malum admodum commune est, quod nullo negotio quilibet agnoscere in se ipso potest; hoc potissimum hodierna Dissertatione petere constitui. Et,

ecce

Hipp. in  
Coac.  
Fran.

ecce, dum me ad rem accingo, oculis sese meis ingens illa fera exhibet, quam S. Propheta Daniël in visionibus suis mysterio plenè spectabilem habuit, triplici terribilium dentium ordine armatam: & in hac plùs quàm in alià quamlibet perfectam alienæ famæ detrahentis effigiem agnosco: qui haud dubiè fera est, cùm sit humani generis inimicus, & os habeat, quod non tantùm dentibus armatur ita exacutis, ut S. Spiritus eos gladios dicat: *Generatio, quæ pro dentibus gladios habet*. Sed insuper dentes hos triplici ordine ac serie dispositos, quibus simul eodémque momento tres omnino strages edat, stragem in Proximè absentis famâ, quam primo ante oculos ponam: stragem in animo Proximè, præsentis, quam secundo; & stragem in ipsa Anîma DetraCTORIS, quam ut cæteris graviolem tertio loco persequar.

## I.

III. Primò itaque Detractio famam devorat Proximè absentis, & sic uno bolo plùs consumit, quàm famosa illa Regina, quæ nobili suo hospiti in una margarita liquefacta plusquam dimidiū millionis pretium bibendum propinavit. Nihil exaggero: *Melius est nomen bonum, quàm divitiæ multæ*: Magis quæ est æstimabile nomen Justī, quàm totius Mundi caducæ divitiæ, quæ & justis, & Peccatoribus communes sunt. Fama inter bona exteriora magnum valde bonum est, ut *hom.* docet S. Thomas, & ad commercium humanum virtutisque veræ studium summè necessarium. Quod bonum

valdè magnum sit, manifestum est, nam æstimatio vita quædam civilis est, & bonum hominis, ut homo est, & differt à belluis, proprium. Etenim belluæ, quamvis etiā ipsæ appetant suo modo excellere, seque opponant talem excellentiam impedientibus, non affectant tamen bonum nomen, ut affectat homo, & honorem inde redundantem. Imò si illa æstimatio, quæ rem quampiam Dominus prosequitur, & custodit, pretium ei addit, dicere necessum est, quod vita hæc Moralis, quæ inter homines cum quadam dignitate vivitur, vitam naturalem quodammodo adæquet, aut fortasse excedat: cùm magna hominum pars publicam infamiam magis, quàm ipsam mortem horreat. Deinde bonum famæ ad commercium humanum, & vitam cum virtute agendam summè necessarium est: per illud enim homo fit aptus ad omne genus negotii & officii, quod eum inter homines exercere oportet. Et, si nihil aliud præstaret, nunquam non frenum est, quo quis ab omnibus se cohibeat noxis, quæ eam aut perdunt, aut perdendæ periculo opponunt. *Fac. s. Thom. ma facit idoneum ad officia humana, & quod l. præservat à peccatis.* Et quamvis *10. art.* Lex Christiana doceat, hominum æ- *13.* stimationem expetendam non esse, imò ne curandam quidem; id tamen sic accipiendum, ut vetet eam tanquam finem sectari: nam famæ ut mediū cuiusdam maximè ad virtutem exercendam necessarij rationem habere, est res laude dignissima, præsertim in eo, qui non soli sibi à communi con-



sortio abjunctus vivit, sed etiam aliis: unde honor justè æstimatur, nihil, quo perdat, mali operando; justè etiam contemnitur, nihil, quo obtineatur, mali operando.

IV. Ex quibus omnibus nullo negotio colligere licet, quanto damno DetraCTOR proximum absentem afficiat, cum suam ei famam devorat. Damnum certè tam magnum est, ut in comparisonem cum homicidio veniat, licèt illud non exæquet: Qui occidit fratrem suum, & qui detrahit ei, pariter homicida esse monstrantur. Et hoc fermè significare vult sacer Textus, cum modò novaculum, modò sagittam, modò gladium vocat, ad denotandas scilicet luculentas illas plagas, quas cordi proximi & bono ejus nomini infligit. Imò si lingua DetraCTORIS se sola non pertingit ad proximum etiam vità naturali privandum, aliis tamen perfrequeñter ensem in manus porrigit, cum magna cruentarum rixarum, ac jurgiorum pars primam suam originem ex detractionibus habeat. Unde si observetur, quod res est, in istis privatis pugnis plerumque lingua tuba est, quæ ad illas provocet, animètque.

V. Unde etiam credo, quòd, quoties hi detraCTores os aperiunt ad nocendum alienæ famæ, nunquam id faciunt sine peculiari & proxima mali Dæmonis ope, qui paratissimus est ad linguam calore quodam stygio accendendam, ut audaciore verbulò funesta prorsus incendia excitentur: &

Jac. 3. 6. hæc est illa lingua inflammata à geben-

na. Et qui illam ut talem melius nôsse vult, solertiam attendat, & artes nequissimas, quibus proximi famæ, quantumvis crassæ in aliis omnibus negotiis Minervæ homines nocere sciunt.

VI. Ut metam certius tangerent, à longè non rarò imò ab opposito ordiuntur, nimirum à laudibus. Sed DEUS vos protegat: cum Piscator oleum aquæ superfundit, argumento id est, quod Tridente certò ferire satagat. Exordiuntur sermonem, quòd nescio quæ reverà domus suæ curam habeat, prompta sit, provida, supra faminam sapiat in gerendis suis negotiis; majori tamen laude digna futura, si oculos ad rem alienam non adjiceret. Advertite, quod linguæ genus! An non leoniæ, quarum bestiarum lingua tam non est lenis, ut etiam, dum lambendo blandiuntur, sanguinem eliciant? Puellam quamdam laudant, sed mox addunt ejusmodi correctionem, ut melius miseræ foret, à laudatoribus istis suis fuisse maledictis, quàm præconiis impetitam. Referunt de quibusdam veneficis, quòd solis laudibus infantes fascinent. O bellum infantulum, quem

olau  
M. l. i  
c. 1.

brachiis tenetis! quàm est vegetus, quàm hilaris, quàm vivax! Vix ista dicuntur, cum miser infans malè habere incipit, languet, deficit, ac sicut virgula ex aromatibus confecta, consumitur, absque eò, quòd sciatur, quomodo ardeat. Similem prorsus artem suis encomiis fascinandi Detrahentes invenère, quàm plus sæpè utuntur,

tur, eâ efficacia, ut nulli contra illam exorcismi valeant.

VII. Aliàs tanquam miserantes telam suam ordiuntur, & cum minimè timetur, crudelitate finiunt. Displacere sibi ajunt, quòd homo tantæ familiæ, insigniùmque dotium ac facultatum, quem tanto cæteroquin amore prosequerentur, hoc & illo vitiorum genere se obstringendo, sibi suisque tam turpem notam inurat. Serpentem quemdam, rerum naturalium Scriptores referunt, capite candido, qui dentes non habeat, spumam ore tam malignam versare, ut insanabili plaga inficiat, quemcumque asperferit. Serpentes hujusmodi sunt Detractores: videntur bonæ mentis esse, simplices, sinceri, adeò, ut, cum loquuntur, nonnisi ex ardenti Zelo loquantur, nec dentes, quibus mordeant, habere censeantur. Sed ne quis accedat propius! quia spuma, quam è labris ejiciunt; dentium vicem supplet, & nimium quantum lethifera est. Videas, ait S. Bernardus, *vultu mæsto, emitti maledictionem, tantò persuasibiliorem, quantò creditur magis condolenti affectu, quàm malitiosè proferri.*

VIII. Nec minori postmodum artificio utuntur in augendis, & amplificandis aliorum culpis. *Os tuum abundavit malitia*, ait Propheta, vel, ut ali ex Hebræo legunt; *in ore tuo crevit malitia*, sicut in quibusdam speculis singulari arte factis objectum crescit, ita ut tantillus culex instar æquilæ appareat. Maria Soror Moysis cognatam suam per contemptum

appellavit Æthiopissam: non quòd hæc reipsa talis esset, sed quia inter Madianitas prognata ab æthiopum consinibus veniebat. Ita voces earumque significandi vim detractores confundunt; vocant fæminam illam procacem, quæ vivacior aliquando est; aliam appellant adulteram, quam nonnisi petulantius risisse, aut donum aliquod occultè admisisse videntur. Quòd si etiam semel fortè lapsa est, ex facto unico vitam omnem judicant, ac obstinatè contendunt, præsumptionem contra illam stare, quâ fiat, ut jure semper mala censeatur, quæ semel talis ab ipsis deprehensa est. *Semel malus, semper præsumitur malus.* Artificium equidem hoc illorum est, quod, ut ad id, quod innuebam, revertamur, jure credi potest ab assistente ipsis dæmone suggestum fuisse: ab illo, dico, qui Evæ in Paradiso terrestri facundiâ suâ ipsum potuit DEUM suspectum reddere, unâ eadèmq; operâ insimulando illum immoderati rigoris in præciendo, invidiæ in præcipiendi causa, & falsitatis in minis mortis obcundæ.

IX. Quòd si etiam scire aveatis, quare ejusmodi homines tot semper in detrahendo artibus studeant, id inde fieri assero; quòd hæc sit natura & indoles detrahentium; nocere occultè. Non apertò Marte adversarium suum aggrediuntur, ut contumeliosi, sed ex abscondito; ut omnino eos se demonstrent, qui reverà sunt, Proditores inquam; sæpius enim ad sidera usque præsentem ali-



quem & audientem laudibus attollent :  
mox autem ac ille tergum obverterit ,  
pessimis illum modis traducunt , & A-  
spidum instar calcaneum admordebunt.

*Ecccl. 10. Si mordeat serpens in silentio, nihil eomni-  
nūs habet, qui occultè detrahīt.* Ex  
quo ipso nemo non videt , quanta in  
famam proximi strages resulet. Con-  
tumelia retorqueri potest à recipiente in  
inferentem ; is cui honor detrahitur ,  
plerumque nec in authoris notitiam ve-  
nire potest. Famæ suæ diminutionem  
etiam viri in Republica Principes ferant  
necesse est, quantumvis à vilissimo sub-  
de scurra proveniat.

## II.

X. Et ecce damna , quæ Proximus  
absens à Detrahentibus de fama pati-  
tur. Sed levia sunt ista , si conferan-  
tur detrimentis , quæ Proximo præ-  
senti & audienti in animo inferunt ,  
atque hæc duplicis sunt generis ; di-  
recta alia , ut loquimur , alia indire-  
cta. Indirecta , teste S. Chrysostomo ,  
sunt illa , quòd hac ratione famæ alie-  
næ fures faciant , ut omne delictum  
evadat scandalosum , sitque aliis of-  
fendiculo. Ipsi enim sunt , qui ip-  
sum illud non magnum malum , quod  
tamdiu occultum latuerat , in lucem  
& publicum protrahunt. Hinc est ,  
quòd lepra illa , quæ intra vestes re-  
condita nemini nisi infirmo nocebat ,  
in quo nata erat , manifestata & à plu-  
ribus contrectata ita contagiosa eva-  
dat , ut paulatim ac sensim totam Pro-  
vinciam inficiat. Videntur vitium  
persequi , qui eo infectos traducunt ;  
sed , si suis res momentis libretur ,

non ita est ; potius enim hac ratione  
pudor tollitur , qui unicus est obex ,  
quò minùs impietas alveo egressa la-  
tè omnia inundet. Mulier illa , quæ  
vicinorum delicta recensere audit , se-  
cum miffat : Res igitur tanta non  
est , peccare , uti mihi imaginor ; nec  
casus adeò rarus est , peccasse : & hac  
ratione delicta sua hætenus commif-  
sa pro devibus habet , ac novum ani-  
mum concipit ad similia deinceps  
perpetranda. Qui in occulto pec-  
bat , minùs peccat , ait S. Thomas : 3 p. 9.  
huic etiam Jura consentiunt , cum vo-  
lunt , ut severius longè castigentur ,  
quæ intra mœnia urbis , quàm quæ ex-  
tra , delicta committuntur. Jam De-  
trahentium scelere sit , ut non solum  
affirmari possit , cunctos palàm de-  
linquere , sed delinquere , ubi fre-  
quentissimus est populus , ipsi in fo-  
ris ac compitis ; neque enim ullum  
jam delictum tam occultum est , ut  
illuc velut ad spectaculum non de-  
feratur : & quia nihil est facilius  
quàm imitari , pauca committuntur sce-  
lera , quæ non transeant in exempla ,  
inexplicabili morum corruptelâ.

XI. Alterum damnum , quod Detra-  
ctores Audientibus accersunt , est magis  
directum , cum facillimo labore eos in-  
ducunt ad delectationem ex auditâ  
Detractione capiendam , & ad pariter  
detrahendum. Detractio se ipsâ est  
cibus quidem sapidissimus Detrahen-  
tium palato , non solum ob illam  
communem oblectationem , quam  
nemo non habet in dictis suis : *lata- Prov.*  
*tur homo in sententia oris sui :* sed e-  
tiam ob delectationem quamdam pe-  
culia-

culiarem. Qui enim alios vituperat, se gradu quasi superiorem ipsi constituit, & tanquam eorum Judicem: id quod est tacita quædam contestatio, se ab illo malo, quod in altero criminatur, esse penitus immunem; unde tantò etiam ampliùs in se ipso sibi complacet, ob excellentiam illam suam à se, detrahendo aliis, stabilitam, & alienis ruinis altius erectam. Exigua igitur invitatione & incitatione opus est, ut circumstantes hujusmodi cibi desiderium & famem concipiant, haud aliter, ac in illis, qui mensam opiparè instructam contuentur, facile orexis excitatur, nec ulla in accumbendo mora est: *sedens adversus fratrem tuum loquebaris & adversus filium matris tue ponebas scandalum.* Pessimum est, quòd ad mensam istam, quò plus avidè devoratur, eò ampliùs crescat voluptas: imò tantò etiam magis crescunt ipsæ dapes, cum quilibet de suo ferculam unum addat, referendo novum aliquem eventum aliis ignotum: & arborem in terram dejectam velut per otium plures in partes diffindendo; cum pietas postularet, ut prolapsam potius denuo erigeret. Unde D. Bernardi fuit sententia, quòd inter Detrahentes & detractionem audientes hoc intersit: quòd, qui detrahit, Diabolum suum in lingua habeat; qui audit, in auribus: id quod sic accipiendum est, quando, qui audit, Detractione delectatur ex odio versùs Proximum concepto; aut quando absque isto odio Detractorem ad porrò detrahendum

incitat, aut cum potest, illi non resistit.

XII. Oportet igitur, antequam ad alia transeam, vos docere adjurationem quamdam admodum efficacem, quà maledictum hunc Detractorem ab auribus vestris, si fortè intrasset, expellatis, atque etiam auditum, ne ingrediatur, occludatis, Inprimis igitur fidem tot honoris alieni detractionibus nullam adhibete. An vobis æquum videtur, testes nullo prævio examine admitti? reum inauditum condemnari? imò ne interrogatum quidem, aut rei statu ullatenus investigato? Quodsi fortè facere non potestis, quò minùs dictis assentiimini, saltem nemini cuiquam illa revelate, non domesticis domi, non amicis aut conjunctis foris. Quàm stultè se purgant, qui dicunt: *detraxi, sed primus non fui, qui rem vulgaret; ex aliis intellexi, uni soli aperui, arcani fide petita.* Nemini, ne uni quidem, sic audita revellanda sunt. *Au-* Eccl. 19. *disti verbum adversus proximum tuum,* 10. ait Spiritus S. *commoriatur in te;* absque eo, quòd ad animum cujusdam alterius propages. *Commoriatur in* Exod. 37. 23. *te.* Hinc DEI præceptum est, ut fangi purgatorum in Templo illo suo luminum non solum in destinata ex auro purissimo vasa conjicerentur, sed quamprimùm etiam extinguerentur, ut ne quem teter inde odor afflaret; docens hoc paradiigmate, prava exempla omnia celanda & tegenda esse. Sed furdis propè ista canuntur. Quàm pauci enim sunt, quos vel religio, vel prudentia, ad hujus documentum



executionem impellat? *A facie verbi parturit fatuus.* Vix ad nescio quem rumor aliquid pertulit, quod alterius famæ notam inurat, cum parturientis instar stare nescius, horam quamlibet millenas reputat, dum conceptum animi foetum pariat; & mirum quantum affligitur, dum inveniat, cui arcanum revelet. *A facie verbi parturit fatuus.*

XIII. Non sufficit etiam ad se purgandum: *Audivi hæc referri ab aliis, primus non fui:* non sufficit, inquam, quia ut initio offendi, fama læditur, etiam cum vera, sed eatenus ignota, recensentur. Etiam qui deliquit, etiam si, ut ita dicam, dominium famæ suæ amiserit, iuste tamen ejusdem retinet possessionem, quia publica delicti hujus ignoratio facit, ut pro innocente, uti antehac, habendus sit. Antiqui Spartani, cum in aciem campumque prodirent, rubris se vestibus induebant, ne cruor vulnus acceptum manifestaret, nunc omnibus jus istud competit, quamdiu vivunt, ut noxis suis occultatis sani videantur, licet luculenda sub veste plaga copioso sanguine manet. Vos proinde, qui illam plagam aliorum oculis spectandam exhibetis, nullâ prudenti causâ impulsî, rei estis illius pudoris, quo miser suffunditur, qui ipse sibi, nemine alio conscio, mederi poterat, & sanari.

XIV. Imò si quod delictum aliquando fuit publicum, subinde autem aut morâ temporis oblivioni traditum, aut viæ entendatione redintegratâ famâ velut sepultum; haud

sanè levis noxa erit de illo denuo sermones miscere, & nescientibus manifestare. Et verò ea re non Charitas solum, sed & Justitia lædatur; cum fama, quam proximus annorum beneficium, & ope emendationis suæ receperat, auferatur. Neque tamen hoc ipso prohibemur, noxam etiam gravem alterius manifestare, si id non nocendi animo, sed aut consilii exquirendi, aut dandi gratiâ, aut etiam studio impediendi damnum, quod ex delicto, si occultum maneret, in bonum publicum, aut privatum redundare potest, fiat. Licet ea in readmodum cautè procedendum sit; & sicut chirurgus plagam latius non aperit, quam ejus per sanandæ necessitas exigat, ut, qui non augere vulnus & periculum, sed sanitatem restituere intendat; ita & aliena delicta manifestare plus non oportet, quam mali impediendi ratio exposcat, cum hujusmodi manifestatio non ad criminis conscientiam propagandam, sed ad nata inde damna reparanda referatur. *Licet vicini luminibus officere, si ei servitutem non debeamus.* Ita Lex, quâ docemur, non semper injuriâ fieri, quod aliâs jure vetitum est & interdictum.

XV. Postremum, quod iis, qui alienæ famæ detrahentes audiunt, suggerere possum, documentum est; eos vel non audire, vel saltem nunquam libenter audire. Ipsius Divini Spiritûs insignis ac præclara hæc doctrina est, per quam idonea adversus Detractiones, ut aures nostras spinis tepiamus: *sepi aures tuas spinis; linguam* Eccle 28.  
*nequam noli audire,* Non jubet, ut 28.  
lin-

linguam nostram sepe cingamus, ne aliis narret, quæ audit mala: neque enim istud sufficit: jubet, ut etiam aures sepiamus, ne illa audiamus. Fit autem istud, cum vel detrahenti opportunè aurem vellicamus, hortamurque, ut ab ejusmodi rerum enarratione desistat; id quod tum maximè locum habet, cum aliquid in loquentem autoritatis nobis competit; aut cum id solenter agimus, ut aliò sermonem convertamus, proposita dextrè in medium de re, aut negotio alio quæstione; quæ fuit laudatissima solertia magni illius Thomæ Mori, & vitæ ex virtute actâ & morte constantissimè obitâ laudatissimi. Saltem defigendi sunt in solum oculi, & non dissimulandum, quòd stomachum nobis moveat narratio non cum Justitiâ minùs, quàm Charitate pugnans. *Ventus Aquilo dissipat pluvias & facies tristis linguam detrahentem.* Quapropter, ut nemo merces, quas scit ingratas esse, & emi à nemine, venum exponit; ita nemo perget alienas noxas propalare, ubi noverit se audientibus molestum esse. Sic ad rem bellissimè respondit vir sapiens narranti, audivisse se ab inimico illius dici sanè quàm atrocia: Non ita liberè, aiebat, alter in famam meam grassatus esset, nisi tu illi & aure & vultu placido auscultasses: quare si quid peccatum est, à te peccatum est. Scribunt de Delphino Philosophi, quòd audiat, etsi audire non videatur, propterea quòd hujus sensus organum nuspian appareat. Idem faciat oportet, quis-

quis detrahentes impedire auctoritate non potest: oportet, ut, etsi audit, se tamen audire dissimulet: non applaudat, non subrideat, aut annutu probet, non quovis alio signo prodatur, placere sibi, quæ narrantur. Sic amicè cum Sanctissimo Psalte persequemur Detrahentes: *Detrahentem secretò proximo* Ps. 100. *suos, hunc persequabar.* Aut saltem providè agemus, ne nobis ea Detractio possit imputari. *Cum Detractoribus ne commiscearis,* quantumvis cæteroquin inter eos assiduè nobis esset vivendum. Verùm si vel homines offendendi metus, vel quævis alia similis causa nos ab ejusmodi actione, quâ resistamus Detrahenti, impediat, tum enim verò & loquens & audiens tam se ejusdem noxæ reos constituunt, ut Mellissius Doctor ignoret, quis magis delinquat. *Detrahere, aut Detrahentem audire, quid horum damniabilius sit, non facile dixerim.* ad Eug.

XVI. Observate, quot cautionibus ac provisionibus sit opus, nequid detrimenti capiat bonum & tam ingens, & tam delicatum, quantum est, bonum Proximi nomen & existimatio; & capite tandem, quantum humano generi Detrahentium linguæ noceant, dum & famam absentium, & animos præsentium eo loco, quo illæ peccant, tam graviter lædunt. Quamquam quod hæctenus à me allatum est, comparatione eorum, quæ dicenda restant, aut nihil, aut certè parum est. Os detrahentis os Viperæ est: *Plena Jac. 3. 1. veneno mortifero.* Non tamen imitatur viperas interficiendo: hæ enim non se, sed alios; at illud se magis, quàm alios veneno laniat. *Cassiodorus*



Sup. I.  
2. 116.

vos à *murmuratione*, & à *detractione* parcite lingua. Magnus omnino animæ hostis est lingua detrahens; ab hoc proinde tutos vos securósque red-  
dite, clamat Sapiens, vigili omnia ocu-  
lo observate, construite receptus, ag-  
geres erigite: *custodite vos*. Et si nec  
Proximi existimatio, nec ejus animus  
vobis curæ cordique sunt, vestram sal-  
tem rem, vestram salutem, quæ non  
minùs periclitatur, non negligite: à  
detractione parcite lingua hic, à detra-  
ctione lingua parcite vobis.

Ita Hag-  
bit.

XVII. Periculoso omninò loco sunt  
res Detrahentium & ob morbi ipsius,  
fanè quàm maligni, indolem, & ob  
remedii difficultatem. Primò peccata,  
quibus proximus læditur, metiri tole-  
mus damno majore aut minore, quod  
inferunt: hoc enim ex detrimento fit,  
ut in peccatis censeantur. Quod cum  
ita sit, quis explicet, quàm grave sit  
delictum suamet naturà Detractio,  
quia, ut diximus, Proximum privat  
vitâ morali, quam multi non minoris,  
aliqui etiam pluris faciunt, quàm vi-  
tam naturalem? Nec id immeritò, ad-  
stipulante Lege; propterea quòd vitâ  
naturalis paucorum annorum periodo  
definita sit; existimationis autem &  
famæ vitâ æternum vivere videamur.

3. Thom. Per bonam famam homo vivit in ater-  
num.

2. 2. 9.

73. 4. 3. XVIII. Nec satis ac pro merito Ex-  
istimatio ponderatur, dñm ut bo-  
num particulare attenditur. Necel-  
se est illam contemplari ut bonum  
quoddam universale, quod ad omne  
aliud genus bonorum acquirendum  
serviat. Pavo ubi illam tot illustrem

coloribus, quâ explicata unicè super-  
bit, caudæ appendicem amiserit, se ip-  
sum erubescens in gallinarii angulo la-  
tere cogitur. Eadem non paucorum  
infeliciam mortalium fors est, qui ob-  
famæ jacturam, quam passi sunt, mise-  
ram trahere vitam debent, ab aliorum  
consortio exclusi, prohibitive offi-  
ciis ac muneribus non utilibus minùs,  
quàm splendidis, quibus cæteroquin  
ministrandis idoneos bonum no-  
men fecisset, quæque jure quo qui o-  
ptimo sperare potuissent.

XIX. Nascitur præterea hæc alieno  
nomini nocendi sitis ex febris interna,  
& humorum motorum ac perturba-  
torum dissensione longè gravissima.  
Crebrò enim animus Detrahentium  
incenditur odio intestino erga proxi-  
mum: ex quo fit, ut cum illi manu  
& armis vindicare se nequeant, lin-  
guam arment, & tacitâ quidem ac sur-  
dâ, sed non minùs acri vindictâ, te ul-  
ciscantur. Aliàs Livor & Invidia, quæ  
cor exedunt, linguæ suggerunt verba  
maledica. Et hinc Angelicus Doctor  
Detractionem non Iræ, quæ contu-  
meliosis verbis præsentis laceffit, sed  
Invidiæ filiam agnoscit, quæ etsi om-  
nibus quidem modis nocere cupiat,  
præcipue tamen damnis occultè illatis  
latur.

XX. Aliàs ad detrahendum impel-  
lit mera nequitia, & pessima bonum  
aliorum statum evertendi, virtutis æ-  
stimationem auferendi, aut scandala  
ac animorum alienationes passim se-  
minandi voluntas; eventu destinatis  
plus sæpè respondente. Fœtore lu-  
cernæ malè extinctæ plures prægnan-

res abortiêrunt: haud paulò sæpius, personæ, quæ sancta melioris vitæ proposita conceperant, jam virtutum semitam ingressæ, retrò abeunt, mutant decreta, ad id impulsæ pestilentis cujuspiam linguæ dictæis, sinistris sermonibus, calumniis adversus æstimationem de ipsis conceptam sparsis. *Redime me à calumniis hominum*, ajebat David, *ut custodiam mandata tua*, tam durum est etiam virtutem & honestatem amantibus perverlas inter linguas Divinis præceptis adimplendis studere.

XXI. Et hi fermè Detractionis fontes sunt: ubi verò illa è nullo eorum oritur, ex summâ certè salutis nostræ procurandæ negligentia scaturit. Cum calor naturalis extimas corporis partes nimium accendit, interiores frigere necesse est. Par est eorum conditio, qui toti in discutiendis & inquirendis factis alienis sui curam suorumque commodorum negligunt; non plorant mortuos suos, luas inquam noxas, qui toti sunt in deplorandis aliorum funeribus; rectiùs dixissem, totos in eo esse, ut fingant se aliorum morti illacrymari. Hinc observare licet, non alios fermè magis detractionis vitio infames esse, quàm quorum mores ipsi mali sunt; quos inter primum locum Lascivi sibi vendicant; sive quia faciliè sibi persuadent, alios laborare miseris, quibus ipsi tam infeliciter premuntur, sive quia solatio ipsis est, morbum, quo laborant, plurimos infecisse, ut sic in turbâ plurium ægrorum faciliùs lateant. *In populo magno non agnoscat.*

R. P. Segneri Christ. Instr. Tom. I.

XXII. Sed qui vivis non parcunt, utinam mortuos saltem præterirent! verùm ne hoc quidem sperare licet. Leo, si belluam occisam offendat, ubi obtutu eam delibavit, intactam dein præterit. Quidni idem facere possent immanes istæ belluæ Detractores? Alia omnia: nec mortuis abstinere; etiam ossa eorum perversâ suâ linguâ inquietant, nec iis delictis intactis, quibus condignâ satisfactione expiatis jam Divina forsan ignovit Justitia: atque hinc continget, ut perfrictæ isti frontis mortales sæpiùs non dubitent ad suum examen & tribunal vocare ut reos, qui pridem felices in Cælo triumphant. Qui impositam sepulchro statuum violare præsumit, violati sepulchri reus constituitur. Si Lex hæc in re nostra obtinet, nos proportionem quadam afferere poterimus, quòd, qui Mortuos offendit, evertendo simulacrum illud, quod vitæ integræ & inculpata æstimatio erexerat, in Posterorum animis, damnari debeat ut reus violatæ pacis, quâ cæteroquin mortui in tumulis suis gaudent.

XXIII. Quid jam vobis videtur, an maligaus est detrahentium morbus? & quamquam hoc me terret, magis tamen cohorresco, dum observo, morbum etiam esse vulgatum. *Hoc opus eorum, qui detrahebant mihi; Platis Regii verba sunt.* Hoc est opus hominum otiorum, quorum tantus est numerus, à primo diluculo in serum vesperum alienam famam arrodere. Sive per plateas obambulent, sive sub porticibus consideant, sive ad officinarum Januas subsistant, ubique

*L. sepulchre viol.*  
*chrass.*  
*de sepul.*

*Es. 108.*  
*20.*

*cl. 16.*



bique fœda maledictæ sœæ & inhumana linguæ vestigia, velut sordidas oris spumas relinquunt. *Opus eorum*, qui aliàs nec trium vocularum periodum aptè texere nōrunt, horas integras de aliorum erratis etiam non sine acumine differunt, Ranis illis persimiles, quæ non, nisi ad coaxandum vocem habent, nec alium sanguinem, quam qui oculos circumdat: quidquid in ipsis est virium ac facultatum animi, totum impendunt in iudicio de aliorum factis ferendo; & quidquid vocis in iis subinde enarrandis: non majoribus non æqualibus, non inferioribus parcitur, sed omnes nullo respectu offenduntur. *Posuerunt in cælum os suum, & lingua eorum transivit in terrâ. Sacrum, & profanum ordinem, Dominos, Servos, Principes, Plebem infamam, Virgines, Conjugatos, quidquid cælum & terras inter est, id omne sibi pro scopo sagittarum suarum præfigunt.*

XXIV. Equis jam erit, cui & voluntas & facultas suppetat tantæ stragis reparandæ & refarciendæ? & tamen nisi illâ reparatâ spes veniæ à DEO consequendæ nulla est. Hic quoque locum habet tritum illud: *Non remittitur peccatum, nisi restituatur ablatum.* Interim reparatio & restitutio hæc difficultates patitur gravissimas. Earum prima est, quòd perquam arduum sit damnum illatum agnoscere, illudque justâ mensurâ æstimare. Furem cogitate, qui frumentum molidino inferendum auferat: hîc plus satis novis, quantum sit, quod abstulit. At si fur idem auferat frumentum,

quod ut semen terræ committendum erat, damni illati magnitudinem æstimare nescit; quia eum latet, quantum ex eo semine frugum tellus consistempore fuisset redditura. Pari modo dicam & ego, quòd nulla esse possit justa æstimatio damni à linguâ detrahente facti: solus illud DEUS æquâ mensura ponderat. Peccavit Puella aliqua; sed latet factum: unde illa nubere potest & conjugio illigari tam honesto, sibi que optato, quàm si virgineum pudorem illibatum thalamo inferret. Interim audaculus quispiam Puellæ delictum vulgat: cum ecce evanescit omnis Matrimonii honorati spes, & misella, ut vitis ulmi fulcro destituta, humi serpere cogitur omnium pedibus conculcanda, nisi fortè etiam reliquum vitæ in fœdi alicujus lupanaris sordibus traducat. Quis in eventu ejusmodi satis æstimet detrimentum miserrimæ huic puellæ linguæ detrahentis maleficio illatum? Latebit ejusmodi damni magnitudo, dum illud Sol Divinus revelet, qui nos judicaturus omnes nostras tenebras admirandis suis splendoribus illustrabit.

XXV. Altera difficultas in dolore serio de famâ ablatâ concipiendo, & voluntate efficaci malo, quoad ejus fieri potest, medendi consistit, quia absque his pro damno illato haud quaquam sit latis. Detraكتورum enim haud pauci fallendi temporis gratiâ de aliis detrahunt: & quemadmodum Nero Romam animi causâ incendit, cytharâmque manu tenens immanis incendii spectaculo, curæ,

curæ & timoris omnis expers, se oblectabat; sic ipsi ad relaxandam nonnihil festam scilicet mentem faces alienæ famæ admovent, & quando subinde erumpentem luculentam flammam vident depasce, integram familiam, Religiosum Claustrum, autquemlibet plurium cœtum hilares & minime anxii assistunt spectaculo tam funesto, pro eo, quod omnem quam possunt, operam restringendo incendio adhibere deberent. Pro Sacro Tribunali ita se purgant; quod non possint à Detractionibus abstinere ob inveteratam assuetudinem: quod intendant differendo tempus fallere, non cujusquam famæ nocere.

53. 6. re. *Firmaverunt sibi sermonem nequam*: sic animos sibi addunt ad loquendum, sicut eatenus locuti sunt, cum tanto aliorum dispendio, pro eo, quod seriò corrigere se statuant & admissorum veniam supplices petere. Quis jam sibi persuadeat, paratos ad compenlanda detrimenta illata, quine quidem ab inferendis deinceps abstinere se posse existimant? Audite, quæ cùm ejusmodi farinæ homine gesta sunt. Vir equestris ordinis, eorum ex numero, quibus familiæ & natalium splendor ad id unum deseruit, ut tanto clariùs eorum delicta cernantur, coram pluribus jactare se ausus est (mentiebatur autem splendide) se nobilem Matronam in casum impulisse. Visum tamen est illi hoc peccatum Pœnitentiæ Sacramento eluere: elegit autem arbitrum in sacro illo foro P. Alphonsum de Castro è familiâ Minorum D. Francisci,

virum ingenii sui monumentis Orbi notissimum: eique, quid peccasset, exposuit. Alphonsus auditâ, quam diximus, injustâ Matronæ innocentis diffamatione, & nullo præterea delicto, surrexit de sede, sic eum allocutus: Domine, reprobus es: facesse, facesse nil tibi Confessio proderit: & cum dicto se subduxit, recto Equite, quem res insolita non parum consternerat, & ad desperationem propè adegerat. Spe tamen erectus apud alium sacrum Judicem plus aut patientiæ, aut benignitatis inveniendi Patri Victoriæ è D. Dominici sodalitiò reum se sistit, quem virum non minor, quàm Castrum, eruditio, aliæque dotes commendabant. Hic ante omnia non tam morbum suum, quàm Medici, quem erga se crudum inhumanumque esset expertus, in curando imperitiam aperuit. Animos imprimis pœnitenti Victoriæ addit, Alphonsi agendi modo, quàm potuit, benignè excusato. Tum demum Eques suâ de calumniâ se accusavit. Ad hæc Victoria: Necessè est, vir nobilissime, ut dicta retractes coram iis maximè, quibus audientibus Matronæ honestissimæ adeò scdè detraxisti. Egone retractem? Respondit Eques: hoc fieri nequit abque gravi æstimationis meæ honorisque jacturâ. An jubes, Pater, ut ego me mendacem palàm profitear? His auditis Victoria totum se convertit ad persuadendum homini, nullam esse in virtute exercendâ infamiam, nisi apud insanos, aut deliros: & quamquam aliqua



fortassis infamix nota inde inureretur, oportere eam rem æquo animo ferre, & infamiam sibi iustè debitam postponere infamix, quã ipse innocentem planè, nihil vetale commeritam nullo jure aspersisset. Ita rationem morbi postulare, ut ibi conteratur Icorpio, quã parte ferit, siquidem sanitas seriò quærat. Sed observate jam Detrahentium indolem. Eques non cedere rationum momentis, non auctoritatem pili facere, non quidquam salutare ad animum admittere. Quare Victoria è sacro tribunali assurgens: sapienter, inquit, egit Alphonsus, quòd audire te reculaverit? præ me ille sapit, qui morbi tui naturam principio statim agnovit, quam ego sub finem denique perspexi: Ita est, Reprobis es, non Confessione, non alio porro remedio emendandus. Quibus dictis & ipse Equitis tergum obvertit, fessus tam seriã, sed irritã hortatione.

XXVI. Atque hæc est Detrahentium conditio, remotissima à verò de noxis dolore, remotissima à voluntate seriò reparandi damnum datum, retractando, quæ perperam asserta sunt; quin & remotissima ab obtinenda fide, si quando ad famam reintegrandam placuerit dicta revocare, Nodum in fune crasso facile solveris: atolvere velle in tenui filo serico, irritus labor est. Damnum illatum in rebus nodus est factus in fune canabino, quem, si animus obfirmatus sit, non ægrè solvet, sic ut nihil porro reddi debeat. Sed delicatior res est fama, & alterius rationis damnum,

quod in hac illatum est. Nodus est serico in filio factus, quem extricare plus quàm difficile est. Hæc est hominum indoles; prouiores sunt ad dandam malo, quàm bono fidem: unde eadem lingua, quæ plurimum potest in honore & æstimatione imminuenda & tollenda, parum aut nihil subinde posse deprehenditur in eadem reddendã. Si sidus aliquod noxium plagam orientis Solis, sidus autem propitium occidentis occupet, plus suã malignitate nocet illud, quàm istud benefico suo influxu possit: illud enim diutius nostrum Hemisphærium obambulat. Si laudibus hominem quempiam ornas, non multum abibit temporis, & nemo jam laudum illarum recordabitur; at si vituperes, tam altè in animos opprobrium descendet, ut extirpari vix possit, maximè si vituperium in hominem cecidit suã aliàs virtute laudatum æstimatūque. Dici non potest, quàm facile ejusmodi hominibus linguæ maledicæ noceant, & quidem abique remedio. Equorum cicatrices lubnati pili mox iterum vestiunt; cicatrix in viro debilis manet. Ita in hominibus integrã adhuc famã omne vulnus, quo eam lædi contigerit, vestigium sui relinquet & notam, O quàm difficulter debilem! *Calumniare, impia illius vox fuit, semper aliquid remanet.* Detrahe inimico, nam etsi tempus forsan ejus aliquando innocentiam proditurum sit, manebit tamen in illo, si non vulnus, cicatrix certè, *semper aliquid remanet.* Nunquam ex toto illi abrogabitur fides; quod

tam

tam pronis animis creditum est. Fulmina sunt, quæ non comburunt, offuscant tamen: his Detrahentium linguas comparaveris, quæ si in cineres redigere bonam de aliquo opinionem non possunt, saltem illam offuscant. Idcirco non malè affirmârim, quòd, sicut Divinus ille Spiritus de Cælo lapsus in Apostolos, linguas eorum cælesti ardore accendit, eosque in Gratia stabilivit, ita spiritus Detractionis è styge emerfus, & Detrahentium animos occupans, linguas eorum accendit ardore infernali, eosque in statu reponit desperationis confirmatæ.

XXVII. Prævideo, quòd ad jam asserta responsuri sitis; si, qui audiunt, fidem dictis adhibere nolint, si quando vos reddere famam cupiatis retractando, eosque laudando, quos calumniâ aliquâ impetieratis; nihil tum penes vos noxæ residere, infelicitatis hoc vestræ esse, vestræ imbecillitatis, & propterea vos ad plius non obstringi. Ita sanè est, verum an nescitis effatum illud Legis? *Qui non habet in are, luat in corpore.* Metuo ego, ne justus Judex DEUS nonnunquam hanc ipsam normam sequi velit; ut, qui obligari ad reddendam Proximo æstimationem reddere eam non valent, luant eam in animâ, multis privati benignissimi DEI Gratiis, quibus adjuti operati essent salutem suam, destitui autem ejus ipsius jacturam subituri sunt. *Dilexisti omnia verba præcipationis, lingua dolosa; propterea DEUS destruet te in finem.* Amâsti linguam idoneam

ad præcipitandos homines à te infamatos in fossam tam altam, ut inde ex toto emergere ipsis nunquam licuerit: quâ de causâ DEUS tandem pro meritis tecum aget, teque æternum destruet ac perdet.

XXVIII. Pronis igitur auribus animisque admittite aptissimam illam Spiritus Sancti admonitionem. *Attende, ne fortè labaris in lingua, & cadas in conspectu inimicorum insidiantium tibi, & sit casus tuus insanabilis in mortem.* Attende Tibi, tuisque rebus invigila. Qui domi suæ latis habet, quod agat, quid necesse est alienas eum domos obire? *Attende, ne fortè labaris in lingua.* Perpende, quòd Detractio non sit lusus hominum otiosorum, tutè tibi persuade, sed sit periculum, cujus vel sola umbra ad sedulam te custodiam vigilantiamque excitare debeat. Non satis est frivole dicere: *Ita assuevi; jam aliter non possum.* Tantò tua noxa erit gravior, quantò frequentior. Si fera *Inst. l. evadat semel, & damnum det, Lex quadrupli-* Dominum non eo rigore obligat ad *pau-* illud reparandum; obligat tamen *per.* eundem, si fera sæpius ita erumpere consueverit. Divus Bonaventura tri- *In c. 112* bus de causis linguam homini da- *Luc.* tam affirmat: ut DEUM laudet, Proximum ædificet, & se accuset, at Detractor nullo respectu fines à DEO intentos omnes violat, & pessundat. DEUM ita graviter laceffit, ut illum DEUS oderit. *Detractores DEO Rom. 1.* odibiles. Proximo occasionem delin- *30.* quendi probet, aut in Detractionis societatem ac communionem eum



pertrahendo, aut excitando, ut vel in auditâ Detractione se oblectet, vel iis, qui non audiêrant, malè providus enaret. Suimet autem exitii causa est, quia res suas eo loco constituit, in quo salutis vix ulla, si tamen ulla, spes supersit. Jure ac meritò Gentium Apostolus Detractores in eorum numero reponit, qui dati sunt in reprobum sensum, derelicti à Divinâ Justitiâ in manu perversæ voluntatis suæ, ac desideriorum; cùm sit primum admodum è Christianis aliquem ob Detractionis peccatum æternum perire: idque vel quia ad castigandum ejus factum, in eadem, quæ in aliis reprehenderat, delicta ac sordes, & fortè etiam majores, labi permissus est; vel quia velut per ludum ac jocum detrahare solitus, nunquam verâ penititudine delictum suum retractat, atque adeò veniam nunquam meretur. Psaltes Regius os Detractoris, *Os peccatoris* appellat, perinde ac sic Detractor præ impiis aliis omnibus, & per antonomasiam *Peccator* dici mereatur, usque adeò totus in peccatis fordescit.

XXIX. *Ne fortè labaris in linguâ, & cadas in conspectu Inimicorum insidiantium tibi.* Initio offendes in tantum leviam quædam & minoris momenti errata proximi carpendo; sed deinceps paulatim Detractionis dulcedine inescatus cades omnino in conspectu Inimicorum Animæ tuæ, qui miris modis sibi plaudent; satis gnari, quàm profunda sit vorago, in quam & alios impellis, & temet etiam ipsum præcipitem agis.


XXX. *Ne labaris & cadas, & sit casus tuus insanabilis in mortem.* Atque hoc est, quod præ aliis motivis omnibus abstergere vos debet à casu & præcipitio tam formidando, à Detractione, inquam, & imminutione famæ alienæ; quia casus hic fermè remedio caret, & sic prolapsus perit, quin unquam resurgat. Neque damnum proximo illatum reperari potest, neque quod vobis ipsis infertis.

XXXI. Non potest resarciri damnum alteri illatum; quia verba, ut vulgaris habet parœmia, manubrio carent, quo retrahi & revocari possint, ubi semel ex ore eruperint: & ita quamvis facili negotio Proximi famæ noceatur, tollaturque ejus existimatio, summè tamen arduum negotium est, eam reddere. Lanam albam non magno artificio colore nigro tinxeris: at quis erit artifex, qui nigræ candorem suum restituat? Accedit & illud, quòd intra primos limites non sistat Detractio, sed fermè semper augeascat haud aliter ac Echo vocem eandem crebrò multiplicat. Vix excidit vestro ex ore vox in vituperium Proximi, cùm illam totâ mox in viciniâ repeti ac replicari auditis. Decidit nonnunquam ex summis Alpium jugis exiguus nivis globulus: sed ille inter cadendum aliâ aliâque nive adhærescente auctus in tantam molem excrevit, ut integros vicos & oppida ad Alpium radices sita, oppresserit & vastârit. Similes strages non semel lubrica lingua edit, quæ occultum Proximi dedecus uni duntaxat manifestando, paulò post illud per aliorum

ora vagatum sic auctum videt, ut familias integras vastet, tot sinistris rumoribus & loquacitate vanissimâ oppressas.

XXXII. Si porro irreparabile damnum est, quod Proximus patitur, quomodo, quod vobis ipsis creatis, resarciatur? Et Charitas, & Justitia, à vobis tam malæ habitæ vindictam semper magnis clamoribus repetent: *Sit casus insanabilis ad mortem.* Mortem hanc timere sibi debet anima vestra, si aliis tantum infert nocumenti: credere potest se ex numero esse infe-

licium illorum papilionum, qui dum lucernam extinguunt, seipsos comburunt. Non ita sit posthac, Auditores charissimi, attendite diligenter: nimium quantum gravis jactura est exponere Animam periculo morbi & valetudinis valdè ancipitis, licet denique sanitatem recuperet: quid erit igitur, si agatur de morbo non periculoso tantum, sed de morbo, qualis est, de quo agimus, plerumque insanabili? *Attende, ne fortè labaris in linguâ, & cadas, & sit casus tuus insanabilis in mortem.*



## DISCURSUS XXX.

### *De Mendacio.*

I. Nter diversa supplicia, quibus variæ Respublicæ Mendacium multare solitæ sunt, illud præ cæteris mysterio plenius esse videtur, quo Artaxerxes sapientissimus Persarum Rex hanc noxam vindicabat: tribus enim stylis suam mendacibus linguam perforari jubebat. Non miror Reges Persas magnopere exosos fuisse omne mendacium, cum constet, antiquo illius Aulæ more receptum fuisse, ut summo studio eorum filiis inculcaretur non à Discipularum tantum, sed etiam Morum Magistris ac Præfectis, nequid unquam veritati dissentaneum loquerentur. Quid autem tria illa vulnera, quibus mendacem linguam castigabant, signi-

ficent; non perinde assequor: neque operæ pretium censeo, multum in eâ re pervestigandâ laborare: unum potius aliquod, quod triplici illâ plagâ portenderetur, arcanum supponam arbitrio meo; quod si verè à Persis significatum non est, par tamen fuit, ut significaretur. Digna enim verò est cuiuslibet mendacis lingua professione triplici, ut triplex plaga respondeat offensæ, quâ, qui mentitur, offendit Naturam, Rationem, Fidem. Atque circa hanc materiam hodiernus meus Discursus versabitur, cujus verba opto, ut plus quàm unquam non viva modò, sed penetrantia sint, ut transfodiant, si non linguam nocentem, animum saltem eorum, qui me audituri conveniunt,

II. Pri;



1. Tho. 2.  
2. g. 110.  
4. 2.

II. Priusquam tamen ad transigendum accedam, dicendum prius: in tres species Mendacium à Doctōribus plerumque distingui, quas delumere placuit ex triplici illo fine, quo quis ad mentiendum potest induci. In primâ specie Mendacium est, quod officiosum appellant; estque id, quod alicujus utilitatis, propriæ aut alienæ, causâ profertur. Alterum constituit Mendacium jocosum, cum scilicet animi tantum causâ, & quia ita lubet, falsum sciens quis loquitur: Tertium est Mendacium, quod Damnosum dicunt; cum scilicet mentiundo vel bonum proximi, vel DEI honorem quis lædit. Sicut autem non omnes serpentes perinde noxii & venenati sunt, ita non est æqualis mendaciorum omnium malitia. Mendacium officiosum malum est; quia cum sit offensa DEI, consequens est, majus malum esse, quàm sit totius hujus Mundi interitus. Plus in se malitiæ Mendacium jocosum continet; quia cum & ipsum DEI offensa sit, sine tamen & motivo leviori profertur. Omnium deterrimum est mendacium damnosum, cum non solum mendacii rationem contineat, sed, contra quam alia, etiam noceat: ita ut si, quod sæpè fit, juramento firmetur, videatur humana lingua non aliud nocentius posse venenum evomere. Quapropter, quæ hodie dicturus sum, etsi de omnibus Mendaciis accipi debent, non tamen de omnibus eodem modo, sed proportionem quadam, sicut quò unumquodque ex genere suo & suapte naturâ funestius est, hoc ab illo magis abhorreere debeat.

III. Nunc ut ad primam meam assertionem redeam, dubitari nequit, quin omnis mendax Naturam offendat: hæc enim in operibus & actionibus suis fallit nunquam; cum tamen mendax id unum agat, ut fallat, tanquam degener tantæ matris filius. Vix satis quis explicaverit, quantum Natura, nostri studiosissima, conetur, ut verum semper nobis loquatur. Cum rerum substantias intimas cognoscere non possimus, ut in se sunt, quid agat? manifestat nobis illas per accidentia, quæ dicimus, quibus ut vestibis involvuntur: nec tamen unquam nos decipit, sic ut cum unus aliquis sensus hallucinando falsum nobis pronuntiat, vult ipsa, ut alter prioris deceptionem corrigendo verum citra controversiam dicat. Ita cum oculus remum in aquis contemplatus curvum illum aut fractum refert, mox tactus oculi errorem detegit, & remum rectum esse ac integrum demonstrat. Et quamquam facultates nostræ sensitivæ omnes conspirarent, ut per mendacium nuntiorum partes agerent, Mentem tamen Natura nobis dedit ad detegendos ratiocinando sensuum errores sufficientissimam. Hinc fit, ut de illa cura, quam habet Natura, ne in errorem & deceptionem inducamur, certi, non dubitemus etiam judicium ferre de cælestibus substantiis, earumque virtute occultâ, licet tanto à nobis intervallo remotis. Sic sanguineus ille Martis color facit, ut turbas & strages suspicemur: Saturni verò color plumbeus metum in nobis excitat malefici ejus sideris influxus; cum Jovis ac Veneris,

ris candida & amœna lux fausta ac benigna prælagire jubeant : & sic tum de singulis cæteris Planetis, tum de fixis, & tantò altius à Terræ globò oberrantibus Stellis differere possumus. Unde, si quod res est, dicere volumus, nil aliud est homo hoc in Mundo; quàm discipulus, cui, quoque se vertat, Natura aliquam veritatem velut prælegendo tradat. Sed, quod dolendum, discipulus est adeò indocilis, adeò Disciplinarum non capax, ut in Scholâ Veritatis non aliud facilius, & melius discat, quàm quomodo novas fraudes texat. *Docuerunt linguam suam loqui mendacium.*

rem.  
5.

IV. Neque verò necesse est homini vagari per alia, ut documentum hoc, dicendi verum capiat; cùm Natura illud nobis ratione quadam prorsus singulari in structurâ & fabricâ humani corporis demonstret. Observârunt nonnulli, duos esse in lingua nervos, quorum alter cum cerebro, alter cum corde connectatur: quâ re Natura docere voluisse videtur, quem ob finem nobis de tam præstanti instrumento prospexerit: qui alius non est, quàm ut intelligamus, linguam eodem tempore cum utraque hac facultate omnino concordem esse debere, sic quidem, ut cerebri beneficio prudenter, cordis verò ope sincerè loquatur. Quapropter qui mentitur, dubio procul linguâ abutitur, & indignus est, cujus os tam nobili organo instructum sit; haud aliter ac eâ indignus esset, cui non serviret nisi ad mugiendum cum tauris, latrandum cum canibus, aut grunniendum cum porcis. Omnes

R. P. Segneri Christ. Instr. Tom. I.

proin certissimò in animum inducant; haud quâquam permissum esse hominì, linguâ suâ pro arbitrio uti, ut eâ utitur Psittacus: sic enim illâ utendo naturæ ordinem confundimus, & turbamus sublimes illius fines, nostrâ culpâ non inutile modò, sed & noxium efficiendo admirabile vocis artificium. Id quod artifex in machinæ horologiæ indice conspiciendo spectat, est, ut iste cum fide loquatur foris, quidquid intus rotæ in bonum aliorum velut meditata sunt. Pari ratione Natura in formanda lingua unicè spectavit, ut hujus organi ope sincerè & sine fūco animi nostri sensa manifestemus. Quapropter sicut Index mendax artificem suum dehonestat, ita lingua mendax hominis loquentis privatim perinde ac publicè Naturam offendit.

V. Atque hoc tantò ampliùs, quòd hæc Naturæ illata injuria etiam in Rationem redundet, quâ illa tota nititur. Non suâ tantùm causâ, aut bono conditus est homo; sed etiam aliorum. *Nemo sibi soli natus est*, ac 5. Thō. 2: proinde quidquid valde repugnat bono 2. 9. 109, no commercii & societatis humanæ, art. 3. necesse est fateri, quòd etiam magnopere repugnet rectæ rationi, quæ hominis propria est. Hæc autem si ita se habent, perpendite, quid magis adversari huic commercio possit, quàm Mendacium. Sanè, etsi plurimùm mutuo inter populos commercio officiat moneta adulterata, plus tamen detrimenti ex abusu sermonis redundat. Et tamen, qui ne assem quidem adulterinum in crumena sua paterentur,

Hhh

illi



illi ipsi omnem in id solertiam atque industriam conferunt, ut fraudibus plenum animum habeant, quibus Proximum circumveniant, illumque miserè deludant: ex quo abundè constat, quàm Mundo huic exiguo in pretio sit veritas, quæ si tanti fieret, quanti sit aurum, Mendacii crimen acerbioribus suppliciis vindicaretur, quàm crimen pecunias adulterantium; essentque referti iis publici carceres, qui modò majori numero Principum Palatia, quàm rusticas casas inhabitant. Quid, quæso, nobis futurum esset, interrogat S. Joannes Chrysostomus, si membrum nostri corporis unum alteri mentiretur? si oculus diceret manui, flores esse carbones, & carbones flores: si diceret pedi, scorpiones esse formicas, & formicas scorpiones; si diceret palato cibum esse venenum, & venenum cibum? an non miserrima esset nostra conditio, & non semel tantum quotidie mori necesse esset? Sic autem proportionem quadam Mendaces rerum ordinem in Republica turbant, quæ est quoddam corpus mysticum, tot constans membris, quot sunt homines, ex quibus illa constat. Unde Eph. 4. hortabatur Apostolus: *Deponentes mendacium, loquimini veritatem unusquisque cum Proximo suo, quoniam essetis invicem membra.* Atque hoc tanti momenti est, ut merito ad perpetuum silentium impostores mendacissimi damnari deberent. *Muta fiant labia dolosa.* Verè enim quod adulterium conjugii, hoc humanæ societati mendacium est: Perfidia est summè noxia:

unde par esset, veritatis amantes à falso loquiis æterno divortio sejungi, ut ab adultero Sponsa turpiter delusa separatur. Sed major jam est numerus adulterantium veritatem, quàm ut huic divortio sit locus: urbes ac oppida in solitudines abirent, si mendacibus omnibus esset migrandum. Interim negare non possumus, quin, ut unus nummus sincerus ac probus plus valeat, quàm centum adulterini, ita vir probus & Veritatis amans pluris, quàm centum mendaces sit æstimandus; nec illimet id diffiteri possunt, quibus tamen veritas rarò in lingua est. Non est major contumelia, quàm si quis in faciem alteri dicat: *Mentiris.* Confestim ad arma curritur, eorumque opere hæc propugnatur sententia; minus malum esse plagam etiam lethalem, quàm Mendacium nullo injuriæ sensu toleratum. Videte proinde stupendam hodie morum perversitatem, dum tam anxie curamus, ne unquam arguamur illius perfidiæ, quàm nos quotidie obstringere pensum non habemus.

VI. Contemplati sumus hætenus mendacem tanquam rebellem Naturæ ac rectæ Rationi: Naturæ quidem, ut ejus opus est. Rationi, ut homo est. Nunc momenta rationum firmiora adversus mendaces investigemus, demonstrando, illos etiam Fidei rebelles esse, ut sunt Christiani. Quæro ex vobis: quis omnium primus in Mundo mentitus est? nunquid Diabolus, quando eâ arte primam famenam in fraudem impulit? non ignoravobis res est. Non alium ergo Mendaces

Hom 13.  
in Epist.  
ad Eph.

Eph. 4.  
25.

Ps. 30.  
19.

0.8.44. daces, quàm Diabolum Magistrum habuerunt; & sanè ille eâ arte Magister est &: *cùm loquitur mendacium, ex propriis loquitur*, ut ipsa Veritas ait, cùm homo mentiendo tanquam Discipulus alterius ore loquatur. *Nam quod dicis mendacium*, inquit Hippo- nensis Præsul, à *Diabolo accepisti*. Prototypon monstri hujus in linguâ Diaboli sit; ectypum in linguâ hominis Christiani. Observate autem & modum, quo hæc cordis & oris dissonantia tam execrabilis in Mundum inventa sit. Tam illa fœda est atque deformis, ut Dæmon eam aperta fronte proferre non sustinuerit: figuram serpentis induit. *Serpens decepit me*: miro DEI consilio, qui eo facto docere voluit, quàm venenata & pestilens Mundo sit illa primi falsitatis Magistri doctrina. Et istud unum non sufficiat, Auditores, ad horrorem vobis incutiendum? His tamen graviora suppetunt. Dæmon non Magister tantum mendacii, sed & Pater est. *Mendax, & Pater mendacii*, & quidem generatione horribili, cùm sit è diametro opposita Generationi æternæ primæ Veritatis. *Quomodo DEUS Pater genuit Filium Veritatem: sic Diabolus lapsus genuit filium Mendacium*, pergit S. Augustinus. Hinc meritò mendacio Mendaces tam arcto cognationis vinculo obstringuntur Luciferi, ut in ejus jus transisse, & toti ejus esse videantur: id quod ingenti deberet esse incitamento ad veritatem absque ullo fūco semper dicendam, ne quidquam cum maledicto hoc Patre commune habeamus. *Cavete, fra-*

*tres, mendacium*, monebat S. Ambrosius, *quia omnes, qui amant mendacium, filii sunt Diaboli*. Leonem ajunt nullius belluæ carni tam avidè inhierè, quàm simiæ, ut quâ devorata febriles illos suos ardores, quos quarto quoque die constanter patitur, mitiget: è diverso à nullo animali adeò abhorret, quàm à gallo, cujus solo conspectu in fugam agitur, maximè si gallus ille plumis sit albicantibus, ut S. Ambrosius observavit. Haud aliter profectò homines isti aut ficti, aut ad fingendum apti & nati, quorum symbolum sunt Simiæ, lectissimus tygii Leonis cibus sunt, ejusque ingluviem insatiabilem quoque modo ex- plent: si quos è diverso timet ac fugit, non alii profectò illi sunt, quàm Veritatis sincerè studiosi, quorum imago gallus est, Gregorio Magno attestante; hic siquidem & horas stabiles, & tempestatum mutationes fide semper optimâ nuntiat, & cantu suo indicat.

VII. At DEUS tanto in veritatem studio fertur & amore, ut ad eam ignorantia Mundo manifestandam grando illud iter peregerit è Cælo in Terras, & ex Throno Majestatis suæ ac Gloriæ ad opprobrium Crucis suæ. *Ego in hoc natus sum, ut testimonium perhibeam veritati*. Unde mirum non est, mendacium in ejus oculis tam fœdum ac monstrosum esse; ut sæpius in SS. Paginis Peccatum mendacii nomine compelleretur, Peccatores verò mendaces, perinde ac si inter ista discriminis nihil intercederet. *Nec id temerè, sed gravissimis*



ex causis: nam si rem aliquantò solentius examinare libeat, deprehendemus, nullum esse Peccati genus, quod non aliquo modo Mendacio ut parte sanè exitiali constituitur, ut sic mistum illud terrimum duplici veneno pestilentius noceat. Et imprimis quidem quisquis peccat, sibi metipsum sibi: *Mendita est iniquitas sibi*: cum sibi prosperitatem ex peccato spondeat, quod re ipsa malorum omnium maximum, & caput est: & sic impio cuius occini potest id, quod Daniel senibus illis mœchis & ca-

*Dan. 13.* lumniatoribus: *Relle mentitus es in*

*55.* *caput tuum*: cum nullum omnino peccatum sit, quod ex se natum non sit ad perniciem maximam in ipsius delinquentis, caput regerendam. Præterea prima ferè noxa, quæ se parvuli obstringunt, Mendacium esse solet: & idcirco, ut natura de lacte Matritum prospicit, cum vicina est partui, ita & Dæmon facere velle videtur tanquam naturæ simia: prius enim quam voluntas humana turpissimum peccati abortum in lucem edat, prospicit illi de lacte hoc venenato Mendacii, quo natus educetur. An non cernitis furta, fornicationes, adulteria, perjuria, fraudes, homicidia, & quidquid uspiam abominabile humanus animus parturit, Mendacio sustentari? hoc crescunt, hoc se conservant, & multorum annorum ætatem ferunt: cum sine Mendacio vix essent ephimera. Mendacio delinquentes, tanquam Gygis annulo, observantium oculis se subducunt; & quamquam fures sint nunc auri, nunc

honestatis, tam securi incedunt perinde, ac si forent custodes: & quamvis Lupi, Pastores tamen creduntur. Fingamus Mendacium toto Mundo repelli & ejici: cum ipso scelera migrarent cætera, quæ absque hac propria sibi larvâ vivere diu præ pudore non possent. Nonnunquam, cum non reperiretur carnifex, qui reis meritam necem & supplicia inferret, permitti oportuit, ut quis larvâ tectus tristi ministerio fungeretur, eaque conditione admisâ plures inventi sunt, qui istud non abnuerent, cum omnes ab eo refugerent, quamdiu operiendi vultus gratia facta non erat: sic illimet, qui cogniti & apertâ fronte erubescerent, actus aliquos turpes; Mendacii larvâ velati, nullo jam metu eosdem perpetrant. Videtur proinde mihi Mendacium in Mundo illo fungi ministerio, quod in Republica aliqua peragit, apud quem latrones ac grassatores publici asylum inveniunt: dum enim eos Licetorum ac Satellitum indagini subducit, dum eos hospitio occultè accipit, dum iis de necessariis prospicit, alitque, dum eorum furta, rapinas ac cædes versutè occultit, furatur ipse ac maculat non duabus tantum manibus, ut fures ac latrones ipsi, sed manibus omnium, quoscumque ille sic juvat & tegit.

VIII. Atque hanc fuisse causam existimo, ob quam Tertullianus acutè Mendacium appellavit *Ministrum Lib. d. cupiditatis*. Quidquid enim in a-*Idol. c.* nimo humano est affectuum & appetituum perversorum, Mendaciis ut manibus

109.  
3.20.

manibus pedibusque ad perpetrandum omne malum, ad quod aspirant, utuntur. Castigat Mater Filiam, quòd licentius agat cum impudente aliquo, & ne in tenebris quidem cum eo versari erubescat, *absit hoc*, inquit confestim astuta, *male feriata lingua sunt, quæ ista de me spargunt; à malevolis & invidis sunt excogitata, falsa sunt omnia.* Quin & DEUS in testem vocatur, nec execrationibus parcutur. *Comedit, & tergens os suum dicit: non sum operata malum.* Sic & adulter ille (apud quem conjux, iusto Zelo irritata, quòd nimium crebrò illum certas ædes frequentantem viderit, acerbè queritur) miratur querelarum causam, sanctèque asserit, se cum illarum ædium inquilina diebus non operariis animi duntaxat causâ colloqui, fessum totius hebdomadæ laboribus. An echinum non observastis? qui ad furandum poma & quatuor pedibus, & ore multis dentibus armato instructus est: sed quamprimùm strepitus aliquis Venatorum canumque auditur, jam ille nihil est, nisi pila acutissimis spinis aspera; non pedes, non os, non dentes videntur; sed ne halitus quidem percipitur, ita totum se intra se colligit. Simile quid in Peccatoribus notare licebit: toti in se, ut in centrum, se contrahunt; & armati involutique spinis mille excusationum & effugiorum, ab omni noxa puri ac innocentes apparent: quis intem animos illis addit, quis juvat, quis vires & robur subministrat ad tot nova scelera perpetranda, quàm Menda-

cium? *Minister cupiditatis.* Hujus Administri fraudibus vetita in dies continuantur commercia, lascivorum turpitudines, usurariorum pacta ac conventiones, perjuria in Tribunalibus, commoda & utilitates aliorum injuriis quæsitæ, proditiones, lites injustæ, inimiciæ & odia intestina, & ut rem verbò dicam, servatur & protegitur omne genus iniquitatum, quibus omnibus Mendacium arma subministrat, non ad sui contra omnem assaultum defensionem tantum, sed & ad alios offendendos idonea. *Minister cupiditatis.* En primum illum peccati in amplissimo illo suo Regno, non bello minùs, quàm pace administrum, Mendacium. Incipiam adjungunt, ubi ova peperit, eadem sparsa atro suo liquore solidare. Nec alius Peccatorum mos est. Mendacii funestos suos partus solidos reddunt, ne diffuant, & vix nati pereant.

IX. Atque hæc si ita se habent, an non mendaces vobis videntur illi tam abominabiles: *Rebelles lumini*: dum unâ eadèmq; operâ opponunt se & resistunt lumini Naturæ, lumini Rationis, & lumini Fidei? & tamen inter Christi etiam Sectatores tanta modica hodie veritatis cura est! *Ut quid queritis Mendacium?* In eorum ignominiam Regius Propheta clamat. Nostisne, quâ re non modica hominum pars occupetur? venando Mendacia. Qui plura cæperit, præfertur aliis, & tanquam ingenii acumine præcellens laudatur; cum è diverso, qui mentiendi artem non callet,



tanquam hebes & stupidus derideatur. In Mendacio spes reponitur acquirendi bona, quibus inhiatur, *Posuimus Mendacium spem nostram.* Mendacio ut clypeo tutos se fore confidunt, quibus gravium malorum minæ sunt intentatæ. *Mendacio protekti sumus.* Mendacio se alii jactant & mirè glorianur, frustra prohibente Apostolo: *Nolite gloriari & Mendaces esse adversus veritatem.* Verbo, Mendacium rapidissimi instar torrentis eo usque auctum est, ut perruptis omnibus aggeribus omne solum nullo jam obice inundet, hoc est, omne humanum commercium, negotia omnia pervadat. *Maledictum & Mendacium innundaverunt.* Quin aquarum istarum cumulus usque eò nonnunquam assurgit, ut altissimos etiam montium vertices superare velle videatur: vult inquam Mendacium etiam in functionibus sanctissimis locum habere. Non intelligetis quod dico, nisi clariùs mentem aperiàm. Affero proinde, non deesse nonnullos, qui non hominibus modò, sed & DEO mentiri non erubescant: & nescio quâ verecundiâ inconsultâ præpediri sacris etiam abitis culpas suas negent. *Filii scelerati* in peccato committendo; *semen mendax*, in confitendo. Et verò non temerè appellantur *semen mendax*, sed quòd primogenitæ eorum substantiæ partes non aliud, quàm Mendacium & falsitas esse videantur. Ejusce farinæ faminam scribit S. Cyprianus testis oculatus ita à DEO fuisse multatam. Interrogata hæc à Sacerdote de delicto

suo, negavit rotundè ejus se sibi consciam, neque vitam suam tam gravem esse, quàm aliorum suspicio præciperet: auxit hanc impudentiam illo eodém actû, quo eam tegere cogitabat. Ausa est cum aliis ad Divinissimum Epulum accedere intrepida, confidens, ut Sanctus ait, se, ut nos ejus Ministros fefellerat; ita DEUM ipsum fallere posse. Verùm spe suâ frustrata est infelix. Dum enim cœlestem dapem sumit, illa magno prodigio in cultrum versa est; & gulam miseræ inter glutendum dissecuit, sic ut non modo confestim animam exhalârit, sed tantâ etiam cruoris copiâ perfusa sit, ut victimam referret in templo illo, veritatis honori jugulatam. Sanè quem suggestiô prava eò deducit, ut mentiri illum in sacro Confessionis Tribunali non pudeat, meritò Sathanæ filius appellabitur. *O plene omni fallacia fili Diaboli!* Cùm Dæmonem lineamentis suis tam ad vivum referat, qui ita se gerit, ut solo hoc indicio internosci possit, quòd ad eum pertineat.

X. Sed omittamus tam enormia peccata, quæ quamquam non admodum infrequentia, communia tamen non sunt. Quod in vitâ Christianorum deploro, est, quòd videam, quàm latè Mendacium dominetur, sic ut pro Pœnitentiæ tribunali se de illo vel Reos non agant, vel si agunt, in speciem tantùm id agant, eò progressi, ut dicere non vereantur; aliter fieri non posse, si quis inter alios in Mundo vivere velit; si vitæ ducendæ media conquirere, si vendere, si quod lucel-

ff. 28.  
25.

ff. 57. 4.

Art.  
10.

lucellum reportare : perinde , ac si-  
cut Polypus servare vitam non potest  
absque atro illo suo liquore , ita nec  
homo vitam tueri possit absque Men-  
daciis ; adeò destinato animo illa pro-  
fert. *Locuti sumus de corde verba*  
*Mendacii.* Hoc errore tenebantur  
Mercatores duo Colonienſes , qui  
cùm coram ſacro Iudice Mendacio-  
rum ſe accuſaſſent , quibus identidem  
uterentur in negotiis , ab illo increpi-  
ti ſunt : ſed reſponſum iſ aliud non  
tulit , quàm : ſi à Mendaciis abſiſte-  
rent , non diu poſt ſibi fame pereun-  
dum. Sit hoc ita , repoſuit Sacer-  
dos ; atqui haud paulò minus malum  
id eſſet , quàm ignis ſupplicio fraudes  
veſtras luere. Quamquam hoc ip-  
ſum , quod affirmatis , à vero non  
parum abludt. Certos vos reddo ,  
quòd fide bonà & ſincerè agendo  
lucraturi potiùs ſitis , quàm jaçturam  
paſſuri. Hac ſpe ac promiſſione  
animatus mercatorum uterque ſanctè  
adpromiſit , ſe integri anni decurſu  
emendo , vendendòque , deliberato  
ſaltem animo , & ſcientem volen-  
tèſque Mendacium nullum dictu-  
rum. Et verò ſteterunt promiſſis ,  
ſed non exiguo ſuarum officinarum  
damno ; cùm ne medietatem quidem  
mercium vendidiſſent , quas ante hac  
vendere conſueverant. Uade ad Sa-  
cerdotem reverſi , teſtati ſunt , ſe por-  
rò datam fidem ſervare non poſſe , cùm  
neceſſitas ab iis Mendacia extorqueat ,  
niſi decoquere mox ambo velint.  
Non oportet , excepiſt Presbyter , tam  
citò animos deſpondere : pergitè &  
annum alterum , & perſpicietis , quan-

tò Veritas præ Falſitate divites vos  
reddere poſſit. DEI nomine ſecun-  
dam vobis fortunam addico. Atque  
ita omnino evenit. Cùm enim ſa-  
ma de mercatorum iſtorum præ cæ-  
teris ſincerà & incorruptà fide longè  
latèſque ſpargi cœpiſſet , tot illa em-  
ptores attraxit , ut unius ſpatio anni  
veritatem ſemper locuti , plus longè  
lucriferint , quàm decem annis , cùm  
ſtrenuè mentiri ſolerent. Utinam  
documentum hoc & alii Chriſtiani  
obſervarent ; næ illi manifeſtè expe-  
rarentur , quàm ſecundos ſucceſſus  
Numinis providentia veridicis indul-  
geat. *Non inveniet fraudulentus lu-*  
*crum:* Divini Spiritus aſſatum eſt. *Prov.*  
Nam eſi iſ ſubinde opes aliquas col-  
ligit , tam malè tamen parta non poſ-  
ſunt dici , poſſideri ; evaneſcunt enim ,  
& velut in fumum abeunt ; aut in-  
ſtar montis ſunt arido è ſabulo ereçti ,  
quem primus ventus diſſilat & diſ-  
jicit. *Non inveniet fraudulentus lu-*  
*crum.* Ad quod ipſum Eccleſiaſti-  
cus alludere viſus eſt , cùm dixit :  
*Noli arare Mendacium adverſus fra-*  
*trem tuum.* Qui enim ad arandum , *Ecc.*  
Mendacium adhibet , Proximum do-  
lis circumveniendò , videtur ſibi co-  
lere agrum fertilem , planèſque feli-  
cem : tandem autem ſe in arenolo  
ſolo operam perdidiffe deprehen-  
det.

XI. Sed demus : ſuccedant ſuæ  
Mendacibus fraudes , & opes ma-  
gnas lucrentur , quodnam tandem  
hoc lucri genus eſt ? Lucrum piſcis  
eſt hamum glutientis ; qui dum ſibi  
egregià prædâ potitus videtur , ſubin-



de piscatoris se prædam factum dolenter advertit. Optabilior proin semper erit conditio pauperis, sed sinceri, quàm divitis, & fallacis.

*Prov.* *Melior est pauper, quàm vir mendax.*  
*19, 22.* Quòd qui credere modò non volet, credet enimverò, cùm ex Regione Mendaci, præsentì scilicet hac vitâ, translatus ad Regionem veritatis, quæ est vita futura, apertis repente oculis manifestè cernet, quòd fitiones & fraudes mortem animæ afferant. *Os quod mentitur, occidit animam.*

*Apol. 2.* XII. Primorum sæculorum Christiani, qui Fidei lumine collustrati suis res omnes momentis sapienter æstimabant, ita ab omni falsitate abhorrebant, ut, S. Justino Martyre teste, mallent persecutionum tempore necem subire inter tormenta acerbissimam, quàm vitam quacunquæ fitione aut simulatione servare. Nobilissima & complura ejusce rei exempla afferri possent; sed ne excurram longius, unum sufficiet S. Antimi, Episcopi Nicomedie perquam celebris. Maximianus Imperator, in dirissimâ illâ vexatione, quâ omnem Ecclesiam insectabatur, viginti milites miserat, qui Virum Sanctum, tanquàm præcipuum sinceræ Religionis eâ in urbe fulcrum, ad necem quærerent. Accidit autem, ut, quos dixi, milites S. Præsulis sibi ignoti aliquando ædes intrarent, & quâ ejusmodi hominum genus solet, libertate cibos sibi parari peterent. Annuit promptissimè Præsul Sanctissimus, & convivium illis instruxit, quàm po-

tuit, lautissimum, ipse accumbentibus servire dignatus, eâ verborum officiorumque humanitate, ut militum animos sibi penitus devinceret; nunquam per omnem vitam quemquam in se tam prompto & sincero animo beneficium expertos. Interim inter prandendum quærent ex hospite suo milites, ecquid noverit Antimum aliquem, Christicolarum Antistitem, quem ipsi jussi sint captivum adducere ad Imperatorem, ab eo certissimò neci dandum. Ad hæc Præsul: non novi tantum hominem; sed ipse ego sum, quem quæritis: non est, quòd porrò vestigando fatigemini, en habetis, quem vultis. Attonuit milites hæc Viri Sanctissimi juncta beneficentiæ mirabilis constantia, eaque de causâ unanimi consensu decreverunt redire ad Imperatorem, eique dicere, Antimum à se, quantumvis sedulò vestigatum, haudquaquam inventum: ut hac ratione vitam Viro tam in se benefico servarent. Non ita fiet, respondit Antimus, neque enim iis, qui Christum colunt, aut mentiri, aut ut id alii faciant, suadere ullâ ratione permissum est. Eamus, eamus omnino ad Cæsarem, ego siquidem me mortuum potius, quàm vos Mendaces cupio: sicque eos secutus fortissimo animo, vitam subinde inter cruciatus atrocissimos posuit, ut verè se Fidelem probaret, qui, dum sacræ illi undæ affunderentur, palàm Patri Mendacii renuntiasset. Quid igitur sentiendum nobis est de illis, qui propemodum Matrum adhuc ulnis gestati jam

Men-

Cal. 17. *Mendaces evadere incipiunt? Erraverunt ab utero, locuti sunt falsa.* Necesse est fateri, non esse legitimos sanctæ Fidei partus: *Filii alieni mentiti sunt ei.* Nec dignos nomine Christianorum, nisi veracitatis posthac studio tales se probent; ut olim Græcos inter nemo Imperator appellari merebatur, nisi ritu solenni & publico jurasset, se verum semper dicturum: quæ ipsa etiam causa fuerit, cur Christus Patri æterno Fideles suos commendans hanc potissimum in iis notam desideravit: *Pater Sancte: sanctifica eos in veritate.*

XIII. Istud tamen addendum hîc cenſeo, ut, quam tradidi, doctrinâ amplius declaretur; quod non semper censendus sit mentiri, qui partem tantum veritatis aperit, partem alteram tacitam silentio involvit; Mercatorum more, qui partem telæ aliquam explicant, alteram convolutam relinquunt, ut res postulare videtur. Ita Abrahamus Isaaco filio suo indicavit quidem, ire se ad sacrificandum DEO, quam autem esset immolaturus victimam, tacuit. *DEUS providebit sibi victimam, fili mi.* Nec tamen quisquam Abrahamo notam falsidici inussit: aliud enim denique est, falsum loqui, aliud non omne, quod verum est, enuntiare. *Aliud est falsum dicere, aliud est verum tacere.* Falsum nunquam, cujuscunque sperati commodi causâ, proferendum est: adeò humano ab ore perpetuò exulare debet: potest tamen vir sapiens verum dissimulare, & non manifestare illi, qui jus ex nobis querens. *R. P. Segneri Christ. Instr. Tom. I.*

di non habet. *Non est licitum Mendacium dicere ad hoc, quod aliquis alium quocunque periculo liberet, S. Thomæ doctrina est, licet tamen veritatem occultare prudenter sub aliqua dissimulatione.* Discriminis ratio hæc est; quia, non mentiri, inter illa præcepta est, quæ negativa dicimus, & semper absque exceptione obligant: dicere autem verum, est inter præcepta affirmativa, ac proinde est præceptum ejusmodi, quod suo tantum tempore liget, uti & alia ejusdem generis, quæ non quovis tempore observanda sunt: unde arcana summâ fide celanda sunt, & vel interroganti non manifestanda: cum hæc non sint deposita, quorum clavis alteri, quam Domino, committi possit. *Qui fidelis est animi, qualem esse debet quemlibet, celat amici commissum.* Fortassè ex vobis, qui quærat; quid & quomodo agendum, si impudens aliquis & importunus nihil non agat sollicitando, instando, ut à vobis extorqueat verum, quod secretum esse oportet? huic respondendo, non unum duntaxat esse modum, quem Prudentia in ejusmodi occasionibus dicitet, habitâ ratione personæ, quacum res est, & attentis tam causis, quam rerum adjunctis singulis: non esse tamen promptum, dare documenta, quæ ubique serviant & semper. Suadeo proinde, ut hoc in negotio assuescatis illius uti consilio, quem conscientie arbitrum delegeritis, qui rectius vos docebit, quid hoc, quid illo in eventu responderi, quid non responderi conveniat, ne erretis. *Ne dissipias narrationem*



*Eccli.*  
8. 12.

*Presbyterorum Sapientum*, hortatur Sapiens, *quoniam ab ipsis discas intellectum, & in tempore necessitatis dare responsum.* Mirum proinde vobis videri non debet, si ad hos Doctores, Magistrôsq; rerum vestrarum magis gnaros, & intima vestra pernoscences, recurrere vos jubeam.

*Job. 19.*  
17.

XIV. Hoc mihi unicè cordi est, ne quis vestrum hinc abeat, quin secum statuatur, quod magnus ille Jobus iis verbis. *Donec superest halitus in me, lingua mea non meditabitur Mendacium.* Non cujusquam mali metu, non ullius boni spe patiar me induci ad quidquam posthac amandum & dicendum, quod verum non sit. An refugitis Auditores amantissimi, ita discernere? audite ipsum DEUM hoc à vobis postulantem. *Ante omnia opera tua verbum verax præcedat te.* Facem tibi in cunctis, quæ operaberis, veritas præferat. Sic securi eritis à mille præcipitiis & casibus, à mille sceleribus, in quæ tandem præceps ruit, quisquis Mendacium ducem habet. *Qui loquitur Mendacia, peribit.* Non aliâ de causâ tantum confiditis in Mendacio, quàm quia ipsum perspectum non habetis. De cætero, si attento animo rem perpendere, momentisque suis librare velletis, deprehenderetis, nihil esse honestius, nihil magis decorum, quàm in omni morbo veracem esse; nihil deformius ac foedius, quàm fallere mentiendo. Quanti vos illum facitis, cui fidem jam habeat nemo? Mercator est, cujus bona sub hastâ

*Eccl. 37.*  
20.

*Prov. 19.*  
9.

vaniêrunt, non est, qui ipsi credat. Et tamen huc sensim recidat necesse est, qui Mendaciis assueverit: paulatim enim suâ se fronte produnt fraudes, & quantumcunque tenebras consectentur, coguntur clarè in luce comparere. *Qui Mendacia loquitur, Proverbia non effugiet.* Quis unquam argentarius magnis opibus ditatus est, qui non nisi adulterinam pecuniam palàm exposuit? & tamen minore negotio istud videtur fieri posse, quàm ut emergat, & dignitatem constanter tueatur, quisquis vel in commerciis, vel in Magistratibus obtinendis, vel in quibuscunque suis commodis promovendis Mendaciis & fraudibus ut instrumento est usus. *Subvertet grando spem Mendacii.* Veritas proinde & recta prudentia est, ubique & semper loqui verum, sed & nôsse, quando loquendum sit: haud aliter ac prudentis est, nunquam expendere, nisi monetam justam probatamque, & simul nôsse, quando & quomodo expendenda sit. *Qui ambulat simpliciter, ambulat confidenter.* Neque enim is formidat, ne alius à se comparere debeat; haud aliter ac qui larvâ vultum non contegit: cum tamen qui nequiter agit, tandem sit cognoscendus: *Qui autem depravat vias suas, manifestus erit.* Neque enim nequitix larvâ tam constanter tegere faciem potest, ut non aliquando amoveatur. Ita DEUS monet: & nos dictis ejus fidem non habebimus? & tamen mentiri ille & fallere haud quaquam potest, contra quàm nos, *Impossibile est mentiri DEUM.*

*Eccl. 37.*  
20.

*Prov. 19.*  
9.

*Heb. 11.*

**DEUM.** Fidamus proin ipsi, & firmissimè statuamus servare, quod ipse iussit verbis illis suis Evangelicis: *Sit autem sermo vester, Est, est; Non, non* quandoquidem, *quod his abundantius est, à malo est.*


XV. Revocate in memoriam, Mendacium Dæmonis esse filiam: *à malo est.* Et idcirco præterquam quòd nequam, proditrix, & effrons sit, insuper tam est fœda, ut si vel semel suo illam vultu contemplari liceret, repentè mortui cederetis, non aliter ac Ananias cum Saphirâ conjugè suâ, qui, si Doctorum aliqui rectè senserunt, extincti sunt solo illo horrore, quem in ipsis excitavit clara cognitio monstrosæ turpitudinis Mendacii communi consensu asferti: quamvis inter officiosa tantùm Mendacia numerari deberent; etsi negari non potest, quin alia quoque ejus gravitatem exaggerârint.

XVI. Sed nec illud considerando præterite, cui animam vestram discrimini exponatis, dum Mendacio portam ad omnia flagitia aperitis. Frustra quæretis vitia in animo veritatis unicè studioso: *Præunte veritate nunquam chorus vitiorum subsequutus est.* Ut sapiens ille Philosophus rectè pronuntiavit. Unde Mendacium à vobis arcendo, omnibus etiam flagitiis aditum præcluditis.

XVII. Tandem & illud nunquam animo excidat, vos gravissimo periculo salutem vestram exponere fraudibus & Mendaciis frequentatis. Inter septem enim illa, quæ DEUS odit, secun-

do loco Salomon reponit: *Linguam Mendacem.* E diverso tam cara illi *Prov. 4. 17.* est lingua verax, & cor sincerum, ut profiteatur, se illis vitam æternùm beatam mercedis locò præparasse: *Voluntas ejus in iis, qui simpliciter ambulant. Prov. 12. 20.* Quid igitur in rem nostram dicemus, cùm coram Tribunali Judicis Divini, tam veritatis studiosi, sistemur? pro, quàm tunc fraudes nostræ omnes ut fumus vanescent! quàm tum optabimus unicè, linguam potius nunquam accepisse, quàm illâ abusos esse ad finem, tam ab illo differentem, cujus unius causâ illa nobis concessa est! Quantus nos horror occupabit, memores, quòd toto vitæ nostræ decursu instrumenta & adjutores fuerimus Diaboli, cùm ipse se fuerit architectus fraudum, quas nos verbis factisque struere adlaboravimus! *Fabricatores Mendacii.* Non ita post hac, Carissimi; si hætenus dileximus vanitatem & Mendacium, amemus jam Veritatem, cùm hanc tam ad amissum à nobis postremo illo die exacturus sit DEUS. *Veritatem requirit Dominus. Is. 30. 14.* Si elaborando, ut similes simus Patri Cœlesti, ejusque nos Divinis propensionibus conformando, indubitata spe præcipere poterimus, quòd tanquam filiis obventura sit æternæ hæreditas gloriæ per omne deinceps ævum fruendæ; quæ in ipsa æternæ veritatis visione consistit, inspecta ut est in se purissima? adeò, illa non peregrino sub schemate visa, potens est ad totum videntis animum sui amore inflammandum.





## DISCURSUS XXXI.

*De Peccatis, quæ solâ cogitatione admittuntur.*

I. **D**UO potissimum necessaria sunt ad munimentum quodlibet ab hostium oppugnatione & insidiis strenuè defendendum :

Vigilantiâ & Robur. Illa insidias præcavet : Istud vim arcet. Et verò has ipsas artes bellicas Divinus à nobis Spiritus exigit verbis illis Proverbiorum pulcherrimis & aptissimis : *Omni custodia serva cor tuum.* Hoc enim est dicere : Arcem animi tui nullo non defensionis genere custodi. Defende, inquam illam vigilantiam summam, ne aditus hosti pateat, ad illam per insidias occupandam accedenti : defende illam fortissimè resistendo, cum vim ille adhibet ad expugnandam. *Omni custodia serva cor tuum.* Sed qui tandem sunt implacabiles animi & cordis nostri hostes, contra quos DEUS nos tantâ solertiâ, tantâque fortitudine & audaciâ armatos esse jubet ? Sunt cogitationes pravae, hostes occulti æquæ ac violenti, contra quorum artes ego vos hodie quàm diligentissimè obarmem necesse est : sic ut vos tam occultis eorum technis, quàm eorum violentis assultibus probe cognitis, conatibus eorundem invigiletis, ut neque dolis & artibus vos circumveniant, neque apertâ vi vos ex-

pugnent : nec enim de nihilo ; aut tribus capellis, sed de animâ, sed de omnibus, quæ habetis, agitur. *Omni custodia serva cor tuum, quia ab ipso vitâ procedit.*

II. Ut Divinos oculos res planè nulla, ita nec humanorum cordium intima, & arcanissima effugiunt. Ita nos docent verba Ecclesiastici : *Oculi Domini multò plus lucidiores sunt super Solem, circumspicientes omnes vias hominum, & profundam abyssi, & hominum corda intuentes in absconditas partes.* Atque hæc causa est, ob quam omnes inter Legislatores unus DEUS etiam cordis peccata prohibeat : *Non Exod. concupisces domum Proximi tui &c. 20. 16* Quia nimirum solus ille cognoscere potest, quando solo animo & cogitatione peccetur. Humanæ Leges furta, non furtorum desideria vetant : vetant cædes, sed desideria hominem aliquem è medio tollendi non vetant : vetant adulteria, sed non adulterandi voluntatem. Et si quis ambigeret, an ullum uspiam extet præceptum, quo desideria etiam prava proscribantur, advertat, an uspiam puniantur. Si enim non puniuntur, ne prohibentur quidem. Nam, si Doctori Angelico credimus, *illud propriè cadit sub præcepto legis, pro quo pœna legis*

*gis infligitur.* At DEUS, ut vetat, ita desideria perverſa ſeveriſſimè etiam vindicat: nec aliunde diſcriminis huiuspetenda ratio, quàm quia, ut conſtantiſſimum eſt, qui leges ex hominibus con-  
 dunt; ea ſolùm in homine cognoscunt, quæ foris apparent, non aliter, quàm qui machinam horologicam undique clauſam ex ſolo horarum indice cognoscit. *Homo videt ea, quæ parent, Dominus autem intuetur cor.* Ita nimirum, ſicut faber, ſeu artifex machinæ etiam; quæ intima illius ſunt, totùmque ejus artiſcium pernovit, rotarum peccantium motus à non peccantibus diſcernit, corrigit; ita humani cordis Conditor DEUS operis ſui ſecretiſſima obtuta pervadit: *Spirituum ponderat eſt Dominus.*

III. Hinc eſt, quod antequam Chriſtus ipſe Servator veniret, humanique cordis peccata nos doceret, illa maximam partem laterent ignota; imò videtur affirmari poſſe, quòd etiam remedio caruerint. Antiqua ſiquidem lex, Divino licèt ore tradita, non tamen (tanquam promulgata populo rudi & indocili) tot inter ritus, quibus veſtium, vaſorum, ciborum, domorum, ſupelleſtilium, & totius hominis fiebat purgatio: tot inter Sacrificia propitiatoria, pacifica, expiatoria, ullum erat lavacrum purgandis animi maculis paratum, Sacrificium ullum eluendæ culpæ deſtinatum: hinc Angelicus: *Pro interioribus actibus certa Sacrificia non injunguntur in lege.* Venit ergò Legislator ipſe, & ad radicem ipſam malorum evellendam, eam oculis omnium

expoſuit, docuitque ex ea, pravis, inquam, deſideriis, vitia cætera omnia progigni; teſtatus inter cætera, ut quis alieni thori violator dici queat; ſolum cor & animum ſufficere: *Qui Matt. 5. 28. viderit mulierem ad concupiſcendum Joſeph l. 12. ant. eam, jam mæchatus eſt eam in corde ſuo.* Et verò Hebræorum olim nonnulli eò ignorantix devenerant, ut in opere externo ſolo totam rationem peccati conſiſtere exiſtimarent. Sed dicamus quod res eſt; nec inter Chriſtianos hodièque deeſſe videntur, qui tam turpem & ſupinam inſcientiam imitentur: hi enim cùm quotidie in conſortiis, ad quæ accedunt, in conventiculis nocturnis, dum inviſunt, dum procantur, ſexcentis deſideriis laſcivis conſentiant; quia tamen ſubinde illa re ipſa non explent, nec opere deſtinata exequentur, ab omni ſe labe puriſſimos exiſtimant; neque verò Dæmon, qui probè advertit, quàm ſibi ipſis miſeri illudant, multum in eo operæ ponit, ut ad deſiderata proſequenda, & executionem impellat; cùm, quod ſpectabat, jam obtinuerit; & mortem animæ intulerit nequiſſimis cupiditatibus, quas excitavit. Accipitrum genus eſt, quod ex captâ improvidæ alicujus volucris prædâ aliud non devorat, niſi aut cor, aut cerebrum. Dæmon neutri parcit, ſed improvidorum ejusmodi mortalium cor devorat, dum voluntatis ſolus conſenſum & approbationem turpium objectorum extorquet: ſubinde & cerebrum abſumit, dum efficit, ut, quæ cogitando peccârunt, planè contemnant; & tan-



quam rem minimè malam, inter confitendum cætera peccata, omnino prætereant. Reliqua quæ de prædâ supersunt, sæpè nequam ille ne tangit quidem: sed cui bono?

IV. Pro quæ isthæc inscientia est; nihili facere, & sacro Judici non aperire peccatum, quia animo solo commissum; Perinde hoc est, ac febrim negligere, quia illa intimas tantum per fibras grassatur, nec foris vel calore nimio, vel membrorum agitatione se prodit: cum plerumque tum sit maximè pestifera, cum tota intus latet.

*Si exteriora frigent, interiora calent*  
*Ap. 1. cor. cum siti, lethale.* Juvenem illum observate, qui facie marmor refert; nec verbulum obscœnius unquam loquitur, pravitate exempli offendit neminem, nullam de se suspicandi occasionem cuiquam præbet: interim intus uritur ardoribus effrenis desiderii, qui illum consumunt; & siti flagrat ardentissimâ bibendi ex cisternâ, quantumvis lutulentâ; sed tantum animi non habet modò, quia metuit ignominiosè repelli, aliàs, quia erubescit deprehendi. Disertè edico; Juvenis hujus res pessimo loco sunt; nec prælagere de salute ejus possum, nisi tristitia & funesta: febris enim & maligna, & occulta est: ut maligna necem affert; ut occulta, remedio caret. Nemo de misero cogitat, nemo malis ipsis mederi satagit, corrigit nemo: ipsemet, cum morbum suum non agnoscat, sanus sibi videtur ut qui maximè; interim mali interni vis est maxima & omni, hecetica febris infecto, deterius laborat. Vix manè somnum discu-

tit, cum, priusquam de strato se propriat, jam occurrunt imagines fœdæ, circa quasvis imaginatio, voluntate dormitante & permittente occupatur, illorum utique ex numero, de quibus Propheta loquitur: *Diluculo surgentes corruerunt omnes cogitationes suas.* 3. 7.

Si S. Joanni Climaco credimus, reliquos inter Dæmones unus est, qui *Præcursor matutinus* appellatur: cum enim hæc ipsi credita sit provincia, ut ad lectum dormientis excubet, ad præripiendum aliis omnibus locum in corde excitati; mox, ubi dormiens somnum excutere, & aperire oculos coeperit, fœdas imagines facultati imaginatrici proponit, sicque mentem primus occupat. Qui aliena in *instit.* tela pingit, & picturam, & telam *2. dere* retinere potest, ita permittentibus *divis.* legibus, quæ, tanquam benignæ, pictorem, ejusmodi in eventum, ad plus adstringere non sunt ausæ, quàm ut pretium telæ domino reddat. Nos igitur cum è somno ad rationis usum revertimur, telæ instar sumus putæ; & idcirco Dæmon si in ea orcinam quamdam imaginem primus expresse-rit, utramque sibi vindicare vult, picturam & telam; & verò utramque possidet, absque eo, quòd quidquam de Jure suo cedat; adeò nihil his ex peccatis commodi percipitur. *Diluculo surgentes corruerunt omnes cogitationes suas.*

V. Cæterum, ut mali hujus curationem ab ipsis suis principiis aggrediamur, sciatis velim quòd sicut Bonitas atque rectitudo, ita & pervertitas ac malitia actionum nostrarum

externarum, quas facultates effectrices producant, ab actibus internis voluntatis imperantis pendeat. *Voluntas est, quâ peccatur & recte vivitur.* D. Augustini sententia est. Si Belli Dux quispiam pudendo timore percussus equum in fugam concitet, fuga hæc quidem effectus equi est effulsus habenis currentis: sed totum fugæ probum & dedecus in fessorem redundat frenum moderantem, qui illum ab hoste aversum cursu præcipiti se ex prælio subducere compulit. *Voluntas est, quâ peccatur.* Unde homicidium e. g. non nisi materialiter, ut Scholæ loquuntur, consistit in externo actu, quo vulnus hosti infligitur; sed verè ac re ipsâ perversitas tota & peccati ratio à voluntate est, quæ brachio ictum imperat, quamvis ille cum DEI mandato pugnet, clamante: *Non occides.* Atque ita, ut Sapiens loquitur: *Cogitatio stulti Peccatum est*: illa siquidem facultas, quæ malum sola cognoscit & appetit, improba est præ aliis, & quod ipsa concepit venenum, externas in operationes transfundit, ut radix in ramos. *De corde exeunt cogitationes mala, homicidia, adulteria, fornicationes, furta, falsa testimonia, blasphemia.* En, ingentem lacerum colluviem, quæ omnis, Christo affirmante, à perversa voluntate derivatur. Proinde quod DEO nos abominabiles reddit, cordis malitia est, quæ etsi foras non erumperet, sed tota intus se contineret, non idèò minus improba foret: huc proinde præcipuum studium conferri oportet. *Lava à malitia cor tuum, Je-*

*rusalem, ut salva fias, hortatur Jeremias, usquequo morabuntur in te cogitationes noxiæ? Non manus duntaxat fordidæ abluite, Peccatores, sed si salvi esse cupitis, ante omnia sordes animi & cordis vestri cunctas abstergite. Ut quid serpentes pestiferos cogitationum sinu vestro, tanquam nido, fovetis tanto tempore, & molliter collocatis? Usquequo morabuntur in te cogitationes noxiæ?*

VI. Priusquam ad alia transeam, hæc me Prophetæ verba & loquendi ratio impellit, ut vobis edisseram, quomodo cogitatione solâ peccemus. Advertire igitur Prophetam non dicere, ne cogitationes noxiæ in cor Hierusalem intrent; sed vetare, ne inibi morentur, *usque quo morabuntur? In morâ siquidem ista spontanea ratio peccati consistit.* S. Augustinus moram hanc illicitam, quâ humano in corde cogitationes pravæ perdurant, explicat per id, quod statim à Mundo condito in terrestri Paradiso contigit. Nostram ibi ad perniciem tres operam junxere; serpens, Eva, & Adamus. Serpens Evæ suggestit violationem præcepti Divini; Eva probavit, & Adamo eandem suavitatem: Adamus acquievit suasioni, & re ipsa prævaricatus est. Serpens suggestionem pravæ cogitationis re præsentat: Eva appetitum inferiorem & animale, cui arridet vel utilitas, vel delectatio peccato conjuncta: Adamus, ut dominus, voluntatem refert, quæ suggestioni consentiendo Peccatum perficit, & perniciem ac mortem Animæ accersit: ita,



ut si voluntas assensum non præbeat, & pro eo, quòd manum ad pomum, seu rem quamlibet vetitam, extendat, eam à se cum stomacho rejicit ut veneniferam; quamlibet præcesserit & suggestio, & appetitus, quam dixi, inclinatio, hætenus Peccatum non est, saltem lethale, nec anima moritur. Sicut humano generi mortem non accersisset Dæmonis invidia & tentantis nequitia, neque fæminæ co-  
 1. Thom.  
 2. 2. q.  
 3. 1. ar. 5, buisset.

VII. Verùm quia animi ac cordis motus affectusque non alienos tantum, sed & nostros oculos sensumque fugiunt, observate in re præsentī duobus modis voluntatem cogitationibus pravis assensum præbere: consentit nimirum desiderio, ut cum quis ulturus injuriam, decernit secum hostem è medio tollere; & tacitus de modo viæque eum tollendi deliberat: consentit etiam simplici approbatione, quando læsus ille, post eandem inimici perpetrata, de illa gaudet, Tigridis instar, quæ labra lambit, devoratæ prædæ cruore mudentia. Hæc delectatio morosa dicitur, à morâ, quam in eâ trahit voluntas cum plenâ malitiæ cognitione. Et hanc moram noxiam adductis verbis Prophetæ increpat: *Usquequòd morabuntur in te cogitationes noxia?* Cum prioribus verbis innuisset, desideriorum pravitatem esse abominandam. *Lava à malitia cor tuum Jerusalem, ut salva fias.* Res proinde postulat, ut utrumque sedulò attendatur, à Juvenibus maximè, qui

ejusmodi documento præ aliis indigent. Ac proinde, quod ad desiderium spectat, ne quæso deinceps inducatis in animum, vos non peccasse, quia, quod desiderastis, non estis executi. *Qui cogitat mala facere, stultus vocabitur.* Ut sapiens loquitur. Non qui facit tantum, sed & qui cogitat facere. Cujus rei ratio est, quam magnus Augustinus affert; quia, qui talia cogitat; etsi nihil mali alicui faciat, facit plurimum sibi. Tantumque sibi facit mali, ut tanquam crudelis inimicus occidat Animam suam. *Qui diligit iniquitatem, odit Animam suam.* Et idcirco sicut serpenti non tunc, cum mordet, venenum nascitur, sed venenatus fuit, priusquam morfu quemquam appeteret; ita culpa ferriè non tum primum contrahitur, cum sit opus vetitum, sed jam tum contracta est, cum de eâ executioni mandandâ constitutum est, & ipsa executio non tam malos reddit, quàm antè jam fuisse ostendit. *Tales si occasiones invenient, non mali sunt, sed manifestantur.* Quod autem ad approbationem, seu complacentiam spectat, Juvenes illi, qui in suis cum altero sexu amatorii colloquiis toties de eo verba faciunt, quod ipsis in eo cœlibum statu permissum haud quaquam est, sed solum licitum sit, cum conjugio illigantur, & si verbis eâ de re abstineant, saltem cogitatione illam sibi repræsentant, cauti sint, quia si scientes tunc videntésque in eo objecto delectentur, animum suum gravi noxâ delectationis morosæ commaculant, quæ momento unico

unico mortem potest Animæ afferre.

*rist. gen. c. 4. 44.* VIII. Ut rem paucis; naturæ ordine cor in animali postremum moritur: sed ordine morali primum: & ubi hoc, voluntario assensu in malum grave, læsum fuerit, necesse est, ut omnis Animam vita deficiat. Id quod tum maximè usuvenit, cum ceptum quidem, sed non perfectum malum est. Et tamen tunc quoque non desunt, qui crassâ quadam ignoratione rem, ut par est, non æstiment, sed nihil pendant. Erit, qui personam pudicitiae studiosam aut precibus, aut promissis ad flagitium sollicitet: qua, quam debet, repulsam accipit, de tentato dein flagitio se in sacrâ Confessione non accusat, perinde ac si planè insons esset: Et tamen eo in casu geminum peccatum commissum est; desiderii scilicet turpis, & scandali manifesti, quibus non charitas minus Proximo debita, quam Temperantia & Pudicitia læsa est. Quid interest igitur eventum dein desiderio non respondere, nec istud opere compleri? In criminibus læsæ Majestatis, quibus omne Peccatum lethale accendi meretur, machinationes puniuntur, etiam non sortitæ effectum. Quid refert, quod partus scelestus in lucem non edatur? conceptus jam erat, nec per te stetit, quo minus nasceretur. Etiam humanæ Reipublicæ Legibus constitutum est, ut qui in utero latent partus, tanquam editi supponantur. *Qui in utero sunt, in toto pene Jure civili intelliguntur in rerum naturâ esse.*

R. P. Segneri Christ. Instr. Tom. I.

IV. En igitur cogitationum nostrarum initia progressusque, quibus, quantâ potest diligentia, in custodia cordis nostri oportet invigilare, juxta illud Moysis: *Cave ne fortè subrepat tibi impia cogitatio.* Sed quid tum consilii, cum assultu violento hostis arcem oppugnârit? Vigilantiæ tum Robur ac Fortitudo jungenda est, sic ut ad hostis conatus frangendos ad mortem usque, si res postulet, decertandum sit. *Omni custodia serva cor tuum.* Sanctum Indiarum Apostolum Franciscum Xaverium impurus Dæmon dormientem aggressus fœdam objecit imaginem, cujus ille horrore tanto perculsus est, ut vel dormiens obniteretur tam vehementer, ut ruptâ pectoris venâ evigilans multum sanguinem spueret. Enimverò abunde mihi fieret satis, si vos vigilantes vel dimidium ejus conatus in resistendo adhiberitis, quo dormiens obniscus est Xaverius. Sed quis ferat, quod Christianorum non pauci, cum simili assultu cor eorum aggreditur Dæmon, portas omnes latè pandant, pontes verlatiles dimittant, & oppugnantibus tanquam amicorum optimis adiutum confestim concedant? Multum aliqui sibi agere videntur, si nihil agant, & hostem neque juvent, neque illum arceant. Sed istud neutrarum quasi partium studium mihi quidem videtur manifestus favor, quo hostem prosequimur; & hoc, non consentire, tacitum consensum reputo; maximè si animus ullo modo ostendat sibi ejusmodi suggestiones displicere.

Kkk

Hic



Hic illud locum habere existimo, quod  
 Lex dicit: *Pater consentire videtur nu-*  
*priis filii, quibus non contradicit.* Dum  
 enim appetitus animalis propendit  
 ad se cum objecto illo vetito quasi  
 connubio jungendum, si voluntas  
 penitus non obstat & renitatur,  
 tacite saltem, atque oblique con-  
 sentire creditur: idque tanto certius,  
 quod se aperto exponat discrimini,  
 consensu non dubio admittendi dele-  
 ctationem, quam ne tenui quidem  
 signo sibi probat non aridere. Non  
 est proinde, quod existimetis, de-  
 lectationem morosam ideò dici,  
 quod illa diu duret, cum momen-  
 to unico compleri possit & absol-  
 vi: morosa dicitur à morâ, quâ vo-  
 luntas de eâ vel admittendâ, vel repu-  
 diandâ deliberat; cum illam mox ac  
 adverteret, oporteret rejicere. De-  
 lectatio dicitur morosa, non ex mora  
 temporis, sed ex eo, quod ratio delibe-  
 rans circa eam immoratur: nec tamen  
 eam repellit, tenens & volvens libenter,  
 quæ statim, ut attigerunt animum, res-  
 pui debuerunt. Quæ est diserta An-  
 gelici doctrina. Quamquam autem  
 res ista Animabus DEUM timentibus  
 religionem ac scrupulos injicere haud  
 quamquam debeat, quæ assuetudine  
 constanti & habitu, vel ab umbrâ  
 Peccati abhorrent, planèque ab illo  
 alienæ sunt; qui tamen vix aliquo DEI  
 timore tanguntur, est quod hîc jure  
 ac meritò metuant.

X. Igitur ut in hujusmodi affulsi-  
 bus certi simus ac securi, nos hosti non  
 cessasse, re ipsâ, & apertè resistere op-  
 timum factum est; quod fit aut Divi-

nam opem implorando, aut animum  
 aliorum avertendo, aut profitendo,  
 quod nunquam quacunque vel spe,  
 vel metu, suggestioni tam improbæ  
 velimus consentire. Hoc si fiat, te-  
 calcitret licet animalis appetitus, &  
 voluntati rebellis se in re turpi objecta  
 oblectet, nihil inde in voluntatem  
 damni redundabit, cum, ipsâ insciâ  
 & invitâ, perduellis subditus cum ho-  
 ste paciscatur. *Inter alios acta aliis* *L. si uti*  
*non nocent.* Quin fieri potest, ut hoc *ris. C.*  
 certamine ingentis fiat lucri accessio, *si Infr*  
 dummodo Animus se opponat forti-  
 ter, & reflante etiam vento, ut Nau-  
 clerici assolent, utatur ad portus ostium  
 subeundum. Ita observare licet, quod  
 DEUS miro Providentiæ suæ consi-  
 lio permittat, ut purissimæ & pudicif-  
 simæ mentes plus quàm alix vexentur  
 & affligantur tentationibus ad fœda so-  
 licitantibus, ut S. Catharinæ Senensi  
 factum scimus: ut nimirum, dum so-  
 licitatæ contrariæ virtutis exercita-  
 tione animosissimè oblectantur, de-  
 cus castimonix longè excellentius ac-  
 quirant, quàm prius habuerint, pace  
 quidem ac tranquillitate, sed non  
 Triumphis inclytum. Sic Aurifaber:  
 ut vasi suo pretioso plus splendo-  
 ris conciliet, cinereo illo suo ve-  
 lut unguento totum oblinat, ut ex-  
 ternis sordibus absterfis clariùs jam  
 micet, & illustriore splendore reful-  
 geat. DEUS verò ex eo, quod servos  
 sibi charissimos fidissimosque fœdis-  
 simis suggestionibus sollicitate per-  
 mittat, id consequitur, ut illi majore  
 animi ardore ac studio ad ipsum con-  
 fugiant; sibi ipsis majori demissione  
 diffi-

diffidant; periculis, quæ fugâ & ob-  
verso celeriter tergo vitari possunt,  
non se committant, sed ea solertissimè  
præcaveant; utque se pluribus armis  
instruant contra hostes, quos, etsi ma-  
ximè cuperent, fugere omnino non  
possunt. Apes hibernâ brumâ suis  
ex alvearibus non prodeunt, nisi tan-  
tillum per intervalla ventorum me-  
tu, à quibus dispergantur; siqua au-  
tem necessitas ad prodeundum com-  
pellet, etiam cum venti atrocius sæ-  
viunt, ne turbine longius asporten-  
tur, lapillis providè uti nōrunt ad  
obnitendum ventorum impulsui, &  
minore periculo volandum. Par pro-  
inde est credere, animas etiam illas  
DEO gratas inter discrimina cautio-  
res tantum, & excusso, quem aliàs ob-  
reperere pronum esset, torpore, vigi-  
lantiores effici.

XI. Summa igitur rei & cardo in  
eo vertitur, ut magnis animis obnita-  
mur; unde res postulat, ut potens ar-  
gumentum ac rationem suggeram,  
qua vos ad luctam istam animosam  
obfirmem, tanquam ad cordis vestri  
defensionem maximè necessariam: id  
quod aptius à me præstari non posse  
videtur, quàm si Tridentinorum Pa-  
trum in rem præsentem verba con-  
sideranda vobis proponam. Hi dum  
de Peccatis agunt, quæ cogitatione  
solâ admittuntur, affirmant, quòd  
non rarò Animam gravius vulne-  
rent, quàm peccata operis; majus-  
que illi periculum amittendæ salutis  
accerlant. *Nonnunquam Animam*  
*gravius sauciant, & periculosiora sunt*  
*illis, quæ manifestè admittuntur.* Hæc

tantâ fretus autoritate asserere non  
dubito; Peccatorem omnibus pravis  
suggestionibus consentire solitum in  
statu versari valdè deplorando;  
sive præsentia, sive futura specta-  
mus.

XII. Præsentia quidem si spectem, *1. Th. 1.*  
primò me terret multitudo peccato-  
rum, quæ admisit. Non est quidem *2. 9. 20.*  
dubium, quin peccata operum abso-  
lutè loquendo magis timenda sint;  
cum magis juvent ac robovent appe-  
titus rebelles, ac pravos habitus:  
magis perficiant peccatorum sædi-  
tatem; & sæpè insuper Proximo ex-  
empli pravitate noceant. Unum ta-  
men est, quod peccatis cogitatio-  
num proprium, illa reddit perquam  
perniciosa, ingens, ut dicebam, eo-  
rum numerus, & multiplicatio, quò  
facilior, hoc formidabilior. *Nun-*  
*quid aperta tibi sunt porta mortis, &*  
*ostia tenebrosa vidisti?* Portis his, si Gre-  
gorio magno credimus, pravæ cogi-  
tationes indicantur, per quas mors  
peccati ad Animam ingreditur. *Por-*  
*ta mortis sunt cogitationes prava.* In-  
greditur quidem etiam per sensus ex-  
ternos hæc mors: illi tamen non Por-  
tæ, sed Fenestræ appellantur. *Mors Jerema-*  
*per fenestras nostras ingressa est domus* *9. 21.*  
*nostras.* Nec hæc appellationis di-  
versitas mysterio vacat. Quod enim  
discrimen intercedit inter Peccata so-  
lâ admissa cogitatione, & externa;  
quæ sensuum ministerio perpetrata  
sunt? illud omnino; quod est inter,  
intrare domum per januam, aut intra-  
re per fenestras. Ut domum intres  
per fenestras, scalis opus est, opus est  
homi-



homine, qui scalas regat, & sæpè aliquò, qui manum scandenti porrigat. Deinde si fur est, qui intrare vult, & non deprehendi, concubiæ noctis tenebras expectet necesse est. Ut autem per portam quis ingrediat, tam multis haud quaquam opus est; pateat illa tantum, & tum non Dominus magis, aut facilius, quam fur, ingreditur. Ita res nostra se habet. Si Juvenis quispiam Puellam fallere, & illi, ut fur infamis, auferre cogitat thesaurum nobilissimum, quem natura illi & Gratia contulerint, Decus inquam Virginitatis; quot machinis opus est, ut per fenestras ingredi possit? Necesse est, incidere in Puellam planè stultam, quæ venalem ipsi offerat mercem tam pretiosam, pro pretio incertissimo sponsalium futurorum, quæ tam facile non servantur, quam facile contrahuntur. Hanc ipsam deinde oportet allicere & invitare millies, sollicitare precibus sexcenties iteratis, securam reddere contra metus innumeros, quos excitat in ejus animo verecundia: & respectus majoribus & Parentibus debitus. Studiosè vitandus est occurus matris, quam suspiciones non vanæ de occulto talimolimine conceptæ sollicitam reddunt & vigilem: observandi sunt vicini, qui mussitant, & palàm edicunt; familiaritatem istam majorem esse, quam ut ferri porrò debeat. Metuendi sunt sanguine conjuncti, ne ipsi statuam eluere cruore maculam, quam nequam iste vaferrimus aspergere tentarit eorum familiæ. Quot

scalæ ad intrandum per hæc fenestras! nec tamen istæ sufficiunt: necesse præterea est vetulam illam inducere, ut scalas sustentet, nuntios inquam, ferat, & referat: nec interim etiam sumptibus & crumenæ parci potest, sed tantum manu promptâ & liberali donandum est, quantum exigit, cujus operâ uti placet: excubare quoque oportet utroque oculo vigilem, dum alii dormiunt. Verbo, tot tantisque rebus ad potiundum optato fine est opus, ut menses nonnunquam integri abeant, quibus omnia necessaria parentur & præmittantur ad executionem furti pudicitæ ac honestatis; & quamvis tandem detur libare aquas palustris hujus ac cœnosa lacunæ, sic tamen bibendum est, ut ex Nilo canes, furtim ac festinando, metu Crocodilorum prædæ imminuentium. E diverso ut non unum, sed centena, quin & millena desiderando & cogitando delicta admittantur, apparatu & machinis nullis opus est: patet semper janua: nulla scalarum, internuntiorum, sumptuum, donorum, precum, pollicationum, timoris necessitas: sufficit amasiæ colloqui, quin sufficit oculos in illam conjicere, aut etiam illius tantum meminisse. Imò etiam dum somno miser iste Juvenis indulget, ab insidiis concupiscentiæ suæ (ut olim Samson nequam suæ Dalilæ) tutus non est; dum hæc sceleratissimis illum spectris infestat, quibus in prædam cedat; seque è somno expectatus ita constrictum jam inveniat, ut victus manus det.

XIII. Nemo proinde est, qui numerare facile possit peccata, quæ ex hac tantâ cogitando peccandi facilitate nascuntur. Dæmon dum ad prava desideria, & delectationes invitat, agricolæ seminanti comparari posse videtur: at cum ad opus vetitum incitat, agricolæ plantanti. Unius anni decursu pauca omnino novæ plantæ terræ committuntur, aut quia locus eas non capit, aut quia plantandi tempus non est, aut quia sumptibus & labori fructus non respondet, quos ad fossas aperiendas, ad plantandum; ad custodiendum, quod plantatum est, necesse est adhibere. Quantum autem anno quovis uno in agro seritur? nimirum, solo semel proficisso sufficit manum aperire. Equidem si non aliam orcus messem colligeret, quam operum vetitorum, quam non essemus beati! Parum prosperè suum illi negotium caderet. Messis potissima in desideriis consistit, quæ tantillo labore ipsi stant, cum tamen quotannis tota his horrea repleat.

*latth. 1. 52. Superseminavit Zizania, & abiit.* Manum aperit, loliorum semina spargit, desideriorum inquam pravorum, & abiit. Et cur abiit? quin potius expectat, ut suismet oculis usurpet incrementa, quæ ipse desiderat? Abit, quoniam satis novit, semen pullulaturum, quin & multiplicandum ingenti numero. Quem ergo non terreat

*7h. 1. 9. 78. 1. ad 1.* tanta noxarum multitudo, prognata ex illâ proclivitate, & facilitate, quâ solâ mente peccatur? Noxæ etiam leves, cum magnus earum est numerus, magnopere formidandæ sunt:

ut qui in urbis alicujus præsidio est miles, quamvis expertus, quamvis armis probè instructus meritò timet multitudinem civium & populi sediciosi. At si tam metuendus est vel minimarum noxarum magnus numerus, quid de numero innumerabili gravissimorum delictorum sentiemus? Formidabilis est exercitus etiam locustarum; & ad parem numerum leonum non sit trepidandum? O infelices animas, quarum ejusmodi est conditio! parum enim abest, quin dici queat, totam eorum vitam peccatum esse unicum, à manè ad vesperrum, à vesperti ad manè, ab exordio anni, ad ejus usque exitum. *Cuncta Gen. 6. 5. cogitatio cordis intenta ad malum omni tempore.* Atque ad hanc miserrimam conditionem facile delabitur homo, quando is à teneris annis excutit frenum timoris DEI, ut quâ voluntas & voluptas trahit, pro arbitrio evagetur, & nullum pratum intactum prætereat. Ita enim tenaciter pix ista stygia adhærescit, ut eâ se extricandi modus ac via non appareat; quin etiam, dum ab illa purgare se quis contendit, pronum est contingere, ut amplius inficiatur; & dum Confessione eluere vult desideriorum suorum scditatem, inter ipsum animi explorandi conatum, novâ de ipsis delictis admixtis delectatione inquinetur.

XIV. Ut porrò de ejusmodi statu aliquid explicatiùs dicam, affirmo, assuetudinem omnis generis pravis desideriis assentiendi duo potissimum, sanè quàm noxia, post se trahere. Primum est, quòd Animam



reddat omnis sensûs expertem, ac stupidam; alterum, quòd correctionis spem omnem admittat. Æthiopes in ardentissimâ cœli plagâ natos, educatôsque videbimus ætate mediâ animi causâ Solis spiculis expositos stare, ubi alius, mitiore ac frigidiore cœlo natus, sudore totus diffueret, & tantum non animo linqueretur. Non aliter infelix aliquis Juvenis, qui ne noverit quidem, quid sit tentanti orco resistere, quantumvis mediis suggestionem in flammis delicias videbitur invenire; ubi alius Xaverii æmulus, si eosdem à Dæmone ignes admoveri senserit, gemitus inter ac suspiria, lucetamque fortissimam tantum non animam ponet.

Prov.  
23. 35.

*Verberaverunt me, sed non dolui: traxerunt me, & ego non sensi.* Attollat quantum vult & potest, brachia Dæmon, & ictibus suggestionum immanissimis percutiat conscientiam pravâ assuetudine corruptam, perinde ac mancipium ad nervorum ictus induratum, & obducto collo quasi ferreum, sensum doloris prodet nullum. *Non dolet.* Geminet furorem ac conatum crudelissimus hic antagonista, & animum de consensu in consensum raptet; ne tum quidem miserandus de tantâ barbarie & raptatione conqueretur. *Non sensit.* Nimirum eorum ex numero eum esse apparet, de quibus Davidis ore DEUS. *Dimisi eos secundum desideria cordis eorum; ibunt in adinventionibus suis.* Terrent semper, non semitam mandatorum meorum, sed nequitia suâ, eotusque dum reduci nequeant & corrigi: qui alter effectus est assuetudinis pessimæ, Spina

Ps. 80.  
11.

Echini initio molles sunt, & flexiles; pilorum instar; temporis lapsu duritiâ sagittas æmulantur. Conetur quis hominem ejusmodi suis in delictis & diuturnâ perversitate induratum ad bonam frugem reducere: proficiet nihil. Videbit illum explodentem & ridentem monita ac minas tantumquam terculamenta puerorum: non opem Divinam implorabit; ne conabitur quidem, ut suis illis è laqueis se extricet; tantum abest, ut magno nisu rumpere illos laboret. Rivulus fontis suo propinquus si damnum & stragem agris tuis minetur, non magno labore aliò derivari potest, & minores in rivulos spargi. At si aliarum undarum accessu, dum longa terrarum spatia percurrere sinitur, ex rivo flumen evadit, tum enim verò irritus erit labor aliorum illum velle derivare: omnes obices perrumpet, omnes aggeres undarum suarum mole transcendet, aut perfringet. Et verò ejusmodi hominum genus malo publico natum, suisque in flagitiis obstinatum, ad integras Provincias pestiferis suis sermonibus inficiendas abunde sufficiet. Assueti enim longo usu non nisi veneno se pascere, non jam venenum, sed cibum lectissimum & suavissimum illud æstimabunt; & scelera, ac flagitia sua jactabunt ut lepores, ut amœnitates, ut Juventutis impetus minimè coercendos, quibus sine natura esse non possit, & quos nemo, qui homo sit ex carne conflatus, non sentiat. Refert Rhodiginus puellam aliquam à teneris assuetam araneas manducare, & alia venenata

nenata alimenta, tandem temporis lapsu ita evasisse pestilentem, ut solâ oris sui salivâ mortales interficeret. Non dispar est eorum, de quibus nobis sermo, conditio. Væ illi, quem mala fors tanget, ut ejusce farinæ homini loqui solus soli debeat! sicut ipsi veneno pascuntur, ut cibo, ut, inquam, pravis desideriis indulgent, tanquam minimè malis ac noxiis, ita aliis non salivâ tantum, sed voce, similem pestem afflant, nisi ab eorum se confortiis segregent.

XV. Nec tamen hic finis malorum. Nam & mortales conditionis tam miserandæ rectè quis avi comparaverit, cavèa clausæ, propè quam accipiter circumvolitet. Bis illa misera est: ob captivitatem inprimis, quâ jam detinetur: deinde ob imminens ab accipitre periculum, qui identidem propius ad eam lacerandam devorandamque advolat. Sic assuetus omnibus pravis desideriis aditum dare, præter calamitatem, quam patitur ex lapsuum suorum facilitate, & numero noxarum continuatarum, est quod jure metuat in futurum, & illud momentum, quo hinc in æternitatem perget. Aut enim mors supervenit improvisa, ut fur, aut aggreditur ut latro vi apertâ & prævisâ. Si improvisa, & nihil minus metuentem opprimat, sit ut mortuum prius quàm morientem se miretur; actum est æternum de miserrimo, tanquam tot noxarum reo, & peccatore perpetuo, qui vix sacro è Tribunali egressus, quod, ut vipera evomuerat, vene-

num reorbet. Si non ex insidiis, & non opinantem mors auferat, sed vim adhibeat manifestam, sic ut ille sibi migrandum prævideat, assero tum discrimen perdendi æternam salutem esse, si non certum & evidens, saltem multo verisimillimum. Lectum enim illum, quem ejusmodi homo morti proximus occupat, campum dicere possumus, in quo pugnandum illi sit cum orco, majori furore & atrocitate, quàm nunquam aliàs, illum aggressuro. Sanctissimus Genevensium Præsul Franciscus parùm aliquando à mortis confinio absuerat. Falsus dein est, recuperatâ valetudine, tentatum se tum fuisse à Dæmone sophismatis tam argutis, subtilitatibus tam ingeniosis, ut sanus nihil se unquam tale expertum meminisset. Nemo sibi persuadeat, ita se illo momento tentandum, ut nunc solet. Haud quaquam sanè: periculum enim amittendi tum Animam, maximè diu ante hac à se possessam, Dæmonem ut cautissimum, ita planè ferocem ac crudelem reddit. Nunquam Leo prædam amplectitur & stringit arctius, quàm cum illa fugam molitur: nec Pharaon vera & viva Dæmonis imago, unquam tam atrociter Hebræam gentem affixit, quàm cum fugam ex Ægypto ipsa meditaretur. Proinde dubium esse non debet, quin quo hinc migrandum est momento, juratus iste hostis oppugnaturus sit viribus majoribus; quàm unquam: & si tum fortè sacra ad præsidia recurrat anima, stimulo id ipsi erit, ut



conatus geminet, & omnem artem exerat, ne illius jacturam subeat. Quæ autem tunc erit tentationum materia? an verba vocésque impiæ? atqui has vos sæpè tum frustra moliri apprimè novit. An opera? sed videt jam motus omnis expertes. Solum igitur cogitationum ea pugna erit, & cordis tantum arcem totus impetus oppugnet, quæ expugnata, nihil porro, quod vincat, superest. Quomodo autem tunc luctabuntur & obnitentur miserrimi Peccatores, cum viribus adeo exhausti sint? quomodo pugnant, qui artem tractandorum armorum didicerunt nunquam? Quomodo eludent machinarum curulum vim ac furorem, si de aggeribus, muris, propugnaculis, cum tempus id suaderet, cogitarunt nunquam? Iani, impetum, quo propellerentur, non expectarunt; nunc debiles exhaustique resistent repetitis tanto numero ictibus atque impulsibus? Male metuo, ne plures uno Infernus incolas recenscat, qui post animum Confessione sincerâ expiatum, post omnia ad felicem transitum media solerter adhibita, cogitatione adhuc aliquâ aut desiderio dein peccarint, æternumque perierint. E multis, quæ eâ de re passim referuntur, exemplis unum seligam, ex quo nemo non multa, si velit, addiscat.

XVI. Alebat domi suæ faminam Juvenis, perditè prorsus à se amatam, quam ne tum quidem, cum morbus ad extrema illum deduxisset, dimittere cogitabat: unde necesse fuit, ut

amicorum aliqui, vel invito ægro, eam ex oculis amoverent, & Sacerdotem pium ac prudentem vocarent, qui confitenti operam daret; cum ipse improvidus ne hac quidem de re cogitaret. Venit Sacerdos, & quæ esset ægri conditio edoctus diligenter, tam dextrè misero ægro tamque aptè ob oculos posuit discrimen æternæ damnationis incurrendæ, in quo erat, ut ille periculi magnitudine attonitus in lacrymas solveretur, omnemque vitam tam malè à se actæ seriem ingenti cum dolore Confessario recenseret; hic autem de lucro animæ, jamjam perituræ sibi gratulans, lætus alacerque domum repeteret; cum prius ægrum animasset ad strenuè continuanda proposita, ac sensa tam pia domesticosque monuisset, ut, quamprimum res poscere videretur, se denuo evocarent. Vix Cœnobii sui limen attigerat, cum nuntius supervenit, referens: ægrum repente oppressum symptomate vivere desiisse. Neque hæc Sacerdoti dolendi materia visa est; cum gauderet potius, se tam in tempore adfuisse ad Juvenem, cæteroquin tam fœdè exerantem, in salutis semitam reducendum; sic, ut ille post elutas Confessionem tam seriâ omnes maculas feliciter utique migrârit. Quare, ut, quæ extremum ægro impenderat charitatis officia, abolveret, rectâ ad sacrarium se contulit, Divinam hostiam pro mortuo primus litaturus. Sed en rem summo stupore dignam! Dum Sacerdos sacro amiculo caput velare, humerosque tegere parat, vi abdita illud sibi

sibi tantum non è manibus eripi sentit: pergit tamen, & vestem albam corpori & cingulum aptat; sed idem tum in hoc utroque, tum in cæteris sacrificantis vestibus assumendis experitur, ut nonnisi magnâ cum luctâ, & majori horrore istis se indueret. Plurimum tamen auctus est horror ac perturbatio, cum cæteris omnibus paratis, sacrum Calicem manu prehendere, & ad Aram jam nunc accedere destinaret. Videt enim manus duas nigerrimas, quæ vi avulsum è manibus ejus Calicem procul abjecerunt. Tum enimverò gelido sudore perfusus, ingentique angore oppressus, quibus amictus erat, sacerdotales vestes ponit; & in Templum rectâ contendit, eluturus lacrymis qualemcunque noxam, quæ, ut ipse rebatur, impediabat, quò minus periret posset. Hic provoluto in genua vox ex aliquo templi latere ad aures allabatur, sic eum terrificè compellans: Sacerdos Christi, quid moliris facere? cui ille: Sacrum pro homine paulò antè defuncto facere intendo. Tum vox iterum. Noli frustra fatigari: defunctus ille ego sum, sed flammis æternis addictus. Condemnatus tu æternum? Quî id, reposuit Sacerdos, quî id fieri potuit? An non hac ipsâ proximè præteritâ nocte noxas tuas omnes mihi Judici aperuisti, idque contritione tam ardenti, dolore tam serio intensoque? Ita est, respondit defunctus, confessus sum, & ritè sanctèque confessus; nec tamen id satis fuit. Assuetudo illa pessima, quâ pravis antea suggestionibus assen-

*R. P. Segneri Christ. Instr. Tom. I.*

tiri solitus eram, ad Orcum me deinde detruxit. Vix tu, Pater, à lætō meo recesseras, & extuleras cubili pedem, cum adfuit infernus hostis, & animo species detestabilis mulierculæ, à me antea tam perditè amata, objecit. Ego magno animo stygiis his molitionibus restiti, rejecique à me hostem his verbis: Utinam hanc ego pestem vidissem nunquam, nunquam cognovissem? sed repetiit assultum hostis semel rejectus, mihiq; interiores ob oculos posuit: miseram illam & modo totam esse in jactura mei amarissimis lacrymis deploranda. Fleat, dixi, & per me tota in lacrymas abeat, quid ad me? mihi cum hac faminâ nihil porro negotii est, aut erit. Atque ita etiam alter inferni conatus irritus fuit: utinam & tertius! Demon] certè geminâ repulsâ nihil ter-ritus; non miror, inquit, ita te nunc loqui: mors enim, quam times, præ foribus est: sed si discrimen evaseris, tantumne tibi animi erit, ut charam animulam domum tuam non revoces? ne istud crudele & inhumanum facinus foret! Si evaderem, dixi, parùm antehac ejusmodi certaminibus assuetus, si inquam, evaderem discrimen, facere utique non possem, quin illam denuo ad reditum invitarem, utpote olim mihi tam charam tamque dilectam; cum & ipsa me non minùs diligeret, nihilque non meâ causâ cuperet. Nec pluribus opus fuit, assensu enim isto interno præstito, animam miser exhalavi, quam cum lethali hac noxâ cogitationis for-  
didam



didam Judæ DEUS invenisset, jure meritissimo æternæ in me damnationis sententiam fulminavit.

XVII. Quis nunc vobis sensus, Auditores humanissimi? Audistis, quæ fors fuerit peccatoris illius miserandi, qui ritè à Sacerdote expiatus, quia tamen resistere pravis desideriis & suggestionibus non assueverat, extremum illum sub articulum iterum assensus, æternum perit? Nolite tamen ambigere, quin eadem calamitas, fors eadem funestissima complures alios oppresserit, & utinam neminem vestrum eadem extremo excidio admoveat! Equidem nemo est, qui non jure metuat: maximè tamen illi, qui bibunt iniquitatem, sicut aquam, qui jam inde à primâ adolescentiâ omni turpitudinis ac sordium genere se commaculant: quorum cor, ut Regiorum palatiorum ostia, semper patet, non noctu minùs quàm interdiu, & nullâ non horâ liber Dæmoni ad illud aditus datur. Quomodo illo in momento se gerent miseri, ex quo pendet æternitas? Demus; non desit iis tempus ad animum Confessione purgandum: etiam re ipsâ sordes omnes verâ Poenitentia abstergant: non aggrediatur eos hostis orcinus conatu magno, sed perlevis; an non, quas facillè alii riderent suggestiones, his ipsi ut gravibus, ob assuetudinem illam suam funestissimam, non difficulter assentientur?

*strab. l. 1.* Aqua quò est impurior, hoc faciliùs  
*15. Geo-* incalcescit: unde observatum olim  
*graph.* est, aquas Nili, quæ nunquam non

multum limum trahunt, vix medicamentum illius ignis poscere, ut effervescant, quem aliunde hausta aqua desiderat. Nec alia cœnolorum & palustrium horum cordium conditio est: parvus ignis sufficit, ut lascivis desideriis exardescant: unde pereunt minimis quibusque rebus, & cum Absolone suis è capillis, nimium prolixis & vagis, inextricabili nodo pendunt.

XVIII. Superest proinde, charissimi AA. ut sapiatis tempori, & amplectamini, quod Divinus Spiritus Isaïæ linguâ suggerit, consilium. *Au- 25. 1. 16*  
*ferte malum cogitationum vestrarum.*

Ingens omnino Animæ malum sunt peccata interiora, tam gravitate, quàm numero suo. Gravitatis & magnitudo tanta est, ut DEUS interiora cum externis conferens, hæc mala tantum, illa autem pessima pronuntiet: *Convertimini de viis vestris malis: Zachar. 1. 4.*  
 En gressus malos, quos in viâ iniquitatis operibus ipsis facimus. *Et de cogitationibus vestris pessimis.* En peccata desideriorum, quæ idèd forsân pessima dicuntur, quòd præ aliis minùs agnoscantur. Pari modo periculosus sanè animæ morbus est, assuetudo corde peccandi, ob ingentem, quo admitti solent, numerum, sic ut vulnus curationem porro non admittat. *Insanabilis est dolor tuus propter multitudinem iniquitatis tuæ. Au- Jerem. 30. 25*  
*ferte igitur malum cogitationum vestrarum.* Auferte perniciem Animæ vestræ certissimam; auferte malum, quo Magnus DEUS tam graviter læditur,

dicitur, quo salus vestra tanto discrimini exponitur, malum, quod sive in se, sive aliis comparatum spectetur, nunquam non est gravissimum & maximum.

XIX. *Auferte malum cogitationum vestrarum.* Non jubet DEUS, ut auferatis cogitationes malas, sed ut auferatis malum cogitationum; ut amoveatis, inquam, ante omnia earum occasiones, faces, fomenta; tam vigili, oculorum maxime, custodia, quam consortii pravorum fugâ, quam etiam librorum piorum lectitatione, qui sanctiores & castiores cogitationes suggerant & excitent! Divinique verbi, cum pro concione explicatur, avidâ & attentâ; suo tempore, perceptione. Duplici munimine natura Cor nostrum obsepsit: primum est costarum, quæ foris illud muniunt: alterum membranæ, quàm proximus tanquam fasciis involvitur, tegiturque. *Æmulamini & vos providam hanc matrem: munite inprimis cor vestrum extimo piarum actionum agere; deinde propius, animi devoti ad Divinam opem postulandam perfugio; quâ solâ non præcavere tantum & arcere malum possumus, sed etiam jam præsentem mederi; siquidem non erravit Propheta, dum DEI nomine loquens dixit. Abiit vagus in viâ cordis* 57.17 *sui: Vias ejus vidi, & sanavi eum, & reduxi eum.* Nihil autem perinde necessarium est, ac, ubi ejusmodi suggestio animum vestrum pullat, contestim & nullâ prorsus morâ interpo-

sita illam rejicere, non autem velut pacisci cum illâ, aut cum Dæmone, quando hic ejus author est. Sanctissimus ille senex Eleazarus vix audita violandæ Divinæ Legis conditione, absque morâ respondit; mortem se potius, quàm transgressionem hanc malle. *Respondit citò, malle se præmitti in infernum.* Et hæc nimirum celeritas, si quidquam aliud, tutos vos in tot periculis præstabit. Tanais, licet Regiones immani frigore horridas percurrat, nunquam congelascit; tantâ enim velocitate rapitur, ut aquæ condensandi se moram non habeant.

XX. Verbo, non sufficiat vobis non cedere, non admittere pravitate: sed repellite actu ipso, & vim vi eludite. *Auferte malum cogitationum vestrarum.* Quod si animalis appetitus obmumet, & insanum traducite, Jobi exemplo, qui conjungem ut stultam repulit, cum ista sollicitaret ad execrationes, & defectionem à DEO: nec unquam conatus vester nimius vobis videatur, in negotio, ex quo Animæ salus pendet. *Omni custodia serva cor tuum, quoniam ab ipso vita procedit.* Quæ enim aliàs dolendi, quin & desperandi materia; damnavi æternum unius solius cogitationis causâ! O Anima infelix, si unquam contingeret te in tantæ calamitatis abyssum ruere tantillæ rei merito, quid diceres? Quàm merito illud Prophetæ ingeminas. *Venatione ceperunt me quasi avem, inimici*



*ei mei gratis.* Nec tamen æqua querela, nec justus tuus dolor esset; eo enim pretio mercem tibi suam Dæmon vendidit, quâ ipse pro se olim emit. Una cogitatio Dæmonem æternum miserum fecit: unâ cogitatione effecit, ut & tu æternum infelix sis. Non igitur jure doles. Quare patere in omne deinceps ævum, & obmutescere: aut si lamentari juvat ac queri, de te so-

lâ querere. Excubemus ergo vigilantes ad cordis nostri custodiam, omni conatu illud propugnemus: ut ita arcem, nobis creditam, Christo Regi nostro servando, tanquam fortes & strenui milites: quâ ille die de suis hostibus gloriosus triumphabit, præmiis ab eo maximis æternisque donari mereamur. *Qui vicerit, da-*

*bo ei sedere mecum in Throno meo.*

*Apos.  
21.*

## Finis Primæ Partis.



